

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

經部
第一四冊



責任編輯：孫言誠 賀 偉

ISBN 7-5333-0580-9



zc06/04

四庫全書存目叢書·經部一四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 44.875 印張

1997 年 3 月第 1 版 1997 年 3 月第 1 次印刷

印數 1 - 100

ISBN 7-5333-0580-9

Z·55 經部定價：66000 圓

經部第一四冊目次

經部·易類

易會八卷首一卷(二)

〔明〕鄒德溥撰
北京大學圖書館藏清同治九年袁州府學副齋活字本

.....一

像抄六卷

〔明〕錢一本撰
中國科學院圖書館藏明萬曆刻本

.....九九

四聖一心錄六卷

〔明〕錢一本撰
故宮博物院圖書館藏清錢濟世蘭雪堂刻本

.....三四二

易筌六卷附論一卷

〔明〕焦竑撰
中國科學院圖書館藏明萬曆刻本

.....五二〇

易會八卷首一卷(二)

〔明〕鄒德溥撰

北京大學圖書館藏清同治九年袁州府學

副齋活字本

附《四庫全書總目·易會八卷》

提要

易會卷五

安成鄒德溥述

後學甘西
門人施士美
男明

宋大夏
男明
同校

三三說

損有平元吉无咎可貞利有攸往易之用二簋可用享

自陽爲陰謂之損自陰爲陽謂之益損之爲卦也兌貞
艮則若移三之陽爲上故其象爲損下益上益之爲卦
也震貞巽則若移四之陽爲初故其象爲損上益下夫
損上亦損也乃獨以損下爲損益上亦益也乃獨以益

鄒太史易會

卷之五

損

一

下爲益何也貴以賤爲本高以下爲基富不藏於國而
藏於民聖人命名之微意也夫損非民之所欲也損而
能使民孚者何以佚道使民雖勞不怨以生道殺民雖
死不怨殺者民知所以損我者乃所以生我則信之矣
損而能使民孚此必其大利於民者也夫故元吉无咎
可貞利有攸往然損下而得者亦易所用哉苟有明信
天地自格祖考自歆即二簋可用爲享奚取於繁文縟
節而以損下爲上上而節下說而應孚象六爻皆應亦
孚象艮上兌下男女正位貞象互震爲竹簋象

彖曰損損下益上其道上行損而有孚元吉无咎可貞利有攸往曷之用二簋可用享二簋應有時損剛益柔有時損益盈虛與時偕行

損下益上者民既瘠矣君安得獨贏乎故曰其道上行謂損之道且及上也此釋損之所由名也然損而曰元吉无咎曰可貞曰利有攸往何損而有孚乃爾也享祀宜豐也乃曰二簋可用者以時當損也時當其損則二簋可矣萃則非大牲不可也故曰二簋應有時蓋損不可以概用也即卦之損剛益柔亦其時然耳下方純剛

鄒太史易會

卷之五

損

二

則過盈上方純柔則過虛茲乃可損三益上耳非然者詎容輕損乎蓋物盈而不已者勢必消消則損虛而不已者勢必息息則益時當盈而損不能逆時而使之益也時當虛而益不能逆時而使之損也聖人亦惟與時偕行爾矣時損而損時益而益此其所謂易與

象曰山下有澤損君子以懲忿窒慾

山下有澤若損澤中之土以爲山之高然故稱損夫人之累德者莫如忿與慾日損之而有餘者亦莫如忿與慾是故君子務懲而窒之然必究至於无可容吾忿而

後忿可懲也究至於无可容吾慾而後慾可窒也忿從我起我象不立惡乎忿慾從我動我象不立惡乎慾語曰射人先射馬擒賊先擒王必忿起而後慾慾動而後窒晚矣

初九已事遄往无咎酌損之

彖曰損益盈虛與時偕行則損益視盈虛以爲節者也初以剛居剛至盈也四以柔居柔至虛也損盈以濟虛則其往也不可後故我雖有事當且已之而遄往也既許其遄往矣又曰酌損之何也酌損者酌其人以爲損

鄒太史易會

卷之五

損

三

之節也其人之可以受一也而投之以二則格矣其人之可以受二也而投之以十則格矣竭所有以輸之而无當不若投之以其所能受之爲益也以其不可後也而過之以其不可竭也故酌之此所謂時也兌故說以益上卦變爲業告人者也初筮告瀆則不告亦台所謂酌損義

象曰已事遄往尙合志也

及其疾未深而投之尙庶幾其合志也此其所以貴遄與

九二利貞征凶弗損益之

當損下益上之時又以貞爲利征爲凶者何二雖剛而居柔則非甚盈也五雖柔而居剛則非甚虛也已且不能以自克而遠徇人乎端貞自守必不舍所學以徇上上且嚴其德而飭焉此易假損己以益之乎夫以損己者益人則其益止所損已爾以无損於己者益人而後其益爲无方此五所以獲十朋之龜與兌故說以益上變震爲動爲躁故語以貞而戒其征象曰九二利貞中以爲志也

鄒太史易會

卷之五

損

四

以九居二而曰貞者以其位中故也中以爲志不矯不徇夫故能益上而弗自損

六三三人行則損一人一人行則得其友

卦所稱損剛益柔者以損三益上言也三本乾之三陽與初九九二同行者也乃損而爲陰以益上故曰三人行則損一人九三上而爲上則上六下而爲三於是乎剛柔偶合以相翊故曰一人行則得其友夫人兩相與則帶益之以三則疑生疑生而損基之是以君子貴致一焉君臣一心國必治兄弟一心家必昌將士一心戰

必勝獨天地男女乎哉曰三日一亦借象以著義不必泥人言否則君无羣臣夫无朋子繫辭以綱緼構精言一亦可想已三人位故稱人兌爲朋友故稱友

象曰一人行三則疑也

獨一人爲得者以三則疑也

六四損其疾使遯有喜无咎

六四當受益者也而曰損其疾者何彼其能受人之益而後疾損也益之者誰初九是也遯卽初之遯也四苟吝受初欲遯往得乎故遯者初也使之遯者四也四能

鄒太史易會

卷之五

損

五

使初遯來則疾之損速矣不亦喜乎凡陰陽不平則疾生四以陰居陰乘承又陰乃所由疾也而得初九之陽以療之茲所爲損而有喜乎若四者貞所謂善補過者也故无咎艮爲離火焚山疾象而得兌澤以濟之損疾象

象曰損其疾亦可喜也

无疾固可喜也疾而能損復於无疾亦可喜

六五或益之十朋之龜弗克違元吉

龜神物能知吉凶者也十朋之龜最大而靈蓋象聰明

之至也六五中順居尊虛己以受天下之益其益无方故若或益之以十朋之龜使其明皆煌煌察虛盈變化之幾晰安危利害之自於以决天下之疑而默成大業于无迹有雖欲違之而不得者蓋合千萬人之見以爲見合千萬人之明以爲明此其智之所以如神也以真知所從來故曰或益之以无心於得而得也故曰弗克違益之以土宇版章其益幾何益之以慧知明通此其益殆非思議可及矣吉何如之兩貝爲朋元龜背文二十貝故稱十朋離爲龜損益總象類離故皆稱龜長爲

鄒太史易會

卷之五

損

六

巽卦變中孚秉光明之德而行以巽且感孚於天下故來十朋之益

象曰六五元吉自上祐也

夫人之益也必有自大五之元吉莫知或益之意者其自天祐乎思或啟之行或翼之益有神感而神受者矣上九弗損益之无咎貞吉利有攸往得臣无家

上九受三之益者也益而克故能以其所以益我者還益之善之以其所自具既以與人己愈有利之以其所各足既以富人己愈多此所謂拂損益之也益而不罰

庸何咎豈惟无咎夫且貞吉夫且利有攸往舉象辭之美悉屬上者以其成卦之主也三亦成卦之主獨屬上者以受益者言也臣指三陽臨陰上臨下故稱臣家非獨以貨產言學與行自成一家者皆是我一有家則家以外悉非我有矣視人之技若己有者必其死他技者也得臣无家之旨深哉上九曷能爾損之又損以至於无也良爲門家象變坤臣象故曰得臣无家

象曰弗損益之大得志也

弗損之益其益无方此所以大得志也曰大得志總貞

鄒太史易會

卷之五

損

七

吉利有攸往得臣无家而括言之也

三三 艱卦

益利有攸往利涉大川

益之爲卦以益下名也上自損以益下下必心悅而歸之操斯以行曷往弗利豈惟履順卽涉險可矣要之卦才本自有利義故彖傳錯舉而釋之

象曰益損上益下民說无疆自上下下其道大光利有攸往中正有慶利涉大川木道乃行益動而巽日進无疆天施地生其益无方凡益之道與時偕行

自上下下卽指四下初言以其益下也則民說以其下下也則道光此所以名益也下下卽以貴下賤義異震皆木也木主生益下之道生道也操生道以御世何險弗濟故託象於木之涉川以明之乾施四於坤而坤得之以成震此天施地生之象也曰无疆曰无方要總明益利之義與時偕行義與損同不言盈虛承損言省文也然則益下亦以時乎曰益不以時惡乎繼益而時乃克常益惟天之益萬物也亦以時

象曰風雷益君子以見善則遷有過則改

鄒太史易會

卷之五

益

八

六子曷不益萬物哉乃獨歸之風雷何也水火山澤祇克給聚萬物必散之動之乃後增長故曰風雷益君子法風雷之烈迅以自益要惟見善則遷无少逡巡有過則改无少係吝不烈不迅而能日益者罕矣

初九利用爲大作元吉无咎

初九一爻乾所施於坤而成震者蓋管生物之樞而主益下者也當初四之未易本否象乾坤始交而成益則轉否爲泰實惟斯時苟不能大有作爲置天下於久安長治之域後雖欲爲之死及矣故曰利用爲大作如均

田正賦以厚天下之生建學飭紀以正天下之德建官分職以經天下之治布兵設險以衛天下之寧皆所謂許謨遠猷開天下以无疆之益者也吉孰大焉雖若不能與天下休息乎无爲寶乃以佚道使之夫何咎

象曰元吉无咎下不厚事也

夫至於大作非能以天下恬愉者然乃稱元吉无咎何也下民賤且愚彼自不能以厚事上不大作而爲之所則下何賴焉作乎其所不得不作故吉且无咎

六二或益之十朋之龜弗克違永貞吉王用享于帝吉

鄒太史易會

卷之五

益

九

六二以中正柔順之德而居益府又降而比大作之賢蓋虛已以來天下之善者也故若或益之以十朋之龜牖其聰明四達沈幾先物爲天下決大疑定大業有雖欲違之而弗得者彼且與惠心之主應永貞以代終而弗敢成也不亦吉乎有賢如此所謂神明之主也王用之以享上帝則王且並受其吉享非獨以祭祀言書不云乎惟尹躬暨湯咸有一德克享天心又曰籲俊尊上帝蓋帝臣不蔽是乃所以享帝也二與五中正交慶故見用至此帝出震而齊巽者也二居震而應巽故於此

發享帝義益之二損之五也故辭同卦變皆中孚故皆稱龜

象曰或益之自外來也

自外來釋或字意謂莫知其所從來也正與自上祐同義

六三益之用凶事无咎有孚中行告公用圭

天下有順而益之者有逆而益之者益之用凶事所謂逆而益之者也曷言乎益之用凶事如兵凶也然而用之以定亂則民所恃以綏也刑凶也然而用之以懲奸

鄒太史易會

卷之五

益

十

則民所恃以和也茲不亦所以益之乎庸何咎六三懷益下之心而處動極故其象如此然至於益之用凶事非其心之孚于民不可即孚矣而非行之以中亦不可有孚中行則執此以通誠信而告成於公上可矣如臯陶明允欽恤制百姓于刑中而舜信以為四方風動時乃休則此爻之徵與三四以一封言乃在中故皆稱中行與中行獨復同

象曰益用凶事固有之也

言固有以凶事益者恐人知順之益而不知逆之益故

解之爾也

六四中行告公從利用為依遷國

益之六四則損之六三也皆以身為益者也六四懷益下之志而以中行彼其告公必見從矣故利用為依遷國初九本陰也六四本陽也而相易也故初九為遷國也四自損以益初則初九之遷六四資之也故初九利用依我而遷也然遷國亦是借象管仲之遷實依鮑叔子產之遷實依子皮以鮑叔子皮告公從也以二為享帝之吉占四為遷國之吉占非不是然泥而論之則不

鄒太史易會

卷之五

益

十一

察於立象盡意之旨矣巽變乾巽而能健是以利用為也

象曰告公從以益志也

四所為告公而從者以其志於益下也

九五有孚惠心勿問元吉有孚惠我德

益下之心惠心也大作如初永貞如二中行如三四是皆心乎下者也九五陽剛中正懽然相孚推心而任了无疑貳苟利於下聽其予而不問下且受益无疆矣吉何如之我有孚惠心臣亦且有孚惠我德匡我以仁翊

我以義使我德浹於天下則所謂惠我德也上之惠下也不貴以跡貴以心下之惠上也不貴以姑息貴以德故上曰惠心下曰惠德勿問正應告公何下必告公臣禮也上直使其勿問此所以爲孚也變艮卦爲頤頤養賢以及萬民亦惠心惠德義

象曰有孚惠心勿問之矣惠我德大得志也

有孚惠心又何問焉眾惠我德乃克大遂我益下之志上九莫益之或擊之立心勿恒凶

上處巽之成夫固躁進躁退者也又當益極極則變益

鄒太史易會

卷之五

益

十二

下之心且變而爲損下矣故爲立心勿恒之象夫民所爲益上者謂其恒益我也立心不恒則眾莫益之且或有擊之者矣不亦凶乎益之上六卽恒之九三皆以異比震故辭同噫損極弗損益極莫益此可深長思矣異爲坎入於險亦擊而凶象

象曰莫益之偏辭也或擊之自外來也

偏辭虞孟作徧晁本從之最是莫益之謂死一人益之者以言乎眾心之皆疾也故曰徧辭自外來謂不知其所從來也徧辭釋莫字義自外來釋以字義意旨自明

三三號下

夬揚于王庭孚號有厲告自邑不利卽戎利有攸往

陽長至五勢必盡一陰而夬之故其卦爲夬郭京舉正夬下脫亨字以五陽而夬一陰亨可知也然一陰乘五陽又且近五蓋小人之肆于君側者可易決哉必羣陽心孚相號警以危厲庶克乘間而夬之乃其夬之也必自彼所邑諷告以勢之必克而夬之不可後使其黨離而自潰則得矣必以武震非利也何者君側非用武之地也然陽長至是陰之必決勢也一陰不盡何以成乾

鄒太史易會

卷之五

夬

十三

獨貴懼而奸謀耳寧容止哉五互乾又尊位王庭象彖曰夬夬也剛決柔也健而說決而和揚于王庭柔乘五剛也孚號有厲其危乃光也告自邑不利卽戎所尙乃窮也利有攸往剛長乃終也

郭京舉正和下脫乃亨字健而說故決而和也決而和乃其決所以亨也剛決柔何貴于和柔乘五剛方且揚于庭故必危乃光也夬尙剛武然不可施之君側則窮矣故惟是告自邑也不利卽戎然必往者陰盡決剛長乃終也不容不決又不可以戎決故決而和乃亨

象曰澤上於天夬君子以施祿及下居德則忌

澤之氣上騰於天勢必決而爲雨露未有積於天而不下者故君子法焉以施祿及下然上之祿下非以爲德也以天下之貢賦祿天下固將以安天下也如居以爲德夫且有靳而不輕施之意則何以鼓舞賢才而安天下此君子所以忌也忌之爲警深矣夫

初九壯于前趾往不勝爲咎

以健銳而當夬初蓋少年新進之豪不勝嫉邪之心急於一決以快志故爲壯于前趾之象彼其志要以決去

鄒太史易會

卷之五

夬

十四

小人非咎也然使決而不勝適乃貽害于國家故告以往不勝爲咎蓋欲得其必勝之算而後往也舊謂往必不勝亦不察于辭旨矣大壯之長則爲夬故夬初與大壯之初同前趾謂前往之趾也變巽爲躁卦變大過過於擯陰而動以躁亦壯趾不慮勝之象

象曰不勝而往咎也

君子慮勝而後動故勝在往前不能必勝而往能无咎乎此正釋往不勝爲咎意

九二惕號莫夜有戎勿恤

吉以其不用壯也故爻不言壯乾爲離健而明於幾亦不過用其壯之象

象曰九二貞吉以中也

四陽惟二中故獨得貞吉九居二不正曰貞吉者以中也玩未濟九二象傳曰中以行正也義更顯然矣凡九二言貞者悉倣此

九三小人用壯君子用罔貞厲羝羊觸藩羸其角

九三勢益進又處健極剛而不中過於壯者也故聖人爲之戒曰夫惟小人乃用壯君子且不自知其壯寧肯

鄒太史易會

卷之五

夬

十五

用哉苟用壯雖貞亦厲如羝羊之觸藩而羸其角耳壯羊三歲爲羝羊之最壯者羸古與羸字通蓋觸而羸其角於藩也變兌故稱羊震爲竹爲葦故稱藩健而行之以說亦用罔之象

象曰小人用壯君子罔也

句法與君子好遯小人否同

九四貞吉悔亡藩決不羸壯于大輿之輹

九四剛長之首統率諸陽以決陰者乃能以剛居柔壯而不過貞之道也吉又何悔矣藩決不羸承三言也三

才剛矣體健矣方操大臣之柄協眾陽以決一陰乃惕然如臨大敵號羣僚以交警何其慎與此無他位柔履中變而離且明於幾故善用其壯若此雖然警欲靜慎欲不憚即小人陰謀不測卒起意外之變若暮夜有戎然則吾固有以備之而又恤焉毋乃擾吾神而驚眾乎蓋至於勿恤而識滋宏矣上六陰也故象爲暮夜爲戎象曰有戎勿恤得中道也

警而靜慎而不憚非得中道者孰能之

九三壯于頄有凶君子夫夫獨行遇雨若濡有愠无咎

鄒太史易會

卷之五

夬

十六

三雖獨與上應然以剛居剛又乾極是能夬而又夬者聖人獨懼其不中也故爲之戒曰與小人處而壯于頄而凶道也何者小人我疑也小人我疑則君子之禍至矣君子誠有夬之心則雖獨行與其應爲交至于和洽而成雨跡若爲所濡眾陽且有我愠者而我固无咎也何者不如是不足以濟其夬也頄面顙也三乾首故象頄上六兌主故象雨以其適值而非本心也故稱遇本非濡也而跡類之故稱若眾或觀其跡而不察其心也故稱有愠健極故有壯頄象變而純兌兩情交說故

又有遇雨若濡之象

象曰君子夫夫終无咎也

惟其夬夬始雖若濡有愠終无咎也

九四臀无膚其行次且牽羊悔亡聞言不信

上六九四之所謂臀也困之六三據于蒺藜故初六臀困于株木夬之上六見夬故九四臀无膚皆謂其同體之末者爲臀也四雖剛而位柔不忍於同體之夬故其行次且不果也夫當夬之時利用決者也乃且承之以次且能无悔乎必奮而自克與諸陽牽引而進悔乃

鄒太史易會

卷之五

夬

十七

可亡柰聞言不信卒於次且則悔之不終亡也惜夫羊善羣者也大壯曰喪羊夬曰牽羊皆以羣陽言兌羊象變坎坎爲耳故稱聞坎爲險夫人臨險必次且故此爻與姤九三皆稱次且

象曰其行次且位不當也

剛故決柔者也剛而位柔故次且

九五莧陸夬夬中行无咎

莧虞翻本作莞爾意陸蜀才同虞本作陸以兌說有莞睦之象曰莞睦夬夬蓋以莞睦而行其夬者所謂決而

和者也故稱中行焉然止曰无咎者何人臣而不得直遂其夫者爲其睚于君也君又何忌乎母亦始惑其說而睚之已格於義之不可乃託於莞睦以夫焉故止於无咎而已傳義從荀爽本作莧陸殊誤變震爲威武故能夫而自兌故爲莞睦夫夫

象曰中行无咎中未光也

中行而僅稱无咎者以爲雖中而未光也苟其知大光必不睚于始矣何以莞睦爲乎

上六无號終有凶

鄒太史易會

卷之五

夫

十八

无號者謂不復孚號以儆備也小人之藏禍心也甚烈而其伺隙也甚巧若以其勢且盡也而忘儆備則一星之火猶可燎原故稱終以戒之

象曰无號之凶終不可長也

當夫之終不可使一陰之復長也一武三思不去而五王之禍且烈聖人之爲戒深夫味有凶與不可長句故知聖人不爲上六言而爲夫之者言

三三誤耳

婦女壯勿用取女

方其純陰也卒然一陽來復故曰復幸其反也方其純陽也卒然一陰來姤故曰姤訝其遇也一陰始生遽稱壯何來而信勢必反壯也女壯則男弱欲杜其侵必絕之始故曰勿用取林甫進而唐禍丁謂進而宋危嘻可懼已據郭京本取下無女字

彖曰姤遇也柔遇剛也勿用取女不可與長也天地相遇品物咸章也剛遇中正天下大行也姤之時義大矣哉

夫一陰也姤亦一陰也夫曰剛決柔主剛也姤而主柔何陰方長也月建午曰姤實則陽固爲之資矣曰不可

鄒太史易會

卷之五

姤

十九

與長者何陰長則陽消故必杜之其始也姤者乾之末坤之始故曰天地相遇月至姤則品物咸章之候也繫不云萬物相見乎離與剛二也中正五也明良相遇何治弗達故曰天下大行也造化以姤亨治以姤行姤之時義詎不大必執女壯之說以少之則固矣按郭京本勿上佚女壯字取下無女字

象曰天下有風姤后以施命誥四方

風自天降物无不遇水遇之則波谷遇之則鳴木遇之則撼草遇之則偃故曰天下有風姤后宰四方之民安

能一一而與之遇惟是王言一布而萬民莫不鼓舞於下則后之所以妬四方也月令以夏至之日施命令詔四方發此於妬若與閉關之說應亦奇

初六繫于金柅貞吉有攸往見凶羸豕孚蹢躅

柅子夏易作繡絡絲跌也絲之繫于絡猶女之繫于男也故以爲初繫男之象初巽主也巽爲繩故稱繫九二互乾故稱金柅初六始遇而合者九二也既合不貞又捨而之他謂從一之義何故貞繫二則吉往則凶羸豕化豕也豕羸強而牝弱故稱羸豕羸尾也一陰方長巽

鄒太史易會

卷之五

妬

二十

性且躁警羸豕雖與羸孚尙蹢躅不寧示不可以既繫而忘警也

象曰繫于金柅柔道牽也

牽卽繫意幸柔之遇剛則牽故爲金柅繫也

九二包有魚无咎不利賓

魚陰物也巽爲魚故初六稱魚二與初遇而妬矣豈能復逸而之他乎故其象爲包有魚當妬之世民无定主近而先者則得之寧論應否哉嫌若涉咎也故稱无咎初本四之應也二既主之則四爲賓矣故曰不利賓變

艮爲止有不他及之象象曰包有魚義不及賓也

陰從一耆也故義不及賓

九三繫无庸其行次且厲无大咎

以妬之初六爲央之上六則妬之九三央之九四也故其象同九三之所謂警者初六也初六而既繫于二矣故无庸度難奪人之所繫故其行次且不果當妬之時誰不幾一遇哉彼所次且者格于勢也故雖危无大咎變亦坎故稱次且

鄒太史易會

卷之五

妬

二二

象曰其行次且行未牽也

初既爲二所牽三雖急進无當也次且其所矣庸何咎九四包无魚起凶

象曰无魚之凶遠民也

既已失民起而爭之則凶秦民歸沛公矣而項羽猶爭此其所以刻也魚謂初二近之故得四遠之故失

九五以杞包瓜含章有隕自天

以用也杞謂二瓜謂初初與二均是巽木初柔也故稱瓜二剛也故稱杞瓜之爲物也得所附而後止不得所

附則攀援而求无所不至故授之以杞則杞能籠而有之而爪之覆止於杞矣九五妬之主也知初六之勢將至於剝盡而後止故授之以九二此治妬之微權也夫制陰於方長亦難矣乃不以決而以包其包也又不自以而以入此其靈幾默運天下見以爲恭已無爲爾矣而孰知其制之神與故曰含章若然者造化亦爲我轉移妬之勢且變而爲乾矣故曰有隕自天五月瓜始生故取爲妬初象乾爲離健而明故其神於用如此象曰九五含章中正也有隕自天志不舍命也

鄒太史易會

卷之五

妬

二二

陰長則陽消天之命也不委於氣運之衰必思所以挽之此之謂志不舍命志苟不切則慮之不深而幾露即含章而知其志之不舍命也非九五之中正其孰能之上九妬其角无咎

角剛而在上之物故妬晉上九皆稱角妬其角者以是爲妬也以角爲妬物之所不樂遇也能无吝乎然不睢于陰亦不失自守之貞故无咎變兌爲羊兌上故稱角象曰妬其角上窮吝也

剛進而不止故窮窮故吝

三三

萃亨王假有廟利見大人亨利貞用大牲吉利有攸往陽居五五陰比之故曰比陽居五與四四陰萃之故曰萃萃下馬鄭陸虞本无亨字故彖傳不另釋假威格也王假有廟謂王者以萃道假之也蓋必萃己之精神而後可假祖考之精神也物之萃必得大人治之乃克寧故曰利見大人亨利貞聚不以正終必潰故曰利貞當萃之時享祀不豐非孝也故用大牲吉既萃矣不進求所以富之教之無爲貴君相也故曰利有攸往蓋比猶天下

鄒太史易會

卷之五

萃

二三

初附之會萃則明良合德人物豐盛此王者立廟致享大定經制之時也故其象如此上爲宗廟爻又陰廟象五以陽承之王假象坤爲牛大牲象大人與貞皆謂五象曰萃聚也順以說剛中而應故聚也王假有廟致享享也利見大人亨利貞以正也用大牲吉利有攸往順天命也觀其所聚而天地萬物之情可見矣

按郭京舉正亨下有利貞字彖傳類舉全文當是佚也彖本兩利字傳合而釋曰聚以正蓋謂惟大人能聚天下以正亦惟聚於大人爲正也當其聚也天實授之以

豐祀之資與有爲之時故曰順命使損而大牲剝而往則逆矣凡不期而聚者其必至之情也故觀其所聚而天地萬物之情可見

象曰澤上於地萃君子以除戎器戒不虞

澤上于地水之聚也水聚而無防必潰人聚而無防必爭故君子觀象于萃以除戎器而戒不虞蓋安不忘危之意也所繇與觀兵者異矣

初六有孚不終乃亂乃萃若號一握爲笑勿恤往无咎

初與四應陰陽相得孚其所矣然而不終者意其爲疑

鄒太史易會

卷之五

萃

二四

主之臣也不知四與五同德蓋萃人心以効之五者故告之曰若之孚而不終乃實自亂乃萃若誠號四四必與若一握手爲笑萃而効之五矣焉用恤第往之四必无咎蓋以萃四即所以萃五也故堅之坤爲震動以順也故往无咎四兌爲說笑象

象曰乃亂乃萃其志亂也

四之亂乃萃也起于疑故本諸志云

六二引吉无咎孚乃利用禴

二以柔順中正上與五應能牽引二陰以萃五吉道也

雖比陰何咎矣禴夏祭主聲禮之薄者也以孚若三五心心相結焉用飾故託用禴以表之變坎爲信亦孚象象曰引吉无咎中未變也

初萃而亂三萃而嗟二中故不變不變故能引

六三萃如嗟如无攸利往无咎小吝

三本萃于上者也以陰聚陰雖聚弗樂抑且不足與有爲故曰萃如嗟如无攸利當萃之世要以利見大人爲正尚往因四萃五乃无咎雖困而後復亦小吝矣然斷以大義可也兌口嗟象以萃兌而嗟故兼言萃嗟

鄒太史易會

卷之五

萃

二五

象曰往无咎上巽也

三連四五互而成巽故曰上巽巽而不忤此所以往无咎也孔子此爻明以互體示人矣

九四大吉无咎

當萃之世弱之必趨強闇之必依明勢也九四近臣非其位而有聚物之權咎所伏也以其體兌能部率三陰之順以萃五故爲大吉无咎象人臣任天下之重安能避得眾之嫌而不結人心要其志之歸于主耳故聖人特嘉此以堅重臣之志然曰大吉无咎亦謂必大吉乃

後无咎變坎卦爲比比四比賢以從上義正相合

象曰大吉无咎位不當也

必大吉乃後无咎何以其非君位而萃天下之心也此位字與萃有位相應

九五萃有位无咎匪孚元永貞悔亡

卦以二陽萃陰五萃之有位者履君位而得民萃何咎乎獨有四以分其萃五不得專故爲匪孚象然五故有元永貞之德要之未孚者終必孚也故悔亡比之元永貞稱于衆而萃稱于五以別四也聖人之謹嚴如此免

鄒太史易會

卷之五

萃

二六

爲震和而武也本自陽剛中正又和而武故稱元永貞

象曰萃有位志未光也

五何以未光四分其萃而有匪孚者也陸本无志字是

上六齋咨涕洟无咎

陰柔无萃人之德而乘五上此危地也知其危而憂之則猶有善終之道故无咎比之上六无首凶萃猶得无咎者則體險與體說異也齋咨兌口象涕洟兌澤象變乾卦爲否亦齋咨涕洟之會也

象曰齋咨涕洟未安上也

謂不安于五上也

三三變上

升元亨用見大人勿恤南征吉

升與萃反對萃三陰在下升而居二陽之上故曰升抑亦以木生地中而名也夫升未有大亨者德進則道算位進則化會木從地升生理豐達亦自有大亨之象五以柔居尊非得剛中之賢佐之曷以成治故曰用見大人慮其嫌於陽進也故告之以勿恤巽東南之卦也由巽之坤行必自南故又爲南征吉之象

鄒太史易會

卷之五

升

二七

象曰柔以時升巽而順剛中而應是以大亨用見大人勿恤有慶也南征吉志行也

夫升必以時也然而常自柔得之柔心之人和而不忤徐而善藏故能量可而進不失其時此柔以時升之說也巽順柔道也而能應乎剛中乃所爲善用柔也故勸以見大人諭以勿恤以剛之進爲柔之慶也能以其柔而用剛此志所以行也論易者專貴剛而賤柔亦不察於柔升之旨矣

象曰地中生木升君子以順德積小以高大

木性升固也然必生地中而後升則以坤德之順能遂其長也故不曰木生地中而曰地中生木君子察焉以順其德之自然故能積小以高大拂其眞機而助之長必弗然矣諸家不晰于順德之旨且改順爲慎殆亦觀象之未審與

初六九升大吉

初六巽主居下僂木之根也而得地氣以滋之其升也允矣升則爲梁爲棟故大吉傳說起版築而逢恭默思治之主用克霖雨天下其斯爻之徵與變乾爲天升而

鄒太史易會

卷之五

升

二八

天升之至也卦變泰卽拔茅彙征之爻亦升而吉義

象曰九升大吉上合志也

上謂坤也而爲坤之主者五也或主二或主四盤矣

九二孚乃利用禴无咎

二剛中五應之何其孚也既孚矣焉用以文事之故雖利用禴无咎義有所當爲則遂事而不嫌於專上有所重發則衡命而不嫌於悖此用禴之義也巽而爲艮巽以承君而不過故其象如此

象曰九二之孚有喜也

臣之事君必待委曲以承之志必有所不盡行盡至于孚用禴而後喜可知也

九三升虛邑

坤爲邑陰虛故稱虛邑三德剛體巽升而輒值坤順如入無人之境莫之或格故爲升虛邑之象

象曰升虛邑无所疑也

虛邑猶莊生所稱虛舟觸虛舟故不怒升虛邑故無疑六四王用亨于岐山吉无咎

六四坤體本順又以柔居柔順之至也當升之勢然乃

鄒太史易會

卷之五

升

二九

安其分而不升變巽焉以順事主此文王所用以亨于岐山之道也吉又何咎矣變震卦爲恒巽而動久道化成亦亨吉義

象曰王用亨于岐山順事也

玩順事二字亨岐之義自晰

六五貞吉升階

五君位也升而至五則踐祚之象也故婉其辭曰升階升階吉矣必曰貞者以不失臣節而自升乃至吉也若舜禹是已卦變渙亦享帝立廟之象

象曰貞吉升階大得志也

吉非富天下謂得大行其志於天下也

上六冥升利于不息之貞

升而至五極矣上安所復升聖人於是乎發冥升之義冥者杳然無象之謂所稱於穆不顯者是也故繼之曰利不息之貞由善信以造于不可知則存乎不息爾矣上以陰居陰超然事外則固有冥之象故豫之上六曰冥豫升之上六曰冥升卦變蠱蠱之上高倫其事正所謂冥升者也

鄒太史易會

卷之五

升

三十

象曰冥升在上消不富也

消化也猶爲道日損之意消而至不富則空空之境矣此升之至也故揭在上以明之

三三歟

困亨貞大人吉无咎有言不信

曰屯曰蹇曰困皆以坎名也然而莫若困甚者坎在內也坎在內欲動如屯止如蹇不可得也解與渙坎亦在內然得雷而動得風而散水在澤下則潤之象也故名困困而言亨何謂其困而能亨也困而亨非貞弗能也

故曰困亨貞惟大人爲能出天下於困而卦二五皆剛中故曰大人吉无咎當困之時則惟是修德沈幾以需時徒逞其辯才以炫以媚誰其信之兌爲口言象坎有孚信象坎兌相違故爲有言不信象

象曰困剛揜也險以說困而不失其所亨其唯君子乎貞大人吉以剛中也有言不信尚口乃窮也

坎陽爲二陰所揜而以坎陽處兌陰之下則又揜此困所由名也困而曰亨者以其處險而說也處險而能說此其中必有不爲困困者矣困而不失其所亨非君子

鄒太史易會

卷之五

困

三十一

其孰能之此象所爲稱貞也諸陽皆君子然能不爲困困而未必能出天下於困出天下於困者大人也剛足以除天下之奸而不往中足以和天下之志而不激此所爲言无咎也雖然尙德則亨尙言則窮是故君子危其行而遂其言

象曰澤无水困君子以致命遂志

水流下者也水在澤下則潤澤也故曰澤无水困君子不得其時猶澤之無水也命值其困吾且索之何哉惟是志在我我自握之天亦不得我制故君子委其困於

天獨遂吾志焉爾矣不以命貳志者夫且能以志立命
舊說以致命爲授命則困未至危也何遽以命與人耶
初六繫困于株木入于幽谷三歲不覿

初六揜九二者也揜非一人所能故初六之揜夫二必
將有待于六三六三則其所謂繫也繫得其所據而後
身能有所爲今六三之所據者蒺藜也則繫已困于株
木矣而其性險暗方且揜剛未艾如人之入于幽谷而
不返故雖其醜欲拯之猶至三歲不得覿初六本欲困
君子者也究之乃以自困嘻可戒已坎多心之木變兌

鄒太史易會

卷之五

困

三二

爲毀折故稱株木三乘二故爲所困坎爲陷爲隱伏初
坎舊也故稱幽谷應三爻乃至四故稱三歲不覿坎爲
兌正所謂有言不信者宜及此矣

象曰入于幽谷幽不明也

郭京舉正不明上无幽字

九二困于酒食朱紱方來利用亨祀征凶无咎

九二大臣也處於大官之奉不得不勞心焦思以圖出
天下於困故爲困于酒食之象而上倚任方殷夫且被
朱紱以就問之此眾所視爲榮而二見之以爲困者也

以彼爵祿榮寵之不知鯁鯁焉惟出天下之困爲務此
其精忠耿耿真可格天地而感鬼神故利用享祀非然
者曷以薦信以其前行遇坎舊也故又設征凶之戒然
人臣鞠躬盡瘁安可以成敗論也故又申之曰无咎坎
爲酒食變而坤夷險爲順故朱紱方來卦變萃假廟用
大牲吉故利亨祀

象曰困于酒食中有慶也

九二爲天下之困困而能以天下慶何以能爾中故也
六三困于石據于蒺藜入于其宮不見其妻凶

鄒太史易會

卷之五

困

三三

石謂四兌錯艮爲石蒺藜謂二荀九家易坎爲蒺藜六
三上揜四下揜二不知石之堅不可觸也而觸之則困
不知蒺藜之刺不可據也而據之則益困困而至是軀
命莫必彼其妻且不得見何凶如之嗟夫三亦何樂乎
以困人者自困哉坎爲宮坎中男兌少女則上爻於三
爲妻而兩陰不相應故爲入其宮不見其妻之象變巽
卦爲大過澤滅木三且棟桡亦與此爻合

象曰據于蒺藜乘剛也入于其宮不見其妻不祥也

曰乘剛則知蒺藜之謂二知蒺藜謂二則知石之謂四

九四來徐徐困于金車吝有終

九四牧伯之臣得操斧鉞以糾王慝者也日擁其兵車執掌四方欲燕息而不可得故爲困于金車之象而曰來徐徐者待閒而動未敢遽也蓋亦有不得已焉者矣以其靖奸之不勇不能无吝然而卒執掌兵車以出天下於困亦可謂有終者也兌金象變爲純坎有孚心亨行有尚故其象如此

象曰來徐徐志在下也雖不當位有與也

跡雖徐徐乃其志在拔民于坎也以剛居柔故以不果

鄒太史易會

卷之五

困

三四

致吝然與二五合志故克終

九五剛則困于赤紱乃徐有說利用祭祀

九五以剛中之德履帝位視小人之揜君子能無翦乎然而不欲盡法也使其知戢則已矣故示之以剛則剛謂三則謂初君人者當世之困豈得高拱而晏居必且未明求衣日進尋賢討求所以出天下之困而之亨故爲困于赤紱象憂勤如是乃徐有說蓋先憂後樂之義也操是可以薦信于天神人鬼矣故利用祭祀赤紱君臣同之朱紱則獨君享獨以享上言祭則普矣義各有

當也位在君臣故稱紱初三體坎坎爲刑故稱剛刑五體兌故稱說兌而變震兌爲巫震爲帝出故稱利祭祀象曰剛則志未得也乃徐有說以中直也利用祭祀受福也

王者刑期于无刑而至剛則志豈得哉乃所以能先憂後樂者以中直故也茲其受福之基與五獨言福者卽二之祀亦爲五祈也

上六困于葛藟于臲臲日動悔有悔征吉

上六非揜剛者也然爲三所繫纏結不解故爲困于葛

鄒太史易會

卷之五

困

三五

藟之象人實揜剛而我繫之得無并受其禍此不亦臲臲之勢乎上六之繫而不能去者則疑慮之過也曰不可動動則有悔而不知其疑於動乃所以有悔也惟翻然舍而去之之不困之地則吉矣易其所爲揜剛者以承剛則所謂不困之地也葛生于下其藤蔓而上附故以爲上與三纏結之象困而說故爲日動悔之象變乾乾行健故又有征吉象

象曰困于葛藟未當也動悔有悔吉行也不察禍且及己而繫之則慮之未當也惟動之悔乃有

悔惟是行之爲吉要亦因困極有通義故開之如此
三三爻上

井改邑不改井无喪无得往來井井汔至亦未繙井羸其瓶凶

巽爲木爲入木入水汲而上之井象也故名其卦爲井
按郭京舉正卦名下脫亨字井固自有亨道也古者建
國邑必因井泉之便有遷邑无遷井故曰改邑不改井
汲而不竭注而不盈故曰无喪无得汲者絡繹不絕故
曰往來井井汲水幾至繙尚未出井而瓶敗則凶之象

鄒太史易會

卷之五

井

三六

也夫聖人何取於井而諄切乃爾蓋借以語性也天地
萬物可改而性不可改此改邑不改井之說也性无增
減不爲堯存不爲桀亡无喪无得之說也前而千百世
之既往後而千百世之將來无不取足於斯者往來井
井之說也然必參之至微而後爲我有苟得一知半解
曾未大徹而止則猶自棄故託汔至未繙井而羸瓶以
警焉意深切矣不然何以曰井德之地又曰井以辨義
井與困反對巽爲邑困之兌今改爲巽而坎自如改邑
不改井象巽爲繩繙象互離爲缶瓶象兌爲毀折羸象

象曰巽乎水而水上水井井養而不窮也改邑不改井乃以
剛中也汔至亦未繙井未有功也羸其瓶是以凶也

按郭京舉正養而不窮上脫亨字不改井下脫无喪无
得往來井井字養而不窮正所以釋亨義乃以剛中則
總改邑三句而釋之汔至四句直貫下謂未有功而敗
其瓶是以凶也或曰剛中語性乎曰此聖人以象釋象
義然謂性爲剛中亦可以其不賴命之剛可也以其不
倚命之中可也

象曰木上有水井君子以勞民勸相

鄒太史易會

卷之五

井

三七

凡大象取義象與象異曰木上有水非巽乎水而水上
之說也蓋巽井者必以木橫其底故曰木上有水井夫
水者天之所生也養而底之木以儲汲者人也故君子
察焉以勞其民而勸相之勞者稱述其勞而慰諭之也
勞而勸以其力之所及又相於其力之所不及夫民是
以引養而不窮此君子所以贊化育也

初六井泥不食舊井无禽

井固源泉也然而泥滓不可食初六陰柔居下而无應
則棄而不用之井也泥滓不潔誰其食之北方謂轆轤

之軸爲禽所以運縞汲水者井既廢併轆轤俱廢矣故曰井泥不食舊井无禽夫人本心自有源泉不自滌治以致民養豈不惜哉故聖人設此象以示儆云

象曰井泥不食下也舊井无禽時舍也

時舍以無應言

九二井谷射鮒甕敝漏井谷莊周所稱缺甕之罅是也鮒井中之魚若蚌蟹蚌蚪之屬井久不汲故生此而泉從缺甕下注之急而若射故曰井谷射鮒甕汲器潰陰丈人抱甕以灌可徵也

鄒太史易會

卷之五

井

三八

九二陽剛本具可用之泉不能上出濟人顧下射鮒者以所汲之器敗壞漏泄不能提攜以出故嗟乎此豈井之罪哉可惋嘆已巽爲魚鮒魚陰蟲蓋謂初二互兌兌爲毀折敝漏象巽下也伏也變艮爲止下伏而止井不汲也然且入故象射鮒

象曰井谷射鮒无與也

无與正釋甕敝漏之義二五不相應故稱无與

九三井渫不食爲我心惻可用汲王明並受其福

九三陽剛得正當井之平去泥遠矣此井之潔者然猶

未出井上故爲井渫不食象天之生賢才也不數乃使厄而不用能不爲我心惻乎我者作易者自我也蓋公辭也憐才之心无已故又申之曰泉若斯可用汲矣使遇明主而汲之后與賢且並受其福奈何不福賢以自福哉必曰王明者賢者在下固然而不自露又且介特莫爲之揚非至明不能知而汲也蓋聖人之致望切而寓感深矣巽爲潔齊渫象變坎爲心病爲加憂心惻象象曰井渫不食行惻也求王明受福也

謂井渫不食即行道心惻感思得王明汲之庶幾並受

鄒太史易會

卷之五

井

三九

其福耳懼人謂井之自惻也故稱行惻曰求王明蓋表天下望君之心也以爲三有求者誤矣

六四井甃无咎

泉動而實者也井靜而虛者也故卦三陽爲泉三陰爲井初六最下故曰泥上六最上故曰收六四居其間而不失正故曰甃甃於井所以禦汚而全其潔也才雖不足以養人然養人者賴之而潔故无咎

象曰井甃无咎修井也

无咎非謂甃也謂夫甃之者也故釋之以修

九五井冽寒泉食

剛居剛故稱冽坎正北方之卦故稱寒泉冽且寒至美也然日出乎井上則既汲而食之矣故曰井冽寒泉食此王者以其至德而養天下之象也變坤土作甘故稱冽坤者萬物之所致養也泉而食乃克致養象曰寒泉之食中正也

王中心死爲以守至正乃可以養天下故託象以發之上六井收勿幕有孚元吉

收井欄也以是收口也故曰收勿幕者公其汲於眾也

鄒太史易會

卷之五

井

四十

不擅其有不私其利天下悅而孚之矣此乃所稱井養而不窮也故以元吉歸焉上六賓師之位也公其德於天下天下心悅而誠服尼父以之處井上極收象陰耦勿幕象坎爲信又上與三應故稱有孚坎爲信亦孚象變巽爲行權德孚天下而可與權故能養天下而不窮象曰元吉在上大成也

渫矣澆矣冽且食矣必至于收勿幕乃稱大成者井以

三三離上

革已日乃孚元亨利貞悔亡

革之爲卦王者革命改政與天下更始之卦也己干名十干應己而庚庚革也自庚至己十日浹矣己日浹日也湯之伐桀猶曰舍我稽事而割正夏故革不即孚浹日乃孚乃難辭也王者與天下更始甄陶一世此其德殆與乾同故亦曰元亨利貞革之不能无悔固也若湯之恐來世以台爲口實是也然革乎其所得不革故悔亡革義彖傳具矣然夏變秋火燦金亦革象

象曰革水火相息二女同居其志不相得曰革己日乃孚

鄒太史易會

卷之五

革

四一

革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉水決則火滅火然則水竭是曰相息革象也二女同居睽矣況中少紊序志必攜亦革象革而人始信之故曰己日乃孚文明之德本足以化成天下又出之以說此所爲大亨以正也革若是其革乃當故悔亡天地聖人之革皆以時革之時詎不大哉象曰澤中有火革君子以治歷明時火旺於離遇兌而伏火伏澤下此澤中有火之象也當

此之時陰必革陽秋必革夏故曰澤中有火革天地革而四時成故君子以治歷明時夫歷先王所以歷日月星辰之躔次授民時者也顧歲久不能无差差必治焉以求其合歷不治則時不明時不明則上失政民失事是以君子重之也大衍之用四十有九一行以之起歷而革卦之序正當四十有九亦見易道之妙素問云澤中有陽燄如火烟騰之而起水面文選海賦亦曰陰火潛然則澤中固自有火

初九鞏用黃牛之革

鄒太史易會

卷之五

革

四二

本皮也去其毛爲革則其稱革也亦有變革之義黃中色牛順畜初九陽剛本有可革之才然履革初而位下此其時不可以有爲也則惟用中順之德變其文采遵養時晦以自固爾矣故曰鞏用黃牛之革殆文王三分天下以服事殷之象矣離明於幾者變良爲止當革之初見幾而止故其象如此離牛象於爻爲地故稱黃象曰鞏用黃牛不可以有爲也

六二亡日乃革之征吉无咎

六二文明中正利用革者也而承以柔順儻乎不敢萌

革之心外之天與人歸然後不得已而革之故爲亡日乃革之象以此而進此革之至吉而无咎者也若舜禹是已變乾君象乃自離日固以時升者也象曰亡日革之行有嘉也

惟無心於革而革故行有嘉行嘉即貼征吉无咎言

九三征凶貞厲革言三就有孚

三居下卦之終勢且進上進則爲改命之事矣故征凶然當革之時不進則危道也故貞厲革言三就後者眾也有孚心僉也八百諸侯不期而會皆曰紂可伐雖欲

鄒太史易會

卷之五

革

四三

已得乎變震爲威武卦變隨天下隨之者也當革之時明而威武天下我隨故其象如此

象曰革言三就又何之矣

言義當進革无所逃避雖凶且危何暇顧矣此孔子決之之辭

九四悔亡有孚改命吉

九四離下卦而進上離改兌夏改秋故爲改命之象而以彖所稱悔亡歸之眾心既孚正所稱順天應人者也故曰吉變坎爲信有孚象

象曰改命之吉信志也

信志釋有孚孟子論湯之事天下信之卽此信志之義
九五大人虎變未占有孚

四既改命則正位乎五矣聖人在天子之位創制立法
與民更始禮樂明備煥然一新故曰大人虎變乃眾志
自三四既孚矣故曰未占有孚虎有文而能神者也豹
有文而不能神者也故大人爲虎君子爲豹兌虎象夏
革而秋則希革變爲毛毳其文新而澤虎變象變震爲
帝出爲雷帝出而雷動萬物更新亦大人虎變之象也

鄒太史易會

卷之五

革

四四

象曰大人虎變其文炳也

虎文疎而著故曰炳豹文密而理故曰蔚

上六君子豹變小人革面征凶居貞吉

上六從革者也君子小人皆承大人之虎變而自新也
其君子攄其素藹潤色鴻猷如周公制禮作樂以定百
年太平之基何其盛也不敢比於君德故稱豹變小人
卽不能爾向也而商而今面周心悅誠服无復背叛此
革面之說也化而至是猶思征焉則凶之道也惟居貞
乃吉如周之歸馬華山放牛桃林示天下不復用兵則

所稱居貞之旨也變則兌爲乾夫至使君子小人皆革
而能斂諸寂非說以使民而廓乎天者其孰能與之

象曰君子變豹其文蔚也小人革面順以從君也

虎大而文疎豹小而文密則君主要臣主詳之較也曰
順從君則心革可知已

三三 離上

鼎元吉亨

鼎之爲物端而重凝而固大而能容用之烹飪以供賓
祭于焉享帝于焉養賢蓋天下之神器也古人取之以

鄒太史易會

卷之五

鼎

四五

象大寶之位故其卦直曰元吉亨與大有並无餘辭象

取木火是矣要亦互乾金兌澤有鼎釜烹飪之象

象曰鼎象也以木巽火烹飪也聖人亨以享上帝而大亨
以養聖賢巽而耳目聰明柔進而上行得中而應乎剛是

以元亨

凡卦皆象也獨於鼎言象何謂以卦象名也子夏傳云
初分趾也次實腹也中虛耳也上剛鉉也故曰鼎象也
而以木入火則又亨飪象聖人亨以亨上帝以養聖賢
言乎其用之鉅也道非巽不入非聰明不達巽入矣而

耳目聰明則達天之器也離爲目兼言耳者五鼎耳故也六五乃革之六二本居下者也反而爲鼎則進居尊位又得中而與九二應故曰柔進而上行得中而應乎剛元亨句蓋通享帝而下總結之按郭京舉正帝字下增而大亨三字當從之

象曰木上有火鼎君子以正位凝命

火麗木上凝於烹飪而不去者也故曰木上有火鼎昔大禹鑄九鼎遂以爲傳國之寶歷殷及周成王定鼎于郊郭卜世卜年焉故君子觀于鼎以正位凝命乾九五

鄒太史易會

卷之五

鼎

四六

曰乃位乎天德鼎之正位卽正此天德之位也以斯德而履斯位是曰正位位正則革所改之命凝于此矣故鼎次革而象稱凝命

初六鼎顛趾利出否得妾以其子无咎

初居鼎下故曰趾上應九四則顛矣然當其初鼎未有實舊否穢之積因而出之以致潔詎爲悖哉天下惡乎然固有不然而然者惡乎可固有不可而可者如妾非儷之正也妾得其人夫且以其子无咎苟能誨穀何必出於嫡哉是故君子貴因而惡執初陰而下妾象巽入

能教象子謂二陽也鼎中實若女之孕然故稱子變乾爲大爲尊卦變大有大而尊然且有眾貴象乃自巽初子貴象

象曰鼎顛趾未悖也利出否以從貴也

貴對否言將實以珍饈不得不出其否也然曰從貴并以其子无咎釋之矣貴善其子耳妾何病

九二鼎有實我仇有疾不我能卽吉

易以陽爲實九二陽實居中故其象爲鼎有實此大臣之有才德而任重者也而六五方且應之不惟疎遠者

鄒太史易會

卷之五

鼎

四七

疾雖與我密比爲仇耦者亦且有疾心矣顧君子不能使人之不我疾而能使疾者之不我能卽則以其剛中自守彼不得而乘其隙也夫人之與我仇者勢易我卽也能使仇之不我卽此豈易及乎哉若而人者國倚以安民倚以奠吉何如之仇與詩好仇之仇同謂初陰也近而不相得故疾變長爲山風雖蕩其如山何故爲仇疾不能卽之象

象曰鼎有實慎所之也我仇有疾終无尤也

二應五而比初惟其所之然既有實矣之初則顛故不

可不慎也慎之使不我能即雖仇何害故終无尤
九三鼎耳革其行塞雉膏不食方雨虧悔終吉

耳五也言於三何三木之極也其應火之極也而皆過
中木火迅烈鼎中騰沸並其耳熾熱而不可舉故爲鼎
耳革之象物皆以足行鼎獨以耳耳既革故其行塞雖
有雉膏之珍不見食矣此人臣之有才德而過於激烈
以自塞者也雖然以剛正而遇柔順之君必且陰陽和
而雨向者之悔且虧矣故終吉變坎故稱雨互離爲雉
坎爲膏故稱雉膏

鄒太史易會

卷之五

鼎

四八

象曰鼎耳革失其義也

義者裁也木火過烈不知所以裁之故革也

九四鼎折足覆公餗其形渥凶

鼎實至四鼎盈實重此大臣任國家重柄之象也九四
才若剛而明然其心中不正徒倚其剛復小慧適足以
啟釁而亂章而況託重陰邪之徒此何以勝任哉故其
象爲鼎折足覆公餗餗即雉膏之屬烹以享帝養聖賢
非適其私故曰公餗國家既敗身安能逃故曰其形渥
形渥古易作刑劇謂不予市而適甸師氏也新唐史元

載以罪誅贊引易稱鼎折足其刑劇此明徵也離爲艮
火焚山敗其實亦鼎折覆公餗之象

象曰覆公餗信如何也

事君必先資其言自獻其身以成其信今乃至覆公餗
信何如哉益傷其不自度也感慨深矣

六五鼎黃耳金鉉利貞

五居鼎上中虛而對植耳象位中故稱黃變乾故稱金
鉉所以舉鼎者也謂上九然乃繫之五五用之故也五
虛中能受又得陽剛師保之臣以佐之故其象如此必

鄒太史易會

卷之五

鼎

四九

曰利貞者執中不貳無違師保之訓茲乃克凝命而固

鼎離爲乾大明中天茲用得知臨之宜

象曰鼎黃耳中以爲寶也

五非鼎實中德爲寶也

上九鼎玉鉉大吉无不利

一陽橫互乎鼎耳之上鉉象夫鼎豈有二鉉哉而金玉
異何玉不可以爲鉉必金鉉而飾以玉也當其烹而薦
也所恃以舉者在力故言金既薦而藏于廟則表其貴
重爾矣故言玉何言乎玉鉉剛而位柔如玉之溫潤而

聖然故借所飾以贊其德也以位言則五剛而上柔以
才言則五柔而上剛師保在上以其柔而節君之剛以
其剛而節君之柔則咸有一德克享天心旁招俊乂敢
求哲人用祚邦家于永康故大吉无不利離爲震卦變
恒明以動久道化成宜其吉爾也五亦言鉉則用鉉者
五贊鉉卽所以贊五

象曰玉鉉在上剛柔節也

三三震上

震亨震來虩虩笑言啞啞震驚百里不喪匕鬯

鄒太史易會

卷之五

震

五十

一陽伏二陰之下必奮動而上故其卦爲震象爲雷雷
旁地一聲凝者散鬱者舒此爲亨也虩虩驚懼狀啞啞
不敢肆聲狀震來未有不驚然恐者致福之基也笑
其所矣福以恐致雖樂而不失其則故曰笑言啞啞乾
爲君坤爲土分乾之一以主坤土百里之侯象故傳曰
震爲諸侯諸侯政教號令能如雷之震驚百里使其民
皆惕然不敢爲非則所爲錫福於民也茲乃克永守宗
祧不失匕鬯人君之于祭親七鼎實薦鬯而已五坎爲
輅故稱匕坎爲酒醴故稱鬯

彖曰震亨震來虩虩恐致福也笑言啞啞後有則也震驚
百里驚遠而懼迺也出可以守宗廟社稷以爲祭主也
出卽帝出震之出主卽長子主器之主然主亦自帝出
震言舊以爲君出而太子主祭者誤

象曰洊雷震君子以恐懼修省

雷聲相襲謂之洊雷雷而洊至能无震乎君子敬天之
怒无敢戲豫戰戰兢兢時省其所不逮者而修之若高
宗若宣王則所爲善承天心之仁愛也彼謂天變不足
畏者自益之孽而不悟悲夫

鄒太史易會

卷之五

震

五一

初九震來虩虩後笑言啞啞吉

震之所以爲震初九也又當全震之初故爻辭與彖同

象曰震來虩虩恐致福也笑言啞啞後有則也

六二震來厲億喪貝躋于九陵勿逐七日得

震來謂初九億說文曰安也陽初奮而上勢必迅六二
乘之能无危乎且有喪貝象而二惕然安受得喪不入
于心方且超逸絕塵負然獨栖千仞之上故曰億喪貝
躋于九陵以彼視喪如得豈計逐哉然陰陽相爲消長
勢也誦久必信故告曰勿逐七日得其喪也若亡其得

也若故可謂不爲震震者矣六二柔順中正故能安變兌爲說震而能說億象變則互離爲羸貝象互艮陵象震爲足而乘九故躋九陵陰極于六必反故曰七日得象曰震來厲乘剛也

六三震蘇蘇震行无眚

更生曰蘇昏而醒病而瘥亦曰蘇故記曰蟄蟲昭蘇六三始聞霆震懼而冥矣已乃憬然悟翻然覺悔其所以致天之怒者而不自安故爲震蘇蘇象然使悔而不改能无眚乎故告之以震行一發慮而不敢忘霆震一展

鄒太史易會

卷之五

震

五二

審而不敢忘霆震則一念之蘇蘇百學所由解也故无眚六三柔不中正故始懼而冥變離爲明故繼而蘇

象曰震蘇蘇位不當也

位當如二則億矣

九四震遂泥

震之爲道所以震陰而達陽也陽之既達則已矣故可奮而不可遂初九動于驚蟄之時凝者以散鬱者以舒則所爲亨也若收聲之後而又震焉陰且結之矣其无乃格而泥乎四與初皆震主也四以陽居陰又陷于四

陰之中故泥變坤爲土亦泥象象曰震遂泥未光也

陽本光亨以其爲陰掩也故未光

六五震往來厲億无喪有事

二五皆乘剛者也初之震甚烈故二厲而喪貝四下牽于柔倏往倏來則其震緩矣故五雖厲而安然无喪其所有事卽所稱不喪匕鬯也要五以中德而履帝位故其象如此二五變皆兌故同稱億

象曰震往來厲危行也其事在中大无喪也

鄒太史易會

卷之五

震

五三

厲者非獨謂危也謂其危行也危行與震行行字應有事于宗廟社稷惟以一中主之故无喪以位中故言中上六震索索視矍矍征凶震不于其躬于其鄰无咎婚媾有言

索索氣索狀矍矍視矍狀人懼甚則氣索氣索則視矍上以陰柔處震極故象如此人必心安神定始可濟變以彼方寸亂苟有征能无凶乎然上去四遠其懼也不于其躬于其鄰先事而爲之戒故雖凶无咎抑人當震極時无論疎遠者詎卽婚媾不免有言爻辭及此蓋嘆

世也然使上如二五之億卽疎遠無若何況婚媾哉震
變離故能先事知戒離爲目故稱視於人爲言故稱言
婚媾謂四屯婚媾以陽比陰言震婚媾以陽下陰言
象曰震索索中未得也雖凶无咎畏鄰戒也

三三艮上

艮其背不獲其身行其庭不見其人无咎

陽性升一陽在二陰之上則止矣故其卦爲艮按郭京
舉正彖首脫艮亨二字夫艮非兀然不動之謂謂休心
息慮意見不作不爲動動不爲靜靜此其道所以亨也

鄒太史易會

卷之五

艮

五四

背體之止也學固有攝心於不動者則艮背之象也今
夫人栖心於背則念自息當其時視身若遺也雖人行
其庭弗之見矣於人我无交涉故无咎然而止之止也
非不止之止也聖人以无所止爲止而賢者止于止亨
與无咎所繇異也卦一陽隆然于上背象

象曰艮止也時止則止時行則行動靜不失其時其道光
明艮其止止其所也上下敵應不相與也是以不獲其身
行其庭不見其人无咎也

按郭京舉正明下脫故亨二字夫所謂止者非與行對

言之止時止則止我无心於止止固止也時行則行我

无心於行行亦止也動靜不失其時則其道光明故曰
亨何者道本無方所也若所謂艮其背者則止其所也
止其所則一於止而已矣惡能動靜不失其時哉彼其
心一于背卽視身與背若不相涉視人與己滋若不相
涉則上下敵應之象也會謂不相與而能有成乎故可
以无咎爾矣艮其止止字依晁氏作背古文背爲北當
因訛爲止艮本有光明義故彖傳及之舊以艮背爲極
則不宜僅曰无咎能章二氏近矣然以時行云云爲漫

鄒太史易會

卷之五

艮

五五

論彖傳无此體要惟不知古有故亨字故

象曰兼山艮君子以思不出其位

山而曰兼有兩山各止不易之象故君子以思不出其
位位潛而潛位見而見位躍而躍位飛而飛此其止所
謂不失其時者也與止其所異矣

初六艮其趾无咎利永貞

初居腓下偶而散故象趾趾本行者也以柔靜故止艮
其趾則止諸初也夫人所以涉於咎者以其初之不慎
也能止諸初夫何咎然豈必其終止哉利永貞爾矣苟

其貞時行而行可也初與四變皆離故皆知止然皆敵應不相與故屬以彖之无咎而不許亨

象曰艮其趾未失正也

初以柔居下時當止故未失正使不當止而止非貞矣聖言簡而括益爾

六二艮其腓不拯其隨其心不快

二居趾上偶而立腓象亦以柔靜故止然腓隨股而動者也動止之權在股而不在腓三爲艮止其所隨者也二不能以其柔中而拯彼過剛之失不得已而姑隨之

鄒太史易會

卷之五

艮

五六

蓋其權也乃其心安快哉莊生曰彼且爲嬰兒吾與之爲嬰兒彼且爲无涯吾與之爲无涯此隨之說也至達之入於无疵然後快君子救時之艱乃爾變異以陰下陽固隨象要以行權也故必拯乃快

象曰不拯其隨未退聽也

未退聽正釋心不快意

九三艮其限列其夤厲薰心

兩艮各自爲止三以一奇互其中若限然夫上下內外之限惡可不肅然所以聯而浹者情也三過剛不中知

嚴其限而不知所以聯之則一體之情判不相屬若舉

脊脊而裂之故曰艮其限列其夤此其勢在家危家任

邦危邦厲之道也本欲嚴其限以安家邦詎料貽害至

此心之所以如薰與孔子曰上下用情禮之至也禮非

情浹而能行者否矣列當依善本作裂互坎爲心互震

爲火薰心象震四與初皆主也四互艮則失所爲震矣

故泥艮三與上皆主也三互震則失所爲艮矣故裂

象曰艮其限危薰心也

六四艮其身无咎

鄒太史易會

卷之五

艮

五七

四當心位不言心而言身者心神明不測無出入無內外非有所可止者也故以身言之艮身者栖其身於端凝之所不爲物遷不爲欲奪斯亦足視躬而範世矣故无咎然僅曰无咎者以其非大止也大止者止於無所止止於無所止則時行時止斯乃所爲亨也四柔靜得正故能止以其柔也故不能止於無所止

象曰艮其身止諸躬也

躬卽身也或以背言鑒矣

六五艮其輔言有序悔亡

輔兩煩也五在上而偶輔象柔靜得中必能慎言者也故爲艮其輔象言而慎則出之必有序蓋言有緩急有先後有始末發令易其序則不行奏對易其序則不入章教易其序則不喻故必言有序其悔乃亡此金絨之銘白圭之復聖人所爲深嘉與變異異以出言故有序象曰艮其輔以中正也

艮之爲道要惟施之輔爲當故舉而歸之中德正當依本義作義文叶韻自見

上九敦艮吉

鄒太史易會

卷之五

艮

五八

敦厚也艮爲坤稱敦艮爾雅即再成爲敦兼山之象也坤極亦敦象臨上亦以坤極稱敦夫大止者止于死所止有所止則諒矣就止之中擇其可止者莫如敦蓋惟民至厚因物有遷一於厚而不遷則所受以生者完矣以此御眾則民安以此詒謀則福集所以獨吉與時行時止聖也敦艮者仁也於象言聖於爻言仁深矣

象曰敦艮之吉以厚終也

居艮之終終于厚者也終于厚乃克稱敦故敦艮之吉不歸三而歸上

易會卷六

安成鄒德溥述

後學
男
同校

三三艱
漸女歸吉利貞

漸與歸妹反對而曰女歸吉則兩卦皆以婚媾言巽長女也當歸人久矣乃能止以待男之下然後巽而進故名其卦爲漸而繫之女歸吉必利貞者女不貞雖吉弗吉也四巽主也以陰居陰故曰貞要之女歸亦象也女

鄒太史易會

卷之六

漸

一

歸如此士進可知矣

象曰漸之進也女歸吉也進得位往有功也進以正可以正邪也其位剛得中也止而巽動不窮也

之當依朱子作漸蓋曰漸漸進也按王肅本吉下無也字有利貞字蓋曰女歸吉利貞進得位往有功也何其明顯且於各象體合歸妹之三位不當今進爲漸之四則當故曰進得位往有功謂宜家也得位曰正可以正邦謂宜其家以教國也此正釋女歸吉利貞之義況以九五言剛而中台兩卦言止而巽可不謂吉且貞哉此

又本卦象申釋彖義蓋彖傳體類爾不必強扭屬君說夫人止而不妄動及其動巽以出之所以動而不困也象曰山上有木漸君子以居賢德善俗

木生于山勢必漸而長故曰山上有木漸君子欲挽其俗於善詎可旦夕就哉必先自居於賢德感格而薰陶之夫且不言而浸化若木之在山不見其長有時而高則善世之妙道也若汲汲焉令驅而法繩之則格矣居者止而不遷之義德之不恒而幾俗善必不得之數也初六鴻漸于干小子厲有言无咎

鄒太史易會

卷之六

漸

二

鴻知時而進有序故取以爲漸之象六爻之漸舊皆以仕進言則君位豈漸進者哉至以上爲賓師位於漸義滋悖矣愚諦玩皆當以學言干水涯也鴻水宿者也始飛而漸于干不驟進之象于人爲小子殆學始于洒掃應對進退者與彼于至道未徹而涉世之初種種險阻臨其前能無厲乎高曠之士且謂以本之則無然而於義无咎行遠自邇登高自卑漸達之勢實始于干惡得咎之長爲少男又處卦初故稱小子互坎在前故稱厲與四敵應不相得故有言變離離於人爲言

象曰小子之厲義无咎也

小子以其厲乃能達于不厲故義无咎

六二鴻漸于磐飲食衎衎吉

水涯之石大而平者曰磐鴻由于而漸于磐則安矣六二居中得正進而得乎道之的蕩平安適故爲漸于磐之象夫人飢食渴飲靡非妙道惟日用而不知方且浚恒以自苦二栖道之磐則既悟夫飲食之即道矣一飲一食衎衎自適天地爲徒造化爲伍吉何如之變巽爲善入爲權善入而止諸權故得道之的而自適

鄒太史易會

卷之六

漸

三

象曰飲食衎衎不素飽也

徒知其爲飲食而已則所謂素飽者也

九三鴻漸于陸夫征不復婦孕不育凶利禦寇

高平曰陸由磐而漸于陸浸高矣然鴻水鳥陸非所安也九三過剛不中亟于進而不察夫道之的其造之深也乃適造于非其所故爲鴻漸陸象夫謂三婦謂四三四以比合而非正應故夫征不復溺於欲也婦孕不育格於義也學之漸非其所者方且耽爲妙緒而不返雖其精與之凝若結而孕終不能以應務而育物不亦類

是與以三之心乎進達窮未必不思返然必奮然而決絕之若禦寇然乃克反而栖于安之所故勵之曰利禦寇艮而變坤山附地剝也故征不復孕不育蒙上與漸三皆以變坤稱利禦寇象皆釋以順可參玩

象曰夫征不復離羣醜也婦孕不育失其道也利用禦寇順相保也

道固與人同者也得其同人者而栖之而後能成化育離其羣醜非同德也何以育物漸非其道害乃爾不決絕其故趣如禦寇終不克反于順而相保

鄒太史易會

卷之六

漸

四

六四鴻漸于木或得其桷死咎

巽爲木由陸而漸于木滋高矣然鴻之掌不能握枝木雖高非所安也六四志進而中不察乎道之的強慕其高者而栖之有欲把握而不能者故爲漸于木之象然以居正體巽或得其平如桷者而栖之則猶可以少安故无咎益道非高之貴高而平者之貴也巽本下而變乾亦強慕高之象

象曰或得其桷順以巽也

柔而正故曰順

九五鴻漸于陵婦三歲不孕終莫之勝吉

爾雅大陸曰阜大阜曰陵鴻由木而漸于陵滋益高矣九五陽剛中正進而得乎道之的德崇業廣故爲漸于陵之象婦謂二二故五之正配雖爲三與四所隔歷三歲不孕然而終莫之勝則邪不能以奪正也故吉以彼德之崇猶有闕之者何關尹氏所謂以德交者有合有離是也陵雖最高足猶有可躡非謂無行地者也抑猶未可語漸之至乎巽爲艮善入而止諸中故得道之的艮爲山陵象互離孕象二歷三四至五三歲象

鄒太史易會

卷之六

漸

五

象曰終莫之勝吉得所願也

得二而孕者五之願也

上九鴻漸于陸其羽可用爲儀吉

陸諸儒作逵謂爲雲路是也鴻雲飛水宿之鳥不至于逵不止也由陵而進于逵故曰漸逵若以反而陸栖爲義何以稱漸上九以陽剛之德巽入而造於無上翱翔乎鴻濛之衢逍遙乎廣莫之墟所謂大而化之者也故爲鴻漸逵之象鴻飛入于雲皆可仰而不可即獨其羽翮秩然有序可以爲長幼尊卑之儀德至于化則其淵

微之妙天下不可得而窺獨其言爲世法行爲世則乃所爲羽儀之象也吉何如哉子思曰上天之載無聲無臭至矣以漸達爲至命意最遠奈何以賢達高致當之乎漸陵猶或問之漸達則有儀而已關尹所稱以道交者无合无離其上九之謂與

象曰其羽可用爲儀吉不可亂也
不可亂者言其羽翮之秩也世有栖神無上而言行不任爲世儀抑猶漸之未至與

三三說上

鄒太史易會

卷之六

歸妹

六

歸妹征凶无攸利

妹少女之稱女之嫁必於少古之言嫁者率稱歸妹故詩亦稱睨天之妹兌少女以少女從長男故稱歸妹少女配長男正乎曰奚而不正禮丈夫三十而娶女子二十而嫁女少於男固也或以少女歸長男爲妾則帝乙歸妹豈妾人者哉且謂之曰長非老也不然漸以老女歸士夫惡乎吉或以爲震兄嫁妹益非卦夫婦不備而稱歸必不其然兌爲震妹以乾坤六子言也何嫌爲配宋帝蓋常呼后爲妹云歸妹非凶曰征凶无攸利以卦

象言也象傳漸矣歸妹而不當何以稱天地之大義象曰歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

男女合好天地之大義也天地交而後萬物興男女交而後嗣續廣爻傳子承父人道所繇以始終相續不絕也歸妹之義詎不大哉夫悅少者人之情也說以動以其所歸者妹也此以卦德釋卦名也三兌主也而位三則陰居陽四震主也而位四則陽居陰男女易位故

鄒太史易會

卷之六

歸妹

七

曰征凶兌以一柔乘二剛震以二柔乘一剛則是女操其權以制男也豈惟禍男女從自及矣故曰无攸利象曰澤上有雷歸妹君子以永終知敝

雷震澤上澤從雷動亦女從男象故曰澤上有雷歸妹君子當歸妹始即思所以永其終防於未然而後終可保迨其敝則無及矣明王慮國祚聖人慮道脉率如此初九歸妹以娣跛能履征吉

卦名歸妹故六爻皆以女言雖四爲震主亦稱妹四既非夫必以三爲嫡者誤二雖中然以五抑禮五二嫡故

亦不得以嫡稱而與初等言跛眇三則須而進爲嫡者
也初位下而無正應故象婦歸妹以婦者謂此妹之歸
歸以婦也初剛而正非跛也乃曰跛能履者自嫌與嫡
並故能履而託之乎跛也已實有才而能斂之以承嫡
賢亦至矣操是以往何弗吉乎初足象兌毀折之故稱
跛變坎卦爲解處險故託之乎跛險而解故征吉

象曰歸妹以婦以恒也跛能履吉相承也

按郭京舉正婦下無以字婦姪之從古今恒禮故曰恒
明非貶損也跛非正履而曰吉以其得承嫡之義也

鄒太史易會

卷之六

歸妹

八

九二眇能視利幽人之貞

九二亦婦也其不言婦何因初九之辭也二剛而中非
眇也能視而託之乎眇以避嫡也賴其慧智抱道以恬
非幽靜之女其孰能之幽靜故貞幽而貞安往不利故
曰利幽人之貞互離視象兌毀折之故稱眇兌爲震詩
所謂女士也故稱幽人

象曰利幽人之貞未變常也

靜正女德之常雖眇視而能靜正女德之常未變也
六三歸妹以須反歸以婦

須者賤女之稱天官書須女四星織女三星陸震註云
織女貴須女賤六三陰柔不中正賤德也故象爲須歸
妹以須謂此妹之歸本歸以須也須非婦匹然以其爲
說之主能媚結夫君之心授之權至與嫡等婦反歸之
矣反者訝之之辭六三居九二上歸以婦象兌爲乾賤
女操夫柄故反歸以婦卦變大壯女壯則陵上勢也

象曰歸妹以須未當也

當平讀始以須歸尙未當君御也及歸以婦乃當矣

九四歸妹愆期遲歸有時

鄒太史易會

卷之六

歸妹

九

九四中而過者也年非少矣而無應則妹當于歸之期
而未歸也故曰愆期五爲帝女則四乃大臣之女彼豈
莫與偶者哉亦其剛明之德不苟從人必待男之賢者
而後配之則其歸固自有時若孟光之得伯鸞是已震
而坤動以順也歸妹愆期必動以順故爲待賢而配象
象曰愆期之志有待而行也

揭之以志壯之也以爲待年則命也非志矣

六五帝乙歸妹其君之袂不如其婦之袂良月幾望吉
六五歸妹之最貴者王姬之象也故稱帝乙歸妹六五

在上女君也九二在下娣也五與二應能逮下者也不自擅寵而欲以其娣幸故飾其娣之袂勝於已此后妃之所以爲聖也月者大陰之精也月幾望者以象其嬪德之盛也樛木之纍福履綏之矣故曰吉二陽也五陰也故爲君袂不如娣象互坎映東互離映西則日月相望之象變兌爲說妹之歸也說以使娣故其德如此象曰帝乙歸妹不如其娣之袂良也其位在中以貴行也按郭京舉正良下无也字概諸爻傳例自晰貴謂德也德莫貴乎中也位正中故能以其貴行无事乎區區之

鄒太史易會

卷之六

歸妹

十

飾以干寵也

上六女承筐无實士刲羊无血无攸利

上六處歸妹之終而无應此女之窮也不言歸妹者不成其爲配也女承筐獻舅姑也士刲羊告宗廟也非不配也以配而不相應故不成其爲配也夫配而不相應則雖名存而實亡承筐无實刲羊无血實亡之象也配而名存而已矣將焉用之故曰无攸利震仰盭筐象兌羊象卦變睽歸妹而睽安得利

象曰上六无實承虛筐也

承虛筐者女也而冠以上六女卽指上可知也或謂震男不宜爲女不知卦名歸妹六爻皆以妹言矣

三三離上

豐亨王假之勿憂宜日中

豐王業綦隆民物蕃盛之卦也王者其明如日其威如電光天之下靡不輝煌震動此固豐之象故名豐豐自有亨道故曰豐亨假與王假有家王假有廟之假同威假之義也夫人孰不欲豐盛而莫能得者則无德以感召之也惟王者建中和而成位育存神過化天地同流

鄒太史易會

卷之六

豐

十一

乃克凝萃太和躋天下民物於豐亨此非可以區區才力致也故曰王假之王者方盛而慮危顧曰勿憂者何憂之且出於小智曲謀以自防適足以造孽而召孽第宜如日之方中徧照天下使天下無一不得其所豐尊自无繇生乃所爲保泰之道也離本日中象

象曰豐大也明以動故豐王假之尙大也勿憂宜日中宜照天下也日中則昃月盈則食天地盈虛與時消息而況於人乎況於鬼神乎

故豐豐字當依林栗蔡抗本作亨尙大者謂王德之大

而後可以致豐也彖曰宜日中傳困言日中則昃而示人以盈虛消息之義聖人發意彖外類如此而況鬼神句據說苑衍文

彖曰雷電皆至豐君子以折獄致刑

今夫雷電之皆至也雷必大震電必大明故稱豐君子察於雷電以台而章也故始而鞠獄必精心以察其情無敢以疑似決之既得其情必按罪而致之辟無敢以姑息縱之蓋不明而斷則枉情明而不斷則廢法何以禁亂而戢眾哉夫人處豐則欲易熾欲熾則易爭故折

鄒太史易會

卷之六

豐

十二

獄致刑亦君子所以御豐之大也

初九遇其配主雖旬无咎往有尙

古文句即均字配主四也初與四兩剛不相應而云配主何以威明合而章也四非初無與咨謀初非四無與展畫所以爲配也賢臣好善而忘勢賢士樂其道而忘人之勢故雖與均禮而不爲過操是以往明漸相資於以佐君而保豐不亦可嘉尙乎故曰雖旬无咎往有尙抑卦變小過有可句而不可過之義
象曰雖旬无咎過旬災也

雖旬无咎則止于旬焉可矣過則涉驕母乃災乎雖傳意重有節制要爻辭本含斯義

六二豐其蔀日中見斗往得疑疾有孚發若吉

鄒說文章覆曖也斗即酌以大斗之斗六二當豐世居大臣之位蓋亦國之元勳也夫且以文明中正之德孚天下而承陰柔之主勢必見疑不得已託於盤樂以自汚於是蕃殖園林會日中未昃而已操觴以自娛故曰豐其蔀日中見斗蓋亦郭令公之意然使往而正之猶不免於疑疾惟積其至誠以感發君之心志使其不言

鄒太史易會

卷之六

豐

十三

而孚不諫而警乃克佐焉以保天下之豐故吉二互巽巽爲陰木蔀象應震震爲暈斗象舊說以蔀爲覆以斗爲星斗夫至於日中而見星斗則昏暗極矣五雖陰未必其昏至此即令昏何遠使其臣至此若謂二自爲則離主而反至暗非象也暗果爾又安能有孚發若而致吉卦變大壯惟天下之大壯乃能和其光而以孚發象曰有孚發若信以發志也

發志與人適政閔者異矣非有孚曷克臻此

九三豐其沛日中見沬折其右肱无咎

沛澤也洙卽澤之飛洙如莊周所稱流洙是九三當豐世居藩屏之位所應者上六上六睽君而親幸者也彼亢然自高而三以剛正之德當之勢必見疑不得已託於遊觀以同其塵於是廣治澤沼會日中未昃而已布席臨流矣故曰豐其沛日中見洙茲亦狄梁公與武三思博陸之意其心蓋欲結之以相與夾輔其君無奈上六驕亢不可與共事如兩肱而折其右肱以右爲力右肱旣折安所恃以修力然此所遇非其人九三無如之何也故无咎六五中而順故二能以有孚發之上六過

鄒太史易會

卷之六

豐

十四

而亢故三不能挽之而至于折曰沛曰洙皆以互兌取象變爲純震惟天下之恐而則者乃克和其光至此象曰豐其沛不可大事也折其右肱終不可用也

不可大事故託意於區區之觀然其觀非以爲娛也意欲有所用也至于右肱折則終不可用矣

九四豐其蔀日中見斗遇其夷主吉

二應五者也其德明而中四比五者也其德剛而正故其處疑同而託以自汗者亦同然欲匡輔其君非一人之力所能辦也幸而與初九爲應彼益抱剛明之德者

四能引以同升善謀善漸相與修力佐君以保天下之豐不亦吉乎四與二同互巽故稱蔀體震故稱斗變坤爲順故能下賢卦變明夷故能晦其明

象曰豐其蔀位不當也日中見斗幽不明也遇其夷主吉行也

按郭京舉正吉下有志字良是位不當而見疑故不得不託之乎豐蔀也心之幽隱不能自人故不得不託之乎日中見斗也遇其夷主吉以其匡君之志得行也知所謂志則豐蔀見斗之說可釋已

鄒太史易會

卷之六

豐

十五

六五來章有慶譽吉

六五當豐世而體震德亦奮然有爲之主也使以陽剛處之或愎而自用適足躁動天下而六五居以柔諸爲臣者又翩翩皆離明之賢五能虛中以招來之各因其才而布諸位相與策所以持盈保泰者慶譽所以集也吉何如之蓋能以庶明之翼爲明此知臨之大君也然則四非其所來乎曰四能以明者進是亦明者也震爲兌動以說故克來章卦變革亦虎變文炳之爻也象曰六五之吉有慶也

人君以天下常豐爲慶慶以天下故吉

上六豐其屋蔀其家闕其戶闕其無人三歲不覲凶

夫人當豐盛之時必守之以謙節之以約吐哺握髮以延天下之士然後高而不危滿而不溢上六處豐極亢然自高方豐大其居以明得意家之幽深草日生而覆暖故曰豐其屋蔀其家自以爲天下之智莫我若深居簡出不知延納豪俊以咨謀議有歲久而不得一覲者故曰闕其戶闕其無人三歲不覲後難如此驕倨如此能無凶乎闕者寂靜无人之意自三而上象大壯大壯

鄒太史易會

卷之六

豐

十六

爲棟宇故稱屋震爲蕃鮮故稱蔀變離爲目故稱闕歷位三下窺其應故稱三歲不覲震爲離又皆處極當豐世而轟炎若此宜其及矣

象曰豐其屋天際翔也闕其戶闕其无人自藏也

豐其屋者彼實以爲翔翔天際莫我及也闕其戶闕其无人者彼實自藏而不與士接也此爻描寫豐豫驕侈之狀曲盡可爲深省

三三艱卦

旅小亨旅貞吉

旅與家人以離內外取義入而麗乎內所以爲家人止而麗乎外所以爲旅旅非可大有爲之地况主旅者柔也故雖亨亦小然旅必擇主主非其人且有累故必旅于貞乃吉要亦因卦具此才而示訓焉

彖曰旅小亨柔得中乎外而順乎剛止而麗乎明是以小亨亨旅貞吉也旅之時義大矣哉

據石礪易旅下小亨字衍文外謂外卦曰外者釋旅義也順剛以麗二陽言處旅而剛者室柔而過者亦室柔得中而順剛故亨體柔處外卦故亨小旅止擇明者而

鄒太史易會

卷之六

旅

十七

麗之故曰旅貞吉小其亨而大其時義者何顧用旅何如耳重耳在外十九年卒成霸業司馬遷歷四方攷覽風教文名百代抑此猶小者也孔子周流列國索天下賢士大夫相與究切大道卒爲萬世師旅可小視乎哉象曰山上有火旅君子以明慎用刑而不留獄

山上有火者非其常也野燒暫延耳矣故曰旅獄之於民猶火也豈可淹留者哉夫人所以留獄者必其明之不足以立決也否則忽焉以爲淹之无大害也故君子以明慎用刑而不留獄

初六旅瑣瑣斯其所取災

瑣瑣瑣屑較計之狀夫人必有所不屑也而後可以大受必有所不較也而後可以廣容此其爲迷福之道也若乃競于錐刀屑屑瑟瑟鎔較而寸釐之雖家居未免蓄禍而况旅乎夫人處羈旅之中諸所與交非必其姻朋之素也而以瑣瑣瑣之所爲自取災與初陰柔居下識趣卑忍弗能予故象如此變離爲火亦災象

象曰旅瑣瑣志窮災也

人不屑較鎔錄必志存遠大者也志窮故以瑣瑣取災

鄒太史易會

卷之六

旅

十八

六二旅即次懷其資得童僕貞

即就也旅必擇次舍而就之二居中得位此能即次者也旅患死資即有資患不能藏二承剛有實柔中善藏此能懷資者也旅寡與獨童僕是恃必得其人而後可二互巽乘初巽以御下此能得童僕者也處旅之道於斯爲正故曰貞良爲闔寺初位下童僕象夫易假象示義擇主而託是曰即次懷才不露是曰懷資求賢自彌是曰得僕變巽爲利倍故稱資能伏故稱懷

象曰得童僕貞終无尤也

无尤正釋貞義

九三旅焚其次喪其童僕貞厲

旅以柔中爲道三過剛不中與物多忤既不爲上所容即厮役亦叛之故有焚次喪童僕象雖以剛居剛非不正然不可施之旅也故厲二即次而三焚者二去離火稍遠而三近也二得童僕而三喪者二去初甚近而三遠也要之二以柔中得三以過剛不中失處旅者釋之象曰旅焚其次亦以傷矣以旅與下其義喪也

蓋謂旅而焚次亦既傷矣而猶以旅與下喪不亦宜乎

鄒太史易會

卷之六

旅

十九

以旅與下者謂視之如旅人也唐人詩云漸與骨肉遠轉於童僕親旅與親正相反

九四旅于處得其資斧我心不快

處對出言閑居之義也九四抱剛明之德離下而上其旅也士之載質而出疆者也彼其心思一得當以行其道不遇同德之君授之位以康濟生民乃徒旅于處而已雖得資斧快快哉季孟之待孔子以行國中授室孟子以去惡乎快樂良有止而不仕之象故稱旅處互巽利倍得資象陽剛斧象

象曰旅于處未得位也得其資斧心未快也
惟不得位而旅處故雖得資斧不快也

六五射雉一矢亡終以譽命

六五以文明之德履帝位乃至旅居此必出征不共也
故象爲射雉不共者誰上六也上六亦離故稱雉一矢
亡者謂雉得而僅亡一矢以見射之命中也蓋由基受
楚莊兩矢射呂錡中項以一矢復命則一矢亡之說也
雖與不遺一矢有閒然兵不再試而敵服要亦以譽命
終矣譽之者人也命之者天也以其兵之應天而順人

鄒太史易會

卷之六

旅

二十

也離爲弓矢射象變而乾明且健故克征不共以捷
象曰終以譽命上逮也

上逮謂由人而逮乎天也書稱格于上下是已

上九鳥焚其巢旅人先笑後號咷喪牛于易凶

上以剛乘五卽所稱不共之臣也君之在旅爲臣者益
宜卑下以承之范蠡之事句踐是已乃挾其剛亢而凌
焉五能忍之乎射以一矢必無幸矣故於象爲鳥焚其
巢方其扼五也大且自以爲得庸知其終之无所栖也
故曰旅人先笑後號咷離爲牝牛六五之謂牛矣上惟

狎視而失之故曰喪牛于易離鳥象五至三互巽木也
鳥栖木上巢象離爲火焚象火聲无常若笑咷故爲
笑號咷相繼象變震爲威武旅而用威武宜其及也
象曰以旅在上其義焚也喪牛于易終莫之聞也

旅貴乎能下也旅而處上宜其焚矣終莫之聞者亢而
莫以告也

三三巽下

巽小亨利有攸往利見大人

巽入也伏也順也陰入而伏二陽之下順道也故其卦

鄒太史易會

卷之六

巽

二二

名巽夫巽之爲道可兼用而不可專倚也貞悔皆巽則
專以巽爲道者也故僅可小亨然曰利有攸往者與物
无忤莫之距也顧所巽者必擇其人而後可故又繫之
曰利見大人蓋亦因卦具此才而示義云

象曰重巽以申命剛巽乎中正而志行柔皆順乎剛是以
小亨利有攸往利見大人

按郭京舉正徐氏新義俱稱申命下有命乃行也句王
爾本誤入註良是至德之化不言而論不得已而以命
論則必反復丁寧務有以深入乎人心而後命可行此

重巽所以亨也剛巽中正謂二五剛而巽乎中正則不暴急以忤物而志可行此所爲利往也剛巽乎中正者大人也而兩柔皆順之利當何如故總結之曰是以小亨利有攸往利見大人

象曰隨風巽君子以申命行事

兩風相隨而至人物必深故曰巽命者君子所以風天下必反覆申明使民曉然知上意所存而後事必行

初大進退利武人之貞

君子秉一義以裁天下之務可進則進可退則退了無

鄒太史易會

卷之六

巽

一一一

疑似初六柔而下又巽主也所稱爲進退爲不果初實當之矣欲進欲退猶豫狐疑何以有立哉必若武人之貞受命忘家受服忘身見可則進知難則退雖君命有所不受斯乃丈夫之概與變而乾故曰利武人之貞象曰進退志疑也利武人之貞志治也

疑亂也不疑卽治釋武人之貞以志治義最晰矣

九二巽在牀下用史巫紛若吉无咎

九二所謂巽乎中正而志行者也古人尊者坐于牀卑者拜跪于牀下故曰巽在牀下此二以承五也然二

五不相應必得人以道達誠意于君側若祭禱而用史巫然乃克感格而輪蓋忱故吉无咎王文定曰夫子嘆文王憂患作易陳九卦而終巽以行權茲爻也其文王行權之事乎美里之囚不承怨可謂巽在牀下矣泰顛闕天之徒日夜憂懼謀救其君竭其國珍寶良馬以獻四方諸侯又曰爲請斯不亦史巫紛若矣乎卒致釋其囚賜以弓矢鉄鉞專征伐則吉无咎之謂與變長爲光明卦變漸明而巽行之以漸故能權若此互兌史巫象象曰紛若之吉得中也

鄒太史易會

卷之六

巽

一一一

牀下似卑紛若似媚然而曰中者以其時之不得不然所謂時中也得中卽剛巽乎中正吉卽志行

九三頻巽吝

三居兩巽之交有巽而又巽象故曰頻巽夫巽貴乎有節也巽而又巽則无節恭不近於禮能无恥辱乎故吝象曰頻巽之吝志窮也

夫人志意窮蹙者急於卑巽以爲容往往巽而又巽三居下卦之極故稱志窮才位皆剛以志窮過巽乃爾所謂百鍊鋼化爲繞指柔也

六四悔亡田獲三品

所以爲巽者初與四也四視初則正矣况所順者陽剛中正之君巽若是何悔之有豈惟悔亡且如田之有獲至于三品之多何者巽以承君眾賢感其忠謀亦皆心折而巽之也三品謂下三爻三剛居剛乾豆象初與我應賓客象二應五克君庖象巽利倍故多獲互離爲網罟爲兵戈田象巽爲乾順乎天德故克以忠蓋得眾志象曰田獲三品有功也

四以順承五則五之貞吉死不利固四之功也大臣而

鄒太史易會

卷之六

巽

二四

有功於君其何獲如之

九五貞吉悔亡无不利无初有終先庚三日後庚三日吉當上下交巽之世豈不儼乎其若治然情竊積而亂機伏矣得九五剛巽中正之君飭厲而振起之天下始爭自濯磨以圖治不亦世道更新之一會乎故貞吉悔亡无不利始竊而終飭始敝而終新則无初有終之說也乃卜其更新之期不在先庚三日則在後庚三日庚者更也更新之候也先庚三日子寅辰也後庚三日午申戌也五乘互兌兌西方庚象蠱亂極必治故曰終則有

始稱甲巽五飭敝爲新故曰无初有終稱庚蠱稱甲以諸互震巽稱庚取諸互兌合而觀之自晰巽五一變則成蠱又以知巽之不至爲蠱者九五之力也象曰九五之吉位中正也

剛巽乎中正此其所以志行也

上九巽在牀下喪其資斧貞凶

巽在牀下均也二吉而上凶者何二懷中德彼豈以巽媚者哉蓋權以濟其忠也上不中不正處乎勢位之窮懷祿固寵巽以求容跡雖同而心則判矣庸知其諂愈

鄒太史易會

卷之六

巽

二五

過而身愈危且并其資斧而失之則其所以自全者乃所以自禍與猶曰貞者彼其蹟非不與二同也巽利倍故稱資陽剛故稱斧以過巽故喪之變坎爲陷亦喪象象曰巽在牀下上窮也喪其資斧正乎凶也

上九亢矣而曰巽在牀下者何窮高反下故也正乎凶者謂雖正乎而實凶也正釋爻貞凶義

三三說卦

兌亨利貞

陰爲陽下必說坎水不下流於象澤澤固說萬物者也

故其卦名兌貞悔皆兌則兩情交說之象也不曰說而曰兌者无言之說乃真說也兩相說以真必亨兩相說以真必利兩相說以真必貞象意含辭外類若此彖曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

兌柔卦也然居中爲主者剛也天德介然不爲欲牽而外以柔道行之則其說也說以利貞非說以私所以順乎天而應乎人也說以使民能使民忘其勞說以犯難

鄒太史易會

卷之六

兌

二六

能使民忘其死必其所以說之者大也所謂上下與天地同流是已不然區區小惠能致民自勸乎哉

象曰麗澤兌君子以朋友講習

兩澤相麗互相滋益之象也君子以朋友講習亦如之蓋至道之精淵深玄奧必藉朋友相與反復辨證精研密究然後能詣極入微世有獨學自潔者猥言朋友之益不在言說不知其狃於邊見以自封也固矣然繫之兌者抑亦以天下之真說固自朋友得與

初九和兌吉

吾人保合大和其心本自說也智慮啟而疑竇生於是乎拂鬱乘之矣初九陽剛得正居兌之初則天真未鑿之士也敦龐醇素渾然太和之體得失不較順逆不分無所之而不自適是故謂之和兌兌而曰和無所鑿於天下天下亦真我整也吉何如之

象曰和兌之吉行未疑也

夫人必中有所疑而後不自說任天而行了無疑慮是故得和兌之吉

九二孚兌吉悔亡

鄒太史易會

卷之六

兌

二七

夫人德未足以孚天下天下或從而疑之心之不自說其所也九二陽剛得中行無不當非獨其心之自信且有以信天下故謂之孚兌則我之學可達于天下天下亦還以其學益我吉何如之初未鑿混沌者也二則人已之交矣人已之交宜不能无悔以其孚兌故悔亡吉一也爲初易爲二難卦變益民說无疆孚兌象

象曰孚兌之吉信志也

初與二之說其所固有者也三之說則說自外來者矣

莊子不云乎軒冕非性命也物之儻來寄也一切聲色貨賄名譽逢迎之類疇非儻來者哉以是爲說且至捐性命以求之凶可知已三居內兌之終外兌方來故有來兌之象要亦以陰柔不中正不能自適故

象曰來兌之凶位不當也

謂其位不中正也

九四商兌未寧介疾有喜

商者百貨之所聚也四離下而上士人出仕之象一人仕途種種紛華靡麗之說陳于前且與吾之眞說爭衡

鄒太史易會

卷之六

兌

二八

矣兩者交戰于胸中故曰商兌未寧夫惟其介然不以外易內不以欲易義一念之決立戰勝而肥矣方操民柄朝志決而澤暮及于民茲不亦疾有喜乎剛居柔故涉商兌以其剛也故能介介乎貞悔之閑亦介象變坎爲加憂故稱未寧兌爲坎塞而通也故稱有喜

象曰九四之喜有慶也

澤及生民之謂慶以在上位故其介之錫福如此

九五孚于剝有厲

剝陽者陰也謂三與上九五陽剛中正一德所感格非

惟好我者信之雖心乎剝我者亦孚而化矣既孚于剝豈不說哉然曰有厲者兢業之衷不以剝孚而忘也書曰于臨兆民凜乎若朽索之馭六馬聖人於九五不言兌而言厲深矣異爲震巽而知懼順以動故雖剝亦孚象曰孚于剝位正當也

能使剝者孚以中正故也曰位當灼然于辭乃釋爲信邪舛矣

上六引兌

引兌者謂引其君於兌也君位至危勝君之任至艱君

鄒太史易會

卷之六

兌

二九

子之事君也引以知憂引以知懼始克佐其君以久安長治徒引君於說非策也上六爲兌主居兌終才位皆柔而比於五故象如此然不言凶者尙非引君於惡也象曰上六引兌未光也

事君若魏相李沆乃可謂光也已

三三 蠱上

渙亨王假有廟利涉大川利貞

坎水得巽風而散故曰渙渙非謂民心之渙謂渙天下之難也故曰渙亨王假有廟者謂王之精誠足以感格

祖考而後天下之難可渙也孔子極贊武周孝享之禮而曰明乎郊社神嘗治國如視諸掌深矣乎非達天人幽明之故者孰能信之天下之難要不可以坐而渙也巽而木有利濟川之具必無憚涉險以圖之故曰利涉大川利貞渙必以正而後濟也

彖曰渙亨剛來而不窮柔得位乎外而上同王假有廟王乃在中也利涉大川乘木有功也

渙之所以亨者以二四兩爻言也剛謂二二坎主也柔謂四四巽主也節之九五來居二得中而不窮于險節

鄒太史易會

卷之六

渙

三十

之六三往居四得柔之正位于外卦而與五比此其所以亨也王乃在中五位中也以其德中故足以感格有廟也按郭京舉正大川下脫利貞字大川謂坎木謂巽夫必乘木而後可以濟川濟天下而不正是涉川而不以木也故總利涉大川利貞而釋之曰乘木有功

象曰風行水上渙先王以享于帝立廟

彖以渙難言象以合渙言所謂合渙者非謂合天下之渙也萬物本乎天不知反其本於天則其心渙然與天不相貫先王制為享帝之禮以我之精誠通於天所以

合天人之渙也人本乎祖不知反其本於祖則其心渙然與祖不相貫先王制為廟祀之禮以我之精誠通於祖所以合祖孫之渙也聖人郊焉而天神格廟焉而人鬼享無他精誠足以萃渙也苟以渙之心祭則如無祭初六用拯馬壯吉

坎為馬故稱馬初六非剛也而曰馬壯何謂九二也用之者誰初六也所拯者何拯天下之難也初何能用二以拯天下不用之以跡而用之以神也彼知九二剛中其才德足以拯天下黜蓮之神以啟其智潛授之畫以

鄒太史易會

卷之六

渙

三一

贊其成功及天下而已不尸所謂以無用為用也不亦吉乎初何以能爾以其柔而下也天下惟柔能用剛惟下人者能用入變為兌卦變中孚說以巽孚于九二亦所為能用以拯與拯之者渙之也故初不言渙

象曰初六之吉順也

下而用上柔而用剛此豈能強之從哉要惟順其機而用之耳順之一字聖人示人以作用之妙可深玩也九二渙奔其机悔亡

渙謂渙天下之難也机謂燕机人所憑以安也九二抱

陽剛之德能渙天下之難者欲渙天下之難必得所憑而後濟乃來居大臣之位又與同德之君乎則所謂机也坎為亟心之馬而赴之不失其時故為奔其机象亟於趨位宜有悔渙天下之難不得不爾故悔亡首以渙字深夫拯馬之用子房近之奔机之渙蕭何近之變坤卦為觀有夷險為順之才佐君以觀天下故象如此象曰渙奔其机得願也

得謂得君以渙天下之難九二之願也

六三渙其躬无悔

鄒太史易會

卷之六

渙

三三

三處坎極而與巽接譬之水得風而散矣所應在上上固去而逃出者所謂超世之士也躬處乎世路波濤之中而志游乎世路波濤之外彼且渙然不自有其躬如浮雲如虛舟若是則雖處險而不害故无悔風渙水猶以彼渙此也三坎水變巽為風則自渙也故曰渙其躬象曰渙其躬志在外也

外謂上九與超世之人乎則亦能超世矣

六四渙其羣元吉渙有邱匪夷所思

四渙其羣者非獨不樹黨也謂能散天下之黨也天下

之患莫大於朋黨極天下者莫大於渙天下之朋黨顧黨既合非可法禁而力排也又非可言諷而術解也六四柔而得正能巽以入神感默化如風之渙水不知其所以渙而渙不亦大善而吉乎邱聚也天下惟各植其黨故心離散而不一朋黨既散天下合為一心矣其渙也乃其所以聚也蘇洵曰夫羣者聖人之所欲渙以混一天下者也其得渙邱之旨與以渙為聚與所以渙羣之用豈常人思慮所及故曰匪夷所思互艮邱象風與水猶自二也變乾為天則風即水水即風故象渙邱

鄒太史易會

卷之六

渙

三三

象曰渙其羣元吉光大也

心不光大而能渙天下之羣者否矣

九五渙汗其大號渙王居无咎

大君所以渙天下之難者豈事為解而人為劑哉要惟藉號令以布之夫令一出而不可反猶汗然故曰渙汗其大號何言乎大號欲渙天下之難者必擇安危利害之大者而布之令如周之散財發粟漢之約法三章是已不然徒瑣屑於細故無常也然大號之渙也可以感天下不可以定天下必先正王位而定都焉然後天下

知有所歸而景從則耿弁說光武之言可釋也王位豈可遽即以渙天下之難不得不爾故曰渙王居无咎五王象巽爲號令故稱號變艮爲門闕爲宗廟故稱王居象曰王居无咎正位也

味正位而王居之義自晰

上九渙其血去逖出无咎

上九剛德居賓師之位佐其君以出天下於肝腦塗地之秋者也故爲渙其血象澤已布功已成宜可安其位以終矣必去而逖出者何負震世之功者不賞功成而

鄒太史易會

卷之六

渙

三四

不退則懼禍之及也斯爻也子房死蠱以之變坎爲血處事外而剛斷故爲逖出之象象曰渙其血遠害也

味遠害而逖出之義自哲

三三號上

節亨若節不可貞

水澤何以爲節澤節水也水之流無窮澤之容有限以有限蓄無窮故曰節行已有節則德隆出言有節則尤寡用財有節則國裕奚不亨然所謂節者節之使不過

也節其過以歸于中乃爲亨節而至于苦則不可貞矣象曰節亨剛柔分而剛得中苦節不可貞其道窮也說以行險當位以節中正以通

剛柔分者兌下而坎上也剛得中謂二五也此節之所爲亨也苦節則窮而難繼故曰不可貞夫節說以行險者也履險而无悶說以行之則節之出于天者也節出于天則不膠要必當其位而節蓋節乎其不容不節者也節而當位則其道中正而可通于天下夫然後亨彼苦節而可通乎哉曰說曰當位與苦反曰中正曰通

鄒太史易會

卷之六

節

三五

與窮反按郭京舉正中正以通下脫然後乃亨也句王弼本誤錄入註最是當去聲讀

天地節而四時成節以制度不傷財不害民

夏暑極秋節之冬寒極春節之故四時迭運不窮聖人節天下以制度使民無得過不及然後財不傷民不害象曰澤上有水節君子以制數度議德行

水在澤上則有所檢約而不濫故曰澤上有水節制數度議德行君子之所以節天下也以數爲度故曰數度度辨於數乃有必然之節而不得以其私越以爲德行

故曰德行本於德乃有天然之節而不得以其意增制者政也議者教也皆因民之節而節之者也

初九不出戶庭无咎

節所爲異習坎者則初以一奇塞兌底故能節坎之流耳此爻本有宜塞不宜通象況上與四應往則入于坎密二以奇畫當其前又若有以塞之故曰不出戶庭无咎夫當隱而隱當默而默當辭而辭當險而險皆所謂當其位以節者也初陽剛得正知節之早故介然能守如此苟執禹稷之仕而結顏子之隱則膠矣操宮之奇

鄒太史易會

卷之六

節

三六

之諫而咎百里奚之默則固矣說文雙扉曰門半門爲戶又外曰門內曰戶初前奇二前耦初於二爲內故初曰戶二曰門並互艮臨其前故曰不出

象曰不出戶庭知通塞也

以其知通塞之宜故能當塞而塞也

九二不出門庭凶

君子之學固將有所用之也初之不出戶庭彼有所不得已耳二亦有不得已乎哉履大臣之位非無柄也遇同德之君非無主也三以耦畫當其前又非有所塞之

也然且不出門庭何與躬輔綴奏順之任而託括囊以固位倭也據開閣延賢之地而託寡交以逃訾陋也操決凝定難之權而託遜讓以避怨奸也以此爲節蓋指其君與天下於一擲而博之者也不亦凶乎

象曰不出門庭凶失時極也

常二之時而不出後雖欲爲無及矣則失時之極也故凶卦變爲屯世方屯不出而爲經綸亦失時象

六三不節若則嗟若无咎

節坎者兌也所以爲兌者三也三豈不節者哉彼見若

鄒太史易會

卷之六

節

三七

不節輒咨嗟嘆息慚焉不能自安此其銳於節者也味象傳不節之嗟可知已不然何以稱无咎以居兌口故象嗟變而乾節儉變爲廣大故若不節而以節主視之則心慙故若嗟

象曰不節之嗟又誰咎也

以不節爲嗟未有不節者也又誰得而咎之

六四安節亨

六四履近君之位以其勢則疑敵也以其權則疑逼也然乃位正而承陽此其安於臣節者與故亨變兌爲說

節而說故安節

象曰安節之亨承上道也

得承君之道故亨

九五甘節吉往有尚

書曰土爰稼穡稼穡作甘五變坤故稱甘節節而曰甘則出乎性之自然而非矯也適乎情之已然而非厲也節以天而不自知其節節以天下而天下亦忘其爲節彖所謂中正以通者也故曰吉往有尚

象曰甘節之吉居位中也

鄒太史易會

卷之六

節

三八

中則不過而至于苦

上六苦節貞凶悔亡

苦節雖不可貞然世固有苦而貞者矣以其苦而貞故雖凶而悔亡夷齊之節豈不凶然守萬世綱常之正求仁得仁庸何悔處險之終居節之極而位正故象如此坎必往有尚變而巽則入於險凶其所矣以順故悔亡象曰苦節貞凶其道窮也

苦節雖貞然不可通于世故曰道窮卦終與居中反也

三三說上

中孚豚魚吉利涉大川利貞

孚字從爪從子鳥之抱卵也誠中凝而雛自化故至信感人曰孚然有心於信非信之至也欲持此以感人難矣其中之泊然而无所涉則發乎天而人自孚此卦以四陽函二陰中虛之象也故名中孚豚魚者江豚也豚魚澤物風性風動澤中輒浮水面以迎之風无心於豚魚而豚魚自孚君子之孚民能如風之孚豚魚則吉矣故曰中孚豚魚吉中孚雖卦名然連下讀如履虎尾同人于野之類乘巽木以涉兌澤利涉象

鄒太史易會

卷之六

中孚

三九

象曰中孚柔在內而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎天也

柔在內以一卦言剛得中以二體言柔在內虛而能容剛得中漸而不激又且和說而巽順以此孚邦邦乃化卦所以爲中孚也鳥之孚也本有化生之氣故必言化邦而孚義始足郭京舉正及字下誤增豚魚字曰信及正以釋中孚豚魚意舟惟中虛乃可乘以涉川此卦有中虛象故利涉王弼云用中孚以涉川者乘木舟虛得

其解矣所謂中孚者必於事利於理貞其孚乃應乎天若匹夫之諒賤生害理則矯行者耳豈所語於天乎故曰中孚以利貞乃應乎天也如風之孚豚魚則天矣象曰澤上有風中孚君子以議獄緩死

風感木受莫知所以然而然中孚之象也故曰澤上有風中孚書云要囚服念五六日至於旬時不蔽要囚說者以爲爲囚求生道也求之而不得則囚與我皆無憾矣斯乃謂之中孚使不詳議其獄遽置之死地則用刑者雖明中必不能無含疑受刑者雖當中必不能無含

鄒太史易會

卷之六

中孚

四十

憾惡在能孚哉若子羔之於刖者庶幾風澤之感矣初九虞吉有它不燕

虞安樂意孟子所稱驩虞是也夫人本同一體无不相孚有不孚者必其中之有所拂也初九陽剛得正純一未漓與四爲應權然相適孚之至也故曰虞吉使岐而之三兩陰不能無爭兼說之不得獨說之不得若之何能燕安也卦二陰或主順或主說故聖人慮其岐而戒之如此變坎有孚亦虞象卦變渙慮其渙也故戒有它象曰初九虞吉志未變也

以位初故志未變

九二鳴鶴在陰其子和之我有好爵吾與爾靡之

九二剛中之德與五合必且心孚所謂同聲相應者也故爲鶴鳴子和象曰在陰者以表其闇然之修不求孚而人自孚也好爵謂二二德剛中我實有天之尊爵非惟我自靡五亦靡之矣何者民受天地之中以生所謂秉彝也懿德之好根於中心此所爲相和鳴與鶴澤鳥至秋則鳴又知夜半鳥之信者也故取以爲二象鶴性好陰二陰位故曰在陰靡子夏傳陸續作靡異繩係象

鄒太史易會

卷之六

中孚

四一

變震爲善鳴卦變益或益之十朋之龜和且靡可知也

象曰其子和之中心願也

心願謂五

六三得敵或鼓或罷或泣或歌

三主兌四主巽兩陰相比勢必不能心孚故其象爲敵爲匹而三才柔位剛且動且靜心無定主故或怒其我敵而鼓之或知其不可敵而罷焉或懼不克敵而泣之或喜其不我敵而歌焉作止悲懼轉徙靡常愆可知已水之在澤也風動若鼓風息若罷風狂若號風徐若歌

三澤面而與風交故象如此又互震鼓象互艮罷象全卦肖離火聲沸泣且歌象

象曰或鼓或罷位不當也

以陰居陽故曰不當

六四月幾望馬匹亡无咎

六四履巽得正守其柔嘉以承陽剛中正之君此陰德之盛者也故曰月幾望月受光于日至于望則光無不受亦明其相孚之象匹謂三三於四有爭心故謂為敵四於三無爭心故謂為匹馬匹亡謂不見其人也與人

鄒太史易會

卷之六

中孚

四二

無競而一心以承上故雖比陰而无咎震為馬三四皆互震故稱馬匹三不能亡而四能亡者則正與不正之較與卦變履履四以履三而愬愬亦匹亡之義也

象曰馬匹亡絕類上也

三同陰故稱類上謂五

九五有孚羣如无咎

孚謂孚四五陽四陰各得正位故同體相孚辭與小畜九五同可徵也五為中孚主當使萬邦作孚乃僅六四之羣乎顧六四正人以正而孚故无咎異繩三五互艮

艮手有羣象卦變損五亦益之十朋之龜孚羣可知也象曰有孚羣如位正當也

苟為不正雖有賢臣亦疑之而不孚矣

上九翰音登于天貞凶

雞鳴必振拍其羽故雞曰翰音巽為雞上居巽極天位也故為翰音登天之象所謂中孚者出乎中心之誠然而無所矯強故能入道以成化雞之振羽不越尋丈飛而高至若登天斯乃強力而上非其本性也雖貞亦凶何者強過其力何可長也必墜无幸矣語云箭射虛空

鄒太史易會

卷之六

中孚

四三

力盡則反學不率其真常而矯強以高世非所語中孚之道也故聖人為之戒如此

象曰翰音登于天何可長也

三三艱上

小過亨利貞可小事不可大事飛鳥遺之音不宜上宜下大吉

小謂陰也二陽四陰故曰小過於才柔勝剛於國臣勝君皆所謂小者過也事或以柔勝而濟國或以臣勝而昌則其過也過乎其所得不過也故亨且利貞然陰

終不能任大稱其才位所及而籌之則可故曰可小事不可大事象之以飛鳥者二陽實內類身四陰張外類翼翼張則飛故稱飛鳥鳥窮飛而上則化故託飛鳥遺之音曰不宜上宜下大吉蓋以小過大非其常也尙可倏然有先心乎惟卑下以自牧則得矣柔而能下則可爲百谷王臣而能下則可爲少主昆故不徒曰吉而曰大吉以小過猶得大吉於此見下人之功鉅也

鄒太史易會

卷之六

中孚

四四

象焉飛鳥遺之音不宜上宜下大吉上逆而下順也

小過下當依俞氏脫亨字郭京舉正是以下脫可字小事下誤增吉字程子以爲註語誤入是也當過而過則其過也乃所以諧於利而繫於貞故曰過以利貞與時行以二五柔得中故策其可濟小以三四剛失位不中故策其不可濟大逆順以二陰言上則乘剛故逆下則承陽故順孔子就卦象以釋彖義類如此

象曰山上有雷小過君子以行過乎恭喪過乎哀用過乎儉

雷出地曰豫雷在天上曰大壯今在山上視出地之豫則過矣然未及乎天上之大壯則其過亦小也故曰山上有雷小過行與其偁也寧恭雖過乎恭可也然而大過則取辱喪與其易也寧哀雖過乎哀可也然而大過則滅性用與其奢也寧儉雖過乎儉可也然而大過則涉嗇故於小過發之益以見聖人用中之妙

初六飛鳥以凶

卦本飛鳥之象鳥之用翼之銳離爲飛鳥初上變則故離故獨于兩爻稱飛鳥飛騰而上也初爲下六爲小

鄒太史易會

卷之六

小過

四五

小而犯大下而凌上必無幸矣飛鳥非凶也以初六而凶故曰以凶

象曰飛鳥以凶不可如何也

不可如何莫救之辭也

六二過其祖遇其妣不及其君遇其臣无咎

小過陰過陽也故於兩剛稱弗過二與六稱過內卦象家於家祖爲陽妣爲陰故以三爲祖初爲妣外卦象國於國君爲陽臣爲陰故以四爲君五爲臣二比初而配五故曰遇夫六二有過其祖之勢而適與妣遇妣固佐

其祖者必且爲祖節之矣且有過其君之勢而適與臣
過臣固衛其君者必且爲君節之矣此二所以得无咎
也要以得中變且異故能受人之節與不及承過言謂
未及過也不曰過而曰不及者謹分也亦以其隔三有
不及之象

象曰不及其君臣不可過也

臣不可以過君故特變文而稱不及

九三弗過防之從或戕之凶

當小過之時陽弗之能過也勢既弗過又以剛正爲羣

鄒太史易會

卷之六

小過

四六

陰所嫉可無防與然防之可耳若恃其重剛而從焉則
或起而戕之矣何者勢不敵也從如從禽從獸之從若
魯昭之於季高貴鄉公之於司馬是已三艮主位內卦
之上有防象互兌兌爲禍害戕象
象曰從或戕之凶如何也

凶如何甚之之辭

九四无咎弗過遇之往厲必戒勿用永貞

九四弗過與三同獨得无咎者三用之以剛而四用之
以柔也用之以柔故能自度其力之弗過而禮遇之茲

所以无咎耳使往而征之則必厲可无戒與然此一時
之微權也時移勢改當自有澄清之法惡可永永固守
此乎味孔子處陽貨始末則知斯爻之義矣往厲戒皆
震象卦變謙有弗過而能遇之象

象曰弗過遇之位不當也往厲必戒終不可長也

以失位無以制陰故不得不暫遇之也雖往厲必戒然
而不可以長戒正釋勿用永貞義

六五密雲不雨自我西郊公弋取彼在穴

以二陽爲君故六五外取大臣之象稱公六五之過德

鄒太史易會

卷之六

小過

四七

之過乎君者也何也柔而得中非夫失位不中者倫也
彼其德之盛若雲之密濶然有霖雨天下之勢然而不
雨者君不我孚發之自臣終不克澤及天下故爲密雲
不雨自我西郊之象雲自西之東則不雨變兌互亦兌
兌主西故稱西郊蓋借以象澤之自臣也雖然公豈能
忘情天下哉天下之賢才有隱于岩穴之內者弋而取
之以自輔庶幾相與格君而布霖雨之澤若後車之載
是已全卦省坎雲象坎爲弓矢互巽爲繩弋象穴謂六
二以其虛而在艮山之中故稱穴或曰小畜與此爻皆

文王之象故西郊稱我隱辭也

象曰密雲不雨已上也

已上郭京舉正作已止謂艮止乎下而不升也陰陽和則雨陽止乎下故不雨

上六弗遇過之飛鳥離之凶是謂災眚

四陰皆過乎陽獨上曰過之者過者勢也而過之者其心也上處動極亢而自高故不知以禮遇陽而恣過之其心方且自以爲得志肅知如鳥之飛而窮上肌膚毛羽倏然離散不亦凶乎言凶矣復申曰是謂災眚者蓋

鄒太史易會

卷之六

小過

四八

曰无妄之禍君子以爲猶福也此乃孽自己作天實怒而災之是乃謂災入實惡而膏之是乃謂膏使自知其至是而忍過哉嘻可哀矣變離故稱飛鳥稱離之稱災象曰弗遇過之已亢也

陽之亢也猶且有悔陰而亢能無凶乎

三三離上

既濟亨小利貞初吉終亂

水火相交各當其用故名既濟坎在外亦出險之象何言乎亨小三陰得位三陽下之小者亨之象也小非以

人言謂小心畏慎者也恃泰而懷好大喜功之心則塞矣漢家既定承以文景則治至武帝則亂亨小之義微矣哉即知用小矣非固守正道亦不足保泰故利貞夫入當濟之始尙多畏慎久則玩玩則驕滋故初吉終亂象曰既濟亨小者亨也利貞剛柔正而位當也初吉柔得中也終止則亂其道窮也

按郭京舉正亨下脫小字彖傳明釋小者亨猶或謂小亨或謂由小者致亨義不諧矣三剛三柔皆當其位正也故曰利貞初終以離坎取象二離主也柔而得中此

鄒太史易會

卷之六

既濟

四九

正能用小者故初吉水過坎則止不能持之以畏慎而有止心所爲終亂也曰柔中曰止此又孔子借象以辨治亂之幾深矣

象曰水在火上既濟君子以思患而豫防之

水在火上可以成烹飪之用故其象爲既濟然而火熾亦足以涸水水覆亦足以滅火安得以其相濟而莫之防與時當既濟宜若無患矣然而天下之患常伏于承平無事之時及其發而後圖之則無及矣思患所由而豫防之此其所以無患與

初九曳其輪濡其尾无咎

當濟難之初以剛居剛蓋有能濟之才而果於任者也
譬如良馬駕大車涉大川將登岸而未登竭力以曳其
輪至於濡尾而不卹當其時不如是不足以濟故无咎
茲爻也其周公東征之事與卦變蹇欲濟而蹇故不得
不曳其輪輪謂坎

象曰曳其輪義无咎也

人臣爲國濟難義也雖過任何咎

六二婦喪其茀勿逐七日得

鄒太史易會

卷之六

既濟

五十

六二當既濟之世而位大臣抱文明中正之德上與五
應故稱婦明其爲五之正耦也以中女而配中男本婦
象茀所以蔽車者婦人出門必藉茀以蔽詩稱翟茀以
朝是九三者三之茀也而迫近坎四坎爲盜故稱喪其
茀婦而無茀則不可乘車而適夫矣蓋良臣遭讒閉不
得通于君之象然濟世之具在我五方需賢弼以出險
舍我其誰吾惟靜以俟之不久當自合故詔之曰勿逐
七日得楊萬里曰管蔡謗周公公不辯而王有悟燕王
上官譖霍光光不言而帝自察得爻義矣曰七日者自

二反數之歷初數而還值二也卦變需亦勿逐象

象曰七日得以中道也

以中感中故不求而自孚也

九三高宗伐鬼方三年克之小人勿用

九三剛居剛內治既濟則思奮兵遠討綏靖四夷故舉
高宗伐鬼方以爲象必曰三年克之者見盛世用兵之
難也蓋當恬熙之後將士既不習于干戈民且憾於饋
餉之煩故雖以高宗之賢猶待三年而後克可弗慎與
當其伐也或不得已而任將才師克行賞若使小人得

鄒太史易會

卷之六

既濟

五一

操政柄其禍且深于鬼方何者移其外難而植之內必
弗濟也然則如之何多予之鐵幣而隆其虛秩可耳離
爲兵戈故稱伐三與上應上坎體坎北方故稱鬼方三
至上歷三爻故稱三年卦變屯動乎險中有克而難意
象曰三年克之愆也

師老財匱能無愆乎味一愆字兵之不可輕用明矣

六四繻有衣袽終日戒

說文繻繻采也袽絮縵也當世治平常伏亂機如盛服
之中敗絮藏焉坎爲隱伏故也四以柔居柔小心畏慎

初涉險而居多懼之地故其戒若是曰終日者離日盡而坎月方升之時也卦變革懼治之革而亂也故戒象曰終日戒有所疑也

疑夫治之伏亂也

九五東鄰殺牛不如西鄰之禴祭實受其福

所稱東西鄰者非以五對二言以既濟對未濟言也承平之君承熙襲恬文物非不隆也法紀非不張也然而寅畏不篤徒倚文具以格天人不亦難乎會不如新造之國文物雖未備法紀雖未完然其心兢惕常思所以

鄒太史易會

卷之六

既濟

五二

逝天休而輯民和者福履之綏彼且凝之矣故曰東鄰殺牛不如西鄰禴祭實受其福聖人懼人君當既濟之世侈志張皇而忘惕厲故設之警如此離日爲東坎月爲西既濟之五坎主也然與離爲隣故曰東鄰未濟之五離主也然與坎爲鄰故曰西鄰既濟之祭也自厚亦以離爲牛坎實刑之故稱殺牛未濟之祭也自薄亦以離爲夏夏祭曰禴故稱禴卦變明夷故警之如此象曰東鄰殺牛不如西鄰之時也實受其福吉大來也禴時祭也然吉大來者天之所福不於其物於其誠也

上六濡其首厲

治極則反勢已危矣而上六處以陰柔不知戒慎方且恃其承平恣爲淫樂能無及乎位上爲首水而至上濡首象與大過上六滅頂同坎爲巽亦入險之象雖濡首猶可奮而出也故不言凶而言厲

象曰濡其首厲何可久也

何可久危象非必亡也

三三 離上

未濟亨小狐汔濟濡其尾无攸利

鄒太史易會

卷之六

未濟

五三

火在水下不相爲用故名未濟坎在內亦未出險象夫曰未濟則固有濟勢特需時耳六五柔得中又自亨道故曰亨坎爲水爲穴爲隱伏穴居隱伏往來水閼者狐也故九家易曰坎爲狐以在下故稱小汔幾也幾濟而濡其尾則不克濟也何利哉老狐多疑畏故履冰而聽恐陷也小狐未知戒不自度其力而冒進故至於濡尾天下之治恒以老成鍊達濟以少年輕銳敗聖人取象小狐以爲戒警夫

象曰未濟亨柔得中也小狐汔濟未出中也濡其尾无攸

利不續終也雖不當位剛柔應也

柔則不愾以債事柔而中則不懦以失幾此能濟之才也故致亨曰幾濟則猶未出乎險中而力不足以續終能无濡尾何以不克續終以六爻皆不當位也然雖不當位而皆相應剛柔協力要於必濟故得稱未濟故曰亨文王以未濟終易孔子釋象已畢復申此旨皆以示易无終窮之理達斯義而後可與語易

象曰火在水上未濟君子以慎辨物居方

水在火上則水火各得其所而相濟火在水上兩失其

鄒太史易會

卷之六

未濟

五四

所此所爲未濟也君子以此慎辨其物宜而各置其物於所宜居之方使不相犯此濟世之大畧也蓋尊卑內外邪正夷夏之類一不止其所則階之亂耳可弗慎與初大濡其尾吝

猶之濡尾也既濟曰无咎此曰吝何方涉險而尾即濡與登岸而濡者異矣時當未濟以陰居下又非能濟之才不自度而冒進故足吝也卦變睽孤也亦不克濟象象曰濡其尾亦不知極也

極者終極謂不自度其續終之難也

九二曳其輪貞吉

九二抱剛中之德而應于五五所委任以濟難者也鞠躬盡瘁經綸屯蹇故爲曳其輪以濟之象不憚艱苦以出其君于險此臣之正義也故曰貞吉先儒以曳爲倒曳世豈有欲濟而倒曳者以曳輪爲柔順於義益不肖變坤卦爲晉順而麗乎明二乃晉而愁以受介福者象曰九二貞吉中以行正也

九居二非正也曰貞吉者位中故也人心苟無所倚其行未有不正者故曰中以行正學者不務擇中而欲飭

鄒太史易會

卷之六

未濟

五五

行味斯言可以悟矣

六三未濟征凶利涉大川

六三將出險矣然猶未出也故曰未濟征者進而有爲之意以陰居陽不度力而銳進者也其身未出乎險遠欲進而有爲於天下譬如涉者未登岸而征行必且溺矣當先計所以出險者身在險外而後可徐有爲也故曰征凶利涉大川三坎體變則成巽益所謂木道乃行也又互乾則同人所謂乾行也故爲利涉大川象象曰未濟征凶位不當也

陰而位陽故曰不當

九四貞吉悔亡震用伐鬼方三年有賞于大國

九四以剛德而比柔順之主變則互震且居震極蓋挾震主之威者也苟爲不貞而或用其震于上必且自沒悔无及矣故告之貞吉悔亡其惟用其震于伐鬼方三年而克夫且有賞于大國孰與夫蹈險以邀不可幸之福哉噫聖人所爲防臣節之潰者深矣鬼方謂初初坎體也由四至初歷三爻故曰三年象曰貞吉悔亡志行也

鄒太史易會

卷之六

未濟

五六

謂用其震於鬼方而後志得行也

六五貞吉无悔君子之光有孚吉

六五離明之主而履中體柔故能虛心以受眾君子之益此正得知臨之宜者也故直曰貞吉无悔夫如是德輝之盛方且光被四表蓋眾君子之光皆萃而爲五之光矣然豈浮慕禮所得哉彼其真實心孚于眾賢各輸其誠以贊之茲用能濟天下于險故曰君子之光有孚吉光以離言乘承應皆剛而柔並諧之故稱有孚離而爲乾亦天與日光孚之象

象曰君子之光其暉吉也

暉者日旁之光故周禮祗祿以十量爲十輝曰其暉吉以見吉不獨五並所孚者蒙其吉矣

上九有孚于飲酒无咎濡其首有孚失是

以剛明居未濟之極知時將可以有爲與素所孚信之友飲酒宴樂以需之此亦達命者之爲故曰有孚飲酒无咎然使沈湎不反則雖有孚友方且共曠于酩酊即值事幾之會不知起而乘之无乃載胥及溺乎故曰濡其首有孚失是是時也當其可之謂時時可濟而弗之

鄒太史易會

卷之六

未濟

五七

乘茲曰失是飲酒而曰濡首者人之溺于酒也猶溺于川故借濡首以形之上所孚者三也三坎體故象酒而上乃下孚之是首反向下而入于酒也故爲孚于飲酒濡其首之象變震卦爲解上本有動而解悖之才而以飲酒失故曰失是蓋深惜之辭

象曰飲酒濡首亦不知節也

節者節侯之節蘇氏所謂事幾之會也曰不知節正釋失是之義

易會卷之七

安成鄒德溥述

附錄
男 廿九 明 男 廿九 明

朱大夏
男 同校 承明

繫辭上傳

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變化見矣是故剛柔相摩八卦相盪鼓之以雷霆潤之以風雨日月運行一寒一暑乾道成男坤道成女

此章總言造化本有自然之易聖人特因而象之以設

鄒太史易會

卷之七

繫辭

一

教所以著作易之原也蓋觀天地尊卑之象而乾坤之先後定矣觀萬類高卑之陳而二五之貴賤位矣觀陽動陰靜之有常而奇耦之剛柔判矣觀類聚羣分不能無生得失而比應攻取之吉凶兆矣觀成象成形若日月之往來星辰之顯晦山川之聳伏潮汐人物之榮枯代謝而陰陽老少之變化見矣相摩相盪以造化之幾言非言卦畫也故遂以雷霆風雨繼之蓋太極初判惟是乾剛坤柔相為摩切而生六子六子與乾坤又互相推盪于亭毒之間於是乎有雷霆風雨日月寒暑之變

以化育萬物于无窮于中得乾道者成男得坤道者成女紛藉布濩于霄壤而易象以森然備矣

乾知大始坤作成物乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡則天下之理得矣天下之理得而成位乎其中矣

此以下則又以乾坤統易而以易簡之德統乾坤所以揭聖學之宗也萬物之生必有所以始之者則乾實主之即六子不得與也雖得氣始必有所以成之者則坤

鄒太史易會

卷之七

繫辭

二

實作之即乾亦不復與也然乾之知始也要以易知蓋本乎氣之自然而非慮也匪易則知必有所及有所不及安能盡萬物而資之始乎坤之作成也要以簡能蓋因乎乾之自然而非為也匪簡則作必有所及有所不及惡能盡萬物而資之生乎此无他乾坤一陰陽也陰陽一太極也太極本无極也乾以本无極也故易坤以本无極也故簡易簡者乾坤之所以知始而作成者也亦不專屬乾坤言故下遂以人道繼之人心之良本自易簡孟子所謂不學不慮是也人惟其心之艱險則難

察難察則眾莫親易則易知易知則有親勢也人惟其事之煩瑣則難從難從則功莫就簡則易從易從則有功勢也有親則可久可久則賢人之德然乃得之自易有功則可大可大則賢人之業然乃得之自簡故夫易簡而天下之理得矣天下之理得則可成位乎天地之中而與參矣學子奈何自舍所爲易簡者而難且繁之求哉中庸提出率性二字而極其用於位育參贊大與此章相發明先儒專以易簡屬聖人亦非

右第一章

鄒太史易會

卷之七

繫辭

三

聖人設卦觀象繫辭焉而明吉凶剛柔相推而生變化上章言造化本有自然之易此乃言聖人作易以闡入事之變而教天下伏羲之設卦蓋以象告也使人釋其象而吉凶判也柰世之能以象悟者罕文王周公於是觀其象而繫之辭以明告吉凶于天下爻之有變化則以剛柔相推而生也變化生而易之用乃始死窮不然辭雖設止六十四卦三百六十四爻爾矣何以開物成務而冒天下之道哉是故吉凶者失得之象也悔吝者憂虞之象也

悔未至吉也然而吉之端也吝未至凶也然而凶之漸也虞慮意

變化者進退之象也

進退者言乎世運之升降人生之盛衰氣機之代謝也剛柔者晝夜之象也

心之覺迷異幾國之明晦異狀用之誦信異態皆判若晝夜故寓言晝夜以括之

六爻之動三極之道也

動以變言極猶至也域中有三極曰天曰地曰人天必

鄒太史易會

卷之七

繫辭

四

陰陽交錯而相濟然後可以大生地必剛柔交錯而相濟然後可以廣生人必仁義交錯而相濟然後可以爲生民立命故非六爻變動不足以象之

是故君子所居而安者易之序也所樂而玩者爻之辭也是故君子居則觀其象而玩其辭動則觀其變而玩其占是以自天祐之吉无不利

何謂序如當乾之姤則宜居而安乎潛當乾之同人則宜居而安乎見以其不可亂也故曰序觀象玩辭既已察乎天之道觀變玩占又且祇乎天之示我之心實與

天乎天惡得而不祐哉易不可以鹵莽得也故詔之以玩深夫

右第二章

象者言乎象者也爻者言乎變者也

象不獨以天地雷風之類言卦德卦形卦綜皆是變不獨以陰陽老少之變言如初變二二變三與乘承比應之變皆是

吉凶者言乎其失得也悔吝者言乎其小疵也无咎者善補過也是故列貴賤者存乎位

鄒太史易會

卷之七

繫辭

五

如以二視初則二貴矣以五視二則五又貴矣

齊小大者存乎卦

小大非膠陰陽言如以乾視坤則乾大矣以大有視同人則大有大矣卦之大者六爻之取義无弗大也卦之小者六爻之取義无弗小也故曰齊小大者存乎卦

辨吉凶者存乎辭憂悔吝者存乎介

介判決意謂必介然判決而後悔吝可免也

震无咎者存乎悔

震奮動意謂必深心自悔而後能震奮以善補也

是故卦有大小辭有險易辭也者各指其所之

卦與辭不必牽合險易以辭所指言行險必凶居易必吉故觀於辭之險易而吉凶辨也指其所之之吉凶使人知所趨避此聖人作易之本旨也

右第三章

易與天地準故能彌綸天地之道仰以觀於天文俯以察於地理是故知幽明之故原始反終故知死生之說精氣爲物游魂爲變是故知鬼神之情狀

準符合也彌周渙也綸經緯也易所以與天地準者以

鄒太史易會

卷之七

繫辭

六

其知幽明之故死生之說鬼神之情狀也今夫日月星辰之昭列其文炳如也日月有出有入星辰有見有隱惡謂明也而无幽乎山陵川澤之繇絡其理秩如也山勢之行有顯有藏水脉之流有出有洩惡謂明也而无幽乎何者陰陽之相生相乘此必然而不可易者也聖人觀乎天文而得其所以出入隱見察乎地理而得其所以顯藏出洩是故知幽明之故死生之相爲輪轉固也然性本无生死也夫人不自知本无生死卑者耽奉高者思離總不免爲生死轉則未嘗自原其始而反其

終也聖人原其始之來本自來而無從來反其終之去本自去而無從去知吾之本无生死不取不舍超然不爲生死轉斯其爲知死生之說生而成形之謂物物也者合精與氣而結之者也精之靈曰魄氣之靈曰魂其合也精氣可見而魂魄不可見其離也魄之降可測而魂之游不可測倏而无倏而有狀何變也善則福不善則禍誠則享不誠則不享情何變也聖人察其所以物而知物之游爲變察其所以變而知變之生於物是故知鬼神之情狀

鄒太史易會

卷之七

繫辭

七

與天地相似故不達知周乎萬物而道濟天下故不過旁行而不流樂天知命故不憂安土敦乎仁故能愛

聖人會幽明死生鬼神之祕以作易故易之爲道也與天地相似天地安得而違之夫人之過生於知不足以周物而道弗廣也易之爲教也和周乎萬物之宜而道博濟乎天下故不過旁猶旁燭之旁流當依京房本作蕃夫人之憂生於心之有所膠也不然則其不知命之係於天而弗能安也易之爲教也旁行而無所留任樂其天之自然而安乎命故不憂夫人之不克愛者由有

所擇於境公物之心以計自便而隔也易之爲教也各安其土之適然而不以遷其性之仁故能愛範圍天地之化而不過曲成萬物而不遺通乎晝夜之道而知故神无方而易无體

天地至大矣易能範圍之不過萬物至賾矣易能曲成之不遺晝夜之道至變矣易能通其道而知以此見神无方而易无體使有方體則所範圍曲成幾何晝夜之道又安能通而知哉陰陽之相爲循環卽晝夜可知也故提一晝夜而幽明死生鬼神之屬皆舉之矣世儒不

鄒太史易會

卷之七

繫辭

八

察所謂晝夜之道猥云學欲晝夜常知此无論非易本旨彼以覺照爲知非所語於不慮之知也焉得通

右第四章

一陰一陽之謂道

一陰陰也一陽陽也一陰一陽循環不已是孰樞之而然耶顧素所以樞者不可得若有若无无非有非无以其終日由之而不可住也故名之曰道然則夫人一動一靜一作一止一語一默一呼一吸何之非道要在人默識之爾

繼之者善也成之者性也

道非可以善名也然而善之所從出也故曰繼之者善
蘇氏曰善者道之繼而指以爲道則不可性者自然之
稱也道本无爲也而人以爲與焉則病道夫得道者得
之於无以爲也故曰成之者性

仁者見之謂之仁知者見之謂之知百姓日用而不知故
君子之道鮮矣

仁者見其繼之仁也而遂以道爲仁知者見其繼之知
也而遂以道爲知則既以其見而隔之百姓之所日用

鄒太史易會

卷之七

繫辭

九

者莫非道也然而行不著習不察則又以其不知而迷
之此君子之道所以鮮也

顯諸仁藏諸用鼓萬物而不與聖人同憂盛德大業至矣
哉富有之謂大業日新之謂盛德

此下總言道之妙舊歸諸天地者非易言乎道之顯諸
仁天以資始地以資生聖人以贊化育此道之顯者也
乃其所以用者則藏於无朕莫可測矣鼓萬物而不與
聖人同憂以見其莫之鼓而鼓也莫之鼓而鼓此其德
之所以日新而業之所以富有也然則聖與道二與曰

道无爲者也聖人无爲而有爲有爲而无爲

生生之謂易成象之謂乾效法之謂坤極數知來之謂占
通變之謂事陰陽不測之謂神

至此方說到易上然皆本道來夫易何以名也陰生陽
陽生陰以其相變易而无窮也故曰易道无象也至乾
而始有成象道无法也至坤而始有可見之法聖人之
設乾坤蓋使天下因法象以見道也極著之數以知來
之謂占即其占而變通之以成務之謂事聖人之設著
數蓋使天下因占變以游乎道也要之不外乎一陰一

鄒太史易會

卷之七

繫辭

十

陽也陰也而或變乎陽陽也而或變乎陰以其兩在不
測故曰神聖人神道設教而作易故極論道妙而歸之
易如此

右第五章

夫易廣大矣以言乎遠則不禦以言乎邇則靜而正以
言乎天地之間則備矣

此章贊易道之廣大而歸本於易簡蓋亦首章之意窮
極幽深而靡限故曰不禦思爲不擾而行自當故曰靜
正

夫乾其靜也專其動也直是以太生焉夫坤其靜也翕其動也闢是以廣生焉

乾一而實故曰專曰直坤兩而虛故曰翕曰闢專以直便含易曩翁以闢便含簡義廣大之析朱義備矣然專者動直之基也靜翕者動闢之基也故皆以靜為先廣大配天地變通配四時陰陽之義配日月易簡之善配至德

廣大承乾坤言而曰配天地則乾坤不專指天地可釋也變通以陰陽相變言陰陽之義以奇耦相對言德而

鄒太史易會

卷之七

繫辭

十一

曰至則不思而得死為而成者也何易簡如之易簡理得則天地四時日月之妙皆在我矣結以至德一語意最深切

右第六章

子曰易其至矣乎夫易聖人所以崇德而廣業也知崇禮卑崇效天卑法地天地設位而易行乎其中矣

易之作也聖人所以崇天下之德而廣天下之業者也蓋會易之蘊則知自崇踐易之教則禮自卑知欲其通微也雖極于无上而不為杳禮欲其節志也雖處於最

下而不為降世儒移其崇於禮移其卑於知亦惑甚矣聖人崇效天而卑法地天地設位而崇卑之象已具矣故曰易行乎其中

成性存存道義之門

成性謂吾人現成之性性本不滅而常存此道義之所從出也故曰成性存存道義之門人苟徹性未有不常乎道義者蓋又約禮卑而歸於知崇之意

右第七章

聖人有以見天下之賾而撰諸其形容象其物宜是故謂

鄒太史易會

卷之七

繫辭

十二

之象聖人有以見天下之動而觀其會通以行其典禮繫辭焉以斷其吉凶是故謂之爻言天下之至賾而不可惡也言天下之至動而不可亂也

賾說文雜亂也古作𦣻左傳曰𦣻有煩言惡猶厭也天下事理之錯雜難言也聖人擬諸其形容而象其物宜以著卦是故謂之象天下事機之變動難裁也聖人察其要會而可通者定為經常之禮以判失得是故謂之爻賾若可惡矣乃言天下之至賾而不可得惡則其理當也動若可亂矣乃言天下之至動而不可亂則其理

析也

擬之而後言議之而後動擬議以成其變化

夫易變化之道也謂道之變化而恣焉可乎擬之而後言必當其典禮者而言也議之而後動必當其典禮者而動也夫如是乃克成其變化蓋所謂變化者變化以從乎典禮者也恣而爲之則非所以成變化矣

鳴鶴在陰其子和之我有好爵吾與爾靡之子曰君子居其室出其言善則千里之外應之況其邇者乎居其室出其言不善則千里之外違之况其邇者乎言出乎身加乎

鄒太史易會

卷之七

繫辭

十三

民行發乎邇見乎遠言行君子之樞機樞機之發榮辱之主也言行君子之所以動天地也可不慎乎

樞機皆動於此而應於彼者也

同人先號咷而後笑子曰君子之道或出或處或默或語二人同心其利斷金同心之言其臭如蘭

先號咷而後笑異而同者也故聖人借其辭以明君子跡異而心同不必泥先後言

初六藉用白茅无咎子曰苟錯諸地而可矣藉之用茅何咎之有慎之至也夫茅之爲物薄而用可重也慎斯術也

以往其无所失矣

勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也

德愈盛則禮愈恭

亢龍有悔子曰貴而死位高而无民賢人在下位而无輔是以動而有悔也

重出

不出戶庭无咎子曰亂之所生也則言語以爲階君不密

鄒太史易會

卷之七

繫辭

十四

則失臣臣不密則失身幾事不密則害成是以君子慎密而不出也

口舌亦一身之門戶

子曰作易者其知盜乎易曰負且乘致寇至負也者小人之事也乘也者君子之器也小人而乘君子之器盜思奪之矣上慢下暴盜思伐之矣慢藏誨盜治容誨淫易曰負且乘致寇至盜之招也

知盜謂知盜之所由招也聖人蓋借此諸爻以示擬議之則

右第八章

天一地二天三地四天五地六天七地八天九地十

此二十字韓康伯本在夫易何爲者上班固律歷志及衛元嵩元伯運者篇皆在天數五上程朱從之良是

天數五地數五五位相得而各有合天數二十有五地數三十凡天地之數五十有五此所以成變化而行鬼神也此四十字韓康伯本在再扐後掛下朱義移置此亦是河圖一六位北二七位南三八位東四九位西五與十位中故曰五位陰陽之相得必矣故一六合而成水二

鄒太史易會

卷之七

繫辭

十五

七合而成火三八合而成木四九合而成金五十合而成土此天地自然之數也天地之數各五合而成十則五之合也分而積之天數五五地數六五合而積之則爲十者五乃其奇又五故夫數統於五也夫天地之用五行而已矣故舉所以成變化而行鬼神者歸之五以啟大衍之數

大衍之數五十其用四十有九分而爲二以象兩掛一以象三揲之以四象以四時歸奇於扐以象閏五歲再閏故再扐而後掛

五者數之祖也卽此五數而極衍之蓋得五十故曰大

衍虛其一而不用者象太極也以示其无用而无不用也易有太極是生兩儀以分二象兩則虛一之象太極可徵也掛一左右揲蓋象不閏之歲三故再扐象再開每變必掛故曰再扐而後掛要之以象者不期象而自象也謂著以象之則非矣

乾之策二百一十有六坤之策百四十有四凡三百有六十當期之日二篇之策萬有一千五百二十當萬物之數也

鄒太史易會

卷之七

繫辭

十六

乾老陽也取老陽之策而六積之故得二百一十有六坤老陰也取老陰之策而六積之故得百四十有四合而得三百六十然以兩少之策合亦得三百六十通二篇亦得萬有一千五百二十

是故四營而成易十有八變而成卦八卦而小成引而伸之觸類而長之天下之能事畢矣

王宗傳曰營求也用著之法以四而揲之成易之數以四而求之故老陽數九四而求之則其策三十有六老陰數六四而求之則其策二十有四少陽數七四而求

之則其策二十有八少陰數八四而求之則其策三十有二陰陽老少六爻之本也故曰四營而成易朱義祖陸績之說誤也必若爾則歸奇於扚者再併分二掛一揲四是爲五營矣豈得謂爲四哉唐一行之說曰十有八變而成卦八卦而小成則十八變之間有八卦也變之扚有多少其一變也不五則九其二與三也不四則八八與九爲多五與四爲少少多者奇耦之數也三變皆少則乾之象也乾所以爲老陽而四數其餘得九故以九名之三變皆多則坤之象也坤所以爲老陰而四

鄒太史易會

卷之七

繫辭

十七

數其餘得六故以大名之三變而少者一則震坎艮之象也震坎艮所以爲少陽而四數其餘得七故以七名之三變而多者一則巽離兌之象也巽離兌所以爲少陰而四數其餘得八故以八名之故七八九六者因餘數以明陰陽陰陽之所以爲老少者不在是在乎三變之閉八卦之象也此其說與大傳所稱乾坤之策合不然乾未必六爻皆老也何以曰二百一十有六坤未必六爻皆老也何以曰百四十有四六十四卦之象由八卦之象而推也六十四卦之義由八卦之義而廣也故

曰八卦而小成引而伸之觸類而長之天下之能事畢矣

顯道神德行是故可與酬酢可與祐神矣

道无象以著而著故曰顯德行得著決之而益妙故曰神著一設神人之相應若賓主之交然故曰可與酬酢神不能自以吉凶告人著設而後有所託以告若易實助之故曰可與祐神

子曰知變化之道者其知神之所爲乎

著之變化則神實爲之聖人知神之所爲故能因其變

鄒太史易會

卷之七

繫辭

十八

化而立之著著以數告者也而數起于河圖故先陳河圖天地之數成變化而行鬼神然後極著著之變化而歸於神之爲見聖人皆因乎天地自然之數非以人與焉者也

右第九章

易有聖人之道四焉以言者尙其辭以動者尙其變以制器者尙其象以卜筮者尙其由

張敬夫曰指其所之者易之辭也以言者尙之則言无不當矣化而裁之者易之變也以動者尙之則動无不

時矣象其物宜者易之象也制器者象之則可以盡創
物之智極數知來者易之占也卜筮者尚之則可以窮
前知之神

是以君子將有爲也將有行也問焉而以言其受命也如
響无有遠近幽深遂知來物非天下之至精其孰能與於
此

言謂命著之言受命謂著曰精曰變曰神以易言

參伍以變錯綜其數通其變遂成天地之文極其數遂定
天下之象非天下之至變其孰能與於此

鄒太史易會

卷之七

繫辭

十九

三而合之之謂參五而列之之謂伍參伍參互番聚之
辭也左而揲之三右而揲之三或三多三少或一多一
少參合而會之以定陰陽老少之變故曰參伍以變錯
往來交錯之義綜如織帛之綜一上一下者也變既成
則九六七八之數定矣揲此之數而錯綜之或陽往陰
來陰往陽來而相交或陽上陰下陰上陽下而相易卦
象於是乎无方故曰錯綜其數蘇劉縱橫十五之說固
奇然无當於變來知德錯綜之說固新然无當於數吾
故取劉說以論洛書取來說以論伏羲圓圖與雜卦而

不敢以釋斯義

易无思也无爲也寂然不動感而遂通天下之故非天下
之至神其孰能與於此

當其未著也无思无爲寂然不動一感於著遂通天下
之故何其神也心體之神亦爾然此自以著言

夫易聖人之所以極深而研幾也唯深也故能通天下之
志唯幾也故能成天下之務唯神也故不疾而速不行而
至

極究極也研研析也深至德之典也幾動微之會也理

鄒太史易會

卷之七

繫辭

二十

究其深故能通天下之志動適其微故能成天下之務
曰深曰幾曰神皆以易之所蘊言故下卽繼易有聖人
之道去云舊以深承精幾幾變固矣古人文字原不沾
沾如此

子曰易有聖人之道四焉此之謂也

右第十章

子曰夫易何爲者也夫易開物成務冒天下之道如斯而
已者也是故聖人以通天下之志以定天下之業以斷天
下之疑

易開物故以通天下之志易成務故以定天下之業易
實天下之道故以斷天下之疑斷疑承言道言謂凡道
之未明者得易以決之非專謂筮也

是故著之德圓而神卦之德方以知六爻之義易以貢聖
人以此洗心退藏於密吉凶與民同患

貢當作貞著分合多少變化无方故其德圓而神卦才
象體辭確不可淆故其德方以知六爻隨位所值各有
當否故其義易以貞易以貞者謂至正而无定局也此
學指著卦爻言心本无容染易待於洗以人之思慮紛

鄒太史易會

卷之七

繫辭

二一

擾若或染之一切无染斯之謂洗也已矣易云密謂言
思之所不能及觀開之所不能加也一切无染休其心
於何思何慮之境是謂洗心以退藏於密蓋聖人教養
下使爾必以屬聖人則聖人惟藏密而後能作易豈藉
易而後藏密哉然本之於著卦爻者何益益心不圓而神
者必且滯於象不方以知者必且滑于識不易以貞者
必且膠于一此所爲不淨也得著卦爻之妙以開之乃
能一切无染休其心於何思何慮之境此聖教之至微
至妙者與爾獨以吉凶同患爲教亦或淺矣

神以知來知以藏往其孰能與於此哉古之聰明睿知神
武而不殺者夫

吉凶未形之兆見于著故曰知來事物已陳之跡舍于
卦故曰藏往著之神即聖心之神也卦之知即聖心之
知也故推而歸諸古之聰明睿知神武而不殺者聰明
睿知燭幽洞微不惑而民威於鈇鉞茲所謂神武不殺
也要總贊作易者之至德以爲不假卜筮而知吉凶之
論誤矣

是以明於天之道而察於民之故是興神物以前民用聖

鄒太史易會

卷之七

繫辭

二二

人以此齋戒以神明其德夫

夫惟聰明睿知神武不殺者能洞曉造化之祕而深察
民心愛惡之常是用興神物以前民用著故神物實聖
人標焉以當大用故曰興人心之德本自神自明感於
物而或擾神明乃漓爾聖人興神物以前民用使人屏
較計之私捐意必之慮齋心復志壹聽其可否於神而
不以己與焉斯所爲神明其德也聖人蓋假於著引天
下以返真還元深夫

是故闔戶謂之坤闢戶謂之乾一闔一闢謂之變往來不

窮謂之通見乃謂之象形乃謂之器制而用之謂之法制
用出入民咸用之謂之神

夫易无之非是也試即戶而論圖斯謂坤闢斯謂乾一
闔一闢斯謂變闔闢往來不窮斯謂通其可見也斯謂
象其成形也斯謂器制此而用之斯謂法以其利用出
入而民咸用之斯謂神繇斯以譚近而百體遠而萬彙
安往非易達斯之微而後可退藏於密而後可神明其
德故結之以此淵夫

右第十一章

鄒太史易會

卷之七

繫辭

二三

是故易有太極是生兩儀兩儀生四象四象生八卦

此推原聖人作易實因造化本然生生之妙而象之爾
也易字讀有太極連下爲句太極者道也以其至極无
上也強而名之曰太極周子曰无極而太極蓋明太極
之爲无極也道生天地不曰天地而曰兩儀者指其體
與四象對也金木水火稟天地而有者也故曰兩儀生
四象不言土者以其分旺四季也言四象而土在其中
矣木有陰陽而震巽生金有陰陽而乾兌生土有陰陽
而坤艮生水純陰火純陽故止爲坎離此四象生八卦

之義也造化之原實爾故聖人象而爲奇耦相生之序
以成卦

入卦定吉凶吉凶生大業

凡繫數之稱八卦皆謂六十四卦也八卦更相上下爲
六十四卦故例以八卦稱之吉凶定人得以決疑定志
而成天下之務故曰吉凶生大業

是故法象莫大乎天地變通莫大乎四時繫象著明莫大
乎日月崇高莫大乎富貴備物致用立成器以爲天下利
莫大乎聖人探賈索隱鉤深致遠以定天下之吉凶成天

鄒太史易會

卷之七

繫辭

二四

下之賁賁者莫大乎蓍龜

按荀悅漢紀立下有象字富貴聖人蓍龜而繼天地四
時日月之後何蘇氏曰天地四時日月天事也天時所
不及富貴者制之富貴者所不及聖人通之聖人所不
通蓍龜決之是也然本借諸至大者以形蓍龜功用之
大爾

是故天生神物聖人則之天地變化聖人效之天垂象見
吉凶聖人象之河出圖洛出書聖人則之

神物謂蓍聖人則蓍數而制之用天實生之者也陰陽

之變化天地之變化也卦爻之吉凶天象之吉凶也奇耦之成文定象河圖洛書之文也聖人之作易蓋无一而非因乎天也易明著聖人則圖書以作易而世儒歧書爲叙疇何與然圖書之則規規然以方位與數論者亦固矣

易有四象所以示也繫辭焉所以告也定之以吉凶所以斷也

四象朱義以爲陰陽大少是也蓋伏羲之易獨以象示而已繫辭焉而定之吉凶則文王周公之易也伏羲之

鄒太史易會

卷之七

繫辭

二五

含義也廣文王周公之詔人也詳

右第十二章

易曰自天祐之吉无不利子曰祐者助也天之所助者順也人之所助者信也履信思乎順又以尙賢也是以自天祐之吉无不利也

解見大有此當在前章盜之招也下

子曰書不盡言言不盡意然則聖人之意其不可見乎子曰聖人立象以盡意

此章總明聖人立象以盡意俟夫人自得之也聖人非

不欲正言也以爲有不可勝言者矣故立象以盡之象者何一一二畫是也

設卦以盡情僞

於卦之愛惡相攻遠近相取而天下之情僞畢著矣

繫辭焉以盡其言

繫辭亦書也顧能盡言者何稽實以待虛辭有盡而辭之所寓者无窮也

變而通之以盡利

變通以易之義言如初主潛二主見所謂變也或潛而

鄒太史易會

卷之七

繫辭

二六

見或見而潛所謂道也

鼓之舞之以盡神

夫易釋其義而心曠決之占而志果使人躍然於道不自知其所以然此聖人鼓舞之神也

乾坤其易之蘊耶乾坤成列而易立乎其中矣乾坤變則无以見易易不可見則乾坤或幾乎息矣

乾之畫奇坤之畫偶故易言奇偶率稱乾坤易六十四卦三百八十四爻悉於奇偶取之故乾坤易之蘊也乾與坤成列而易立乎其中矣夫易以陰陽相易而名也

乾坤而或毀其一爻所見易易不可見則乾爲獨陽坤爲獨陰乾坤亦幾乎息矣

是故形而上者謂之道形而下者謂之器

形一也自其形而上者謂之道自其形而下者謂之器非一非二程伯子云原來只是此道在人默而識之有味哉其言之也

化而裁之謂之變推而行之謂之通舉而錯之天下之民謂之事業

器膠于一者也器以道命則不可得而膠矣故化而裁

鄒太史易會

卷之七

繫辭

二七

之謂之變變乎其所不容不變也推而行之謂之通通乎其所不容不通也推猶剛柔相推之推作吹音不協通義操變通之妙以宜民事業之所由成也事業成於變通變通得於奇偶是故聖人立象以盡意

是故夫象聖人有以見天下之賾而擬諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻

承上幹此以起下故如是故夫象四字

極天下之賾者存乎卦故天下之動者存乎辭化而裁之

存乎變推而行之存乎通

此變通亦以易義言

神而明之存乎其人默而成之不言而信存乎德行

其人聖則能神而明之若其人愚則不然存乎德行卽至道擬道意明而曰神謂參乎象之外也成而曰默謂凝乎象之先也嗚呼全矣

右第十三章 二十三原共一章分爲二亦有理

繫辭下傳

八卦成列象在其中矣因而重之爻在其中矣剛柔相推

鄒太史易會

卷之七

繫辭

二八

變在其中矣繫辭焉而命之動在其中矣

此章明聖人作易闡吉凶以詔天下无非欲人法乾坤之易簡而貞夫動也變謂陰陽老少之變動者人之動也雖未有之而理已具故曰在其中

吉凶悔吝者生乎動者也

夫人之吉凶悔吝由動而生故動不可不慎也

剛柔者立本者也變通者趣時者也

无窮之義皆起於剛柔故曰立本隨時之宜則存乎變通故曰趣時

吉凶者貞勝者也天地之道貞觀者也日月之道貞明者也天下之動貞夫一者也

吉之勝凶也遠矣貞則吉不貞則凶故曰貞勝天地以貞而觀日月以貞而明天地不能違而況人乎故夫天地之動惟此一貞而已觀古換切示也卽下確然示人隤然示人意

夫乾確然示人易矣夫坤隤然示人簡矣爻也者效此者也象也者像此者也

夫乾純乎奇者也則惟是一健爾矣故見其確然示人

鄒太史易會

卷之七

繫辭

上九

易也夫坤純乎偶者也則惟是一順爾矣故見其隤然示人簡也聖人察此之妙而爻以效之象以像之要以

歸天下而納諸易簡

爻象動乎內吉凶見乎外

兆數見於卦故曰內失得微乎事故曰外

功業見乎變

觀變玩占疑可斷志可通此功業所以成也

聖人之情見乎辭

象也變也占也皆聖人覽世之情也然而莫顯乎辭

天地之大德曰生聖人之大寶曰位何以守位曰仁何以聚人曰財理財正辭禁民爲非曰義

此乃就貞動之義而揭其大蓋德莫大於生而格好生之德者莫甚於達義以殖財此吉凶之大介也天地之大德曰生聖人與天地合德未有不以生天下爲己任者然非位不足以布之故位者聖人之大寶也位之存亡寄乎民故守位以人民之死生寄乎財故聚人以財理財必先正其辭辭正而後民之爲非者可禁也此非義以孽之弗得矣故曰理財正辭禁民爲非曰義義以

鄒太史易會

卷之七

繫辭

三十

理財財以聚人人以守位位以布德而生天下此聖人所爲作易以教天下之情也

右第一章

古者包犧氏之王天下也仰則觀於象天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情

此章言包犧會天地人物之精以作易舉歷聖之創制立法不能外也舊主制器尙象言誤矣神明之德幽而難測故曰通萬物之情雜而難辨故曰類

作結繩而爲網罟以佃以漁蓋取諸離

離爲目朱子謂兩目相承而物麗是也離爲雉故稱佃
互巽爲魚故稱漁巽又繩象蓋者彷彿之辭

包犧氏沒神農氏作斲木爲耜採木爲耒耒耨之利以教
天下蓋取諸益

耜耒首也斲木之銳而爲之耒耨柄也屈木之直而爲
之震巽皆木動而入又互坤土木入土而動耒耨象
日中爲市致天下之民聚天下之貨交易而退各得其所
蓋取諸噬嗑

鄒太史易會

卷之七

繫辭

三二

離日在上日中象震爲足又爲大塗致民象中爻互坎
艮坎水艮山百珍所出聚貨象以其所有易其所無
物之有閒者囁而合之此亦噬嗑之義也生人之道食
爲急而貨次之此二聖所以首爲之所與

神農氏沒黃帝堯舜氏作通其變使民不倦神而化之使
民宜之易窮則變變則通通則久是以自天祐之言无不
利黃帝堯舜垂衣裳而天下治蓋取諸乾坤

神農氏與民並耕而食饗殽而治草衣无辨民不知貴
賤之等迨黃帝堯舜制爲典禮文物於是尊卑定位君

逸臣勞百官各修其職黃帝堯舜端拱垂衣裳而天下

治蓋取諸乾知大始坤代有終之義十三卦所取莫非
變而通者獨發其義於此何制器之利皆民所變通至
欲使民勞而我逸非當勢之窮且得所以通變神化之
妙不能使民安而從也乾爲衣坤爲裳上衣下裳亦有
天尊地卑象

剡木爲舟剡木爲楫舟楫之利以濟不通致遠以利天下
蓋取諸渙

剡空其中也剡薄銳其首也上巽下坎中且互震木動

鄒太史易會

卷之七

繫辭

三二

水上舟楫象舟楫設而天下得以往來亦合渙之義
服牛乘馬引重致遠以利天下蓋取諸隨

牛性順故馴而服之以引重馬性馳故駕而乘之以致
遠震自坤變坤爲牛一奇拖其後引重象兌自乾變乾
爲馬一偶開其前致遠象橫渠曰不勞而得其欲故動
而說

重門擊柝以待暴客蓋取諸豫

坤爲闔戶互艮又門重門象震木且善鳴柝象互坎爲
盜暴客象豫怠也擊柝亦警豫義

斷木爲杵掘地爲臼曰杵之利萬民以濟蓋取諸小過

震木上動艮土下止杵曰象至卦象坎曰陷象既已粒

食又杵曰以治之使精亦小過矣然而萬民以濟正所

謂過以利貞與

弦木爲弧剡木爲矢弧矢之利以威天下蓋取諸睽

弦以絲弦之也剡斬而削之使銳也睽互坎弧象互離

矢象弧中附強上下兩梢弱故象坎矢前鏃後括實中

苟虛故象離李鼎祚曰坎爲絲弦象兌毀折剡象以其

睽也故威之

鄒太史易會

卷之七

繫辭

三三

上古穴居而野處後世聖人易之以宮室上棟下宇以待

風雨蓋取諸大壯

棟屋脊樑也宇兩垂而下者橫也周禮上尊而宇卑則

吐水疾而雷遠以隕下爲宇是也震一陽在上卦之下

而承二陰故象棟乾三陽在下而相比故象宇外震風

雨飄搖象四陽大壯弗克凌蔽風雨象

古之葬者厚衣之以薪葬之中野不封不樹喪期無數後

世聖人易之以棺槨蓋取諸大過

下巽上兌其卦有坎坎爲隱伏葬埋象互重乾乾爲大

木棺槨象虞翻曰巽爲木兌爲口乾爲人木有口而人

入處之棺斂象杵曰養生也棺槨送死也惟送死可以

當大事故不厭大過

上古結繩而治後世聖人易之以書契百官以治萬民以

察蓋取諸夬

書以刀筆畫於簡爲文字也契以木刻一二三四之畫

予者執左取者操右合爲信也乾兌皆金乾爲言兌爲

決金以鑄言決事書契象夬五奇象書契之刻上畫偶

又象契上端分處書契設而小人不得欺亦夬義

鄒太史易會

卷之七

繫辭

三四

右第二章

是故易也者象也象也者像也

蘇氏曰像之言似也其實有不容言者故以其似者告

也達者因似以識真不達則又見其似似者而日以達

矣

象者材也爻也者效天下之動者也是故吉凶生而悔吝

著也

材謂卦材效呈獻也姚舜牧曰此理之未形者聖人像

之象此理之未發者聖人闢之辭復何隱而不明故曰

吉凶生而悔吝著

右第三章

陽卦多陰陰卦多陽其故何也陽卦奇陰卦耦

陽卦畫五奇數也陰卦畫四耦數也朱義自當

其德行何也陽一君而二民君子之道也陰二君而一民小人之道也

右第四章

易曰憧憧往來朋從爾思子曰天下何思何慮天下同歸而殊塗一致而百慮天下何思何慮日往則月來月往則

鄒太史易會

卷之七

繫辭

三五

日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉尺蠖之屈以求信也龍蛇之蟄以存身也精義入神以致用也利用安身以崇德也過此以往未之或知也窮神知化德之盛也

此孔子借易辭而反之以明至道猶借棠棣之詩而闢未思何遠之指爻傳曰憧憧往來未光大也則既以往求爲害矣至此卻反之曰天下何思何慮非謂无思謂其思皆莫之思而思也非謂无慮謂其慮皆莫之慮而

慮也塗雖殊要於同歸慮雖百要於一致即憧憧往來

何病今夫日月日相往來然以其相推也明乃生寒暑歲相往來然以其相推也歲乃成不聞其以往來病也夫物亦然尺蠖之屈乃以求信安觀夫屈之非信龍蛇之蟄乃以存身安觀夫蟄之非存往來屈信者迹也無往無來無屈無信者神也此其同歸而一揅者也顧神不可以潦鹵入要存乎精義精義入神以致用則無思之思思無不當無慮之慮慮無不審夫故用利而身安洒然常處於泰寧無事之天斯德之所崇也然此之爲

鄒太史易會

卷之七

繫辭

三六

境猶可得而知也過此以往則不可得而知矣非莫知之超超絕特無所容其知也神不可測安所容吾窮然乃曰窮神正窮乎其無容窮者也化不可爲安所容吾知然乃曰知化正知乎其無容知者也窮無窮知無知斯乃爲德之盛也夫子思以無聲無臭爲至孟子以聖不可知爲神其有以達此矣神曰窮則非特入也德曰盛則非特崇也故曰過此以往

易曰困于石據于蒺藜入于其宮不見其妻凶子曰非所困而困焉名必辱非所據而據焉身必危既辱且危死期

將至妻其可得見耶

石不可困而困之是爲非所困而困矣藜不可據而據之是爲非所據而據劉備不度吳之不可伐而伐卒爲陸遜所挫不度劉表之不可依而依卒爲曹操所攻易曰公用射隼于高墉之上獲之无不利子曰隼者禽也弓矢者器也射之者人也君子藏器於身待時而動何不利之有動而不括是以出而有獲語成器而動者也

括結礙也此乃孔子發本爻言外意古人自耕釣版築一出而定天下之治則成器而後動故也器未成而亟

鄒太史易會

卷之七

繫辭

三七

自用卽有獲倖爾况倖之不可微乎聖人揭成器爲言良可味

子曰小人不恥不仁不畏不義不見利不勸不威不懲小懲而大誡此小人之福也易曰屨校滅趾无咎此之謂也愧之而後仁懼之而後義賞之而後競刑之而後創故可小懲而大誡

善不積不足以成名惡不積不足以滅身小人以小善爲无益而弗爲也以小惡爲无傷而弗去也故惡積而不可掩罪大而不可解易曰何校滅耳凶

小人所爲罪積而不可解者祇爲以小善爲无益以小惡爲无傷故開發至此可謂痛切

子曰危者安其位者也亡者保其存者也亂者有其治者也是故君子安而不忘危存而不忘亡治而不忘亂是以身安而國家可保也易曰其亡其亡繫于苞桑

甚哉人之不可有所恃也安其位者勢必危保其存者勢必亡有其治者勢必亂故君子安不忘危存不忘亡治不忘亂

子曰德薄而位尊知小而謀大力小而任重鮮不及矣易

鄒太史易會

卷之七

繫辭

三八

曰鼎折足覆公餗其形渥凶言不勝其任也

古之人君必量力度德而後授之任古之人臣必量力度德而後受其君之任

子曰知幾其神乎君子上交不諂下交不瀆其知幾乎幾者動之微吉之先見者也君子見幾而作不俟終日易曰介于石不終日貞吉介如石焉寧用終日斷可識矣

萬事之變其幾必有先動者當其幾而爲之所行必當功必成古聖人所爲定大業如握券排大難如拉朽者知幾故也蓋至於知幾如神矣然人心至神本无不燭

獨心有所繫天聽爲蔽夫故當幾而不知苟其心一死所繫上交以其本然之微而不參之諂下交以其本然之和而不參之瀆此心空洞如水映鑑矚會何不足以知幾幾之動也朕兆未著故曰微適其幾則无弗吉故曰吉之先見而不言凶見幾而作不俟終日言赴幾之速也介判决意夫人赴幾之不速毋亦見之依違不斷故苟如石之鋸裂截然兩判寧用終日故曰斷可識矣舊以幾爲念初動介爲耿介作爲引去皆非君子知微知彰知柔知剛萬夫之望

鄒太史易會

卷之七

繫辭

三九

微彰以用之藏露言知微而不知彰者或當其宜彰而失之知彰而不知微者或當其宜微而失之知柔而不知剛者或當其宜而剛失之知剛而不知柔者或當其宜柔而失之知微知彰知柔知剛萬夫所望以爲進退之候者也

子曰顏氏之子其殆庶幾乎有不善未嘗不知知之未嘗復行也易曰不遠復无祗悔元吉

殆將意庶幾近詞正與回也其庶乎語意同以幾爲知幾之幾殊不然此兩字見左孟屢矣何得扭捏且幾上

安著得庶字顏子見微而心切故有不善未嘗不知知之未嘗復行要須識所謂善字是如何或曰顏子屢空何超也至此云云卻甚密意豈異耶予曰超故密密故超超而密時乃真超密而超時乃真密此處正可參顏子學脉

天地絪縕萬物化醇男女構精萬物化生易曰三人行則損一人一人行則得其友言一致也

網脉臬也縕繇絮也蓋借以形二氣纏綿交密意所謂致一者以兩相與言三則分矣玩引文語意自明君臣

鄒太史易會

卷之七

繫辭

四十

之交不網縕不能以致雍熙朋友之交不網縕不能以究玄微

子曰君子安其身而後動易其心而後語定其交而後求君子修此三者故全也危以動則民不輔也懼以語則民不應也无交而求則民不與也莫之與則傷之者至矣易曰莫益之或繫之立心勿恒凶

按郭京古本危以動則民不輔也最是易平易近民意懼以語謂以恐喝之言威天下也安其身三語大是經世要畧

右第五章

子曰乾坤其易之門耶乾陽物也坤陰物也陰陽合德而剛柔有體以體天地之撰以通神明之德

此章總言聖人察陰陽之妙賦之名而闡之辭以明失得之報要因民心之貳而濟其行也乾謂奇坤謂偶乾坤闔闢而生變化此易之所從出也故以是爲易之門陰陽之德未嘗不合然其體之剛柔不易也以體天地之撰以通神明之德正於其合而分分而合得之其稱名也雜而不越於稽其類其衰世之意耶

鄒太史易會

卷之七

繫辭

四一

卦爻之稱名至雜矣然而不越其類蓋稽之審也顧所以若是繁者毋亦爲世之饒不得不詳詔之耳當盛世則卦畫足矣焉用此

夫易彰往而察來微顯而闡幽開而當名辨物正言斷辭則備矣

而微而字當在顯字下理象已定故曰往吉凶未形故曰來顯者微之使探其源也幽者闡之使慎其動也道未始有名也易乃開而當之名以名爲不足而辨其物以寄意以物爲不足而正言之以言爲不足而斷以吉

凶之辭不亦備乎

其稱名也小其取類也大其旨遠其辭文其言曲而中其事肆而隱因貳以濟民行以明失得之報

名者託眾人之所知以况其所不知也故小而寓大肆廣陳也上古民心出于一睢眦盱眦无得无失報於何有衰世民心貳矣情僞愛惡相感相攻而吉凶雜矣聖人因其貳而明失得之報以警之於以度諸危而措之安故曰濟蓋至以報言而聖人之心戚矣

右第六章

鄒太史易會

卷之七

繫辭

四二

易之興也其於中古乎作易者其有憂患乎

伏羲之易畫而已名其卦而繫之辭者文王也文王之易出而伏羲无窮之精義始著故稱易興於中古而曰作文王處美里而作易故於處憂患之道曲而盡

是故履德之基也謙德之柄也復德之本也恒德之固也損德之修也益德之裕也困德之辨也井德之地也巽德之制也履和而至謙尊而光復小而辨於物恆雜而不厭損先難而後易益長裕而不設困窮而通井居其所而遷巽稱而隱履以和行謙以制禮復以自知恒以一德損以

遠害益以興利困以寡怨并以辨義異以行權

履者禮也謹乎天澤之界而弗越之謂也夫人之欲无窮卑思凌尊少思踰長此萬過所繇叢也故夫履爲德基禮固所以和天下於不爭然而天之則也至道實於此具矣故曰和而至心不自下雖勉而由禮弗終也故次以謙謙以制禮而後德可執也故曰柄夫人未有不由履與謙而能脫於憂患者然而復其本也復者反也反其陽光而內照自察所爲真常者也故曰復以自知些子靈妙視之不見聽之不聞然乃於物无弗辨此所

鄒太史易會

卷之七

繫辭

四三

以爲本與自知則得所爲真常矣必次以恆者慮夫擇焉而弗能固也恒以一德故雖變化萬端而不厭德既一矣焉用損德本一而或以欲牽或以見溷則害德者也損其所以害者而德粹矣故曰損德之修也然以粹白自足而不務深造無乃猶有遺德故次以益深造之以道非有所矯而助之長也故曰長裕而不設夫人處亨易處困難德誠益矣必困而不失其所亨乃可以自信故曰德之辨蓋自辨也德至於窮而通則既有得矣然使有得喪者在非至也故次以井井无得无喪寂然

居所而用之不窮斯乃可以載萬善故夫井爲德之地

入莫鑑於流水而鑑於止水故曰井以辨義得喪俱泯泊乎无爲以應天下斯可以權矣然必其心之伏而能入稱萬事之宜以制用而妙運乎人所不及窺乃克行權德至於能權則死險不夷无危不安尙何憂患之足慮故以巽終焉九德雖以處憂患言然易道至此備矣蓋聖人挈要之微言可弗玩夫小之爲言微也即道心惟微之微老氏曰見小曰明正合此

右第七章

鄒太史易會

卷之七

繫辭

四四

易之爲書也不可遠爲道也屢遷

夫易以前民用作也其爲書易容遠索哉顧其爲道也屢遷要須神會難執求耳

變動不居周流六虛上下无常剛柔相易不可爲典要唯變所適

六虛上下剛柔皆以爻言而曰道者何聖人立象以寓道爻之所在即道也不可爲典要惟變所適茲其所爲易乎

其出入以度外內使知懼又明於憂患與故无有師保如

臨父母

出入无定在之辭度法也以度謂以此法天下也外違辭內即辭以人之趣舍言句當從內讀謂易之剛柔上下出入无定正以法人之趣舍使知微懼又明於憂患與所以憂患之故故雖无師保在前常若父母臨其上而不敢忽蓋其教之神如此

初率其辭而揆其方既有典常苟非其人道不虛行

辭卦爻辭也方辭所指也初率其辭而揆其方則既有典常可守矣然以其道之屢遷則固未始有常也神而

鄒太史易會

卷之七

繫辭

四五

明之存乎人故曰苟非其人道不虛行離方以求道者非執方以爲道者抑猶非言初即含有終意言既即含末了意細玩自明

右第八章

易之爲書也原始要終以爲質也六爻相雜唯其時物也原始要終故六爻備列乃六爻所以相雜者惟其時與物異也時謂六位之時物謂陰陽二物其初難知其上易知本末也初辭擬之卒成之終有本則有末故初爻繫辭猶煩擬度卒則就所擬者成

之終爾

若夫雜物撰德辨是與非則非其中爻不備

此以中四爻兩互體言物即謂陰陽撰述也德如健順陷麗之類本正體之德而參以互其義乃備

噫亦要存亡吉凶則居可知矣知者觀其象辭則思過半矣

要存亡吉凶總承六爻言爻雖閒出意見要不出象辭範圍之內

二與四同功而異位其善不同二多譽四多懼近也柔之

鄒太史易會

卷之七

繫辭

四六

爲道不利遠者其要无咎其用柔中也

近謂近五蘇氏曰有善之名而近於君則懼矣柔者有依而後能立二遠无依而免於咎者中也

三與五同功而異位三多凶五多功貴賤之等也其柔危其剛勝邪

剛之爲道君用以功臣用以凶然三五皆陽也居以柔類危居以剛類勝任則當位不當位之較也曰多凶邪皆未必然之辭

右第九章

易之爲書也廣大悉備有天道焉有人道焉有地道焉兼三才而兩之故六六者非他也三才之道也道有變動故曰爻爻有等故曰物物相雜故曰文文不當故吉凶生焉道卽承三才之道言道有變動故爻析爲六爻有尊卑貴賤之等物象具矣故曰物象卑貴賤相錯雜燦然成文故曰文文不能以皆當也故吉凶生焉

右第十章

易之興也其當殷之末世周之盛德邪當文王與紂之事邪是故其辭危

鄒太史易會

卷之七

繫辭

四七

文王以盛德而當末世長短相形美惡相傾仲虺所謂肇我邦於有夏若苗之有莠粟之有秕者危可知也已實以危心而得自脫於危是故其辭危

危者使平易者使傾其道甚大百物不廢

危者必平易者必傾若或有使之然者故曰使近而身之禍福遠而家國天下之興亡靡不繇此故曰其道甚大百物不廢

懼以終始其要无咎此之謂易之道也

聖人所爲危其辭者正令人懼以終始罔敢參慢易之

心要其歸於无咎此所爲作易以教天下之心也

右第十一章

夫乾天下之至健也德行恒易以知險夫坤天下之至順也德行恒簡以知阻能說諸心能研諸慮定天下之吉凶成天下之亹亹者

此章總論聖人秉易簡之德以知險阻故能作易以盡天下之情使人知所趨吉而避凶也乾坤卽屬聖言又非謂乾坤兩聖也聖合乾坤以成德者也至健則物莫或撓故德行恒易至順則惟乾之從故德行恒簡立乎

鄒太史易會

卷之七

繫辭

四八

无事者乃能鑑天下之事立乎无情者乃能照天下之情故易則知險簡則知阻夫人所爲心弗愉慮弗審者患生於知安而不知險知利而不知阻也險阻畢知故能悅諸心能研諸慮定天下吉凶二句當是重出是故變化云爲吉事有祥象事知器占事知來

變化卽云爲之變化夫人之變化云爲皆天也惡乎非吉惡乎非祥之先徵獨言吉與吉之先見同義象事以此知器蓋擬其所爲祥者利民用也占事以此知來蓋揭其所爲祥者以詔民趨也世卽知象與占之尙寧知

其自人之變化云爲得哉微矣微矣

天地設位聖人成能人謀鬼謀百姓與能八卦以象告爻象以情言剛柔雜居而吉凶可見矣

天地設位而易行乎其中矣然而不能以告人也聖人作之易以教天下而後天地之能成焉蓋既謀之人復謀之書則咸知所趨吉而避凶故百姓亦得與能焉夫使百姓與能此所爲成天地之能也聖人何以使百姓與能乎八卦既以象告爻象抑又以情言矣故觀乎卦之剛柔雜居而吉凶犁然可見矣

鄒太史易會

卷之七

繫辭

四九

變動以利言吉凶以情遷是故愛惡相攻而吉凶生遠近相取而悔吝生情僞相感而利害生凡易之情近而不相得則凶或害之悔且吝

利猶以利爲本之利大爻陰陽之變動本皆出於自然乃有吉凶者則以人之情遷也夫人方泯然同順何吉何凶愛惡相攻而逆順歧夫然後吉凶生焉方泊然无求何悔何吝遠近相取而爭端伏夫然後悔吝生焉方寂然无涉何利害情僞相感而得失判夫然後利害生焉此所謂情遷者也然人之涉世莫難於近近而不

相得則或以惡攻而凶或以僞感而害悔吝必弗免矣可弗慎與

將叛者其辭慙中心疑者其辭枝吉人之辭寡躁人之辭多誣善之人其辭游失其守者其辭屈

此就人之辭而辨其以情遷者吉一而已若叛若疑若躁若誣善若失守不亦情之險阻者哉而皆不能遁於其辭此聖人所爲易簡而自知也

鄒太史易會

卷之七

繫辭

五十

易會卷之八

安成鄒德溥述

後學甘雨
男甘雨
男甘雨

朱大夏
男大夏
男大夏



說卦

昔者聖人之作易也幽贊於神明而生蓍

此章極闡聖人作易之妙生蓍謂生用蓍之法也與下文生爻生字同贊所以通賓主之言者也聖人立蓍法以通神明之德故曰幽贊於神明而生蓍

參天兩地而倚數

鄒太史易會

卷之八

說卦

一

易之取於九六何也天數一三五凡三故參之而成九地數二四凡二故兩之而成六倚者依也謂易之數依此而起也以蓍數言九變皆奇三其三而九之此九之母也則過揲之策四其九而得三十六此九之子也蓋參之爲十二者三九變皆偶二其三而六之此六之母也則過揲之策四其六而得二十有四此六之子也蓋兩之爲十二者二乾大爻策二百一十有六坤六爻策百四十有四則從七十二參而乾兩而坤也總乾策六千九百十有二坤策四千六百有八則從二千三百四

參而乾兩而坤也聖人倚數之妙蓋如此

觀變於陰陽而立卦發揮於剛柔而生爻

變以立卦言非指揲蓍之變也以八卦言乾一變則巽再變則艮坤一變則震再變則兌是也以八卦變六十四卦言乾初變則姤二變則遯坤初變則復二變則臨是也就所變之剛柔而發揮於是乎爻辭生焉蓋爻有剛柔得位者有剛柔不得位者有剛來爻柔柔進文剛者就是闡之然後六爻時義惟變所適而不盡與卦同和順於道德而理於義窮理盡性以至於命

鄒太史易會

卷之八

說卦

一

道形而上非夫思議之可及者也以其爲天地之始故其文從首從之德則根乎心之自然者也故其文從直從心道德者渾然不涉於名理者也自其秩而爲事物之宜則曰義和順者因其自然而无所矯也理者析而治也蓋和順於道德而理之爾也理義非二也自其條理之不可紊命曰理性道非二也子思稱率性之謂道可繹也以其爲心之所從生也故其文從生從心命以天所宰言聖人之作易也其於命也至遠矣然非億而中之也蓋窮理盡性以至是也曰盡曰至皆承窮言盡

謂窮盡至謂窮至也性者天之所以爲命者也不窮盡其性而能達命者必不得矣然性不可見其可見者理耳察乎其可見者以會乎其不可見者則窮理盡性之說也聖人實詔天下以道德性命之微而託著數卦爻以示之故下迷言聖人作易將以順性命之理云

右第一章

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用柔剛故易六位

鄒太史易會

卷之八

說卦

三

而成章

陰陽剛柔仁義正所謂性命之理也卽以爲性命則不可位陰陽剛柔列故曰分畫剛柔无常故曰迭經緯錯而成文故曰章

右第二章

天地定位山澤通氣雷風相薄水火不相射八卦相錯此章著先天圖象因闡其爲教天下知來之數也薄者薄激而助雲雨也射害也錯陰陽相錯也山澤通氣故艮兌錯雷風相薄故震巽錯水火不相射故坎離錯乾

坤定位而六子交則乾坤之交可知已數往者順知來者逆是故易逆數也

安石公易牖曰天下之事數往者順知來者逆易爲知來而作故其數逆數也數往者順蓋因下句而並舉之非謂易有數往之順數楊用修稱其詘詰非唐宋諸儒所及良然必若朱說則易順逆相半曷云數逆謂未生卦爲來似矣易云知平蘇說雖超終牽合和玩辭意不叶

右第三章

鄒太史易會

卷之八

說卦

四

雷以動之風以散之雨以潤之日以烜之艮以止之兌以說之乾以君之坤以藏之

此承八卦相錯而著其功雷所以動物於未萌者也風所以散物於初甲者也既甲而得雨以潤則物滋既滋而得日以烜則物甦既甦而得艮以止則物凝既凝而得兌以說則物遂造化萬物者六子也然非乾知之始无以君非坤之歸根无以藏乾坤又統六子者與君子之造化天下也亦然率作鼓舞所爲動也播命誕告所爲散也布仁煦育所爲潤也昭德臨照所爲烜也首出

庶物所爲君也篤恭不顯所爲藏也此聖人言外之旨也

右第四章

帝出乎震齊乎巽相見乎離致役乎坤說言乎兌戰乎乾勞乎坎成言乎艮

入者皆帝之所爲故以帝冠之出乎震者帝以震出萬物也故下遂言萬物出乎震必曰帝自出則齊乎巽帝自齊乎相見乎離帝相見乎勞去聲慰勢安息之意

萬物出乎震震東方也齊乎巽巽東南也齊也者言萬物

鄒太史易會

卷之八

說卦

五

之潔齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而成始也故曰成言乎艮神也者妙萬物而爲言者也

蘇氏謂帝出云云爲古說此孔子從釋之也曰是萬物之盛衰於四時之闕者也皆其自然莫或使之而謂之

帝者萬物之中有妙於萬物者焉此其神也而謂之帝

云爾項氏曰木金土各二者以形王也水火各一者以氣王也坤陰土故在陰地艮陽土故在陽地震陽木故正東巽陰木故近南而接乎陰兌陰金故正西乾陽金故近北而接乎陽坤旺季夏義取中央故言地而不言西南兌以物成爲說故言秋而不言西胡氏曰夏而秋火克金者也火金之交有坤土焉則火生土土生金克者又順以相生冬而春水生木者也水木之交有艮土焉則木克土土克水生者又逆以相克土金順以相生

鄒太史易會

卷之八

說卦

六

所以爲秋之克木土逆以相克所以爲春之生生克克變化无窮孰主宰之田帝王文定曰文王卦位與羲皇異取義故多此特就運行之序言蓋取天之四時地之四方與五行相生之次配以八卦而順推之如此

右第五章

動萬物者莫疾乎雷撓萬物者莫疾乎風燥萬物者莫熯乎火說萬物者莫說乎澤潤萬物者莫潤乎水終萬物始萬物者莫盛乎艮故水火相逮雷風不相悖山澤通氣然後能變化既成萬物也

成萬物者六子也然非陰陽合而相濟亦不能變化而成萬物義文二圖合一之妙此亦足觀矣言六子之功不及乾坤者六子之功皆乾坤之功也良不言山者終始萬物之義非山所概也

右第六章

乾健也坤順也震動也巽入也坎陷也離麗也艮止也兌說也

此言八卦之本義也乾純陽故健坤純陰故順震陽生二陰之下則健而進故動坎陽在二陰之中則健為陰

鄒太史易會

卷之八

說卦 七

溺故陷艮陽在二陰之上雖健安往故止巽陰生二陽之下則順而伏故入離陰在二陽之中則順而附故麗兌陰在二陽之上則以順得孚故說

右第七章

乾為馬坤為牛

造化權輿曰乾陽物也故馬蹄圓坤陰物也故牛蹄拆陽病則陰故馬疾則卧陰病則陽故牛疾則立馬陽物故起先前足卧先後足牛陰物故起先後足卧先前足震為龍

龍當依王虞本作駝震於色為蒼駝蒼色虞云作龍非不應與乾同荀九家集解乾為龍陸德明釋文喻陽氣也

巽為雞

九家易曰應入風也風應節而變變不失時雞時至而鳴與風相應也二九十八主風精為雞故雞十八日而成雛吳幼清曰伏身而出聲於天氣重陽之內坎為豕離為雉

吳幼清曰前後皆陰之汙濁而中心剛躁者豕也前後

鄒太史易會

卷之八

說卦 八

皆陽之文明而中心柔怯者雉也孔氏曰坎為溝瀆豕處於溼離為文明雉有文章九家易曰六十四主時精為豕故豕懷胎四月而生

艮為狗

冀氏曰外剛而善禦內柔而附人者狗也九家易曰艮止主守禦也艮數三七九六十三三主斗斗為犬故犬懷胎三月而生斗運行十二時日出故犬十二日而開目斗屈故犬卧屈斗運行四匝犬亦夜繞室也兌為羊

吳幼清曰內很而善觸外說而不能害人者羊也項氏曰羊直未而主兌金生於土也土王則金生庚伏必於建未之月羊屬土故土之怪爲積羊土生金故羊有角而善觸

右第八章

乾爲首坤爲腹震爲足巽爲股坎爲耳離爲目艮爲手兌爲口

按麻衣易手作鼻股作手其言曰乾爲首坤爲腹天地定位也坎爲耳離爲目水火相逮也艮爲鼻兌爲口山

鄒太史易會

卷之八

說卦

九

澤通氣也巽爲手震爲足雷風相薄也管輅亦有鼻爲面山龔氏曰外圓而諸陽會者首也中寬而眾陰藏者腹也吳氏曰坎耳水內景陽在內也離目火外景陽在外也項氏曰人覺則神在目寐則神在耳覺則用目視離日主晝也寐則用耳聽坎月主夜也坎陽陷於陰故耳居陰而能聽離陰麗於陽故目資陽而能視王太古曰伏羲八卦震在下三卦而向左故爲足而足之力在左巽在上三卦而向右故爲手而手之力在右王文定曰足蹈象雷手舞象風鼻不動如山山能出雲入風亦

呼吸之象也故爲艮口能說又水所出納也故爲兌

右第九章

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

此推明乾坤生六子之故而借男女長幼之字以別之與他章取象異故天父長男之類下文複出索求也陰陽之必相求勢也坤先求乾而乾應之則陽入陰中於

鄒太史易會

卷之八

說卦

十

是陰包陽而成男乾先求坤而坤應之則陰入陽中於是陽包陰而成女孔疏得之姜氏來氏說誣矣

右第十章

乾爲天爲圓爲君爲父爲玉爲金爲寒爲冰爲大赤爲良馬爲老馬爲瘠馬爲駮馬爲木果

夫乾大而无際惟天以之運而无極惟圓類之故以二象首焉以其主萬物也故曰君以其知大始也故曰父玉言其粹也金言其剛而能變也曰寒曰冰以其位西北寒冰之候也赤陽色也陽生於子故坎爲赤極於巳

故乾爲大赤乾故馬而曰良者語德純也乾老陽也故曰老馬齊馬多骨骨屬陽陽純故骨多非陽病也駁如馬銀齒食虎豹健而至威猛者也果者木之本又且圓實在上荀九家有爲龍爲直爲衣爲言

坤爲地爲母爲布爲釜爲吝嗇爲均爲子母牛爲大輿爲文爲衆爲柄其於地也爲黑

坤積陰故爲地作成物故爲母旁有邊幅而中廣平南北經而東西緯布象也釜虛而容熟物以養人者也吝嗇者陰靜翕而不施也均虛而造物謂造瓦之均載土

鄒太史易會

卷之八

說卦

十一

以成器者也子母牛謂初生之母牛猶俗稱雛雞爲子雞是也牛順物牛而母益順母牛而子滋益順大輿容載夥也奇爲偶偶爲文奇則寡偶則衆三畫皆偶故爲衆爲文也柄俞氏作柄乾極陽爲大赤坤極陰爲黑故乾南而坤北王文定因其於地地字蓋色字之誤云荀九家有爲龍爲直爲方爲囊爲裳爲黃爲帛爲衆

震爲雷爲龍爲玄黃爲專爲大塗爲長子爲決躁爲蒼筤竹爲萑葦其於馬也爲善鳴爲馵爲足作足爲的顙其於稼也爲反生其究爲健爲蕃鮮

張子曰陽在內者不得出故奮擊而爲雷龍當依虞氏

本作駝乾坤始交雜天地之色故爲玄黃孔疏謂取其相雜而成蒼色是也專當作車車動物上虛而一陽積下亦車象國語云震爲車左氏亦云震爲土車從馬萬物之所出故爲大塗陽決陰開前無壅塞亦大塗象陽動決陰其動也躁此躁字已藏巽究爲躁義矣蒼震色箕謂色之美尙在實蓋筠也埤雅云萑似葦而小初生爲莢長爲葦成則名萑葦初生爲葦長爲蘆成則名葦竹與萑葦皆下本實而上幹虛震象也氣始亨故於馬

鄒太史易會

卷之八

說卦

十二

爲善鳴玉篇謂馬懸蹄者爲馵蓋一足伸一足聳起若懸也作足猶駟頤斯馬斯作之作雙足並舉也昔一陽下動之象的顙古訓白白巽色非震也吳幼清謂如射的之的顙有旋毛中虛如射者之的的則取上畫虛之象也陽反動陰下故於稼爲反生謂萌芽自下而生反句向上宋氏曰麻豆之屬反戴乎甲而出者也陽長不已其究爲乾之健蕃盛也鮮鮮美也物出震陽氣浸盛必且蕃鮮故曰究荀九家有爲玉爲鶴爲鼓

巽爲木爲風爲長女爲繩直爲工爲白爲長爲高爲進退

爲不果爲臭其於人也爲寡髮爲廣顙爲多白眼爲近利市三倍其究爲躁卦

木曰曲直巽入之象也木根巽入于地地氣亦巽入于木張子曰陰氣凝聚陽在外者不得入則周旋不舍而爲風繩直取其順以達也工取其入以順也白取風吹去塵潔白也或曰巽居西南亦金方故爲白陽長陰短陽高陰卑中陽積而達于上故爲長爲高進退不果巽性爾也人柔則多疑剛則多決故巽疑而震決或曰長高以木上升言進退不果以風發止東西靡定言曰臭

鄒太史易會

卷之八

說卦

十三

者臭以風傳陰氣在下盤鬱不散二陽達之外也寡髮虞本作宜髮馬改寡按周禮車人之事半矩爲宣注頭髮顙落曰宣本自同寡義髮屬血陰血不行故髮少廣顙以陽氣上盛也眼之白屬陽黑屬陰離目上下白中黑閉而勻巽獨下黑見上中皆白故爲多白眼巽深於人情而算多者也離日中爲市巽居東南與離近一陰且下爲巽主上二陽皆其所有陽奇爲三奇畫二則其數六故爲近利市三倍究爲躁卦者巽變盡成震也荀九家有爲楊爲鶴乾鑿度曰物有始有壯有究震得陽

氣之先巽得陰氣之先故其卦有究極之義

坎爲水爲溝瀆爲隱伏爲矯輮爲弓輪其於人也爲加憂爲心病爲耳痛爲血卦爲赤其於馬也爲美脊爲亟心爲下首爲薄蹄其於輿也爲曳爲多眚爲通爲月爲盜其於木也爲堅多心

水內景坎陽在內故爲水二陰土之凹象中陽水流凹中象故爲溝瀆陽匿陰中故爲隱伏矯輮而使之直也輮直而使之曲也水之曲直惟所導故爲矯輮弓輪中勁也弓中勁則善發輪中勁則善運吳氏曰中剛象弓

鄒太史易會

卷之八

說卦

十四

附上下柔象弓之畏弣中奇象輪軸上下偶象輪之輻牙素問金在志爲憂水在志爲恐恐視憂則有加矣故爲加憂火藏在心水勝之故爲心病水藏在腎竅于耳恐則傷腎故爲耳痛氣於人爲火血於人爲水故稱血卦陽萌于地爲赤及其純也則爲乾之大赤坎得乾之中爻剛在中故爲美脊剛在內而躁故爲亟亟心上柔故首下下柔故蹄薄郭雍曰易云見輿曳馬不曳也當作其於輿也爲曳良是輿逢險阻力曳乃進也背目驕也目屬離坎與離反故多眚坎心亨故爲通水流不滯亦

通象月水之精也故方諸取水於月月亦內明蓋外陰
柔而心剛很也隱伏亦穿穴伏莽象木堅多心中剛也
荀九家有爲宮爲律爲可爲棟爲叢棘爲狐爲蒺藜爲
桂桔爾雅小蟲謂之坎

離爲火爲日爲電爲中女爲甲冑爲戈兵其於人也爲大
腹爲乾卦爲鼈爲蟹爲羸爲蚌爲龜其於木也爲科上稿
火中虛麗物而明其景外故屬離日火之精也故陽燧
取火於日中日之明亦外鄭玄曰大明者日暫明者電
火麗木曰麗天電麗雲甲冑外剛離形也戈兵上銳離

鄒太史易會

卷之八

說卦

十五

性也大腹中虛也坤爲腹離乃稱大腹非離反大坤蓋
疾證火與日燥物者也故爲乾卦曰鼈曰蟹曰羸曰蚌
曰龜皆外剛內柔者也龔氏曰羸形銳而善麗蚌內虛
而含明利鳥巢蓋構結木枝而成者火炎上故於木爲
科上稿荀九家有爲牝牛爾雅大琴謂之離
艮爲山爲徑路爲小石爲門闕爲果蓏爲闕寺爲指爲狗
爲鼠爲黔喙之屬其於木也爲堅多節

山靜而止一陽隆起於地上亦山象震以陽開陰无險
阻故爲大塗艮則陽阻而陰不能開故爲徑路小石亦

剛卦之小故上陽互下陰雙峙門闕象一剛在上象木

果二柔在下象草蓏乾純陽故但爲水果艮一陽二陰
故爲木之果又爲草之蓏項氏曰震蕡鮮草木之始艮
果蓏草木之終而又能始於艮象尤切闕人掌王宮中
門之禁止入寺人掌王之內人及宮女之戒令止出剛
止內柔故爲闕寺指四肢之末而皆奇蓋陽之生於末
者狗漢上朱氏謂作狗爾雅謂熊虎醜其子狗蓋虎子
未有文似狗也爲狗爲鼠爲喙皆以剛在前故黔程迥
謂東北之色青黑雜也朱氏曰坎陽在內故木堅多沁

鄒太史易會

卷之八

說卦

十六

艮陽在上故木堅多節木枝在上方有節荀九家有爲
鼻爲虎爲狐
兌爲澤爲少女爲巫爲口舌爲毀折爲附決其於地也爲
剛鹵爲妾爲羊

澤瀦水之地也地空虛而水聚焉則壅而爲澤兌爲澤
取上偶象土二陽象水聚坎取水流地中爲義固以中
陽爲水上下陰爲土巫口舌之官以口語說神者兌上
拆口象故爲巫爲口舌金氣始凝條枯實治故爲毀折
附決謂一陰附二陽以決也震陽動故決兌不能自決

而附陽以決故曰附決氣潤爲鹵然使下土不堅則鹽水虛漏而不可煎故鹵土必剛說文云鹵西方鹹也兌正西又金也故爲剛鹵少女從姊爲婦故曰妾羊鄭康成本作陽陽養无家女行貨炊費賤於妾者郭璞引魯詩曰陽如之何又曰巴濮之人自呼阿陽後漢西南夷傳夷女爲娼徒荀九家有爲常爲輔頰

按伏羲畫卦以類萬物之情諸若此象宜必有之夏商遵用以卜筮特未制字耳文周繫易偶取一二以著義固不必盡取也孔子慮後世執焉而遺諸象故悉錄以

鄒太史易會

卷之八

說卦

十七

垂後然尙當有逸者矣若見於左國與荀九家之類是也蘇氏謂以卜筮存固然達人所以變理陰陽與夫盡人官之能物曲之利亦且有取於斯焉莊生謂不龜手之藥一也或以封或不免于緝緝統則所用之異也愚於諸象亦云

萬物統于八卦八卦者太極之所生也然則目之所覩耳之所聞身之所觸意之所動安往而非太極之呈露格物者正謂格此无徒以象求而後可與語易
右第十一章

序卦

有天地然後萬物生焉盈天地之間者惟萬物故受之以屯屯者盈也

非以盈訓屯謂物方屯而已盈天地間此屯之所以次乾坤也卦名本義已具彖傳序卦類從卦名中提出一義以相聯非正釋也

屯者物之始生也物生必蒙故受之以蒙蒙者蒙也物之穉也物穉不可不養也故受之以需

此又提出屯之爲始生以啟蒙按郭京古本始生必蒙

鄒太史易會

卷之八

序卦

十八

誤作物蒙者蒙昧也誤脫昧字

需者飲食之道也飲食必有訟故受之以訟

人所需以養莫如飲食故曰需者飲食之道人以爭所

養故訟

訟必有眾起故受之以師

訟而不已必相攻

師者眾也眾必有所比故受之以比

物至于眾必有所比爲主乃克自寧

比者比也比必有所畜故受之以小畜

按郭京古本比者親比也既以比于一則必聚

物畜然後有禮故受之以履

物聚則分殊分殊而後禮立

履而泰然後安故受之以泰

履必泰而後安朱義謂而泰字衍誤

泰者通也物不可以終通故受之以否物不可以終否故

受之以同人

同人所以通否也

與人同者物必歸焉故受之以大有有大者不可以盈故

鄒太史易會

卷之八

序卦

十九

貧之以謙有大而能謙必豫故受之以豫豫必有隨故受之以隨

豫順以動人必隨之

以喜隨人者必有事故受之以蠱蠱者事也有事而後可

大故受之以臨臨者大也物大然後可觀故受之以觀

以說豫隨人者必壞亂天下而多事天下安則无事蠱

而後有事故曰蠱者事也非以事訓蠱蠱而有事然後

可以大高宗以商蠱而有所故商肅王以周蠱而有

事故周興凡曰臨者必以大臨小卦之名臨以二陽臨

四陰而言故曰臨者大也非以大訓臨也德位之大者

而後可以觀天下故以觀次臨

可觀而後有所合故受之以噬嗑噬者合也

必有可以觀天下者乃可以合天下

物不可以苟合而已故受之以賁賁者飾也致飾然後亨

則盡矣故受之以剝

夫婦君臣朋友之交非有禮以賁之弗可久也然飾極

則實喪

剝者剝也物不可以終盡剝窮上反下故受之以復

鄒太史易會

卷之八

序卦

二十

陽窮於上則反下故復次剝

復則不妄矣故受之以无妄

人心本无妄復則无妄

有无妄然後可畜故受之以大畜

心无妄乃可畜聚眾美

物畜然後可養故受之以頤

物畜聚乃可養民此畜義與上異故加物字以別之

頤者養也不養則不可動故受之以大過

養其民而後可動之故不嫌于大過

物不可以終過故受之以坎坎者陷也陷必有所麗故受之以離離者麗也

過則必陷陷必有所麗而後出

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯

不言咸者何夫婦之道即咸也猶上經言天地而乾坤具也

夫婦之道不可以不久也故受之以恒恒者人也

鄒太史易會

卷之八

序卦

一一

夫婦之道終身不變者也不然而徒以情感感盡而離惡乎道故咸必繼之以恆

物不可以久居其所故受之以遯遯者退也

富久則府怨位久則基危故曰物不可以久居其所以非承夫婦之道言故加物字以別之

物不可以終遯故受之以大壯

時而遯可終於遯則不可此沮溺所爲異孔子也

物不可以終壯故受之以晉

好剛者進以學尙勇者進以義此足釋晉旨矣

晉者進也進必有所傷故受之以明夷

一於進不知與時消息故傷

夷者傷也傷於外者必反其家故受之以家人

以利合者難相棄以天合者難相收故傷於外者必反其家

家道窮必乖故受之以睽

治家之道恩勝則潰義勝則離故曰窮必乖

睽者乖也乖必有難故受之以蹇蹇者難也物不可以終難故受之以解

鄒太史易會

卷之八

序卦

一一

此解字以解難言

解者緩也緩必有所失故受之以損

此卻以緩弛釋解起損義

損而不已必益故受之以益益而不已必決故受之以夬

此天道循環之幾也

夬者決也決必有所遇故受之以姤

有分則有合決於此必遇於彼

姤者遇也物相遇而後聚故受之以萃萃者聚也聚而上者謂之升故受之以升

物之聚必磊而上

升而不已必困故受之以困困乎上者必反下故受之以井井道不可不革故受之以革

不革則穢

革物者莫若鼎故受之以鼎主器者莫若長子故受之以震震者動也物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐

學進而不已必得所歸宿得所歸宿則德大

鄒太史易會

卷之八

序卦

二二

豐者大也窮大者必失其居故受之以旅旅而无所容故受之以巽

旅親寡而无所容非巽順何以入之

巽者入也入而後說之故受之以兌

道必入而後說處人亦然

兌者說也說而後散之故受之以渙

氣憂則結說則散

渙者離也物不可以終離故受之以節

人恣所欲則爭爭則離故節者所以萃渙也

節而信之故受之以中孚

節多出於信故節信之爲貴

有其信者必行之故受之以小過

君子之信也惟義所在而不必故常得其至當有其信者必行之則過矣

有過物者必濟故受之以既濟

有過天下之德者然後可以濟天下

有過天下之德者然後可以濟天下

物不可窮也故受之以未濟終焉

局至於既濟畢矣然道无窮極寧遂止乎既濟矣猶必

鄒太史易會

卷之八

序卦

二二

有未濟者焉終之以未濟而易於是乎无窮于審疑卦序以兩兩相比不應義適此之台恐非聖筆已乃知孔子實悟易義无窮故又借卦序而發此或以天或以人或治或以學或以乘或以救選選足開迷而警怠惡得而忽諸

雜卦

文王序易或錯或綜兩兩相聯雜卦之作於中揭一相反之義對言之或乃以類合要總著易中无窮之妙必執象與彖與主爻而取者固也

乾剛坤柔比樂師憂

有親則樂動眾則憂

臨觀之義或與或求

以我臨物故曰與以物觀我故曰求

屯見而不失其居蒙雜而著

震陽起而御世故曰見然乃居貞故曰不失其居包羣

蒙而養之故曰雜然惟求我是應初筮是告抑何辯也

故曰著屯動而定蒙包而辯故類言之

震起也艮止也損益衰之始也

鄒太史易會

卷之八

雜卦

二五

損極必益故損爲盛基益極必損故益爲衰萌

大畜時也无妄災也

艮而可以畜乾者時之適也无妄而災禍之偶也禍非

自取曰災

萃聚而升不來也

水聚必下木升必上易以上爲往下爲來

謙輕而豫怠也

蘇氏曰輕者銳於有爲怠者安於无事折節以下人必

銳於有爲者也知樂而不憂必安於无事者也

噬嗑食也賁无色也

噬嗑非食也然乃本於食賁色也然乃本於无色

兌見而巽伏也

柔在外則見在內則伏

隨无故也蠱則飭也

天下我隨則可相安于无故至于蠱則不得不飭矣故

序卦以蠱爲有事

剝爛也復反也

剝爛於上復反於下果爛而墜且復生

鄒太史易會

卷之八

雜卦

二六

晉晝也明夷誅也

王文定謂誅恐夜字之誤良是古韻夜元具反正與下

遇音叶

井通而困相遇也

潘氏曰剛柔相遇而剛見揜也以通與遇反對則遇爲

相抵而不通之象

咸速也恆久也

咸必出於卒然故曰速

渙離也節止也

水乘風故離澤防水故止

解緩也蹇難也

震出險外故曰解已解則緩且止險內故曰蹇方蹇則難

睽外也家人內也

睽疏外也

否泰反其類也大壯則止遯則退也

熊氏曰大壯剛以動而曰止非其象矣止蓋上字之誤大壯之勢陽上而不已遯則陽退

鄒太史易會

卷之八

雜卦

二七

大有眾也同人親也

蘇氏曰親則於眾有所擇也

革去故也鼎取新也

革命改正故曰去故正位凝命故曰取新

小過過也中孚信也

大之過小常也小者過斯乃謂過外之相孚貌也中心

孚斯乃謂信

豐多故也旅寡親也

當作旅寡親正與新信韻叶豐盛則故舊合驕旅則親

咸離

離上而坎下也

火炎上水潤下

小畜寡也履不處也

以一陰而畜五陽其勢寡一陰履五陽之閒而可久處乎此乃以陰不敵陽而類言之

需不進也訟不親也

不進則猶有所待不親則判然離矣

大過顛也姤遇也柔遇剛也漸女歸待男行也頤養正也

鄒太史易會

卷之八

雜卦

二八

既濟定也歸妹女之終也未濟男之窮也夬決也剛決柔也君子道長小人道憂也

自乾坤以至需訟皆以兩兩相從言大過而下不應殊

蓋傳者誤也蘇蔡更正良是蔡次更優蔡曰大過顛也

頤養正也既濟定也未濟男之窮也歸妹女之終也漸

女歸待男行也姤遇也柔遇剛也夬決也剛決柔也君

子道長小人道憂也按初上者本末之地也以陽居之

則正以陰居之則顛故曰頤養正也大過顛也既濟六

爻陰陽各得其位故曰定未濟六爻陰位陽陽反位陰

故曰男之窮也女始歸待男而行既歸則從夫而終矣
故曰漸女歸待男行也歸妹女之終也始乾而終以夫
者夫盡則復於乾貞下起元之義也必益以君子小人
二語蓋示進賢遠奸乃挽回世運之樞要要歸于夫之
一字深夫深夫

蘇氏曰以雜卦觀之六十四卦皆兩兩相從非覆則變
也變者八乾坤也頤大過也坎離也中孚小過也覆變
者八泰否也隨蠱也漸歸妹也既濟未濟也其餘四十
入皆覆也卦本以覆相從不得已而從變也何謂其不

鄒太史易會

卷之八

雜卦

二九

得已也變者八卦不可覆者也來氏錯綜之說本此
或問雜卦之作於道何居子曰一陰一陽之謂道使天
下純乎陽則陽而已矣純乎陰則陰而已矣惡乎見道
陰陽對列相乘相錯相生相尅而道始見焉今夫剛以
柔乘柔以剛始樂以憂先憂以樂濟與或招求求或基
與動而能定包而能辨此其所爲易也聖人錯舉而言
之味固自雋推此類融而玩之六十四卦皆可味聖人
見得易中無窮之理信手拈來頭頭是道從獨謂明錯
綜之義斯亦淺之乎觀易矣

易會八卷

浙江鄒大
師家藏本

明鄒德溥撰德溥字汝光安福人萬曆癸未進士
官至司經局洗馬明史儒林傳附見其祖守益傳
末是書用注疏本其說多主義理亦兼言象自繫
辭以下所解甚畧自序謂就心所會者述之故名
易會然往往亦借以寓意如解亢龍有悔曰亢而
曰龍則亢乎其所不得不亢也蓋人處時勢之極
固有必亢而後濟者惟聖人純乎天德無一毫全
軀保命之思雖履盛滿蒙譏謗冒天下之不韙而
弗之避也卽勢且至於悔亦爲天下甘之矣若慮
其有悔而先自處於不亢之地則智士之所爲耳
何龍德之云乎此明季清流之見以愧選悞則可
矣實非經義也

像抄六卷

〔明〕錢一本撰

中國科學院圖書館藏明萬曆刻本

附《四庫全書總目·像抄六卷》

提要

像抄引

萬曆丙戌余復任螺川受
教王陳兩先生始知讀易
積之幾二十年若彷彿窺
見管中一斑不忍投之水
火因災木于甲辰名曰像
象管見至于今又幾十年
筆旣秃手亦顫矣因友人
鞭勉隨觀隨讀隨抄
積與前等復不忍棄去思

像抄引

二

續爲木災以自備考鏡名
曰像抄孫盛有言易之爲
書窮神知化非天下之至
精其孰能與于此世之註
解殆皆妄也此蓋不特箴

像抄別

二

弼之失云余前見旣管後
抄復然卽不任註與解然
應抄不抄非所抄而抄亦
自知妄無所逃罪或又曰
窮年兀兀在書冊中作活

計嘻此蠹魚也余曰書冊
安能蠹魚人人自蠹魚耳
余又見蠹魚一生活計作
于書冊中然似頗爲書冊
居守初不甚爲書冊蠹害

像抄別

三

有蠹名無蠹實者蠹魚也
依書冊則生離書冊則死
生死以書冊猶書冊也若
蜉蝣焉朝生暮死于泥沙
污濁中矣與其泥沙而蜉

螭而生死毋寧書冊而蠹
魚而生死妬之言包也有
魚无咎无魚起凶蠹雖微
亦魚也人有家無書有書
無蠹如包无妬魚蓐為豐

像抄引

四

屋不懼窺其戶聞其无人
乎余尚恐不得比數于蠹
魚卒為螭螭之朝夕若曰
無事書冊余曷敢昧心
萬曆四十一年癸丑春孟

之吉毘陵錢一本識




像抄引

五

像抄卷一

馬

圖



像抄卷一 馬圖

十一

天一地二天三地四天五地六天七地八天九地十天
 數五地數五五位相得而各有合天數二十有五地
 數三十凡天地之數五十有五此所以成變化而行
 鬼神也 易大傳

河圖上下左右皆九層中具十五外包十五四合皆為
 十五中央四方分為五位皆以生數統成數而同處
 其方徹上下三奇即為乾三偶即為坤二在五與七
 之間即為離一在六與十之間即為坎自五而一而
 六兩奇一偶反覆之即為巽兌自十而二而七兩偶
 一奇反覆之即為震艮貫左右皆然即圖即卦伏羲

原不曾費手為畫

七八木火之數九六金水之數鄭氏曰木火用事而物
 生故曰精氣為物金水用事而物變故曰遊魂為變
 遊魂謂之鬼物終所歸精氣謂之神物生所信木火
 之神生物東南金水之鬼終物西北二者之情之狀
 與春夏生物秋冬終物相似

河圖中五圈便是五行本體中一圈便是土體萬物皆
 生于土生此

河圖為龍馬所負之圖圖圈內凡五樣古今无異議特
 黑白之文為旋毛則古今未言之惟鄭氏通志始有

像抄卷一 馬圖

二

章

之至宋廬陵朱公升臨川吳公澄皆謂其然近日靈
 寶許公亦云然即今馬可以例見特今馬惟有旋毛
 无此陰陽順逆生成象數耳又曰凡天陽數必在左
 順而往凡地陰數必在右逆而來至于陽在陰中亦
 左順而往陰在陽中亦右逆而來皆定體也 楊止菴
 陽自後而生往前為順一三入而為主六八環于外而
 從之陰自前而生來後為逆二四入而為主七九環
 于外而從之一三自後而生往前為順者陽中之陽
 七九自前而生來後為逆者陽中之陰二四自前而
 生來後為逆者陰中之陰六八自後而生往前為順

者陰中之陽一奇一偶從先至後各順其序如兄弟然一生一成從內至外各有其別如夫婦然

諺咎人輒云无四六圖以生數言北與東一三共四南與西二四共六以成數言北與東六八共十四南與西七九共十六有四六則已全體造化矣易言哉易言哉

數者祇是氣之分限節度處朱子河圖許多圈子皆天地

氣數痕迹蔡虛齋

河圖陽生于正北長于正東盛于正南極于正西陰生于正南長于正西極于正北終于正東縱觀則陽生

像抄卷一 馬圖三

三

重刊

陰中陰生陽中橫觀則一九太陽居西北二八少陰

居東南以酉則九分爲二七以南則二七合爲九此

河圖之相生而未始不相克也章本

造化不出五行一六水卽坎二七火卽離三八木卽震

巽四九金卽兌乾五十土卽艮坤此圖書之所同似

不必析其爲某卦補其爲某卦一一穿鑿以強合之

章本

易曰參伍以變圖之中五與一四合五二三合五爲三

五圖之中五與十爲三三七八合爲十五九六合爲


十五亦皆三五三個五爲十五五個三爲十五參以

三五以五三其五伍通爲參五其三參通爲伍圖與書无往不令

像抄卷一 馬圖四

四

重刊



像抄卷一 龜書

五

洛書上下左右皆五層皆以奇數統偶數而各居其所
玉齊胡氏曰一得五成六而合九四得五成九而合
六二得五成七而合八三得五成八而合七又如二
四成六而九居中一八成九而六在旁二六成八而
七處內三四成七而八在下書之九六七八无適而
不遇其合也

河圖自一至十五十五點之在馬背者其旋毛之圈有
如星象故謂之圖非五十五數之外別有所謂圖洛
書自一至九四十五畫之在龜背者其背文之圻有
如字畫故謂之書非四十五數之外別有所謂書

一十五河圖之中數三其十一十五為洛書之全數
洛書三其九為二十七三其六為一十八以成四十有
五而乾遂得其九以為九坤遂得其六以為六此洛
書所以為天道

圖書之數自北而東同自南而西異物物生所同成所
異物而无以自成者豈生數之固然蓋成數之不足
耳故名之為人而无以自成皆物乎物之數者也易
逆數不論生底造化全論成底造化

河圖洛書皆木數居東伏羲畫卦皆自下而上即木之

自根而榦榦而枝也其畫三木之生數其卦八木之

像抄卷一 龜書二

六

成數重卦則亦兩其三八其八耳

胡廷芳

下。天一之象。進中五。西北六之所由生。左。天三之象。進
中五。東北八之所由生。右。天七之象。退中五。西南二
之所由生。上天九之象。退中五。東南四之所由生。又
六退中五。成北之一。八退中五。成東之三。二進中五
成西之七。四進中五。成南之九。

圖書三同二異。或曰陽不可易而陰可易。陽不可易。謂
一三五陰。可易。謂二七四九。劉氏曰。北東陽。始生之
方。西南陽。極盛之方。陽主進。數又必于進極而後變。
胡雲峰曰。相生則有不易之體。相克故有變易之用。

水木不變而金火通變蓋金入于火不別于火火能煉金乃別其金金火固有通變之妙也

縱上下共十橫東西共十右斜西南東北共十左斜東南西北共十同河圖之十縱上中下共十五橫左中右共十五右斜西南中東北共十五左斜東南中西北共十五又縱東四三八西二七六橫南四九二北八一六皆相乘十五同河圖之十五

圖對待爲流行書流行爲對待

圖生數居中成數附于五生數之外中爲主外爲客書奇數居正偶數附于四奇數之側正爲君側爲臣造

像抄卷一 龜書三

七

化貴陽賤陰假圖書以顯其理出于自然之妙非可

容一毫智力抑揚于其間

天五居中地十合歸四隅既爲以陽統陰之象又若純陽用事而陰氣盡歛无一用事之象

縱橫合之成十既爲天地陰陽之大數四方合之各十五象日月朔望之分上下合之成三十左右合之亦成三十象日月晦朔之辨又爲日月陰陽之大數

陽節清

圖明天地生成之體貴得偶書表陰陽消息之行主尊

圖二七在南書九在南陽究于九圖書不易在天爲明

命在人爲明德中天而生爲天下至聖之固聰明睿知達天德稟受之初毫釐不容有偏纔偏便去知入愚偏甚則爲下愚乃圖書全體則人人原自具足不少虧欠

洛書陽生于正北長于正東極于正南消于正西陰生于西南長于東南盛于東北終于西北九退爲七八退爲六火金易位爲相克以南九分爲二七以西二七合爲九亦未始不相生也

章本

圖書生克不同而一之在下者无不同一萬化之根也天一生水凡物之初生其形皆水水乃有生之最先

像抄卷一 龜書四

八

也一歲十二月一日十二時皆肇于子子水位也水生于陽成于陰氣始動則陽生氣聚而靜則成水故曰天一生水地六成之以生水之初屬一至成水則六矣

章本

河出圖洛出書聖人則之圖書固是卦畫之原然易傳明言仰以觀于天文俯以察于地理觀鳥獸之文與地之宜近取諸身遠取諸物于是始作八卦以通神明之德以類萬物之情則俯仰遠近无之非則无之非畫程子謂見鬼亦可起卦政如此

奇數南北一九分分東西三七分分偶數西南東北二

八分分東南西北四六分分學者皆當心其所以然水火互根水一而火九水陽內景始于一火陽外光究于九也一而三爲進數爲發散爲木九而七爲退數爲收斂爲金俱有至理

呂叔簡曰學問工夫只在箇定火火定則百物兼照萬事得理水明而火昏靜屬水動屬火故病人火動則燥擾狂越及其甦定渾不能記甦定者水澄清而火熄也故人非火不生非火不死事非火不濟非火不敗惟君子善處火身安而德滋

圖與書俱出伏羲之世天乃錫禹洪範九疇或至禹時

像抄卷一 龜書 五


九

又因洛書之傳而衍其義爲九章大法耳非至禹時而洛書始出也或曰圭與龜通用禹時又有玄圭之瑞因衍爲疇故曰天乃錫禹洪範九疇又曰禹錫玄圭告厥成功云

瞿氏九曰河圖洛書是合作一箇看底不是分作兩箇看底書之一九二八三七四六總是圖中一箇地十分開來

王子植曰圖書皆一在下一者止之歸宿之地也止于一者逆數也

《易有太極圖一》



像抄卷一 太極 一

十

此圖本來无一字邵子若問先天一字无馬明衡吾在鴻濛未判中蘇伯厚欲求象外无窮意都在先天未畫中王伯安始信心非明鏡臺須知明鏡亦塵埃人有個圓圈在不向蒲團坐死灰

《二圖極太有易》



成陽中根用陽陰體根中陰成
男變靜陰行動靜立陽動合女

像抄卷一

太極二

士

三〇四四

孔子曰易有太極周子曰无極而太極邵子曰道爲太極又曰心爲太極又曰能造萬物者天地能造天地者太極朱子曰太極者象數未形而其理已具之稱形器已具而其理无朕之目西山蔡氏曰邵子所謂一動一靜之間者非動非靜而主乎動靜是爲太極天道此立地道德此立人道此立不特人物物亦有此一圖故曰一物各具一太極萬物統體一太極只人是直生動物則橫生植物乃倒生直生爲正橫生倒生皆偏正者理通偏者理塞遂有靈蠢之異耳君子修之吉不失其直故曰人之生也直小人悖之凶便欲

橫或倒了故曰罔之生也幸而免

太極只消一圖可以圓亦可以方合內外徹上下貫左右而无不通周子圖而爲五然无極此圖分二此圖分五此圖成男女此圖化生萬物此圖得意者總可以一圖而了也因其以无極番易遂謂无極與易有兩般因其以五行番八卦遂謂五行與八卦有兩般已无以得周子之意或又不達易有太極是生兩儀兩儀生四象四象生八卦八卦定吉凶之大義而故盤旋于真精妙合二氣交感化生无窮之物類中弟以氣靈自厚幸則又何時可望立脚太極之上而能

像抄卷一

太極三

十一

Best

生兩生四生八以成大業于天下乎間嘗互證朱子之言其曰太極非有以離乎陰陽也卽陰陽而指其本體不雜乎陰陽而爲言耳

然則陰靜陽動上加一圖只是明其不雜之意

不然是離陰陽而言太極也

又曰今人說是陰陽上別有一箇无形无影底是太極非也

然則陰陽上別有一圖全要得意于圖外

又曰理不外乎氣若說截然在陰陽五行之先及在陰陽五行之中便是理與氣判爲二物

知此則分作五圖不特判爲二且似判爲

五也

又曰非太極之後別生二五而二五之上先有太極

會五圖爲一圖便

極可无先後之疑

又問自太極以至萬物化生只是一箇圈子何嘗有異曰人物本同氣稟有異故不

同如此却因氣稟之北溪陳氏謂分而為五非有欠

合而為一非有餘得意于五而會歸于一由周子進

孔子因孔子及周子神明默成俱存乎人矣

易有太極是生兩儀四象八卦要思這不是說個天地

虛懸道理元初聖人畫卦若是畫一畫象天畫一畫

象地又畫一畫象人便是楊子雲之太玄了。知此圖

之圈而為五似以一圈為人而又以一圈為物學者

須是會五于一始為得之。

太極者在天地之先而不為先在天地之後而不為後

終天地而未嘗終始天地而未嘗始與天地萬物圓

像抄卷一

太極四

十三

四

融和會而未嘗有先後始終者也有太極則兩儀四

象八卦以至于天地萬物固已備矣非謂今日有太

極而明日方有兩儀後日乃有四象八卦也雖謂之

曰太極生兩儀兩儀生四象四象生八卦其實一時

具足如有形則有影有一則有二有三以至于無窮

皆然是故太極者無物之先本已混成有物之後未

嘗虧損自古及今无時不存无時不在萬物无所不

稟則謂之曰命萬物无所不本則謂之曰性萬物无

所不主則謂之曰天萬物无所不生則謂之曰心其

實一也古之聖人窮理盡性以至于命盡心知性以

知天存心養性以事天皆本乎此也邵伯溫

泉南陳布衣真戾言心言敬而以心字中之一點規而

大之為太極以不失此一點為敬意味殊是親切須

知心之一腔也。方寸也。橫列三點。三才也。三才統

體一太極。太極統體為一心。君子戒慎恐懼全體而

勿失此之謂敬耳。若指中一點為太極。左右二點為

動靜似為未圓之見。

朱子答何叔京性者三才五行萬物之理而已矣非有

一物先立乎未生之前而獨存乎既沒之後也其曰

執曰用曰建亦體此理以修己治人而已矣非有一

像抄卷一

太極五

十四

三

物可以握持運用而建立之也

朱子答楊子直謂太極含動靜可以本體而言也謂太

極有動靜可以流行而言也若謂太極便是動靜則

是形而上下者不可分而易有太極之言亦贅矣夫

既以太極為形而上矣其解无極又謂所以著夫无

聲无臭之妙却似有兩層形而上也能知周子以无

極二字審易字則自不為兩層之解矣

朱子婺源學藏書閣記天理民彝自然之物則其大倫

大法之所在固有不容文字而立者然古之聖人欲

明是道于天下而垂之萬世則其精微曲折之際非

托于文字亦不能以自傳也故自伏羲以降列聖繼作至于孔子然後所以垂世立教之具粲然大備天下後世之人自非生知之聖則必由是以窮其理然後知有所至而力行以終之固未有飽食安坐无所猷爲而忽然知之兀然得之者

天地萬物晝夜寒暑彌滿六合流行今古皆易也主之者太極止庵

太極渾然一理其大无外其小无内人物各得一理似乎分矣合而言之又渾是一理實未嘗分正如天地間總是一月光萬川雖各得一月光總是一月光敬

像抄卷二 太極六

十五

薛先生

朱子之言太極象數未形而其理已具王齊胡氏謂此不離乎陰陽之太極形器已具而其理无朕王齊胡氏謂此不離乎陰陽之太極不離之太極虛一之一不離之太極掛一之一不離之太極不可圖不離之太極可圖具如右

薛文清先生曰心所具之理爲太極心之動靜爲陰陽太極理雖至妙而其實不外乎身心動靜五常百行之間後人論太極卽作高遠不可究詰之理求之去道遠矣

房審權曰太極在天地之先而不爲先在天地之後而不爲後

易有太極先要理會易字又要體貼有字蓋有易而无太極者易无太極兩儀四象八卦吉凶大業一齊都无說處

蠡測各具一太極本來自具非分而與之之謂統體一太極千燈一光非還而合之之謂

明道先生曰萬物皆備于我不獨人爾物皆然都自這裏出去只是物不能推人則能推之雖能推之幾時添得一分不能推之幾時減得一分百理具在平鋪

像抄卷二 太極七

十六

放着幾時道堯盡君道添得些君道多舜盡子道添得些孝道多元來依舊

太極者兩儀未判之真元乾元者乾儀先立之太極太極在乾儀中卽名乾元太極在坤儀中卽名坤元實非二物又曰乾儀立太極全體在乾元故大坤儀立乾元全體在坤元故至天根乾元之端月窟坤元之端爲物亦一而已又曰太極一圈卽乾坤二元之統會也管登之

極之爲言始于箕子申于孔子其爲物不貳而生二生四至百千萬億以述觀之渾无一物以理求之樞紐

萬物聖人見其理故曰太極昧者惑于迹故設爲太
清太虛太空之號而于太極之理无睹焉學術邪正
所由判也方達卿

太極者造化之根抵未有天地由此生天地故曰先天
既有天地由此生人生物故曰後天非先天之外又
有一後天先天之體卽後天之用也非太極之外又
有先天後天天地之體用卽太極之體用也章本
問論性者或以理言或以氣言或兼理氣言何如顧叔

時曰厥初一氣也孰主宰是理也所謂性蓋自其主
宰言之也曰如此得无遺氣曰旣曰自其主宰言便

像抄卷一 太極

七

是就氣上點出理來曷嘗遺氣吾儕要識性須從主
宰處認取方有下落雖曰性不離于氣亦必知其有
不墮于氣者存而後性之真面目始見耳若向氣上
認取他這箇紛紛紜紜清濁純駁千態萬狀將指何
者爲性曰然則理與氣二乎曰識得理是氣之主宰
如何分而爲二曰然則理與氣一乎曰識得理是氣
之主宰如何混而爲一又曰大哉乾元萬物資始至
哉坤元萬物資生人與禽獸都從那裏來有何差殊
其不同者只是這些子靈處耳曰何以有這些子不
同曰理同而氣異也曰這些子恐亦是理之發竅曰

誠然第謂之發竅便已落于氣矣這箇竅在禽獸僅
通一隅在人可周萬變自禽獸用之只成得箇禽獸

自人用之便成得箇人至于爲聖爲賢與天地並其
究判然懸絕而其分岐之初不過是這些子故曰幾
希此從源頭上看也又曰庶民去之君子存之存之
則人矣去之則禽獸矣存與去兩者其間不能以寸
故曰幾希此從念頭上看也從源頭上看便知人絕
无可自恃處從念頭上看便知人畧无可自肆處由
叔時之言觀之此一圖以乾南爲統體則誠明之性
乃人之源頭以離東爲發竅則明誠之教乃人之念

像抄卷一 太極

十八

頭從源頭上看不通便塞絕无少可自恃處從念頭
上看不存便去畧无少可自肆處此一圖方始到手
張心虞曰學者講太極多說得高遠令人難尋如薛敬
軒之言極是切近其言曰只于身心口鼻耳目手足
動靜應事接物至近至小處看太極尤分明不必專
論于千古之上六合之外也然近者小者旣盡則遠
者大者可默識而一以貫之矣

或問易有太極何處見得龍岡賀氏曰吾心渾然一太
極也吾心本來无一物也而萬物皆備反觀之謂知
來順應之謂數往无時而不反觀隨時而爲順應蓋

无所不用其極也又曰隨時制變者易也而廓然大公之體无不具廓然大公者太極也知易者渾身都是易都是極

今人言太極多似懸空撈摸不根易說王子植曰易變易也此體常運謂之生孔子言天地之大德曰生生之謂易一陰一陽之謂道若指其呈露徧滿者而言自一息一念一舉動一語默一刻一時一日一月一年一紀以至元會運世之始終皆生生也皆變易也故舉易之一字而道無餘蘊矣學者要先知易然後可與言太極


像抄卷一 太極十

十九

易筌立天之道曰陰與陽陰陽天之極也立地之道曰柔與剛剛柔地之極也立人之道曰仁與義仁義人之極也天非陰陽不立地非剛柔不立人非仁義不立猶屋之有極而立為屋三極者參而三合而一極之為言至也太極者至之又至非尋常之極故曰太極

內體對待以陰陽交合為義外則用流行為序

對待中原自流行待行中亦自對待初無先後之分



像抄卷一 體用一源

二十

乾坤縱而六子橫易之本震兌橫而六卦縱易之用乾坤定南北之經對待以立本震兌當春秋之分流行以致用立本者以陰陽交合為義致用者以四時進退為序體則陰陽相合用則陰陽有別

邵子

先天易之體也先致其用後天易之用也先立其體先天卦位以三女從乾三男從坤後天卦位以三男從乾三女從坤

樂通

卯為日門太陽所生酉為月門太陰所生不但日月出入于此大而天地之開物雖始于寅至卯而門彌開閉物雖始于戌至酉而門已闔一歲而春夏秋冬一

月而晦朔弦望一日而晝夜行度莫不由乎左右之門也

思齊翁氏

出震而晝全用坤道坤西南居巽離兌之中入兌而夜全用乾道乾西北居坎艮震之首母親而父尊用和而體嚴也潛谷鄧氏曰巽離坤皆陰卦而致用于南乾坎艮皆陽卦而藏用于北生德必柔德成必剛聖人秉剛德以自克自復致和柔以並生率育乎民物也念菴先生曰發育之功天地所固有然天地不常有其功一氣歛閉而成冬風露之撼薄霜霰之嚴凝隕穫摧敗生意蕭然其可謂寂莫而枯槁矣辭極而

像抄卷一

體用二源

二十二

三

輒雷霆奮焉百蟄啓群卉茁氤氲動盪于宇宙之間則向之風霰爲之也是故藏不深則化不速蓄不固則致不遠天地且不能違而况人乎易逆數或以自震而乾爲往而順自巽而坤爲來而逆如此却是半順半逆念菴先生曰以其變易不窮終不離于主宰而言故謂之逆又曰易有太極逆也生兩儀是順今看來出震見離夾之巽坤之間入兌歸坎夾之艮乾之間亦是逆數

纔動則坤之用行纔靜則乾之體立震兌動靜之門也自出震以後匪坤列于西南萬物无以成自入兌以後

匪艮列于東北萬物无以生夏易首艮商易首坤疑此

異教有以心鼻相對爲息愈把捉愈不定硬坐久將虛靈活潑天機盡窒殺義文傳下方居則先天首定于上身定于下天地定位象口止手恭鼻息口通山澤通氣象足交而出股交而入雷風相薄象離目外照坎耳內聽水火不相射象是爲太極對待之全體動則後天東方明震出巽齊離見以坤役爲終西方晦兌說乾戰坎歸以艮成爲止是爲太極流行之大用離坎分晝夜言震之出至離而中兌之說至坎而中離

像抄卷一

體用二源

二十二

三

晝之明居巽坤之中欲其巽而順又常欲如坤之晦坎夜之勞居乾艮之中欲其戰而惕又常欲如艮止離心明竅于目前乎坤寃旒以蔽之象坎心聰竅于耳前乎艮齋續以塞之象

乾兌離震同根陽儀乾兌同根太陽離震同根少陰巽坎艮坤同根陰儀巽坎同根少陽艮坤同根太陰天

宇夜靜必零露電發必雷隨風雨常交致山地相函附皆以同根之故有震出然後有離明明體剛高明柔克是以列離于巽坤之間有兌入然後有坎陷陷力柔沉潛剛克是以

列坎于乾艮之間坎尚行以震出要艮而止彊弗友
剛克離畜牝以巽入要兌而終爨友柔克

夏而秋火克金者也火金之間有坤土焉火生土土生
金克者又順以相生冬而春水生木者也水木之間
有艮土焉木克土土克水生者又逆以相克土金順
以相生所以爲秋之克木土逆以相克所以爲春之
生生生克克變化无極孰主宰之曰帝雲峰胡氏

離南坎北天地中正之交震東兌西時令出入之序艮
東北巽東南輔震以出生坤西南乾西北輔兌以收
入聖人布置八卦方位其精如此或猶謂其多不可

像抄卷一

體用一源四

二十三

三

曉殆未之深考耳

而二乾與坤勢若平分而坤必以乾爲主二而四四
而六乾坤與六子亦若平分而六子必以乾坤爲主
如卦圖次第坤乾夾兌而列于西蓋出震半邊屬陽
屬生且長男長女用事便已做得父母入兌半邊屬
陰屬殺不得父母爲主就便不成造化了也

坎離乃乾坤交之中故乾坤全副家當交與坎離震兌
乃造化出入門戶震出邊長男動而前少男止而後
之長男出而作長女入而助之凡以見離而全用其
出入兌邊坤母以藏之之道先其入乾父以君之之

道後其入凡以歸坎而全體其入全體其入正所以
全用其出蓋乾坤不自用而以六子爲用乾坤主平
六子而妙用六子固如此

乾坤夾兌而西列夏秋之交爲歛秋冬之交爲藏皆老
之義兌入正當成功而去之時允爲老者宜居之位
此天道也而人事反此必辱且殆又何疑乎

乾坤六子初爲氣中爲精末爲形雷風氣也山澤形也
水火精也平菴項氏

乾坤坎離反不轉陰陽之對待震艮巽兌反得轉一氣
之流行

像抄卷一

體用一源五

二十四

三

以方位論易乾南坤北天位乎上地位乎下之象耳離
南坎北日升而晝火明于空月沈而夜水積于淵之
象耳神无方易无體易未可以方位論也

天地雷風水火山澤聖人合八物以象人異教第以四
大言身漏缺一半

天體圓轉動而无窮何處放置得八卦只有地上可以
陳列八卦或謂文王八卦嘗以卦畫求之縱橫反覆
竟不得其所以安排之意竊疑以畫求之終竟難通
且不成文王以前便无如此次第只而今要移動一
位終移動不得此便是聖人天地自然之文章也

八卦者河圖四正四隅之位洛書四實四虛之數聖人原兼圖書以作卦故曰河出圖洛出書聖人則之

易不可爲典要如以乾南坤北等爲先天易以乾西北坤西南等爲後天易皆典要之死殺易非所以爲易須知八卦皆乾爲君乾非先天之定于南又豈後天之定于西北乎聖人說天地定位章只是明八卦對待之體原未折做兩截圓而爲圖說帝出乎震章則是陳列地上明箇方位次第之理自然如此已耳

先天乾尊于南陽畫多于上陰畫多于下後天震用于東陽卦降而下陰卦升而上先天定位爲尊卑貴賤

像抄卷十一

體用二源六

二十五

三書

之體故卦之純氣中氣居四正偏離居四隅後天交易爲升降往來之用故卦之交者居四正不交者居四隅

夏秋之交火金相克坤土居中以爲之生冬春之交水木相生艮土居中以爲之克周子曰五氣順布四時行于夏秋之交之土見之易曰天地節而四時成于冬春之交之土見之

出震動以用其靜齊巽見離役坤皆善動之則入兌靜以體其動戰乾勞坎成艮皆主靜之功如謂動有而靜无曠无以求靜去義文出震入兌之旨殊遠

皇明大統曆日載有嫁娶圖以乾爲翁坤爲姑夫居離婦居震本之郊特牲舅姑降自西階婦降自阼階授之室也後人以陰陽家之皇祖治曆明時大義之蝕晦亦非朝夕之故矣

日月垂天成八卦象三日暮震象月出庚八日兌象月見丁十五日乾象月盈甲壬十六日巽象月退辛二十三日艮象月消丙三十日坤象月滅乙癸晦夕朔旦坎象水流戊日中離象火就巳庚朔

纔出震卽翕以坤土纔入兌又止以艮土出震无坤動處既多分散入兌无艮靜處又何歸宿謂易簡理得

像抄卷一

體用二源七

二十六

三書

而成位乎中謂圖從中起謂易爲逆數皆此乾全體陽明而發竅在離乾曰大明離亦曰大明秉乾之大明以爲明者離也乾離皆正南面之位惟人正生故爲萬物之靈而人人具足虛靈不昧之明德物橫生倒生便多暗塞不明人之正必明而邪必暗所從來矣

帝出乎震總在明處出匪明以動卽動而明相見乎離大明中天矣特言相見不言獨見便可以識大學明親合一明明德于天下之義旨圖書一皆居下故坤坎之位不易坤乾之藏也坎火之

伏也乾之下不極火之伏不深萬物未有能生者凡坤復晦朔亥子之際乃天下之極深處是之謂淵清

木金土各二以形王水火各一以氣王坤陰土故在陰

地艮陽土故在陽地震陽木故正東巽陰木故近南

而接乎陰兌陰金故正西乾陽金故近北而接乎陽

坤土王于季夏義在中央故言地不言方兌以成物

為說故言秋不言西項平

後天八卦坎離震兌居四方之正乾坤艮巽居四隅之

偏說卦傳曰帝出乎震至成言乎艮以此證後天之

像抄卷一

體用源八

二十七

方位一一脗合固不必推原其畫于何人何時也如

謂先天畫于伏羲後天改于文王進六子退乾坤則

伏羲仰觀俯察徒知先天而不知後天流傳數千載

未嘗无易何為不知流行變動直待文王而後改哉

且伏羲之時帝不出震而文王之時天地定位曾得

而易之哉六子必非聖人所能進乾坤必非聖人所

能退也章本

離居乾位陽中含陰坎居坤位陰中含陽震居離陽之

升于下者起于東也兌居坎陰之見于上者盡于西

也艮居乎震陽有始而有終巽居乎兌陰雖終而復

始乾居艮者陽極于上至此為純陽也坤居巽者陰萌于下至此為純陰也陰陽奇偶其變動不測如此何必以先後天圖而拘泥之哉章本

瞿氏錄曰先天乾在南方是天地造化已付託于乾後

天離在南方以離伐乾是天地造化又已付託于離

孔子始作八卦章後明明提出離來以為千古綱領

見千古有德位底聖人俱得統于離而離之一卦其

為千古學脈無疑矣又曰離是天地心法庖犧此箇

心法從天地傳得下來

王子植曰若謂別有先天在形氣之外不知此理安頓

像抄卷一

體用源九

二十八

何處又曰後天有為功課皆是先天无為妙理未可

岐而二之

先天為八卦定位全體後天即重卦流行大用後天謂

更定自文王以周易首乾而論耳不知夏易首艮商

易首坤乾一下西北坤即往西南滿局變動而還復


遂成六十四故首艮者原尊乾首坤者即承乾首乾

者乃下艮三代聖人授守一道其為易首皆原重卦

之所自始初非至文王而始有更定之謂也

此圖之卦位相傳謂之先天由乾至坤自南而北數往者順為消。

河洛卦位合圖



此書之卦位相傳謂之後天起坎兌離自北而南知來者逆為息張行成曰乾之用既消而入坤之體斯長而成乾。

像抄卷一

河洛合圖

二十九

四十

卦在有象之後皆屬後天然圖之卦位皆體之立書之卦位皆用之行故就後天中又權分先後如自昔相沿說

先天乾不已之天命後天坎惟危之人心乾即坎之全體降至坤而衷于民則陷成坎坎即乾之中體起其陷而麗于天則返為乾。

先天乾一陽明全體兌二一陰上生離三一陰中生震四二陰上中生巽五一陰下生坎六二陰上下生艮七二陰下中生坤八則全體為陰乾一頭面全然不見陽明幾于消盡而陰陽互精有消即息此坎一所

以原後天之始自以陰函陽言則坎為孕息之象自陽在陰中言則坎為險陷之象次坤二次震三次巽

四以全坤之順平坎險又統二長動之入之于其下微始以要于五中次乾六次兌七次艮八以全乾之健拯坎險又統二少說之止之于其上微終以要于五中以五中即乾一全體而坎一得之以為中二長以先之先此中二少以後之後此中坎一盡翻遂為離九坎一頭面陶鎔變化到離九亦全然不見故曰乾元用九乃見天則文序首乾坤中坎離終既未濟皆此。

像抄卷一

河洛合圖二

三十

三百五

先天乾坤為主六子為用後天坎離為主合乾坤震巽艮兌皆坎離之用以乾坤中天地交而後有坎離之中用坎離之中必合乾坤全力統二長二少盡要于五中然後坎離之大用復歸乾坤之全體是為體用一原先後無間

千古危微精一聖功總于坎上有事二順三動四入大分屬靜與生邊六健七說八止六分屬動與成邊三七合始東終西四六合始東南終西北二八合始西南終東北八終東北成之事止矣由是一九合始北終南即坎暗成離明長夜盡旦故曰相見乎離萬古

中天故曰大明終始

先天一二七八位數俱合三四五六位數交錯後天一

二三四位數俱合六七八九位數交錯先天不言中

全體无非中也後天言中即中皆全體也先天方似

不易後天圓似易不易太極易无極易有不易不易

本易故孔子曰易有太極周子翻之曰无極而太

太極本无極

乾南坤北從中一交便成離坎離非自東而之南坎非

自西而之北也乾離禪代離進居乾乾若退西北而

居艮天尊而上艮以陽上止即天尊定位乾无退也

像抄卷一

河洛各圖

三十二

三十二

乾既來艮艮又若出東北而居震震因正位離東矣

坤坎禪代坎進居坤坤若退西南而居巽地卑而下

巽以陰下入即地卑定位坤无退也坤既來巽巽又

若出東南而居兌兌因反位坎西矣自乾坤一易為

離坎後天八卦方位一時天然齊易而並列絕不容

絲毫人力安排布置

陰陽消息大義消自上息自下消為陰息為陽以先天

言之乾陽坤陰相為消息則泰不則否以後天言之

坎陽離陰相為消息則濟不則未合先後言之先天

之乾陽超陰上陰不為消且為不生之孤陽後天之

坎陽孕陰中有坎之息方為成列之乾坤列為坤坤

道成女坤靜下處而二長一動一入于其下皆坎之

祇平之義列為乾乾道成男乾動上運而二少一說

一止于其上皆坎之尚行之義蓋乾主施施即消不

消不虛中虛為離故乾之離即陰消自上之象消盡

成坤而坎即息于坤中坤主受受即息不息不盈中

盈為坎故坤之坎即陽息自下之象息極成乾而離

即消于乾中君子尚消息盈虛而曰天行皆此

先天八卦主一乾邵子曰道為太極者是後天八卦主

一坎邵子曰心為太極者是先天乾體純陽一畫上

像抄卷一

河洛各圖

三十二

三十二

消為兌中消為離下消為巽二畫上消為震上下消

為坎下消為艮三畫全消為坤是謂有消而後有山

澤雷風水火之變化有先之消斯有後之息故恒言

謂之消息有先之消即有後之息故消息間不容息

先天乾陽分陰若有象之後後天坎陰含陽又无極

之前陰含陽以陽之施成陰之受以乾之消成坤之

息以離之虛成坎之實全體乾坤盡含之于坎中

如乾男坤女盡孕之于母腹中文王繫心獨于坎邵

子所謂天向一中分造化人于心上起經綸皆此

乾用九而九乃為離所居則六可以識大明終始天德


不爲首之義焉坤用六而六乃爲乾可以識大終之義焉

人心發用皆坤坎而乾離無爲乾無爲故首出庶物離無爲故大明終始心知乾離之象意物坤坎之象乾中虛則離乾離無兩體心知可知矣坤中實則坎坤坎無兩體意物可知矣乾但虛爲離坤卽實爲坎虛實無兩體心知意物可知矣

像抄卷一

河洛全圖

三十三



像抄卷一

一陰一陽

三十四

三十五

一陰一陽之謂道兩儀一陰一陽四象陰儀之一陰一陽陽儀之一陰一陽八卦二太之一陰一陽二少之一陰一陽八之上各重以八第四畫兩儀第五畫四象第六畫八卦卦位各以一陰一陽而立卦數各以一陰一陽而對俱一陰一陽盤澗董氏曰自兩儀生四象太陽太陰不動而少陰少陽則交自四象生八卦乾坤震巽不動而兌離坎艮則交陰陽兩端再參得甚物來作三天地生物只一陰一陽交變錯綜生千生萬無窮無盡更不可限以數目故曰一陰一陽之謂道

胡叔心

一陰一陽之謂道就是形而上者謂之道若單是一陰謂之孤陰既偏于陰矣若單是一陽謂之孤陽又偏于陽矣繼之者善這一陰一陽不接續而惡且滋何善之繼之有成之者性這一陰一陽不完全而情且肆何性之成之有

一陰一陽如環无端謂陰陽只是一箇可謂陰陽却是千變萬化而无窮亦可一死一生同一陰一陽之道耳聖人明言原始反終故知死生之說非原始而知所以生必不能反終而知所以死死生之說亦終何自而知乎

像抄卷一

一陰一陽二

三十五

三十五

初生之一奇一偶則兩儀兩之上各生一奇一偶爲四象四之上又各生一奇一偶爲八卦是皆自然而生濛濛而出不假智力不犯手勢而天地之文萬事之理莫不畢具乃不謂之畫前之易謂之何哉其曰畫前之易乃謂未畫之前已有此理而特假手于聰明神武之人以發其秘非謂畫前已有此圖畫後方有八卦也若不識此而欲言易何異舉无綱之網舉无領之裘直是无着力處

朱子答來幾仲

程子曰開闢便是陰陽不可道今日有陰明日有陽有便齊有離了陰陽便无道又曰陰陽亦形而下者而

曰道惟此語截得上下最分明元來只此是道朱子曰若只言陰陽之謂道則陰陽是道今日一陰一陽則是所以循環者乃道也一闔一闢謂之變亦然

天地之造化萬類陰陽二者而已龜山過黃亭詹季嘗問易龜山取紙畫箇圈于用墨塗其半云這便是易朱子謂此說極好易只是一陰一陽做出許多般樣一陰一陽對待爲質交錯而成一定不易做兩箇看亦得流行爲氣循環不已變化无窮做一箇看亦得陰陽之質具于地升發于天爲氣陰陽之氣行于天凝聚于地爲質陰陽之理妙于人心合天道地道而爲

像抄卷二

一陰一陽三

三十六

三十六

人道

太極纔動便是陽纔靜便是陰不是動後方生陽靜後方生陰截然爲兩段先有此後有彼

盈天地之間所以爲造化者陰陽二氣之始終盛衰而已陽生于北長于東而盛于南陰始于南中于西而終于北故陽常居左而以生育長養爲功其類則爲剛爲明爲公爲義而凡君子之道屬焉陰常居右而以夷傷慘刻爲事其類則爲柔爲暗爲私爲利而凡小人之道屬焉聖人作易畫卦繫辭其進退消長之際所以示乎人者亦深矣

朱子

一陰一陽之謂道原循環不已故言繼原完全无缺故言成繼之者成之者繼與成都屬人分道如是人若不繼何善之有人若不成何性之有

四端在人仁義一陰一陽禮智一陰一陽仁義禮智隨處發見善之繼也仁義禮智渾全具足性之成也如乍見惻生惻善端也若善端斷滅接續不來將乍見而惻不生其惡不可勝言不得名為人矣然非知皆擴充火然泉達到克之足保四海亦不謂之成故繼惟言善而成乃言性

一陰一陽即氣即理一息不來不繼一念非理不繼然像抄卷一 一陰陽四 三七

非息息俱來念念皆理亦不言成

入總之四四總之兩兩歸之一道盡之一也令一一不足以象極待園中焉象之是立象不足以盡意剛柔不足以立本而一陰一陽不足以盡道也潛谷鄧氏

分陰分陽兩儀立焉兩而四四而八八而六十四總是分陰陽而成兩儀如文序乾坤陰陽平分泰否平而互分隨蠱至既未十八卦平而雜分其餘二陰四陽二陽四陰共三十卦一陰五陽一陽五陰共十二卦俱以貞勝分人之學與不學世之治與不治總在兩儀分不分上辨


楊敬仲曰一吾之一也一吾之一也可畫而不可言也可以默識而不可以知知也一者吾之全也一者吾之分也全即分也分即全也一者吾性中之象一者吾性中之形故曰在天成象在地成形

章本清曰乾體本實而離為之用坤體本虛而坎為之用所以坎離得陰陽之中震動艮止即坎中一陽之上下巽入兌說即離中一陰之上下可見天地間只是一陰一陽

像抄卷二 一陰陽五

三六

全體心天之圖




像抄卷一

通知晝夜

三十九


通如晝夜之圖



入天日
地上半
地中半

隱地天
地上半
地下半

堅圖




像抄卷一

先天堅圖

中

乾兌離震全體巽坎艮坤半體天包地外地在天中之
象乾兌同根太陽兌為澤澤潤流于天上從天而降
艮坤同根太陰艮為山山根發于地中從地而止天
精惟日故日麗天中地脉惟水故水由地中雷出地
行天由內而動于外常與離電俱至以離震同根少
陰之故風起天行地由外而入于內常與坎雨交發
以巽坎同根少陽之故崔氏曰地中有山與水猶人
身中有骨與血若地下則虛空也然則或謂天包水
水浮地者妄矣若水而可以浮地則日亦豈載天者
乎

二十月卦之圖



像抄卷一

天日交圖


四十一

三十一

十二月卦或謂出于京房非也復至日臨八月易固言之矣皇極經世以一歲之月一日之辰配一元之會一運之世皆十二也亥子之交混沌始判巳午之交升降攸分一日十二時如此一歲十二月如此一元十二會如此乾坤俯仰之消息上下古今之盛衰觀此十二卦亦可見矣十二月三十六旬分之則七十二候十二卦三十六陽分之則七十二畫三十六陽貫乎三十六陰之中天地間无非一陽氣之運而已息于復盈于乾消于姤虛于坤消息盈虛天行也易獨于剝卦言之其意微矣

胡氏

一中之分造化方圖



像抄卷一

先天方圖

四十二

方圖分爲二右半陽左半陰兩之義分爲四右半下截陽之陽上截陽之陰左半下截陰之陽上截陰之陰四之義分爲八自乾至歸妹爲一八自同人至震爲二八自姤至解爲三八自遯至豫爲四八自小畜至臨爲五八自家人至復爲六八自巽至師爲七八自漸至坤爲八八之義卦爻二分之陽爻一百九十二陰爻一百九十二四分之陽之陽陽爻六十四陰爻三十二陰之陰陰爻六十四陽爻三十二陽之陰陽爻四十八陰爻四十八陰之陽陽爻四十八陰爻四十八陰陽之在宇

宙其平分而運固如此自古帝王之治天下期于平而止亦以此有此一圖精神方謂之成位乎中方謂之全生全歸原始及終而知死生之說

分方圖而觀西北十六卦天卦自相交東南十六卦地卦自相交其斜行則乾兌離震巽坎艮坤自西北而東南皆陰陽之純卦也不能生物西南十六卦天去交地天卦皆在上而生氣在首故能生動物而首向上東北十六卦地去交天天卦皆在下而生氣在根故能生植物而頭向下其斜行則泰損既濟益恒未濟咸否自東北而西南皆陰陽得偶之合也所以能

像抄卷一 先天方圖

四十三

生物也圓圖主運行之事方圖主生物之事

邵子

天地定位否泰反類山澤通氣損咸見義雷風相薄恒益起意水火相射既濟未濟四象相交成十六事八

卦相盪為六十四

邵子

方圖貞悔相當四象乾坤否泰大剝大畜萃大有比需晉大壯觀小畜豫震巽恒益噬嗑井屯鼎隨蠱頤大過无妄升復姤坎離既未蒙革困賁師同人訟明夷渙豐解家人艮兌咸損蹇睽旅節漸歸妹小過中孚謙履遯臨

八卦重而為六十四卦一卦之上各有八卦也實則自

八而十六自十六而三十二自三十二而六十四也大傳曰因而重之爻在其中矣者是也此陰陽流行之數前三十二卦為陽後三十二卦為陰古往今來者也

西山蔡氏

方圖自中起有震巽之一陰一陽然後有坎離艮兌之二陰二陽又然後成乾坤之三陰三陽其序皆自內而外內四卦四震四巽相配而近有雷風相薄之象震巽之外十二卦縱橫有坎離有水火不相射之象坎離之外二十卦縱橫有艮兌有山澤通氣之象艮兌之外二十八卦縱橫有乾坤有天地定位之象四

像抄卷一 先天方圖

三

四十四

而十二二十而二十二十而二十八皆有隔八相生之妙以四隅言自外而內則乾坤否泰第一層之四隅兌艮咸損第二層之四隅坎離既未濟第三層之四隅震巽恒益第四層之四隅

止菴楊氏

方圖乾復坤姤之中為乾坤震撰上下正交兌艮坎離中為坎離日月之中乾坤震撰上下正交兌艮坎離左右對交方圖震巽居中巽居左而向于東南震居右而向于西北是乾坤初畫之交易動則物萌其生意散則物發其鬱結二者言生物之功次巽者坎次震者離是乾

坤中畫之交易潤則物以滋通恒則物以舒榮二者
言長物之功次坎者艮次離者兌是乾坤三畫之交
易止則物以成歛說則物以欣裕二者言收物之功
次艮而位極于東南者坤次兌而位極于西北者乾
乾于萬物无所不統是君之也坤于萬物无所不容
是藏之也言君震離兌之陽得乾而皆有所君主言
藏巽坎艮之陰得坤而皆有所歸宿也

虛齋
蔡氏

八卦相錯以一卦為主錯綜合來皆十五三五十五
三十五是為參伍以變錯綜其數而皆不出河圖之
中數

像抄卷一

先天方圖

四十五

言次

震巽恒益四卦從中孕育為一小方坎離既未一氣類
恒十六卦為大方兌艮咸損止說通氣三十六卦為
又次方乾坤否泰升降君藏六十四卦乃成一大方
徹內外有四層原來都是十六卦四四十六四箇十
六天地持衡震巽中萌山澤形用水火神行无往非
四營成易之義章本清曰圖從中出震巽為之中心
蓋震巽屬木木主仁也茲可以見天地生物之心矣
又曰先天圓圖即天地之運而循環无端方圖即天
地之交而化生莫測蓋運主乎順陽極陰生由姤而
坤陰極陽生由復而乾此所以惟順則行也交主乎

逆震巽中起陰上陽下坤乾外包水上火下此所以
惟逆則生也

天四象自交成十六重卦乾夫大有大壯履兌睽歸妹
同人革離豐无妄隨噬嗑震地四象自交成十六重
卦坤剝比觀謙艮蹇漸師蒙坎渙升蠱井巽天四象
交地得十六重卦否萃晉豫遯咸旅小過訟困未濟
解姤大過鼎恒地四象交天得十六重卦泰大畜需
小畜臨損節中孚明夷賁既濟家人復頤屯益

張行成曰天統乎體體必分兩故圓圖各分四位地分
乎用用必合一故方圖合為一中又曰先天方圖衍

像抄卷一

先天方圖

四十六

言生三

乾坤之兩儀而八之也故八而八之極于六十四又
曰圓圖當兩用方圖當一用者陽一而用二陰二而
用一也又曰陽之進數自一一而起至八八而終陰
之退數自八八而起至一一而終迭相倡和各得六
十四之六十四則四千九十六是為重易之全數

[illegible]

	有	發	衆	謙	賁	革	人同
大有	大畜	大過	大畜	小畜	中孚	漸	家人
需	屯	頤	隨	乾	微	歸妹	豐
五	晉	剝	無妄	○	高下	壯大	夬剛
濟未	蒙	萃	否	聖	恒	升	漸
困	艮	解	師	坤	復	九	泰
訟	渙			坎	比	井	益

（圖圓化造分中一）圖原

像抄卷一

先天圖

四本

三本

卦圖始生自乾一至坤八六十四卦皆用一倍法兩兩

生去雖未生出數可逆加故曰易逆數潛室陳氏

陰陽各居本方則陽自上而下而陰自上而下皆為順陰

陽互居其方則陽自上而下而陰自上而下皆為逆此

自然之勢固有真至之理也朱子


乾一兌二離三震四巽五坎六艮七坤八大分小分內

分外分橫分直分左分右分正分斜分不差毫釐无

往不合朱子

圓圖左陽右陰左三十二卦陽始丁復之初九歷十六

變而二陽臨又八變而三陽泰又三變而四陽大壯



又一變而五陽夬而乾以君之陽之進也始緩而終

速其進也以漸所謂陽在陽中順也陽主升自下而

升亦順也復至无妄二十陽明夷至同人二十八陽

臨至履亦二十八陽泰至乾三十六陽二十陽之微

二十八陽之著三十六陽之盛陽在北則微在東則

著在南則盛亦順也陽順而陰逆不言可知矣陰在

右方三十二卦則反是思齊翁氏

乾兌離震在天為陽在地為剛在天則居東南在地則

居西北巽坎艮坤在天為陰在地為柔在天則居西

北在地則居東南陰陽相錯天文也剛柔相交地理

像抄卷一 先天圖

辛

也邵伯溫

所謂圓圖其實即橫圖規而圓之耳橫圖震巽復姤正

在中間先自震復而却行以至于乾乃自巽姤而順

行以至于坤便成圓圖而春夏秋冬晦朔弦望晝夜

晷旦皆有次第莫不由乎其中矣玉齊胡氏

先天圖八卦各自為一節不論月氣先後不然臨本為

十二月之卦何以為春分卯中遯本為六月之卦何

以為秋分酉中玉齊胡氏

六十四卦圓布者乾盡午中坤盡子中離盡卯中坎盡

酉中陽生于子中極于午中陰生于午中極于子中

其陽在南其陰在北方布者乾始于西北坤盡于東南其陽在北其陰在南此二者陰陽對待之數圓于外者爲陽方于中者爲陰圓者動而爲天方者靜而爲地者也西山蔡氏

復至乾凡一百一十有二陽姤至坤凡八十陽姤至坤凡

一百一十有二陰復至乾凡八十陰詩自從會得環中

意閑氣胸中一點无邵子

邵子之學全在先天圖上更不拈起文王周公易辭一

生用力多在卦圖上惠齋蔡氏

古易六十四卦只是橫圖與圓圖方圖而已後世聖人

像抄卷二

先天圖圖三

五十二

繫辭時遂不容不逐卦拆出看虛齋蔡氏

圖之左邊起乾夫歷八卦而至睽歸妹又歷八卦而至

家人既濟又歷八卦而至頤復圖之右邊起姤大過

歷八卦而至未濟解又歷八卦而至漸蹇又歷八卦

而至剝坤左右各二卦互一卦合六十四卦互體只

成十六卦又合十六卦互體只成四卦乾坤既濟未

濟也周易始乾坤終既濟未濟以此草廬吳氏

復至乾陽自少而多極于乾則一變爲姤姤至坤陰自

少而多極于坤則一變爲復六十四卦兩兩相對皆

歷三十二位而變而真機則在坤復乾姤之間楊氏

一氣循環復至乾生物之始故震兌陰上陽下爲交泰之義主動言太極之用以行姤至坤成物之終故巽艮陽上陰下爲尊卑之位主靜言太極之體以立徐氏陽在陰中陽逆行陰在陽中陰逆行陽在陽中陰在陰中皆順行子齊

圓圖左屬陽右屬陰坤无陽艮坎一陽巽二陽爲陽在

陰中逆行乾无陰兌離一陰震二陰爲陰在陽中逆

行震一陽離兌二陽乾三陽爲陽在陽中順行巽一

陰坎艮二陰坤三陰爲陰在陰中順行此皆以內八

卦三畫陰陽言若以外八卦推之陰陽逆順行亦然

像抄卷一

先天圖圖四

五十二

易是互相博易之義觀先天圖便可見東邊一畫陰

便對西邊一畫陽蓋東一邊本皆是陽西一邊本皆

是陰東邊陰畫都是西邊來西邊陽畫都是東邊來

姤在西是東邊五畫陽過復在東是西邊五畫陰過

互相博易而成易之變雖多般然此是第一變朱子

冬至子之半冬至一陽旺于觀之半自觀之半合比剝

復頤至屯之半五卦皆屬子坤爲子中子半後半也

子初爲前半子半爲後半朱子叙二十四氣有言初

言半言中每月二氣前十五日爲初初即前半曆家

之所謂節後十五日爲中中即後半曆家之所謂中

惟至分四節曰中以其爲子午卯酉之中圖之乾坤坎離當上下左右之中也揚止

圖夫姤夾乾剝復夾坤由姤至夫乾透體以坤道磨盪一過矣由復至剝坤透體以乾道磨盪一過矣八卦之互相磨盪也亦然序以乾坤剝復夫姤立三才之義是爲義文相授守一道

伏羲之易當以圖觀漢漢王應麟

邵子觀物外篇天地之氣運北而南則治南而北則亂

張文饒謂先天圖自泰歷蠱而至否自否歷隨而至

泰卽南北之運數泰南歷蠱凡十五卦至否共三十卦否北歷隨凡十五卦至泰共三十卦

像抄卷一 先天圖圖五

五十三

章至

三十卦

六十四卦圓爲天无不虛方爲地无不實人有圓之虛方之實天下之能事備矣

夫極而乾及爲姤剝極而坤及爲復夫姤夾乾乾君定

于南剝復夾坤坤藏定于北

同人與師對待同人春之分師秋之分同人反大有師

反比亦對待履與謙對待履夏之立謙冬之立履反

小畜謙反豫亦對待同人大有小畜履皆主乾以開

泰師比謙豫皆主坤以傾否又序以此十卦合爲首

一局便盡皇義先天一圖之義

六十四卦分配節氣二至二分四立總爲八節每節各

兩卦外十六氣每氣各三卦合之爲六十四章本清

曰自乾之純陽歷離兌以至一陽之震而其原則爲

純陰自坤之純陰歷艮坎以至一陰之巽而其原則

爲純陽非數往之順乎自震之一陽歷離兌以至乾

之純陽而陰又將姤自巽之一陰歷坎艮以至坤之

純陰而陽又將復非知來之逆乎可見全圖一也由

左觀之陰陽皆逆由右觀之陰陽皆順左旋則總爲

知來右旋則總爲數往不必從中半分爲數往之順

半分爲知來之逆也易數皆未生總以知來爲主由

像抄卷一 先天圖圖六

五十四

章至

一奇以推極乎數之陽由一偶以推極乎數之陰自

震至乾自巽至坤按圖象與卦位皆逆數也况數其

已往知其將來理本一致而陰陽消息盈虛循環无

端惡可截然分之爲二哉又曰造化之理非逆則无

順使皆順窮矣聖人作易參贊之深旨全在於逆故

曰易逆數也

金氏曰伏羲之畫卦也有圖而无書有占而无文時未

有文字此六十四卦者卽六十四大字也是六十四

字者天地人事時義物理之常變悉管乎是矣

六十四卦內三陰三陽分二十卦六子內俱三震坎艮內合巽

卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二
卦乾坤內各三坤內合巽離兌六子內唯一震坎艮其一分十二

天地原是平分而運乾坤內三分者一。一五分者三。絕
者一。二四分者三。六子內一五分者一。三分者三。二
像抄卷十一 先天圖圖七 五十五

四分者四。奇分半交偶分半不交。卦卦皆然是之謂
平。无如人之不平何矣。作易聖人之有憂患。憂此患
此。

乾不變對坤盡變。一變對五變。共十二卦。二變對四變
共三十卦。三變首尾共二十卦。居中六變。坤變即
反此。即乾坤而六子可知。合之為六十四。可知其无
不對待處。便都是天地之平處也。

先天圖卦氣或見與月卦不合。欲有改為此。非可以
人為智巧與也。間嘗考之。坤復之交。合十二畫止。一
陽爻其為冬至子半一陽生之象。无疑自冬至至大

小寒八卦二十陽陽始生也。自立春至雨水。陽漸長。八
卦自春分至清明。穀雨八卦俱二十八陽陽漸長也。
自立夏至小滿。芒種八卦則三十六陽陽極盛矣。此
與自復而臨而泰而大壯而夬而乾。夫何以異。乾姤
之交。合十二畫止。一陰爻其為夏至午中一陰生之
象。无疑自夏至至大暑。八卦二十陰陰始生也。自
立秋至處暑。白露八卦自秋分至寒露霜降八卦俱
二十八陰陰漸長也。自立冬至小雪大雪八卦則三
十六陰陰極盛矣。此與自姤而遯而否而觀而剝而
坤。又何以異。而必區區以月卦為拘夫。乃非六十四
像抄卷十一 先天圖圖八 五十六

縱橫曲直反覆相生自然之造化也耶。

（圖圓化造分中一）定重


像抄卷一

先天圖

五十七

三百

先天



（圖圓化造分中一）定補


像抄卷一

後天圖

五十八

三百

後天



天地一歲之運即天地一元之運說卦氣者以復臨泰大壯夫乾姤遯否觀剝坤十二卦配十二月自无不合但以先天圓圖六十四卦為配除復稱至日復為陽至為十一月一陽生之卦則姤為陰至為五月一陰生之卦勿問可知乃臨十二月卦而屬春分泰正月卦大壯二月卦夬三月卦而俱屬立夏遯六月卦而屬秋分否七月卦觀八月卦剝九月卦而俱屬立冬並係舛悖且陰陽生長進退之序又復疎密不同是以有改為一圖又竊推之聖人贊易既于復卦可考合二至二分四立之消息亦原有帝出乎震一章

見于大傳似當有後天六十四卦一圓圖以明之蓋
先天體也統明陰陽之至後天用也分四分八分十
二詳見時令之全故又為補添一圖如右俟知者詳
考

或曰子之謂先天似矣如後天所屬復多不類何曰冬
至坎中立春艮中春分震中立夏巽中夏至離中立
秋坤中秋分兌中立冬乾中此則四時八節十二月
无一不正且與出震齊巽見離役坤說兌戰乾勞坎
成艮无一而不脗合初非私意小智有所強為安排
布置于其間

像抄卷一 後天圖圖二

五九

先天坤復之交為冬至子中後天既濟坎之交為冬至
子中先天乾巽之交為夏至午中後天未濟離之交
為夏至午中先天坤陰窮而震陽始生後天坎得坤
位一陽正孕于坤中且與離互精而聯合既濟為火
陰根乎水陽先天乾陽窮而巽陰始生後天離得乾
位一陰正孕于乾中且與坎互精而聯合未濟為水
陽根乎火陰先天見天地定位之全體後天見水火
不相射之大用

離坎之中南北之正中天地之大中也左分為陽為生
右分為陰為成故坎起既濟為火陰極而水陽生為

冬日長至至未濟而水陽復極離起未濟為水陽極
而火陰生為夏日短至至既濟而火陰復極以一歲
分陰陽既濟半未濟半未濟邊三十二卦坎陽為主
為始終生數二十卦成數十二卦既濟邊三十二卦
離陰為主為始終成數二十卦生數十二卦統陰陽
觀歲運邵子所謂水火相逮既濟未濟于此可考

唐傅仁均曰理曆之本必推上元之歲日月如合璧五
星如連珠夜半甲子朔旦冬至自此以後既行度不
同七曜分散不知何年更得餘分普盡還復總會之
時惟日分氣分得有可盡之理因其得盡即有三端

像抄卷一 後天圖圖三

六十

之元故造經立法者小餘盡即為元首此乃紀其日
數之元不關合璧之事矣今圖冬至起既濟即古法
上元連珠合璧夜半甲子朔旦冬至一九相因定象
俱在此每歲日行黃道一週天月行月道二十七日
有餘一週天月道交絡黃道每行黃道內十三日有
奇而出又行黃道外十三日有奇而入終而復始亦
俱在此坎主冬至而既濟內體離為極南故曰南至
離主夏至而未濟內體坎為極北故曰北至又皆實
理實象並非牽合

乾坤易之門

乾

夔
 姤

變一
遯

III. REFERENCES

雙
 否

10

像抄卷一

III

[illegible]

1

五
三
列

六變 三 餘

...

1

比 ䷇	頤 ䷚	蒙 ䷃	艮 ䷳	晉 ䷢	損 ䷨	賁 ䷖	益 ䷩	渙 ䷺	漸 ䷴	无妄 ䷘	訟 ䷅	同人 ䷌
豫 ䷏	屯 ䷂	坎 ䷜	蹇 ䷦	萃 ䷬	賁 ䷖	賁 ䷖	益 ䷩	渙 ䷺	漸 ䷴	无妄 ䷘	訟 ䷅	同人 ䷌
謙 ䷎	震 ䷲	解 ䷧	過小 ䷛	節 ䷻	既濟 ䷾	隨 ䷐	益 ䷩	渙 ䷺	漸 ䷴	无妄 ䷘	訟 ䷅	同人 ䷌
師 ䷆	夷明 ䷣	升 ䷭	過小 ䷛	歸妹 ䷵	泰 ䷊	豐 ䷶	益 ䷩	渙 ䷺	漸 ䷴	无妄 ䷘	訟 ䷅	同人 ䷌
復 ䷗	臨 ䷒	坤 ䷁	過小 ䷛	歸妹 ䷵	泰 ䷊	豐 ䷶	益 ䷩	渙 ䷺	漸 ䷴	无妄 ䷘	訟 ䷅	同人 ䷌

像抄卷

乾坤易之門

本

一爻變六五爻變六二爻變十五四爻變十五三爻變二十。六爻變一合乾坤不變爲六十四所謂天地設位而易行乎其中乾坤成列而易立乎其中乾坤爲易之門皆如此蓋六十二卦皆乾坤之變而坤偶又皆乾奇之變故曰天下之動貞夫一故曰吾道一以貫之朱子易學啓蒙列爲三十二圖其實只是一圖也

義畫六十四卦文序及覆合之止成三十六

[illegible]

避 壯大光明
晉 文明
家人 睽
寒 解
損 益
夬 姤
萃 升
困 井
革 鼎
震 艮
像抄卷一

序卦 六十四

聖明者實德於神而後主乾坤用坎智助成王坤用離情垂愛為賢陰道變為明德泰否四變泰成固否矣當乾地復更十卦陽以各三十畫而天地之成也他後歷年卦陰陽各三十畫而損益見泰否天道之大運所以體其全損益入道之人權周以用其中

夫婦配合巽兌而變不爻兄辛并坤合巽兌而坤不復見

泰否五變否要田泰要井因井革歸居下序之中天地之用莫大于水火水火之用莫盛于升降也又坎離和絳陽交之卦始于此學世遇之卦終于此處兩重臺變到蒙節次為革

泰否七變泰要豐要旅

泰否八變否要渙泰要師

中家震員合坎之始渙即巽兌合坎之終

渙 頤 子 小 過 濟 未

泰否九變泰要既濟至變未濟既濟水火之交即泰之象未濟水火之交即否之象然既濟中交柔下剛上山否未濟中交剛下柔上由泰變以未濟學以未濟無窮故泰要義聚天下使世間之于光射耳

乾坤坎離在上為主各六在下各二

艮巽兌在下為主各六在上各二

合震艮巽兌

震艮巽兌

體十二在下

上六震兌陽畫在下

上皆上卦以合陽

不合坤離

義書對待之體文序流行之用以文序乾坤等八卦對

屯蒙等五十六卦八卦對待之體五十六卦流行之

像抄卷一 序卦三

用八卦乾坤配天地坎離配日月震艮巽兌合為順

大過中孚小過配四時天地日月四時萬古如一故

不變

上序陽以屯始屯貞為震即出震之義下序陰以咸始

咸悔為兌即入兌之義陽長自下陰消自上陽長自

東陰消自西朱子曰長處便是陽消處便是陰進處

便是陽退處便是陰聖人尊陽抑陰之義即此可以

槩見蔡氏曰爻之奇偶就該得消息卦之消息就當

個奇偶也

上乾坤正交為泰否父母之象六子不交男女之象下

六子正交為咸損恒益既未濟夫婦之象

每卦必有對兩卦為一對一直具十二畫畫卦此法重

卦此法序雜卦亦此法如首合乾坤兩卦而觀乾六

畫在上坤六畫在下便見乾為主坤為從天尊地卑

乾坤定之象又為黃帝堯舜垂衣裳而天下治之象

乾坤相綜為變化而否泰居中坎離相綜為變化而既

未濟居終艮巽相綜為變化而損益居中震兌相綜

為變化而恒咸居中此泰否所以為首局既未濟所

以為終局咸恒損益所以為中局

三陰三陽之卦泰正交否定位正交全定位半隨蠱噬

像抄卷一 序卦四

益賁咸恒困井漸歸妹渙節十二卦皆先隨後蠱等

皆交泰之正交損益豐旅既濟未濟六卦皆先損後

益等皆位否之定位无往非陽全陰半之義

乾坤屯蒙需訟合為首一局十八畫剛爻十八畫柔爻

雖若剛柔平分實則純體陽剛屯蒙主震艮合坎屯

雷雨上動為膏澤天下有君道蒙山泉下出為源脉

天下有師道需訟主乾合坎以不陷外險為需以有

孚內險為訟需向外一步即防失脚訟向裏一步即

察非心四卦首序于乾坤成列後在文王為臨保緝

熙在堯舜則危微精一萬古聖學真血脉真工夫便

于是可見

乾坤交而成泰否序先泰後否䷊䷋乾居中為主
坤居上下為客泰固藉君子在内否亦藉君子在外
此從古以來之世道維先否後泰䷋䷊則君子
竝生小人并包兼容之天度也

坎一剛居坤二五用事成師比于泰先離一柔居乾二
五用事成同人大有于否後巽兌一柔居乾三四用
事成畜履于泰先艮震一剛居坤三四用事成謙豫
于否後一剛一柔為主之卦各六主坎震艮者親地
主離巽兌者尊天四居泰先四居否後皆以夾輔乾
像抄卷一序卦五

坤是為乾坤交而旁生六子之象二為剝復即謙豫
之倒體又為中十二卦主人二為夫婦即小畜履之
倒體又為後十二卦主人

乾坤至謙豫凡十六卦也蒙合三男以有事于坤屯蒙
皆需訟合三女以有事于乾需訟中爻為離兌師比合
三男以有事于坤比中爻為艮小畜履合三女以有
事于乾小畜中爻為離兌同人大有合三女以有事
于乾同人大有中爻為離兌謙豫合三男以有事于坤謙
中爻為坎艮豫中爻為離兌殆若邵子所謂十六而天地之道畢然
及覆合之止成九卦又太陽數九之義象

震艮首用事合坎為屯蒙合離為噬嗑賁巽兌首用事
合乾為小畜履合坤為臨觀震艮巽兌互合為隨蠱
泰之先有六坎皆震艮乾坤之合否之後有四離則
震艮與乾之合泰之先四乾二坤否之後四坤二乾
皆適相等

泰否合既象乾内坤外泰前小畜履再前為師比否後
同人大有再後為謙豫亦象乾内坤外是為序卦首
局内外賓主之辨邵子自古國家其興也未始不由
君道盛父道盛夫道盛君子之道盛中國之道盛其
亡也未始不由臣道盛子道盛妻道盛小人之道盛
像抄卷一序卦六

夷狄之道盛咸于泰否象之矣

乾開坤闢後首序六坎實象有三十六重險要出屯與
蒙為一對合十二畫觀之坎之六畫包震艮于中屯
蒙无亨上下十二重循環逼塞為險要動无出之處
要止无入之處需訟以坎包乾需訟无乎上下十二
重循環逼塞為險但有入淵之凶竝无涉川之利師
比以坤包坎師比无貞上下十二重從中結塞為險
无師不為天下之毒无比不成匪人之傷
自同人至大畜十四卦反覆止成七卦又若合為一局
泰否合乾居中上下皆坤臨觀合雖純體陰柔亦乾

像抄卷一

序卦七

六十九

四百

乾坤亦三十六居後亦適相等

咸恒至損益十二卦合爲一局咸恒兌巽包艮震于中損益艮震包兌巽于中咸損相反恒益相反遯大壯二柔四剛乾居艮震外晉明夷二剛四柔坤離之合家人睽二柔四剛離與巽兌之合蹇解二剛四柔坎居艮震外爻各三十六剛柔相等乾坤坎離俱備于中姤至革鼎八卦合爲一局夬姤兌巽合乾萃升兌巽合坤困井兌巽合坎革鼎兌巽合離震艮至渙節十卦合爲一局豐旅震艮合離渙節巽兌合坎漸歸妹巽艮震兌之合震艮至既未濟十四卦合爲一局震

像抄卷一

序卦八

七十一

三百

艮居前巽兌居後分陰分陽多自爲對此震艮巽兌之分體漸歸妹中孚小過震艮巽兌之合體豐旅渙節震艮巽兌之互體合中孚小過既未濟居終與上經頤大過坎離同

坎離居中前頤大過後咸恒咸恒即頤大過之交合前无妄大畜後遯大壯遯大壯即无妄大畜之交合无妄大畜頤大過坎離咸恒遯大壯十卦又若聯合爲中一局

泰否合中分之乾六爻居中坤六爻居上下臨觀合三分之乾四爻居中坤四爻居上四爻居下遯大壯合

三分之坤四爻居中乾四爻居上四爻居下遯大壯亦臨觀之反體臨觀純體坤柔遯大壯純體乾剛遯大壯前十卦始剝復後十卦終夬姤剝復中爻純坤无妄大畜上下皆乾咸恒中爻亦乾頤大過坎離四卦居中頤坎即蹇解之合大過離即家人睽之合夬姤中爻純乾損益中爻皆坤晉明夷上下亦坤家人睽蹇解四卦居中巽兌合離爲家人睽即大過離之合艮震合坎爲蹇解即頤坎之合剝復至夬姤二十卦聯合于中又爲一大局

震原初始艮要上終自合爲頤舍剝復二象反而中合

卽爲小過背坎巽原初始兌上終目合爲大過舍
夫姤二象反而中合卽爲中孚有離

泰否居中前後四卦剛柔俱十二爻合乾坤爲三十六
剝復居中前六卦自隨至賁剛十六爻柔二十爻後
六卦自无妄至離柔十六爻剛二十爻合之三十六
夫姤居中前六卦自家人至益後六卦自萃至鼎剛
柔皆十八爻合之三十六序卦聖人之心之極其整
密于此亦畧可窺其萬一

乾坤合爲泰否重乾在中坎離合爲既未濟重離在中
參伍至此危微精一聖功无餘蘊矣

像抄卷一 序卦 九

七十二

三十一

泰否後由隨蠱至既未濟凡十八變皆乾坤三陰三陽
之交合无非保泰傾否之時川隨蠱否泰初上變邵
子泰到盛時須入蠱否當極處却成隨噬嗑賁困井
否泰二五初上變咸恒損益否泰三四初上變漸歸
妹否泰三四變豐旅渙節否泰二五三四變既未濟
否泰二五變自剝復至損益剛爻原始要終之卦多
自夫姤至既未濟柔爻原始要終之卦多以剝復反
覆十二卦又象成一坤道之故

乾坤列震艮首用事乃重震重艮至革鼎後方見以屯
盡變爲鼎蒙盡變爲革震艮能事至此而方備也重

巽重兌序于豐旅渙節間亦豐盡變爲渙旅盡變爲
節以重巽合坎而天下之險有不下渙者无之以重
兌合坎而天下之險有不上節者无之巽兌能事亦
至此而始畢耳

震艮巽兌四卦之合隨蠱咸恒損益漸歸妹皆長少之
交隨長男下少女之始歸妹少女歸長男之終蠱長
女事少男之始漸長女歸少男之終咸損則二少相
與恒益則二長相與皆交頤小過長少皆男大過
孚長少皆女雖頤及小過大過及中孚皆不言交
噬嗑賁震艮合離困井兌巽合坎噬嗑盡變爲井賁盡

像抄卷一 序卦 十

七十二

三十一

變爲困豐旅震艮合離渙節巽兌合坎豐盡變爲渙
旅盡變爲節噬嗑賁列隨蠱咸恒間困井列損益漸
歸妹間豐旅渙節列漸歸妹既未濟間以皆三陰三
陽由泰否變泰否父母之合原始既未濟中男中女
之合要終中則皆少長男女之合也

坤坎乾離四正卦之合爲師比同人大有巽兌合乾艮
震合坤爲小畜復謙豫小畜復中爻亦乾合離謙豫
中爻亦坤合坎居泰否先後爲乾坤全局畜復反夫
姤謙豫反剝復乾坤又若分爲兩局是爲三才三極
之

乾坤但列而不交卽象有否而无泰人知屯蒙需訟師比畜履八卦開于泰先不知實亦闕之否後也臨觀遯壯皆泰否消長之際剝復夬姤皆泰否消長之初與極序卦聖人尤致謹焉故以泰否居中爲首局之主次則臨觀爲主次則剝復爲主次則遯壯爲主次則夬姤爲主以之領袖諸卦剝復遯壯則震艮與乾坤合臨觀夬姤則巽兌與乾坤合故以重震艮重巽兌居後要終

坎中爻爲震艮震艮中爻爲坎離中爻爲巽兌巽兌中爻爲離體常不易陰陽之正性也中孚巽兌二陰之

像抄卷一 序卦十一

七十三

三

合也而中爻爲震艮小過震艮二陽之合也而中爻爲巽兌頤震艮二陽之合也而中爻爲坤大過巽兌二陰之合也而中爻爲乾變乃雜居陰陽之互根也乾坤坎離爲四正卦震艮巽兌爲四偏卦此亦相沿說震以動始艮以止終巽以入始兌以說終震以動陰巽以入陽艮以止陰兌以說陽非震無動非艮無止非巽無入非兌無說以德以體原无不正不得言偏特四可反易而爲二故五十六亦遂可反易而爲二十八耳

義畫正卦生成不易之易文序反卦變通變易之易不

易者常易常易者未始或易善窺伏羲之精意以畫善窺文王之精意兼序

邵子謂天地之氣運北而南則治南而北則亂坤與坎皆在北乾與離皆在南坤居乾上爲泰坎居離上爲既濟皆北而南之象反之則爲否爲未濟皆南而北之象也

乾坤十卦後爲泰否泰否天地之中也泰乾坤之交不交卽否隨蠱至既未濟十八卦亦若十有八變而成一卦總欲乾坤常交有泰无否之義劉氏曰非乾无始非坤无生非泰无物陰陽剛柔健順動靜不交則

像抄卷一 序卦十二

七十四

三

二儀息屈伸往來浮沈升降不錯則四時民雌雄牝牡吸噓唱和不比則物不育方圓動靜翕張受施不具則器不立語默作止應感取予不備則事不形内外上下要詳令其不合則治不興本末始終表裏大小不貫則學不成故非泰无二儀非泰无四序非泰无物非泰无器非泰无治非泰无學仰以觀乎天俯以察乎地遠以稽乎物近以取乎身无適非泰也文序泰居乾坤十卦後前師比小畜履後同人大有謙豫六子先後夾輔之深矣

上易之陽體也外也乾坤交而六子心職六子則男女

也。統于尊而從陽下易之陰體也。內也。六子交而乾坤不用六子。則夫婦也。成于交而貴陰上乾合坎離坎離合震艮不合巽兌正位乎外以齊外下乾合四偏卦坤合三女離二體合坤不合乾正位乎內以肅內終既未濟則水火之交不交人道之終始天壽之原死生之分善敗禍福之所從起也。鄧元錫

邵子八卦用六爻乾坤主之。六爻用四位坎離主之。坎離生物之數也。天有四時。故天地之體數皆四。而生物者必四。離四陽坎四陰。由乾坤至坎離。屯蒙需訟四卦居先。屯蒙四陰地之體數需訟四陽天之體數。

像抄卷一 序卦 十三

七十五

臨觀无妄大畜頤大過六卦居後。臨觀頤四陰无妄大畜大過四陽。由咸恒至既未濟。遯大壯晉明夷家人睽蹇解八卦居先。萃升革鼎震艮巽兌中孚小過十卦居後。皆四陰四陽皆坎離生物之體數。體數四用數二。如時有四。而月惟三。故以屯蒙需訟原乾坤交之始。以頤大過合坎離而為之中。以中孚小過合既未而娶之終。體數偶。如地。主生物。用數奇。如天。主運行。乾坤二四陰四陽之卦三十。皆體數偶數。一陰一陽之卦十二。三陰三陽之卦二十。皆用數奇數。

上序乾坤始坎離終皆有體合用之象。邵子所謂无極

之前陰合陽下序咸恒始既未濟終皆有用合體之象。邵子所謂有象之後陽分陰。

屯蒙隨蠱噬嗑賁无妄大畜皆震原始艮要終而合之。則為頤頤盡變則為大過震艮皆陽大以自下進長為義。故序先震後艮。大者過只是過乎中。故娶于坎離之中而止。咸恒夬姤萃升困井革鼎皆兌要終巽原始而合之。則為中孚中孚盡變則為小過兌巽皆陰小以自上退消為義。故序先兌後巽。小者過亦是過乎中。故娶于坎離之濟而止。邵子自下而上謂之升升者生也。自上而下謂之降降者消也。故陽生

像抄卷一 序卦 十四

七十六

于下而陰生于上也。出震為生而入兌為消也。自姤至剝逆序。姤恒下體剝咸下體姤至剝皆坤用事。不必剝盡而後為坤。自復至夬順序。復恒上體夬咸上體復至夬皆乾用事。不必夬終而後為乾。由復而臨而泰近由姤而遯而否遠皆逆序于泰否後喜君子之進而易之憂小人之進而難之也。由泰而壯而夬遠由否而觀而剝近皆順序于泰否後見君子之去小人常寬而小人之去君子常迫也。復盡變為姤剝盡變為夬剝復艮震于坤夬姤兌巽于乾復姤震巽為初剝夬艮兌為終如終條理之交也。剝而

復明治生于亂見天地之心矣而姤明亂生于治巖
天人之介是爲易之大綱

康節問伊川雷從何處起伊川答起處起乾坤列後雷
起于坎天造草昧雷雨滿盈爲屯坎子中坎逢雷朱
子謂之夜半雷聲人无夜半雷聲雷聲不于坎起茫
茫宇宙萬古長夜別無開闢之日

天地設位易行乎中乾坤成列易立乎中須知乾坤後
六十二无非乾與坤易坤與乾易以定天地之位以
成乾坤之列易之立人之立易之行人之行人外无
易易外无人一有未立未行乾坤之列无不毀天地

像抄卷一

序卦

七十七

言五

之位无不虛皆仰愧俯作徒具人形醉生夢死之行
屍已耳可懼也夫可懼也夫

章本清曰天地者陰陽之統會水火者陰陽之流行雷
風山澤者陰陽之節宣是以乾坤坎離爲經之終始
而艮兌震巽交于下經之首又曰觀水火既濟見乾
坤之體爲不易觀水火未濟見乾坤之用爲不窮妙
矣哉一陰一陽之道哉

瞿氏燾曰用大衍之數五十以成序卦次第之圖第自
乾數起歷五十卦至鼎而止爲第一周又自震數起
周而復始歷五十卦至明夷而止爲第二周自家人


以後莫不皆然第循序挨次排去不假一毫安排布
置乃恰好至第三十二周凡二十五轉以終于未濟
而十有八變成卦之象自見此亦所謂彌綸天下之
道之所不廢也

像抄卷一

序卦

七十八

外圓乾內方坤。離坎乾內交之。中是爲四正。震艮巽兌乾坤交之。偏四偏皆以輔四正。乾四正者。坎離輔乾坤者也。坤又輔乾者也。故乾爲首正。離又輔坎者也。故坎尤正也。文序六十四卦始以渙節中孚。小過既未。終燦然指掌矣。



序卦

七十九

壽

乾坤

天地定位

震
坎

乾坎

一易爲主

哭 地

一陰爲主

申兌

天也王交

離乾

陰爲主

震長
坤

一陽爲主

元豐

五坎離前

兌巽
坤

四坎離前

序卦

八

Summary

巽兌

坎離後前十二卦後十二卦
五後坎離為中一大局

反威懼之

兌巽
(乾)

○剝復全變爻爲夫妬

巽兌巽
○坤

○大畜无妄全
變爲萃升

巽兌
自坎

○爲困井

兌

○革鼎

震

蘭益之

震民雜

	及
--	---

異

--	--

兌巽
坎

巽始小畜終中孚皆悔 震原始中上貞要終小過之悔
兌始履終中孚皆貞 艮原始蒙之悔要終小過之貞

水火正交乾坤合交之正中

屯蒙震艮合坎需訟乾合坎師比坤合坎原始渙節巽

允合坎中孚小過既未離合坎要終雲行雨施品物
流行雲行雨施天下平俱此

全

三十六宮都是春

陽爻十八	陽爻十七	陽爻十七共五十二	陽爻十八	陽爻十九	陽爻十九共五十二
陰爻十八	陰爻十九	陰爻十九共五十二	陰爻十八	陰爻十七	陰爻十七共五十二

乾
泰
剝
夬
夫
比
師

卷十七
陰爻七共五十五

人同
无妄
升

地 謙 順 晉 困 井

需
䷄
大過
䷛
家人
䷤
革
䷰
中

師 臨 坎 震 小

小畜 ䷈
 豐隆 ䷶
 離 ䷄
 損 ䷨
 漸 ䷴
 既濟 ䷾
 萃 ䷬

乾策三十
三百八十四爻合之止成二百一十有六爻

一乾策之數
橫豎淮人所列

像抄卷一
三十六宮

全

八卦不易者四變易者二共六卦六其六爲三十有六

重卦不易者八變易者二十八合之亦三十有六惟

有不易是以能易惟有不變是以能變所以謂之易

有太極所以謂之无極而太極大極本无極

邵子耳目聰明男子身洪鈞賦予未爲貧須探月窟方

知物未躡天根豈識人乾遇巽時觀月窟地逢雷處

見天根天根月窟閑來往三十六宮都是春楊氏曰

手探足躡日用不可須臾離便是手足有所措不然

卽是手足无所措矣安足以識人知物而得稱爲男

子哉

經世通變易上下經反復視之各十八卦若各爲一卦則天地各用三十地多四卦以爲體也以先天卦圖準之上經用天之十七卦地之十三卦下經用天之十五卦地之十九卦天從地各用十三天多四以爲體地從天各用十五地多四以爲體又曰六十四卦反復視之而三十六者八正卦常存于五十六之中

全

之策亦隱也

三十六爲用則常有二十八不用太陽之策見少陽

乾

坤

比
坎
坤
艮
震
巽
离
兑
乾

臨

屯

震

[illegible][illegible][illegible]

三三三

像社卷

謀

噬嗑
☲ 上 離 下 震
火 雷 噬 嗑
口 舌 相 擊
震 離 噬 嗑
噬 嗑 噬 嗑
噬 嗑 噬 嗑
噬 嗑 噬 嗑

兪
 兪 兪 兪
 兪 兪 兪
 兪 兪 兪
 兪 兪 兪
 兪 兪 兪
 兪 兪 兪

隨

利！

姓名	性别	年龄	职业	住址
张三	男	35	教师	北京市海淀区
李四	女	28	医生	北京市朝阳区
王五	男	42	工程师	上海市浦东新区
赵六	女	31	护士	广州市天河区
孙七	男	25	学生	北京市昌平区
周八	女	38	公务员	深圳市南山区
吴九	男	45	企业家	浙江省杭州市
郑十	女	33	记者	广东省深圳市
冯十一	男	29	程序员	四川省成都市
陈十二	女	36	律师	江苏省南京市
林十三	男	41	科学家	安徽省合肥市
黄十四	女	34	作家	福建省福州市
周十五	男	27	音乐家	山东省济南市
吴十六	女	39	画家	河南省郑州市
郑十七	男	43	厨师	湖北省武汉市
冯十八	女	32	美容师	湖南省长沙市
陈十九	男	26	快递员	广东省广州市
林二十	女	37	清洁工	浙江省宁波市
黄二十一	男	44	保安	江苏省苏州市
周二十二	女	30	销售员	安徽省芜湖市
吴二十三	男	40	农民	福建省厦门市
郑二十四	女	35	工人	山东省青岛市
冯二十五	男	28	司机	河南省洛阳市
陈二十六	女	36	服务员	湖北省武汉市
林二十七	男	41	快递员	湖南省长沙市
黄二十八	女	34	清洁工	广东省广州市
周二十九	男	27	保安	浙江省宁波市
吴三十	女	39	销售员	江苏省苏州市
郑三十一	男	43	农民	安徽省芜湖市
冯三十二	女	32	工人	福建省厦门市
陈三十三	男	26	司机	山东省青岛市
林三十四	女	37	服务员	河南省洛阳市
黄三十五	男	44	快递员	湖北省武汉市
周三十六	女	30	清洁工	湖南省长沙市
吴三十七	男	40	保安	广东省广州市
郑三十八	女	35	销售员	浙江省宁波市
冯三十九	男	28	工人	江苏省苏州市
陈四十	女	36	快递员	安徽省芜湖市
林四十一	男	41	清洁工	福建省厦门市
黄四十二	女	34	保安	山东省青岛市
周四十三	男	27	服务员	河南省洛阳市
吴四十四	女	39	快递员	湖北省武汉市
郑四十五	男	43	清洁工	湖南省长沙市
冯四十六	女	32	保安	广东省广州市
陈四十七	男	26	销售员	浙江省宁波市
林四十八	女	37	工人	江苏省苏州市
黄四十九	男	44	快递员	安徽省芜湖市
周五十	女	30	清洁工	福建省厦门市
吴五十一	男	40	保安	山东省青岛市
郑五十二	女	35	销售员	河南省洛阳市
冯五十三	男	28	快递员	湖北省武汉市
陈五十四	女	36	清洁工	湖南省长沙市
林五十五	男	41	保安	广东省广州市
黄五十六	女	34	销售员	浙江省宁波市
周五十七	男	27	工人	江苏省苏州市
吴五十八	女	39	快递员	安徽省芜湖市
郑五十九	男	43	清洁工	福建省厦门市
冯六十	女	32	保安	山东省青岛市
陈六十一	男	26	销售员	河南省洛阳市
林六十二	女	37	快递员	湖北省武汉市
黄六十三	男	44	清洁工	湖南省长沙市
周六十四	女	30	保安	广东省广州市
吴六十五	男	40	销售员	浙江省宁波市
郑六十六	女	35	工人	江苏省苏州市
冯六十七	男	28	快递员	安徽省芜湖市
陈六十八	女	36	清洁工	福建省厦门市
林六十九	男	41	保安	山东省青岛市
黄七十	女	34	销售员	河南省洛阳市
周七十一	男	27	快递员	湖北省武汉市
吴七十二	女	39	清洁工	湖南省长沙市
郑七十三	男	43	保安	广东省广州市
冯七十四	女	32	销售员	浙江省宁波市
陈七十五	男	26	工人	江苏省苏州市
林七十六	女	37	快递员	安徽省芜湖市
黄七十七	男	44	清洁工	福建省厦门市
周七十八	女	30	保安	山东省青岛市
吴七十九	男	40	销售员	河南省洛阳市
郑八十	女	35	快递员	湖北省武汉市
冯八十一	男	28	清洁工	湖南省长沙市
陈八十二	女	36	保安	广东省广州市
林八十三	男	41	销售员	浙江省宁波市
黄八十四	女	34	工人	江苏省苏州市
周八十五	男	27	快递员	安徽省芜湖市
吴八十六	女	39	清洁工	福建省厦门市
郑八十七	男	43	保安	山东省青岛市
冯八十八	女	32	销售员	河南省洛阳市
陈八十九	男	26	快递员	湖北省武汉市
林九十	女	37	清洁工	湖南省长沙市
黄九十一	男	4		

牛！

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

1. **Introduction**

解

剛以爲此師主大謙故次刑復以復要剛爲主之終終于長以長君子皆在上

序屯蒙雜易以師比

震艮前乾坤至由震入卦兌巽後隨巽至并固凡八卦震艮巽兌之中損益至寧齊

凡十卦屬中
序乾坤十卦

損益之矣。損益兌巽震之合故。前震艮後兌巽屯蒙。嗟嗟皆震艮合。以合離。臨觀益升皆兌巽合。坤大畜无妄謙豫又皆震艮合。合中先後。慎為上高。于積易。

實不謂然
察察哉

雜卦

八十四

拈五變

積善之家

青比而一則言五乘五二之中大兼象一則言五乘三而二之則寸一則言五乘上則

之中皆在上太有同人小畜履夫姤比在下此剛柔上下之辨

1

補血三變

上以困終爲柔排剛君子不失其所亨下以天終爲剛決柔君子道長小人道殺矣

震起且止

1

經 14—144

互爲多少非特可見陰陽交易之妙而三十六宮之妙愈可見矣胡雲

乾坤後比師始坤坎之合需訟終乾坎之合二分之咸恒居中咸恒前自比師至井困共十四卦咸恒後自渙節至需訟共十四卦首尾聯合皆以坎雜之以坎陷爲憂蓋甚于序之以坎陷爲憂云

序泰否雜易以損益序損益雜易以泰否泰否天道之大運无天之非人損益人道之大權无人之非天邵子曰時有否泰事有損益聖人不知隨時否泰之道奚由知變之所爲乎聖人不知隨事損益之道奚由

俾抄卷一

雜卦四

全七

知權之所爲乎此損益否泰相通序雜天人合一之義

胡氏曰天地間剛柔每每相雜至若君子之爲剛小人之爲柔決不可使相雜故雜卦之末特分別君子小人之道言之然要終曰剛決柔原始曰乾剛坤柔君子小人之分別寧惟雜卦之末爲然已首致嚴于雜卦之初而凡乾必剛凡剛必爲君子凡坤必柔凡柔必爲小人蓋无一卦一爻非分別君子小人之道也邵子君子多而去之者小人也小人多而去之者君子也小人去君子始姤終剝序雜皆逆列君子去小人也

始復終夬序雜皆順列雜更以夬終爲君子難進而易退小人易進而難退自古然也姤小人已爲政遯

二小人合爲一否三小人合爲一觀四小人合爲一剝五小人合爲一至于五小人合爲一而君子欲不去得乎復君子已爲政臨二君子合爲一泰三君子合爲一大壯四君子合爲一夬五君子合爲一至于五君子合爲一而小人欲不去亦得乎君子小人之迭爲消長固如此乃小人每多合而君子反多睽此所以爲大過之顛此所以爲未濟男之窮雜以大過以下另爲一局而以夬要終其爲天下後世君子謀至矣

俾抄卷一

雜卦五

全八

象山先生與羅春伯書宇宙无際天地開闢本只一家來書乃謂自家屋裏人謂之自家不知孰爲他家家古人但問是非邪正不問自家他家君子之心未嘗不欲其去非而就是捨邪而適正其怙終不悛則當爲夬之上六耳舜于四凶孔子于少正卯亦治其家人耳按宇宙一身天下一家卦有六十四皆一身一家事雜分睽外家人內若有內外之分然家內終于夬家外統于乾終爲合外內之道而曾不分爲自家他家固如此

劉茗溪曰夫以五君子決一小人不曰小人道消而曰道憂蓋上下交而志同如泰之時然後小人之道不行若以五君子臨一小人徒能使之憂而已惟其有憂將圖之无所不至故曰不利即戒

朱子曰小人自是不可合之物一薰一蕕十年猶有臭雜以夫終蓋聖人不得已之意

比一剛居五爲主次臨次泰次大壯終夫所謂有是君有是臣有是政如陽剛之主不在尊位而欲君子彙征並進以夫爲終世必无之比後卽受以臨臨後歷十六卦然後泰泰後卽受以大壯大壯後歷十六卦

像抄卷一 雜卦六

二十九

然後夫君子或先不同心而欲輕爲躁進終事于夫世亦无之鄧汝極曰易道尊一而夫妬重微故雜以比始以夫終

大者過小者妬責在大者大止于內小異于外止而異動不窮是爲漸之女歸待男行以大包小原始要終養之于中是爲頤之養正既有漸之吉又有頤之正大小各得其位是爲既濟之定有如小乘大乘乘剛女无歸妹之終而男有未濟之窮必終之以夫則君子之不得已而惟以變其窮耳君子何心決去小人如小人之必仇君子哉

聖人于序之泰言君子道長小人道消于否言小人道長君子道消于雜之夫言君子道長小人道憂然初不于妬言小人道長君子道憂小人違天逆理故有憂君子樂天知命何憂之有惟消長不能違時耳章本清曰從古君子小人不容並立曾有臯臯訛訛與兢兢業業者可並用于朝堂之理哉後人欲爲調停之術者計亦左矣

瞿氏緯曰雜自乾至困爲上截自咸至夫爲下截上截坤比師臨觀萃升謙豫剝復晉明夷皆合坤其爲坤者一十有三而其合乾者不過乾大畜无妄三卦下

像抄卷一 雜卦七

九十

截否泰大壯遯大有同人小畜履需訟姤夫皆合乾其爲乾者一十有二而其合坤者不過否泰二卦上陽而坤多陽卦多陰也下陰而乾多陰卦多陽也以乾始以夫終夫上六一變卽純乾乾意在變柔爲剛迺坤于乾返後天于先天以寓返末世而登之上古之意又曰乾兌離震是先天上四卦巽坎艮坤是先天下四卦雜卦若不升兌于上而降巽于下升震于上而降艮于下升離于上而降坎于下便與先天兌離震在上巽坎艮在下之圖不合如何返得先天惟兌離震自當在上巽坎艮自當在下故解寒遯大壯大

有同人此師大畜无妄井困睽家人小過中孚一十六卦自不得不從之而上者反下下者反上此六十四卦所以獨一十六卦上下顛倒與序卦不同又曰序泰先下否雜否先于泰天地固是自然定位然非用了許多經綸措置從後天反其類返過來如何便得自然定位孔子雜卦精蘊全在反其類句又曰用天數二十有五以成雜卦次第之圖第自乾數起歷二十五卦至剝而止為第一周又自復數起終而復始歷二十五卦至旅而止為第二周自離以後无不皆然第循序挨次排去不假一毫安排布置乃恰好像抄卷一

雜卦八

九十二

制器尚象十三卦
 離 ䷝ 佃漁
 益 ䷩ 耒耨
 噬嗑 ䷔ 交易
 乾 ䷀ 衣裳
 坤 ䷁ 舟楫
 渙 ䷺ 服牛乘馬
 隨 ䷐ 擊柝
 豫 ䷏ 杵臼
 過 ䷛ 制器尚象
 像抄卷一
 睽 ䷥ 弧矢
 大壯 ䷡ 棟宇
 大過 ䷛ 棺槨
 夬 ䷪ 書契

九十二

鄭子器曰益莫大于稼是以耒耨取諸益然離之佃漁噬嗑之交易必先于耒耨衣裳之乾坤明佃漁耒耨交易具然後君得耒耨衣裳而治之是君藉民一驗也市道興而不以通之則益者窮故為渙之舟楫隨之服乘小過之杵臼以利用用之而有爭奪故為豫之擊柝睽之弧矢以守貨守而獲安故為大壯之棟宇

像抄卷一

制器尚象

九十三

大過之棺槨以厚生然後張官置吏而為大之書契則君道立是又官藉民一驗也田漁采薪交易益之原舟楫服乘杵曰益之通擊析弧矢益之守棟宇棺槨益之厚書契益之治雖謂諸卦皆益可聖人盡以其益厚下而已穆然澹然惟上衣下裳垂以臨之有損而已易言元亨而繼以利未嘗禁利且導之利程子曰人无利直是生不得王者盡人而導之利天下之利舍王者將安歸是又不為大利大益乎叔世不然股削之事百方俱試所為佃漁舟車棟宇莫不權之而離之益盡稅履畝征鋤銚貸青苗而益之益像抄卷一

盡酷葬有權鹽麩有額手實有歛市易有稽而噬嗑之益盡筭舟車賦武馬而渙隨之益盡薦席黃蘆鬻酒坊牙契會竹有監木有課而睽豫大壯小過大過之益盡所收之窠愈多所入之利愈纖而所出之用愈不足蓋至于夫不能治而乾坤亦幾于易位語曰善養生者如不欲食啖病火者啖彌多瘡彌甚啖不足以益肌火鑠之也以損為益何以異此

大衍之數

太陽一

掛扚十三

三奇為九

過揲三十六

四九之數

少陰二

掛扚十七

二奇一偶為八

過揲三十二

四八之數

少陽三

掛扚廿一

二偶一奇為七

過揲二十八

四七之數

太陰四

掛扚廿五

三偶為六

過揲二十四

四六之數

陽奇而陰偶是以掛扚之數老陽極少老陰極多而二少者一進一退而交于中陽實而陰虛是以過揲之數老陽極多老陰極少而二少者亦一進一退而交于中朱子曰以四乘掛扚之數必得過揲之策以四除過揲之策必得掛扚之數其自然之妙如牝牡之

像抄卷二

大衍

九十四

相銜如符契之相合可以相勝而不可以相无此為著之全數

四十九策除掛一而為四十八以四約之為十二以十二約之為四故其揲之一變也一四為奇三分十二而得一也朱子曰凡四為奇是一個四也凡八為偶是兩個四也全氏曰書以五為中圖兼十為中五虛其天一而用四為奇十虛其地二而用八為偶也三個四加掛一為十三四個四加掛一為十七五個四加掛一為二十一六個四加掛一為二十五虛一太極之統體有定掛一太極之流行各足不虛一則分

兩者无所主宰不掛一則揲四者不能變動

三個四五個四爲奇四個四六個四爲偶四個七四個

九爲奇四個六四個八爲偶无往而非自然之數

三個四爲十二乃老陽掛扚之數凡掛扚壹是皆以老

陽之數爲準而去取以成九八七六是爲尊陽之義

又以其備一歲周天之數全氏曰以四乘除一與三

易三與一易一三爲奇用九之象二與二易四與四

易二四爲偶用六之象又曰掛一者掛五中之一揲

四者揲五中之四一餘九故陽用九四餘六故陰用

六楊氏曰掛一以象三左陽象天右陰象地物生于

像抄卷一

大衍二

九十五

四

天成于地天氣行于地中故從右陰地中掛一以此

一合左陽右陰之二卽三也故曰象三

去掛一之著老陽奇數十二三策數三十六四少

陰奇數十六兩策數三十二四少陽奇

數二十兩策數二十八四老陰奇數二

十四三策數二十四四

揲數爲陽合之七十有六除掛一四數共七十二七十

二候之數衍數爲陰合之一百二十一周天之數

朱子曰沈氏筆談易象九爲老陽七爲少陽八爲少陰

六爲老陰其九七八六之數皆有所從來凡歸餘之

數有多有少以一約四多爲陰如爻之偶少爲陽如

爻之奇三少乾也故曰老陽九揲而得之故其數九

其策三十六兩多一少則一少爲之主震坎艮也故

皆謂之少陽少在初爲震中爲坎末爲艮皆七揲而

得之故其數七其策二十有八三多坤也故曰老陰

六揲而得之故其數六其策二十有四兩少一多則

一多爲之主巽離兌也故皆謂之少陰多在初爲巽

中爲離末爲兌皆八揲而得之故其數八其策三十

有二諸家揲著說惟筆談簡而盡

朱子曰初一變得五者三得九者一故曰餘五九者五

像抄卷一

大衍三

九十六

三而九一後二變得四者二得八者二故曰餘四八

者四八皆二三變之後爲老陽者十有二老陰者四

故曰陽饒而陰乏少陽二十少陰二十八故曰陽少

而陰多蔡元定曰五十之著虛一分二掛一揲四爲

奇者三爲偶者二是天三地二自然之數而三揲之

變老陽老陰之數本皆八合之得十六二老以陽之

動爲主故老陰以其四歸于老陽此老陰之數所以

四老陽之數所以十二也少陽少陰之數本皆二十

四合之四十八二少以陰之靜爲主故少陽以其四

歸于少陰此少陽之數所以二十少陰之數所以二

十八也按老陽十二少陽二十合之爲三十二老陰四少陰二十八合之亦三十二陰陽之分原適相等朱子曰四十九著虛一外止四十八分掛撰之餘爲奇偶各二老陽老陰變數各八少陰少陽變數各二十四合爲六十四八掛各得其八此乃奇偶對待加倍而得者體數也若天三地二衍而爲五十者用數也蓋體數常用數則陽饒而陰乏也此正造化之妙若陰陽同科老少一例是體數非用數蔡元定曰陰陽之體數常用數則陽三而陰一王齊胡氏曰用數陽三而陰一者于六十四變之中取其十六變爲

像抄卷一

大衍

九十七

三

用又于十六變之中以四約之則老陽十二而用其三老陰四而用其一是一饒一乏爲陰陽之用也邵子云天有四時一時四月一月四月四四十六而各去其一是一時三月一月三十日體雖具四而其一常不用亦此西山蔡氏曰四十九著去掛一之著則四十八以四約之爲十二以十二約之爲四四與十二十二與四宛轉相因爲四十八故其數之成四與十二自然相爲經緯如老陽奇數十二以十二約之得一則一之象以四約之得三則三之象老陰奇數二十四以十二約之得二則二之象以四約之

得六則三之象少陽奇數二十以十二約之得一餘八由老陰而息蓋陽之未成者以四約之得五則三三三之象少陰奇數十六以十二約之得一餘四由老陽而消蓋陰之未成者以四約之得四則三三三之象策數之以十二與四相因爲進退亦如此

十三十七二十一二十五俱掛一之一以爲主數三個四合掛一爲十三四個四合掛一爲十七五個四合掛一爲二十一六個四合掛一爲二十五一有定主是爲太極之流行十三揲過三十六四其九十七揲過三十二四其八二十一揲過二十八四其七十二

像抄卷一

大衍

九十八

三

五揲過二十四四其六四有定營是爲陰陽之大分自老陽掛扚十二進一四則爲少陰十六又進一四則爲少陽二十又進一四則爲老陰二十四自老陽過揲三十六退一四則爲少陰三十二又退一四則爲少陽二十八又退一四則爲老陰二十四二老之間相距十二掛扚過揲皆以四遞爲進退此亦四營成易之義

學者相傳九爲老陽七爲少陽六爲老陰八爲少陰而卦爻止稱九六不稱七八以九六之數合之爲萬有一千五百二十七八之數合之亦萬有一千五百二

十少陰少陽之數原隱于老陰老陽之中也楊氏曰老少之別原所以生爻非所以名卦其實六爻之為陰陽者老少錯雜非乾坤獨老而六子皆少也易曰極數知來之謂占極數極天地之數極大衍之數數言極本之太極外天地之數外大衍之數無數數不本之太極無極

纂言易以陰陽相易故名之曰易又曰包犧氏見天地萬物之性情形體一陰一陽而已于是作一奇以象陽作一偶以象陰見一陰一陽之互相易也故自一奇一偶相易而為四象八卦極于六十四卦是為卦

像抄卷一

大衍六

九十九

畫之象又作撰著之法自一變而極于十有八變是為著數之象

主營 空營 單八營 三主營 二十四營 主營

大變 十五變 十變 九變 六變 三變

凡初撰左手餘一餘二餘三皆為奇餘四為偶至再撰三撰則餘三者亦為偶故奇三而偶二

三變成爻為七者二十四體卦為震坎艮為八者二十四體卦為巽離兌為九者八體卦為乾為六者八體

卦為坤

乾之策二百一十有六其三十六坤之策百四十有四其四凡三百有六十當暮之日每暮歲以二十四氣計則三百六十六日而不足以十二月朔計則三百五十四日而有餘折中之為三百六十日少陽之策一百六十八其六十八少陰之策一百九十二其九十二合之亦三百有六十

聖人以著法教人明性命之理未分先必虛一有所以立之于儀象之先已分又復掛一有所以行之于儀象之後是為立脚太極之上和順道德理義窮理盡性至命能事止于分撰掛扚之數而已者日用不知之百姓也

像抄卷一

大衍七

一百一

掛扚全數老陽十二變數亦十二樣少陽二十變數亦二十樣老陰二十四變數乃止四樣少陰十六變數

乃有二十八樣胡氏曰老陽少陽得奇策本數初元損益老陰以少陽之奇二十損之止得四少陰以老

陽之奇十二益之乃得二十八陽君道陰臣道陽得制陰陰必從陽惟從陽故數多或為陽所損數少或

為陽所益惟制陰故可以損陰之多而為少可以益陰之少而為多陽尊陰卑之義也

子曰知變化之道者其知神之所為合乾坤之策凡三百有六十合六子之策亦各三百有六十此策奏手

當得期之日而无一日架漏牽補當得萬物之數而无一物滲漏虧缺其于變化也幾乎

三變成爻一爻由是一卦由是十有八變成卦一卦由是八卦由是自暴自棄下愚一變不能安望其有成爻成卦之能事

四營成易纔于著策上分卦揲歸一次便已成易不待成爻成卦然後爲易論語所謂欲仁仁至者此

四十有九七七之陽數去掛一止四十八凡八卦之畫俱四十八乾四十八四分之計三十六畫陽十二畫陰是陽占四分之三內一分爲陰所克也坤四十八

像抄卷一 大衍八

一百一

四分之計三十六畫陰十二畫陽是陰占四分之三

內一分爲所克之陽也然則乾策三十六而坤策十二

二十二卽老陽之奇數總之全體皆陽數以陽爲主耳天道貴陽賤陰聖人扶陽抑陰亦何容心于其間哉

巽離兌俱四十八陽二十八陰二十陽多于陰者八震坎艮俱四十八陰二十八陽二十陰多于陽者

一二三四五天地之生數也五中數故不用六七八九十天地之成數也十全數故不用而河圖洛書之全數亦无當于五與十焉故四象之畫成而以一二三四紀其次九八七六積其實揲著之法具而掛扚之

五與四以一其四而爲奇九與八以兩其四而爲偶

奇以象圓而徑一者其圍三故凡奇者其數三偶以象方而徑一者其圍四而用半故凡偶者其數二所謂參天兩地者也及其揲之三變則凡三奇者其三

三而爲九三偶者參其兩而爲六此九六所以得數之實也至于兩奇一偶則亦參其兩奇以爲六兩其

一偶以爲二而合之爲八兩偶一奇則亦兩其兩偶以爲四參其一奇以爲三而合之爲七此七八所以

得數之實也是其老少雖有不同然其成象之所自得數之所由則皆有從來而不可誣矣若專以一二

像抄卷一 大衍九

一百二

五爲九二四爲六則雖合于積數之一端而于七八

則有不可得而通者矣章本

就著法分來纔分便具足兩之儀四之象四九四三分爲太陽九四七四五分爲少陽七皆奇四六平分爲

太陰六四八四四分爲少陰八皆偶易用九六不用七八九對六陽數多于陰君子統小人便是治之象

八對七陰數多于陽小人勝君子便是亂之象耳

瞿氏九曰大衍之數五十亦是序卦之法非必設著之法易筮則述陸秉曰此脫文也當云大衍之數五十有五其用四十有九者除六虛之位也古者卜筮先

布六虛之位然後揲著而置六爻亦一說云然不知總天地之實數乃五十有五曰大衍則有未衍之五以起于數之先矣曰其用四十有九又有不用之一以立于用之外矣此等聖筆直是化工而可妄有測度于其間乎

張行成曰積數以生卦者有定揲著以求卦者无常分二象兩掛一象三揲四象時再抄象閏三少爲九三多爲六兩少一多爲八兩多一少爲七四營成易十八變成卦此以著求卦法也陽進一進二陰退一退二虛張五分布十消前後一卦息前後一卦此以數生

像抄卷一

大衍

二百三

卦法也以著求卦卦自下而上者已往之卦也以數生卦卦自上而下者方來之卦也又曰太極太虛也太虛无物理爲實義因理而有數因數而有象因象而有卦既有卦矣象數乃藏于其中故曰知以藏往作易者于是爲生著之法以揲造化之原而求之因理以倚數因數以觀象因象以生爻積爻而成卦是故三四五六之倚策一象見于上則六七八九之用策一爻生于下三揲既備一象乃形十二變而四象具十八變而一卦成二十四變而八象足一百四十有四變而八卦小成是謂知來又曰五十之用起于

一者天也六十之用起于二者地也一无體而爲體之全故五十先虛一一不用而爲用之宗故七七又掛一餘四十八是爲六八之用自體言之爲十六之三則體中有用自用言之爲十二之四則用中有體

像抄卷一

大衍

二百四

九卦

履	德之基	和而至	以和行
謙	德之柄	尊而光	以制禮
復	德之本	小而辨于物	以自知
恒	德之固	雜而不厭	以一德
損	德之修	先難而後易	以遠害
益	德之裕	長裕而不設	以興利
困	德之辨	窮而通	以寡怨
井	德之地	居其所而遷	以辨義
巽	德之制	稱而隱	以行權

像抄卷一

九卦

一百五

三十七

九卦之序復是本心先之以履謙履之為卦上天下澤
 人生斯世須先辨得俯仰乎天地而有此身以達其
 素履履有得有失又繫于謙與不謙之分謙則精神
 渾收聚于內不謙則精神渾流散于外惟能辨得吾
 一身所以在天地間舉措動作之由而斂藏其精神
 使之在內而不在外則此心斯可得而復矣次之以
 恒又次之以損益又次之以困蓋本心既復謹始克
 終曾不少廢以得其恒而至于堅固私欲日以消磨
 而為損天理日以澄瑩而為益雖涉危蹈險所遭多
 困而此心卓然不動然後于道有得左右逢其原如

鑿井取泉處處皆足蓋至于此則順理而行無纖毫
 透漏如巽風之散无往不入雖密房奧室自一縫一
 罅即能入之矣象山

九卦在上經者三在下經者六反對者四不反對者五
 為乾者一尊乾也為坤坎艮者二為兌震者三為巽
 者五巽入也重巽貴其深入之也其有坎坎者陷也
 其无離不用離也蒙大難者晦其明故終于隱隱至
 明之極也憂患人之所時有即上聖大賢未有能自
 解免者乃其所以處憂患惟德非以憂患故修德而
 防危也豫之至也潛谷

像抄卷一

九卦

一百六

三十八

復德之本與基相似基所行本所存井德之地與固相
 似固隨所得而守之地歸宿處
 九卦首履劈頭便是發文王天王聖明上天下澤之分
 凜然不易惟履其素至義章本清曰九卦首履繼謙
 履象一陰明上下之分說而應乾履虎尾而不咥用
 六永貞以大終于履三一爻見之謙象一陽得遜順
 之宜內止外柔為君子之有終用九天德不可為首
 于謙三一爻見之
 履德之基朱子曰如起屋須有基址許多梁柱方有頓
 處

瞿氏愚曰文王由履至謙純然以一敬繼熙光間以至
于巽此所以爲豐盛之文王由履和而至謙尊而光
以馴至于巽稱而隱渾然不露而人莫有知此所以
爲穆穆之文王

履謙乾坤人位之交。人道之立。一齊來。底坤之三。交于
乾之三。爲履。乾之三。交坤之三。爲謙。俱一陰一陽爲
主。履首明上下尊卑之分。謙盡忘功勞矜伐之心。至
于謙之三。下而爲初。以止翻動。時時處處。无用不謙。
又時時處處。无有不自知之時。又无非夜半雷聲。戒
謹恐懼之流行。是之謂復。次恒損益困井五卦。俱三

像抄卷一 九卦三

一百七

言夫

陰三陽之分。无用不平。終以巽。无之非柔巽謙抑之
爲。完結謙字一案。以明天澤之分。此作易聖人。所以
處憂患之道。憂患人所時有也。聖人處憂患。且如此
餘可知矣。

四象圖				四象圖				四象圖			
太陰今謂				太陰今謂				太陰今謂			
之陽				之陽				之陽			
少陽今謂				少陽今謂				少陽今謂			
謂之勝				謂之勝				謂之勝			
四悉具于其中				四悉具于其中				四悉具于其中			
此義畫傳下兩儀四象占三之則成卦而六十				此義畫傳下兩儀四象占三之則成卦而六十				此義畫傳下兩儀四象占三之則成卦而六十			
像抄卷一 四象圖				像抄卷一 四象圖				像抄卷一 四象圖			
一百八				一百八				一百八			
言夫				言夫				言夫			
三陰陽離震巽坎二六				三陰陽離震巽坎二六				三陰陽離震巽坎二六			
太陰艮坤十六				太陰艮坤十六				太陰艮坤十六			
九 太陽乾兌十六				九 太陽乾兌十六				九 太陽乾兌十六			
言夫				言夫				言夫			
困井既未				困井既未				困井既未			
升震				升震				升震			
明夷				明夷				明夷			
否				否				否			
泰				泰				泰			
復				復				復			
臨				臨				臨			
遁				遁				遁			
咸				咸				咸			
觀				觀				觀			
比				比				比			
師				師				師			
復				復				復			
屯				屯				屯			
坎				坎				坎			
離				離				離			
震				震				震			
巽				巽				巽			
兌				兌				兌			
乾				乾				乾			

邵子曰易有真數三而已參天者三三而九兩地者倍三三而六六之二十七三三而九也約之十八倍三而六也較易之交以交故名較也陽與陽交為太陽為乾兌之卦十六為較九陰與陰交為太陰為艮坤之卦十六為較九陽與陰交陰與陽交為少陰少陽為離震巽坎之卦三十二為較九二十七通乎六十四六十四而三之即二十七易有真數三一陰一陽之列與一陰一陽之交天地人之至妙至妙也太陽九少陰少陽七八太陰六占法七八不變陰陽交于中也九六必變陽主進九進之極陰主退六退之極陰

像抄卷一 四象圖二 一百九

陽太于上下故遇九必退而用八以交陰初非變九而為八變陽而為陰遇六必進而用七以交陽初非變六而為七變陰而為陽易窮則變變則通九六之變蓋以通陰陽之交之窮而常會合于陰陽之交之中也疾去聲效韻居效切音與醇同 雲行雨施電發雷震陰陽二少无日不合交于二太中此二太所以分為二而二少所以合為一俗占用少不用老此乃所謂日用不知之百姓已耳

張行成曰天地自然之理無出乎四象者孔子混四者以為一即太極也故億萬世不可易

朱子曰康節以四起數自易以後无人做得一物如此整齊包括得盡又曰想他看見天下事纔上手來便成四截了義皇初畫分兩兩交成四四者兩之分兩者四之合天地萬物之理兩對待四流行便無所不盡義畫原來如此初不是康節撰得出

以生數則一二三四分陰陽太少以成數則六七八九分陰陽太少一二三四生數屬陽順數九八七六成數屬陰逆數謂九餘一八餘二七餘三六餘四謂一函九二函八三函七四函六俱无不可

四象不言五皆自五來四象不言十未嘗无十至于二

像抄卷一 四象圖三 一百十

三居一四之中二三合為五一四亦合為五七八居九六之中七八合為十五九六亦合為十五五洛書之中數十五河圖之中數中无往而不在十五无往而不在固如此

一二三四四象之位順布六七八九四象之數逆布九用八為退數一用二即進位九一成十二八成十未嘗不是此位此數六用七為進數四用三即退位六四成十三七成十未嘗不是此位此數進何進退何退總以義命為權衡方謂之進退不失其正而深于消息存亡之理

陽琰九卽四象之太陽通乾兌之卦十六陰琰九卽四

像抄卷二

四象圖

一百一十一

二〇三

其中

邵子本一氣也生則爲陽消則爲陰二者一而已矣四
者二而已矣六者三而已矣八者四而已矣此玅法
也

二十七反覆之止成十八十有八變而成卦卽此

圖	全	綜	相		下	上	卦	八
觀	漸	巽	益	家人	手中	畜小	否	乾
升	蠱	井	恒	睽	大過	姤	泰	乾
比	蹇	坎	屯	齊既	節困	需	萃	夫
師	蒙	坎	解	未濟	臨	困	臨	復
剝	艮	蒙	頤	賁	晉	旅	晉	大有
謙	艮	蹇	漸	旅	明夷	賁	明夷	同人
坤	謙	師	復	明夷	豫	解	豫	壯
坤	剝	比	豫	晉	復	屯	復	无妄

後天一圖家人同人並列正南其人乎非其人乎學者首宜醒目

先天圖震巽恒益爲中心震巽皆木木屬仁孟子曰仁人心也于先天一圖見之後天圖乾巽小畜姤爲中心乾爲天巽爲木孟子曰盡其心者知其性知其性則知天于後天一圖見之先天全體體卽用後天大用川卽體先天後天原无二圖道心人心亦无二心道心曰微雷風方寂而涵于靜无人心曰危乾巽相遇而形于動有世有不知仁爲人心或知心而不知性知性復不知天者宜于此詳考焉

像抄卷二

張行成謂乾三奇震坎艮各得其一巽離兌各得其二則十二畫也坤三偶巽離兌各得其一震坎各得其二則二十四畫也陰陽之畫共三十六以此不知坤偶止是一畫合之爲二十四畫當一歲二十四氣之數

正易心法如義皇易道包括萬象須知落處方有實用卦象示人本无文字使人消息吉凶默會易道不傳乃有周孔周孔孤行易道復晦六十四卦无窮妙義盡在畫中合爲自然交數三百八十有四以閏求之

像抄卷二

繫傳

一

三

其數脗合凡物之數有進有退進以此數退以此數皆粹語如六子則是乾坤破體偏陂反側不平之名六子重卦乾坤雜氣悉是假合无有定實便俱亂道易有九六无七八大衍之數亦止有九六動靜之別无九六七八之異謂九變則八六變則七添出七八以言九六之變由未知夫陰陽對待陰陽相求之義耳蓋陰陽畫畫相爲對待卦爻止有此數陽必求陰故陽動則交易以陰初非變陽而爲陰變九而爲八也陰必求陽故陰動則交易以陽初非變陰而爲陽變六而爲七也

易占非如世人禍福之占乃聖人理義至命毫忽不敢
倖理之占占得天理熟爛真是腳輕手快行得順便
故曰鼓之舞之以盡神

易中兩言幾一言于豫以雷出地奮為象一言于復以
雷在地中為象出幾吉之先見即幾即善故能知微
知彰知柔知剛伏幾嘗知不善非以有不善為幾蓋
以嘗知不善為幾非徒以嘗知不善為幾蓋以未嘗
復行不善為幾幾是人之夜半雷聲能開萬戶千門
者

呂叔簡曰易道渾身都是滿眼都是盈六合都是三百
像抄卷二 繫傳 二

八十四爻聖人特拈起三百八十四事來做題目易
是箇活底學者看做死底易是箇无方體底學者看
做有方體底又曰使千聖作易人人另有三百八十
四說都不外那陰陽道理

朱子曰這箇道理雖人所固有若非聖人如何得如此
光明盛大你不曉得底我說在這裏教你曉得你不
會做底我做下樣子在此與你做只是要扶持這箇
道理教他常立在世間上拄天下拄地常如此端正
才一日无人維持便傾倒了少間脚拄天頭拄地顛
倒錯亂便都壞了

服牛乘馬引重致遠以利天下蓋取諸隨隨以震兌成
體震動也兌說也亦隨其物性之動而說者服且乘
之耳若強物性以不能而不堪安得為之隨章本清
每一卦皆可變為六十三卦自是每一卦便與六十三
卦俱合俱通天地萬物本吾一體之義若謂某變自
某卦來滯而不達執而不通莫甚

不通古今為一息終不是成性
凡卦畫陽質剛連亘中實陰質柔分斷中虛不可以一
為一畫一為二畫入筭數

象占自上而視下所見為險自下而升上所見為阻乾
像抄卷二 繫傳 三

在上下交于坤而成艮坎震非特坎陷為險艮震亦
皆險也坤在上下交于乾而成巽離兌非特離麗為
阻巽兌亦皆阻也乾坤之知險阻蓋凡下交便知險
不敢容易行而下凡上交便知阻不敢容易進而上
此所以為易簡此所以為恒易恒簡恒易故恒知險
恒簡故恒知阻未有易簡而不知險阻者未有知險
阻而不本于易簡者

六十四卦一象六爻之辭字字皆象皆實有著落不可
推移非可以已意懸空凌駕而語旁引強索而証
聖人以六十四卦為一身三百八十四爻盡作身上事

六爻人人有用此

一卦六位兩卦十二位而其交變則周流于十二位之間程子謂易中只有反覆往來上下于此可見此周易所以作

義畫以生成自然次第爲象文序以正反往來爲象故

一闔一闢謂之變往來不窮謂之通

退藏于密退藏謂向裏密謂不可見聞直是盛水不漏无一息不充塞无一處不充塞

變通者趨時者也剛柔互變而爲往來不窮之通者趨乎六爻所爲之時者也

像抄卷二 繫傳

四

三百六十五

一氣流行兩物對待原不缺一

河圖易之渾淪太極也洛書便是析河圖而爲八卦析

一六爲乾坎析三八爲震艮析二七爲坤兌析四九

爲巽離繫傳河出圖洛出書聖人則之

九六天地相交之度參伍日月相交之數

章本清

昔程叔子座下有學者來問六十四卦旁一人曰皆不

須得只乾坤足矣程叔子曰要去誰分上使其人曰

聖人分上使程叔子曰聖人分上一字也不須得

易知有親章本清曰乾始含融洞徹與天地萬物瑩然一體无所間隔方其幼也孩提之童无不知愛其親

此易知有親无所減也及其長也大人之學在明德親民此易知有親无所增也

易于八卦言天地言雷風言水火言山澤分之爲八物所謂一物各具一太極也其曰兼三才而兩之故六

六者非他三才之道專以人道言也

二篇之策萬有一千五百二十凡陽爻百九十二得六十九百一十二策凡陰爻百九十二得四千六百八

策合之得此數以當天地間萬物之數此亦是取象

之辭後世言天文者亦以微星萬有一千五百二十

爲萬物繫命于天之數蓋有所自也

像抄卷二 繫傳

五

三百六十五

聖人畫卦已自脫了數今欲以數配卦俱不得

質雖以氣而成然其體則一定而不可易氣雖行于質之內然其用實循環而不可窮二者相須以成造化有必不可混而爲一者

著占百姓與能卦占聖人君子寡過之學有不可一日

而遠者

易以神明之理設教初不以鬼神能爲禍福設教

趙汝楫輯聞云聖人立象倚數使人因有象以悟无形

之妙即變易以求不易之方易雅云人心未動則爲

吉爲凶未可必動則吉凶斷矣君子恐懼不睹不聞

致詳于喜怒哀樂之未發使此心凝然湛然此聖人
心筮之妙是為筮著本旨

集以緯亂易何王以玄亂易

又序三十六卦上下分之二儀之象三分之三才與三
極之象由乾坤至噬嗑賁二十二卦正反止十二卦
如卦之有初二兩爻以乾坤為主乾坤合為泰否前
小畜履後同人大有合三女以有事于乾前師比後
謙豫合三男以有事于坤屯蒙震艮合坎以從乾噬
嗑賁震艮合離以從坤需訟坎合乾同人大有離合
乾師比坎合坤謙豫艮震合坤小畜履巽兌合乾臨

像抄卷二

繫傳

六

言九

觀兌巽合坤隨蠱兌震艮巽初交泰否之變與噬嗑
賁俱三陰三陽乾坤之分由剝復至損益二十卦正
反止十二卦如卦之有三四兩爻以乾陽一爻為主
用事先坤後乾艮震為交若以保泰是故剝復艮震
于坤无妄大畜震艮于乾坎離分居于中前頤大過
艮震兌巽之合後咸恒兌艮巽震再交咸恒損益之
中前遯大壯後蹇解主乾與坎而艮震為合前晉明
夷後家人睽主坤與離而巽兌為合咸損相反恒益
相反俱三陰三陽乾坤之分由夬姤至既未濟二十
二卦正反止十二卦如卦之有五上兩爻以坤陰一

爻為主用事先乾後坤兌巽為交若以傾否是故夬
姤兌巽于乾萃升兌巽于坤困井革鼎兌巽于坎于
離震艮巽兌分居于中漸歸妹巽艮震兌三交豐旅
震艮于離渙節巽兌于坎中孚巽兌合而要終小過
震艮合而要終既未濟坎離合而要終俱三陰三陽
乾坤之分

合天地雷風水火山澤諸卦爻而命之曰人此外別无
所以為人聖人亦可謂明白懇惻之至而人猶區區
以六尺之形骸為人生不知所以來死不知所以往
真謂之大迷

像抄卷二

繫傳

七

言六

著之德圓而神七七為陽為奇故為圓陰陽不測故為
神卦之德方以知八八為陰為偶故為方吉凶有定
故為知

易有太極是生兩儀這有字是字最要體認到手不然
總生不得兩儀而何有于四象八卦无有不為儀象
卦爻之所役使者

未分而一在五十之中已分而一又在四十九之中善
學者于此悟入

焦贛易林衛元嵩元包敢于棄置文王象辭而自支離
其說不勝杜撰不勝畫蛇添足即坐舞文之誅何過

尤中爻雜撰則上下判爲兩截全在三四處置聯合得是此所以有貴于人道

淮南子猩猩知往而不知來以能知誘者爲知往不知被禍爲不知來然則易之所謂神以知來豈非吉凶與民同患惟義命之安毋利欲之急固亦在于尋常日用之不可缺歟

知大始无一念不天无一念不生成物无一念自能无一念自功

或曰天地始判之初未有人也忽焉而人生其間因分前爲氣化後爲形化又如既以太極分陰陽生五行

像抄卷二

繫傳

八

而行四時又以真精妙合成男女而化生人物此等下語似失孔子繫易之旨源頭如何得明人分如何得盡

易傳先言生生之謂易而後曰成象之謂乾效法之謂坤又曰易有太極是生兩儀此等去處學者未明如何謂之見道

顯諸仁藏諸用物物皆然譬一株果樹生許多枝葉開許多花結許多果子果中各有各有仁此便是顯諸仁其仁又完完全全各各藏一株果樹在裡而此便是藏諸用

揲法奇策初必五再與三必四五一个四并掛一也四一个四也偶策初必九再與三必八九兩個四并掛一也八兩個四也後人不明其義遂以五四爲少爲奇九八爲多爲偶三少爲老陽三多爲老陰兩多一少爲少陽兩少一多爲少陰殊謬

寂然不動感而遂通天下之故龜山先生曰正心到寂然不動處方是極致

人言乾坤退處不用之地非也致役乎坤戰乎乾豈曰退亦豈不用之地乎只是乾道全要顯出一个離明爲中而巽兌爲輔坤道全要顯出一个坎陷爲中而

像抄卷二

繫傳

九

震艮爲輔非離巽兌不足以成乾道非坎震艮不足以成坤道天地之用莫大乎水火風雷山澤无水火風雷山澤將不成其爲天地云爾

楊子安問伊川易從甚處起時方揮扇先生以扇柄畫地曰從這裡起子安无語後子安舉以告尹彥明且曰當時悔不問此畫從甚處起彥明以告先生曰待他問時只與默然得似箇子安更喜歎也子安聞之遂服顧叔時曰伊川若官察禪何必在大慧中峰諸人之下所謂能之而能不爲者也夫易者交易也變易也兩相與而後交而後變伊川居子安侍師弟

子相與相求易卽從此起矣蓋地一下存乎人存乎德行腳根點地而後爲踏實不然是徒問也得似箇子安儀成儀象成象爻成爻卦成卦真是到手更何待騎驢覓驢

易有太極千觴萬兩在有字人此身都是易一日間有許多變易與交易最怕无定主若是有了太極兩分之有儀四分之有象八分之有卦有到八卦吉必趨凶必避復有混淆不定者无之故曰八卦定吉凶吉凶生大業

凡言明多連分字說凡言混多連互字說如大學首明像抄卷二 繫傳 十一 三

明德亦須心意知物四字分疏明白正誠致格四字分貼明白稍或混而不分不明其于明明德乎何有因貳以濟民行或曰貳卽一正一反因卽一先一後貳相竝之謂因相次之謂

陽極于九全用陰中于六半用亦陽全陰半之義謂陰極于六者非

大衍之數五十其用四十有九五十數中无一策不可爲虛一之一无一策不可爲掛一之一合五十而爲虛一掛一之一非有餘分五十而爲虛一掛一之一非不足一之外无復有四十九而四十九之外无復

有一然而旣已四十九其虛一者自立于四十九之先而初不雜于四十九之中雖不雜于四十九之中而未嘗不流行于四十九之中其不雜于四十九之中者虛一之一其流行于四十九之中者掛一之一卽掛一之一爲虛一之一其失混離掛一之一求虛一之一其失支若其日用于四十九之中而不知有虛一掛一之一一是爲凡民又或遺其四十有九之用幻妄乎掛一之一而高妙乎虛一之一并所謂一者而亦虛之以蕩之于空以滅之于无而更謂我有獨尊者存是謂異端

像抄卷二 繫傳

十一

三

雜終于夬雖云君子道長小人道憂實是君子之澤永世不斬事業文王出震成艮純亦不已孔子戰乾說兌太和元氣流行四時與天地參而四時同

九卦首履雜卦終夬仲尼潛心文王一脉

易開卷教人便做乾坤做得乾坤乾坤成列而後有易可學故曰易行乎其中

乾以君之以統臨謂之君先天所主在乾乾以全體言帝出乎震以主宰謂之帝後天所主在震震以下畫一陽爲主言

數往者順知來者逆如啓蒙卦變以一卦爲主各具六

十四卦順變將去自初而終自上而下由乾以至于坤逆變將來自終而初自下而上由坤以至于乾陽全陰半乾全坤半陽兼陰以爲道乾兼坤以爲道曰六位時成者兼三才以成乾道非專以天爲乾道也坎離正對既未匹配坤艮斜倚謙剝迤邐震東兌西歸妹隨兮巽四乾六姤反小畜要歸五中八八俱通強名太極太極無極

盈天地皆人道所以謂之三才又謂之三極生人道之來而伸出幽而入明者死人道之往而屈出明而入幽者

像抄卷二 繫傳

十二

太極全體如環无端只從闢處說起闢便喚做動動便喚做生陽總全體皆陽皆動分半體有陰有靜陰不與陽對靜不與動對如邵子復姤根窟詠姤亦不與復對窟亦不與根對

坎是心精離是心神若以離言心坎言腎直養生家之小術謬說耳聖人曾有是哉

上經只有小畜履臨觀大過五卦是巽兌爲主然聖人象小畜曰剛中而志行象履曰剛中正象臨曰剛浸而長象觀曰大觀在上中正以觀天下象大過曰剛過而中且以大名凡以剛爲主居中得位之卦皆居

上經其餘皆居下經此剛柔尊卑之大分也萬事不離乎陰陽只術人不識大義以小用之耳

問通乎晝夜之道而知方達卿曰非知晝夜也明陰陽之道也人心之體卽是一陰一陽心常惺惺流行不息便是知陰陽知陰陽便是通晝夜

龔深之曰流行于天地之間者无不受命于陰陽而從役于晝夜其微有消息其著有盈虛其分有幽明其數有生生死隨流轉徙未嘗知其爲晝夜也故成然止冥然行惟晝夜之所驅耳通乎晝夜之道者則異此雖與之來而有所謂不來雖與之往而有所謂不往

像抄卷二 繫傳

十三

故其體爲神其用爲易

方類定是聚或是其類而故渙之物羣定是分或非其羣而故合之无有不失聚所當聚分所當分无有不

得故曰吉凶生

剛柔相磨八卦相盪五行相生相克乃有造化單生單克无造化矣如木生火而不生于火則焚金生水而不生于水則燥如金克木而不克于木則厲水克火而不克于火則寒皆可見

範圍天地之化而不過雖天地之化亦不能无過範圍之而不過者聖人也

人生于寅不是到寅會方生人寅是天地交泰之會人得天地正交之氣以生惟人配得天地一般大所以謂之三才若萬物則皆天地之餘氣偏氣所主耳易與天地準又曰與天地相似故不違人而不與天地準不與天地相似皆失其所以爲人者耳

安土敦乎仁稍有自擇便安之意便只知有已不知有人豈不于仁爲日薄了

繼之者善也如金方在鎔成之者性也如金已成器金只是一箇金无兩箇金但就金器言之盤盂釵釧大小鉅細大成其大小成其小各各不同所以有箇聖

像抄卷二 繫傳

十四

人有箇仁有箇智有箇百姓聖人仁智百姓本來同此善同此性只是所見不同有見其全底有見半邊底有全不見底易筌天人相接處爲繼人所稟賦處爲成

百姓于仁智性非有兩只是仁智常立在明亮處做世界百姓常立在黑暗處做世界若一成而不可變耳一故神橫渠云譬之人身四體皆一物故觸之而无不覺所謂感而遂通不行而至不疾而速最奇

成性存存道義之門成性稍有虧失其于道義便是閉殺了門也易筌德崇于知聖人之知日游于高明而

進進不已故知崇而德與之俱崇崇廣于禮聖人之禮日就于平易而步步著實故禮卑而業以之益廣又曰存存本原之功也擬議言動之功也存存則擬議者自明擬議則存存者益熟非擬議則所謂觀玩者亦空言耳

神以知來知以藏往聖人之所謂知來藏往惟著德之圓神卦德之方知耳舍此言知言藏言來言往便都是野狐精之妖見聖人所不道

中爻雜物撰德聖人明白言之于繫傳漢儒妄以爲互體耳

像抄卷二 繫傳

十五

邵子手探足躡可謂帖地之甚唯曰弄丸餘暇閑往閑來稍似戲侮不恭

先天圖坤復之際以卦言卽豫萬以忠曰此知幾之學也坤无之盡也震有之初也義圖于有无交接處畧示其意令人自神解耳蓋造化既有發育生長必歛到極靜處此幾方見斡旋吾人既有視聽思慮亦必歛到極靜處此幾方露端倪白沙詩云亥子中間得最真是也是謂坤復之際然此幾貫徹宇宙无一處不到非必在坤復之際通乎晝夜无一息不運非必在亥子中間特借後天象數交接空隙處指示令人

于此尋求耳

朱子曰頃年見汪端明說沈元用問和靖伊川易傳何處是切要尹云體用一原顯微無間此是切要處後舉似李先生先生曰尹說固好然須是看得六十四卦三百八十四爻都有下落方始說得此話若學者未曾仔細理會便與他如此說豈不誤他某聞之悚然始知前日空言無實不濟事也

卦爻四則應而合四象之義三則撰而合三才之義明道先生欲著洛書有志未就

文王之心已自不如伏羲寬濶急要說出來孔子之心

像抄卷二

繫傳

十六

三才主

又不如文王寬濶又急要說出道理來所以本意寢失都不顧元初聖人畫易之旨只認各人自說一副當道理此本義所以作東坡註易畢謂人曰自有易以來无此書朱子亦援以爲言東坡禪學宜有狂語朱子未宜至此

乾南坤北離東坎西是一說離南坎北震東兌西是一說姤南復北壯東觀西又是一說此亦所謂不可爲典要之義之一

易何嘗不是卜筮伏羲畫卦首要天下萬世之人俱卜俱筮然後方成得一箇人何嘗不是卜筮只聖人明

說易有聖人之道四執一廢三遂成儒者之偏見并聖人所謂卜筮而俱失之耳

後兩變不掛則不得朱子已明辨之矣所以實見與影見不啻千里

天地設位易行其中明道先生曰何不言人行其中蓋人亦物也若言神行其中則人只于鬼神上求矣若言理言誠亦可而特言易者欲使人默識而自得之也按此數語最精二氏只于鬼神上求以爲神行其中也人不皆易人直一物與禽獸草木等耳人乎易乎易乎人乎人其易易其人天地之位其无虛設矣

像抄卷二

繫傳

十七

三才主

乎
雷從地出風自天行從地出宜有收斂之時故雷有時自天行无不運旋之時故風无時
天无體只二十八宿便是體此生成四七之數四營成易本此

或曰易中利字多爲占者設蓋是活人方有利不利若是卦畫何利不利之有此只認卦畫爲死畫畫自畫人自人故其言如此

但說以陽居陰以陰居陽故其象占如此此則止是一爻死殺底道理豈六爻相雜惟其時物之謂哉

陰半陽全陰靜只見得一半陽動乃見得全體如人立時是陰靜只見面前一半覆轉身來是陽動便前後都無不見也

人不到與天地合德日月合明四時合序鬼神合吉凶原初仍是屯蒙終仍是未濟

神也者妙萬物而爲言者也以雷風火水山澤言神耳豈渺茫不可知之神乎

班固孔子晚而好易此非知孔子者孔子祖伏羲信而好古自志學時已然豈待晚而後好

胡雲峰曰復以兌一陰躡于乾三陽之後履之爲禮也像抄卷二 繫傳 十八

謙以艮一陽抑于坤三陰之下謙之所以制禮也陰爲小說而應乾安其爲小也所以履繼小畜之後陽爲大勞而能謙忘其爲大也所以謙繼大有之後小則安大則忘九卦言處憂患之道首履謙以此易筌聖人論道極其要妙至于踐履處不過一禮後人纔見到玄妙處便流蕩而不法

通乎晝夜之道而知所知者通晝夜之道耳過此以往未之或知窮神知化德之盛須自到那神化地位方知不然總是億見窺測濟甚事

損損已益益人胡雲峰曰古者富厚之資寧使在民而

不在己儉薄之用寧使在己而不在人

釋氏驚天動地說許多神化直吾聖人之家常茶飯耳

且夫不測不可知之之謂神可測可知則豈謂之神乎甚矣其言神化之誕也

不節之嗟履尾之凶一人之損滅頂之涉齋咨之涕洟嗚呼非深于說者亦安能爲其所爲乎

項平甫以天道人事易象三者合言易不知易象是甚天道人事是甚

毫釐雖小積而不已命數乘之

單有一片陽氣發生而无一片陰氣收斂但開花不結像抄卷二 繫傳 十九

果便亦不成其爲太極周子主靜立極之意蓋如此于主靜下註无欲二字此必後人不得其意爲之盡蛇添足也

果以剝碩極以靜立靜是剝功剝是靜功

滿眼是畫何如說无畫

易言義言命義命並言陳思獻曰一聽于命而放誕不反亦可謂不知義之甚矣

程子曰自孔子贊易之後更无人會讀易先儒不見于書者有則不可知見于書者皆未盡如玉輔嗣韓康

伯只以老莊解之是何道理

卦有六十四反對止于三十六乾卦一爻之策數也爻有三百八十四反對止于二百一十有六全乾六爻之策數也

坎于艮震屯蒙在上經蹇解在下經離于艮震噬嗑賁在上經豐旅在下經學者俱要思得之

動自初至上則止故震反爲艮艮反爲震動止一理入自初至上則說故入反爲說說反爲入說入一理

復出入无疾剛動于内无妄之疾勿藥有喜亦以剛動于内豫五貞疾不死亦以震體

積善之家合一家累世之人而无不善然後謂之積善
像抄卷二 繫傳 二十一

之家以其善一家者善一世然後謂之善世

乾坤陰陽剛柔之正管領十二卦剝復陽剛消長之際管領十二卦夬姤陰柔消長之際管領十二卦是爲合六十四卦而成三畫統體之卦

易始屯終未濟是以聖人戰兢惕厲沒身未已

一偶一奇變化无窮而一奇常爲之主此誠意所以必先致知一奇常恐與一偶截然分而爲二此致知所以必在格物

陽動動陰以生陰靜靜陽以成陽自爲動孤陽不生之動耳陰自爲靜孤陰不成之靜耳世儒之言動靜有

不爲孤陽孤陰之動靜者鮮矣

豫言知幾之早復言省過之速

上下經皆列不相反對之卦二而後以坎離終明四卦之變畢而後坎離之用終

震艮與巽兌相合于上經者一相合于下經者三乾坤與坎離相合于上經者三相合于下經者一乾坤坎離爲上經之主震巽艮兌爲下經之主也

大過小過震艮巽兌之肖坎者頤中孚震艮巽兌之肖離者明震艮巽兌之體亦未嘗外于坎離故上下經之終各以二卦附坎離

像抄卷二 繫傳 二十二

震起東方反爲艮止于東北巽起東南反爲兌止于西陽全陰半此造化不易之定體也

既出震後都是坤陰用事于外乃乾陽則全體爲主于内者

纔動則坤之用行纔靜則乾之體立震兌動靜之門也无極易也无極而太極易有太極也太極本无極故曰大哉易也斯其至矣

三百八十四爻不過剛柔兩畫繫辭之稱乾坤凡易之剛爻皆乾也凡易之柔爻皆坤也

四月純陽而曰小滿十月純陰而曰陽止陰陽互根原

非絕而後生者

易何古今易只在畫自皇犧以來原未曾動何待改正
夏商以前占惟觀象想與龜卜相似

鍾氏芳曰日烜以克濕雨潤以制亢雷奮而陰慝解風

鼓而陽鬱宣皆至神之用也說者乃謂陰囚陽則奮

而爲雷陽薄陰則旋而爲風是則皆戾氣矣

雷以震陰故有時風以達陽故无時

憂悔吝者存乎介天下萬事俱始自纖介

劈頭從太極分來便有動靜兩端便有乾坤兩元便是

三才非既動而後靜先乾而後坤亦非先有天地而

像抄卷二 繫傳

二十二

後有人

太極生兩儀兩言儀從人爲義劈頭就從人說

齊小大者存乎卦卦有大小義无小大

智配貞而曰事之幹如冬之藏乃知聰明外炫者皆非

智而多足以殺身亦如冬令而不蟄藏之故

大衍之數五十其用四十有九四十有九之用无非一

也最可以明格物之旨末有萬本惟一而萬盡

隙矣又何物之可言乎故聖人宴終而特揭之曰此

謂知本此謂知之至

合之一格虛一之一分之萬格卦一之一

分陰陽用剛柔者仁義也以人而分天用地也

家人睽巽兌于離蹇解震艮于坎皆咸恒二體分子離

坎之交家人俱變爲解睽俱變爲蹇

尹焞語錄明道先生云聖人用意深處全在繫辭詩書

乃皆格言觀易須識時然後見逐父之間嘗包涵數

意聖人嘗取其重者爲之辭亦有易中言之已多取

其未嘗言者亦不必重事又有且言其時不及其爻

之材皆臨時參考須先看卦乃看得繫辭學者全要

識時若不識時不足以言學

地載神氣神氣風霆風霆流行庶物露生此說坤二震

像抄卷二 繫傳

二十三

三巽四接連一段學問

萬以忠曰一部易隨時隨事剛柔莫爲典要然總是中

和中者和也中節也和又只是中中在何處討豈是

卦爻中間一畫又只在喜怒哀樂之未發耳是一部

易全在我故程門以看喜怒哀樂未發爲相傳旨訣

此伊川先生解易之髓也

王氏曰閏天之餘數也其法以日爲度日行十二月中

不匝十二度故置閏以歸其餘日陽也陽有餘物也

不盡用而歸之于終故常餘閏陽之餘也夫惟有餘

爲不可窮故曆家以置閏成歲物以之生而大衍歸

奇象閭再初成卦通于其說者則知有餘之不可窮
爲天道矣

聖人畫一奇以象天畫一偶以象地不曾別畫一奇偶
以象人謂天地之外有人謂人之外有天地奇偶二
畫皆虛器耳矣

聖人以此洗心或云洗心猶云潔心圓神方知易賁
之心極天下之至潔而无以加故謂之洗心如所謂
道心赤心亦得之不然易自易而心自心何時湊泊
陰陽三五每一五而變七十二候二五而變三十六旬
三五而變二十四氣

像抄卷二 繫傳

二十四

關子明時也者繫乎君天下者也君天下者得君子之
道則時亨得小人之道則時塞又曰時未定曰屯時
已定曰既濟屯濟時變之際也甚肯
入衍卦數七衍著數爻用九六原根七八來非其无七
八也

著得天數故圓而神卦得地數故方以知
舜典龜筮協從重易尚矣

潛虛驚馬日進騏驎可及君子畏盈小人怙成方春不
犁洎秋而饑水厭其原木剿其根慎守而身勿爲鷄
鳴虎狼養子教之博噬直木不令其影自正飽食嗜

望禽犢之肥衣食貨賂生養之具爭怨之府稂莠之
鉏嘉穀扶疎學匪干祿祭匪求福蓬麻共植惟蓬亦
直豨腹饕餮爲人益膏忍之少時福祿无期慎于舉
趾差則千里皆粹語

陽明先生曰合得本體是工夫做得工夫是本體凡卦
六爻爻爻本體爻爻工夫无合不得本體之工夫无
做不得工夫之本體

過此以往未之或知此之能過者爲誰

或曰兩儀猶未成卦兩儀不可言乾坤嗚呼一畫奇便
是陽是乾便是震坎艮之男體一畫偶便是陰是坤

像抄卷二 繫傳

二十五

便是巽離兌之女體耳四者兩之四非兩之外有四
八者兩之八非兩之外有八兩者人之兩非人之外
有兩謂人之外別有兩不知人者也
咸後有遯少男取女老者身退恒後有大壯長男當家
大之壯老之衰抑不待言矣

乾于兌夫坤于兌萃乾于巽姤坤于巽升剛柔之斷斷
此

雷風相與風恒有而雷不恒有六子中出震首雷而雷
不恒出震乾初之潛體動而不常動春分乃發聲秋
分即收聲惟龍亦然龍之所在雷之所在故震爲雷

爲龍

无思无爲易也何思何慮成也未能易无思无爲一語全用不著未能成何思何慮一語全用不著

三才不立二儀自運第于人分可愧耳

无極而太極流行而對待萬古不動太極本无極對待本流行萬古不息

洗心退藏于密之密學者多无捉摸處但以不密反之君不密則失臣臣不密則失身機事不密則害成言心聲口心竅口漏則心漏他无不漏可知不安于漏卽口卽心出口是密何之非密

像抄卷二 繫傳

二十六

或問太極朱子曰如李樹上决不生出桃子如狗肚裏

决不生出猪兒

天地之數无所不通无往不令丁武陵曰天數五地數五合而衍之偶數五十奇數四十有九五十藏諸用四十有九顯諸仁故曰大衍之數五十其用四十有九又曰一二三四先于五者也故由外而內歛而歸于五六七八九後于五者也故由內而外由五散之也又曰名爲八卦實得九數名爲九宮實得十數易用九六以參天言九以兩地言六以九效天下之動參天之能事也以六效天下之動兩地之能事也豈

區區九六之爻而已哉

知來曰神神著德須是大衍之數五十其用四十有九渾然全具方始可名爲神藏往日知知卦德須是六十四卦三百八十四爻條條井井分分明明方始可名爲知後人懸空說神說知其實何神何知之有况不賺人異端神怪道路去

義易无文而六十四卦卦象各殊三百八十四爻爻象各别郁郁乎天下之至文曾有以加于此哉若文王錯綜序來又别

一歲十二月一日十二時半陽半陰便是乾六畫坤六

像抄卷二 繫傳

二十七

畫之象乾六畫自子至巳之象坤六畫自午至亥之象文王反復序之于乾曰元亨利貞乾六畫又該得坤六畫之象以陽全陰半陽兼得陰陰兼不得陽也有圖无書有乾南坤北一圖无離南坎北一圖俱不成其爲造化可見圖書是一時所有故曰河出圖洛出書聖人則之二圖亦一時所具初无伏羲文王先天後天之異

乾坤成列易立其中如乾六爻之數二百一十有六坤六爻之數百四十有四合之共三百六十是爲一年之數而四時寒暑屈伸之變无不具足豈不是易立

乎其中

卦體爻主與夫中爻雜物撰德之義傳義皆弗暇詳求以故說得來全無統紀頭腦止于逐爻推衍不過爻位二字相為發明而已

理氣雖無兩箇若徒認氣為理將差繆無所不至且以坎宮始而以徽纆叢棘終矣

震艮之後漸歸妹震艮與巽兌交四偏卦交之終豐旅震艮與離交以剛合明之終巽兌之後為渙節巽兌與坎交以柔拯險之終

體天地之撰通神明之德類萬物之情三語不到手于

像抄卷二

三九

三九

易總無干于學總無干

易中一字一義皆據卦爻發明實象實理

易以畫為主畫即象也有畫斯有卦有卦斯有辭畫本

于伏羲辭本于文周孔子贊易皆所以發明伏羲文

周之卦與辭耳若云周爻已不盡同于文王孔翼亦

豈盡同文周則四聖各一其易矣而可乎

不三畫不同功天下無可效之動

繫辭傳上下各十二章始言易簡終言易簡始言德行

終言德行不在言辭

屈伸相感而利生屈伸相感全是天理也如之何不利

震是堯根動巽是透底入朱子曰巽是底心下意要制一、事須是將心入那事裏面去順他道理方能制事若心竊只從事皮膚上綽過如此行權便錯了

無有師保如臨父母非師保即父母常若臨之在上知懼之學至矣乎

臨川吳氏曰內外既有二正卦之體中四爻又成二正卦之體然後其義愈無遺闕非以此正體互體並觀則其義猶有不備正體則二為內卦之中五為外卦之中互體則三為內卦之中四為外卦之中卦云互猶襲漢儒之吻聖人蓋明言六爻相雜也

像抄卷二

三九

三九

兩謂之儀卦之第一畫四謂之象卦之第二畫八謂之

卦卦之第三畫聖人作易只有此三畫便該盡易理

辭也者各指其所之人人指示他一條道路如此者為

易不如此者為險使自辨別而行走

成之者性程子曰却待萬物自成其性始得

易以下筮為教人謀鬼謀百姓與能不可使知之亦可

使由之也士人而以百姓自居陋矣

陰陽有偏五行有一行不全總是物類不成人道

朱子曰物到盛時必衰雖鬼神有所不能違也

天曰參地在其中地曰兩地兼不得天也

卦必三畫三而參之爲九故九爲乾三而兩之爲六故六爲坤

乾之策三十六倍之爲七十二七十二乃乾坤索齋兩其七十二卽坤之策一百四十四三其七十二卽乾之策二百一十六

瞿氏審父曰參伍所以爲錯綜者錯綜所以成參伍者自錯綜之象成而六十四卦始備自錯綜之法立而六十四卦始成

三畫之八卦乾之策一百零八坤之策七十二震坎艮之策各八十四巽離兌之策各九十六合之得七百像抄卷二 繫傳 三十一

二十七百二十卽七十二也

金須百鍊然後精人須三百八十四爻摩盪然後粹出震則陽用事而伏陰爲災凡雷之發聲皆以震陰而使之无伏入兌則陰用事而愆陽爲災凡雷之收聲皆以欲陽而使之无愆

貞訓正而固正而不固便是都攬槍慧字聰明聖智不固亦然智屬冬藏之令今之用智者似全與藏義反矣程子言易謂得其義則象數在其中朱子以爲先見象數方說得理不然事无實證則虛理易差

乾坤中天地交爲坎離以升降言謂乾降坤中爲坎坤

升乾中爲離可以先後天言謂乾離一體坤坎一體

乾中虛卽離離中實卽乾坤中實卽坎坎中虛卽坤可總之乾坤者坎離之全體坎離者乾坤之中體乾坤九六之用无非六子而坎離之于乾坤其用尤顯如乾之雲雨坎也大明離也潛躍坎也利見離也坤之冰血坎也文章離也而動入止說之義一一寓焉矣

圖九終于西與一接水火相逮也書九終于南與一對水火不相射也

坎中一陽全乾之體全離之用離中一陰全坤之體全像抄卷二 繫傳 三十一

坎之用

寂然不動有虛一之寂然不動有掛一之寂然不動衆人心常浮動隨物祇在事上安泊舍事如猢猻失樹无時寧息此則掛一之寂且爲昏然而况其爲虛一之寂乎

陷而平動得上止得下麗而黃入得上說得下長少四子能事亦具備二中子中

圖全數五十五乾六爻六九五十四全數缺一者太極之隱體所以用九者在乾卽謂之乾元故曰乾元用九坤六爻三十六乃乾一爻之策數耳一乾五坤

三十九二乾四坤四十二乾坤平四十五爲書之全
數四乾二坤四十八五乾一坤五十一視大衍五十
之數餘一純乾之卦于圖全數缺一卽虛一之一五

乾一坤之卦于大衍之數餘一卽掛一之一

九自一至六積數一奇一偶六自一至六積數俱偶陽
兼陰陰不得兼陽是從來定數

寂太極感儀象卦爻一時具通舉一卦一爻二四生亦
一時具通

乾坤全體坎離中用震艮巽兌皆原始要終以用坎離
之中而體乾坤之全者

像抄卷二 繫傳

三十三

坎內陷故精明極其收斂離外麗故光輝極其發越

坤者乾之用離者坎之用巽者震之用兌者艮之用

離坎在先天原對待在後天亦對待中不可易也邵子

曰天地之本其起于中乎是以乾坤交變而不離乎

中人居天地之中心居人之中日中則盛月中則盈

故君子貴中也

易于剛直曰剛中于柔不直言中必曰得中得之爲言

得剛中之中爲中中在剛不在柔也乃中孚之象亦

曰剛得中蓋因柔在內而發

萬以忠曰心何形云洗何前後去退密何所云藏此難

言解也學者惟將退的意思向自心體貼將平日塵
浮向外念頭收入身來漸斂伏澄徹則密體漸露洗

與藏自漸了辦蓋知道心之微自知人心之危知所

當藏自知所當洗此神明默成中事也
讀易不識有所謂太極讀中庸不識有所謂未發俱謂
之无頭學問

覩不待形形无不覩矣聞不待聲聲无不聞矣易不待
儀象卦爻儀象卦爻无不易矣大傳所謂易有太極

是生兩儀四象八卦者此
乾于太極一轉手坤于太極兩轉手震坎艮皆一轉手

像抄卷三 繫傳

三十三

巽離兌皆兩轉手

易无太極一卦不立而况六十四一爻不生而况三百

八十四中庸无未發五道三德九經三重无一不淪

于虛妄去

要知天地之間无物不易无易无不易者以爲之主宰

故曰易有太極生兩生四生八以定吉凶生大業

故曰天地之性人爲貴故曰天地設位聖人成能

九六乾坤之策七八六子之策故惟乾坤有用九用六

之繫而餘非所與然爻彖名之爲九六以七八卽九

六之分九六之外无七八也

乾六爻之策二百一十有六坤六爻之策百四十有四
凡三百有六十當期之日六子六爻之策亦然二篇
之策乾六千九百一十有二坤四千六百有八凡萬
有一千五百二十六子之策亦然故九六之外无七
八

合乾坤之策四分之九也故乾用九六分之六也故坤
用六二分之十有八也故十有八變而成卦十二分
之三也故卦必三畫爻必三變而為三才之道

就著法分來四个三四个九乾也四个四四个八巽離
兌也四个五四个七震坎艮也四个六六个四坤也

像抄卷二 繫傳

辛四

皆四營之義也而或不知有掛一行于卦之內虛一

立于卦之外于大衍之數仍无交涉

六子七八之變七八六子之用七日得而八月凶震兌

出入之門戶故首指以示人

數同而分異九六此數七八此數特變有不同耳動可

弗慎乎

三奇為九三偶為六一奇二偶為七一偶二奇為八都

是衍數全體都是八卦全體

易逆數全重知來坎者萬物之所歸歸來也坎之三亦
來體而剛中不在故曰來之坎坎惟震若自坎首出

故震曰震來洊震則无往非來雖往皆來故震五曰
震往來需訟比蹇解困井渙既濟言來皆坎隨復无
妄豐言來皆震若泰之大來否之小來賁之柔來離
之突來咸之憧憧往來兌之來兌則舉乾坤離兌諸
卦爻无一不來尤似可見至訟曰剛來而得中渙曰
剛來而不窮既濟之五曰吉大來來義更分明已

歸奇于扚以象閏三變之中必有一奇即掛一之一為
之如四个三乾九之策宜十二而扚必十三四个四
巽離兌八之策宜十六而扚必十七四个五震坎艮
七之策宜二十而扚必二十一四个六坤六之策宜

像抄卷二 繫傳

辛五

二十四而扚必二十五三變必有一奇如三歲必有

一閏无奇不成卦无閏不成歲與諺所謂无零不算

數俱此數此理易爻三百八十四乃閏歲之全數易

可言逆數亦可言閏數

著用七卦用八故爻用九六十五圖書之中數七八十

五九六十五用九六則七八在其中謂九變八六變

七老變少不變乃京郭之占術非文周之易旨

易曰吉凶悔吝生乎動八卦八德也吉且不容名言有

何凶悔吝之足云動從重吉凶悔吝生乎重卦者也

蓋八者靜體君子主靜主此六十四者動用君子慎

動慎此八未湊手而云主靜六十四有一滲漏而云
慎動皆不可得

八卦相錯數往者順知來者逆往順坤道也來逆乾道
也易逆數乾為主一乾立而六十三盡在其中矣又
曰神以知來知以藏往來足以該往往即藏于知來
中又曰往來不窮謂之通不曰來往而曰往來往客
而來主也又曰過此以往未之或知往未或知可來
不知何所于歸乎

坤對乾如牝對牡然到利貞方說牝馬坤之主即乾坤
之元亨即乾之元亨也譬之男女各有陰陽之氣陽

像抄卷二

繫傳

三六

三六五

氣主生男女所同陰氣主成男成爲男女成爲女便
各別

乾坤之中爻坎離之用乾坤之初上震巽艮兌之用也
乾坤中四爻之變同人對師大有對比兩合則成離坎
離坎交爲既未小畜對豫履對謙兩合則成中孚小
過中孚小過之反爲頤大過故師比小畜履同人大
有謙豫先後泰否而離坎要上之終既未要下之終
頤大過聯合離坎中孚小過聯合既未乾坤初上之
變姤對復夬對剝故中爲前十二卦之首剝復爲
中十二卦之首夬姤爲後十二卦之首又屯蒙始渙

節終等學者俱當詳釋其義

乾西北艮反震出東離日遂昱于乾中坤西南巽反兌
入西坎水遂孕于坤中乾艮震娶于離中顯諸仁坤
巽兌娶于坎中藏諸用離代乾艮爲上震爲下乾即
虛中成離陰而天光乃發坎代坤巽爲下兌爲上坤
即中實成坎陽而地脉乃流无艮震不成離无巽兌
不成坎无離坎不成乾坤之大用世儒不得後天安
排之故謂後天有安排怎生容得纖毫人力

圖書无二理先後无二天雖曰先天體後天用其實體
用一原先後无間故凡一卦辭一爻辭先後天脉絡

像抄卷二

繫傳

三七

三九六

无不具備于中如乾元統天定位于上此先天體也
曰雲行雨施曰大明終始分明以離上坎下言用至
于首出庶物則仍此乾定上位之先體如坤元承天
定位于下此先天體也曰利西南得朋曰利東北喪
朋分明以坤西南艮東北言用至于安貞吉則仍此
坤定下位之先體又如卦位相重有先而後有後而
先如震上坎下曰雷水解坎上艮下曰山水蹇若先
天之序而象皆曰利西南如下坎上艮曰山水蒙若
後天之序而象曰初筮雖未可一一如是定執而先
後无之不互發又如坤下震上爲豫象曰利建侯此

像抄卷二 繫傳

三十八

當爲雷已出地帝已出震之侯坎上震下爲屯象曰利建侯此當爲雷未山地帝未出震之侯豫利建已出之侯故四在上而侯義不復發屯利建未出之侯故初在下而侯義又申言屯初伏坎下當未出之位而用有攸往爲自鬻爲失身志何以行于上屯五據震上秉用中之權而于侯无建爲孤立爲无輔澤何以于民此上下相須坎震相重必然之理勢原初聖人繫易卦卦爻俱如此聖人曾未嘗劈空立一言无根生一枝也又如震上坎下爲解上六曰公用射隼震上艮下爲小過六五曰公弋取彼在穴震已出而在上五上兩爻皆尊于四故不止言侯而言公黃氏正憲曰時舍聖人居身之所也弘大以乾言舍光以坤言厚德載物君有涼德則山崩川竭民物疵癘天札之害在所不免則地之載猶有藉於君子者非博厚配地何以載物屯初磐桓磐大石漢文紀云此所謂磐石之宗也天下服其疆桓威武貌磐桓狀其雄固剛健之才蒙三不有躬上擊也擊者攻其包之所以窮比後夫凶謂不來水流下民歸仁後而不來自外于王化絕滅人道便无人理故曰其道窮比之无首猶首不屬于身身首分離之象泰四不戒以孚

像抄卷二 繫傳

三十九

三陰在上不敢爲主下順從陽皆出誠心所以外小人而道消如此卑以自牧牧馴獸之名人之驕心客氣最難降伏也介于石不終日非日終放倒明日又豎起及復其道天地間都是一個陽氣只有動靜消長其動而長盛時喚做陽其靜而消耗時喚做陰陽消處便是陰非另討個陰來故陽來謂之復无妄不利有攸往言存主要定不可他移如初九一往大往小來便成否卦天地閉塞一事不可做一步不可行了故曰何之大畜上九何天之衢天乾也之往也衢四通八達之路也言上九負何乾陽而往大道也願自求口實猶云不虛食之意大過大者過也慮陽剛之過動也或意氣激昂而更張太驟則濶畧于根本之地或承平玩愒而文網太疎則廢弛爲積衰之漸此大之所以不能无過也習坎習慣熟也坎爲水道水流而不息无時不行坎中故曰習坎明夷六二夷于左股君子陽明之類故曰左股用拯竭股肱之力以匡救文王以服事殷之事馬壯牝馬之貞也如從女從后女之后陰之胚胎也濟主涉坎爲義濟難之時以內治爲急故六二得以七日以威外爲緩故九三遲以三年

屯二十年乃字復上至于十年不克征願三十年勿用
肯以坤十積數言同人三三歲不興明夷初三日不
食漸五婦三歲不孕困初三歲不覲既濟三三卒克
之未濟四三年有賞于大國皆以離三體數言坎上
三歲不得豐上三歲不覲皆以震三用數言臨象至
于八月有凶坤積數八兌正秋亦八月也損象二簋
可用享兌二坤二皆體數也震二既濟二皆曰七日
得以二五之合爲七復彖七日來復以剝反爲復一
六之反爲七也

晉管輅字公明正始元年舉秀才吏部尚書何晏請之
像抄卷二 繫傳 四十一

鄧颺在座晏謂輅曰聞君著爻神妙試爲作一卦知
位當至三公否又問連夢見青蠅數十頭來在鼻上
驅之不去有何意故輅曰昔元凱之弼重華宣慈惠
和周公之翼成王坐而待旦故能流光六合萬國咸
寧此乃履道休應非卜筮之所明也今君侯位重山
岳勢若雷電而懷德者鮮畏威者衆殆非小心翼翼
多福之徵又鼻者艮此天中之山高而不危所以長
守貴今青蠅惡臭而集之位峻者顛輕豪者亡不可
不思害盈之數盛衰之期是故山在地中曰謙雷在
天上曰壯謙則裒多益寡壯則非禮不履未有損已

而不光大行非而不傷敗願君侯上追文王六爻之
旨下思尼父象象之義然後三公可決青蠅可驅也
颺曰此老生常譚輅曰夫老生者見不生常譚者見
不譚晏颺旋皆敗其舅氏問輅輅言與禍人會然後
知神明交錯與吉人相近又知聖賢求精之道夫鄧
之行步則筋不束骨髓不制肉起立傾倚若无手足
謂之鬼躁何之視候則魂不守宅血不華色精爽煙
浮容若槁木謂之鬼幽鬼躁者爲風所收鬼幽者爲
火所燒自然之符不可以蔽也

管公明語劉邠乾坤天地之象天地至大爲神明君父
像抄卷二 繫傳 四十二

覆載萬物生長无首不解古之聖人何以處乾位于
西北坤位于西南而與六卦同列邠不能答公明亦
未明所以嘻乾處西北艮反爲震離乃正位于乾中
坤處西南巽反爲兌坎乃正位于坤中由乾之處西
北而艮震二陽原始要終艮陽精爲離日而大明中
天由坤之處西南而巽兌二陰原始要終離陰精爲
坎水而由地中行處西北從艮始艮陽上止不失其
爲尊自少而長又明陽分之當進皆以正交乾中而
成離處西南從巽始巽陰下伏不失其爲卑自長而
少又明陰分之當退皆以正交坤中而成坎處西北

凡以主東北尊正北而天日遂交于正南處西南凡以合東南尊正南而水地遂比于正北謂乾坤與六子同列似猶未深西北西南之旨

西北傾乾倡坤隨而六神妙故水火相逮雷風不相悖山澤通氣然後能變化既成萬物或遂認西北爲退處亦得此卽乾道之无首處藏密處也

或有問子畫前易者予曰凡天地之數五十有五所以成變化而行鬼神大衍之數五十衍者爲畫原有五未衍畫安在

宋廖應淮字學海建昌南城人遇蜀道士杜可久授以像抄卷二 繫傳 四十二

先天學有吳浚彭復願從受易應淮許諾嘗醉戲之曰黃口兒可與語先天人皆邵子矣又曰大莫大乎範圍精莫精乎曲成安得起安樂窩中于九京與許造化事耶及論後天則曰說卦非聖人筆不能作序卦直俗儒陋耳

巽山以六甲蠱一陽上止无非春生仁育之德重巽以六庚巽一陰下入无非秋成義正之事至于巽火而聰明通于上帝言行正于一家巽水而冽寒及于萬民和甘注于萬里巽雷而方立以爲恒遷改以爲益巽澤而原本要末以救過鶴鳴子和以咸孚巽天而

下施爲姤命上密爲畜雲巽地而上升爲順德之高天下觀爲神道之設教雖若具有精義但惟就卦發揮別无撰造此所以爲易簡理得之聖學

乾之西北雖少男已屹如巨人有父道故原其所自始坤之西南非長女莫與字育成母道故要其所由成陽生自少欲進欲長欲壯欲烈故艮一反震遂東出而以離麗爲大明陰成自長欲退欲消欲稚欲弱故巽一反兌遂西入而以坎歸爲至德

乾西北首合艮坤西南首合巽艮震相反巽兌相反皆以輔乾坤坎離四正之中而三十二既備乾坤合坎像抄卷二 繫傳 四十三

離合乾合坎離坤合坎離共十二四偏合共十二并重卦八而六十四遂成自乾首下西北而始有天地交之泰自乾首居西北而始有坎離之中既未濟交之終夏首艮商首坤周首乾總无二道

西北先天艮位乾何以來西北艮少男陽生自少也艮反震出離明遂煥于正南陽以光顯彰明爲道常當如日中天耳西南先天巽位坤何以往西南巽長女陰成自長也巽反兌入坎源遂歸于正北陰以隱暗退藏爲道常當如水歸壑耳

陽生自少艮反震尚其長故原始要終艮震合之卦多

在上經陰成自長巽反兌尚其消故原始要終巽兌合之卦多在下經

艮震反而離上見陽之升而上也如遲日造化貴陽欲其向長西北一下所從來矣巽兌反而坎下歸陰之降而下也如逝水造化賤陰欲其向消西南一之所從來矣

河圖五十有五乾六爻九積數五十有四而尚餘其一或謂乾元即太極猶屬影響

瞿氏家父曰小之爲十有八大之爲一百八十乃天地橐籥之數一百八十加太陽之三十六則爲乾策之

像抄卷二 繫傳

早四

二六十四

二百一十有六一百八十去太陽之三十六則爲坤策之一百四十有四故雷出地上凡一百八十日而收聲雷入地中凡一百八十日而發聲皆造化之極數十亦天地之極數屯頤復曰十年乃字曰十年勿用曰至于十年不克征皆極數也

瞿氏家父曰結繩網罟就是彌綸天地十三卦制器尚象離以結繩始之夬以結繩終之疑衣裳宮室車馬舟楫等還是彌綸之小事若非書契何以通乎萬世故遂以彌綸付之書契有書契則離明之聖人不死億千萬年皆有此書契之治在圓圖夬與乾爲交縫

接頭卦以此交縫如環无端周而復始與天地萬物永无終窮矣又曰孔子以夬爲前聖結尾又以履爲文王起頭此見前聖即是文王文王即是前聖文王與前聖不過換轉一下亦如夬履不過掉轉一下又曰易之制器尚象即中庸之制禮作樂也又曰文王用履接夬離初九曰履錯然敬之无咎敬之一字爲堯舜以來相傳學脉而其源實出于離文王蓋與伏羲一脉相授受者

瞿氏九思曰上繫觀象玩辭章既舉自天祐之爲言履信思順章又舉自天祐之爲言下繫迫其變使民不

像抄卷二 繫傳

四十五

三百九十五

倦章又舉自天祐之爲言一爻而三言之孔子于大有之上其致意之深如此又曰上繫七卦下繫十卦大有自天祐之介在二繫之中須知此一十八卦爲孔子所用之易與文王九卦一致又曰二繫一十八卦皆乾卦九二庸言庸行四句之事

易嚴君子小人之別師小人勿用泰內君子外小人否內小外君子大有小人弗克觀小人无咎剝小人長君子得輿小人剝廬遜君子吉小人否大壯小人用壯君子用罔解君子維有解吉有孚于小人革君子豹變小人革面既濟小人勿用繫傳小人而乘君子豹變小人革面既濟小人勿用繫傳小人而乘君

子之器盜思奪之陽一君而二民君子之道陰二君而一民小人之道小人不耻不仁不畏不義不見利不勸不威不懲小人以小善為无益而弗為以小惡為无傷而弗去雜卦傳夬夬君子道長小人道憂皆其彰明較著者

先後天之合曰水地比水體惟地地用惟水曰地風升地體惟風風用惟地曰雷火豐雷體惟火火用惟雷曰風澤中孚風體惟澤澤用惟風曰天山遯健體惟止止用惟健曰澤水困澤體惟水水用惟澤曰山雷頤止體惟動動用惟止曰火天大有火體惟天天用

像抄卷二

繫傳

四十六

惟火

十有八變而成卦到八卦已是百四十有四變而猶謂之小成固是大衍而小成者數而小成者卦大衍者取類大而小成者稱名小之義其實百四十有四變亦坤一卦之策數耳坤數湊手脚跟已不虛懸實有豎立之地夫豈不謂之成然或乾數尚屬茫然或未能窮之八八而萬物之數尚屬茫然萬有一千五百二十之變一有未備天下之能事如何便可謂之畢元吉在上下大成此聖人望人之深意大衍之數五十不難識其用四十有九不難識要緊是

中間不說一句

震陽升于地巽陰降于天復陽升于地姤陰降于天離陽中藏陰坎陰中藏陽既濟陽中藏陰未濟陰中藏陽洗心藏密曾不外是

六十四消息无一不通文序約為三十六以二卦反覆間更有線脉當通是乃易之所謂貞夫一語之所謂一以貫耳

凡一卦一爻其衍數俱五十其用俱四十有九其策數或三十六或三十二或二十八或二十四乃其所值之不同耳乾坤有九六二用之繫政恐人隨時隨處

像抄卷二

繫傳

四十七

知其用而昧于其所不用之一便都做无頭學問去大衍之數五十其用四十有九序卦四十九為革革曰去故五十為鼎鼎曰取薪鼎大象曰君子以正位凝命史臣曰魯陽援戈而麾日退三舍鄉衍仰天而哭六月降霜夫以匹夫之微精誠所格而天且應之况有事聖賢之學以致中和之功其應神速又當何如哉參天地而妙萬物固宜有在也世之人隨物變遷至于人道弗類其可悲也夫其可慨也夫動萬物者莫疾乎雷洪武辛亥上召周玄初至京見于武樓訪雷霆所以神之故玄初對曰天地之間无踰

陰陽者因其運轉故有神神與人合者也雷非人无以知雷之天人非雷无以知人之天天人相乎本同一理兩上說

震陽從下升兌陰從上降上升者順行為全下降者逆行惟半震即全體乾陽其升于陰皆透過遂由乾歷坎至艮而止升兌即全體坤陰其降于陽不得侵止由坤歷離至巽而降伏蓋震起而巽伏震出而巽齊震巽聯合于東南陽全直是兼陰陰半不得侵陽震兌定位于東西固如此

隋王无功傳文中子講道于白牛之溪弟子程生語及像抄卷二 繫傳 四十八

周易薛收歎曰不及伏羲氏乎何詞之多也俄有負苓者問曰子何歎也曰收聞之師易者道之蘊也伏羲畫卦而文王繫之不逮省文矣以爲文王病也吾是以歎負苓者曰文王焉病伏羲氏病甚者也昔者伏羲氏之未畫卦也三才其不立乎四序其不行乎百物其不生乎萬象其不森乎何營營乎而費畫也自伏羲氏洩道之密漏神之幾分張太和磔裂元氣使天下智者詭道逆出曰我善言象而識物情陰陽相磨遠近相取作爲剛柔之說以駭人志于是知者不知而太朴散矣則伏羲氏始兆亂者也是言幾于

侮聖然肯尋求其用四十有九以前亦繫傳不言之妙旨而文中子之深心也

乾西北艮于是反身出震而見離坤西南巽于是反身入兌而歸坎坤象利西南得朋東北喪朋正以明重坤而下六十三卦之流行運用无一不尊西北之乾爲君主耳

艮反震出東巽反兌入西此陰陽之大用即乾坤之定分而乾坤南北之交俱從西始夫乾其靜也專其動也直夫坤其靜也翕其動也闢出必根入東必根西動必根靜蓋宇宙造化自然之理原如此

像抄卷二 繫傳

四十九

三六三

介紹以傳命謂之贊幽贊神明而生蓍蘇氏曰天地鬼神不能與人接也故以蓍龜爲之介紹

帝王世紀庖犧氏作八卦神農重之爲六十四卦黃帝堯舜引而伸之分爲二易至夏人因炎帝曰連山設人因黃帝曰歸藏文王廣六十四卦著九六之父謂之周易又漢書曰文王重易六爻作上下篇孔子爲彖象繫辭文言序卦之屬十篇故曰易道深矣人更三聖代歷三古

帝出乎震易筮帝字宜一讀不可連下作一句蓋八者乃帝之所爲出乎震者帝以震出萬物也故曰萬物

出乎震若曰帝自出則齊乎巽亦帝自齊相見乎離亦帝自相見也而可乎物至秋而成尤不自得故說乾當陰陽之交故曰戰坎當萬物歸根之時故曰勞如勞而不伐之勞言成功也成則止止則復生故艮成終而成始

張行成曰先天自變數生卦其數有八則一二三四五六七八也卦之變止于六十四者八而八之主二位二象之變而言是為易之體後天自策數生爻其數有四則六七八九也爻之變極于四千九十六者六十四而六十四之主六位六爻之變而言是為易之

像抄卷三

繫傳

五十

用

或問卦者掛也象者像也爻者效也其義云何劉氏曰卦不以才離作為也象不以才離形體也爻不以才離言語也蓋渾然一太極焉卦加才象加才爻加才明學也由掛忘掛由像忘像由效忘效下學而上達矣

像抄卷二終

像抄附錄各書

荅陳蒙山先生

易義精微一良可了華嚴一部周子非欺我也如革言已日解言甲拆天地生成消息明炳指掌一陽生子中坎中爻也一陰生午中離中爻也離言已坎為戊可以三隅反矣離中一陰遇兌而言已言革坎中一陽遇震而為戊為解亦可以三隅反矣造化坎陽遇震而解離陰遇兌而革此等消息時時呈露于吾前呼之吸之生之成之無一息不與天地通一呼為解為生為出吾出而有生一吸為革為成為入吾入而有死謂生不知所

像抄卷三附錄

一

以來死不知所以往求之釋佛死生之超而不求吾孔易生死之盡得乎吾儒生死消息是陽是戊而遇春令之至未有不解而生者是陰是已而遇秋令之至未有不革而成者又種子是戊无所不生生固生死亦生種子是已无所不殺死固殺生亦殺是故種下生根生氣感未有不生者種下殺根殺氣感未有不殺者殺氣不能殺生根生氣不能生殺根然則造化何能生死人亦人自生自死耳生死事釋氏說以為驚天動地之大而吾聖人明白指示于易則易知之易也有如此不審吾翁其以為何如

答顧季時

天地定位四句陰陽老少對待成列自是定體至出震章盡易其位乃爲相錯竊疑天地定位六子行乎其中如天地之上交相錯便是山澤通氣天地之下交相錯便是雷風相薄天地之中交相錯便是水火不相射有六子便已盡易天地之位似不待至出震章然後爲盡易其位天定位于上而錯于下交地定位于下而錯于上交便已不相順而相逆故以言其逆乾逆坤爲震動爲坎陷爲艮止坤逆乾爲巽入爲離麗爲兌說雷動風散雨潤日暵艮止兌說莫非乾爲之君坤爲之藏錯者像抄卷三附錄

附錄

二

未嘗不定逆者原成其順單就八卦言之已是相錯已都爲逆數已是一部全易了也一陰陽互根陽則生陰陰則生陽自陰儀中生者先陽後陰自陽儀中生者先陰後陽竊疑先後之說亦微未融易曰一陰一陽之謂道一言道盡逆數大義以八卦次序橫圖玩之一陰一陽以六十四卦方圖玩之一陰一陽太極生兩儀一陰一陽兩生四一陰一陽四生八一陰一陽一齊都到无分先後若欲判兩儀而言所生之始謂陰儀所生始于坤陽儀所生始于震可如此者謂之地逢雷由坤逆而至乾亦逆則俱逆之說也謂陽儀

所生始于乾陰儀所生始于巽可如此者謂之乾遇巽由乾順而至坤亦順則俱順之說也二

顏子庶幾謂爲後天之學以知在有後爲順數爲發然後禁竊詳夫子稱顏子語意有不善未嘗不知謂其更无不知之時也分明是嘗知朱子亦稱克已復禮爲乾道言乾則先知矣聖人知幾顏子庶幾只未達一間无先後截然之判夫復以自知聖人以復之初爻許顏子透底真陽震動瑩爲真明炳爲先幾无論三千卽七十子亦莫能與顏子之知果在有不善之先耶抑在有不善之後耶其發然後禁者耶抑禁于未發者耶到念頭

像抄卷三附錄

三

上校勘家數與未嘗不知公案相去千里顏子嘗知故不貳過吾輩嘗不知是以二過三過以至于千過萬過通身坐在過中度日子猶不覺其爲過而陷于長傲遂非之歸者多矣三

先天後天无二圖亦无二說易有太極其先天乎兩儀四象八卦六十四卦三百八十四爻或圓而圖之或方而圖之其皆後天影樣乎天地山澤雷風水火八物皆帝皆神俱後太極而爲言依舊要完全還他一太極先乎由是後乎由是往乎由是來乎由是有先无後有往无來乾坤毀人類滅矣此易所以作故凡圖之方圓橫

直都是後天只有一箇太極便是先天先天不可圖人生而靜以上不可說^四

性純乎理太極也得之心雜乎氣陰陽也亦微要分別陽儀道心也一无雜陰儀人心也拆而爲二則有雜矣聖人懼人二而二教人二而一故曰窮理盡性以至于命其在孟子亦曰仁義禮智根于心孔孟教人只要心上尋得根出逆流上水尋出源頭來蓋人自形生神發以後都是順流水愈趨愈下易有三百八十四爻爻爻都撐逆水船一篙不得放緩故以逆而成順可以順而成逆又別論^五

像抄卷三 附錄

四

雷出地上曰陽分陰雷在地中曰陰含陽只是要主張知幾庶幾之所以異故有此見解第平平理會聖人言語其曰雷出地奮曰雷在地中俱提掇一箇雷字爲頭面不曰雷出地上又必曰雷出地奮此處還分得不成其爲豫矣姑爲俚解聖人雷出而地奮故无不善顏子雷欲出而地未奮故有不善雷孔顏之所同地孔顏之微異幾孔顏之所同曰知而神曰殆而庶孔顏之微異豫固孔之樂在其中復亦顏之不改其樂知幾者道心純然十分庶幾者道心已是九分九厘九毫九絲第有一絲髮未化之人心故言其殆而庶耳^六

先天之學至矣以顏子猶然庶幾夫執塗之人而求其初人人先天也而况顏子謂其非先天之學可乎不以先天爲學日用間尚別有第一親切工夫否^七

賢如堯夫尚且學先天而失之語殊未穩程子謂其根本不帖帖地夫根本太極也先天也不帖帖地此豈未達一間而已正謂其未能踏實先天脚跟遂有不點地去處耳惡有學先天而反失之之理^八

認心爲性認人心爲道心夫能認心是猶知有心者也今有一種議論謂六經无心學連心都不認帳矣夫易有太極是生兩儀兩儀人合而爲心者也陽儀曰乾乾

像抄卷三 附錄

五

以易知陰儀曰坤坤以簡能言知則從乾上論矣言能則從坤上論矣從乾論則道心矣從坤論則人心矣道心一人心拆而二不拆爲二而合爲一人心卽道心道心卽性卽太極也心與性竟究有兩否乎人心道心竟究有兩否乎是故太極生兩儀心有兩兩儀一太極心惟一道心无兩人心有兩兩原是一人多拆而二之父子二则无親君臣二则无義夫婦二则无別長幼二则无序朋友二则无信推之萬事萬物莫不皆然故二之不可不求一坤之不可不承乾也乾知大始是人家始初開頭一箇太極公子子孫孫皆其一體所分認得太

祖公的人其于宗支圖條條款款決然盡得分明決然不會混帳也九

兩儀未主以前自屬于來原不言往來往二字亦甚活如人端坐在家原不曾往何須說來聖人要人知來只爲他一向往外喚他來家耳十

幾耳拘拘于上下東西之往來而一以造化主宰乎其間則有交而不測其交此神之所以爲妙云云竊疑八卦之外似无另有一箇造化主宰乎八卦之間只舉天地定位一句說謂天地非造化可乎謂定位非主宰可乎夫太極生兩儀太極便在兩儀中兩儀之外又去另

像抄卷三

附錄

六

四百五

尋一箇太極爲兩儀主宰以是爲帝爲神尚不能无疑或者天地定位章指示人心一箇太極全體出震章指示人心一箇出頭道路耳乾兌離震巽坎艮坤或方而順數之或圓而順數之自乾一順至坤從天墜到地上矣易逆數便要從地仍舊上天其在坤震之交乎堯根雷從地起言坤便逆該至巽言震便該逆至乾故以言其帝出蓋逆數之起當從此出非其易天地之位實乃定天地之所定而位天地之所位者也又曰齊巽一出復一入一逆又一順自下而上爲地逢雷自上而下爲乾遇巽出入逆順截然不亂是之謂齊至于見離役坤

說兌又齊巽的自然次序戰乾勞坎成艮又出震的自然次序謂不拘拘于上下往來誰能動得他一動也十一

與友人

昨辱賜教則已身承法門昭然受發蒙之益矣何幸如教旨蒙義一章敢以臆請山下出泉蒙人人有此山下初出之泉兄所謂渾是聖人胚胎是也雖則渾是聖人胚胎却被陰柔氣質包裹了一包裹如一陽陷于二陰之中上面又止了一止故曰險而止蒙童蒙而能求我出乎險而不止去蒙而成聖童蒙而不求我止乎險而不出蒙日以蔽而去聖日以遠是故蒙之亨非以止以

像抄卷三

附錄

七

四百六

行也非以再三而失時以初筮而及時也及時慎行以窮山下之泉原以立天下之大本淵淵其淵取之左右逢其原行中之功時中之聖也能无亨乎蒙亨則聖蒙困則昧困然後昧蒙无昧也亨之自我困之自我我求我我皆非人也三軍可奪帥匹夫不可奪志志在我其應乎其不應乎可自筮也我蒙我亨我求我筮我學不厭而教不倦謂我不學而能教人謂我未能不厭而能不倦者无之故曰成者非自成已而已所以成物也若但發人而不自發擊人而不自擊或不可與發擊直絕之于教外則天地有棄物聖人有絕人陽貨可見公山

肝膈之欲往取瑟之歌予不屑之教誨何爲乎于初筮告之義荒矣禮聞來學不聞往教來我而學所以教人往人而教非以爲學兄謂本末始終四字把定入道之樞此處落腳不愁不實夫養正謂之聖功謂把得樞定落得腳實也以道自重不至往教告之有節施于可受而不強其所不受爲時中其得爲把得樞定落得腳實否耶喜怒哀樂之未發謂之中孔子聖之時山下之泉之所自出未發之中也十五志學孔子之時也求此筮此行此得此樞无不定而脚无不實聖功也惟孔子有之故曰時中之聖人也蒙蓋以時中示人入道之樞

像抄卷三 附錄

八

而以初筮求我示人落腳實地矣幸惟批教乃似句收茹納發我擊我之度

荅于元時

來教屯有馬而无乾離有牛而无坤云云馬之取象原不單指乎乾屯之上坎下震皆馬象也又牛順物也但有巽順之德卽成牛象无妄或繫之牛巽也離之畜牝牛巽也乾馬坤牛煞定取象聖人无是也

來教比後受之以畜蠱後受之以臨復後受之以无妄頤後受之以大過等處於義未連意亦不貫云云此在序卦傳中畧備而宋王申子甚不取謂以一字相連屬

於卦義頗无交涉也合六十四卦以立人譬之合四肢百骸爲一身今謂日後受之以鼻手後受之以足皮後受之以毛人其有不一團笑之乎當時聖人指點人以百骸四肢全體備具爲人身只以天地雷風水火山澤八物相磨相盪爲人身如俯察而見水之行地則既指之曰此人道之比也仰觀而見風之行天則又指之曰此人道之小畜矣觀山下之有風則曰此人道之蠱也觀澤上之有地則又曰此人道之臨矣天下无一處與我无相干天下无一處非我做學問處直是做得一箇天地之大方始成得一箇人道肢節節原无不相

像抄卷三 附錄

九

連止於逐肢逐節搜尋而不見吾身全體之大血脉原自无不貫通此非所以爲易學也

來教洗心藏密玄妙未易形容云云心何洗密何藏世人皆籠統顛顛而汎以爲言耳聖人實指之曰以此此者何著德也卦德也爻義也人知百骸四肢人身无一可缺漏不知六十四卦三百八十四爻人身无一可缺漏但有一缺漏則疎矣但无一缺漏則密矣日日易默成象語成爻得此者也心能洗者也密能藏者也有

一日不易默不成象語不成爻失此者也心不洗者也密不藏者也此處著不得言語著不得訓解弟故後之

耳二

答陳曰仁

承問數往者順知來者逆易逆數也此本天地定位山澤通氣雷風相薄水火不相射八卦相錯而言後人訓解順逆多不得其義爲脫了八卦相錯一語但據八卦次序之圖爲說又或據六十四卦陳列之圖爲說而曰自震至乾順也自巽至坤逆也是半順而半逆也或曰由乾至坤順也由坤至乾逆也是全順而全逆也全順全逆比之半順半逆其義差優然皆似據八卦圖次序陳列爲說非據八卦相錯爲說乃聖人所謂順逆則本像抄卷三附錄

附錄

十

三

像抄卷三

附錄

十一

三

答友人

由太極而陰陽五行數往之順也五行陰陽陰陽太極知來之逆也易曰形而上者謂之道形而下者謂之器聖人作易全是教人由形而下之器悟形而上之道人生斯世有順無逆但使順水船只管向下流日流日下必撐逆水篙方是向上流日撐日上凡皆往順來逆之義又如少而壯壯而老老而死是順彌高彌邵血氣有衰之時志氣無懈之日令此七尺軀交得還天地是逆交得還天地如人到家爲來交不得還天地如喪人如亡子客死于外爲不來聖人重知來以易爲逆數或如此

戰乎乾龍戰于野戰无兩義只是戰乎乾冠之以帝戰主在帝乾其戰之方也若坤上則稱龍戰不可稱戰龍又言戰于野亦異于戰乎乾帝似以八卦之主宰言如儀象之太極龍似以六陰爻之主宰言乃坤之乾也戰乎乾曰陰陽相薄其義平戰于野曰陰疑于陽必戰其義軒輕陰陽相薄之戰陰陽不可相無如月令仲夏日長至曰陰陽爭陽將盡而陰來爭也仲冬日短至亦曰陰陽爭陰將盡而陽來爭也月令之所謂爭陰陽相薄之戰也陰疑于陽必戰又曰爲其嫌于无陽故稱龍禮

決嫌疑嫌疑之際君子不處此似以疑故必戰不使其有疑也以嫌故稱龍不使其有嫌也譬之極順之妻无疑于夫何必戰不嫌于无夫何必稱夫坤極于上處窮之位疑于夫故必戰嫌于无夫故必稱夫必戰稱夫此似坤上終極于順之能事二不疑其所行至上之窮不能无疑疑故必戰也于野何曰坤德方戰稱龍不可以方拘皆野矣其血何曰聖人明言猶未離其類故稱血西南得朋乃與類行類不當離也東北喪朋乃終有慶類當離矣至上而猶未離何云得主何云承天時行以嫌于无陽故稱龍所以別嫌以未離其類故稱血所以

像抄卷三 附錄

十二

四十二

離喪朋類玄黃何曰聖人明言天地之雜天玄而地黃乾坤成列天地各正初未有雜其雜六爻相雜雜物撰德從玄黃始也此乾坤以後入屯之象也屯曰剛柔始交而難生震為龍為玄黃坎為血卦屯上又曰泣血其脉絡可見如此微獨屯嗣此六十二卦卦相雜物相雜故曰文皆玄黃成文之象也

乾不為首无非乾也六十四卦皆乾之全體皆以乾為首也坤上曰龍戰不必向乾卦索龍只坤之主宰自為出頭便是乾便是龍坤極于上主宰出頭震動恐懼便是龍戰龍戰忠臣孝子之極致若說戰龍便是亂臣賊

子弑逆之太惡二

行險用險皆坎德皆陷功行險不失其信能陷者也君子也行險僥倖為陷者也小人也虞庭危人心以為陷也微道心以能陷也孔子以相近言性先天首乾純乎理純无陷也以相遠言習後天首坎兼乎氣質兼有陷也形既生陷既成矣欲不為陷定須能陷為陷終身燕溺之小人能陷終身憂勞之君子一息尚存不容少懈一息不勞不得一息無功不得故曰行有尚故曰勞乎坎以其用得功勞多故坎為勞卦以其為刺血見血學問故坎又為血卦

像抄卷三 附錄

十三

五十二

天險不可升只是不可升便喚做天險天何險之有地險山川丘陵只是山川丘陵高卑界限儼然截然便喚做地險地何險之有王公所以守國者此士庶所以守身可知是為險之時用之大時時有此險用是為坎之成德是為習與性成聖賢同歸

坎二曰有險方在能陷坎五曰既平陷已成功既平盡平也即險為易矣故君子未嘗不行險不用險只喚做居易水流不盈此人人固有之坎體纔盈便橫流汎濫懷山襄陵甚之滔天五爻曰不盈象曰未大坎五謂之大水可以中故不侈然自大未大明其所以不盈詩曰

民之靡盈誰夙知而莫成二求小得小亦原來坎體故詩之咏文王曰小心翼翼只怕失故言求言得四約亦然子曰以約失之者鮮前賢言心欲小又言大其心則能體天下之物小心坎一原後天之始事大心乾一返先天之終事小心入手工夫大心了手能事惟乾爲可大乾豈人之所易言哉夫乾天下之至健也德行恒易以知險坎二五乾體之知險者也餘非所望矣惟四在下坎之上可望其能知故繫之自牖而明其終无咎終義繫于自牖後應有要終能事在此亦盡心而後可望知性知天知天而後天可與事命可與立說

像抄卷三 附錄

十四

四三

民無信不立無信雖生无以自立如手足癱瘓如大筋舒緩小筋弛長通身雖有脉絡不相維繫如何立得起惟行險不失其信脉絡纔聯屬而心得亨血脉纔流貫而行有尚維與行皆以孚致孚以坎致三

震之億喪貝義亦與坤之喪朋合陰爲富實震陽來則喪矣竊疑陰虛陽實如泰四謙五以陰爻故言不富小畜之五以陽爻故言富乃家人之四又以陰爻言富謂四能以陰虛而成一家之陽實象故明曰順在位也坤于朋西南利得東北利喪此有喪有得喪不宜得得不宜喪者若震二千貝方言喪旋言得此卽喪卽得喪其

所得得其所喪者朋乃同類其似卽已義已不同又坤以往言得喪主不在坤震以來言得喪主自在震義更不同震二爻柔體剛又最邇初故來與初同震是夜半雷聲天理迅發首出端倪故于人稱貝猶諺言寶貝之貝無盡藏之藏其言喪義不係于來而係于厲來厲應是不及掩耳迅雷如人有鉅萬金玉寶貝猝逢疾雷一震這所有若盡失之連這身子霎時間也如在九霄雲裡少間依然故吾原無喪也二有得喪之間以初震之危厲五無得喪之間直言無喪有事以游震之危厲險阻艱難二初嘗五備嘗故分量不同如此貝海介蟲羸

像抄卷三 附錄

十五

四三

之大者離爲羸爲龜頤象離故曰靈龜損益中爻亦象離故皆曰十朋之龜震中爻亦有離象故曰貝易者象也竝不懸空鑿空說此所以有意味如離上折首以四突獲匪其醜以三具四何嘗突三何嘗具兩離相重中爻離撰遂生突具之象出來昨所云假病者如此去其離撰之病還其本體之明此離上之所謂征以正邦也至于陽貴无首陰貴喪朋微近于執用九見群龍无首吉又曰用九天德不可爲首群龍无首見其无首也天德非无首不可爲首也似還要體貼見字與不可爲字若陰而單貴喪朋西南利得云何西南利得與東北

利喪此似兩股板門文章也或躍在淵而曰或之者疑之也似與居之不疑疑義相反不疑自以爲是非龍并非躍矣又如卦有貞悔上而无悔非龍并非亢矣四乾剛坤柔一而二二而一息息相推相過交流並運方成列方不毀屯于二四上俱言乘馬便其義馬无乘牡先而牝不後牝承而牡无倡匪孤陽即孤陰匪偏陽即偏陰譬之草木乎甲且无日天喬復何有

震坎相重之卦動免乎險曰解動乎險中曰屯屯二四上之班視坦途皆荆棘而况非坦途視軌道皆險阻而况其險阻常凜朽索之懼常懷羈駕之虞長慮却顧震

像抄卷三 附錄

十六

三九

動竦懼時刻是箇盤桓居貞之心此所以爲險中動屯之四柔爻三乘馬一即鹿何以異曰二四上交位俱正三則異矣以故二四上象在閑而三則在野二四上象就駕而三則野馳无虞无所主掌更見其在野而難即之象又轉過念來入于林中无非躁動妄動之象幾而舍亦便有班如之能事則以終爲震體其究爲健之故五

不遠復无祇悔元吉向來但作不貳過解尊教謂亦即不遷怒解最肯聞之先輩云不遷怒主人常定故不貳過主人常一故總在心體上論亦即如尊教之旨恒言

戒怒平情易發難制莫如怒或一時有怒必戒必懲以期于平竝無有怒做得主之時而此心隨之以移動曰不遷知過難改過尤難或一時有過必喜聞必樂受必速改以復于無過竝無有過做得主之時而此心反爲之副貳曰不貳易曰有不善未嘗不知知之未嘗復行政如此過爲不善不待言七情中惟怒易發難制并謂之不善亦不苛未嘗不知言常知主人常精常明常定常一有怒霎時平得如何遷有過當下改得如何貳不遷不貳斯謂之不遠復纔遷則遠纔貳則遠无以語于常知之復體矣復初地中雷厲之微體也雷厲之體直

像抄卷三 附錄

十七

三九

截迅疾故有怒與過當下便能消融克治得真如紅爐點雪點脚不住若使爐不甚紅或如雪片投來但須更不消化便須更作滯礙但頃刻不消化便頃刻作滯礙此之爲遷爲貳已多若不學雖學不好者流乃如以雪塊滅爐紅者耳遷貳字樣怎生便說得故到不遷不貳惟顏子地位纔說得故曰好學

人有怒廓然便能平霽得人有過翻然便能改圖得此非自知主人十分得力殊未易到畧畧主人不得力逐怒便喚做心移故曰遷憚改便不是主一故曰貳考之字義遷登也人怒則心便高難于遏捺得下貳副也相

裨益也人有過或拒不克受或惡不喜聞或文或飾每
每多添却一層顏子心境到常平地分任風有吹而浪
無湧曰不遷顏子心境到常見過地分如煙斯消而漸
向泯並不增添加益曰不貳

大教復者復之于虛明乎正也語意本圓昨又偕下商
量一語蓋爲世多執見者發以執見觀曰復之于虛明
必且以爲先有不虛明之時而後復之于虛明復之于
乎正必且以爲先有不平正之時而後復之于乎正如
是則如前人所云失而後復斷而後續而非易之剝復
循環之復故云然微獨剝復夫姤亦然天地混開之真
像抄卷三附錄

附錄

十八

消息于剝復夫姤皆可見此全體之微幾也然聖人贊
易言幾獨于豫于復兩言之豫已動之幾復方動未動
之幾已動之幾即豫體方動未動之幾即復體大教云
不幾不足以言復正謂復與幾無兩義耳若云復之于
虛明乎正微似復之于幾似以幾爲主而復之似以虛
明乎正爲體而復之恐即復是幾即復是虛明乎正之
體不可以虛活字樣看做復故惟本無可疑尊見亦自
瞭然而潛求商量如此

泰否初茅皆曰茹皆乾坤之初之根泰初是至健之根
否初亦至順之根有如是之根又合乾坤三爻爲彙泰

初征以經營外三陰自无不吉否初貞以君主外三陽
既吉亦亨泰征健之能事否貞德亦合乾能勿失其初
也泰二有全乾力量全坤轉在其手泰三若以一身獨
承外三陰之任矣艱貞艱難也根也如物根也初茹爲
三陽之根三艱亦若聯三陰而爲之根然艱以爲貞根
盤孔固平不得波往不得復三陰外順成孚三陽內健
勿恤豈不合外內而並視其福乃四五孚而上卒復則
泰極之不可久耳否二差弗失順意故曰包承包承以
坤二直方反之小大自別順意亦別否三若以一身獨
出外三陽之下矣包羞以坤三含章反之淑慝更別二

像抄卷三附錄

十九

承厚意之來君子或弗忍却稍與爲通不生調停之
病必且抱失脚之恨安得亨惟大人正已无失人有承
吾獨否故亨承不足以悅君子羞不足以慍君子四循
理樂天所知惟命所有惟命故无咎五秉道執中于君
子中如參天喬木之爲植立爲息止君子有群德不患
孤小人相安亦若陰藉其休故既亨又吉至于上則傾
亦否極之不可長耳泰上猶望其用師坤衆非乾君莫
與統猶教之君乾惟君子所帥也否上猶曰先否君子
小人終爲不可合之物君子終不可內交于小人失身
于小人耳

否彖言不利君子貞爻兩言大人亨與吉儉德避難不可榮以祿君子貞也否貞也否貞守身常法君子可與否亨與吉體道大權幾與泰亨之分量同非大人未易與似進君子一層

否五休與姤五含章遯五嘉觀五生剝上得與諸義俱相發否五視內三陰蓋如天容如地畧无忿疾已甚之爲等有不忍如傷之視君子自无勞拙之患小人亦獲免其鬪怒之惡與君子相安于无事故曰休非真有天度量不能故曰大人吉

像抄卷三

附錄

二十一

勿用之戒如解之必田必射以其邪媚如狐而驚毒如隼其他則如陰陽晝夜之不能相无韓魏公云三家村裡也有一箇但知其小人處之而已甚不可有忿疾之心此深明易旨者以復臨泰壯夫剝觀否遯姤十卦消息觀之惟復于五陰曰朋復同在震體但有戒謹恐懼心不論陰陽皆同門之交同方之士故喜其來泰三陰雖外順明曰小人不與爲朋故曰朋亡名雖小人等吾同胞故泰曰左右民臨曰容保民剝曰民所載觀尚觀民姤病遠民君子于民曰親曰仁无所不厚曾以小人不得與民等視而故忿疾之棄絕之故臨咸泰包荒壯

利貞夫遇雨雖柄在君子惟有感與包而无取乎觸尚乎戎若剝輿觀生否休遯嘉姤含章柄已不在君子徒與小人爲讐豈非自輸其載自不竝生自不肯休自耦怨自醞釀惡毒而莫之救以死乎君子成人之美不成人之惡尤在處小人上得力處得小人妥帖小人不得稔其惡肆其毒以貽害于宗社生靈此皆姤章遯嘉觀生剝輿之能事而否五之休其成小人尤大故曰大人吉也

泰中爻之用爲兌震以震爲重否中爻之用爲巽艮以艮爲重泰是治平之世人心易溺于晏安二爲震恐疎懼常如雷動域中故曰用馮河不遐遺否是閉塞之世人心易至于淆亂五爲鎮定砥柱不啻萬仞壁立故曰休泰以君子原始匪震无出至歸妹而震兌合德有東有西有生有成舉一世而躋之男女以正婚姻以時之

像抄卷三

附錄

二十一

城帝乙甲剛乙柔乾甲坤乙五以坤行震若不敢爲天下首也以祉福所止曰社上自爲帝下逮庶人而止也故特稱元吉否以君子要終匪艮无成五止而若遺之休二巽而承之以吉止而巽動不窮于德既儉何難不避元祿可榮身安爲榮泰亨進而道行之亨否亨退而道尊之亨自古君子進退皆有餘裕在內內重在外外

重亨不讓于泰亨故于二持以大人否亨于五又曰
大人吉易爲君子謀不爲小人謀以泰否觀之尤分明
姤陽中之陰動中之靜復陰中之陽靜中之動邵子詩
天根月窟閒來往三十六宮都是春曰都是春便知根
窟來往滿盤都是生幾矣乃姤不言幾而復言幾以造
化平分看則有陰陽動靜之分以造化合一看陽兼陰
動該靜復統姤故如主靜說猶似以姤起義從腰說起
如慎動說乃是以復起義從頭說起從頭說起故復可
言幾以全體該貫姤不可言幾以陰无直遂之義不可
並陽以爲主耳且不但于姤言幾亦于剝言幾以
像抄卷三 附錄 二十三

如後儒說十月純坤陰氣消盡陰極回陽逐日漸生積
到一月方始成其爲復恐非聖人于復一蓊直能見天
地之心之義耳八
分陰分陽迭用剛柔此通乎六十四者乃夫子彖易止
于噬賁節三卦言分噬節俱言剛柔分噬又言合節言
剛得中噬言柔得中又言上行賁言分剛上柔不言分
亦不言得中云何天向一中分造化天地節而四時成
二分二至皆中春秋言分冬夏言至以冬之至爲日南
至短極陰極夏之至爲日北至長極陽極惟如二分乃
日晷黃道陰陽之中即天腰赤道之中天惟此一中春
像抄卷三 附錄 二十三

剝剛上碩其體方寂就如一粟粒一木果完實堅固就
下地也不即生須待時至後生若是收藏得好便隔却
一兩年三四年也不壞也依然會生然必到下地微萌
時方謂之動之微方謂之幾若未下地時總無端倪可
言故不謂幾言幾欲人知勞頭慎動一脈不言幾但言
碩又欲人知感通前蚤有一步寂然不動安止欽止聖
功也如乾勞頭往西北仍是剝之果到艮反震方是復
之仁謂剝果復仁有兩般不得然剛止言碩是大哉乾
元之全體剛動言微則全體發動之端倪雖曰剛動之
端倪其實只是剛止之全體故聖人于復止曰剛反若

秋分分此節惟此一中剛柔分分此故節之剛柔分乃
春秋分之分一中分造化之分節無不中所以爲分分
無不中所以爲節若噬之剛柔分剛下震而動柔上行
而明可分可合故言分又言合柔中非可自爲中原麗
乎剛中以爲中非上行則無貴故又言上行賁柔在下
非如噬柔上行賁剛上止亦異于噬剛下動故柔來文
剛不言分亦不言得中明其主不在柔剛上文柔言分
明賁剛之上止無異于節剛之得中而主在上其餘隨
蠱咸恒損益漸歸妹則無離坎剛柔之中困井曲旅渙
既未濟雖得離坎剛柔之中然于分義皆無取即如渙

者節之倒體節言分澤止之體有限制有分段渙不言分風散之體無限制無分段耳九

荅湯汝敬

來教天地人之動無端六爻之動亦無端天地人之動不已六爻之動亦不已似若天地人之動與六爻之動分爲兩截便非義文周孔之易亦卽有板定移動不得之處鄙意直謂易外無我我外無易乾坤成列而易行乎其中者我也爻也者效天下之動我此身無一息而不動一息不動卽死卽來教云一息不動則人道缺是也旣無一息不動便是無一息之動而非三極之道苟

像抄卷三 附錄

二十五

非其人道不虛行直妄動耳無所謂道也聖人教人學易不止求諸書全是求諸我一息之動而得便成吉象一息之動而失便成凶象故曰吉凶者得失之象也一息之動而能憂能虞便成悔象一息之動而弗憂弗虞便成吝象故曰悔吝者憂虞之象也一息之動而進以禮退以義進救民退修己日就月將日新月盛便成變象久而熟焉利而安焉不知所以然而然焉便成化象故曰變化者進退之象也一息之動而爲晝之旦便成剛象一息之動而爲夜之晦便成柔象故曰剛柔者晝夜之象也無息而無動動卽是爻無動而非三極之道

像抄卷三 附錄

二十五

爻是卽道君子居而安樂而玩者如此而已矣來教列吾身之之貴賤云云此實獲我心者又云以易書之易爲吾心之易以吾心之易會易書之易則程子云易不止是一部書似無兩樣見解此處體認未至終是易自易而我自我來教晝有晝之道乾爲動直坤爲動闢于人爲感通夜有夜之道乾爲靜專坤爲靜翕千人爲寔息晝非自晝而爲夜之根夜非自夜而爲晝之根與夫子逝者如斯夫不舍晝夜之云微有未合不舍晝夜曰逝通乎晝夜曰道此處間不容髮一息而舍卽非逝一息不通卽非道人之感通寔息無截然晝夜之分如人睡去惟氣極昏濁之人纔有不覺不知處稍清明炯炯靈明便瑩然自在有夢無夢夢吉夢凶一一記得此通乎晝夜之道而知時有晝夜而此知無晝夜念有動靜翕闢而此知無動靜翕闢神无方而易无體便是此个道理陽明先生喫緊爲後學提醒良知卽此通晝夜之知亦卽乾知大始之知細細體認日間念起念滅一一能知夜間有夢无夢一一能知大學欲誠其意先致其知亦以意猶形而下日之念夜之夢皆意所變化知乃形而上超乎念而下視乎念超乎夢而下視乎夢今人念慮紛飛中一覺卽無魂夢擾亂中一醒卽無以門下

高明諒必有以覺此醒此矣一

承教鬼神不可分經內有况于人况于鬼神以鬼神對人豈以兩而對一乎最是但此以幽明生死鬼神並舉幽明無二故死生無二說鬼神無二情狀歧而二之者支幽有鬼神明有禮樂生為人死為鬼聖人以神道百姓與鬼謀強而一之者混第以鬼神分邪正直是不通之論耳可一筆抹殺也今須密切及諸人身而求之尋常怨詈人則曰鬼稱許人則曰神詩書記載之所及曰生而神靈曰乃聖乃神此斷不可移神而為鬼者也曰某為鬼躁某為鬼幽曰為鬼為蜮則不可得此斷不可

像抄卷三

附錄

三

移鬼而為神者也即如經內曰天生神物曰神而明之神而化之曰陰陽不測之謂神曰非天下之至神其孰能與于此曰唯神也故不疾而速不行而至曰神以知來曰神明其德曰民咸用之謂之神曰鼓之舞之以盡神曰精義入神曰窮神知化曰知幾其神曰幽贊神明此處似添不得一鬼字曰人謀鬼謀曰載鬼一車曰高宗伐鬼方曰震用伐鬼方此處似添不得一神字竊意鬼神為德之盛質諸鬼神而無疑與鬼神合其吉凶此鬼神乃與人相對並舉之鬼神不可分言之鬼神也其他則言神言鬼各有攸當猶之幽自幽而明自明生自

生而死自死神有神之情狀鬼有鬼之情狀似若微有分辨又如中庸言鬼神之為德似不是直言鬼神德者得也言其質鬼神而無疑與鬼神合其吉凶有得于鬼神之神德故以言其盛也其曰視之而弗見聽之而弗聞體物而不可遺此鬼神為德之盛非鬼神之盛也使天下之人齋明盛服以承祭祀洋洋乎如在其上如在其左右此當下與鬼神合吉凶當下質鬼神而無疑者也進于神之格思思與神格不容測度不容厭怠此齋明無久暫之渝盛服無離合之間時時承祭祀時時洋洋如在德至此然後為德之盛也故曰夫微之顯誠之不

像抄卷三

附錄

三

可掄如此夫也若脫去為德字樣直言鬼神之盛便不成文理矣易言鬼神之情狀只是情狀鬼神與質而無疑合其吉凶亦似微有分辨二承教示心得又近日多暇云云凡人此理不到手恁從舒暢瀟灑總謂之碌碌營營去聖賢名教樂處霄壤此理到手日日暇時時暇也論語中言君子之泰君子之和君子之坦蕩蕩此暇境也于貢方人子曰夫我則不暇暇在我也發憤忘食樂以忘憂不知老之將至憂食而忘老矣不覺暇之至也善吾生即善吾死生固暇死亦暇也且夫死者形骸軀殼有時而壞如花之必謝葉

之必落者耳我之所以爲我者固與之而俱死否乎夜者晝之驗死者生之驗且晝不清夢魂必濁生如無得死必無歸子之發憤憤義從心從貴貴明也不憤不啓憤斯啓矣忽然夜半一聲雷萬戶千門次第開憤而啓也時時憤時時樂終身憤終身樂不憤即不樂不樂即不暇衆貴貴而雜處咸嘆老而嗟卑衆咸嘆老子獨不知老則暇與不暇之究竟也來教云變化之成即鬼神之爲鄙愚竊亦有合看乾卦乾道變化各正性命攻自分明即以吾身觀之九竅百骸六腑五臟何處不是相得有合若有一之不相得不有合便是病病甚即死此

像抄卷三 附錄

三十八

相得有合處即是成變化即是行鬼神總在人迷悟之間耳來教云揲著之法只是一個變化知變化則知神儒者有云信手拈來頭頭是道揲著之揲即信手之拈也拈來皆是此理所以謂之行鬼神不特拈來行住坐卧揲著者都是此理來教云易之爲書非聖人思爲之所及而其全體不過寂然不動則是易也從聖人之極深研幾出來也至通志成務此所謂感而遂通也鄙愚尚未能無疑謂幾深即是聖心中不動本體則可謂聖心不動非思爲之所能窺測則不可窺擬惟无思无爲所以謂之寂然不動也所以謂之深與幾也所以謂

之感而遂通天下之故而至神也且夫寂之與感不可判然分爲兩截請以鏡喻鏡體光明何思與爲常寂常照何時有動何時無照不是隨物妍媸之故寂照之中天地皆涵何等深微若是鏡中留些形影就如心中著些思爲寂者動而感者窒矣聖人極深研幾完其本體之謂也无思思之故也无爲爲之故也感而遂通天下之故即所謂故吾也來教云往來是吾人所不容無所病者懂懂及造化往來物理屈伸皆自然而然正爲吾人學問張本竊疑本義亦原如此但順理著意之間工夫細密卒難到手又致用崇德以尺蠖龍蛇求之總是

像抄卷三 附錄

三十九

人之屈而能信整而能存處龍蛇之整以存身君子之整以致用以崇德似皆是同歸殊塗一致百慮之學問來教云知險知阻非知事之險阻知吾心之險阻理本至易而出乎易則險理本至簡而出乎簡則阻云云至矣但心之與事即異教家亦有金獅子章之說以金作獅看做獅子渾身是獅子而獅子之外無金看做金渾身是金而金之外無獅子若嬰獅子之外覓金物外尋一個理事外尋一個心心事切開兩片如何謂之合外內之道也

答耿庭懷

恭惟文學書院之修舉實東南千古創見盛美某雖不肖已有神遊鄙願矧重之以召命之臨古易前已領教會語急讀一過執事真精神真學脉已若溢出而莫可遏于前矣內與元質夜話六義中有人各一見之云此真實體驗語也像象蕪刻原不足塵台目中間甲庚自是不易惟已日出不肖之臆而執事更以乙辛丙丁壬癸窮之實是茫然不知所措雖然舉十干而盡象之于辭謂某卦納某干則後世術家之論耳恐文周不然只謂五行是天地間正當道理出震爲甲入兌爲庚坎中一陽爲生信爲戊離中一陰爲成信爲已不妨實指以

像抄卷三 附錄 三十

示人然文周于戊義猶舍于解卦中則正不欲瑣瑣定指如世間陰陽五行之術耳若究而言之易中兩處稱帝乙實卽是甲乙之乙商家原有帝甲乃不稱帝甲而獨稱帝乙謂泰之五歸妹之五皆出震之柔爻故獨以乙爲象而不稱甲以混也以甲庚乙已之例反以三隅言文明處爲丙丁言汧水處爲壬癸震之剛爻爲甲柔爻爲乙則兌之剛爻爲庚柔爻爲辛亦彰彰明矣一爲伏承教示言言心得不惟某之謫陋蕪穢之病一一爲之照破而執事之獨立物表遐觀域外之深思亦畧待使瞽愚闕規彷彿其一二矣感感謝謝內中精義容細

細紬繹以請未敢漫以臆對以上頁提命至意惟是食子肉進淫女禍君國褒姒之淫慝文王實市之而以亂臣尤物溷其君等語頗覺駭人明夷之六二曰明夷夷于左股用拯馬壯吉象曰六二之吉順以則也如來教云云文王之不順不則莫甚矣此恐干係世教人心不小也昔人有言易奇而法今似單以奇言矣天地人物不敢多爲支離卽如今日百姓有以僞來執事惟以誠應一人由是千百人由是此所以爲虞山之賢父母也此所以爲善用易也此所謂易有太極也謂執事有誠外之應理外之應恐執事又自不肯招認矣二

像抄卷三 附錄 三十一

來教以易斷然爲知來之書知來必兼數往世未有知來數往而不假借于甲子者如云後此幾月幾日或幾年幾月幾日必自今日某甲子至後來某甲子方有的據上古聖人作易卽作甲子易包羅天地人物而甲子實經緯于其間文王繫易獨露甲庚已三言餘皆不露此必有不傳之秘在故以爲鑰也卽伏羲當時亦八卦甲歷並興云夫原初聖人畫卦止是畫出乾奇坤偶兩畫示人俾天下盡行曉得人之所以爲人底道理只有此兩畫定要掛得到身子上如掛得到身子上便喚做人如掛不到身子上便不喚做人其曰八卦定吉凶掛

得到身子上人也吉之定此也掛不到身子上非人也凶之定此也聖人非欲預知人後來之吉凶而謂之定也其曰神以知來知以藏往往古吉凶之理即今來吉凶之理今來吉凶之理生于著往古吉凶之理具于卦卦交缺一而往无以藏矣著數缺一而來无以知矣藏往體天地之撰知來通神明之德類萬物之情藏往先天地之始而无其始知來後天地之終而无其終藏往无極而太極知來太極本无極藏往考三王而不謬知來俟後聖而不惑藏往日知以卦為知而卦外无知初非世之伎術之知知來曰神以著為神而著外无像抄卷三 附錄

三十三

神初非世之神通之神茲義自孔翼外已盡湮晦无有不賺入京焦伎術去若甲子又似緣卦畫而起今以甲子為易之鑰則陰陽曆日視之易詎不為尤要歟恐治曆明時止是六十四中一卦之義耳夫易逆數也謂知來之書詎曰不然顧聖人之言知來也以吉凶之前定為來乎以吉凶之貞勝為來乎如吉凶皆前定中和位育盡性參贊祈天永命等又安所用之行險僥倖將无所不至矣如吉凶皆貞勝則遇災而懼及災為祥矣恃祥而忽反祥為災矣易占義理之占徵往詔來之大業伎占禍福之占揣摩推測之小數自秦漢以來盡以伎

占為易占蓋大儒而猶未免矣

來教乾坤二卦為諸卦門戶闔闢往來六十四卦盡在其中有個關捩子麼既謂之乾坤自然一闔一闢開戶謂之乾乾則自開闢故為乾非乾之外又有關捩子以為之闔也闔戶謂之坤坤則自闔闢故為坤非坤之外又有關捩子以為之闔也

來教升謙泰艮臨損節師渙蒙大畜中孚諸卦中爻各含震何俱不繫以甲云云疊言甲以震為象此不易无疑如升謙等卦亦復繫以甲聖人而為此重複文字則非所以為聖筆矣雖然升之三曰虛邑四曰亨岐震為像抄卷三 附錄

三十三

大塗故虛故亨也謙四為五侵伐上征震動上行故无不利也泰五曰帝乙歸妹兌為妹震為歸也艮四曰艮其身下止為屈上動為伸艮止而震行也臨三曰既憂之反說以為憂懼者震體也損二戒征懼妄動節二戒不出懼非所止而止皆震也師貞丈人吉長子渙奔机蒙初大畜逐良馬中孚鳴和之鶴皆震象皆甲義也不重複繫甲而與甲相通者也

來教督睽殺舜紂四文王為理外之變浚井而出與夫食子肉進潘女為理外之應云云據史記舜穿井為匿空旁出若然督以非理加舜變也舜之應之有空可以

匿又可以出初不失其常矣紂以非理囚文王變也文之應之據子之翼易曰順以則初不失其常矣食子肉進淫女之云似當入齊東語類中且惟極天下之至變而初不失天下之至常故言不可爲典要而卽足其義曰既有典常夫是以謂之易有太極也若云稍變尋常莫非理外翻倒太極矣

來教象數失傳謂用象用數之孔竅如言象雷以動之一段與天地定位一段卦位因何不同帝出乎震一段與雷以動之一段卦位因何又不同神也者一段因何單言六子此等處謂孔子不傳象學不可若謂今人能

像抄卷三

附錄

三十四

三

傳孔子之象學吾必以爲未當期之日與萬物之數必非徒爲模擬四營十八變豈是撰著小法此等處謂孔子不傳數學不可謂今人能傳孔子之數 學吾必以爲未惟邵子得象數孔竅邵子曰天數二十五合之爲五十地數三十合之爲六十及存一去四云云及孔子卽象數中贊出許多理趨後人遂單認爲言理之書爲誤云云夫象數失傳謂言象言數者溺四聖人之意則可若徑謂孔子不傳象學數學然則易翼中所言又何物乎謂今人不能傳孔子之象學數學可若謂又有用象用數之孔竅在象數之外然則象數又何物乎邵子

像抄卷三

附錄

三十五

三

曰易大衍聖人之倚數也天數二十有五合之爲五十地數三十合之爲六十故曰五位相得而各有合夫聖人明言天數五地數五五位相得而各有合天數二十有五地數三十凡天地之數五十有五此所以成變化而行鬼神今却云天數二十有五合之爲五十是兩個二十有五矣此從何來地數三十合之爲六十是兩個三十矣此又從何來天數二十有五外劈空加一倍地數三十外又劈空加一倍是天地之數凡一百有十矣何以云凡天地之數五十有五也此邵子之倚數而非聖人之倚數一邵子曰五十者著數也六十者卦數也五者著之小衍也故五十爲大衍也夫卦從著立著以求卦非著自著而卦自卦也以五十爲著數單是天數而地无與矣以六十爲卦數單是地數而天无與矣總天地之數爲五十有五虛五不用故曰大衍之數五十如曰五者著之小衍彼五十者單是天數乎抑兼地數而爲言乎抑就天數二十有五而衍其五乎抑就地數三十而衍其五乎如以五十止是天數天數无兩倍也如以五十專爲著數六十專爲卦數以著則不通于卦以卦則不通于著卦專屬地不應有乾坎艮震等策矣著專屬天不應有巽離坤兌等卦矣此邵子之倚數也

聖人之衍二邵子曰著德圓以况天之數故七十四十九也五十者存一而言之也卦德方以况地之數故八八六十四也六十者去四而言之也夫著之德圓而神謂卦未立而以著言如天體之圓而无方所故曰神耳非著單屬天數而不兼乎地也卦之德方以知謂著既撰而以卦言如地體之方而有定位故曰知耳非卦單屬地數而不兼乎天也大衍之數五十合天地之數而衍之虛其一以爲太極故用四十有九謂四十有九適合七七之數可謂五十爲存一而并言之亦可乃謂卦數六十四六十者去四而言之豈如六十爲節去中乎

像抄卷三

附錄

三六

一

以下四卦之說乎吾誠不知何故而去且欲何之矣其曰著用數卦體數用以體爲基故存一體以用爲本故去四豈天爲用數而地爲體數乎抑陽專屬用而陰專屬體乎圓者本一故著存一已不相通方者本四故卦去四尤无去處其曰著之用數七并其餘分亦存一之義掛其一亦去一之義與分二掛一歸奇之義不勝刺謬且既謂之自開一門戶自成一體裁又何能爲文孔之註疏也易以象爲像數爲衍今人不得邵子之意其于皇極經世之言象也象而已像何在乎于其言數也數而已衍何有乎易之言象數也以定天下之吉凶

今人之言象數也欲預知人未來之吉凶二程夫子與邵子同里開數十年絕口不言蓋預稽邵子之流耳來教以後人單認易爲言理之書爲誤遂因病葛藤約言之乾坤兩畫一闔一闢而已試驗此兩畫湊手乎未乎其湊手言數即數言象即象言理即理如未湊手言理非理言數非數言象非象來教云知易即知幾造化之妙隱于无而不能不露于幾以邵子聞天津杜鵑而知二十年後南相之禍以致亂豈无他人而獨曰相年數豈无遠近而必曰二十此非易不能此處

像抄卷三

附錄

三七

四百六

謂非易易之爲道百物不廢也此處謂足以盡易恐義文周孔之大旨不如是之瑣細矣且夫京郭管李等先知之術果義文周孔之大旨乎果與邵子可以例論否乎以京郭管李等例邵子不知邵子者也以邵子例義文周孔謂之知義文周孔或未矣尹和靖曰康節之學本是經世之學今人但知其明易數知未來事却小了他朱子曰康節能盡得事物之變却于大體上有未瑩處或問朱子曰先生須得邵堯夫之術朱子曰吾之所知者惠迪吉從逆凶滿招損謙受益若是明日晴後日雨吾又安能知耶此足以知康節之于義文周孔不可

以例論矣抑邵子之自言曰物理之學或有所不通不可以強通強通則有我我則失理而入于術末教以認理言易爲謬誤得无爲邵子之所未許乎又考邵子之言循理則爲常理之外則爲異矣初未以理之外爲易也

古易質疑 六條

易猶鎖也鎖必有鑰而或者不明其鑰又舉而投之汶汶之地俾天下馳而不返則學易者之過也竊疑易既爲鎖未知何者爲鑰抑未知以鎖爲象乎抑言其鎖而不開必待鑰而後開乎閫戶謂之坤閫戶謂之乾一閫

像抄卷三 附錄

三十八

三頁全五

一開謂之變易也非其常鎖而不開常閫而不開又有一物可名爲鑰用以開易之爲鎖者如謂另有鑰以爲開鎖之具未審即在易內歟抑在易外歟不肖正授之汶汶之地者敢請發鑰

武王滅紂實爲丁丑之年武之出兵厥日癸巳受命踐祚厥日巳卯三言于斯悉符云云竊疑易有甲日庚日巳日之象竝无丁日癸日之象言丁言癸訓詁家添出之辭耳今援以爲丁癸之符又甲日繫于蠱庚日繫于巽與革義似不相蒙或丁癸巳三言與武革命之事符矣象以聖人謂湯武革命順乎天而應乎人武適有待

而湯則何徵蠱言甲亂則有治終則有始之義巽言庚巽爲進退不果庚乃斷制之義丁癸雖或有符而義象則似无取又如革之爲義乃徹骨徹髓盡爲翻轉透底變化之大學問大人虎變未占有孚龍興而雲從虎嘯而風烈天下莫不風從之象亦非定指征伐爲革命爲虎變大人君子有透底變化之學問尤爲革命之大虎變之大者總之要自黃離巳日中流出兌離合而成革離即已兌即庚巳而庚庚因巳有徹底變化之象庚巳大義似不過如此

像抄卷三 附錄

三十九

一邵子循理爲常理之外爲易故易也者變也變也者權也及唯變是適不論常理云云竊疑不可爲典要唯變所適詳其上下語意猶云不可以上下剛柔爲典要也唯變所適謂上下无常剛柔相易變之所適无適而非典要非其无典要也後結言既有典常謂以典要爲常原始謹初率其辭之所指揆其方之所向出以度外入以度內卦卦所適之變盡以典要爲常而有其常爻爻所適之變盡以典要爲常而有其常如是則得其人而道行故曰苟非其人道不虛行也昔者聖人之作易將以順性命之理一部易皆性命之理也以理之外爲易則謂易爲變將變在理外謂變爲權在理外豈常爲

理而變非理乎豈經爲理而權非理乎若謂有理外之變理外之權是以有理外之易常理在所勿論之云亦邵子之易非義文周孔四聖人之易也

一象數失傳無從討究雖幸有邵子之皇極在而汗漫難尋機關尚隱云云竊疑易有卦爻卦象卦數爻交象爻交數也易在而象數在如以乾言之六畫皆奇乾之象也六畫皆乾奇之數也潛見惕躍飛亢皆象也初二三四五上爻各三十六策合之二百一十有六策皆數也舉一卦而卦卦之象數可推舉一爻而爻爻之象數可推不知何以謂之失傳若邵子之皇極自是邵

像抄卷三 附錄

四

子之象數與易之象數似若負不相蒙然總不出易之象數中

元亨利貞易之四變也仁義禮智人之四應也假令當體仁而嘉會當和義而貞固已失其所以應變云云竊疑元亨利貞四字已該盡一部易理總之一體分作四截一氣分爲四段故有此四字名目假令當體仁而嘉會如春行夏令也當和義而貞固如秋行冬令也正以失其常理故至此聖人言易有太極常也周子翺之曰无極而太極太極本无極无極易也太極不易也至易而不易不易而至易至變而不失其常至常而未嘗不

變此所以爲易謂易不論常而專論變應變爲易而拘常非易此足以破世人拘常之固而于易有太極之義似屬未圓又仁義禮智雖名性之四德其實只是一德時出一德者乾坤之元也元德虧欠易失全體遂有應用反背之處耳

用易之道有三有无心之用有有心之用有引証之用凡无心中忽有變動或身或物卦象自呈則幾來矣則用易之候矣故曰幾者動之微吉之先見云云竊疑人外无易易外无人候幾來而後用易則易有遠人之時矣且所云幾者謂何幾者動之微天理迅動之端倪也

像抄卷三 附錄

四上

聖人于復言幾于豫言幾復雷在地中豫雷出地上執事所云邵子雷起之問雷起者帝出乎震之肯也寂而感晦而朔亥而子皆雷起之義象執事无心中忽動其謂是與顧无心之變動義亦微有不同寂而感之變動或雷在天上或雷行天下此乾道无心之變動也晦而朔亥而子之變動或雷在地中或雷出地上此坤道无心之變動也聖人于乾道之變動言幾而特于坤道之變動言幾此其義微之微矣是故雷自天行起之自天乾道也聖人分上事也雷從地出起之自地坤道也賢人君子分上事也夫易聖人所以極深而研幾堯舜

兢兢業業一日二日萬幾俟幾求方爲用易之候疎洩似屬太甚矣如何如何

古易題辭

易有今古之異乎義畫爻象周爻孔翼皆古也無今也今古之分漢有費直本初畫全卦再畫本卦又畫覆卦繫以象爻與用九用六之辭後以一傳字加彖傳之首鄭玄本于費本有省移初九至用九爻位之文加爻辭之上合彖傳于經于彖傳加象曰字于象傳加象曰字王弼本移文言附乾坤二卦之後加文言曰字以孔子贊爻之辭本以釋經乃各附當爻每爻加象曰字曆代像抄卷三 附錄 四十三

因之是爲今易漢藝文志云易經十二篇呂大防定爲經二卷傳十卷晁說之釐爲八卷呂祖謙復定爲十二卷一以古爲斷是爲古易瀛海耿侯之述古易其自彖象以下有所更置序正者易辭也其于易畫上下二篇以今文上篇三十卦一百八十爻下篇三十四卦二百有四爻通爲六十四卦三百八十四爻古文上篇一十八卦一百有八爻下篇一十八卦一百有八爻通爲三十六卦二百一十六爻變之卽六十四卦二百八十四爻侯之言曰六十四卦三百八十四爻易之體也三十六卦二百一十六爻易之用也文王泄天地鬼神之秘

于指掌其用至妙而難言故寓不言之意于譜卦之中使學者得意而忘言嗚呼得意忘言茲侯之述古之遐思乎本至愚極陋原不能言而竊逆以意卦有六十四而侯譜之止于三十六乾卦一爻之策數也爻有三百八十四而侯譜之止于二百一十有六全乾六爻之策數也侯嘗憂象數難明而謂象數立則天地鬼神未來之秘如指諸掌舉全易之象而統之于乾象舉全易之數而統之于乾數乾象立天下其有遺象乎乾數立天下其有遺數乎本又反覆以研侯意反對三十六卦其實又只是六大卦如卦之有六爻自乾坤至畜履合六

像抄卷三 附錄

四十三

卦爲一大卦自泰否至噬嗑賁自剝復至坎離皆然此上篇三大卦也自咸恒至損益合六卦爲一大卦自夬姤至漸歸妹自豐旅至既未濟皆然此下篇三大卦也乾坤陰陽剛柔之所自始管領二大卦如卦之初二兩爻剝復陽剛消長之際管領二大卦如三四兩爻夬姤陰柔消長之際管領二大卦如五上兩爻是又合三十六而止成八卦六爻云爾此正所謂易簡而天下之理行象豈遠乎哉數豈多乎哉豈凡今學易者之所易窺乎哉昔者堯舜順稽古精而一孔子好古博而約侯懼入之多言九言而曰學易者用易之謂也古易之譜譜

此或曰文之序无改于義畫也侯之譜无改于文序也
余曰文雖无改于義然不曰易興于中古乎侯茲无改
于文而譜之意則遠矣思挽今而進之古者至矣視世
之窮年岫岫殫精註解以言求易而卒无得者相去遠
矣萬曆丙午秋季之吉

少卷三 附錄

四十四

亥

像抄附錄卷四

○先後天圖雜咏十六首

坤乾夾兌夜歸坎艮巽扶雷辰向離識得坎離升降義
幽明何事不通知

乾坤南北有常位離坎東西亦定之顛倒乾坤翻日月
四偏妙用少人窺

巽兌依乾日麗東山雷親地月華西羲皇聖訣歸丹訣
千古人心盡自迷

龍虎鼎中調日月山河架上定坤乾世人不解先天旨
妄謂堯夫有別傳

像抄卷四 附錄

一

香子

乾坤性命千年正日月光華萬古明山澤風雷雨化
此身端不會虛生

離往乾中坎就坤兌開坎戶震離門生生化化无窮了
只為陰陽自互根

巽兌相反艮震通巽坤乾艮亦相同陰陽變易終何易
應識從來有主翁

坤虛坎到中方實乾實離來中乃虛自是誠明千聖脉

豈容異教妄加添念菴義皇去我久惟有卦書有先天
果何在南北分乾坤沈冥淵要涉陰
陽互吐吞當其往來問逆者為天根太極本无極沿流
豈无源如何大易內有圖不盡言翻今自陽草窺竊傾

門專

四正陰陽五精四閭根窟各分明安排謂屬戮文手
天地文章豈譌成

翻倒先天與後天東南東北只依然乾坤密意流行處
莫是義文亦慎傳

二判鴻蒙八已成更于四六要分明四如无象六无位
白日青天總是旨

十不平分何謂然九南一北露真詮更將三七從頭看
全體時中義盡傳

一六源流未實研後先消息總茫然虞廷明指危微訣
更藉圖書以象傳先天乾一坎六
後天坎一乾六

像抄卷四 附錄

二

八德原超形器論如无變易亦空章時時處處盡翻轉
方有工夫許入門

天分于乾一力擔地功坤外别无堪都來六十還餘二
兼兩兼參故號三

全體乾坤唯當念周流妙作六虛環僅從畫後窺精意
混開源頭尚一問

○先天八卦吟六十四首

乾一 八首

太極何形虛有象二奇知是極傳神分三遂作三才位
成位乎中止一人

不探儀象卦爻先乾畫將來止作天見到乾龍盡无首
方知乘御有人乾

人乾要識統天乾天不違人人存先若以地論單是順
難容翻立到人前

一息之微是一元敢千方寸不知尊但教弗失司南意
便任從頭論到坤

物物之生首在先其主也直是人乾橫斯禽獸倒草木
太極應无偏與全

四九九十六分之一義何曾有動移首出自來尊莫對
言无都屬後天時

像抄卷四 附錄

三

爲問何爲无極真七俱陰維一陽純仙流且竊成冲舉
聖學難容獨腐陳

認之爲天盡在心認之爲命修在身庸言庸行只斯今
斯今不了俱无人

兌二 八首

浩渺東南直接天澤天一氣共迴旋畧爲分山澤頭而
遂作天工二義傳

時物行生誰與言不言爲說有來原人人口代天爲允
最忌貪天作口恩

坎水陽施兌以陰兌陰說物義深沈從夙淪決直透髓

神了无言一片心

離在陽儀已結精震來更若有聞聲獨滿湛湛彌天澤

默與天行一樣情

對宮有良方通氣後列爲離到卽唏妙悟太虛雲一點

不應名遂始西歸

乾陽自上忽交陰祿施无窮已上淋非待决之然後决

决之斯作後天吟

圖書十二行稱火象立東南以澤論澤火分形相息滅

誰曾一體反探原

八原如輻貫一轂二更天南近至尊有喜同人盡歡忭

像抄卷四附錄

四

言无

欣欣草木亦俱蕃

離二八首

陽明曾不自爲光認照爲明更眇茫知有精凝懸象外

求明安得但東方

太陽盡道屬人心心性微分索細吟不向性天求旦旦

自東離出總露霓

露音光

夜晦晝明爲日麗通平晝夜是人離无人但日盡長夜

那得三才配兩儀

入三是木離何屬火體无形麗始成人不麗行憑獨見

青天白日只盲行

三生萬物一生三萬古文明盡此由不到後天方易位

日躔原只在天南

允始陽消次卽離于乾全體總无虧自非虛極中如洞

安取東方獨出寅

寅以寅翼其二切

水火既稱相不射水何有燠火无寒世人不悟陽尊理

先合從東一醒看

未三之前麗何形有三之後然一星然之遂足照今古

不然不足照一橘

震四八首

由來天載寂无聲子半聲聞已後庚肯向不聞先恐懼

像抄卷四附錄

五

往來應謝沛爲驚

極陰之下一陽起謂是天根舊在誰若欲按圖尋起處

恐于初畫已傳枝

少陰三四屬同根震不先離妙義存明未東方先有震

轟天盡恐作驚魂

行天風起金爲母奮地雷來木作公長木首司翁媪事

滿函生氣已先東

陰非陽迅鋼難開陽不陰蒙銳易摧識得先聲隱東北

動幾眇忽敢輕來

盡道長翻纔出震誰知雷轉化山靈暫來東北分先後

動屬先聲止後形

凡聲聲必自无聲東北何聲輒有驚未徹聲俱從寂發
空煩揣料發前情

一分至四俱爲動悔吝凶災俱動生爲有震要全動體
四无傾後八俱貞

巽五 八首

一氣陰陽神不測无心寂感妙隨時塵氛自不來天宇
也合先幾爲一吹

有竅生情輒怒號化工原不著絲毫相逢莫漫分根窟
來往雖閑密有操

像抄卷四 附錄

六

坤未來時定倚乾天教嘘拂我何權坤來遷出東南去
一切吹颺更對天

陽儀終震慎出往巽始陰儀逆入探入義不成安有出
先天一逆在西南

陰初曾不異陽初一闔專來歛一舒面目况從中五出
不東南也總春嘘

五惟中數巽當之入不干中義盡濁有欲先風知所自
一无偏倚是颺颺

風雷相薄俱神氣風比雷聲更遠微千百世懸分上下
前如有作後俱興

後乃爲雲光則雷雲飛雷厲每俱來須臾雷雨齊收捲
景與清寧一樣開

坎六 八首

陽涵陰魄三通偶陰孕陽精六亦奇三六看來俱互體
東西不射更何疑

人言兌決成流水那識原通澤始鍾水派莫詳流自出
北歸仍不是朝宗

乾居一位坎爲六六以乾居坎一之一六後先更互見
渾淪淵浩少人窺

先天乾一坎六
後天坎一乾六

有世界來都是陷先天何陷可形容只看陽在陰中象

像抄卷四 附錄

七

便是層層險萬重
五前不作上巽水七後仍非下出川五七同根方靜翁

欲窺發象竟淵淵
萬折流來必自東沿流誰會汭西宮從西逆數知居六

方識源頭處處通
體原陽水數居陰空未雲時淵更沈向北有遷陽得數

子前依舊是希音
本體從初有習占原非文手爲加添汭來都是源頭水

纔習无波不是恬
艮七 八首

動靜互生原不易陰陽迭運更非遷應知止義從頭定
亡未分來象已全

論形真是一卷少得數將无七亦多最惜當前无兩卓
空于萬仞嘆嵯峨

少男那是偏慈母嚴父常令事四方懼到歸來身亦羣
母前安忍不傍徨

積氣曾聞一笠輕龍從那得是山情後人後說良成義
便道天无柱不擎

天不遇山方有遜有山天不在山顛少男一握先天掌
更不山中又覓天

像抄卷四

附錄

八

三

乾坤重擔在人承小子從初便欲勝恃却光明少停待
轉頭不覺是翁稱

造化有流應有峙七如爲六砥中流到頭與八相函附
更欲同銷巖險憂

睇望二情方忌滿回思七義復憂傾同携五六歸坤靜
一靜能教萬動貞

坤八

八首

承天應地始名坤地道光時天更尊擬向後先尋此義
尚疑終未徹坤元

乾陽盡隱坤陰見坤是全乾隱象身謬執坤消息

世間何物不空淪

天然定位列尊卑一義无爲八有司由八逆行要到二
盡頭都爲一捐糜

奇偶纔分輒入論要令六子盡承尊從初便是无成義
不待玄黃入語言

南北有經樞在北圖書俱以北爲原但迎自北來南氣
宇宙何時更有昏

裳衣上下總綱維治極黃虞只正番又欲西南問行往
黃裳更作萬年儀

鴻飛曾不到差池定分如何可一移試看兩儀終至八
像抄卷四

附錄

九

三

到頭一柄屬誰持
方圓相倚无基重定得圓來每屬方先向北方求定義

一九彷彿已中央

○後天九章吟

八十三首

坎一

九章

物命要歸盡有根人生安得弄精魂若知竅妙天山裡
第一源頭怎自渾

從坤立命歸乾始自坎翻身亦九還坎不離坤爲性命
一沈遂不到人間

外陰任裏千重險不蝕中陽一點光萬古人心盡如此

北窻何事夢羲皇

一墜斯須便八層到頭猶喜是淵水若非寒極水爲骨
淵底如何有一升

一綫微陽伏九淵發來雷雨便彌天世人未識坤藏肯
蟻穴針芒處處穿

精在重淵已燁成不緣出地始稱明大明若向中天覓
依舊沈沈是黑阮

一物如何八物分八分仍是一爲君淵潛具足天飛量
卽不與時也自雲

坎宮人人故自投也緣坤坎不相求若教履險如平地
像抄卷四附錄

步步光明到盡頭

地在天中似易知天居地內索沈思能于晝夜通爲一
方是劈頭相見時

坤二九章

老退西南事合休如何與坎緊相求兩間男女俱无恙
尚抱遑遑陷溺憂

恒言重濁疑爲地亦謂惟坤乃地名偏局西南旣非義
輕清分得怎資生

翁因西北媼西南離坎遷來自互參少長一時咸速肯
入俱成七動成三媼鳥啼切音與協同

原位先天正北中西南一去萬源通洗天浴日歸滄海

到底无踰平土功

未論厚載合无疆一撮之多盡有常人不失常根一念
天冠地屨萬年康後九遇切音與協同

發散自來非獲已始終翕聚乃其常只司時物初秋令
便縮一元无盡藏

水木順來常逆克火金逆去順相生平持地緯爲中轂
六百三千盡受成

物宜何事推牛馬子母相隨牝順承人道若无含括意
恐无尺土不墜作接切音與協同

像抄卷四附錄

誰向虛空立得身盡由方寸地爲人人如不敢虧方寸
六合何生不我娠

震三九章

一索爲男長莫先出三義在未三前以時出入皆依二
恐有歸藏意未傳

雷出人皆謂自東那知子半已靈靈不論發半復收半
莫擬開天第一功

焦火凝氷苦一生天昏地黑幾時清只由人耳自堅塞
造物何曾不大聲

唯雉未雷先有覺人生安得不知微時常淵默雷心者

動未占祥已吉幾

欲問雷聲何處起由來起處不容思動幾不自无方出

掣地轟天總不奇

錮蔽何由得復開一聲應道自天回聞聲莫向默神會

嗥蹴當前俱洊來

戰兢一脉古來傳真正英雄敢自便夜半人人有消息

无如酣夢日安眠

天意由來重絕人震躬不及必于鄰欲將惕厲憂勤意

散作千門萬戶春

先四今三以近遷為催旭日到天動生明矣明生動

像抄卷四附錄

巽四九章

每旦東應思爽然

陽愆陰伏總為災三動應須四散來不獨清明司正令

入俱從律日時哉

母來遂出位東南此意誰知為長男但一動時隨一撓

要終何動可生慙撓較教切音與

不潔從初便已迷不齊更自隊塗泥天工付物令自入

纔入微來便潔齊

雨暘寒燠具徵休每抱无端撓屈憂瞬息盡含消息理

如何恒益不相求

聲從西北多愁慘解凍由來必自東古有虞皇稱妙手

時時更轉入南宮

虎嘯何為頃刻生凡求同氣應同聲汎蘭轉蕙流芳聞

安得人生无令名

恒言地不滿東南抑滿為聲義甚聞雷出不驚離化日

一天膏雨更同甘

何者為幾近自微滿園春色縱芳菲即如萬點愁人處

也屬生成造化機

四時默運為神道宇宙交流是太和噓古吸今惟一息

莫教一息到偏頗

像抄卷四附錄

中五九章

二二三四互相參生氣從中已滿已成即是生都此數

原无一宅八為龕

欲將十數兩平分兩莫能推便盡夢從一運乘分至九

奇行方顯宅中君

降即是水升即火或左或右木金神居中不定為專氣

奇偶分來作八純

不道從中推出去不從八外轉將來纖毫置待推移力

心目猶然扶未開

虛實俱從有主論虛何空寂實何痕只常喚得惺然在

天地翻來也自存

奇數分奇歸正列偶分成偶以偏居兩端妙義依稀具
泥五爲中義復疎

一疑未盡又求中中又何庸効八功卽八卽中无兩義
用中不是八歸空

四隅爲窟全圖坎四正爲君全象離離坎之中卽中五
乾坤全力并干斯

九麗爲陽一陷陰三生七歛五中姪更將四偶來參伍
纔識平分造化心

乾六 九章

像抄卷四 附錄

十四

二五九

尊體何曾西北傾要從離九發天精况分艮出歸東北
始始終終更有成

六以六乘三十六六十四義遂无餘始知後六卽先一
獨運周天爲帝車

先一後六種一粒乎甲生來粒盡消一粒消成无限粒
一原非乏六无饒

首出何緣又貴无凡爻有六盡乾符試占潛義原乾始
到用從初便足虞

六用爲坤那屬乾須知地外别无天天飛田見神不測
定位由來自不遷

三六合來原是九六驚三震卽乾乾人人乾體自不息
只不能強便不圓

四以七終分地戶六原三始列天門天行全體要終始
西北如何不宅尊

莫謬偏居西北隅紫垣原屬帝尊樞幾人到此純无愧
風虎雲龍在合符

爲何倚蓋從旁轉時令須歸四正行獨抱嚴凝爲城主
大生原自不生

兌七 九章

像抄卷四 附錄

十五

母顧前兮父後貞相看少女喜如嬰人心感到和平極
恰恰嬰兒孩笑情

出三物物發生元入七都將肅殺論不到西成遂无實
秋門那得異春門

戚戚眞爲迷自心若求極樂亦邪淫異流竊向西方去
中國高明溺到今

水豬自地咸歸澤露湛從天莫戴恩知是至仁恩盡泯
未如天也說難言

恒言口舌是凶場半語如非亦作狂朋友相求如澤麗
不容聲處盡輝光

易戒何爲示喪羊外柔內狠甚非祥體剛用順爲貞說

到處羣行寧有妨

木落泉枯華盡歛
累累萬寶告秋成
相逢講習緣何事
金不洪爐永不精

先原屬火後成金
誰物能移百鍊心
但遇火來仍百鍊
无言至說此中尋

澤水如何滙七西
漫流到此盡歸隄
自從與坎相還返
一檐乾坤入手提

艮八 九章

少男莫把少來看
驚震翻身到此安
豎立人寰作天柱
橫空无不是龍盤

像抄卷四 附錄

十六

八七相友義不遷
一周天運始終旋
光明直上通巔頂
不到全乾已號圓

徹底深淵徹頂山
密重重是護天關
凡思不出艮思位
迅雷驚雷不得間

初中兩索到三成
動不能驚陷亦平
人有此身俱泰岱
如何東休又西傾

役役營營只肯休
爲无歸宿地堪求
夜來深藉山靈力
指我層層最上頭

尺寸從初不蹈空
培樓无不到龍從
祇憂九仞垂成候
還缺要終一簣功

橫看爲嶺豎爲峰
山亦何曾有定蹤
不指山中笑山外
一源河洛盡來宗

始終萬物成爲盛
行止兼來又妙時
若懼當門无定脚
急回東北細尋思

百尺竿頭思進步
卽來絕頂未安身
如知究九南歸意
儘有工夫與日新

離九 九章

大明南面要終始
東出西沈見量然
明眼都无方滯礙
時時應道是中天

驕陽燥性莫禁持
東盡西流北涸之
物物南方可相見

像抄卷四 附錄

十七

化工知到極和時
世人多謂天明暗
明暗由來不屬天
求旦且知昏曉義

人心何得遂茫然
五行生性俱偏發
惟火尤爲不易平
從一深潛要到八

一星都是一天明
九在先天本太陽
一如爲首九何光
須知離畫非中暗

无首羣龍盡此藏
燧皇作燧有深慈
每爲圖書秘玉匙
新火四時无一改

有生盡喚突焚屍
乾位由來以六成
若論乾德盡離精
和雲和雨同行施

无日中天不大明

水中生物恒无盡曾不聞從火裏生為是有光都外發
不根內暗不成明

九于龜洛為離位原在龍圖屬坎宮始識流形雲雨後
都歸終始大明功

○隨吟 六首

隨道唯時係亦膠丈夫功在出門交有如只作閉門事
縱善難辭小子嘲

四方上下盡吾廬門內如何是定居係子係夫皆婦道
兒男安得婦襟裾

像抄卷四 附錄

十八

言案

及時婚媾稱嘉禮惟善為隨乎更嘉牛馬服乘寧憚遠
為窮天地善无涯

下得柔來惟是剛更于晦處有深藏壘天一息根淵底
湛露何由到隕霜

盡人能下為隨動淵默雷聲入息時王度自來惟正已
但令人喜便成私

一日長東暮必西自東有出入何齋會家天下人中國
字到西山始不迷

○盤吟 六首

无人不有乾坤事巽艮尤司重檐因巽入艮成方是幹

不將六甲問丁辛

艮荷全乾巽負坤蠱稱父母恐離根根深幹乃參天長
到底難酬罔極恩

百病盡堪憂父母若淫惑疾更憂深須知標治皆枝葉
風必從東是幹心

平地无時不大川一絲惑溺况滔天二人為此煎成病
利涉如何勿直前

莫將子病稱親病親病由來盡子瘡三日後先都是甲
回生起死在須臾

王侯事任有時卸子分終身无日寬身不自卑親更尚
像抄卷四 附錄

十九

三言案

高山蠱蠱到頭看
剝復吟

幾年剝復循環讀註脚盤旋總隔膚剝宅到安方碩果
復關无閉盡迷途朋來自不通商旅民載誰曾蔑足跌

爛義更教先入手友生直闖後天圖
井鼎吟

井鼎何緣竝上身坎離南北媾姻親井无泥谷是除舊
鼎到聰明為取新收已有瓶皆足綸鉉金无實不稱珍

細于水火求精義寸縑消流盡入神

屯蒙吟

屯雨蒙泉莫外求盡于心坎覓因由但聲便有一天潤
纔應俱澄萬頃湫女子是貞終乃字金夫无質也回頭
馬班三轉成三順雨意泉情一樣流

需訟吟

无人不共此心天與坎爲交盡大川需在血中應蚤出
訟于淵底怎長眠三來客意无相負三禡人心亦自平
得到終身是平水誰教天體有虧圓

次于元時論易

四首

求明須用折豐肱恒德還羞有或承太極一圍爲父祖
四千九十屬玄曾肺腸盡顯方成象手足无交亦遜蠅

像抄卷四

附錄

二十

三

直向犧皇心地騁相磨何處不平朋

漫于理窟索精微子夜聲來見活機共惜刪餘詩不作
那知翼後易无揮一園羨爾窩中是百衲慙子漢上非
得到洗心无事事只今三兩盡春沂

孤立无群義不成一爻一應鳥鳴嚶解非澍兩安孚甲
革用黃牛纔有庚番倒乾坤爲妙手正安離坎不心睛
頻年摸去重門銅頃刻開來游震行

盡言良不足爲書言到无言意有餘有健不粘乾是馬
入微却以巽爲魚虛談浪說无庸象實種看來要力鋤
爾我心期忘老至勝教空裏覓真如

先後卦圖雜吟

七言十二首

從先論後猶形影由後求先在逆論下實上虛南北正
左升右降坎離勾山雷轉處流增順風澤旋時麗更新
欲得義圖真合而應于文序密潛神

日不于天爲失麗水非歸地是空流天光有竅從離發
地脉无涯迦坎求悟徹離來俱地載習知坎至盡天謀
但將坤坎立下脚定取乾離到上頭

八物相求數盡參震離纔得會三三是明必震應无察
凡動俱離寧有震震爲半聲來艮北離囚全照到天南
三三入手終要六每日東窻夢亦酣

像抄卷四

附錄

二十一

一念何爲分八貞義文恐亦自難名乾坤混闢纔无我
日月升沈始有明息息風雷函變化時時山澤定平成
這般那是支離事畧放寬鬆便囹生

心象如何獨坎名人心多少昭難平但无密地終歸漏
纔未盈科總不行原始屯蒙深莫極要終渙節奧俱傾
斯文千古茲常在四聖心傳誰與盟

文聖潛心盡伏羲試看序義更无爲求端定自屯盈始
要極應終未曳時不向坎中疏地脉怎于離内透乾知
分明先後如符合易簡工夫那有支

根窟相函有定論也應通變一翻掀掣天風入探何窟

膏地雷來躡就根畜密是乾皆姤遇豫冥无復不坤元
往來閑得亦忙得者得閑忙恐弄魂

休將井邑妄疑猜泰上曾從告命來泰初五兩初泥不

教窮底泪骨五泉怎得正中回大端氣質皆應變任有

功能未足材求到王明竝禔福便應脫換舊胚胎

屯女何為待十筭天行癸甲每相禔願終勿用緣誰拂

復上无征祇自迷象在眼前呈妙義數千日用露天倪

自從象數經揮斥明顯俱驅入晦谿

換机何為必用奔水中那得是人村到如魚鱉方无問

既具鬚眉怎許渾巨浪莫搖盤地石疾風只拔自樞根

像抄卷四附錄 二十三

淋漓上血終期出况有從初馬壯存

漸陸要終卽是達陸于南北有分岐南來人世盡羅網

北去雲霄在羽儀小子且知防寇患征夫那忍遂安危

但令勿失于磐意任有狂風倒地吹

汜濟何為病未孤任令善涉尾終濡只從半武不真處

便作終身大惑途靈變入神都是媚頭顱到白不成夫

至人象示心綦苦无奈臨岐盡泣朱

先後卦圖雜吟 五言二十首

掘泉在西北西北翕靜方泉必自山出先後先函藏始

雖涓涓微終成溟渤章泉源自潭塞枯樺頭白忙

知坎始知心知心亦知坎心地自到平性天誰復閑九
見根一歸一以入玄覽逆順先後間朝聞夕无欲胡感

然不

言意傳較淺象義示似深雖勿病言恐還虞受象瘖或

欲專忘象空无禍又侵義文不可作迷罔到于今

入物莫非心何緣獨坎譙中光微一線外暗密千林子

半已難識西原誰更尋有能醒陷義可免到頭陰

巽必乾離輔艮惟坤坎親但流俱有砥无照不成春出

入東西尸轉旋南北身一隅微彳亍入義盡湮淪

乾稱健者施施以實陰虛上施膏澤零下施和風嘘中

像抄卷四附錄 二十三

施遲日麗物物有陽舒所以巽兌離尊乾俱南畬

坤稱順者受受以歛陽實上受兼山止下受洊雷出中

受習坎陷物物无陰恤所以震艮坎親坤俱北臨

後離反先乾離乾不相奪乾陽但中虛離光遂外發虛

自上下始巽兌交相窟全虛便成坤坤虛盡乾逆

後坎反先坤坎坤不相陵坤陰自內實坎精遂中凝實

之微上下艮震交相憑全實便成乾乾實俱坤興

陰陽分兩端允執惟一理乾旋坤必轉坎降離自起

艮一及身震兌東西倚兩化一故神分明用中旨
少壯慕上子男女惟一我老去兼翁嫗衣遇父母總亦

汝乾坤兩岐稱貌焉謂中處仍恐一膜隔肝胆亦
乾坤為首腹坎離為耳目震巽足股隨艮兌手口拘俱
吾一身物如何向外逐百姓病不知君子寧无惡
相見是千正難求在子中後乾仍有戰先艮未遑躬謂
勞誰曾出云歸自故宮龜書湮塞後千古夜長夢
震惟動出端巽乃逆入始動出多透外逆入多向裏庸
愚喜順呼明詰珍逆揆忽然夜半風妙悟等雷起
順往十一易逆來千百難往來皆震厲逆順盡隨官濟
首應終沒屯桓必始盤祇憂到敦艮尚恐作闕觀
方知掛于八圓義章則九方必以圓行圓亦藉方守馬
像抄卷四 附錄

二十四

或繫其足龜故既其首章編即三絕一隙曾何有
天根不易躡月窟慎所遇靜翁全體天動闢大始路思
肯淵未發易數渺逆沂飄風久零亂驚雷但蕙懼
形生神發後无竅不外漏閉關動成復貞柅靜亦姤往
來重逆數婚媾戒匪寇蒙局自不啓屯泣誰可救
聰明非二物坎離根互之曷謂聰不明坎陽自中樞聞
言不勝逆一人无以離雙瞳任炯炯只可喚盲兒
天意重絕人人心滋不忍夫羊牽以和遯牛執亦愍始
喜首包魚解悲終射隼孔聖欲居夷諸夏寧域吟

像抄上經

三

易以卦象發揮人道乾之象曰元亨利貞明人
也今輒以元亨利貞歸諸天劈頭誤起

元亨利貞四字缺一便不成其為乾道四字全大段已
是一部易了

元亨利貞是四象始而亨利于貞便是二象合之為乾
道又只是一象

聖人從資始處就說統天始之統之皆人也如父母受
人育養恩生來子孫方受氣成形已是其人育養之

像抄卷上 乾一

所及矣單謂為父母所生可乎又如五穀豈不是天
施地生然收藏之者人播種之者人人蓋要天地施
生之終而又原天地施生之始矣統得來故御得來
統御得來故終始得來終始得來故統御得來此所
以為三才之道

雲行雨施品物流行三才合一統天之雲雨雲行雨施
天下平此却單是聖人御天之雲雨

大明終始從資始處已有人道故不至此纔露出人來
大明終始有乾元為之始匪大明莫為之終其始人有
全不明者有粗淺小明者到大明便是與天地合德

之大人大明大人小明小人不明日用不知庶民去
之名入與禽獸无異者耳

乾元從頭說起乾道則原始要終以爲實者

資始流形何嘗不是乾道變化只到得聖人乘龍御天
後變化方全故性命由是各正太和由是保合

元亨合言三才之分量故曰統利貞專言人道之能事

故曰御利貞者性情也原始要終有聖人以爲之正
合性情而无不得其正故從初无失謂之乾始乾始

能以美利利天下卽聖人卽乾始故曰大也

潛龍一爻聖人反覆推明至五變其說龜山先生謂他

像抄卷上

乾二

二

卦爻皆當如是推明若不能兩則一爻之義只可用

之一事也

非天下之至健者不能潛

潛龍不易乎世于世道何賴然是堯根真種子與徒隱

之士霄壤不同正世道之所深賴也

六位各爲一位六龍原是一龍或曰不易世不成名遜

世不見是而无悶古今无一述者方是潛龍此以潛

言潛也旣曰潛時所乘乘秋冬而潛爲時乘春夏而

潛夫豈得爲時乃以一通六則有潛之潛有見之潛

有惕之潛有躍之潛有飛之潛有亢之潛有潛而潛

有潛而見有潛而惕有潛而躍有潛而飛有潛而亢
或謂以潛爲道者和光混俗而不以可法可則之適
示諸人又謂非混迹于凡流則寄情于物外名教之
所不能束如此則豈所謂龍德而隱者乎无有不融
入異流去

乾卽三三之象只一奇已象乾然必三畫而後三才之

道備必六畫而後兼兩之道全非于一畫有加

大明乾之體終始乾之運卽天卽人更不分別

終日乾乾行事也全在行上徵驗元城劉公歲晚閒

居或問先生何以遣日公正色曰君子進德修業惟

像抄卷上

乾三

三

日不足而可遣乎

君子以成德爲行如天行決定不缺一時缺一時不成

其爲天缺一德不成其爲德不成其爲行不成其爲

君子

乾卦中爻天田人淵俱著箇在字最重君子依乎中庸

全在人字得力遜世不見知而不悔唯聖者能之聖

人危人而思潛也

不君不師不相而以人稱龍此便是宇宙間第一等事

業槩言人人可與能也特言人三才之道也

乾九三知至又知終乾上九知進不知退上三時位不

像抄卷上 乾 四

同至當不易之理自然如此必欲上之知進又知退且謂至上唯宜靜不宜動此豈所以語上之爲龍乎或躍在淵乾道乃革以爲有窮通易轍之象近之以伊尹出入于湯桀之間武王逡巡于孟津之會爲應此象乾六爻孰爲統孰爲紂又謂天與不取亦是進修失時更似躍出淵外去重剛而不中解曰孔子上无天子下无方伯而所如多霸國之姦重剛而不中也文王上有商辛下有昆夷而所起僅百里之地亦重剛而不中也三重二四重五故謂之重剛不中二五其竊國之姦否抑五其商辛二其昆夷否上出五飛

四

之上故象亢解曰比干以宗臣剖心張仲以國老飲鴆傷哉平窮之災也五聖作物睹之大人固有如此无道之象否

飛龍外又添出一神龍以推尊異教此漢唐以來所无蓋由不知潛見惕躍飛亢盡六龍皆神无一龍不神耳

龍言乘九言用皆有意味故群龍而見有首亦是偏陽強陽惟用九而见无首乃吉又曰乾元川九深體味之真所謂太和元氣流行也

見龍正中飛龍中正俱已造位大人又俱曰利見大人

像抄卷上 乾 五

此便是中未大與天德不爲首之義見龍在田玩學聚問辨寬居仁行之釋田字大有工夫蓋治土爲田之田不止以凡地皆爲田也在天亦然能合德合明合序合吉凶方是在天分量

君子有龍德合天下而仰治之爲在田合天下而覆幬之爲在天合天下之人爲人而使人盡其爲人爲在人以其深心極天下之深使人人研幾以極深爲在淵

五

乾坤用九用六之繫若如六爻皆變剛而能柔說陽變陰是九變則八宜云用八陰變陽是六變則七宜云用七若云九變則六六變則九占法又從无此例以六爻皆變爲群龍无首之象又遺却見字萬以忠曰文王演易首提乾元叫醒人道人道立天地方有主提得人道明學問方有頭腦夫子贊乾元曰體仁足以長人又曰仁者人也而以時乘保合育出咸寧歸之人道將入道盡情呼破更无三才之別又曰人雖與物同生天一付精神命脉全體在人許多裁成輔相參贊彌綸事業惟人道爲能是人即天地之心故三才全是人道

大明終始始卽元終卽貞終始卽貞元不終卽无始不

貞則無以爲元故不曰始終而曰終始文序一正一反卽天地貞元之理而每卦具有終始之義

以大明以下爲聖人體乾事一膜之隔幾以千里

言大明首出不言聖人或曰大明首出非聖人而何近之而終未得不露出人微意蓋聖人贊乾合三才言乾道不單以天言乾道見乾道無非人道也

用九見群龍無首吉是乾總頭學問用六利永貞是坤總頭學問亦頗不難明只九用而非用九便見群龍俱有首矣六用而非用六便永貞有不利矣用六六上有一層乾也用九九上有一層所謂易有太極也

像抄卷上 乾

六

用六之人坤道卽乾道用九之人立太極之脚開太極之眼天下一人人人龍也盡一百九十二陽爻皆能潛能見能惕能躍能飛能亢之群龍安見乾爻之六龍獨可爲首也見有一龍可爲首堯舜不與人同人皆可以爲堯舜矣存有首之見棄一人于度外非天度非龍德矣君子有終身之憂終身不忍以禽獸待一人卽此无首之見也故曰慮以下人故曰欲竝生哉蓋无首之見乃全體太極用事之見品物流形龜山先生曰天地之間一氣而萬形大哉乾元萬物資始言萬物先已提出人道今雜人生

于物類又謂乃統天天亦在乾元資始中皆說易相沿不通之論

品物流形之後若无箇御天之人道以性命言則不得各正以太和言則不得保合性命不正情何由正利貞者性情也性命正而情无一之不正合性情而歸于正也六爻發揮旁通情也合六爻以效天下之動天地萬物竝无不正之情也

朱子謂龍水物也其出而與陽氣薰蒸故能成雨但尋常自是陰陽氣蒸鬱而成非必龍爲之由是言之雲行雨施品物流形自是陰陽氣蒸鬱而成非必龍爲

像抄卷上 乾

七

之雲行雨施天下平則奚啻龍爲之亦乘龍者之爲之矣

聖人贊易資始統天御天等事屬之大哉乾元資生承天應地等事屬之至哉坤元所謂乾元坤元果乾坤能統之虛稱乎抑三極造位之實稱乎學者要思得之

六十四卦大象皆曰以以用也如自強不息君子之健君子之天行也若云健行在天而君子以之于已何時湊泊

張敬夫一日奏事上問天對曰不可以蒼蒼者便爲天

當求諸視聽言動之間一念纔是便是上帝鑒觀上帝臨汝簡在帝心一念纔不是便是上帝震怒今按一念纔是便爲健爲強而不息一念纔不是便爲不健不強而息更无別理

元者善之長等非解法乃言善之長爲人之元嘉之會爲人之亨義之和爲人之利事之幹爲人之貞

元以始萬物亨以通萬物利以遂萬物貞以正萬物目前常有此四象心天乃見乾道在我

亨者嘉之會兩美相接之謂嘉聚而爲一之謂會亨已美至利上又言美利利天下不言所利利更美雖是

像抄卷上 乾八

八

種之美必開得花又必結得果方成其爲美種耳利貞者性情也人不到性其情總爲不果之花

利者義之和利萬物也利天下也天道以利成物聖人以美利利天下總不以私其身後世但知一身一家

之利是乃所謂害而非所謂利是乃利之惡而何可謂利之美是乃義之害而何可謂義之和

貞者事之幹木旁生者爲枝正出者爲幹通作餘潛谷鄧氏曰木冬惟幹華葉盡凋一實而已智之藏用也

亦然又曰君子體仁非故體之仁實其體方達卿曰義不自利而以利天下无論急人而周之宰制有方

區畫有等遠近上下内外親疎各得其所此以義利之也故曰利物足以和義

易筮君子之乾无所見以四德而見其爲乾

朱子曰忠信是很有此根便能發生枝葉又口人多是將言語做沒緊要容易說出來若一一要實這工夫自是大

朱子曰乾卦分明是先見得這箇透徹便一直做將去如忠信所以進德至可與存義也都是徑前做去有勇猛嚴厲斬截剛果之意須是見得方能恁地又如樂則行之憂則違之確乎其不可拔亦是這般剛決

像抄卷上 乾九

九

意思所以生知者分明是合下便見得透故其健自然如此更着力不得坤卦則未到這地位敬以直內義以方外未免緊帖把捉有持守底意不似乾卦見得來透徹

朱子曰忠信只是實若无實如何會進如播種相似須是實有種子下在泥中方會日日發生若把箇空殼下在裡面如何會發生

朱子曰破釜飢燒廬舍持三日糧示士卒必死无還心如此方會斷殺忠信便是有這心如此方會進德列貴賤者存乎位朱子曰因他這貴賤之位隨緊慢說

有那難處有那易處乾九三處一卦之盡所以說得如此九二位正中便不恁地

聖人全體天德不以上在天爲至下要有箇田中要有箇人又要有箇淵无田萬物无生處无人幾與鳥獸同群无淵將至淺陋而于物无以容故必在田在人

在淵而後在天爲全體天德之學

萬以忠曰九三乾學也業者日用功行之據身心棲泊之所故曰居九三君子乾乾惕若思進德以大其用必有所居之業亦惟在修辭立其誠辭庸言也立誠言有物也惟子臣弟友家庭事使應酬唯諾之常修

像抄卷上

乾

十一

三

省言辭體當自己誠意令有物而已蓋誠本人理入理所見惟是言行言常易放故立誠須在修辭且如接對尋常偶爾發辭不覺失謬如昔人云泥濘五寸須說一尺意氣動浮出其本位便已非誠而況其他故必片言半辭皆令當體從見在自心流出乃爲真修真立何者修非爲辭爲立誠耳誠非在外卽見在本分心通天地徹幽明貫古今隨處平滿總只是當前一念毫髮增損便爲欠缺更復何論故思不出位言行皆庸乃所謂誠亦曰忠信知至至此知終終此自此默會誠源無論語默前後渾然一致則大人之

造也君子所以危而惕也

大戴禮女及日乎閨門之內及日猶言終日九三君子終日乾乾及日也夕惕若及夜也四與三同其乾惕進修无日夕之間曰及時日夕之互文也

修辭立誠人于辭說間心卽是口口卽是心竝无一言不真不實別无依違遷就以爲諧俗自便之計其乾乾而自強爲何如大抵人不忠信先已害了心怯症言辭不實又重犯却口虛病君子先无此二病然後于健字有少分可望魏莊渠先生曰忠信所以進德若无真實心早自與理背了修辭立其誠所以居業

像抄卷上

乾

十二

三

人有實心必須做實事句句都是實話若容易出言不檢點便散了這實心

呂叔簡曰君子進德修業業刻木如鋸齒古无文字用以紀日行之事數也一事畢則去一刻事俱畢則盡去之謂之修業古人未有一日不修業者故古人身修事理而无怠惰荒寧之時常有憂勤惕厲之意一日无事則一日不安懼業之不修而曠日之不可也今人昏昏蕩蕩四肢不可收拾窮年終日无一猷爲放逸而入于禽獸者无業故也人生兩間无一事可見无一善可稱資衣藉食于人而偷安惰行以死可

羞也已

與時偕行天必行天之生物皆于行見之天時之行无已天行之時无已君子之行事與天俱无已

亢龍在六龍之世而做到底者也然已謂之有悔謂之不可久若非此時定不到亢故緊足其義曰知進退存亡而不失其正

後世臣子居乾上而不龍或卒于為蛇虺只是有位有民有輔亢龍无位无民无輔雖欲退亡喪五龍不容其退亡喪然既无是三者雖不退亡喪其實是退亡喪此所以終不失正而為聖人

像抄卷上

乾

十三

三

居高貴而无位差易辨纔見有恩澤自己出即有民矣纔欲網羅賢人君子出其門下而為之用即有輔矣有是二者即有位矣後世龍德卒亡于公孤保傅之位只是未易到得那三无

或躍在淵淵隨躍有可上可下可進可退到處有淵至于上惟有上更下不得惟有進更退不得亦到處是亢徒以悔為災而疑聖人之无亢不知龍惡知易

乾初藏凡以主陰坤初疑凡以承陽即此亦可體認乾坤之元之意乾必有初潛而後有二見坤必有初凝而後有二動乾必專一而後直遂坤必翕聚而後發

散周子所謂主靜立人極主此立此

剛健中正純粹精此統論乾德若云爻爻皆然聖人何以于三四皆曰重剛而不中于上又曰知進退存亡而不失其正何待又言六爻發揮旁通情又如乾六爻皆君德皆天位此亦是槩論不成六箇君可做一聲應氣求之水火風雲臣民事物耳

乾元者始而亨者也程子曰始初發生大槩一例亨通也利貞者性情也程子曰分在性與情只性為本情是性之動處情又幾時惡故者以利為本只是順利

像抄卷上

乾

十三

三

處為性若情則須是正也

君子以成德為行萬以忠曰古人有以篤實剛方廉潔恬退寬厚名者皆可謂成行不可謂成德德則在自已心性上理會銷鎔氣質之偏以復還性情之正形神渾然融歸中和乃為成德未有德成而行不備者也虞書九德洪範三德皆就氣質偏處涵養克治使歸中和唐虞三代之盛上以此教下以此學並無他說然其說德又只在事上見曰載采采世間虛浮一種精神毫无著處

利貞者性情也君子涵養性情以成其德到利貞德纔

成性情纔理到至處

乾先天而天不違學問坤後天而奉天時學問震坎艮皆屬乾斯須不健不得巽離兌皆屬坤斯須不順不得

乾知大始故能先天而天弗違太極圖主靜立極西銘繼志述事存順沒寧皆後天時奉之能事耳

大人先天而天弗違誠未易言大人後天而奉天時亦非君子所可幾及但能後天未能先天惟能先天乃能後天

乾上兩言其唯聖人坤四曰天地閉賢人隱此乾道坤

像抄卷上

乾

十四

道之別亦聖賢分量之別

乾上元龍有悔元龍非聖人不能非聖人不能為元龍而眾以有悔為疵疑聖人之无元誤甚

易中有兩高有乾上无民之高有蠱上不事之高蠱上君子可能乾上非聖人不與

乾三惕二前固未易安乾上悔五上更不易處

群龍无首爾雅龍有三停九似謂自首至膊膊至腰腰至尾皆相停九似角似鹿頭似駝眼似鬼項似蛇腹似蜃鱗似魚爪似鷹掌似虎耳似牛頭上有物名尺木龍无尺木不能升天其嘘氣成雲因雲以蔽其身

故不可見今江湖間時有見其一爪一尾唯頭不可得見用九見群龍无首是實象又龍之亢有逆鱗一尺不可犯亢龍升而不能下為逆故有悔亦是實象

像抄卷上

乾

十五

乾元亨三才合一利貞專言南面大明人道坤元亨乾

坤合德利牝馬之貞專言北面應地人道

乾坤雖元二元然乾以陽爲元坤以陰爲元其判天壤隨乾元所施之處而無不至故曰至哉坤元如乾有施而坤不至卽不爲順不爲承而物無由生矣

玩資始資生二資字萬物自始自生自性自命乾元坤元亦特爲資之已耳人固可不自豎立而成位天地之中乎

坤陰以乾陽爲主無敢稱之爲朋故東北喪朋明有主

像抄卷上 坤

十六

三

也若西南無朋陰之于陰柔之于柔臣之于臣子之于子婦之于婦更不可與合又成甚學問

安貞不擇地而安得朋以代乾也失朋以從乾也

以陰必從陽離喪朋類乃能成化育之功是專以東北爲利也以坤常減乾之半必反之西南乃終有慶又專以西南爲利也試觀地之四方果有一方不利不資生者否

君子有攸往往坤道也婦事夫臣事君俱往故坤三言地道妻道臣道而不及子道子雖父在來者耳來曰知曰察往日數曰彰已有辨小往大來泰人往小來

否更不容混

凡剛本在上者在下則上凡柔本在下者在上則下乾剛自下而上爲大爲元亨利貞坤柔自上而下爲元亨利牝馬之貞屯自下而上蒙自上而下皆倣此坤舉西南東北以離坎爲正中西南恰得本位東北所當止之地不言西北東南避乾并及巽也坤道君子之慎于攸往如此西南三女屬焉合之爲朋不爲母東北三男在焉尊之爲主不敢朋西南得元不盡之分矣東北喪元不安所止矣如是而更有大脚之事貽千古之恨者无之矣

像抄卷上 坤

七

三

專言乾坤自在其中專言坤不以乾爲主又成甚義理以故坤六爻之陰勢初來定須因霜而堅凝極上來定須稱龍以血戰二直方五黃裳三含章四括囊貞若天威不遠顔咫尺然此坤道所以爲順也乾重元坤重貞乾元原其始而亨利貞爲之終坤貞要其終而元亨利爲之始

程先生詩道通天地有形外乾元通乎氣外坤元通乎形外

天以神用言行地以質用言勢九仰天行以奇六仰地勢以偶纔偶便有高下尊卑纔有高下尊卑便不可

不順故地言勢而名坤

陰始凝凝成也定也水堅也陰所患惟不凝到堅冰纔

凝子孝臣忠纔成纔定而永无亂賊之患故言順

姤初金柅之繫即坤初堅冰之至故曰貞吉

春雨至而發生秋霜至而堅凝一般是承天之順然春

生邊屬陽不屬陰故乾全體以雲雨明健坤原始以

冰霜明順

隕霜不殺寂无冰春秋皆爲記異然則時霜而霜時冰

而冰應嚴凝而嚴凝應寒沍而寒沍在天爲正令在

人爲正道故曰雨露霜雪无非教霜天之教履初之

像抄卷上

坤三

十八

三書三

順堅冰至滴水點凍至于腹堅馴伏而致極其順也

爻言堅冰至象言至堅冰以堅冰爲至而至之自初

也陰承陽如是始謂之凝始謂之順若履霜而堅冰

不至仍不爲順此孫聞斯說實前所未發

堅冰至原始有終无成從中有終以大終要終有終

尹伯奇履霜中野幾有坤初之順只自沈便不是堅冰

之至

六二之動直以方若說六二之靜便不是直以方了又

如或從王事若說必從王事便不是知了又安得爲

光人

履霜堅冰句至句觀象解甚明霜上加冰斯之謂剛致

其道斯之謂至凡女待男士待君勞初來俱先不可

无此操履

陽濡則露陰結則霜陰沍斯冰陽解斯泮喜不忘勞不

怨用則行舍則藏子事父臣事君能如是斯免于爲

賊爲亂故聖人訓人早辯

處女寒士不春溫霜不解肅不東風水不解堅原始履

霜從中括囊四隱是已用復隱總无改于冰霜之素

陽不舒千年有凍色時未至沒世无榮意未夫是謂女

貞已夫是謂婦順

像抄卷上

坤四

十九

三書三

君終无代父在子專俱不霜不冰而逆莫甚初不待操

不然後名爲亂賊

曹彬事周世祖爲引進使典茶酒宋太祖嘗從求酒彬

曰此官酒不可相與自沽酒以飲太祖及卽位語群

臣曰世宗吏不欺其主者獨曹彬耳余行之曰陳橋

之變甘心北面不欺于酒而不能不二于周也茲所

謂履霜而堅冰不至者

唐穆宗詔蕭儉撰成德王士真碑儉曰王承宗无可書

又撰進之後例得貶遺若罷勉受之則非平生之志

裴均之子持萬緡詣韋貫之求銘貫之曰吾寧饑死

豈忍爲此哉此亦後霜一義

范文正公爲舉子時讀書南都學舍留守有子居學見公食粥歸告其父以公厨食饋公公不下筯留守子曰大人聞公清苦故遺以食物而不下筯得非以相免爲罪乎公謝曰非不感厚意蓋食粥安之已久今遽享盛饌後日豈能啗此粥乎石徂徠讀書南都時侍郎王濟聞其困窮因餉客授以盤餐却不受曰今日固好明日何如二公之操又後霜一義

正文正公爲相退食必召諸子使之席地聚食乃語左右曰剩與菜羹此輩生長公相家已驕矣不可使不像抄卷上

坤五

二十

三

知淡薄之味公嘗陪祀東封有子侍行家信至公發之見所寄衣帶以紅爲之公怒曰我在爾已好華如此欲壞清風我死望汝輩純素難也亟令送還易之余行之曰美珠之受无乃與剩菜之味異乎銀器之易无乃與還帶之風殊乎以文正之賢而晚節猶若是與寇平仲能決澶征而弱于天書胡邦衡敢攻奸檜而不能忍于黎渦茲皆所謂後霜而堅冰不至者范質仕周爲宰相及太祖受禪不改其任嘗謂同列曰人能咬得三斗酸醋可爲宰相寇準年三十餘太宗欲大用之尚難其少準知之遠服地黃兼餌蘆服以

反之木幾髮盡白準已不霜質更亂霜

龜山先生曰人人有易不知自求只于文字上用功要作何用又曰敬義立而德不孤德不孤乃所謂大德不孤則四海之內皆兄弟之意夫能使四海之內皆兄弟此所以爲大也

梁伯鸞少孤嘗獨止而不與人同食比舍先炊已呼伯鸞及熱釜炊伯鸞曰童子鴻不受人熱者也脚下无霜有是乎

嫌疑不處稍有嫌疑必戰必血嫌疑之事且无况其實有悖逆之事乎夫如是以子方可謂无一念不在親像抄卷上

坤六

二十二

三

而免于賊以臣方可謂无一念不在君而免于亂諺刀刀見血又有言一擗一掌血我這裏是典鑊刀鋸學問皆坤上之戰之血

說卦傳帝出乎震戰乎乾月令仲夏之月日長至陰陽爭仲冬之月日短至陰陽爭月令言爭如陽至而陰不爲伏則陽爭陰至而陽復爲愆則陰爭此陰陽无辨之爭漢儒之言也易言出震戰乾既爲標出帝字又以震陽起于全陽之後爲出以乾陽要于全陰之終爲戰此陰陽有辨之戰聖人之言也

公將不利于孺子此周公之疑之嫌我之弗辟无以告

我先王此周公之戰東征此周公之于野天動威破斧缺斨此周公玄黃之血王出郊天雨反風此周公之天玄而地黃

畧有嫌疑必戰必血非大賢以上不能此所以為坤上坤初疑必冰所以堅其始坤上戰必血所以厚其終三章必含无成有終有成必无終矣四囊必括无咎无譽有譽必有咎矣譽稱美過實聲聞過情君子所耻况在隱閑時位豈不為害无譽聞修之至其行有常之至象故言謹不害

坤象言含弘光大二言直方大三言知光大用六曰以像抄卷上 坤 三十一

大終此坤之德合之大耳坤之稱大稱元猶妻以大稱配以元名相似

朱子以克已復禮為乾道主敬行恕為坤道克已復禮禮卑如地惟卑法地健雖在已盡忘其已此群龍无首之見无非取諸人而盡舍其已者故曰乾道主敬行恕以乾為主以已為承无敢不敬而強恕以行此利永貞以大終得所依歸能不失已者故曰坤道乾无首坤不可无首乾不為首坤不可莫為之首乾见无首然後能通天下之至變盡天下之至精坤知有首然後能立天下之大本成天下之大務

易用九六以圖書生數言九天数一三五之積六地數二四之積以圖書成數言除十不用陽主進九陽進之極數陰主退六陰退之極數以著策言乾用九九者三奇之變四九之分坤用六六者三偶之變四六之分圖有十書虛十用九虛一圖書之中之一乾奇宅中之體用六虛四圖書之中之四坤偶四隅之體以圖書分體用九六用圖中之十五體即用不用原為用一四不用書中之五用即體用原有不用以參兩言九參天之數六兩地之數用九以參天用六以兩地九六用而天地位易之所謂成位乎中者此

像抄卷上 坤 三十一

乾元即太極坤元即乾坤上稱龍即乾龍馬貞曰北龍戰曰血不言牝以血見也象曰馬爻曰龍馬八尺以上亦龍也能神物民咸用之之謂神初為霜為冰二為直為方三為章為含四為囊為括五為裳為黃能大能小能幽能明龍之能事皆坤所自有非至上然後稱龍士窮而節見坤窮而龍戰窮則變變則通通則久所以為永貞之利也總言龍六原通一陽性无疑陰性有疑動直无疑動闢有疑疑潛疑見疑惕疑躍疑飛疑亢皆有戰也不稱龍似无主不稱血猶无戰也乾初稱氣坤上稱血一原始一要終互見也坤

以乾行陰以陽行血以氣行乾初藏坤初凝氣凝與
凝也乾自二見至五飛坤自二動至五黃氣行與行
也上處乾坤之窮元似氣鬱凝似血滯稱龍稱戰稱
血似氣血兼治實則陽先陰後氣主血從陽氣震盪
陰血必隨以通流故龍戰而曰于野陽饒而氣遍布
四支也其血而曰玄黃陰乏而血震動流行也震爲
玄黃是也潛藏以原乾始玄黃以厚坤終人身血氣
得理之時其卽九六成用乾坤成位之日乎

坤初履霜脉絡從乾上來陽極而亢定是妻之以陰君
父有亢定是臣子之霜雪而非臣子之雨露坤初順

像抄卷上

坤九

二十四

三百六十五

始不從春生處起脚惟從秋肅處起脚肅之以陰而
无敢不肅寒之以霜而益其爲寒直從脚底著實踐
履從霜上更加凜冽寒至骨徹凍至肢堅夫是之謂
堅冰至爻言堅冰至若天時自至象言至堅冰乃由
人必至之劈初頭有此霜嚴至操冰堅大節何歲寒
不可涉何窮冬有足虞原始堅冰真是霜雪无非教
要終血戰雖于疑嫌亦不處是爲臣子忠孝之極致
然于臣子分義曾无毫末加也所由與亂賊有辨唯
此坤道之所爲順唯此

乾用九六在其中坤用六用九之二耳其一六不得而

用亦非六所能用用九直透乾元故乾元稱大用六
但可至乾故坤元稱至後天乾六坤所至之乾耳與
乾一之元微有先後一層之隔

坤德定是方不可負定是有常不可无常舍方覬負舍
有常覬无常无不立敗

脚跟无霜不秋而彫面孔无血見敵輒走

乾初潛藏坤初堅凝此兩爻非止乾坤六爻乃三百八
十四爻全體根基

禮決嫌疑嫌疑之際君子不處陰疑于陽必戰決不處
其疑爲其嫌于无陽故稱龍決不處其嫌猶未離其

像抄卷上

坤十

二十五

三百六十六

類也故稱血火要血決要離其類有西南之得不可
无東北之喪夫玄黃者天地之雜物相雜故曰文此
坤之所以爲文天玄而地黃天地又原是分清理白
此坤上終極于順之能事

直在乾方在坤直正之義方之猶形影敬以直内直是
原來本體敬是合本體工夫禮哀公問弗敬不正不
習无不利通習坎之習坤二習不直坎不習无大終
之日

首出无首乾道得朋喪朋坤道乾不首出與庶物爲伍
矣乾有首全體非乾矣西南不得朋乾坤不列矣東

北不喪朋坤不承乾矣得朋而曰乃與類行喪朋而曰乃終有慶何乾以奇立坤以偶行巽離兌皆坤朋也何以西南言得得兌與行所以承艮得離與行所以承坎得巽與行所以承震合之皆為坤承乾何以東北欲喪巽喪成歸于震而巽乃終離喪成歸于坎而離乃終兌喪成歸于艮而兌乃終合之皆為成歸于乾而坤乃終譬之順妻事夫以宮人逮媵娣和妯娒事非一端皆得朋而謂之與類行无攸遂在中饋一无其功惟夫之功而夫功是終一无其能惟夫之能而夫能是終皆喪朋而謂之乃終上當无成有終

像抄卷上 坤 十一

之終如朋猶未喪是以必戰必血

易筌坤二曰不習不與其類相習也乾二言學坤二言

習欲明論語學習之義者考此

周氏弘論曰用上九非十分之聖神不能用上六非幾聖之大賢不能以極陰對極陽處極陰猶難為力也管登之曰乾坤本无二元而兩儀既分則坤亦受乾元之元為元而生六子故坤牝馬也亦牝龍也又曰吾人德性有小疵氣質有微滓便是血又曰本德性猛鍊氣質豈非戰乎化形色渾成天性豈非戰勝乎故曰用六永貞以大終大指乾元以大終謂以乾元

之大終也又曰坤用六以卦變言可言小始大終以卦德言直是以大始以大終蓋无極之先止有一箇太極之虛象而已一生二二生三而後可以始萬物故乾以三奇成卦其最初一畫即乾元也坤之六畫即開乾之三奇而偶之若分乾元之半以為元者元可分乎哉既列三才之象即分矣坤元即乾元所以坤龍即乾龍不害兩元兩龍之稱也此中含有二義一指无物之先一指有物之後一在三才之表一在三極之中也是坤原以大始亦以大終而中間雜有陰邪許多變態非戰不能還元故曰大終亦權詞也

像抄卷上 坤 十二

何哉乾坤可分大小而乾元坤元何可以分小大用

九冠以乾元用六不冠以坤元以此又曰坤對乾雖有淑慝而坤元之得統于乾元自始至終永无慝故曰夫乾天下之至健夫坤天下之至順健順之用顯則淑慝之用藏而顯藏亦互相為用也

直方以直故方不直无方徐用中曰敬以直內渾是一團天理无私欲芥蒂其中而有倚著橫邪去處則內外自然昭融如影隨形視聽言動人倫事物因時制宜即物裁成左右逢原觸處皆合故謂外方是即合外內之道

效法之謂坤六二所謂直直之謂正正之謂敬雖重複
解說總是形容坤二自然效法成順之象故曰不習
无不利

坤二含章可貞朱子曰學者須常收斂不可恁地放蕩
只看外面如此便見裏面意思才高須著實用工收
斂少間許多才都爲我使都濟事若不細心用工收
斂則其才愈高而其爲害愈大也

陰雖有美舍之以從王事弗敢成錢肇陽曰人臣事君
只有一个不敢之心先束縛于名分而後漸可與明
代終之義

像抄卷上

坤十三

二十八

三五五

敬者德之聚夫坤其靜也翕便是敬也朱子曰敬只是
收斂來又曰只收斂身心整齊純一不恁地放縱便
是敬又曰敬只是此心自做主宰處又曰持敬之說
不必多言但熟味整齊嚴肅嚴威嚴恪動容貌整思
慮正衣冠尊瞻視此等數語而實加功焉則所謂直
內所謂主一自然不費安排而身心肅然表裏如一
矣又曰敬只是去了許多怠慢又曰敬莫把做一件
事看只是收拾自家精神專一在此又曰敬有死敬
有活敬若只守著主一之敬遇事不濟之以義辨其
是非則不活若執後敬便有義義便有敬又曰敬義

只是一事如兩脚立定是敬才行是義今日是敬開
眼見物便是義又曰敬者守于此而不易之謂義者
施于彼而合宜之謂又曰敬要回頭看義要向前看
按坤二之所謂直方便如此

陰以凝爲道不凝便不喚做順如草木之實箇箇結得
堅凝聚那全陽生意在其中方始是活種會發生凝
稍不堅无有不敗敗種去陰始凝凝又交到堅第如
薄冰猶未凝也臣事君子事父妻事夫徹骨髓爲忠
爲孝爲節此不是容易俱有那冰心在

乾初曰陽在下坤初曰陰始凝只下與凝兩字便是乾

像抄卷上

坤十四

二十九

坤合德全體工夫朱子論凝道云這凝字最緊若不
能凝則更沒些子屬自家須是凝方得陰凝之凝亦
此凡父道君道夫道一下足以盡之子道臣道妻道
一凝足以盡之只看天道完全是下所以成其高明
地道完全是凝所以成其博厚若一息不下便都上
浮去了如何成得个天一息不凝便都下墜去了如
何成得个地陽惟下然後能發生陰惟凝然後能收
斂發生收斂原只是一氣

乾初潛不成乎名坤四括无咎无譽皆非人所易幾之
事或止以沈晦目括囊殊失易旨

坤言囊與爲腹同義章見全坤化光之美囊其全坤承載之量初非淺小包舉事業

坤三曰含章重柔而處剛位之象若但以柔居剛而謂之含初與五皆然矣四曰括囊重柔而處柔位之象若但以柔居柔而謂之括二與上皆然矣

日乾夕惕繫于乾三其質通乾六爻而皆有事无成有終繫于坤三其質通坤六爻而皆有事此人道成位乎中之義也

括囊无咎无譽劉氏曰有咎非括囊也有譽亦非括囊也世之避咎而趨譽者衆矣不知譽且爲咎譽成而

像抄卷上 坤 十五

三十一

咎滋多无咎之道其无譽乎又曰括囊之道順天地之閉而然時閉則閉无毫髮之私

知光大順臣順妻人有乾知以爲之主故光故大

坤道之學用則含章有成非含无終非含舍則括囊有

咎非括有譽非括舍含括二端之外无以自立于世

坤五黃裳曰文在中離二黃離曰得中道文明闇然在

中總不絲毫外炫

君子敬以直內義以方外龜山先生曰盡其誠心而无偽焉所謂直也若施之于事則厚薄隆殺一定而不可易爲有方矣敬與義本无二所主者敬而義則自

此出故有内外之辨其實義亦敬也又曰人之生也直是以君子无所往而不用直直則心得其正矣直言其正以此

或不敢自决之辭從不敢造始之意无成不敢有所專成有終有倡之于先必畢之于後可貞貞臣之理莫章于此矣

坤道其順矣乎凡地道臣道妻道子道弟道稍不順无有不做成大惡去只看乾坤後屯蒙諸卦六二之難

曰乘剛勿用取女曰行不順童蒙之吉曰順以巽利用禦寇曰上下順需于血曰順以聽食舊德曰從上

像抄卷上 坤 十六

三十一

吉比吉曰下順從即一向背之間猶不可有毫釐之

差他可知矣

舜禹之攝原不曾南面原是相堯相舜是爲坤五黃裳

之事

孤疑嫌三義皆于坤爻發之地道承天妻道承夫臣道

承君孤不可疑不可嫌不可

乾爲馬乾卦不言而諸卦皆言之坤爲牛坤卦不言而

諸卦皆言之六子皆乾坤之分也震爲龍震卦不言

獨于乾卦言之乾之首出惟震震之首出即乾又獨

于坤上言之震爲玄黃龍戰而曰其血玄黃政明其

為震龍耳

疑惑為疑鈞敵亦為疑天地二體地承天原一而不二
疑乃二二乃不一此坤上所以必戰

龜山先生曰乾之六爻有臣位坤之六爻无君位

坤六爻備極臣道初履霜堅冰節繁始事二直方三舍
章四括囊五黃裳隨時位以為顯晦上龍戰節繁終
事

戰乎乾龍戰于野戰無兩義只是戰乎乾冠之以帝以

八卦之主宰言如儀象之太極龍戰乃以六陰爻之

主宰言坤之乾也于野何曰坤德方戰稱龍不可以

像抄卷上

坤

三十二

方拘皆野矣其血何曰聖人明言猶未離其類故稱

血西南得朋乃與類行類不當離也東北喪朋乃終

有慶類當離矣至上而猶未離何云得主何云承天

時行以嫌于无陽故稱龍所以別嫌以未離其類故

稱血所以離喪朋類玄黃何曰聖人明言天地之雜

天玄而地黃乾坤成列天地各正初未有雜其雜六

爻相雜雜物撰德從玄黃始也此乾坤以後入屯之

象也屯曰剛柔始交而難生震為龍為玄黃坎為血

卦屯上又曰泣血其脉絡可見如此微獨屯嗣此六

十二卦卦相雜物相雜故曰文皆玄黃成文之象

也

坤上曰龍戰忠臣孝子之極致若說戰龍便是亂臣賊
子之大惡

乾坤之上皆曰窮乾上不是陽盡坤上不是陰盡坤上

龍戰更不是陰將盡而陽來戰乾坤成列兩儀並運

不能一息相无乾不可變坤如夫不可為婦坤不可

變乾如婦不可為夫乾坤之上之窮乃其極處處竟

處之時位乾窮亢而悔坤窮戰而血乃其極處處竟

處之成能若剝復之交則陽窮于上而生于下夫姤

之交則陰窮于上而生于下剝而姤則為陽盡而陰

像抄卷上

坤

三十三

來夫而復則為陰盡而陽來此兩物對待一氣流行

陰陽之辨也

八卦原屬一體乾離坤坎尤為同位乾離一故乾曰大

明終始明以離象坤坎一故坤初曰冰坤上曰血明

以坎象

雲雷屯君子以經綸人處心若无雷雨天下之心卽有經綸盡屬縱橫又何經綸之與有至誠經綸天下之大經无非雲雷之能事

險在下震從上動動之易故解險在上震從下動動之難故屯

以震一索而得男爲剛柔始交巽一索而得女獨不爲剛柔始交乎因而重之爻在其中凡爻皆以重卦論遍六十四卦曾无有單指小成卦體論爻義者

萬物歸乎坎非震不出初震主坎四柔震初剛象交之

像抄卷上

屯

三十四

三五十四

始故曰剛柔始交坎五險中與初未合尚爲坎險所難故曰難生萬物始生必冒險難而出如草木之生必有甲有核如胎卵之生必有包有殼甲核包殼皆險中也孚甲穿核破包蛻殼皆動乎險中也

初利居貞四求婚媾此屯所以治伊川先生云某一日與韓持國范夷叟汎舟于潁昌西湖須臾客將去有一官員上書謁見大資願將謂有甚急切公事乃是求知已願云大資居位卻不求人乃使人倒來求已是甚道理夷叟云只爲正叔大執求薦章常事也願曰不然只爲曾有不求者不與來求者與之遂致人

如此持國便服按後世人才風俗盡不逮古无他只爲上不下求而下倒求上習爲故然耳

平常底道理便是常久底道理女子貞不字十年乃字不字似過奇象故以乃字爲反常

民以鹿喻杜號山无定鹿

君子幾不如舍知彰知柔知剛皆謂之幾望屯三

以知幾待時之事

初利居貞二貞不字陳无已名師道一字履常苦節厲

志自其少時傳公欽之初爲吏部侍郎聞師道游京

師欲與相見先以問秦觀觀曰師道非持刺字俛理

像抄卷上

屯

三十五

三五十五

色伺候乎公卿之門者殆難致也公曰非所望也吾將見之懼其不吾見也子能介于陳君乎公知其貧甚因懷金餽之及覩其貌聽其論議竟不敢以出口後山集答秦少游書辱書論以章公降屈年德以禮見招不佞何以得此豈侯嘗欺之耶公卿不下士久矣乃特見于今而親于其身幸孰大焉愚雖不足以齒士猶當從侯之後順下風以成公之名然先王之制士不傳勢爲臣則不見于王公夫相見所以成禮而其弊必至于自鬻故先王謹其始而爲之防而爲士者世守焉師道于公前有貴賤之嫌後无平生之舊公雖可

見禮可去乎且公之見招蓋以能守區區之禮也若冒昧法義聞命走門則失其所以見招公又何取焉雖然有一于此幸公之他日成功謝事幅巾東歸師道當御款段乘下澤候公于上東門外尚未晚也

屯其膏如雲方合之象雲須解爲雨不可貞雲貞則雨必吝須是大解大澍小貞恐止于爲沾沾之數點而无以語于普天率土之濺澤故吉小而凶大

蹇上應三而曰來碩吉三止險之主來三來以止五之險上有求于三非三有求于上屯四應初而曰求婚媾初動險之主四求初往往以動五之險其象與義

像抄卷上

屯三

三十六

亦甚分明說者多謂初求四四往初何居

女子貞君子幾這兩樣時務非震體俱未易識得

男不下女而女從之斷非貞女君不下士而士從之斷

非貞士

屯二屯如遭如遭逢也俗作赴自後及之也初動主初能先二能後言二之分量亦能自後及初

君子幾不如舍舍亦三之功屯難未解誠以轟雷澍雨爲功然雷雨不成日日作還須是止霽時節多五有解險爲雨之象又有以險撰止之象以險撰止便是雷雨既霽寧平无事之日屯三舍五爲止以輔佐太

平爲任豈非君子之幾人大怕強其所不能轟雷澍雨是初之分量是初之能事二三則體剛而爻柔戡亂禦侮非其所長而寧平佐理亦其所優爲耳

屯勿往貞其爲動蒙勿濟貞其爲止

屯之中爲成群驚走之民曰鹿屯之上爲窮棲叢棘之民曰禽聖人目比上爲前禽與屯上同禽微之矣

屯初盤桓按山石之安爲磐龍伏而未升爲蟠通作盤桓威也辟土服遠曰桓當天造草昧之初辟土服遠威震域中惟屯初之能事以方伏而未動故象盤桓恐其不求而往故繫之利居貞恐上不知求有求又

像抄卷上

屯四

三十七

未必往如女子貞之不字故繫之利建侯貞曰居徹

裏由衷存主安固之詞驚遠懼邇霹靂震動事業從豎砥橫柱山嶽鎮定心術流出斯謂之利居貞斯謂

之志行正

卽鹿无虞周禮山虞掌山林之政令物爲之厲而爲之守禁无虞无典守之野鹿如无統御之亂民

泣血漣如漣風動水相連成文漣卽連也與蹇四來連之義同亦有連合于初而相須濟屯之意

初建侯上泣血前人詩勸君莫詰封侯事一將成功萬骨枯

屯爻三言乘馬孫聞斯曰物之健行不息者无如馬動而險亦无如馬馬言乘即剛柔合併而乘載之精神无刻可停女子之貞婚媾之求泣血之漣其精神全于此貫屬者

四婚媾上泣血亨屯拯險恐无二心迅雷轟霆淵底震動解之澍溺天之雨四所媾也觸之流成川之血上所泣也雷霆所至无不為雨亦當防血若但為血民且何幸象言何可長若不免于血雖出震何能長得人可與長久此屯上為生民立命一腔血心也

剛柔始交而難生謂難生可謂以難而生可孟子言生

像抄卷上

屯五

三十八

三言

于憂患死于安樂最深此意天所以厚人之生全在一難字若曰富貴福澤將以厚吾之生猶似失聖人之意者

屯五屯膏之心即坎五不盈之心聖人雲行雨施之心遍天下及後世曾不自以為足而況其動險之初乎以動駕險危其險未易亨故十年不字以險乘動危其動或失正故泣血漣如

乾坤以剛柔分故曰乾剛坤柔餘六十二卦俱以剛柔為貞勝為分合屯蒙原始屯曰剛柔始交而難生蒙曰剛柔接既未要終既濟曰剛柔正而位當未濟曰

雖不當位剛柔應俱可考見

乾剛坤柔一而二二而一息息相推相盪交流並運方成列方不毀屯于二四上俱言乘馬使其義馬无乘牡先而牝不後牡承而牝无倡匪孤陽即孤陰匪偏陽即偏陰譬之草木乎甲且无日天喬復何有

震坎相重之卦動免乎險曰解動乎險中曰屯屯二四上之班視坦途皆荆棘而况非坦途視軌道皆險阻而况其險阻常凜朽索之懼常懷嬰駕之虞長慮却顧震動竦懼時刻是个盤桓居貞之心此所以為險中之動

像抄卷上

屯六

三十九

三言

屯初以動主遇險利居貞貞其動思以拯險也屯五以險主遇動五而貞貞其險不思善動矣膏澤何時得下于民小貞吉大貞凶得其小必失其大如堯舜而无揖遜雷雨何以滿盈乎唐虞如湯武而无征誅雷雨何以滿盈乎商周凡為拘常襲故之動而不為警世之震為一方一隅之雨而不為稽天之浸俱吉小凶人之貞未光之施而屯五之所不取

三已不為女子之貞五更无取小貞之吉三五同功之義即于此可見時雨无需而枯槁抗抗日月无出而燭火熒熒屯五大亨貞之主也決不其然故曰小貞

備震坎之剛德是以于三特明曰君子幾言幾見三
雖卽鹿應終不處乘馬下三雖无虞應終不處泣血
下

乘馬班如雲雷合而齊驅竝駕迴翔徧歷周旋審視二
四上俱同心一德之人故其象竝同惟二對五則貞
不字不如是不由其道不足與有爲也四對初則求
見宜舉舉宜先上臣事君惟以人也上對三則泣血
雲勢之一開一闔雷聲之一疾一緩皆赤衷所注皆
血心所流夫是以雷雨有不動動必滿盈而屯所以
大亨貞皆此

像抄卷上 屯八

四十二

屯

屯行正正在五中行以震動蒙養正正在二中養以艮
止程子曰極須爲天下之中天地之中理必相直坎
之中不止爲地中乃是天中故君天下之德澤師天
下之道脉皆以坎中爲正

劉彥冲蒙齋記三代而下易學廢矣六國之士爲談說
所蒙兩漢之士爲章句所蒙晉魏之士爲虛无所蒙
隋唐之士爲詞藻所蒙皆處偏滯而不反如波滾沙
反以自渾如谷騰霧反以自暝初不知其謬然者常
存也

像抄卷上 蒙一

四十二

山下出泉蒙章本清曰山者泉之源也

蒙亨彖曰以亨行時中言二先知先覺亨先在已因以
其亨時行剛中以亨一卦之蒙蒙所以亨亨以二之
得時得中以其亨使人亨以其昭昭使人昭昭

停水曰滂今作汚濁也蒙之再三瀆不論大小總是不
流之水不流必汚必濁其何以告人其人何可告

山下出泉凡水皆下流惟山泉是向上湧出二震動湧
出五與正應故曰順以巽三乘二過止其出故曰行
不順上應三導之使行疏之使通故曰利禦寇故曰
上下順不然以止而益三之乘便爲寇

蒙初曰利用刑人二有包有納有克專以儀刑感化爲事此所以爲剛柔接此所以爲時中上以擊爲事卽利禦寇而不爲寇與二去以千里

小子始達之愛敬蒙之山泉也漬不得逆行不得三言順欲利導而放之四海成人既充之仁義屯之雷雨也宜滿盈宜光大其施三言班欲分布而沛之彌天易筮初六之蒙自二發之內障也見少有著卽性之牝必說之而天乃不擊六三之蒙自上擊之外障也見有可欲卽躬之賊必禦之而人乃不侵

像抄卷上 蒙

四十五

言

三三

需于酒食貞吉這彌天之雲都是酒而盡天下之人可以飲而醉都是食而盡天下之人可以食而飽四出方爲行雲上入將爲收雲收所宜收猶不自爲主而惟客是敬是爲要終不陷不困窮之義

需上不速之客二人世人未易有其一須險精神到透頂徹底方可與幾耳

天降時雨山川出雲屯雲似山出需雲似川出自山出陽舒而多雨自川出陰歛而少雨小畜與小過之五皆曰密雲不雨自我西郊雲出西行東大抵多无雨

像抄卷上 需

四十六

言

諺雲行東日色紅

雲上于天水與天並運也天與水並行雲下于天矣故需之酒食卽雲行雨施之膏澤而訟之歸逋亦雲開見日之光華需有孚天宇自如而外坎爲上天之雲則外險化盡訟有孚天行自如而內坎爲下流之水則內險瀉盡

君子以飲食晏樂范文正公曰只如安樂人忽有憂事便喫食不下矧有病更憂生死更憂身後是在大怖中飲食安得可下也

陰凝上結則合以成雲陽散下流則注而爲雨雲上于

天雲須天而後興天須雲而後雨君子以飲食宴樂
水禽有信天公

需四出自穴歐陽公與梅聖俞老夫當避路放他出一
頭地

需須乾坎相須以成德下三爻惟微防有惟危上三爻

惟危透出惟微在禮速客之辭曰主人須矣需須之
義最分明五曰需于酒食五爲需主之義最分明

需有三解而義亦一需須也乾坎相須以成德也物稚
不可不養故受之以需需者飲食之道人須險以成
德之健如須飲食以養物之稚也需不進卽言其不

像抄卷上

需二

四十七

三

陷也于郊用恒郊亦交也于險有交但是遠耳遠非
常理不恒將凡事避難何所不至于沙便在沙中于
泥便在泥中沙猶砥礪之資泥乃污淖之物故小言
終吉而致寇可虞三泥疾垢初非陷筭四血憂患盡
屬生機自穴坎險何能穴人乃人自爲穴便象做却
一箇安身窠座四无需血力量亦无望其能出上在
需極能如四之自出可知入于穴以能出自不爲穴
故不妨于入能于險極中透出剛健來做得主人故
乾三陽亦稱客不速而來必敬之方未大失親仁就
道尊賢敬士如伐木之速諸父速諸舅兄弟无遠方

是客固不可一日而忘速也五酒食貞吉一切險陷
都是所須所養酒食穴之出入又不足言矣龜山先
生詩人生无艱危君子竟何別天地一筭中逼及身
亦孤人生觸處有萬險豈必此地多風濤皆險在前
之說君子雖自嚴至潔宜若汚昭昭揭日月所向將
蝟如則于泥之說願言夷險不須問莫負對酒持霜
螯則酒食貞吉之說

像抄卷上

需三

四十八

三

訟不利涉大川象曰入于淵淵坎之坎宮也小民无知而在陷上无道以拯之非擠入之于淵而何下險而好訟自入于淵者也上以健制險而成民之訟入于淵亦自入于淵者也

乾坤後屯蒙需訟四卦不先湊手學問斷无入門之日屯蒙震艮坎合以有事屯以天地生命起念纔震動都是滿盈之雷雨蒙以宇宙學脉起念纔艮止都是湧出之山泉需訟乾坎合以有事需險在乾外時刻以樂天循理爲事而以利涉公之于天下訟險在乾

像抄卷上

訟一

聖九

三

內時刻以見過自訟爲事而以利涉先之于已屯與需便是文王視民如傷事象與訟便是文王望道未見事堯舜兢業過一生仲尼潛心文王俱首在此君子以作事謀始乾道心也坎人心也人心纔動便危原始有謀全體道心卽事卽心卽天天謀爲謀謀在事先

歸遁竄歸二遁兼初與三遁釋爲竄遁亡也逃也竄匿也藏也改易也坎爲穴初三兩陰如鼠入穴遁亡自全爲鼠

繫帶卽禮之所謂男繫帶也以爲命服焉繫纓之誤

訟爭也又責也終內訟人而忘自訟責人而忘自責如

書之所謂怙終故凶初不永二四不克方訟人卽自訟始訟人終自訟者三食德如爲人子不見父母之非爲人臣不見君上之非爲人弟不見兄長之非自訟有得故曰德從舊如此不是從新如此故曰舊德五則全以大人正已物正之道率天下故元吉上乃所謂聽訟之人以威服人故不足敬

需二曰小有言終吉訟初亦曰小有言終吉大有言不得小无言无不賺入鄉愿路頭去也人謂寧百取譏于流俗毋一得罪于先生謂之寧取亦未妥流俗之

像抄卷上

訟二

五十

三

百譏小之言无非箴規藥石如需之相須而訟之自訟乃爲得之訟初不永所事猶在事上醒頭訟三食舊德則已進而有得此小言與貞厲之別

地險民衆有聚衆據險之亂應有統衆平險之治故一
剛動于險內五柔順于坤外統衆以平定之曰師毒
音篤詩亭之毒之亭謂品其形毒謂成其質一曰化
育之意一曰完厚之意漢儒誤釋爲害音牘便謂以
義動民雖毒天下亦可爲遺害不小地中有水疏曰
見地包水象其爲容畜不然當云地在水上或上地
下水水上有地

否臧凶蘇氏曰師出不可不以律否則雖臧亦凶以律
正勝也不以律奇勝也能以奇勝可謂臧矣然其利

像抄卷上

師一

五十二

三月十三

近其禍遠其獲小其喪大故凶

左次无咎凶事尚右惟左是次宛然長子丈人之心所
謂殺人衆多以悲哀蒞之戰勝以喪禮處之皆其能
事故无咎不然是樂殺人也此輿尸之所以爲凶也
師或輿尸凶范文正公與韓魏公爲經畧安撫招討副
使約公進兵公曰當自謹守以觀其變未可輕兵深
入韓公嘗云大凡用兵當先置勝敗于度外公曰大
軍一動萬命所懸而乃置于度外其未見其可魏公
舉兵入界次好水全師陷沒魏公遽還至半途陣亡
父兄妻子數千人號于馬首皆持故衣紙錢招魂哀

慟聲動天地魏公悲憤掩泣駐馬不能前者數刻公
聞而嘆曰當是時難置勝敗于度外也

李伯紀曰諸葛亮出師表親賢臣遠小人云云夫君子
小人于用兵之間若不相及而亮深以爲言誠以寇
攘外患有可掃除之理小人在朝靈政害本根浸長
難去其患有不可勝言者是以吉甫贊周王以北伐
必有孝友之張仲裴度相唐宗以東討必去姦邪之
元頑君子小人之不兩立從古已然今宜留神照察
在于攘逐戎狄之先朝廷既正君子道長則所以捍
禦外患者有不難矣

像抄卷上

師二

五十三

三月十九

師上曰小人勿用小人在內既三曰小人勿用小人在
外李伯紀曰君子小人若冰炭然勢不兩立治亂安
危係其進退在人主有以察之而已

在師中吉无咎師衆也卽民卽兵卽兵衆卽民衆无兩
般能以衆正可以王二在師中便其人是爲順治威
嚴樽俎折衝有備无患有征无戰之王師家所謂丈
人之吉惟此故无咎初出以律有征无戰纔失律非
乘人而掄不備必殺人而尚首功輿尸兵內戰危殺
賊斬獲多所謂一將成功萬骨枯世或獻賊獻囚盛
張功伐聖人以爲大无功此王伯最嚴之辨四左次

師不能无出而不失師中之意故曰未失常五田
禽利執止於講武不是觀兵長子帥師止於有征原
來无戰戰而與尸即全捷損人多故貞凶上大君有
命曰正功全是正此師中之功小人勿用初失律三
輿師小人之所自入有此兩竇上佐命之臣操用人
之柄者故特以示戒

舞于苗格因壘崇降蠻荆來威淮南寢謀兵以不用爲
威上之所謂正功正此但如後世之斬馘爲功皆首
功而非正功皆後世雜伯雜夷之師而異于所謂王
師

像抄卷上

師三

五十三

四左次與三輿尸全反止是屯宿在那裏又且是箇左
方何待交兵而戰即有匡王定國之功又必遜避弗
居故无咎故曰未失常易筌三四皆副將三以陰居
剛故躁動而有輿師之凶四以陰居柔故左次以聽
主帥之令

矯矯虎臣在泮獻馘淑問如皋陶在泮獻囚這還是輿
尸中事與文王伐崇執訊連連攸馘安安氣象殊遠
故自肯說詩以譽頌爲變

王三錫命或見後之爲師專于討有罪而不知古之爲
師惟是命有德有五服五章之天命而五刑五用之

天討在其中有公卿大夫之錫命而方伯連帥之錫
命在其中如一邦有良牧一邦銷亂于未萌制勝于
不戰而一邦安萬邦有良牧萬邦銷亂于未萌制勝
于不戰而萬邦安古之王者之爲師唯如此二錫命
本于天惟有德是命上有命本于王終不忝厥命王
惟命德君道上更防小人臣道小人勿用亂本永弭
開國承家錫命之寵世世爲光萬邦永懷也夫

師或輿尸象曰大无功陳圖南先生詩愁聞劔戟扶危
主

像抄卷上

師四

五十四

蘇氏曰師出則嚴其律師休則正其功小人无自入焉
小人之所由入常自不以律始不以律而以奇勝其
人豈可與安居哉師休之日將錄其一勝之功而以
爲諸侯大夫則亂自此始矣聖人之師其始不求苟
勝故其終可以正功

師上大君有命上是大國之君又衆小國之君所待命
者有命總以三錫之王命爲命其平日爲師不在邊
境在朝廷不在兵衆在紀綱不在威強在德業能以
一邦之衆自歸于正推之萬邦皆然殊不以首功爲
尚如所謂輿尸者然象故曰以正功

二五

原筮原以高平爲象實卽原泉之原五非險陷之地而爲高平之原蓋地上有水象分散而流五其從出之原耳爻言盈缶惟有原故能盈也比五原放乎四海師二出在爲時雨與屯蒙需訟之二五俱同義筮比如无五原固可立待何元永貞之與有

後夫凶惟乾五有先天之能事自乾五外惟比五可與先天之能事後夫猶言後天其道指先天之道比五止爲後天則先天一脉遂幾絕于天下矣故凶故曰其道窮若大有六五止是後天能事故曰順乎天而

像抄卷上 比一

五十五

時行也乃終有慶无成有終用六永貞以大終終事是全坤之事比不但下體是坤并五爻俱全坤之體故旁初下順曰終來上逆而不順便曰无所終非但上无終并下四爻而俱无終也

易筮考工記曰惟若寧侯毋或若女不寧侯古謂諸侯之不朝貢者爲不寧比之世不寧之侯亦方來而不已故曰上下應晉康侯來朝諸侯也康與寧同義又坎險多憂故爲不寧之象

比象言原爻言孚言首似一脉凡地上之水或爲斷港或爲絕流或如溝洫之澗可立待此无原者也或汎

濫橫流此不歸原者也无原與不歸原皆水地无孚不成三者也以圖書言一六共宗而位北以卦言後

天之坎位卽先天之坤位故比初卽稱有孚水地原比原有孚也曰然則水原固在地乎曰水原竅于地而生于天天一生水五其原也故從五而言旣曰原

筮又曰元永貞也易原始要終爲質人之于首也稱元首上以五爲首原與元之義俱備焉无首要終不爲斷港爲絕流爲溝洫立澗之水卽爲汎濫橫流之水而已矣地上有水之水不如是故曰无所終又以

像抄卷上 比二

五十六

井推之比五顯地內隱而水外顯也井五寒內美夏令而外坎冬令也比上无首比天水水下澍以滲地而无也井上有孚井地水地水上溢以升木而有也此實象亦實義也

大人首繫于乾二五未有不剛健中正而可爲大人君子首繫于乾三未有不日乾夕惕而可爲君子小人首繫于師上則知戈矛鬪怒无不爲小人矣匪人首繫于比三則知依阿洩恣无不爲匪人矣

古者大辟之刑身首異處比之世天下一君上不歸王化甘心做那悖逆不順之民犯的是大辟去首之刑卽幸而漏網首終不可保其有故凶故曰无所終亦

為險極之象

王三錫命初不及于致討王用三驅必然解去一面此王之所以為王師得之而萬邦懷比得之而萬國親也

比吉上坎為天險不可升尊卑上下之制截然在上這那是險都是不可犯之分義如有不輔便无主了有不順不從便都做却逆亂之民了如之何其无比故曰比吉下不可无上為之比地不可无水為之比先王建萬國親諸侯教萬國之民各親其諸侯以為之比如地上之不可无水

像抄卷二 比三

五十七

比之匪人否之匪人天下无人道之患莫大乎下不順從莫大乎内小人而外君子孟子故曰人莫大焉无親戚君臣上下又曰不信仁賢則國空虛

險中有陷曰習坎天機飛舞在此險中有順曰比萬國治安在此險中有動曰屯滿盈雷雨在此險中有入曰井盡人无渴在此險中有健曰需彌天慶雲在此險中有說曰節四時不忒在此險中有止曰蹇泰山四維在此險中有明曰既濟長夜晝且在此

師田比驅總无安意肆志可弛傲備之時然師貞要終比元原始師以律臧比以缶手師二如禹征苗湯征

葛武用介俱在師中比五如禹陟位湯建中武垂拱

俱履尊位故比言王惟五而師可以王惟二比三驅以簡下順之坤民欲萬國永有親輔之樂師三錫以懷上順之坤眾欲萬邦永无鋒鏑之憂比下三爻皆範于驅以相親而三以匪比為傷師上三爻皆承王命以令眾而七以用小人為亂匪人小人何在曰王之左右不可盡目為匪人而別无一君子然城社是患孤鼠分多師之三比之上凡皆君側乘剛極險之父也師三近銜王命而師上為應爻比上近握王章而比三為應爻師上應三有援在内或眾得為政必

像抄卷上 比四

五十八

矯命雄行比三應上有援在外如輔車相倚亦載胥及溺師上眾為政而煩有徒干戈滋大故曰必亂邦比三非所親而失其身千古遺恨故曰不亦傷

宋永亨曰易于乾坤二卦之後繼以屯蒙需訟師比六卦卦皆有坎聖人防危慮險之意深矣

三
小畜之上稱尚德无取說輻之力爭見其異于四履初

稱素不顯說乾之能事見其異于三

易筌剛不能制剛而柔能之如衣冠可以化強暴是也
文德正柔順之德不尚威武之謂朱氏定國曰君子
大綱大節原无可議而言動之間少有滲漏小人卽
得以瑕摘之故檢點議論飭厲躬行正防奸之善物
也

像抄卷上 小畜

五十九

三
九卦以履爲首一菴唐氏曰人當下進爲只從脚踈發
軀此是學者第一步這處躍等縱飛輪神駿之功枉
費心力天下古今不少英雄俊傑昂首軒眉弘希玄
覽只未得著實脚踈趨趨步步徒作一場想像話頭
現弄影相耳

君子以辨上下定民志明道先生十事劄子古者冠婚
喪祭車服器用等差分別莫敢僭踰故財用易給而
民有常心今禮制未修奢靡相尚卿大夫之家莫能
中禮而商賈之類或踰王公禮制不足以檢飭人情
名數不足以旌別貴賤既无定分則奸詐攘奪人人
求厭其欲而後已豈有止息哉此爭亂之道也

像抄卷上 履

六十

呂氏祖謙曰朝不混市野不踰國人不侵官后不敢干
天子之權諸侯不敢僭天子之制公卿大夫不牟商
賈之利九卿九牧相屬而聽命于三公彼皆民上也
而尺寸法度不敢踰一毫分守不敢易所以習民于
尊卑等差階級之中消其逼上无等之心而寓其道
德之意是以民服事其上而下无覬覦賤不亢貴卑
不踰尊舉一世之人皆安于法度分守之內志慮不
易視聽純一易直淳龐而從上之令父詔其子兄授

其弟長率其屬何往而非五禮六樂三物十教哉
方位國野設官分職何往而非以爲民極哉嘗讀晉
國語每歎絳之富商韋藩木捷過朝之事以爲富
商之饒于財使之澤其車而華其服非不足也而必
易車服于過朝之際不敢與士大夫混然无別焉民
志之定而中道之存成王周公之遺化固隱然在此
也

履初素履二坦坦先是見得上下尊卑之定分有凜然
不可一毫踰越者在故率循初分而履之爲素恪安
二位而履之爲坦坦之道卽有履剛和乾能事而殊
像抄卷上 履二

不見其能此所以爲說而應乎乾此所以爲履虎尾
不啞人而亨三啞而凶只爲犯一能字武人爲于大
君是聖人哀其志而取之三原不敢犯分只寧啞而
凶之武人異于所謂履坦之幽人耳

中庸素位一章履初一爻可了崔仲見曰隨分而止人
之大美非分而求人之大惡

履道坦坦人但不安分便跬步无非荆棘

小畜巽風行天之上披拂成章故象文履兌澤在天之
下高卑有等故象禮畜以陰制陽而受畜者三履以
陰履陽而被履者四剛應柔而其文著柔履剛而其

禮服文禮一原也章本

夫上乘五剛之小人履三應五剛之武人履五亦爲夫
決說不易入故貞剛果自遂故厲

畜上尚德德莫尊於乾上能尚而巽之故成載履初素
履乾原无可加飾初惟以素履之故往吉如畜四有
制乾之意便反目履三以和乾爲能便啞剛柔大分
之不可易固如此

易筌乾爲虎四乃其尾三言履虎尾謂三往履四四言

履虎尾謂三來見履

孔子言求志孟子言尚志天下未有无其志而有其事
像抄卷上 履三

六十二

者易凡言志處志卽士君子未見于爲效天下之動
之事也或乃曰爻以位爲志如履三言志剛却補出
才弱履四言志行又謂九雖剛而志柔似屬蛇足且
聖人明言剛柔相易不可謂典要今說易者不知六
爻相雜之有主而但以爻位之剛柔言當與不常止
執一爻以論爻而不通六爻以論爻是一爻之變未
適也何以通之三百八十四爻乎哉

履道坦坦程子曰面前境路常須令寬狹隘使人難走
履上旋周中規折中矩視履履頭有爛目夫履履頭有
硬尖

夬履貞厲三言未必中正然何莫而非五之良藥也君

上而決此忠謹必日遠朋友而夬此直諒必日踈

處眇跛而自以爲能固凶然而視實不可忽于眇也履

實不可忽于跛也于眇无忽全明者固可知矣于跛

无忽正行者固可知矣人以能自居則病而能无一

之可廢則取人之道也此夬履所以爲貞厲也

擬履三爲秦政項籍誠不倫或曰其志在統攝諸剛而

爲之君亦且不止于將矣若然是爲柔乘剛豈曰柔

履剛是爲逆而抗乎乾豈曰說而應乎乾是當爲賊

爲亂何止爲眇爲跛象曰志剛明其志在應乾而和

像抄卷上

履四

六十三

三十三

剛此豈斧鉞之誅詞也

夬履還是當夬還是不當夬若是當夬何以有貞厲之

戒履五固說之以道則說說之不以道則不說視三

爲匪道是以直如夬之決去耳不知三說止是眇跛

不是匪道眇一目小耳豈明匪其明不以道之視跛

足偏廢耳豈行匪其行不以道之履象言不足以有

明不足以與行因眇跛而輕忽爲不足五所以夬五

所以爲貞厲

履二與五正應五以純剛至健底性居于人上要他放

教和說平易極是難事故說一个坦字不足又將一

个坦字來添而特謂之履道

履臨相綜看履初素二幽臨初二皆咸第以說意上和

以說意上咸耳未開說口也開口而說在三履三見

能四愬五夬上考于三皆有裁而于剛說兩爻若默

爲之應臨三有甘四至五知上敦于三皆弗入而于

剛說兩爻无弗受其臨以履三雜撰巽入上三爻皆

乾剛兼有斷制臨三雜撰坤順上三爻坤柔惟謹承

從耳

姤包魚與瓜遯畜臣妾否離祉觀生剝得輿夬遇雨壯

決藩泰包荒臨咸復无祗悔匪得數義而存之其于

像抄卷上

履五

六十四

三十三

處小人之道未有不失者

履四愬愬愬三而應初五夬三而貞二上旋三以下二

初皆以三位不當之故畜初復復至五上履上旋旋

至二初君子以同道爲朋故如此

履不處以有二剛在下人舉步聯屬不絕曰履又藉足

必及地有所承藉而始得進曰履履三匪藉二初固

无以行進而說應上乾也

易筮視履者進步處時時著眼離視以爲履者冥行耳

泰之上下交以五二君臣為主若四與初上與三截然
有君子小人之辨消長之分者

易筌小人道消非消小人也化小人為君子也故曰舉
直錯諸枉能使枉者直

君子在內為主小人在外為客便是泰聖人豈不欲人
盡君子无一小人顧君子小人相間世界凡有六十

二純是君子若惟一乾純是小人亦若惟一坤耳
泰君子道長貞乾也前乎需訟受坎磨盪小畜履受巽

像抄卷上 泰

六十五

磨盪乾之兼體全用六子固如此又統三十六論之
前乎泰一六後乎泰五六終之視始工夫若五倍然

原始為君子易而要終為君子難又如此
朱氏定國曰泰內陽外陰以君心所存言理欲之分內

健外順以君身所為言邪正之分內君子而外小人

以君所用言賢奸之分
動陷止皆以貞健人麗說皆以明順內健體立外順用

行求人心无泰不可得已求世道无泰不可得已
泰朋何亡合以尚五卽不如娣袂之良之用心凡包荒
馮河不遐遺非已之能而初與三之能故五曰帝乙

歸妹以祉元吉或曰古之建官曰公孤公无私孤无
朋然觀元祐諸賢不和遂為紹聖小人所乘元符建
中韓曾不和遂為崇寧小人所乘紹興趙張不和遂
為賊檜所乘以是知泰二之言朋亡蓋以得尚中行
為朋亡如坤之言東北喪朋耳

泰河凡小人諛說奸邪讒諂之言一不察便足流禍如
千里之堤潰以蟻穴是以君子在有所必馮

泰三艱貞无咎大有初艱則无咎噬四利艱貞吉大畜
三利艱貞大壯上艱則吉明夷彖利艱貞艱難也根

也如物根也

像抄卷上 泰

六十六

堯已釐降二女于娣汭嬪于虞謂帝乙始制王姬下嫁
之禮殊誤

帝乙歸妹五處上君位二處下臣位言君臣則堂階之
分猶嚴言帝妹則魚水之情至篤以祉從中而左右

四上為以以陰必從陽以順必承健以小人必事君
子以娣必尊君又如閹寺必統于冢宰宮中必監于

丞相自內自外无一人不祗之以福是為泰五之元
吉

君子之于小人通可同不可不惡不絕皆通義雖泰交
通耳不同也通所以亨不同所以吉故泰之象曰小

往大來吉亨朱子曰若論陰陽須二氣交感方成歲功若論君子小人則一分陰亦須消盡盡去小人盡用君子方能成治

泰四翩翩疾飛貌又往來貌急于奉公朝夕不暇啓處不遑也不富忘其家計忘其身圖也初于三陽同類一德一心以其彙也四千三陽非同類左之右之无之不見其可親以其隣也法度明章程一君子不煩告戒小人无不委心承聽輸志說從不戒以孚也不戒以孚小人輸誠以事君子于内勿恤其孚君子推誠以任小人于外惟泰交之三四有此

像抄卷上

泰三

六十七

三

泰五歸妹五爲震帝乙也二爲兌妹也二曰尚五曰歸泰交之象也今解作帝女下嫁帝乙爻下添出一箇帝女已屬蛇足且二雖剛泰之臣也以五嫁二二爲夫五爲婦五尚可南面而稱帝乙否

帝乙歸妹不是帝乙始制王姬下嫁之禮或是帝乙始制歸后之禮娶妻必親迎文定厥祥親迎于渭世子而親迎也韓侯迎止于蹶之里諸侯而親迎也意古者天子亦親迎至帝乙始爲歸春秋桓八年冬祭公逆王后于紀九年春紀季姜歸于京師意唯天子得歸諸侯仍親迎春秋諸侯不親迎俱有刺譏政以明

共僭耳

泰曰朋比解曰君子維有解此爲第一然坤言得朋塞言朋來解亦言朋至斯乎慶曆中上與執政論朋黨事范希文對曰方以類聚物以羣分自古邪正在朝未嘗不各爲一黨不可禁也在聖鑒辨之耳誠使君子相朋爲善其于國家何害趙閱道爲殿中侍御史其言常欲朝廷別白君子小人謂小人雖小過當力排而絕之後乃无患君子不幸而有註誤當保持愛惜以成其德傳欽之事英宗一日奏事殿中英宗問曰多士盈庭孰忠孰邪公曰大忠大佞固不可移中

像抄卷上

泰四

六十八

人之性繫上所化英宗敬納其言三言俱通易旨

泰時之小人在外方消之小人願交君子之小人通君子之小人否時之小人在內方長之小人不欲交君子之小人阻抑遏塞君子之小人小人只阻抑遏塞君子不使之通便是極惡大罪了其他嫉妬傾害更不須說

儉有作歛者易筌曰儉于聽可以養虛儉于視可以養神儉于言可以養氣儉于嬪嬙可以養壽命儉于心可以出生死不可榮以祿如不可得而親不可得而疎之謂非戒君子也

像抄卷上

否一

本九

三言五主

凡草茅初進之士陽剛之必爲君子固無疑其質之陰柔者方其初進亦豈遽甘心爲小人故否初猶以貞望之惟兩箇陰柔合并來則小人已成又添一箇合并來則全是小人道路別无君子道路可望行走也人之爲人抱陽負陰否內陰外陽便是匪人之象剝以上一爻爲乾之貞初二皆有蔑之象故凶否以外三爻皆爲乾之貞非內三爻所利故曰不利君子貞君子自无不貞也

泰內乾三爻之爲君子不待言否內坤三爻雖言小人但肯貞于從君子无不吉亨初无茹與象之是拘蓋

君子小人止于邪正上分不是陽與剛必爲君子而陰與柔必爲小人也

易之分別君子小人于否泰見例大凡三箇陽剛正大之人合爲一羣其爲君子之道不問而知矣三箇陰柔私小之人合爲一羣其爲小人之道亦勿問而知矣

包承以承爲包皮膜外包包羞以羞爲包心術內包聖人以小人吉立包承公案吉其承開小人遷善之門小人其包醒君子鑒人之目

否初拔茅无以異于泰初小人之初人人君子也

像抄卷上

否二

七十

三言五主

傾否上之時常傾九之剛能傾傾謂倒而向下也大人否亨象曰不亂羣這羣是亂不得底休否大人吉休之義與忿疾憎惡反但有忿疾憎惡便是自稔亂自速亡之道當否而有苞桑之繫全從休上植根休天包之量惟天有休命惟大人有休否惟君子日休惟一个臣休休

薛文清言忮心一生而天地否良心一發而天地泰凡陰肯麗陽便都是福之所止故泰五以歸妹言祉否四以疇離言祉

大人否亨曰不亂羣君子不與小人爲羣乎曰有羣之

時无亂之日且物以羣分人但知同之爲羣而不知分之爲羣也

位不當履三噬臨三甘噬三曳兌三來孚三鼓罷否三羞豫三盱噬三遇毒震三蘇蘇未三征晉四碩鼠萃四大吉豐四節小過四遇之大壯五喪羊以三言不當者十以四言不當者四以五言不當者一大抵兌震二體爲多言行君子所以動天地言動不當无一當矣若小人則不消做出別樣罪惡然後爲不當但安處于內竊據高位恬然不動便要將一箇乾坤都闔殺了也

像抄卷上

否三

七十一

三十七

泰否分別君子小人王巖叟字彥霖大名人舉明經事宋哲宗言用人之際邪正難辨辨之少差治亂所係又曰陛下今日進聖學者正欲理會邪正兩字正人在朝則朝廷安人君無過舉天下平治邪人一進則朝廷便有不安之象非謂一人便能如此乃其類應之者衆上下蒙蔽人主无由得知不覺養成禍患耳又曰或聞有以君子小人參用之說陛下者不知果有之否此乃深誤陛下也自古君子小人无參用之理聖人唯說君子在內小人在外則成泰小人在內君子在外則成否君子既進小人不能與君子同事

自然不得親近小人既進君子不肯與小人爭進自然稍稍引去君子與小人競進則危亂之機也此策不可不察劉元城先生安世字器之大名人神宗哲宗徧歷言路正色立朝知无不言言无不盡每以辨是非邪正爲先進君子退小人爲急嘗言微仲堯夫不知君子小人勢不兩立如冰炭故開倖門延入李鄧排去正人易若反掌調停之說果何益乎世以公爲知言

否五其亡其亡合三剛君子教戒之繫于苞桑危安其位亡保其存亂有其治也

像抄卷上

否四

七十二

三十八

張魏公沒入見宋高宗親書否泰二卦以賜浚浚奏自古小人傾陷君子莫不以朋黨爲言夫君子引其類而進志在天下國家而已其道同故其趨向亦同曾何朋黨之有惟小人則不然更相推引本圖利祿詭詐之踪莫可跡究故或爲小異以彌縫其事或內外符合以信實其口人主于此何所決擇而可哉則亦在夫原其用心而已又曰臣觀否泰之理起夫人君一心之微而利害及于天下百姓方其一念之正其畫爲陽泰自是而起矣一念不正其畫爲陰否自是而起矣當今時適艱難民墜塗炭陛下若能日新其

德正厥心于上臣知其將可以爲泰矣異時天道悔禍幸而康寧則願常思其否云

朱子序潘義榮集天地之化包括无外運行无窮然其所以爲實不越乎一陰一陽兩端而已其動靜屈伸往來闔闢升降浮沈之性雖未嘗一日不相反然亦不可一日而相无也聖人作易以通神明之德類萬物之情其所以爲說者亦若是焉耳矣然及其推之人事而擬諸形容常以陽爲君子而引翼扶持惟恐其不盛陰爲小人而排擯黜抑惟恐其不衰何哉蓋陽之德剛陰之德柔剛者常公而柔者常私剛者常明而柔者常暗剛者未常不正而柔者未常不邪剛者未常不大而柔者未常不小公明正大之人用于世則天下蒙其福私暗邪僻之人得其志則天下受其禍此理之必然也

易筌轉移世道只有聯屬善類一着

泰否之初俱象拔茅因泥包匭菁茅包茅不入又大過之初藉用白茅茅之爲物薄而用可重諸語自昔相沿俱以用人彙征並進爲說似與泰否初吉无干泰初之茅拔人對外三陰言否初之茅自拔就內三陰言泰之世萬物通矣然不虞爲間不用則茅塞之乎

像抄卷上 否五

七十三

三

像抄卷上 否六

七十四

四

諺云草不去根終當復生須是連根而拔又須是連類而拔治地而使土无不闢由是治人而使人有可用由是爲泰初首義二乃際天所覆爲包極地所載爲荒初拔茅如分畫而治之事二包荒如統均而治之事又恐襟帶包終不周壅決梗圯時作須用馮邇固不可泄遠尤不可忘須不遺坤朋可得可喪乾主在應首出須用亾至于三益不敢易視土宇之平治而謂无陂无復既艱又貞是爲泰三爻乾道大來之作用否之世萬物不通矣然得无茅塞之患不在人在已不在身在心乎急須自難其根又盡其其類

以坤初米霜之志自勵乃不失其貞而得亨是爲否初首義二當天地不交之中一味以地承天當上下不交之中一味以下承上以臣惟知有君不敢不承以婦惟知有夫不敢不承以小人惟知有君子不敢不承這是小人吉底道路若以坤二直方大之道論天施而後地生夫先而後婦從天氣不下降地氣自須收歛而不上升夫男不下女婦女定須貞固而无妄從男小大不竝立承則小而吉否乃大而亨出乎小人入乎大人守得徹骨寒豈无撲鼻香是之謂亨三時位當閉塞之極无章可舍惟有疾可藏污可納

垢可舍辱可受曰包羞如此與初貞二否亦同凡皆君子路不則便如歐陽公責高若訥謂其不復知有人間羞耻事乃爲徹底小人是爲否三爻坤道小來之作用以乾坤陰陽分內外泰內皆君子否內皆小人聖人已爲分別明白如何可混然小人回頭便是君子小人惟否非其否而不知有君子儉德之否大人不亂羣之否遂卒爲小人耳若知得小大惟人自取乾道坤道分量不論泰否一般可爲君子遇泰則泰而有泰之吉亨遇否則否而有否之吉亨天地度量自寬聖賢門戶亦寬終不過爲分別而忍棄一人

像抄卷上

否七

七十五

于小人之歸也

否儉德儉約也節也制也初拔茅便是堯根厚自莖柞約已節已制已真工夫如此身世任他閉塞方寸却自開通此卽大人否之根基故曰貞吉而首與其亨孰爲否初之茅曰无如榮祿蓋富貴利達之毒入人心髓久矣榮祿根直截拔得又推類而无不盡此心更有何物可入若有一絲榮祿根未盡榮祿類未克或不自拔而爲人拔根株終在終喚做茅塞萬物自通爾却自塞世道盡泰爾心獨否人自不察耳泰亨豈非大人事惟到否亨其大尤見故否二卽係以

大人既示君子處否之道尤以開萬世小人出小入大克念作聖之門

陽長至五然後決陰長至二便遯陽不爲陰用剛不爲柔川君子不爲小人用夫主不爲臣妾用中國不爲夷狄用乃天地之常經冠履之定分古今之正義于此无失方存剗得一箇君子住四曰好遯反乎好必歹矣五曰嘉遯反乎嘉必慝矣上曰肥遯反乎肥必瘠矣于君子宜何居聖賢每言无道則隱默容舍藏卷懷獨善皆遯義二陰君子小人二四分分已遯三陰君子小人遂至相半于德且儉難敢不避祿卽爲像抄卷上

否八

七十六

辱何祿可榮否五休亦畧如休官休致之爲休連世道責任也須放下君子非忍忘天下天下自不用君子君子固无如之何矣在遯而嘉在否而休非純乎天德全體乾剛恢乎有天度者不能若四陰成觀而曰我生五陰成剝而曰得輿巽與止之德視之乾健不逮故遯嘉否休亦若非其所優爲耳

泰小往大來吉亨否大往小來爻曰大人吉大人否亨可見君子之爲君子進有泰之吉亨退有否之吉亨否吉尤異于泰吉否亨无異于泰亨而世或有以出處進退生二見亦不勝其自待之小矣

否彖明言大往小來二小來為主之爻也既已名爲小人何又以大人與之如乾二五革五以剛爻名大人然蹇上柔爻也亦名大人如訟蹇以剛卦稱大人然離萃升困巽皆柔卦也亦名大人至于坤二曰直方大坤三曰知光大臨五曰大君師上亦曰大君見大人分量人人具足人卒自安于小人耳

位正當如履五否五兌五中孚五以噬渙例之噬五曰得當渙五曰正位則有正而不當有當而不正又有但得當不言位者正當係之位是就位言正言當如此五隨五巽五曰位正中又就位言正言中正同而

像抄卷上

否

七十七

三頁十五

當與中有別則當不可以混中中不可以混當不言位但言中正如姤五井五又如訟五豫二晉二艮五言中正加一以又不同言位曰正中既正又中不言位曰中正中先于正中重于正履五兌五中孚五以道非道之說混雜甚否五小人閑寒甚非正不足以消其邪邵子詩請觀風急天寒夜誰是當門定脚人非如當門當關之爲當不足以當正與當不是馮虛形容得令人望之而若有儼然植立者在故特言位位正中中義渾成位正當當有力量此正當與正中之辨不言位則以德論矣

凡地土一日无人開治必草荒如蓂莠不去嘉穀必不

可得而樹故泰否之初俱以拔茅爲第一義泰通一通百通征正行也以正道行也泰初是无欲眞脉一切染不得直頭正行无之不吉否不通須漸次爲通其分量與泰初不同惟貞然後吉天下大務唯田與桑天下大患唯凍與餒泰三陽生長之卦屬春夏泰內乾若先男教二曰包荒三曰于食若棲畝被野朝饔夕飧使民无餒之事否三陰生長之卦屬秋冬否內坤若先女教五曰包桑四亦曰疇麻田爲疇若以麻以桑可績可蠶使民无凍之事桑麻都是寒具奈

像抄卷上

否

七十八

三頁十五

得寒守得暖奈得否守得泰此便是在否吉亨之義否中有巽爲柔木卽桑象彖易聖人一字都是實象實義

否初拔而貞茅根都去了茅類都盡了尚須貞不貞始于拔中于承極于羞如王安石榮祿官爵都不入其心却附會周禮以利承君引用兇邪塞盡賢人君子之路天下人无不切齒怨惡猶傲然自賢自智跡其節槩寒于冰霜總不謂貞總是承羞一路人宋祚之否卒以是人致小來之戒其嚴如此

楚辭寧誅鋤草茅以力耕乎將從容富貴以媮生乎又

荃蕙化而爲茅孟郊死辱片時痛生辱長年羞此皆拔茅包羞可証之義象

承與羞是從古來小人一線氣脉只世間生出此等人便將賢人君子否塞盡便將世道否塞盡否之匪人總罪在小人之辭不利君子貞君子小人總不相能總不相爲用之辭

凡尊君卑臣之世都是否世上有驕下无諂上有陵下无援秉道執義不少回徇便是皎然大人風範曰否亨隨否淺深俱幹旋出通路惜乎三代以下人臣俱不足以語此承意沾帶未盡可羞面目終在小人窠

像抄卷上

否_{十一}

七十九

三十五

曰終跳不出否亨事業殆幾絕響

以道事君不可則止這便是否亨大人第一義然則一无承乎曰坤承天蠱承德承以天與德何害于承若否之包承所包惟承萬分善承皆小人于已无失之事于世道何賴以致否塞沈痼曾无通路便在此故小人之吉便是君子之否便是世道之不幸有大人者舉世承大人否决不亂于小人之羣天經賴以不墜地維賴以不裂存割得一箇君子鼎立乾坤路佳便喚做否亨不是身否道亨亦不是惟否乃亨童觀小人无咎君子弗爲包承小人吉大人弗爲

否是小人道長小人成羣之世于外君子中做得箇休否大人猶易于内小人中做得箇否亨大人更難觀五曰位正當二曰不亂羣便見位正當有四不亂羣惟一從古難其人唐之狄文惠梁公似之問君子否亨乎曰君子否貞否貞外君子一路分青理白君子做得微若置身小人羣中獨能不亂做得否亨事業此非大人未易與也

像抄卷上

否_{十二}

八十一

百廿六

同人于門武王門銘敬遇賓客貴賤无二

易筮二五同心同德物猶問之則知父子君臣間以問而離者多矣故師若大于君心而兵革爲小克莫難于小人而敵國爲易

瞿氏九思曰乾之大象當用乾字而用健字六十四卦竝无應乎坤應乎離應乎坎應乎震應乎巽應乎艮應乎兌而獨同人履曰應乎乾亦竝无坤行也離行也坎行也震行也巽行也艮行也兌行也而獨同人曰乾行也然考震六三爻亦曰震行以先天乾兌離像抄卷上 同人 全一

震俱屬陽儀故惟離兌于乾可曰應乾亦惟同人震可曰乾行震行若天行但曰健不曰乾六十四卦无一非乾之分體莫尊于乾而不言乾是爲乾以君之大義

三三

大有初无交害不以有交五上自天祐之以五惟信是履惟順是思又惟賢是尚是以特有自天之祐亦初不以有爲五之有无此初所以无咎而上所以爲上吉

同人之初惟恐二專麗乎初以爲同與之爲出門之同大有之上惟恐五專麗乎上以爲有祐之以自天之上自有自天凡頭上目下四旁方寸中盡皆天此之謂自天象言應乎天而時行亦自巳所居天位之天五與天應得來故上尊五如天以天祐五

像抄卷上 大有 全一

全三

晉稱王母離稱王公大有稱天子此尊威親慈與出地行天之別

比初言乎水地融液周遍之乎大有之初言交天日交初交中之交有孚盈缶比初地之過下水之窪下或如潮汐之水循環得轉或如泉源之水濺湧得上原原委委溪溪曲曲流衍洋溢无不周徧充滿斯謂之盈无交害日道交初謂之天首交中謂之天尾初原始可謂之首在下又可謂之尾凡日行交道或自內而外或自外而內正當其交處則有陵揜之害而初不當內外之交故曰无交害惟三正當內外之交陰

三三
元陽月掄日每在此春秋記日食之變或庚戌侵中
國或妾婦乘其夫或小人陵君子三有小人之道將
雜撰兌毀以虧蔽離體故曰小人弗克小人害

易筮六五爲卦主四陽在下无不應之矣上一陽在上
天之位也而亦應五是天之祐五也繫辭傳云履信
思乎順又以尚賢蓋陽在君上其象爲天賢在君上
其象爲師傅六五在本爻但見其履信思順而已至
上九而後見其爲尚賢蓋當大有之世羣心皆應未
足爲大羣心已集而又能尊賢如武王天下大定必
得其子爲師而後爲大有故大傳以此爲六五之全
像抄卷上大有二

八十三

下

德而象辭亦曰大有上吉明事闕全卦非止上爻而
已猶師之上六論師之事至此而終其言大君蓋指
六五非謂上六爲大君小畜上九論畜之道至此而
成稱月與婦亦指六四非謂上九爲婦也

三三

有所收歛向內不自滿亢曰謙有而不居曰謙功德在
外不自高亢矜伐曰謙屈已下物曰謙貶已從人曰
謙基言艮山之高而在地下是貶抑其尊甘處物下
坤地之卑而在山上是推遜卑者使居已上易傳以
山降于地地蘊夫山合言謙義亦此意

姚崇執秤誠云衡天下之平也君子執之以平其心夫
衡在天以齊七政在人以均萬物稱物平施爲政以
公毫釐不差輕重必得是執秤衡之理也聖人爲衡
四方取則志守公平體兼正直存信去詐以公滅私
像抄卷上謙一

八十四

三

无偏无黨君子似之今按謙言平謙君子之衡也
謙不要于君子之正卽柔懦卽小人卽坎陷此謙初所
以用涉大川
誠齋楊氏曰德厚者无盈色德薄者无卑辭如鍾磬焉
愈厚者聲愈緩薄者反是故有功有勞而不伐不德
惟至厚者能之

謙言天道地道人到勞謙亦分明天地氣象

謙五不言謙而言侵伐或曰君道不可專尚謙柔已非
本肯或又改侵伐爲征伐拘曲莫甚

謙四揭定指乎三之止故无不利豫三盱張目乎四之

勳故悔

宋氏曰易之利行師也以豫其征邑國也以謙不豫不謙謂之愾忿之師近之地爲衆非主一之剛莫統豫行師合坤衆有震雷之驚謙行師合坤衆有泰山之安故皆利耳

謙三以功下人是爲下際光明是爲尊而光謙之四五上又能下三是爲卑而上行是爲卑而不可踰

謝顯道良佐與伊川先生相別一年往見之先生曰相別有一年做得甚工夫良佐曰也只是去箇矜字曰何故曰子細點檢得來病痛盡在這裡若按伏得這

像抄卷上

謙二

全五

三

箇罪過方有向進處或問矜字罪過何故恁地大良佐曰今人做事只管要誇耀別人耳目渾不關自家受用事有底人食前方丈便向人前喫只蔬食菜羹却去房裡喫爲甚恁地謙五之利用侵伐謙上之利用行師征邑國天道虧盈而益謙地道變盈而流謙鬼神害盈而福謙人道惡盈而好謙若非盡去其滿假之盈心與矜功炫能之勝心如功嫉能之忮心惟天下之賢人君子是下是後是歸是服謙義終有本盡終不湊手故有當潛師掠境而侵有當聲罪致討而伐有當以上伐下正其不正以歸于正而征皆此

三三

記曰聖人作樂以應天制禮以配地雷天氣出地奮爲豫應天之象澤地形下天下爲履配地之象又曰樂者爲同禮者爲異雷地天地之交統同之象天澤天地之判辨異之象又曰樂由天作禮以地制樂者敦和率神而從天禮者別宜居鬼而從地豫悔震陽五陰一陽一陽爲主樂由陽來之象履貞兌陰五陽一陰一陰爲主禮自陰作之象又曰樂至則无怨豫之刑罰清之象禮至則不爭履之民志定之象禮先樂後故履先豫後

像抄卷上

豫一

八六

三

介于石不終日朱氏定國曰人心之天養之以靜則明累之以欲則昏是以心无物而後能觀物心无事而後能見事也

上交不諂下交不賣以下交上无卑屈心以上交下无污慢心夫是之謂順動順動順天理之動也夫子以是言幾則知周子幾善惡非穩當語朱子爲圖以釋之謂幾之正出者爲善幾之旁出者爲惡更未穩當一日二日萬幾幾者動之微猶言萬感萬應无動而弗微也非幾乃是惡故曰爾毋以釗冒貢于非幾豫五貞疾與介石同義復雷主初正出入无疾豫雷主

四不正出恐不能无迅疾恒不死猶言恒不殺二中
正介之于下之中貞之于上以貞故恒化疾爲和反
乘爲應隨地奮出无非生幾震動非暫无疾而不死
乃常无疾而不死彖謂刑清民服傳言神武不殺朱
子曰學者常喚令此心不死則日有進皆此
家語地載神氣吐納雷霆流形庶物豫與復其所謂吐
納雷霆者歟

豫象之大者不害于物又借爲樂則作樂薦帝之義借
爲先則擊柝待暴之義

豫抄卷上

豫二

八十七

言元

三三

澤中有雷隨君子以嚮晦入宴息唐一菴曰造化機微
出入有度宴以休其應息以存其動莫呈寤先則莫
考寐後不收寐功則不致寤效
雷澤歸妹澤雷隨澤之于雷必歸必隨陰從陽靜根動
之義也

同人于門初欲二盡同乎以上之四剛隨初出門初欲
二以應隨五三以近隨四又欲二三與上合隨以君
五同人出門凡同皆君子矣隨出門凡隨皆君子矣
門內之同之隨父子惟文周夫婦惟任姒兄弟惟二
豫抄卷上

隨一

八十八

三四七

程二陸諸先生

門外有剛健之君子同人之初不出與同于同人乎何
有門外有剛說之君子隨初不出與交何隨之有
隨五孚于嘉二係子三係夫上係君凡柔必以剛爲係
惟剛所下皆可嘉二更專于門內小子之從而弗兼
與門外丈夫之事令他日震出有功之子光顯得兌
說丈夫之門戶尤可嘉五位正中合以成孚柔无遺
善剛不待言故吉

隨二曰係小子三曰失小子二三皆震出長人之體也
止爲澤中之藏便如止爲門內之婦又震先艮後相

反不爲震出之長子便是艮止之小子故以爲戒隨
五孚于嘉剛中說體出震長世聲音顏色悉足以來
天下之善以天下之善爲善惟人之善是隨而不自
有其善蓋與革五虎變事業同革五從烈火千般百
煉鑄成隨五從迅雷夜半一聲迸透

王用亨于岐山天下无不南征之賢人王用亨于西山
天下无不西歸之民心人君爲天下之歸往舍二端
之外无之矣

嚮晦入宴息陳國南先生示金礪詩常人无所重惟睡
乃爲重舉世以爲息魂離形不動覺來无所知貪求

像抄卷上

隨二

十九

二

心愈動堪笑塵地中不知身是夢一日有一客訪先
生適值其睡傍有一人諦聽其息聲則以墨筆烏塗
于紙如是數次滿紙烏塗莫辨客怪而請問之曰彼
先生華胥調此混沌譜也

王子植曰眞息卽是眞心若呼吸出入之息乃息之末
流耳

梅彬甫曰自古无不同之聖而有不同之時聖人者時
之主也天地將開必有人以開其先天地將閉必有
人以禪其後謂人不能違時而一聽其權于代謝密
移之運此庸衆人之所藉口不爲聖人說也聖人无

論時可爲與不可爲而无不引之爲已任隨時之義
之大隨此服牛乘馬引重致遠以利天下蓋取諸隨
取此

西山用亨與嚮晦宴息亦一義如春秋之不爲唐虞時
也卽春秋而爲唐虞則夫子隨時之亨與息也

李仲魯曰衡石之爲天下貴以其善隨昂隨重不任受
德低隨輕不任受怨裒隨多不任受盈益隨寡不任
受縮若衡石自避于多寡輕重之外何物之程是爲
隨初官有渝之大旨

像抄卷上

隨三

十九

三

三三

禮亨就羶鄉膏而薦之非孝也養也君子之所謂孝也者國人稱願然曰幸哉有子如此所謂孝也已此蠱初之所謂有子曾子曰君子之所謂孝先意承志論父母于道柔行巽入期父母之順于理而不期父母之從乎我此蠱初之所謂意承考從乾父坤母論六爻皆子從上要終而止論五爻皆子有子之分量獨在初初巽主能直要上止也

蠱之取象于幹父幹母欲人知有子道隨之取象于係子係夫恐人淪為婦道先天巽位西南後天坤來居

像抄卷上 蠱一

九十一

三三

之一擔坤母之責任在巽先天艮位西北後天乾來居之一擔乾父之責任在艮艮任乾于上巽任坤于下乾上坤下則否是為父母之蠱之象六十二卦俱幹乾坤之事于蠱見例蠱元亨而天下治有乾元用九而天下治分量以巽艮論先以乾坤論後巽坤柔之所由入艮乾剛之所由止蠱遂兼得乾坤二元又能先後而為六日之甲也

蠱二不可貞以幹母自貞何能出震以起止之敝隨五亨西山以失地為拘何能善動以亨五之業此蠱期于幹惟要上止而隨期于時惟王初動

隨吝二三兩柔內係而失其所動有以渝二三之係使

為隨時之善動蠱吝四五兩柔苟安而失其所止有以飭四五之止便為涉大川先後甲之有事隨戒初不出門震動之男欲其長世蠱尊上之高尚艮老為乾子考即父成功不退又非所以厚終也

像抄卷上 蠱二

九十二

三三

三三

巽兌陰卦坤純陰合為臨觀見于上經尊二陽爻為主也臨以下人為德觀以則于人為道臨懼消以下體兌觀尚生以上體巽兌乃正秋巽則東南耳下人是何等虛懷二陽合併不啻有天地大生廣生之盛德至于八月則忽變為秋氣之肅殺安得无凶

臨曰剛浸而長言澤之浸長遜曰浸而長言山之浸長兌本柔卦故以剛爻言浸長艮本剛卦故以柔爻言浸長剛浸長而曰八月有凶剛長不專貴其浸也柔浸長而曰小利貞柔長猶取其浸矣柔易聖人下二像抄卷上臨一

九十三

三言老

浸字自別陰符說天地之道浸便謬

月令八月水始涸地澤臨秋澤也八月之水也長以積漸消以候忽是為八月有凶是為消不久

復剛長有雷震之迅臨剛浸而長便如巨浸大澤之水殊未易頓長此皆是實理實象

甘臨无攸利表記君子之接如小人之接如醴君子淡以成小人甘以壞盜言孔甘亂是用饒君子不以口譽人口惠而實不至怨菑及其身君子不以色親人情疏而貌親在小人則穿窬之盜也歟

長育之以累年摧殘之以一旦積漸之以累年消涸之

以一旦至使滿腔春生之意倏忽變為秋殺之氣臨之大亨以正之天道奚宜如是易蓋以浸長為難而驟消為戒示教思容保之君子知所從事故曰至于八月有凶耳八豈例為凶月哉

臨彖消不久以兌陰遇坤升上消不富以巽陰遇坤泰小人道消以坤處乾外否君子道消以乾處坤外至于剝之消息在順而能止豐之消息在動不過中時刻俱在眼前並不須向外摸索

復一剛反滿局都是陽生之氣臨二剛浸長滿局反是陰消之氣震一剛為主一君二民君子之道兌二剛像抄卷上臨二

九十四

為主二君一民小人之道也

復剛曰反曰長長震皆剛卦以艮反震言反以震長于足以長五陰言長臨剛曰浸長兌柔卦以爻言剛言浸長復以剛卦言反與長反猶反手長无積漸臨以剛爻言浸長自復至臨浸以一月二剛方長得成浸長成兌乃八月月卦之體積漸成浸長之剛倏忽成頓消之體如為震之生出甚難為兌之收入甚易善端之克長甚難消亡甚易賢人君子之培養甚難摧折甚易教思容保之念引長之甚難斷絕之甚易不令人喜不令人怒為皞皞之臨甚難市私恩徇小惠

爲驪虞之臨甚易故曰至于八月有凶故曰消不久
臨曰剛浸而長遯曰浸而長或以沒其柔字見聖人抑
陰之意良是然震剛浸長爲兌是剛長爲柔反若以
長得消故以有凶示戒巽柔浸長爲艮是柔長爲剛
有長而不失其正之義故以小利貞示教震坎艮三
剛周流坤兌從初至上皆不失其爲剛巽離兌三柔
周流乾兌從初至上皆不失其爲柔既无長象寧有
浸義惟震長一剛爲兌巽長一柔爲艮剛柔相易若
從中積久漸漬得來故皆曰浸至于兌剛一長則爲
乾聖人于夫曰利有攸往曰剛長乃終艮柔一長則

像抄卷上

臨三

九十五

三〇九

爲坤聖人于剝曰不利有攸往曰小人長夫欲以乾
終剝期于順止夫審所尚剝本天行皆聖人繫易之
精意

遯之浸而長者柔曰小利貞柔浸不失巽順之意且是
浸成剛止故以貞示利臨之浸而長者剛曰消不久
剛浸非復震迅之義反欲浸成柔說故以消戒凶

樂記孰亨而祀非達禮也得觀盟不薦之義

省方觀民設教安城劉氏曰學惟无量故不厭教惟无
方故不倦誠密修顯証登此身于无已之途隨方設
教嘿載斯人于康莊之上印之大道似更渾成若昭
昭然揭日而行懸鵠而射提單詞爲宗驛天下從之
則茫茫宇宙又若占一蹊徑而逐塊之士卽法成魔
者不盡无也夫風行地上執方則入而神无方者風
也如劉氏言似深觀民設教之旨

小人无咎君子何可以小人自安闕觀女貞丈夫何可

像抄卷上

觀一

九十六

以女貞自處蘇氏曰大觀在上故四陰皆以尚賓爲
事初童而未仕者也急于用以自衒賈惟器小而風
成者爲无咎二譬之女利貞而不利行如不待禮而
闕以相求貞者之所醜也

初六童觀潛谷鄧氏曰初柔在下逃于上德高下懸而
莫之能觀也惟田尔田亦宅尔宅出作入息渴飲饑
食明王之道何知焉是固民之質也小人道也二處
中閨言不出柵行不踰闕惟壺政肅祇于外事何知
焉是固王化之基也禮流視曰濡闕觀其有濡乎貞
已上以其道爲帝王師爲天下師王躬君子王朝君

子風于比屋君子无咎矣若猶未也后弗堯舜民不與被堯舜之澤若捷之市予過予謫志能平乎大人无已通天下爲已卽觀人觀已也可以爲觀矣

小畜初二從風而有君子之復觀初二從風而止爲无咎之民利貞之女剛柔異質若此
程子曰化天下只是一箇風如小畜中孚之五俱曰有孚學如家人之五曰王假有家益五曰有孚惠心渙五曰渙汗其大號漸五曰婦三歲不孕終莫之勝觀五曰觀我生凡皆如程子所謂化天下只是一箇風風如是則靡然无不向也

像抄卷上

觀二

九七

易筮觀卦一爻勝于一爻所觀漸高所見漸別又曰觀以四陰而逼二陽聖人却謂二陽在上爲天下所仰翻作一段絕好境界其扶陽抑陰往往如此

三三

噬嗑足目俱到之學足到而目不到不合目到而足不到不合

噬嗑明罰勅法豐折獄致刑俱以震爲主刑罰皆以生人耳豈以戕人之生乎哉

一小善不足以成君子之名君子之所以成名者小善之積也一小惡不足以滅小人之身小人之身之所以滅身者小惡之積也

噬腊肉遇毒王肅注君子于味必思其毒于利必避其難

像抄卷上

噬嗑

九八

噬嗑食也又噬市也噬合也然則所云膚腊肉非日中纖膩之市利人所日厭而不足者乎此而不噬不噬非以謀身而矧于天下乃有漁商人毫末之利開人主侈大之心如安石之于宋其流禍至今未已也可勝歎哉

賁中之坎得位噬中之坎不得位諸家謂噬四爲間亦是或曰噬賁豐旅皆陰陽之間故皆以用獄言之

噬嗑動而明則亨動稍不明諺一盲引衆盲相將入火坑噬初方滅趾噬上遂滅耳者此

噬嗑亨利用獄只當下一步不敢妄動將小罪小惡根

芽盡情精識勿使漏遺直是快刀利斧必斷必絕方稱利用妙手

龍門子厚味腊毒噬嗑遇毒亦寶象

像抄卷上 噬嗑 二

九十九

三三

賁柔來文剛剛上文柔竝无剛為質柔為文之說而紛紛未已即一相沿之腐說猶然奚怪成心之難化也噬嗑剛柔分而柔得中節剛柔分而剛得中噬及為賁不日剛柔分而日分剛亦柔中為主之義聖人貴得中之爻如此

无敢折獄非不折獄只存无敢之心耳與弗敢成之敢同

與上與二麗三三震起至上而止便是與之義又與陵

義相關

像抄卷上 賁 一

一百

白賁无咎陽明先生曰後世大患全是士夫以虛文相誑畧不知有誠心實意流積成風雖有忠信之質亦且迷溺其間不自知覺今欲揀之惟有鞭辟近裏剛削繁文返朴還淳是對症之藥

噬嗑賁倒體賁初火性遇止在前不上炎而能下便能受上之止所以為義弗乘噬上火性處動之上不克下而炎上何以合下之動所以為極惡大罪噬初宜動而不動何以合明便為小惡賁上宜止而終止文明有止便為得志爻象分明如此而或不勝異說之支離謂何

剝不利有攸往龜山先生曰君子尚消息盈虛天行也消息盈虛天且不能暴爲之而況于人乎然君子之尚消息盈虛無時不然獨于剝言之蓋君子小人之相爲消長至剝而極矣此成敗之機而邦之興喪繫焉雖動息語默之微一失其機不可復救况施于事乎東漢之衰君子欲以力勝之引姦凶而授之柄卒至于俱傷兩敗而國隨以亡不知此故也

剝言牀孫聞斯曰剝變定自人之所安處始故曰危者安其位君子安而不忘危故曰生于憂患死于安樂

像抄卷上

剝一

一百一

三頁十六

牀安身之几君民一體君子小人亦原一體安則俱安君之所恃以安者民巽牀君巽民君自巽其所安也小人之所恃以安者君子剝牀小人剝君子小人亦自剝其所安也然巽牀而曰在牀下無隱不悉無微不體既設身以處之又抑身以下之剝牀而曰以足以辨以膚不惟使君子无安身之地且欲使君子无容身措足之地无完身自全之地君子小人用心之不同如此乃小人有剝君子惟止小人自剝廬君子自得與容如地屹如山剝之厚下安宅之心不啻巽在牀下之心歷萬年不移也此所以爲君子蘇氏曰

君子之于小人不疾其有丘山之惡而幸其有毫髮之善茂貞絕滅無餘而後凶可必也若猶有餘則君子自其餘而懷之矣

剝初曰滅下下剝之民卽指初剝二曰未有與與乃其同類中之可與者如三如五

剝五貫魚以宮人寵无不利凡男子女媵多皆剝道何必天子此贊易聖人之微意與深戒又剝自姤始故取象貫魚章本清曰昏義古者天子后立六宮三天人九嬪二十七世婦八十一御妻以聽天下之內治天子立六官三公九卿二十七大夫八十一元士以

像抄卷上

剝二

一百二

三頁十七

聽天下之外治鄭康成註爲當夕之說每十五夕而一周鄙悖謬矣于是爲極或者天子統六官后統六宮合一朝之外治不外乎六官而莫非天子之所統合庭臣之內職不外乎六官而莫非后之所統卽後世百僚皆天子之命臣其妻莫非天子之命婦合百官朝于天子所以輔天子明章天下之男教合百官之命婦朝于後宮亦以助后明章天下之婦順也使天下之百官悉敬承天子之男教則外和而國治使百官之命婦悉敬承后之婦順有不內和而家理者哉以此言之則又何必夫人嬪與世婦御妻必爲天

子宮中有名位之妾媵而後可也夫以天子之尊臣妾天下豈百二十人之足多但以理揆之一人御衆女爲古帝王定制其不可明甚書有不迺聲色之訓中庸有去讒遠色之言聖人于色荒唯恐防之不早乃于昏義以此垂訓萬世吾不信也

剝上碩果不食范忠宣公繳奏歐陽修朋黨論疏小人无朋惟君子則有之一君子存羣小人雖衆必有所忌而不敢爲唯空國无君子然後小人得肆志于无所不爲則漢魏唐梁之際是也

小人剝廬終不可用聖人嘗以剝之无咎詩三以宮人

像抄卷上 剝三

一百三

三五

寵許五而要終則斷以爲不可用君子小人之辨其嚴如此

緇衣小人毒其正小人視君子如仇讐常有禍之心始于剝牀終于剝廬其毒正爲何如

膚崔憬謂薦席也若謂體膚之膚則不止切近而已

反復其道七日來復六一合五二合四三合皆七二休三頻四獨五敦皆反皆來上迷直前无反終止于六不來爲七非復義矣故凶震二既二皆七日得得以二五之合至于八月有凶震陽長之卦兌陰消之卦八月之象即兌即四陰皆是

復其見天地之心朱子曰一箇物裏面都有一箇天地之心人自迷而不見耳

出入无疾後漢郎顗上書雷二月出地百八十三日雷出則萬物出八月入地百八十三日雷入則萬物入

像抄卷上 復一

一百四

三五

人能除害出則興利人君象也

至日閉關月令章句云關在境所以察出禦入也

劉子翬字彥冲學者稱屏山先生崇安人嘗言吾于易得入道之門所謂不遠復者則吾之三字符也因作

復齋銘曰學易者必有門戶復卦易之門戶也入室者當自戶始學易者當自復始

休復之吉以下仁薛君采曰後世不務修身故亦不知親賢之爲務君子是以知世俗之日陵夷也

復初曰仁剝上曰果凡果必具一仁一仁會生萬果无復初之仁而欲碩剝上之果无剝上之果而欲下復

初之仁天地從來无此造化

陽以進爲復陰便當以退爲復此王氏說如二乘初有
以下乎初而无敢上乎初俾進在初退在已便象休
復三隔二一層退不勇便象頻復四初應交象獨復
五居順中象敦復上无退步初何由進便象迷復
復六四曰獨復復惟一剛人能有之以爲獨也小畜九
二曰牽復上下合應有五剛也是爲君子之用心
復小而辨于物此是坤道靜翁主人剛自外來而爲主
于内此是乾道動直主人

像抄卷上

復二

一百五

謂復以自知者此顏之如愚亦以此

復君子之事而上迷爲小人剝小人之事而三之爲君
子小人之君子許之无咎君子中之小人曰凶有
災眚曰大敗曰十年不克征戒之至矣

復上迷總以遠初用行師終有大敗以應三非長子五
主坤中爲國君上不能以以乃反厚歸薄故凶上四
合爲十年亦終不能如四之從初故曰至于十年不
克征願三十年勿用三合上初爲十年言初上皆不
爲用屯二十年乃字五二合成十或四初既合加五
來亦是十

屯六二願六三復上六皆以十年爲象二四六八十皆
地數而十則終數屯二字二雷五兩陰陽終應也願
三勿用三動上止陰陽終不應也復上不克征上終
迷无以下初也若同人三之三歲不與三不足以敵
五也坎上之三歲不得上乘五亦如三之乘二也漸
婦之三歲不孕巽從初子之言不敢或乘乎三夫也
既三之三年克之未四之三年有賞大國火陽水陰
南北定位又貞勝之道也

人不到見天地之心總謂之迷孔子四十不惑言能不
迷耳

像抄卷上

復三

一百六

屯小貞吉貴小利有攸往坎求小得遯小利貞睽小事
吉旅小亨巽小亨小過可小事既濟亨小稱名小取
類大故曰齊小大者存乎卦義不專以陽大陰小爲
小也如云復小而辨于物復義自是大不得大則物
不能辨矣

復亨亨以剛反出入无疾朋來无咎卦有下動上順之
象動而不順行將无動不成疾動以順行時雖方在
地中或發聲而出或收聲而入无非生機震動生意
流行何疾之有吉凶悔吝俱生乎動有動主无順朋
朋无助順主有妄動將无動不成咎動以順行以動

召順順輔動而不孤動以順而善補何咎之有反復其道七日來復人有動易于向前難于却後遇阻多些遇順多傾惟天行至健惟自強不息終日乾乾之君子爲能反復俱以天行復所稱反主惟一剛耳五柔或以坤黑終迷有一无反如疾尚綱不稱反復或以用六自畫不來爲七咎且旋生不稱來復初反而五與俱反无一柔不以剛反爲道是爲反復其道三四之合二五之合一六原始要終之合无日不七无日不來而成復是爲七日來復如是者動以順行即終日乾乾反復道之天行復道原是乾道故反復來

像抄卷上 復 四

一百七

二九七三

復皆曰天行

迷復不是迷而不復亦不是暫復旋迷迷其爲復如齊王不忍殺觶之心豈其不復只喚做迷知有牛不知有羊知有禽獸不知有百姓故曰凶有災眚甚且興兵構怨以求大欲无異于以鄒敵楚故曰用行師終有大敗語之反本發政施仁則謂惜不能進僅欲嘗試而齊卒不治故曰以其國君凶至于十年不克征百姓日用而不知日用是復不知是迷知即不迷故不可以仁知之見同于百姓之不知而謂君子之道鮮

復剛反乾爲木果艮爲果厥震爲反生剛反以倒體則艮剛反生以全體則乾剛反生乾動直震動反雷在地中如乾艮之果下種地中雖若方萌方芽實則至翕至聚至收至斂精神專一向裏畧无一毫外透故曰復以自知子曰顏氏之子其殆庶幾乎有不善未嘗不知知之未嘗復行也夫有不善而後知知而後不行无貴自知矣復之自知知在幾先不在幾後知從內精不從外瑩如鑑照物物无遁形猶爲外知復乃神鑑內朗透裏光明洞燭畧有塵滓不容自昧令不善沾不得上落不得根何由得行夫是之謂剛反

像抄卷上 復 五

一百八

夫是之謂自知初之所謂不遠復者此

乾三反復道屯二反常復彖反復其道蹇大衆反身蹇三來反歸妹三反歸這反非全乾至健與震艮二剛俱未易幾鄒爾瞻曰復亨曰剛反人心之虛屬陽陽必剛剛爲果決爲直遂不反則神不入神不入滔滔東注何虛之與有反則專而翕專而翕所謂不遠復休復敦復獨復與先王之不省方皆剛反義也復四中行獨復四初正應一線不移中行由地中自有之動以成順不緣初以能自出頭故爲獨復五自考亦能不爲初以者自初言一動能以五順行自五順

言曾非分初之動以爲動故能各自出頭不爲動以
上迷反欲以初則反順而成逆矣故凶

彼小而辨于物孫思邈曰心爲君君尚恭故曰小詩曰
如臨深淵如履薄冰小之謂也初不遠猶言不離戒
謹不觀恐懼不聞須臾不敢離遠便是首得復小之
義

不遠復復本體不遠工夫如初之力量能到須臾不離
復體地分无祇悔如顏子不遷不貳不遷庶幾中節
不貳庶幾无過故不適于悔之途而稱元吉

剝三之失上下復四中行合上下凡來皆朋上之征亦

像抄卷上 復六

百九

在其中然自到頭无迷患故稱獨復

剝上得輿能使下五陰皆爲其民復初不遠更合上五
陰皆爲其朋剝要終上止復原始下動上下所處不
同乃其爲天地之心則一耳

剝固復夫亦姤剝而復之初君子卽有修身之思唯恐
其有不善之萌夫而姤之初小人卽有躋躡之爭唯
恐其无罅隙之乘復五敦君子所以終爲君子而无
如迷者之不悟姤五隕小人所以卒爲小人而亦无
如向者之不入君子落得爲君子小人枉自爲小人
其所就之不同如此

不遠復遠切離也違而去之也人所以遠復惟有不

善而不知知而復行其于自知復體便跬步千里顏
子有不善而常知其于不善當下覺當下消不到爲
不善所蔽離去自知復體故曰不遠復若云失之未
遠而復之則已適于悔之途矣安得謂之无祇悔而
元吉乎

不遠復不消論到行不善地頭但不善便都蔽昧我
不得昏翳我不得常如大明中天寸雲无點常知不
善自无不善連爲善字樣也不消論到二以下都以
行證知休與拙友如作僞心勞日拙作德心逸日休

像抄卷上 復七

百十

二日用平常並不作僞惟有作德曰休復二休從從
容容地做工夫三頻急急忙忙地做工夫此二與三
之辨四正應初不單是行行必以中且又能自出頭
曰獨復五培養深厚工夫綿密曰敦復初不遠復常
知不善便所知是善所謂明善明此所謂擇中庸而
得一善得此自休至敦總亦不遠工夫但有生熟深
淺不同上于不善不消到全不知只不常知則知之
時少不知之時多斯謂之迷用行師也欲去惡也欲
討罪只知不透徹便行不端的善惡混淆便著數舛
錯故曰終有大敗至于以其國君一步事業更藉重

常知不善之人方始來得乾知大始首出庶物萬國咸寧復知不善一人定國萬民是若纔遠已迷若迷終遠如以迷導迷何以正國故凶至于十年不克征夫能知不善非常知不善尚有復行之患不知不善不善坑塹與其身相為終始子曰年四十而見惡其終也已曾子曰五十而不以善聞則不聞是如此初故蔑而上惟得剝果所以頌上終迷而初无遠復身所以修

象繫朋惟坤復二卦坤得喪兩利復惟來非斯人之徒而他有所與方寸地亦淤塞者耳剝曰見天地之心

像抄卷上

復

一百一

三

復猶諺所謂回往心剝有變復惟反此之謂回往心人有是心能出能入可出可入起震歷乾自巽要坤全體生生何疾之有人有是心不孤立必有朋已能來人亦來何咎之有

復剛反此八人方萌之果核六爻便是六樣有事于復工夫不遠復无祇悔近求諸身須更不離不適于悔无之不貞此幾于性安一路故元吉休止息也休復如果核既已下地一下便定畧无些子震撼移動故吉頻急也連也頻復連二初為一體持之以危危以為安故无咎中行猶言中路在上下之交則兩岐路

像抄卷上

復

一百一

三

道一及无復主宰困而不學民斯為下復上之迷之謂矣

剝爛復反失諸正鵠及求諸其身行有不得皆及求諸已幾于復矣而爛義如未入手及義猶屬影響試看上以厚下安宅象辭下有剝上惟厚下逾剝下逾厚稍推開稍隔礙出乎厚必入乎薄這便喚做臭惡嘴臉歪賤骨頭齷齪肚腸須用腐化盡方是爛如顏子一日克復克是爛字入手復乃反字得力也

復曰朋來豫亦曰朋盍簪剝曰民所載謙亦曰萬民服復豫之于五陰皆曰朋震剛原始合坤動順二德宜

相取相下宜交修竝進謙剝之于五陰皆曰民艱
要終合坤止爲君順爲民自當分剛柔辨上下定民
志然君民一體相須民分良不薄于朋誼也

大凡人從軀殼起念不從天地之心流進出萌茁出都
喚是迷復

論一歲之運陰陽各分六位七則更生自子至午往爲
姤自午至子來爲復往姤不言來復言之往姤半體
之成來復全體之生文王約月爲日日就月將日邁
月征一月有一月之功一日有一日之功及得身轉
便以日易月无日不來庶幾真見天地之心耳後人

像抄卷上

復十

一百三

有云士過三日即當刮目相待亦庶幾七日之復肯
乾所以爲至健惟其能主乎坤坤所以爲至順惟其能
承乎乾動而以順行這至微動幾合至順坤體爲行
置之出入反覆之衝而畧无毫髮可以改置變移得
真是動而无動所以通天下之志而成天下之務只
有這步子宇宙之所以闔闢天地之所以施生亦只
這些子爲闔這闔容不得商旅馳騁故閉之而不許
行亦容不得后逐向外方做觀察之明去故閉之而
不許省閉闔與洗心退藏于密同義心密聖人時時
退時時藏復闔先王日日日至日日閉

人所以迷大闔不出兩件一是功利淪人心髓做了千
萬年不起銅疾如以國君等事是一關一是全副精
神明于責人而獨昏于恕己是以求人不勝苛察如
用行師等事是一關這闔全然閉塞得便喚做自知
畧有罅縫走走透便喚做迷人

復四曰獨即復即獨真如一夫當闔商旅也行不得后
也省方不得精神既是專一工夫畧无滲漏曾思慎
獨義旨亦似從此體貼出

象稱先王者七比豫觀噬嗑復无妄渙而震居四震帝
所自出太極陽生之所自始天下之動之所自始先

像抄卷上

復十

一百四

王之所以動而世爲天下道惟此君子慎動惟此人
无坎德无歸處无巽德无入處无震德更无動處出
處七卦皆本先王言後王亦未易不當耳
復不省方篤恭天下平修己安百姓大畏民志不親及
仁不答反敬不治反知壹是皆以修身爲本惟省其
在己非方其在人觀省方觀民設教民各有方隨方
爲觀教各有方隨方爲設又別是一省法復不省方
觀省方姤誥四方風散雷動體本不同且觀行于地
姤下于天與復在地中義更別耳
君子以剝爲宅而安止如泰山先王以復爲闔而閉塞

如厚地剝宅安天下无不碩之果矣復關閉天下无終迷之目矣

像抄卷上 復

一百五

復動以地无妄動以天動以地日有不善動以天日其

匪正義理无窮工夫无窮從此悟入

先王以茂對時育萬物司馬公時至獨樂園危坐讀書
堂嘗云草妨步則難之木礙冠則芟之其他任其自
然相與同生天地間亦各欲遂其生耳張文潛庭草
詩人生羣動中一氣本不殊奈何欲自私害彼安其
軀

雷之發聲衆物皆應故曰天下雷行物與无妄

耕穫畱畬不是仍有妄種未消只如爲善得福便是耕

像抄卷上 无妄

五十六

獲便是畱畬了但爲善禍福一聽之天福亦不喜禍
亦不懼何耕穫畱畬之有是爲无妄之正

或解无妄之三行人得牛指上邑人之災指初上日行
有青无攸利未見其爲得牛初日无妄往吉往則未
見其爲邑人吉又未見其有災其于上下又俱似不

一顧也

趙氏曰知易莫如孟子莫非命也順受其正全是无妄
大亨以正天之命也易言天命无不正其匪正有信
人以病目視之若有匪正是匪正生于有青人之爲
耳天命曾何不正之有如无妄之災而无牛无妄之

疾而藥斯謂之匪正有青不利有攸往

素問六經調者謂之不病雖病謂之自己也无妄之疾
勿藥有喜旨矣

惠迪未必吉而反凶作善未必祥而反殃皆无妄之災
之疾若從逆未必凶而反吉作不善未必殃而反祥
此乃小人僥倖之爲原不在正命中數算君子不道
不耕獲透過功利關行人得牛透過災禍關勿藥有喜
透過生死關初往吉三關俱不待言象故明得志
不耕獲象曰未富章本清曰未嘗有欲富之心也以未
富而往以柔中往應剛中何往不利陰爻中虛即未

像抄卷上 无妄二

一百七

富之象

吳草廬解无妄之疾曰九五剛健中正可謂无妄矣而
下有應故曰疾疾者以外物之應能爲內心之病也
夫聖人明言剛中而應大亨以正矣而可反以應爲
疾乎

无妄天之命若无妄之疾无妄之災而稍可以弗順是
天又有妄命矣豈所以爲天哉

无妄之藥不可試邵子詩有命更危亦不死无命極醫
亦无效惟將以命聽于天此外誰能閑計較又詩請
覩風急天寒夜誰是當門定脚人當門定脚是爲勿

藥之喜初非謂勿藥自愈而有喜

三曰无妄之災五曰无妄之疾動而自止健弗爲應便
象災健而自止動弗爲應便象疾故三明言止爲災
而動爲得五之勿藥有喜則已在止外而與正動自
應也

无妄之藥或曰醫之用參朮也積癰之人不能效也有
良醫焉擇其藥之偏而有毒者攻之而於病也霍然
矣夫用違其證即參朮亦有病而誠當其時即偏毒
之藥皆虛扁所藉手也茲亦所謂无妄之藥不可試
之一端

像抄卷上 无妄三

一百八

富之象



艮之畜乾大以正之君子之用心異之畜乾制之而已終不脫小人之體質此所以有大小之辨

小畜之初自復大畜之初利已于勇于受入之中而哲知人之鑒毫髮不爽此所以為君子

利有攸往上合志初遇四自已二遇五自說四五皆非初二合志之人也君子小人之辨其分明如此其嚴如此世有以君子自命而不免上合小人以利往茲其所以卒于失身而莫救以死乎

陸續認積豕之牙為豕牙亦遂以童牛之牯當作角牯像抄卷上 大畜一 百九 三十九

角繭果非傷人者其穿鑿不倫一至此

後世上臣有能以其身為畜上之天衢凡登進皆剛健之賢无賢不為登進之四通八達惟賢人利往如是而道不大行者无之童牛之牯積豕之牙自古以養道善成天下之賢只有此二局即為童牛而无牯即為積豕而无牙恐不免仍有所悞悞嫉觸鬻而傷之者在小畜之上止于兩處大畜之上究于大行此卦體剛柔大小之辨



頤主上成之者初上初兩剛即口實之義象

山下有雷頤下頤如雷欲動上頤常如一座山壓止其上更開口不得言語有不慎飲食有不節者无之

頤三民也即賢非上所養矧其拂貞不得為賢我高

皇帝與儒臣論曰人主職在養民但能養賢與之共

治則國无虛祿民獲實惠苟所養非賢及厲其民何

補于國哉故人主養賢非難知賢為難然則靈龜者

固自求之靈明亦知人之哲鑒也舍靈龜无以知初

矣惡能養初以及萬民哉故曰舍爾靈龜觀我朵頤

像抄卷上 頤一 百二十 三十九

凶

言語不慎以口而生罪過飲食不節以口而生疾病

雷聲于震蟄于乾坎艮艮東北冬而未春之交也山下

有雷陽氣之絨藏者方密故為慎為節而為頤若如

冬雷動成災沴矣夫豈得為頤乎

大過棟橈棟以三四爲象三上應爻上以弱三剛无所
于寄四初應爻初以弱四剛无所于附象撓獨立遯
世或曰上一柔在四剛之上獨立之象初一柔在四
剛之下遯世之象或曰四剛自固于中上不能乘初
不能消之象

觀大過大壯二象便知大當有以載乎小亦當有以下
乎小

大過取象于枯楊或曰楊性勁直堪爲屋材寧折終不
曲撓若榆性則懦軟久无不曲

像抄卷十一 大過一

三主

三主

大過之二以巽體生體老爲夫大過之五以兌體殺體
老爲婦老婦種子是殺根得其士夫士少壯之稱君
子可媚以君子爲夫小人可媚又以小人爲夫茲孔
孟之所謂闖然媚世之鄉原深惡而痛絕之者

四剛二柔之卦共十五宜皆大過而惟澤風爲大過四
柔二剛之卦共十五宜皆小過而惟雷山爲小過大
過四剛居中而居外者名中孚小過四柔居外而居
中者名頤二剛原始要終足以育養四柔爲頤居中
則失位不中故就小言過二柔居中以從剛大爲孚
其原始要終亦以中四剛爲主故就大言過聖人剛

柔之辨其嚴如此小過可小事不可大事大過之時
大矣哉大過之事便是大事若小事將不成其大矣
學齋云大過本末弱也本末二字皆從木以一陽畫藏
于木之下而根株回暖故爲本以一陽畫散于木之
上而枝葉向榮故爲末大過巽下兌上四陽畫積于
中二陰畫處初上猶之木焉上缺下短本末弱也
易筌木在水中必毀惟楊可生故二五皆以枯楊爲象

像抄卷十一 大過二

三主

三主

坎見其為原泉為流水水不流喚做死水鳥不飛喚做死鳥人不習亦俱喚做死人人自不省耳

鳥數飛為習便見不可已亦政自己不得此六十四卦外又文王一字之易而魯論言學習言傳習言性習俱此

地險山川丘陵唐張喬山川心地內一念即千重

麗以中為正故曰重明以麗乎正故曰黃離元吉得中道坎曰水流而不盈水須上下通流故初入窩即不流既曰失道上有係與冥即不流亦曰失道

像抄卷上 坎一

五十五

三百五十八

坎二求小得陷不在大失嘗在小如之何勿求

坎二曰未出中未濟小狐汔濟亦曰未出中二剛中不

為險中猶凜凜惟危若未出于險中然坎五則中而位乎天位矣不盈以科則當盈以流水之體則原不

可盈祇平原來是平而要于平虞廷所謂道心所謂

中不過不盈祇平而已象曰中未大亦殊是大不得

詩詠文王小心翼翼二求小五未大總是乾體自強

不息一脉坎中未大要于乾震主未光要于艮此通

八為一脉絡

坎大象曰常德行父曰祇既平不常不平便无之非險

先天不待習後天必有習重卦皆後天文王于坎獨加

一習坎天一所生之始惟坎為陷故惟坎名習也坤

二言不習何曰直方大坤二之動動與天合何必習

何待習坤二變坎動而成陷何能不習何可不習水

流相仍而來不已曰習坎鳥數飛為習人服行所傳

之業熟復不已為習惟坎自有習象惟坎亦自不能

无習功如既為鳥不飛不得不數飛不得

天行地勢水洊至明兩作與洊雷隨風兼山麗澤名卦

之義已別至于稱健不稱乾言明不言火坎上獨加

習尤俱有意義

像抄卷上 坎二

五十六

三百五十九

習坎有孚剛中實孚象也然有无孚者矣无孚便喚做

小人行險僥倖如初之入三之枕上之係與實有孚

便喚做君子居易俟命如二之有得五之既平四之

自牖孚乃脉絡聯屬通貫故維而心亨行而有尚无

孚非斷流即絕港維于何有行俱不得

統八純卦而言惟坎名習以下陷就坎六爻而言惟初

名習以下之又下陷之又陷

坎有險天險地險王公守國之險俱有之于二求小得

泉寶只洊洊洊不已流為江河故得象明未出中

即險中即剛中既小得如掘地得泉不待溢出外然

後爲流水也

子言性相近習相遠性習之分亦先後天之判也習曰相遠得則天險不可升失則入于坎窞是以君子必慎其所習

離四雖剛爻是一團浮燥紛擾陰火用事坎四雖柔爻

是一泓收斂寧靜陽水用事所以吉凶霄壤不同

坎五猶象不盈四柔之科坎未易孚也凡人心術隱微中只畧有絲毫險意未化科終不盈盈科則成章矣

斐然成章聖人以爲吾黨不成章非吾黨矣祇既平

一瀉千里一碧萬頃是海二五剛中是濶四柔是未

像抄卷上 坎三

百五

三百五

易盈之科

不盈祇平許氏曰人行到憂患處如水流得滿然後行過去少些子不滿過去不得如舜事瞽瞍到底豫時是坑坎纔滿然後流出

習從羽從白羽水音白水色是爲卽坎卽習以羽白言

无習功亦便无坎德如鳥去兩羽如何飛得動如沒

溺污濁泥中過活何時有潔白日子

坎上加一習習卽坎故以坎名習坎卽習故以習名坎

魯論言學習言傳習言性習孔子之言習猶文王之言

習也坎陷也習亦陷也習于善王習者也習于不

善爲陷者也謂習坎爲習于坎猶二之

坎陷也以陷象言四柔陷二剛者也二剛陷于四柔之

中者也以陷義言四柔爲陷者也二剛主陷者也四

柔爲陷如層城重壘如金城鐵壘二剛主陷如摧鋒

陷陣深入城壘之中掃蕩廓清城无留堅壘无留固

大凡形生以後理墮氣質之中人有如是之陷象人

有如是之陷義故坎言心俗言心坎又言人心險于

山川皆此

坎五祇平萬以忠曰平字深味之令人當下恬然有與

天地萬物同止其所氣象一道清冷萬古常寂堯舜

像抄卷上 坎四

百五

三百五

添不得絲毫桀紂減不得絲毫按祇平乾象所謂雲

行雨施天下平亦此

坎有險惟危求小得惟微四納約惟不自侈而後能自

牖五不盈亦不自大而後能祇平皆求小之義若坎

省之人既異于求小而微纒之係更異于納約象皆

謂之失道以微非其微則危乃益危耳

嘯曰自牖便知坎省之人坎中又有一宮以自爲陷阱

與微纒之係叢棘之實皆人之自入自係自真可知

坎不盈惟不盈方无滿足而能祇方无汎溢而始平離

初敬坎五祇皆戒慎恐懼之性體爲之發越流行者

敬言于離初火性速而上戒于方熒之始祇言于坎
五水性緩而下尚于洊至之中也

後抄卷上 坎五

百五

三三

坤爲牛又爲子母牛離之畜牝牛坤之子母牛也聞馬
駒于母上旬生前母行中旬生中半母行下旬生後
母行惟牛駒直是後母而行一步不離稍離輒呼母
是爲子母牛離性炎上已難遏抑得下以離重離明
不相借更多自作聰明之弊今以重離之明而畜養
得重坤之順如詩所謂不愆不忘率由舊章不識不
知順帝之則安得不吉二黃離以有天下如明王以
有國如明公得其中極其順明不觸物已如母牛五
繼之只須以後順爲道一毫聰明不用作凡一政一

像抄卷上 離一

百六

事之間雖无失墜常恐失墜更如子牛于母一步遠
離輒有呼號五沱涕戚嗟而象謂之離王公政如此
夫是之謂重明麗正夫是之謂繼明照四方而獨以
大人稱

離麗也如人之目暗室黑夜俱无見欲有見須日月出
不然須有火光

全體乾道然後做得坎之學問全體坤道然後做得離
之學問坎行有尚尚天行之健也離畜牝牛畜承天
之順也

凡人目終日視他人故心亦逐外走心終日按他事故

目亦逐外瞻營營浮光未嘗復照故語亦頗通于離
畜牝牛黃離元吉易旨

離麗也兩相麗爲離父子麗无不親矣君臣麗无不義
矣夫婦麗无不別矣長幼麗无不序矣朋友麗无不
信矣

人受天地之中以生坎中實于人爲誠天誠爲誠也誠
著于心非有險而以危動爲險故坎爲陷離中虛于
人爲明天明爲明也明生于心非有體而以麗物爲
體故離爲麗

離初言敬卽堯之所謂欽明離四言突如其來之所謂啓

像抄卷上 離二

直五

三

明章本清曰欽明明日欽而日見其不足啓明明日
開而日見其有餘日不足者聖日有餘者狂

離性炎上易乃下墜故曰匪醜而以獲爲正突如其來

許勿切故目爲首而以折爲正

繼之者善一陰一陽緝續不斷爲繼大象于離明言繼

卦不重善將不繼以明見例耳

離五沲涕戚嗟只是原初一敬字

黃離元吉注離南方之卦離爲火土託位焉土色黃火
之子喻于有明德能附麗于其父之道順成其業故
吉然添土爲子頗似蛇足

朱子曰周先生言道至貴者不一而足蓋是見世間愚
輩爲外物所搖動如墮在火坑中不忍見他故如是
說不一又曰世間人心不在殼子裏面如發狂相似
今按離四之突如其來蓋所謂墮在火坑中與發狂
者

比盈缶坎用缶離鼓缶禮器五獻之尊門外缶門內壺
君尊瓦甒此以小爲貴缶壺與甒之類也

坎四用缶離三鼓缶缶之用百姓日用之用缶之鼓
之舞之之鼓愈乎常愈切至王文成公詩不離日用
尋常內直造先天未畫前

像抄卷上 離三

直五

三

日昃之離年已過中乃道明德立充然有得爲鼓缶而
歌之時不鼓缶而歌卽長年大老語云豁豁易填入
心難滿蓋所謂離離老盜蹠壽耳

用缶納約險自无枕陷亦幾乎鼓缶而歌麗不失正只
亦可久

坎陷全以剛健坎之三四與剛健反矣離麗全以柔順

離之三四與柔順反矣然坎三止勿用坎四終无咎

離三已不可久離四至无所容此中爻雜物撰德是
非之辨也

離四焚死棄五沲涕戚嗟上折首獲醜離之所貴者壯

牛之畜耳曾以用明爲明哉

章本清曰履錯之敬舉足之初一有急迫之心必至于錯惟敬則心有所主而明生此君子謹始之心明善之道也

凡人目如有突向外爆得火出決不是善類側視邪視亦匪正人俗恒以青目望人時處青觸目皆怵惕惻隱流形欲無離五之沱涕戚嗟不可得已日麗天日日有是凡人于日用彝倫不以正麗皆是離也

欲識性情之正只鼓缶而歌一語可盡

像抄卷上 離四

重三

三百四十八

至誠坎乎合天下之實爲實至聖離亨合天下之虛爲虛聖賢言學必竝問學固不專在已問尤必藉于人水性常患緩弱故坎三忌枕火性常患燥烈故離四戒突

陰二君而一民小人之道巽之象曰重巽以申命剛巽乎中正而志行柔皆順乎剛兌之象曰剛中而柔外說以利貞說以先民說以犯難巽初兌上雖主爻而君民之分截然不易固如此至于離以麗爲義離象曰柔麗乎中正故亨是以畜牝牛吉離上曰王用出征剛爻爲君之義未常不儼然在也

離上正邦晉上伐邑上正其爲離使五從中有正麗四不期正而自无不正矣坎上交多爲五險離上交多爲五用此陷麗之別

孔子以大哉贊堯分明是乾元史以欽明文思克明峻德贊堯分明是重離易之首出庶物乾也大明終始離也

離二五大明中天大中至正之明也三東不宜易而易四西不宜突而突與中正之麗俱反故必有上之征折首復醜而後一邦成正麗之化

突焚死棄俱強陽觸物之病知如此是病便知不如此

像抄卷上 離五

重三

三百五十九

是藥離四剛明只指其病便當自醒故不設吉凶定占

坎五祗平惟水爲天下至平既平盡平也亦適得坎體之常而已稍不平无非波浪離五出涕戚嗟涕目涓成心動嗟口中啗啞天下有不明而生之明天下有

不照而普之照全是一腔竝生之意故觸之而目必涕心必戚口必嗟明如是方謂之離明照如是方謂之離照不然其有明照皆驕陽烈日之爲耳惡乎成其爲王公之離哉

離初錯然明以闇爲章初以素爲履錯然便是答了至

于昷則不中突則觸且惡故上折在突而獲不止昷匪其醜昷固及于二中錯亦不與黃類也

凡人觸物之明察淵之見不中不正之知解過剛過銳為強為猛皆離四之所謂突在黃離中俱容不得焚死棄卽病卽藥千煨百煉銷容到盡如剝云爛然亦離四剛克能事彖所謂牝牛之畜者此

明夷于南狩得其大首大首北夷匪南不得也離上折首首已正南戒不得突耳突如其來說文突不順于也如不孝子突出不容于內也

離四突生干來五重二之柔為柔繼二之明為明麗二

像抄卷上 離六

亘圭

之中正為中正者也五重二而來四四以剛心銳氣左右其來為突二黃離如之何其可容焚死棄皆危

四醒四之辭

毋昷而過中毋突而失正皆麗明與繼明者之所有事缶古之土音史記相如請秦王擊缶是也不可直以為秦聲鼓缶而歌庸言庸行魚躍鸞飛天下至剛極明之學問曾何以過是卽得顏子之年而泰然其无遺憾况其為大耋乎故君子有志于重明繼明无論日出之光與日中之暘卽日昷之離與炳燭之明未嘗无可久之道所謂一息尚存此志不容少懈所謂一

念萬年皆鼓缶之歌皆久道也

震坎艮皆乾道皆自為主巽離兌皆坤道皆要從乾又震坎艮皆以緯地皆以轉坤巽離兌皆以經天皆以旋乾又經天緯地惟坎離為中正惟坎離為全體

陽實陰虛坎實離虛分截為兩不得有陽之實是以成陰之虛有坎之中實是以成離之中虛如離為目其瞳子一點坎精為之也程子曰有主于內則虛是裏面潔淨明瑩无昏雜如人家主人在內雜亂人不入故虛異端言虛只是空屋无人矣胡敬齋曰儒者敬以治心其心體湛然在腔子裏如主人在家便能整

像抄卷上 離七

亘圭

治家事是箇活主人釋氏默坐澄心屏去思慮久而至于空虛是无主人矣又有只繫制其心使之存者便死殺了他做主不得如人家只得駭主人不會理家事然則不本陽實而言陰虛不本坎實而言離虛者亦所謂闕其戶聞其无人之虛而已矣

凡離中爻俱有虛中守順之義而以有為侯之兩剛爻凡坎中爻俱有執中行健之義而兩柔爻承其下者能為之用乘其上者多不能為之用是以多凶均初履霜離初履錯俱從脚跟發仞匪霜不堅孰為厚載匪履无文何以化成

離者陰麗必醜巽兌坎者陽陷必合震艮此卽貞一至理

日之必昇此天道日何病于昇日昇之離祗以麗不中正爲象耳然則三四亦得爲中正之麗乎曰以中爻論二四皆有中義上爲正之三无患昇四无患突一邦皆得正一邦皆化成矣

萬以忠曰心火也性本燥動形生後不知多少薪槨蘊積光明外鑠附物蔓延思慮煩而神氣竭如膏窮燼滅其生幾何古之善養心者必求一掬清淨定水旦夕澆浸之庶轉濁滲爲清涼化強陽爲和粹故大學

像抄卷上

離八

直圭

定靜中庸淵泉孟子平日之意大易艮背之旨洗心之密皆先此爲務潤身潤家國天下一自此流出不然卽見高論微終屬意氣是熱鬧欲機人已間恐增薪槨耳未必牛山之雨露也但此水別有一竅發自天源必闢然君子晦迹韜光抑氣沈心默收中和位育之效于眉睫間肫肫浩浩淵淵造化在我盡是資始以上生涯不作雲雨流形以後活計也非至精至一無以與此按此水一竅卽五之沱若之涕是

或言入水不濡入火不灼便詫爲神奇事要推人異流去不知習坎有孚維心亨行有尚此便是吾聖人之

所謂入水不濡也離利貞亨畜牝牛吉此便是吾聖人之所謂入火不灼也一濡无不入坎宮矣一灼无不突焚死棄矣

離三大耋之嗟馬宜甫歸山操嗟人世今日月催老欲死今猶貪癡難可了今人間非指青山今當早歸

像抄卷上

離九

二五三

像抄下經

三三

聖人以窮神知化繫乎咸止而說咸也自震動而樂于

艮止爲能全體乾道自巽入而要于兌說爲能全體坤道故以止說之咸體明聖人盛德之極致與大明終始之分量爲合一

問感人不動何如錢洪甫曰纔說感人不動不是了聖學只是正已而物正文王名卦曰咸取其无心也若著一毫感人意思便是有心便是憧憧往來

咸感也非以感釋咸惟无心于感然後物來无所不應像抄卷下 咸一

咸一

一

三言五十一

无所不徧乃所以爲感也舒氏曰感謂虛而通邵氏曰雷風氣也故曰相與山澤形也而其間相通者亦氣故曰二氣感應以相與

君子以虛受人書无逸篇厥或告之曰小人怨汝詈汝則皇自敬德厥愆曰朕之愆古人聞小人怨詈之言不止不怒而且自修恭德矧其爲君子忠讜直諒之言乎故上謗口說聖人不繫以凶咎爲君子虛无不受口說亦在所不棄也

徐氏曰人心惟至虛故至靈若著一物便窒而不能應又曰聖人之心未嘗有物以爲之蔽故其體常虛今

按山澤象虛艮少男兌少女艮內體兌外體所謂於提赤子之心虛體尤可見也咸反損曰君子以愆忿窒慾亦以從幼虛體未失故能懲能窒

山以虛能受澤心以虛能受人山所謂虛以篤實艮止實所以爲虛也朱子曰今人大抵偏塞滿胸有許多位倆如何便得他虛此則實非其實故虛非其虛耳獨遠實當位實合坎艮言實尚有實中以爲實合離巽言實剛健篤實合乾艮言實自求口實合震艮言實虛受人合澤山言虛亦其實而能虛者耳

咸止主感說主應外有說而內无止便喚做感害

像抄卷下 咸二

二

三言五十一

凡一切善言滲得入方爲咸之虛受王子植曰人必有所不受而後能受咸下體艮良體篤實光明其于種種世味自然一切不受不受乃虛咸之以虛受人者此

虛是立人道之首事不虛咸道于是爲絕无以受一人感一人而況天下

山居地下爲謙山居澤下爲咸虛凡謙必虛凡虛亦謙自高自滿之人无有不日就于污下淪陷顛溺而不自知者

咸四貞天下只有一個感應止貞感說貞應貞感常止

不論應之可否而遷轉為隨貞應常說不論感之可否而憧憧不定

咸四貞吉貞三以止如女從男近而相得可貞恒三不恒其德迫四以動如婦持夫近不相得故吝

恒初浚入人之深心咸上頰舌說人之苦口特艮震二主无為要終原始皆不足以當之耳

咸初拇二腓俱非止之主止主在三以中爻雜物撰德論易失其止且在下體故于身但為股惟四居乾君之中可稱心位為一身感應之主三在四下既為股五在四上亦止為脢上則口憧憧往來朋從爾思乾

像抄卷下

咸三

三

三萬六千

為若心者天君朋聯合乾三爻為言心官惟思四以思脊首出為貞以雜撰于少男少女中若其未免有童心便不貞便為憧憧憧憧如兒女昵昵昵昵惟初是思由是五惟二思三惟上思一切往來皆相率而為憧憧之思四貞是為思不出位由是三五皆從爾四之思便合乾三爻而皆貞為君主又安有不光大憧憧便私小從爾思便光大也以卦言止而說男下女以爻言剛宜主柔不得役役于柔是咸四之所謂貞耳

蹇朋來以大蹇在五復朋來以剛友在初解朋至以解

拇在四豫朋盍以勿疑在四咸朋從亦以貞思在四咸主有定故朋為輔佐如天主有定則日月寒暑之往來便无一而非其神化之妙用故繫辭極發同歸致一之義

或曰乾九二无學問寬仁之義咸九四无歲時代謝之義聖人不過借易以明理初不拘于說易也不知此正不可移掇得若移在他爻他卦說便全无意義朱子答門人胡伯量不可有厭煩好靜之心人在世上无无事底時節要无事時除是死也隨事來便著應他若事至面前而自家却自主靜頑然不應便是心

像抄卷下

咸四

四

三萬六千

死矣近多以此為志末註脚朱子又曰定性者存養之功至而得性之本然也性定而天下之動一矣所謂貞也夫豈急于外誘之除而反為是憧憧哉以惡外物為心而求照于无物之地亦見其用力愈勞而燭理愈昧益以憧憧而不自知耳夫內外兩忘非忘也一循于理不是內而非外也不是內而非外則大公而順應尚何事物之為累哉象之所謂未感害者此

憧憧往來曰未光大貞則天為徒憧憧則人為偶此天人之別

聖人論二氣之感應唯咸于恒止曰剛柔相應于師臨
无妄萃升止曰剛中而應于小畜曰柔得位而上下
應之又必曰剛中而志行于大有曰柔得尊位大中
而上下應之又必曰應乎天而時行蓋以應徵感而
感以主應欲人詳觀于應而致慎于感有如此

上天下澤履上火下澤睽履分上下不得少混宜辨睽
分上下不得苟同宜異至于澤上有雷歸妹澤上有
風中孚澤上有水節澤上有地臨皆主澤而言上有
澤上于天夫澤上于地萃皆主澤而言上于澤中有
火革澤中有雷隨皆主澤而言中有澤滅木大過澤

像抄卷下

咸

五

五

无水困亦主澤而言滅言无惟山上有澤咸山下有
澤損皆主山而不主澤咸天地感而萬物化生損天
地網緼萬物化醇雖二氣交相應與男女尊卑大義
儼然常在終不失正與天澤火澤上下之辨同

咸拇從脚指發端當无不點地之患咸輔從面上徵應
夫寧病徒口之多故皆不著吉凶之占止主感不宜
後故以咸腓爲凶說主應不宜先故以咸脢爲无悔
象言志末木上曰末如子于父如臣于君如婦于夫
本末昭然有辨二宜居而居五宜末而末亦皆咸貞
之義

咸上頰舌曰膳口說或曰膳卽傳播之義天下固有不
容不口不容不說者所謂播告之修也亦是感應正
理但專恃口說則不可耳

艮背卽不愧屋漏之止咸脢卽不言而信之說陸佃曰
脢在口下心上卽喉中之梅核今謂之三思臺旁注
云脢居喉中動而迎飲食以嚥最是允爲口舌能言
說脢則不言而亦若能作聲者故以爲象

腓聯股足旣下又後人所易失故凶然能知天下不可
上而故下之又知天下不可先而更後之如有定居
豈不吉脢聯心口居四上之中職喉舌之司而以不

像抄卷下

咸

六

六

言爲感故自无失而致悔

謙山在地中咸山在澤下拇腓股皆以高山而居澤下
亦如謙之山在地中殊不自有其高故謙則萬民服
而咸則天下和平惟和其在已而後天下无不和惟
平其在已而後天下无不平

君子反身而誠其身正而天下歸之百體中但舉其一
體從拇而下自舌而上无不與天下感應相與无有
不通天下之故咸艮皆以身取象以天下原是一身
耳

三三

咸以止爲內主止三爻皆當下說三爻說三爻皆當應止三爻匪止是主而說是主皆凶恒以動爲外主巽三爻皆當順動三爻動三爻皆當制巽三爻匪動是主而巽是主皆凶聖人示人剛柔男女內外之辨嚴矣

恒外震內巽任其外之震動而內常自巽順此所以爲德之固此所以爲一德

青人太甚其情及睽恒初之浚之凶以此

咸四恒三皆撰乾中爻咸四可望其貞四合三五爲乾

像抄卷下

恒一

七

三三

上視決之象下視遯之象一柔上決二柔下遯三止正感四說正應故貞恒三无望其恒三合四二爲乾下視姤之象上視壯之象一柔下姤二柔上壯四動既隳三巽復躁故不恒

恒三曰不恒其德或承之羞貞吝三上應爻不恒其德猶言不常其巽于上无所入于上无所助也上以震體要終或從而承順之三唯與唯三諾與諾如此收成何名男子故足羞或承之萬一承之便足羞以見男之不可不制義而惟婦是從是承也

下經貴兌巽咸宜貞止或從說以動恒宜貞動或從巽

以入便皆凶

恒四田无禽憂患則生安樂則死此生民日用之恒道四震主恐懼修省卽其四時講武之田事也无禽出乎憂患入乎安樂所恒者皆死地耳故特明之曰非其位

咸從上視下五爻有遯之象恒從初視上五爻有大壯之象故咸恒後卽受之以遯大壯咸上頰舌聒三居之不克中恒初浚恒憎四動之非其位下經陰有兌巽爲主之意艮不要終而兌終之震不原始而巽始之故咸恒遂若无完爻也

像抄卷下

恒二

八

三三

振恒說振矜之振原通巽而動恒五動唯巽巽悞從婦唯婦言是聽之紂也上動不巽柔危是逞又婦言不聽之濠耳

恒四田无禽趙簡子出田鄭龍爲右有一野人簡子曰龍下射彼使无驚吾馬三命鄭龍不對簡子怒龍曰昔吾先君伐衛免曹退爲踐土之盟不戮一人今吾一朝田而曰必爲我殺人是虎狼殺人故將救之簡子揪焉曰不愛其身以活人者可无從乎遂車輟田曰人之田也得獸今吾田也得士又梁君出獵事人獵皆得禽獸吾獵獨得善言而歸四以初浚或不克

受其无禽也宜矣

恒內體巽宜巽順入伏于內却雜乾撰健只管要向外行去便不恒外震體宜利用大作于外却雜兌撰毀只管要退縮回來便大无功

乾象曰各正性命性命合言訟四即命師二錫命師上有命泰上告命否四有命大有大象順天休命臨二未順命无妄象大亨以正天之命姤大象施命姤五志不舍命萃象順天命困大象致命革四改命鼎大象凝命旅五譽命巽象象申命單言命命似可隨時隨事致力不及性性未易言性命合一更未易言也

像抄卷下

恒三

九

三九

至于性情亦惟乾之利貞合言之餘于咸恒萃止以情言矣

易筌雷風相與雷動則風發未嘗相離故曰恒若言交助其勢則為益矣巽而動不可作順動順動則為豫矣巽入而在內震出而在外各居其所故曰立不易方

咸恒與損益相反咸秋冬之氣陰乏之體故以虛受人恒春夏之氣陽饒之體故立不易方

三三

遯剛當位而應陰生至二與五為應五便立脚不住了故與時行而遯

遯以隱然違去為義易傳曰豈必江海山林然後為遯哉大遯于朝小遯于野舜遯共驩不于歷山且遯管蔡不于曲阜孔子與陽貨同國孟子與王驩同事亦剛遯之意

遯初為尾蜂蠱之尾也謝氏曰獸馴則尾帖猛則尾奮初居剛有恃強必進前害四剛之象故為尾易筌初與二非遯者驅陽以遯者也往而迫陽聖人所惡故

像抄卷下

遯一

十

三九

戒以勿往

遯上以成三遯為肥

天下有山從山看天天在山頂暨上山一步天高一步愈上愈高迥不相及從天視山以上覆下不惡乎下以大包小不惡乎小此象所謂遠與不惡之一義薛文清公曰如治小人寬平自在從容以處之事已即絕口不言則小人无所聞以發其怒絕口不言天下之山也此又象所謂嚴之一義

小人亦極欲羅網天下之賢人君子以為己用執之用黃牛之革莫之勝說以此只君子斷不為其所網而

用一爲其用无有不失足耳

夫初壯于前趾四其應爻姤上姤其角三其應爻夫四亦名君子而將爲喜于鬪狠之羊者也姤三亦名君子而將爲方乎踴躍之豕者也至于壯初征而曰其孚窮惟恐亦成四藩遯上肥而曰无所疑幸其遠于三憊聖人于陽剛之類雖與其爲君子而常恐或墜爲小人其成人美而不成人惡固如此

肥遯无不利白居易感興魚能深入寧憂釣鳥解高飛豈觸羅朱子富貴有餘樂貧賤不堪憂誰知天路幽險倚伏互相酬請看東門黃犬更聽華亭清唳千古

像抄卷下

遯二

十一

三

恨難收何似鴟夷子散髮弄扁舟鴟夷子成霸業有餘謀收身千乘卿相歸把釣魚釣春晝五湖煙浪秋夜一天雲月此外儘悠悠永棄人間事吾道付滄洲君子以遠小人或曰如不仁者遠矣之遠不惡而嚴不止嚴毅嚴威良是嚴敬嚴憚此君子之天包度量山立根基盡入而欲使之去其爲小人歸其爲君子盡人而欲貽之以安爰故言好言嘉與肥此又象所謂遠與嚴之一義

三三

雷在天上大壯君子以非體弗履懼有非禮逢天震怒大壯之初以征凶豫初以鳴凶皆不能不爲雷所震動也震雷轟天而天不爲動是爲大壯之貞震雷奮地而地不爲動是爲豫石之介

小人用壯君子用罔君子小人不相爲用者也大壯利貞壯之所利者貞尤不可假小人以爲用者也有如三以上爲應爻或假之事權俾得以用其壯則君子遂入小人之罔无有不反爲小人所用了真如羊頭伸在籬甲裡欲進不得欲退不得君子小人滾做一

像抄卷下

大壯一

十二

三

團聖人示君子貞厲之戒如此三指上曰藩上指三亦曰藩俱以兌象四貞爲震不爲兌便是藩決不羸之象

小人之小人易辨君子之小人難辨小人之小人如夫上之柔說如姤初之柔巽皆小人之小人也君子之小人如壯五上皆以剛動儘奮發有爲如遯初二皆以剛止儘鎮靜无擾皆君子中之小人也

壯三即遯四反體遯曰君子好遯小人否惜小人之詞壯曰小人用壯君子罔危君子之詞三曰羝羊觸藩三爲羊而上爲藩上曰羝羊觸藩上爲羊而三爲藩

四曰藩決不羸謂四藩而初亦羊可五曰喪羊于易
謂五亦指二爲羊可朱子曰卦體似兌俱有羊象犬
壯之友爲遯遯體似巽壯而背爲羝羊之觸便失其
貞遯而執用黃牛之革便无不亨皆實象實義

像抄卷下

大壯二

十三

分七

三三

易中言公侯屯豫解益小過皆屬震唯晉侯屬坤大有
公屬乾其言君言王言帝言大君言國君言天子則
諸卦皆備

晉自昭明夷用晦以出地之明自昭以入地之晦蒞衆
彼有明于察人而闇于反已其何以爲君子

坤至柔而動也剛坤初堅米豫二介石剝三剝之晉三
衆允之都所謂動剛要爲人所轉都不得

受茲介福于其王母茲藉草之名二坤順中正原藉合
三爻以成順亦藉合三爻以受福有不徒介諸一已

像抄卷下

晉一

十四

分五

而已者晉名進上所進惟順麗三爻下所進合同順
三爻故侯以康名爲安爲樂爲和爲五達之道諸義
俱備

離上出征曰王用四突之侵迫者重明之五故本五命
而特繫之王繫之征晉上伐邑曰維用四廟之摧抑
者衆康侯之進故本衆心而其謂之維謂之伐王用
征折首獲醜正以天下維用伐罪止邑之爲勲者離
上唯明威寅奉日出晉上唯國是總持曰維始无上
角无以柅方孚之羸豕晉无上角无以清已進之社
鼯君子皆出于不得已而然故始上爲吝无咎而晉

上雖厲爲吉也

像抄卷下

音二

十五

三三

晉明君在上下以坤順麗其明爲康侯之用明夷明侯在下上以坤順晦其明爲箕子之貞文王箕子從後視之有商周之異自當時視之一體商之臣子耳

北宮子曰紂囚文王七年諸侯皆從之囚紂于是懼而歸之史乃謂閔天之徒求有莘之美女以獻紂謬甚此必齊東野人因范蠡進西施事而附會之耳不然聖人象易何云六二之吉順以則也

地澤知臨地天歸妹地水任帥地山利侵伐地雷敦復地風升階惟地火爲夷明乃知君如惡直臣如嫉正

像抄卷下

明夷

十六

未有不爲亾紂之續而甘心與惡來飛廉同其誅滅者

明夷夷于左股坤三爻乘于三上上三應爻夷三左之爲二股也左股夷二不能行二无所麗故爲明夷

箕子之明夷利貞自靜人自獻于先王我不顧行遯箕子以決不可去爲正也

主人有言一言不可疾貞二不可正文明柔順以蒙大難事

明夷上六初登于天或曰上在出震之上之象後人于地則下有坎陷之象龜山先生曰三仁未去紂非獨

夫也三仁去則天下不以爲君矣四遷五奴坤順全體毀裂止存上一爻有獨夫之象當日命絕則爲獨夫是入地也

用九見群龍无首吉群龍未嘗无首未嘗不貴首出只不可有首見但見无首非无首也既上濡其首厲非首之患患濡也離上折首天德不可爲首離亦不可爲首也明夷之三得其大首離上出征則患有首明夷之三南狩又貴得其大首也比上比之无首凶比亦貴有首也明夷言大首與晉言大明相發明出地曰大明明入地但曰大首明方在晦之義

像抄卷下

明夷二

十七

三

三三

家人利女貞王應麟曰男正易女正難二南之詩以化行閨門爲極致

風自火出家人自火出之風解慍阜財長養萬物自南入風以南爲景祥之也人非此无家故爲家人益自東中孚自西渙自北家人益之風宜順遡中孚渙之風宜逆求不然死无緩无地匪涸流廟无立是水皆堅冰

富家大吉象曰順在位順謂義理也陸子曰人家之興替在義理不在富貴假令貴爲公相富等崇愷而人

像抄卷下

家人

十八

三

无義理正爲家替若簞食瓢飲肘見纓絕而人有義理正爲家興

天與火同人。人雖同一天若不與之火黑宰宰地各不相見惡乎同。風自火出家人。人非火不生活。火便如人之有家。有如止作飄風。不自火出不有烹飪。于何生養。亂蓬蓬地。于何歸宿。名爲人。皆飄流蕩析而无家者耳。故風惟自火出一嘘一拂。一生一養。一言一動。必南面必嚮明。出有自。人有歸。不愧于人。豈曰无家。有家爲歸。豈不成人。故爲家人。倒爲鼎亨。上帝養聖賢。巽而耳目聰明。總是家成其爲家人。成其爲人。

亦无二義。諺亦每言門風家風。如可風定自明出。家成箇家。人成箇人。如不可風定自暗出。家不成箇家。人不成箇人。

女史箴度恭中饋。謂祭祀飲食之務。

易筮九三。重剛无咎。笑理如禮。嘻其甚矣。之嘻。謂爲歡意。言九三之剛。使家人嗃嗃。雖厲而吉。又甚焉。使婦子不能容而歎斯。不免于吝矣。亦肯。

像抄卷下

家人二

十九

五

三三

十三卦中有重門擊柝。以待暴客。孤矢以威。天下二義。聖人思患預防。其憂天下後世。无所不至。固如此。

楊誠齋謂見惡人如子。見南子陳寔。弔張讓子與南子寔。與讓夫豈合德之爻。相睽而惡之人乎。

君臣朋友原睽。能相成下。以說麗上。上以明應下。便是合睽也。

遇主于巷。睽二剛說得中三之五。撰坎象。巷主在巷。原欲下求二。有遇。豈其枉已象。故特明未失道。

凡君臣朋友性格不同。如火上水下。澤志趨不同。如二女。

像抄卷下

睽一

二十

六

同居皆睽之義。爻言惡言疑。乃其甚者。僞行同弗與。異弗非。與其所可與。不必同乎已。非其所可非。不必異乎已。君子以同而異。似之。

古以孤設官。孤醵无朋。睽四上之孤。以剛明獨立于成。物之表。孤所宜。孤无孤。不成其爲睽。无遇亦不成其爲孤。

爲孤

同人于宗。吝。厥宗噬膚。往何咎。鄧氏曰。同人之時。開以吟域之塗。是離析之萌也。睽之時。獨存維繫之誼。則

洽比之儔。羊也。

睽三。无初有終。睽上。往遇雨。則吉。史記曹參初與蕭何

有隙何且死所推賢惟參參代何爲相國舉事无所變更一遵用何法龜山先生曰二人者苟无體國之誠心忘一己之私忿則排陷紛更將无所不至推之以爲賢守之而弗失尚何有哉其卒爲一代宗臣蓋有以也

先張之弧後說之弧楊誠齋曰下卦初爲弧二爲弦而相附者也上卦上之弦不附于四之弧者也五與三乃二矢象鑿甚且只說張弧說弧何曾說有弦无弦有矢无矢但從上視三先看是坎有張弧之象後知說體遂有說弧之象耳

像抄卷下

睽二

三十一

三夏高

弧矢之利以威天下蓋取諸睽种世衡初至青澗城逼近虜境守備單弱芻糧俱乏世衡以官錢貸商旅使致之不問所出入未幾倉廩皆實又教民吏習射雖僧道婦人亦習之以銀爲射的中者輒與之旣而中益多其銀重輕如故而漸厚且小或爭徭役優重者使之射射中者優處或有過失亦使之射射中者則釋之由是人人皆能射比數年青澗城遂成富強于延州諸寨中獨不求益兵運芻糧此亦威天下之利之一義

睽上載鬼一車坎爲狐狐執心不定妖獸鬼所乘也

震翻身止于艮陽全體也巽翻身止于兌陰半體也蠱日終則有始震始而艮終蠱終于艮翻身卽爲震也巽五曰无初有終无初巽非震之初也有終兌要巽之終也睽三曰无初有終无初柔三不可爲初也有終剛上爲能要終也

睽上載鬼一車旣三未四皆曰伐鬼方火以水滅出明入幽出人入鬼矣睽遇雨旣克之未可賞這兩足方站得住不上鬼車不墮鬼方去

遇雨之吉群疑亾祝氏曰天下惟疑根最難破疑者事之賊也吾蓄疑將復啓天下之疑舉天下成疑境而

像抄卷下

睽三

三十二

天下事不知所終矣遲之悔往之吝每從疑處諄諄作易者其有憂患乎

三三

屯初居貞蹇三來及亦一義屯初須四為求蹇三須四為連如不待其招而往未有不失已者

屯五動乎險中之君一貞不字蹇五止乎險中之君二為蹇蹇匪躬屯動主方居于初二宜合初居貞蹇止主已進于三二宜隨三上進且天下事理動以止貞止以動善无事常如有事時隄防有事常如无事時鎮靜類如此

蹇諸爻四言往來蹇足艱不能行進之義往來不窮謂之通言往來則便不窮而通又須從往蹇中來初方

像抄卷下

蹇一

二三

三三

譽三方及四方連上方碩譽及連碩皆所謂西南之利若不往蹇中來无不立有東北之窮蓋止不徒止以往為止素險難行乎險難无入不得故无往不利不則以止為止畏險避難于何不至究竟險難終不可倖免真是死殺窮底道路故曰不利東北其道窮也

屯險中有動原始蹇險中有止要終人一日无屯便不生无望貞一日无蹇便要名辱便多不克轉頭將无處不與人拆開或有一得非土由即培塿與友連

碩四字无望奏手

坤利西南自北而西南蹇解利西南自西而北自北而

西南坤利西南得朋蹇曰朋來解曰朋至得義同坤利東北喪朋蹇則不利東北解則又有來復之吉喪義異云何坤東北之喪要終獨有所止也所謂安貞者也蹇利東北將終止于險矣解无來復將險猶未免不成其為動矣解利西南坎而坤坤而震次序而動動險易故西南東北來往皆吉蹇利西南坎而坤坤而艮艮蹇等而止止險難故東北竟為不利也

坤利西南以坤重坤一轉手工夫蹇解利西南以艮止險以震動險未已更須以坤平坎兩轉手工夫險以

像抄卷下

蹇二

三四

三七七

震動動原始宜初而在四險以艮止止要終宜上而在三非西南將有所弗利先天坤後天坎其位一也蹇解利西南蹇外坎內艮艮東北以艮坤遙對為西南解外震內坎震東坎北以自坎北滂沱及于離南自震東震震及于兌西為西南或曰先天坤定位于北後天坤往西南則坎遂得坤位蹇解之坎從其得坤位說在蹇則高山之上層級无非平地解則震雷之下遍地无非甘雨故皆曰利西南以中節易筮不先不後恰當機宜之謂節



公用射隼于高墉之上獲之无不利和魯公有觀畫鷹獵兔詩雖是丹青物沈吟亦可傷君誇鷹眼疾我憫兔心忙豈動騷人興惟增獵客狂絞綃百餘尺爭似製衣裳范文正觀之歎曰真仁人之言也畫鷹猶然其真為高墉之隼固可知矣大學惟仁人放流之屏諸四夷不與同中國

剛柔以位言止爻義一端大體大要全論卦不然解二四皆不正不當何以獨有解小人之能事然于五曰君子維有解爻意亦自可見初非以君子維定須解像抄卷下解一

二十五

君子朋定須以君子于泰言朋以于解言維解皆以合用五中為至耳豈謂君子而顧可以无朋可以无維乎哉

公用射隼以解悖來矣解曰以下叛上謂之悖三乘二負四應上乘之惡顯負與應之惡隱其名負四其實是慢四其外應上其中實反叛而欲搏噬乎上故特以悖字定三之罪案

蹇解利西南坎得母坤之位者也坎來而坤遂往于西南或母道不存于坎中其坎也乃為險為陷而已矣故蹇以止險于上止之而成至順高山之峻如母斯

恃而不見為險曰往得中解以動險于下動之而成至順迅雷之轟如母斯親而不見為險曰往得衆艮震二男之遇坎震原始艮要終行父道艮內止震外動行母道若坤之利西南得朋東北喪朋有乾之西北以率先三男斯有坤之西南以要束三女西南得朋以母道貞女教以身為準東北喪朋以父道彰男教至艮而終其義各別

崔仲見曰詩桑柔狀小人之惡二涼言刻薄盜言貪顯競言強禦易解狀小人之情四狐言刻惑乘言僭竊母言依附隼言悍鷲

像抄卷下解二

二十六

易筌方其蹇也惟是反身修德及其解也又惟赦過宥罪律已嚴待人恕君子之道可知矣

陸子曰但懲忿窒慾未是學問事便懲窒得全无也未
是學學者須是明理然後說得懲窒知學問懲窒與
常人懲窒不同然則損大象徑言懲窒有未備乎曰
卦名損便都是學問况五言或益之十朋之龜弗克
違此非天下之至明不與也

損有時民猶說也損无時澤將竭矣然則下體兌中爻
坤此水始涸時損有時也上體艮爲冬春之交二前
震爲春此而損澤竭矣故聖人嚴之以弗損

損初曰已事朱子曰天下甚麼事不關自家身已極而

像抄卷下

損一

二十七

三

至于參天地贊化育都只是自家分內事自出震到
說兌以兌說合艮成故損初便能認得爲已如此

天地男女綱縉構精之義聖人不以釋水火風雷之交
而以釋山澤之交又不以釋咸而以釋損是爲聖筆

化工之合

天地不綱縉无非戾氣男女不構精无非死氣泰正交
咸正感以全體論損之綱縉構精男外女內以女爲

主似非正感故單以主爻論而謂之一人行

三人行則損一大凡對人言說也只好一箇開口兩
人齊說已雜而况于三損二人以說上行初酌損二

弗損三竟謂之損義可知矣一人行則得其友又全
藉有上在上與三合志止之于五上故特稱友

履尾至人過涉滅頂損一人此皆未可襲跡而爲之者
三人行則損一人以下二人陽剛之說爲主而聽四五

兩爻爲之從一人行則得其友以上一人陽剛之止
爲主而已爲之從所謂致一之義固如此一主也致
一得所主也陰以陽爲主女以男爲主地以天爲主
俱致一之道

記曰龜以爲畜故人情不失損六五益六二曰十朋之
龜順初九曰靈龜皆龜以爲畜之義

像抄卷下

損二

二十八

三

或曰三人行則損一人損三爲上也一人行指上也則
得其友五得上爲友也乃三既行而爲上曾不見上
之下而爲三又不見上之下而爲三在損卦中幹甚
勾當世間有此奇詭事

損之初曰遯往四曰使遯初說而上行四止而下受初
剛而四柔也益之上曰莫益三曰凶事三任益上任
凶上剛而三柔耳又可見自下受之雨露霜雪无非
教自上施之寧爲雨露无爲霜雪子曰莫之與則傷
之者至損下弗損枉已未有能直人无害其爲下益
上莫益財聚未有不民散深害其爲上此上下損益

之辨也爲人上者可以鑒矣

損者損其有餘益者益其不足自卦象言之艮一陽二陰則陽不足兌二陽一陰則陽有餘故損下益上其道上行震一陽二陰則下不足矣巽一陰二陽則上有餘矣故損上益下民說无疆可見卦之名義皆實象章本清

序以泰否居首雜以損益代之懲忿窒慾遷善改過立人道之大端也人匪麗无明山澤風雷合而坤虛全體成麗于其中是爲天下之至明故皆象以十朋之龜人无天下之至明而欲有事于懲窒遷改俱不可得

像抄卷下 損三

二十九

三頁六

爲上宜安止无爲而以說下爲元龜爲下宜震動力作而以巽上爲元龜

少男少女以男下女則咸反則損說女情慾易動不可以爲主也長男長女男外女內則恒反亦益震男爲勵有爲內外惟其所有事也

損益皆言十朋之龜范忠宣公奏議朋龜效靈庶職仁舉朝廷獲多士之助近臣免尸素之譏朋龜獻兆庶績咸熙堯舜三代之治可不勞而成今按損五以上之止靜克受下之譴議益其光明篤實爲朋龜益二以下之震動克受上之風勵益其恐懼修省爲朋龜

三三

吉事凶事皆爲益故曰雨露霜雪无非教進此而益之能事方備故曰告公用圭聖人所謂吉凶生大業吉凶與民同患之義全如此張氏采曰物不受變則材不成人不涉難則智不明故隕霜不殺者物之災也逸樂終身者非人之福也呂東萊曰天地之造化必有大凋落然後有大發生有大摧折然後有大成就損上无家一志在君似與三不可互爲家以山澤分形難于轉徙益四遷國一志在民似與初可以互爲國以雷風一氣有可變動

像抄卷下 益一

益一

三十一

三頁五

泰否所以體乾坤之全損益所以用坎離之中損益存于家人睽蹇解之後損蹇睽下體之合益家人解上體之合皆合以用坎離之中者朋龜以十象坎一離九之合亦十也

家語夫享所以昭德也不昭不如其已二蓋用享損蓋以儉德昭天下耳

損其疾使過有喜蘇氏曰過者初九也下之所損有限而上之求益无已此下之所病也我去是病則夫過者喜我矣自初言之已事過往則四之求我也寡故酌損之自四言之損其疾則初之從我也易故豈有

喜

蠱剛上而柔下咸柔上而剛下恒剛上而柔下以是例之損之爲卦艮剛上兌柔下損下益上其爲損柔益剛無疑乃象又言損剛益柔有時何居曰益損上益下矣爲下者單受上益一无所報夫豈成其爲下乎損損下益上矣爲上者單受下益一无所報又豈成其爲上乎益之二曰或益之十朋之龜弗克違永貞吉王用享于帝吉此下受上益而爲享上之報者也損之五固益之二也其爲朋龜之益同則其爲享下之心亦同益言于父曰王用享于帝自民庶以至于

像抄卷下

益二

三

爲王由上帝視之王亦下也王特下民之爲首者耳天生民立之王王爲天下之歸往寵異之惟上帝帝天之命主于民心天視自我民視天聽自我民聽畏下民所以畏上帝益下民所以事上帝能爲王者能享帝故曰王用享于帝吉損言于彖曰曷之用二簋可用享損而有孚至于元吉无咎可貞利有攸往損下益上損柔益剛之道備矣盡矣上剛亦何之而非是道爲用乎二簋可用享以下言之王帛可萬國簋筐可九州水陸之輓可車可航以上言之一壺一餐皆可養士瓠葉兔首皆可禮賢尺布斗粟皆可仁親

以下言之壤有則賦有成共惟正此不論時故无時

以上言之隨民之豐歉爲補助且下益上者萬會爲

一少而爲多上益下者一散爲萬多而爲少大損大

益中損中益下損下益其出之也或鉅萬其及之也

惟升斗蓋有二簋而上下之志无不應矣亦惟儉損

之時則有之豐登不必然故曰二簋應有時損剛益

柔有時在益則无時不直截是益故曰凡益之道與

時偕行在損則上下有時交相損益故曰損益盈虛

與時偕行享帝惟王上益下下享上上不居惠本之

帝王不抗帝夷之民民不實分首之王二簋用享曰

像抄卷下

益三

三

曷之下益上上享下匹夫匹婦皆勝予民視民聽皆明威天下合以益一人一人何以益天下民財易匱何以生之而不傷民力易竭何以節之而不困民隱有一毫不迫身不成享民瘼有一毫不切已不成享身在皇堂心周鄙屋尊居密勿慮竟四海无之非一腔篤實真懇心爲之潛注默輸于无外而在貽泰山四維之安茲之爲享也原不在多儀故曰二簋曾无之非是故曰曷之也

上益下上總不居功夫何以受享惟有爲民祈報上帝之事所當盡故益二曰王用享于帝吉下益上上何

可无報何可不成享當无之而非愛養樽節對答天下誠心實念之流注故損彖曰曷之用二簋可用享咸取女恒制義以艮震主兌巽乾道損上行益下下以兌巽承艮震坤道

謂之雷風便象順布便象平寧常久世界雷聲動而外出時出而出无暴風氣巽而內入時入而入无疾爲恒謂之風雷便象逆布便象轟烈震蕩世界撓萬物莫疾乎風風飛自天主施動萬物莫疾乎雷雷奮出地主生爲益至于澤山爲咸亦順布山澤爲損亦逆布山上有澤澤自上零惟山有受惟澤亦聚曰咸山

便抄卷下

益四

三十三

三十三

下有澤澤從下瀉山不克受澤亦易消曰損皆實象亦實義上之益下只須樹一个風聲以鼓動域中下之益上凡財力都屬膏脂須是實輸以灌注乎上又且每如土壤之于泰山下爲錙銖之盡上爲泥沙之視故益下非其无損而止言益益上亦有弗損而特言損

損初曰已事山之爲止自如而澤之爲潤无已事固其心益上曰恒心雷或有時收聲而風无時息吹心亦其事十朋之龜龜者洛書卽後天一圖奇偶俱朋爲十而坤十全體具于損益中離一陰麗于二陽中爲

龜損益三陰麗于三陽中豈非天下之元龜龜象一損柔說上行剛止要終而二剛朋之以原始通體遂成篤實之光明益柔巽下下剛動原始而二剛朋之以要終通體遂成動變之光輝龜象二下說行上安止一消一滴盡決江河凡以上受下者有此其爲靈也孰如上風行下雷動萬戶千門次第洞開凡以下受上者有此其爲靈也孰如龜象三

便抄卷下

益五

三十四

三十四

損澤益山翻咸爲損原不失其爲咸不然亦勿用取之女耳損風益雷翻恒爲益原不失其爲恒不然亦不從一終之婦耳

爲下无損必通賦之亂民兌爲毀折故而上止難安故以二簋教用享爲上无益必殖貨之暴君巽爲近利故而下震易動故以大川示利涉

損懲窒要終絕去利曰故曰无家益遷改原始不得意緩故曰大作

咸恒損益總爲泰否之變泰之內君子上一爻于小人上爲損三上相易亦然其曰得臣无家若有終而小

人爲臣終不與小人爲家之意否之外君子下一爻
于小人下爲益四初相易亦然其曰利用爲大作若
有爲大于小又有化小爲大之意損以艮要終保泰
君子已結果收成益以震原始傾否君子方從根撥
轉耳若咸則否之內小人上一爻于君子上者而頰
舌之咸終无改于小人之口若恒則泰之外小人下
一爻于君子下者而始求以浚猶然小人求入之心
是爲君子小人之定辨

像抄卷下

益六

三十五

三十五

上之于泰上爲損之有孚下之于否下爲益之利涉
以人惟萬物之靈欲盡人勿失其爲靈是爲十朋之
龜之益泰否損益之道行令凡世之爲小人爲民衆
既不至于凍餒有患又不至于冥頑弗靈夫是之謂
天覆之度夫是之謂君子之用心
頤有靈龜謂人无養正之吉言語有不慎飲食有不節
者无之損益有十朋之龜謂人有不克懲窒不克遷
改者无之

艮止也止則終以止爲終終而无始豈曰天行故凡艮
居上卦下合乾亨爲天衢下合震涉爲大川下合坎

利禦寇下兼山敦艮吉皆四剛卦之爲盪也至于下
合坤爲剝之碩果下合巽爲蠱之高尚下合離成賁
白下合兌无損家皆四柔卦之爲盪也而剝蠱損相
盪尤至剝變也柔變剛也以坤柔變艮剛由變而上
果方碩如无剝但華不果雖果貌乎其小者耳蠱者
事也蠱則飭也穀積久變爲飛蠱蠱亦變也以巽柔
蠱艮剛由蠱而上事方无以尚方似其高如无蠱絕
頂之外遂无進步雖高而危抑有尚者耳損減也傷
也貶也虧失也以兌柔損艮剛由損而上原弗損原
爲益之如无損莫爲臣獨夫耳家于高危立崩之道

像抄卷下

益七

三十六

三十六

政不如其无耳剝頤肌膚脫落盡惟有精華在隆寒
窮陰常包一線之陽和蠱尚多病道心生多病于人
未足憂狂風疾飈愈輦四維之磐石至于損无家惟
正共于萬邦富原藏之四海天下莫非其臣崇高一
无所有剝頤不顯蠱尚亦民如是而後爲天下一家
之能事象故明之曰大得志

三人行則損一人三樣損法初與二陽剛有餘酌損之
如酌盈濟虛之酌隨盈虛以爲權量弗損益之三年
有一年之餘九年有三年之餘曾弗自損其有但益
之以所餘三陰柔不足有如益在其上必定損其正

三故曰損一人一人行則得其友三損下益上主父也同志爲友相佐佑爲友善兄弟爲友三行與上易地爲友初與四有不同志乎有不有無相爲佐佑乎二與五有不同志乎有不有無相爲佐佑乎分嚴上下情藹兄弟名爲下損上益誼如朋友佐佑三人合爲一人上下并無二心以下說要上止眞是一團和氣布護于兩間一團說意流行充塞于宇宙胥自六三一人行得之故繫傳極言綱緼構精之化

損初二如富民三如貧民富民終事好義易貧民終事好義難富民供輸累千百非損貧民供輸纔升斗亦

像抄卷下 益八

三十七

三十九

損然亦損所當損一以說道行之畧起貧富二見便是疑便說非其說故曰三則疑這一點說行意思自少發生要之艮成而止在咸男以止下女在損女以道說男故曰致一咸曰天地感而萬物化生聖人感人心而天下和平損曰天地絪縕萬物化醇男女構精萬物化生俱此

陰陽惟一氣爲升降上升即陽下降即陰兌象陰降之始至巽而下伏震象陽升之始至艮而止此升降大義震原始艮要終陽主陰陰從陽此陰陽定分咸之情艮下宜上兌上宜下此交感而相與者也損則

艮上適得要終之位不下兌以降陰居下或不上行以益艮窮矣惟上行然後通故不曰情而曰道上行恒之情雷動外出風巽內入此對待而方立者也益則震下適得原始之位不上巽以伏陰居上或不下下以益震窮矣惟下下然後光故亦不曰情而曰道大光

以八卦陽饒陰乏論損下乏上饒損下益上也益上乏下饒損上益下也合二卦陰陽饒乏論損秋冬之交擊欽之時全體是損益春夏之交發生之時全體是益不止損下爲損而益下爲益人無損忿不懲忿不

像抄卷下 益九

三十八

三十三

室如當秋冬而無擊欽浮芥耳已人無益見善不遷有過不改如當春夏而無發生死梗耳已

損以遠害人無損豈惟害人終必害已益以興利人有益豈惟利己亦必利人

易益損三以益上者也而五受其益故曰自上祐益損四以益初者也而二受其益故曰自外來孔子讀易至損益喟然而歎曰或欲利之適足以害之或欲害之適足以利之利害禍福之門不可不察

夫揚于王庭范氏以爲內皆君子此賞罰明行之時
鳩音決一名巧婦柔乘五剛巧佞莫甚
易筌居德則忘言不居其德也

夫揚于王庭朱子與臺端書伐木而剪其枝葉不若斧
其根壅水而捍其波流不若塞其源鳴金鼓耀戈甲
而噪呼以逐虎不若乘其方睡而斃之之速蓋此等
小人有生以來自朝至暮无非罪惡不可殫數且又
人主素以倡優奴僕畜之初不責其名檢而問者議
臣乃復扶摘苛細而一一以陳之其不納則宜矣唯
像抄卷下 夫一 三十九

其日侍燕閒逢迎縱使主人之心恬于逸欲而法
家拂士之言不得以進狃于卑近而正大久遠之計
不得以聞賄賂公行奸邪堵立凡所以爲天下國家
之紀綱者日傾月壞而上下相蒙莫敢以告是則此
一二人之罪所以上通于天而深爲今日膏肓之病
者執事誠能聲此爲罪揚于王庭深贊聖王去邪勿
疑之志又引同類之賢合謀并力以決去之則天下
膏肓之病庶幾可去矣此書允可爲揚于王庭註疏
夫初壯于前趾往不勝爲咎范忠宣公曰大輅與柴車
較逐鸞鳳與鴟梟爭食連城與瓦礫相觸君子與小

人聞力不惟不能勝兼亦不可勝不惟不可勝雖勝
亦非也韓魏公曰君子不勝則奉身而退樂道无悶
小人不勝則交結黨煽干岐萬轍必勝而後已小人
復勝必肆毒于善良无所不爲求天下无亂不可得
已

夫君子決小人之卦書契之作蓋取諸夬亦所以決去
小人之僞而防其欺也

往不勝或曰勝謂勝其任惟三五夬夬夬便是能勝

夫任之象三夬夬以五先之五夬夬以三後之

澤以說萬物水以潤萬物說與潤何以異凡火必燥凡

像抄卷下 夫二 四十

水必潤常也曰膏澤曰福澤曰恩澤則若出于非常

而物爲說之矣故澤非異于水而說不止于潤又澤

有二義上天下地之澤此地之渚水也澤上于天之

澤則天之露澤與雨澤矣

壘上何校滅耳曰聰不明夫四聞言不信亦曰聰不明

聰而明始乎坎終乎離坎化咸離是爲耳順是爲固

聰明達天德而稱睿知之至聖

否三包羞夫上无號此乃小人最毒最狠情狀

易中兩言聰不明即既未濟鬼方之義象人只自聰之

極而不求其所以明便如離日中天而輒蔽之以黑

雲南國文明而及淪入爲幽都故以鬼方象也

子夏傳莧陸木根草莧剛下柔上本草莧有陸種皆屬陰或曰莧陸昌陽也

耳兼目聞兼見聰兼明明從聰出聰以明顯故聖人于離特曰聖人南面而聽天下嚮明而治又于噬嗑上

大四特有聰不明之戒
四牽羊悔亡三爲應上夬夬之交四居三前才力不逮三宜安出三後以讓三之進夬爲當而四非其人古今亦鮮見其人此聰明所以爲絕德聖賢所以爲絕學或曰牽者牽連而進四隨九五以進爲牽

像抄卷下

夬三

四十二

三九

周氏曰易于君子之合每致意焉人情于始交未有不固者也逮積安成疏耦俱生軋甘陵蜀洛之釁每動于羣賢極盛之時夬戒軋也故曰孚戒疏也故曰惕總之曰號易所謂號類詩所謂怨呼而懼靡應也故用號疾呼而猶患弗聞也故類怨怨者慕若憂國至誠懇惻之極思號者意召聲求同寅協恭之要術天下同室也君臣僚友之屬同舟也誠以壓溺之禍非一手足所能爲而衆亦均有責耳有孚號則天下之人羣合而國事濟矣

三三

乾巽相遇小畜稱妻稱婦姤乃勿取畜巽志在于應乾姤巽志在于消乾畜巽在外卦乾爲主姤乾在外卦巽爲主也應君子之小人小人不爲主與之配合不可長消君子之小人小人爲主與之配合不遭其咎不已一失脚爲千古恨如此

閨戶謂之坤復則開閨戶謂之乾姤則闔
姤女壯勿用取女劉行簡曰天下之治衆君子成之而不足一小人敗之而有餘李常寧曰天下至太宗社至重百年成之而不足一日壞之而有餘邵子西晉

像抄卷下

姤一

四十二

三九

吟有刀難剖公閨腹无木可梟元海頭禍在夕陽亭一語上東門嘯浪悠悠晉史賈充納女以壬辰劉曜陷長安以丙子相去纔四十五年宋史賈妃之冊以壬辰而禍亦以丙子遂與西晉同轍姤臣孽女之敗國家固如此
鼎二妾初大過之二妻初姤曰勿用取女二于初不但妻亦不妾并二鯀初日射鯀微而土潛相附旅行不啻宵小之類射亦止于浞注之而已姤二魚初日包魚爲林林之生包更具有天度此并二姤二合坎合乾分量大小之別

剝上碩果反爲不遠之復夫上无號反爲羸豕之孚君子无故而去有時乎復仍有引過自咎之心小人有故而去有時乎姤无非報復毒螫之意君子小人所存之不同固如此

否初曰貞吉亨姤初曰貞吉從根上撥轉

姤父取象曰魚曰爪最有趣味最可警省魚爛爪潰皆始自內而外初不覺也

韓魏公謂小人不可求遠三家村中亦有一家當求處之道知其爲小人處之而已更不可校如校之則自小矣人有非毀但當反己是不是已是在我

像抄卷下 姤 二

四十三

而罪在彼焉用計其何如姤之包有魚處之道也包无魚遠之道也

三三

澤上于地萃君子以除戎器戒不虞大抵人三爲衆自用大牲吉利有攸往祭統祭者澤之大者也是故上有大澤則惠必及下顧上先下後耳非上積重而下有凍餒之民也是故上有大澤則民夫人待于下流知惠之將至也由餒見之矣故曰可以觀政矣

像抄卷下 萃 一

四十四

三三

萃升假廟用禴困亨祀祭祀觀盥皆以巽兌象震陽巽兌陰震明巽兌幽精意巽說于幽陰而无不亨其亨至矣陽明不假言已

冥升與虛邑一心一義

冥升在上消不富是論南征大人用世事業至上也定須知退知亡知喪而矧其為富貴功名也者

萃初若號號四以順升上冥升與三俱冥三或以明入上必以暗出使升二有南征之吉而更有冥飛之舉其貞為何如其利為何如牛僧虔注之不已則溢畜

像抄卷下

升

四十五

三八七

之不已則慄馳之不已則賁引之不已則逸

冥豫冥升皆不可无以變其窮冥豫動體聖人教以渝无咎冥升順體聖人教以消貞各因其固有

臨曰消不久升曰消不富姤言隕履言夫不論乾坤凡遇兌巽為內卦皆消體時消與消以消為用盛德大業便在此世人喜息惡消然卒不免于消其如消息之天行何

三三

困上有口不掩言之象故曰尚口乃窮

雷水為解則澤水為困可知震為東方為明且明有禮樂故解五曰君子有解兌為西方為幽夜幽有鬼神

故困五曰利用祭祀又山水為蒙有止窒不流之意故以亨行澤水為困有拏歛不舒之意故貞大人吉

朱彥修治一男子小便不通他醫治以利藥益甚彥修曰此積痰病也積痰在肺肺為上焦膀胱為下焦上焦閉則下焦塞譬如滴水之器必上竅通而後下竅

之水出焉乃以方大吐之吐已病如失此通于困卦

像抄卷下

困

四十六

三八七

消息者

君子以致命遂志陳氏曰志由已者也志回則禮從釋之志端則禮從節之志純摯則竭情歸質而自致于

天自致于天也者天之所不得違也聖人所不得制也教之所不束也文之所不得傳也或闕閤而進于

君子或章逢而非夫或荏苒而能遂或軒然自雄而易奪聖人之取舍宜何如哉

雷水為解為春夏為陽氣發生之時今澤水為困為秋冬為陰凝寒沍之時令

困五乃徐有說渙四匪夷所思不以小人之困可獨緩

而忍一物失所不以小人之思可獨忽而棄芻蕘弗詢此困五所以爲中直渙四所以爲光大

困二征凶无咎與大過上凶无咎同義既利用亨祀幽可質鬼神明即有人非原无愧雖征行于凶禍之途夫何過咎之有

險以說不怨天盡所以對天不尤人盡所以宜人此便是利用亨祀利用祭祀之道

困卦爻言大人言君子言言祀言祭祀大人君子總以林總蒼生陷溺失所起念匹夫匹婦納溝爲耻而曾不以一身一家之困窮爲困窮

像抄卷下

困二

四十七

三百五十五

紱蔽膝上古衣蔽前而已紱猶象之困二朱紱方來言可向明征進義五曰困于赤紱從二視五爲朱爲方來從五自視猶赤猶困未能來二亦兌本色以天子朱諸侯赤爲辨乃另義

三三

困塞井通困上交爲兌止有外塞坎水之流之象井初爻爲巽入有內通坎水之源之象

无喪无得往來井井但有喪有得往井未必來井來井未必往井

困到利祭祀方是相遇井到寒泉食方是通

改邑不改井不得以坎爲井巽爲邑如是則上井下邑義不相屬卦象通六爻爲井通六爻爲邑下體巽坤居之上體坎進居坤全象俱穿坤土而成故曰改邑初泥二谷三渫四甃巽進既爲中爻之兌兌又進居

像抄卷下

井一

四十八

三百五十六

上坎之下一改而巽風皆澤水再改而止水皆流泉纔常渫而无泥常新而无舊常甃而无敝漏亦皆改義乃五之剛中之泉原隨地皆有隨取皆足初何待改夫是之謂改邑不改井

井改邑徹內徹下徹始革改命徹外徹上徹終淮南子八方風至浚井取新泉四時皆服之管子杼井易水此改邑之井水也論語鑽燧改火此改命之革火也訟二其邑人比五邑人不誠泰上自邑告命謙上征邑國无妄三邑人之災晉上維用伐邑夬彖告自邑升三升虛邑井彖改邑邑象八卦俱取升虛邑井改邑

皆巽巽爲風風以神用旋轉八方運于无形巽德之制巽稱而隱巽以行權虛與改巽德之所尤備也

井谷射鮒象曰无與非謂二五皆剛兩剛相敵則不相與如艮之上下敵應不相與若然五井何以列五井之列以二剛之巽也五二原是合德之與二无與政謂谷而射鮒則將不能成五之列无與其爲五耳巽水之主在初上水之主唯五二與五以剛合德爲井泉宜上巽不宜下射谷戒詞二何以谷凡易之情近而不相得則凶或害之悔且吝二初近交也二以巽水主初而委已從初谷矣小魚相附旅行爲鮒二初

像抄卷下 井二

四九

三九十四

相附以巽射注惟鮒而已矣二四同功二谷則四甕不成甕亦不免敝且漏矣如是以巽五而成列故曰无與戒二不得爲谷主乎初而不主初宜以剛直遂上巽之義若困四曰有與有二爲與創二曰未有與未有上爲與俱與井二相發

乾乾謙謙坎坎蹇蹇夫夫皆言于爻惟井井言于彖井井係之來往往井以上水言來井以巽水言有往无來井體不立有來无往井用不行

舊井无禽衛渠先生嘗言義理有疑卽濯去舊見以來新意朱子曰此說甚當最有理若不濯去舊見何處

得新意來今學者有二種病一是主自家意思一是舊有先入之說雖欲擺脫亦被他來相尋

井汔至踐阼篇武王井銘原泉滑滑連旱則絕取事有常賦歛有節井上六勿幕有孚則常不至汔而絕矣故元吉

雷水解風水渙有出幽谷遷喬木之象解上射隼高墉渙上血去惕出義可知矣水雷屯水風井有下喬木入幽谷之象屯初盤桓井初不食義可知矣

井初雖巽水之主爻從二視之鮒耳二如昵初何以上五而爲天下食抱朴子蟪蛄屯蚊眉之中而笑彌天

像抄卷下 井三

五十

三九十九

之大鵬寸鮒游牛迹之中不貴橫海之巨鱗

困利用祭祀曰受福井求王明日受福欲通幽明之故者于此考之凡人困不利祭祀是爲窮困井不求王明終爲泥井

王明並受其福孟子曰守約而施博者善道也曰有是四端而自謂不能自賊者也謂其君不能賊其君者也曰惟大人爲能格君心之非君仁莫不仁君義莫不義君正莫不正井三之漂委可用汲然何能以一人之漂過及天下而使一人无不汲但巽王而進之明便能以一人之漂及天下以一人之養養天下井是

告其所底居其所便若人有分邑而不相通王家天下人中國无分邑故須改邑可用汲在三明在五五汲其滌以爲天下養非三之滌而皆五之滌非王之滌而皆天下之人之滌人无不食之惻人成可汲之用三惟居其所五亦惟恭已南面而天下井井同風故曰竝受其福也

改邑不改井時乘六龍以御天雲行雨施天下平此聖人隨時平治天下之雲雨井德之地井居其所而遷此君子隨地養民之泉水井下體巽巽入也巽風也風有八方所入各異巽水上水以成井惟一君子所

像抄卷下

井四

五十二

入所居如風不同方而井養之德惟一境改而心无改地異而心无異此身到處一泓寒泉可爲人汲養而不窮皆君子改邑不改井之德

天生賢人君子原以利天下福蒼生不使其自爲有餘故其爲道非行即明非明即行明即其行行即其明不明即爲不行不行即爲不明行者行其道以利天下以福蒼生明者明其道以利天下以福蒼生明行雖无兩項窮達各有地頭達是行底地頭窮是明底地頭有如窮而不明又安望其達而能行故固初以入幽谷爲戒而井三以求王明爲受福王者天下之

歸往王明天下歸往之明中天日月照臨之明不然井蛙之見僅爲坐井觀天之明與困初之入幽谷夫何以異

澤无水困天无雨須是澤有水賢人君子道足以濟天下潤蒼生奚啻澤之爲水澤无水國无仁賢便都是乾涸亢旱世界了普天率上于何潤澤故爲困匪以君子一身之窮爲困也

君子處困雖徹底須是明須是覲朱紱赤紱行不在上明自在下上半或爲暗世界下半自爲明世界利用亨祀利用祭祀明或无禮樂幽自有鬼神此所以爲

像抄卷下

井五

五十三

君子之亨大人之貞

言井兼言邑井是民居相生相養之所故曰井邑又曰廬井改邑爰有貴賤有小大无以小害大无以賤害貴

井改邑所入之途異不改井所至之域同无喪原未分我所有无得殊不自以爲功往井惟人所汲來井无時不甃汔至亦未繙井極深不以責人贏其餅凶失仍歸已

六十四德皆在身井居其所若不象隨身之物不知身之遷徙轉移靡定到處爲邑到處有井邑在井在邑

有改井无改井若改怎成邑故曰改邑不改井

像抄卷下

井 六

五十三

七

三三

巳日乃孚人到巳日由甲歷戌生數既備其于南面而聽嚮明而治至理繼悉洞賜于文明朗日中是以革其可革而人无不平

睽二女同居其志不同行革二女同居其志不相得乃家人鼎中孚大過亦二女同居而俱反乎睽革以火澤異性風火與風澤俱一氣耳

澤中有火革王邵曰周官四時變火以救民疾火不救變疾必興漢禮儀志日夏至浚井改水日冬至鑽燧改火

像抄卷下

革一

五十四

三十三

人到口舌好大分已屬君子易之有革只是革變那兌口革去故另換一副口舌鼎取新重鑄一副肺腸豺虎狼虎皆殘殺之物乾虎革虎神武不殺虎與龍同皆可首出而為萬國主

唐裴旻善劍舞常與幽州都督孫佺北伐為奚所圍旻舞刀立馬上矢四集皆迎刃而斷奚大驚引去後以龍華軍使守北平北平多虎旻善射一日得虎三十休山下有老父曰此彪也稍北有真虎使將軍射之且敗旻不信怒馬趨之有虎出叢薄中小而猛據地大吼旻馬辟易弓矢皆墮自是不復射乾革皆以虎

像抄卷下

革二

五十五

四十七

象革以變虎變豹象此命世神武之大人君子夫庸可射而得者語曰虎豹出于山則狐狸號矣革无虎豹之變將胥天下爲狐狸而以希小人之革面而无之復先王以至日閉闔革君子以治曆明時吳晉明曰歲十有二月三百六十日而朔虛六日氣盈五日四分日之一而置閏三年一閏八年三閏十九年七閏氣朔分齊謂之章四章爲蔀二十蔀爲紀三紀爲元此其大畧也天三百六十五度四分度之一猶有些微有餘之處天餘六十歲三百六十五日四分日之一猶有些微不足之處歲縮七歲縮十五而成歲差歲有差月有

像抄卷下

革三

五十六

四十九

大齊甲子與曆法近而遼廓難尋且不明曆數始終之運余近測遠稽一準曆法以冬至日躔求周天之轉圜以冬至晷刻求日朔之齊會若歲差若閏法一指掌无少滲漏間有校定本之天運考之先賢罔敢臆說不越一歲之曆而宇宙一元之運了然目中矣孟子曰千歲之日至可坐而得此之謂也又曰伏羲畫八卦大撓作甲子義和治曆陰陽家言其來尚矣術家者流日用不知訛傳臆說大失作者之意余述一二以俟識者夫渾天甲子七政以日屬虛冬至日與天會于玄枵虛宿此曆元也降是漸差于女于牛于斗而今在箕矣曆家謂之歲差何爲其然哉曰周天三百六十五度四分度之一而日行晝夜不及天一度此次舍躔度所由起也日行南北陸而四時氣候隨之約以三百六十五日四分日之一此分至啓閉所由起也然周天之度豈能截然整齊或有奇餘不盡之數一歲之日亦豈能截然整齊或有奇欠不足之數郭守敬謂天餘七十五秒歲縮七十五秒每歲差一分五十秒六十六年有奇差一度此歲差所由起也曆法十九年爲章至朔會于一時四章爲蔀七十六年至朔會于子時二十蔀爲紀一千五百

二十年至朔會于甲子日子時三紀爲元至朔會于
甲子歲甲子日子時一元凡四千五百六十年黃帝
八年作甲子迄嘉靖四十三年爲第七十二甲子凡
四千三百餘年苟求其故曆元可攷而知也邵子元
會運世之說虛而无據余謂堯時冬至日在玄枵女
虛之交爲子會漢元和冬至日在星紀斗二十一度
梁大同在斗十二度爲丑會唐開元冬至日在析木
斗九度元授時曆在箕九度爲寅會天垂象顯然示
人矣國朝元統造大統曆以洪武十七年甲子爲曆
元迄今萬曆壬寅凡二百一十九年冬至日在箕四

像抄卷下

革四

五十七

三十九

度歲差漸多曆法不可不更定也今之術家類稱開
禧授時夫宋寧宗開禧曆以開禧丁卯爲曆元乃第
六十六甲子元郭守敬授時曆以至元辛巳爲曆元
乃第六十七甲子授時迄今壬寅越三百二十二年
大統曆猶以爲差而術者尚執開禧授時之說何居
或曰海之尾閭名爲焦釜之谷水入其中如沃焦釜消
乾而无復有是爲澤中有火之革象又曰天地間如
洪鑪何物不消爍火在下澤在上何能有不滅者耶
鄭東卿以革爲鑪亦此

歐陽文忠公曰事在天下其易差者莫如曆治曆明時

毫忽微眇畧不少差无時不治无時不明其于革也
爲庶幾矣

像抄卷下

革五

五十八

三

三

巽而耳目聰明萬以忠曰惟巽乃能耳目聰明也蓋聰

明人所自有只不巽便氣高心驕自用蔽塞耳巽便

有巽順虛下意思學者常體此自養便是真火候又

曰本本是助火者只一巽字便成妙用今耳目聰明

之士加以意氣便是以薪助火

我仇有疾四履三革疾若在于三四而特繫之于五所

以任用三四者五也不我能即慎所之之力量于是

為見斯真无愧于有實之稱矣

火在內巽風自外入而然之為家人曰父父子子兄兄

像抄卷下 鼎一 五十九

弟第夫夫婦婦火在外巽風自內入而然之為鼎曰

享上帝養聖賢民非水火不生活徒養其形軀而已

乎徒以自養而已乎

鼎二言我仇有疾五以柔中麗于四上兩剛之間為正

麗所重尤在上鉉匪上是麗而三四是合即有說非

所說卑踰尊小間大而聰明倒置之患聖人象之以

有疾垂萬世人君任人之炯戒肯甚不我能即二能

不為疾所即其實之堅定分量尤為可知非真有所

入而有天下之定見定守者不能

鼎折足丘靈鞫嘗請諸淵淵不起曰此脚疾不能復起

靈鞫曰脚疾亦是大事公為一代鼎臣不可復為履

兼井之用也且月明外親耳聰內藏目巽入微目化

成耳明歸于聰故鼎五惟以黃耳象聖學期耳順貴

朝聞俱此

鼎黃耳中以為實五中虛以二為實如不以二為實乃

空虛之虛耳豈成其為中乎陸子曰千虛不博一實

吾平生學問无他只是一實又曰古人皆是明實理

做實事又曰做得工夫實則所說即實事不說閒話

像抄卷下 鼎二 六十

所指人病即實病又曰宇宙間自有實理所貴乎學

者為能明此理耳此理苟明則自有實行實事又曰

古人自得之故有其實言理則是實理言事則是實

事德則實德行則實行又曰只說近易處著者就實

无尚虛見无務高遠一是即皆是一明即皆明

噬五得黃金鼎五黃耳金鉉這金原胎于震巽二木中

又皆從烈火中鍛就象易聖人蓋以明討勅法正位

凝命雷電合章享上帝養聖賢示教異流竊之名九

轉金液還丹蓋以離為九以九為金為火金火色皆

赤為丹圖書七九互易故又假圖書名為還丹遂使

義文周孔之教夷爲聃喜鍾呂之術惜哉

劉劭曰夫聖賢之所美莫美于聰明聰明之所貴莫貴于知人知人誠智則衆材得其序而庶績之業興矣是故堯以克明俊德爲稱舜以登用二八爲功湯以扶有莘之賢爲名文王以舉渭濱之叟爲治由是論之聖人之爲治孰不勞聰明于求人獲安逸於任使是爲鼎五上金鉉玉鉉之義象

像抄卷下 鼎三

六十二

三三

人心戒懼斯言笑皆中天則象故曰後有則章本清

朱子曰陽氣發處金石亦透觀震二之億喪貝躋于九陵金石之透且不足言矣人卽百行全萬善備三千三百一无滲漏而侈然自有則地位不勝凡近卑下只喚做下達只喚做入淵與喪貝躋陵之義全及此无他只爲无夜半之聲而帝不出震故億喪貝无施伐之盡躋于九陵地位直是峻絕億喪貝一物无有躋于九陵此身如在太虛空裡勿逐七日得貝原故吾九陵之躋不懸空只是平地

像抄卷下 震一

六十三

三三六

陽明陰暗七九皆成明之用故九躋而七得用九見群龍无首此是陽明之極致

趙氏曰恐懼畏心也修省改圖也厲患害也貝貨利也以此思震震可知矣

震初號號啞啞巽初進艮上敦兌上引此剛柔原始要終之別

號號啞啞震體卽說體孚剝有厲說體卽震體

巽五貞要于庚震二厲躋于九陵皆通身盡爲翻轉之能事故曰吾弗能已

蓋世功勞當不得一箇矜字矜卽有其善之謂有其善

者兢兢然持之不啻以爲无盡寶藏此正喪厥善者耳震二億喪貝良是不有其善不有其善乃是不喪厥善故曰勿逐七日得

初震來自來二震來來初之來五震往來震初方往震四洊來合初與四俱來如此乎其有事不止可言萬无一失便要之萬萬而无一失故曰億无喪有事蘇蘇而又蘇震怖幾死之象索索雙索而又索雙而三變絞急驚眩之象三非二之位上无五之中故至此

震原始健行之事然須由坎歷艮到萬萬无失方喚做像抄卷下震二

六十三

三六九

有事若艮已要成終之事故艮上止曰敦巽原始順承之事然須由離歷兌庚庚有實資斧奏手方喚做有終若兌已居酉成之位故兌上止曰引引止前導而敦乃爲主此又艮剛兌柔之辨

震要坎艮如不喪七豈坎也躋于九陵艮也巽要離兌如武貞史巫三品先後庚資斧皆離與兌也

震不于其躬于其隣正是幾先之震索索雙无先幾故至此或問五上之隣矣于卦何如曰先止思動未入慮出皆于隣之義若因說生憂或朝迎日夕致月舉頭纔知天措足纔知地皆病于于躬之晚者也

聖人每曰何有與无能无知聖人心體時時震初何有可名其次則顏子亦願无伐无施蓋已見善勞在已不啻貨貝之多而款于未之易喪矣

億无喪有事十萬曰億又萬萬曰億萬无一失已密之極而况萬萬无失乎聖學成始成終以一敬做成朱子謂忽然夜半一聲雷萬戶千門次第開以此震三言青上言雙雙雷發雷隨原是合章之物

震坎艮皆乾健分體而震艮又合離巽離兌皆坤順分體而巽兌又合坎觀雷電合章艮光明水澤一體風雨俱稱潤可見

像抄卷下震三

六十四

三六九

震陽以動陰而陰不可以動陽故四有泥巽陰以入陽而陽非陰之所入故四田有獲艮陽以止陰而陰不可以止陽故三有限兌陰以說陽而陽非陰之所可說故三來則凶

震躋九陵以震始以艮終巽要六庚以巽始以兌終億喪貝與商旅不行躋于九陵與后不省方勿逐七日得與七日來復俱一脉

上下敵應不相與不消應不消相與夫是之謂各土其所

艮其背即背是身何爲又獲其身行其庭何人非已何爲又見其人艮背通六爻言止如一身故不獲其身行庭三人自行三人自止分六爻言止行止不同亦如一人故不見其人

三止上止止之止不必行止兼獲兩有所得是爲艮其背不獲其身之象三行上止行之止不必又起人已兩見是爲行其庭不見其人之象

像抄卷下

艮一

李五

三十二

艮背行庭人身而陽背陰而離背坎而面背北庭者宮中又爲直與平艮中爻坎即背與庭之象林氏曰心之火易然也有順吾情者輒動心而隨之以喜此是火然而心不能止其所有逆吾情者輒動心而隨之以怒此亦火然而心不能止其所始則且豈結止終則夜氣不存夫至于夜氣不存豈曰然之云乎而燎源之勢殆有不可得而撲滅矣

明道先生曰人心必有所止无止則聽于物必有所止艮其背也聽于物將所獲无非身所見无非人矣

兼山艮君子以思不出其位念菴先生曰未發之中思

之位也思有萬變而位未嘗出時止則止時行則行常止也動亦定靜亦定常定也常止而定是天下之至靜而非杳也亦天下之至動而非賸也吾未嘗无作止語默往來進退而未嘗有所謂作止語默往來進退者以撓乎其微而掇乎其精如是而作止如是而往來進退是靜爲之主也非吾主乎靜也非不思也是心官之思是无思也又曰至靜而无思者思之位也如是而思思則得之或曰位者山之止也立于此不遷于彼易方焉則失位矣

艮爲止止乃光明徐用中曰水止故泥沙定而清者存

像抄卷下

艮二

李太

三十三

心止則物欲息而天理見故光明

孫聞斯曰思不出位便是艮其背的真像

周元公謂讀一部華嚴經不如看一艮卦又謂一部法華經只消一艮卦可了元公之深于易固如此吾道自足何事他求固如此

朱子曰心在群妄自然退聽豈惟群妄四肢百骸雖非妄動有一未退聽心亦不稱在艮二艮並肅不極其隨其心不快象明未退聽以此

思一于理理外无思便喚做思不出其位便喚做止卦德无偏就艮震分說動中原有止止中原有動只爲

學者易偏執故震四言泥艮三言薰常示以靈丹一粒

咸艮皆以人身取象大要于咸曰虛以受人于艮曰思不出位此皆聖人開關啟鍵之玉匙也

艮其腓趾腓聯止便是隨了不拯便亦有身可獲而心幾于不為主安得快

艮四艮其身身伸也伸而上非已之伸而三是伸三反

上便為震時行則行而止也象又明其止諸躬屈

而下非已之屈而三是屈三向下仍為艮時止則止

止而止也申則行而止屈則止而止屈伸皆勿失其

像抄卷下 艮三

六十七

止總以三為中止之主

震四之泥與艮三之限同震何泥兩震相重四居海震

之間故有泥艮何限兩艮相重三居兼艮之間故有

限震是以陽動陰本動二陰于上而四下又有二陰

若反為下二陰所動豈成震主泥如執泥之泥務動

陰而不動于陰恐懼作于心修省見于事畧不寬鬆

毫无假借是為震四之泥有四之泥而上下四陰交

皆合初而无不來矣艮是以陽止陰本止二陰于下

而三上又有二陰若反為上二陰所止豈成止三限

如限制之限務止陰而不止于陰下二陰止于內令

其不出上二陰止于外令其不入內外既有限三又

如脊梁豎立四五分列兩邊如背肉左者列于左无

混于右右者列于右无混于左左右又有列既限又

列其介甚嚴為厲調劑在心為薰薰如薰風之薰大

立小從心和體康自然及物而能各止其所是為艮

三之限有三之限而上下四柔爻皆合上而无不敦

矣

艮其輔以中正也止進于五便是中正了

厲薰心西山經浮山有草名薰麻葉而芳莖赤華而黑

實臭如麝蕪可以已厲能去惡臭令身香故古之被

像抄卷下 艮四

六十八

除以此草薰之因謂之薰草王逸云菌薰也葉曰蕪

根曰薰陳藏器亦云薰一名蕪草今或訓薰為薰謂

為危厲薰心不安之甚何居

彖言心唯坎爻則明夷六四以坤益九五上九以巽井

九三亦以巽旅九四以離與艮之六二九三象言思

唯艮與既濟爻則咸九四以兌渙六四以巽惟乾震

未見乾心君震恐懼體不假言也

卦以人身取象唯咸與艮然乾首坤腹等原合八卦為

一身如蒙躬比首小畜目噬嗑趾膚鼻耳賁趾剝足

大過頂離首大壯趾明夷股腹睽膚蹇躬解拇夬頤

姤臂革而鼎耳豐肱渙躬既未首尾等之散見種種皆身象蓋以咸艮爲例耳

艮其朋不拯其隨其心不快腓脛端一曰足肚二聯初而止艮其腓也拯上舉又拯與援二亦止中而主在三止于三下則上舉或非其時亦拯援不及隨如隨風之隨趾腓相隨而止有以柔危用事而不受三限不肯聽命于心之象其心安得爲快象故曰未退聽艮以人身爲象咸相向艮相背二正如背上如後腦四柔如後身象傳解曰艮其止止其所凡一身之主總在心心者人之神明无方所者也既无方所如何得

像抄卷下

艮五

六十九

三

止如何言止心之包絡繫于背背者心所然艮其背便是心得所止之象也心得所止全身都是神明之用而非形骸之用有何形骸之身之可獲艮以門闕爲象三正如庭全艮俱止三反上爲震又象行三止二初于下上止五四于上以其俱爲止主象兩人三爲心絡之背時止而止卽心卽身卽身卽心既无身之可獲三爲門闕之庭時行而行卽三卽上卽上卽三又何人之可見不獲其身都是神用而非形用不見其人天下一家中國一人

震從下動初四爲主初震二三爲四震五上者乃四在

震中處二三之上假使二三得以動四又烏成其爲震主遂初震方來而四震繼至泥能勿爲二三所動

而更有以善二三之動與初通爲一震初所謂號號啞啞政此艮從上止上三爲主上止五四者三止二

初者乃三在艮中處五四之下假使五四得以止三又烏成其爲止主艮其限能限二初于下使勿出亦

能限五四于上使勿入孫問斯曰內外限也陰陽限也理欲亦限也最得其肯列其寅寅背脊正中聯屬

上下之大維絡列行次也位序也陳也布也上下聯屬脉絡分明屈伸以時是之謂列既限又列強力堅

像抄卷下

艮六

七十

三

持爲厲調劑其心上通下暢爲薰能勿爲五四所止而更有以善於五四之止與上通爲一止上所謂政此

凡人六腑不和生癰五藏不調生疽名爲發背艮其背

无不調不和之患可知薰香草一名靡蕪上行頭目

下行血海之藥艮從上止以上止下單下止不上行

上亢于上三鬱于中鮮有不成偏戾心疾癰疽發背

俱由此生薰上行則有以補下止之偏心得其理止

得其主自然百體各止其所故象言艮背是无病心

爻言薰心是背底對症治未病方

艮其背諺誰人背後無人說又前點心後點背人到背
與面一般背後更無人說得更無人指點得則其入
之通體光明不待言矣艮二陽如面四陰如背二陽
主止四陰從所止徹面徹背背如其面是爲艮其背
之象人惟背面有兩樣面而是一身背後又一身當
面是一身轉背又一身是以隨處有失則隨處要獲
今背面如一只有一團天理別无兩副形軀夫有失
則有獲无失又何獲是之謂不獲其身庭凡中庭明
廷大廷皆謂之廷三主止于中及艮爲震時止也是
這個人時行也是這個人屋漏也是這个人行庭也
像抄卷下 艮七

主

三

是這个人行之于家庭父子篤兄弟睦夫婦和行之
于朝廷君臣正朋友信都是一體都无人已二見是
之謂不見其人尋常人破面爲不善者不足道卽有
飭躬厲行者苟其背地裡有纖毫未慊亦但是艮而
以言乎艮背猶千里到艮背纔是人之歸宿處故曰
艮止也

三

漸之進或曰三主漸三止體也之謂往進猶逆必三往
以逆四女四女乃爲之歸故曰之進故曰女歸如是
則吉。

易筌居賢德善俗謂居于賢德善俗之間以漸摩而成
其學卽里仁爲美之意

漸朱子曰今若有人在山脚下便能一躍在山頂上何
幸如之政恐不由山脚終不可以上山頂耳范忠宣
公奏議道遠者理當馴致事大者不可速成人才不
可以急求積弊不可以頓革道不馴致則有揠苗之

像抄卷下

漸一

七

三

患事欲速成則有不達之憂人急求則才伎近而巧
僞生弊頓革則人情擾而憤怒作所以景帝削七國
而龜錯受戮東漢疾橫議而黨錮大興宋襄急于求
霸以致喪師唐文宗切于除姦而訓註禍作人才以
長育而成功德以積累而大亦深得居賢德善俗之
意義

鴻漸于陸九三南陸爲木落南翔之陸入于人中多凶
上九北陸爲冰泮北歸之陸超于天外无患或欲改
上陸作達殊失繫易聖人精意
一陰一陽之謂道世之作聰明而不思禮卑法地者皆

夫征不復者也任才質而不思知崇效天者皆婦孕不育者也章本清

飲食男女人之大欲存焉玩頤卦常如泰山一座歷于雷上雷不能震飲食其有不節乎玩漸卦常如泰山一座峙于風中風不能搖夫婦其有不相保冠其有不禦乎

漸初于干干犯也初在下惟恐于在上者有干犯也故厲而言乃无咎二于磐龍未升天謂之蟠通作盤二盤旋未能高飛者故衍衍乃吉三于陸高平地也諺平地上多吃跌故重以征不復孕不育示冠教四于

像抄卷下

漸二

七十三

三百六十五

木鴻南翔乃木落時于木有惜時零落意得楠又有為大于小辭大任小意易筌此時回翔木杪其飛漸高或得平柯猶暫為棲息可進而不遽進為漸之最善之象五于陵尊高在我雖易事在我人可為婦而終不敢以夫亢天下故三歲不孕終莫之勝人惟婦而我非夫要終何以自勝故吉上于陸終始圖難于易三為夫有征不復之患三為婦有孕不育之患无所適而不亂至上羽可為儀幾于夫夫婦婦正家而天下定故吉

漸五巽體要終以順道率天下單稱婦人惟婦我不敢

夫我惟婦亦不至以人為夫故至于三歲而不孕為其已在崇高嚴峻之位不難為夫而難為婦不難以夫道率天下而難以婦道率天下又不患其不勝而惟患其能勝終莫之勝有以自勝永无陵下之患故吉

道專在乾故曰首出庶物然且曰不可為首婦道專在漸兩岐則有不復不育之患其曰利禦寇曰順相保是單以巽順明漸義其取象于隨陽鳥以此

家人利女貞漸女歸吉觀利女貞小畜婦貞厲外體皆巽九卦終于巽以行權天理于是為爛熟矣

像抄卷下

漸三

七十四

三百六十六

三三

歸妹人之終始倪氏女後魏涇州人許嫁彭生家貧常

出谷汲水以養母生往犯之不從生曰汝終不為吾

婦耶女曰女道正終婦道正始禮未及成何得相辱

幽人多為超世絕俗之行以自高然曰幽人貞吉曰利

幽人之貞貞在幽即幽為明未嘗不吉且利也惟入

于幽谷為不可耳

歸妹卦義以下女歸上男何敝之有以少女歸長男終

之有敝不可勝言矣故夫子之翼歸妹直斷之曰君

子以永終知敝

像抄卷下

歸妹

七十五

三百五十六

易筮凡說而動皆不正之事以長男慕少女未有不為

禍者所謂征凶无攸利也

歸妹以須及歸以娣三初易位為恒象故曰以恒

愆期之志有待而行待是對待歸妹之四无與對待故

愆蹇初宜待亦為四連三不與初作對待之故

三三

豐鄉射禮設豐燕禮有豐注豐形似豆而卑三禮圖云

爵爵作人形豐國名也坐酒亡國戴孟戒酒崔駰酒

箴豐侯沈酒荷兕負缶自戮于世圖形戒後李尤豐

侯銘豐侯醉亂乃象其形豐外體震謂象荷兕負缶

戒盈戒吳亦得之

學者知雖句无咎之義世上福只享三分便已當虞其

過

方言謂人多謂不照又多謂不濟常照與濟天下之能

專備矣

像抄卷下

豐

七十六

三百五十七

豐之有部與噬嗑之有膚腊肺肉同義

豐五來章有慶譽大動自大明而出安得无慶安得无

譽抱朴子駉駉追風不能近其迹鴻鵠奮翅不能卑

其飛黃河之激不能局其流雷霆之駭不能細其聲

豐其繇日中見斗五无以來明動之章自為斗也豐在

君明動不合以為五用則君之為斗臣下實蒙蔽以

成之罪在臣

風雷益傳曰積風成雷雷電噬嗑雷電皆至豐碑雅曰

陰陽暴格分爭激射有火生焉其光為電其聲為雷

然月令二月雷乃發聲後五日始雷則雷電固有不可

合而章亦有不皆至者惟合而章乃成噬嗑惟皆至乃成豐耳

像抄卷下 豐二

七十七

三三

旅老萊子曰人生于天地之間寄也吳語越王告吳王

曰民生于地上寓也古詩人生忽如寄

說而應乎乾爲履柔得位得中而應乎乾爲同人入无此二應一步且必失足一人不可與處說而麗乎明爲睽止而麗乎明爲旅人无此二麗无之而不張弧載鬼无之而不瑣瑣取災

旅四得其資斧我心不快武王鋒銘忍之須臾乃全汝軀刀銘刀利磴磴无爲汝開

韓魏公明足以照人之奸未嘗形諸詞色四得其資斧

像抄卷下 旅一

七十八

我心不快明觸物也上焚巢明極而爲燥火也五財雉惟柔中是用不用其明乃所以爲明矣是之謂旅貞耳

噬嗑上旅上鼎五皆目也噬曰滅耳鼎曰黃耳旅曰終莫之聞可見坎爲耳離亦爲耳震爲馬巽亦爲馬艮爲虎兌亦爲虎乾爲龍坤亦爲龍而陽以主陰陰唯陽用之義俱可類見

噬嗑上何校滅耳曰聰不明旅上喪牛于易曰終莫之聞或曰噬旅上九皆離離爲牛牛有耳而无竅本以鼻聽噬二滅鼻旅三焚次故噬上極于滅耳旅上終

莫之聞

旅上鳥焚其巢漢人釋之曰王者處民上如鳥之處巢不顧恤百姓百姓畔而去之若鳥之自焚也雖先快意悅笑其後必號咷而无及也百姓喪其君若牛亡其毛也故稱凶意儘暢但謂牛亡其毛則蛇足耳

旅五射雉雉有力健關其羽文明一名華蟲旅卦象上離下艮合而成旅以下言貴以止而麗上之明以上言貴以得中之柔而順下之剛五有其明性或喜關文止外華便非所謂以柔順剛射雉不有其明惟柔惟中惟順之義一矢亡一日克復之義如是下止麗

像抄卷下

旅二

七十九

以成明人可卽以爲次无之而不得所止者衆矣故曰終以譽命象故曰上逮解二得黃矢坎中陽畫象矢故云得旅五一矢亡離中虛故云亡皆實象

三三

朱子言人只有一箇公私天下只有一箇邪正直拔判決者震也巽有進退之疑故劈頭須武貞以治要終貴資斧以斷

凡陽剛是一畫進則進退則退无疑陰柔是一畫便有兩端故巽初進退曰志疑又巽入也內也入而內安忘危治忘亂存忘亡甚多故利武人之貞曰志治二用史巫前巫後史謂用初而俾之麗于內爲史用四而俾之說于外爲巫可四有離兌二雜謂史巫俱用四可總皆剛巽得中之能事是以吉

像抄卷下

巽一

八

三十三

崔仲見曰學莫善于巽莫不善于伐故增高者卑者也內流者下者也舉律之形杯土不居滔涌之浸消流難入夫心易實而難虛氣易揚而難抑自視爲有則眇人如无自聰之極則聽言如醉又曰巽者伏也從明之謂伏成業墮于一矜素履敗于頃肆瞻物亢而賢者避言任雄而君子哂故有善不巽是奔善也得是義而巽之大旨了然矣

坤西南得朋見母之能事統乎二女巽田獲三品亦見長女之能事兼乎中少

恒四田无禽巽初爲主震四出而田獲之自外也巽四

田獲三品四卽初主人以爲出原非外驚又不求益也

二用史巫史記事以又持中記事主于中者巫祝能齋肅事神明者男陽有兩稱曰巫曰覡女陰不變直名巫无覡稱禮王前巫而後史皆剛巽中正之義象故明得中

巽入也入乎理順乎剛也欲入理先去欲欲順剛先克柔故巽初利武貞曰志治巽四田獲三品曰有功陽文陰武武貞陰无不正矣陽生陰殺三品俱獲殺无不正功及生民矣

像抄卷下 巽二

全二

甲庚三日注甲主仁先後皆以寬令示之庚主義先後皆以嚴令示之

睽三无初有終睽不自三爲初而合睽則須終之自三巽五无初有終巽不自五爲初而成巽則須終之自五

巽言甲艮反則震陽全之能事巽言庚巽反則兌陰半之能事

先甲後甲貞而元冬而春晦而朔亥而子先庚後庚東南而西苗而實花而果

巽入也而曰柔皆順乎剛離麗也而曰畜牝牛兌說也

而曰順天應人雖有人麗說之分而順義則一兌與艮俱要終事兌五曰孚于剝可見與艮无異惟巽是柔伏之體不有六日之庚无初是矣无終奚貴于巽巽无初有終坤无成有終一義

巽四田而獲自內而外入有所入兌三來而凶自外而內說非其說此所以相反

像抄卷下

巽三

全二

三三

孚兌吉崔仲鳧曰待匪人之道孚而止矣

說以先民民忘其勞說以犯難民忘其死兩剛君上也
有以民而惟民之視聽以爲主使之說也勞之亦
說也生之說也殺之亦說也直使民至于忘勞忘死
此說道所以爲大

巽柔兌柔同一柔也以巽四居于上下四剛之中曰悔
亡田獲三品以兌三居于上下四剛之中曰來兌凶
位之當不當所繫有如此

聖人繫兌之辭簡或曰兌爲不言之說言貴簡也夫乾

像抄卷下兌一

八十三

始坤生始雖在乾而生實在坤坤之德行乃恒簡者
兌坤道所自始也咸之彖曰天地感而萬物化生損
之傳曰天地絪縕萬物化醇男女構精萬物化生觀
此則知乾坤化生根柢尤在艮兌二少而兌尤首得
坤簡以爲簡如枝幹托始惟一初萌果祿從生惟一
方蕊嗣續由傳惟一少女方其爲初萌爲方蕊爲少
女固不待多爲形容而亦豈必他有擬議乎觀兌上
惟繫一引引之爲言長也延也導也大傳所謂引而
伸之觸類而長之天下能事備矣便俱備此一引中
又木胎于金兌者金行金之所成木之所胎引兌而

曰未光以方引其端若光則既竟其施矣孟子言樂
則生則惡可已朱子言中心喜悅其進自不能已
天地萬物造端托始生幾全根柢一兌但爲三來不
有上引便喚做剝剝爛也焦芽腐種也孚于剝皆生
芽活種矣君子小人之分一曰坦蕩蕩一曰長戚戚
戚戚一念兌之剝也坦坦一念兌初之和二五之孚
上之引也兌不尚言在心浹洽說體本簡繫辭亦簡
所從來矣

兌三來兌凶兌剛中而柔外三柔宜往外却來內是內
荏之爲耳故凶

像抄卷下兌二

八十四

乾自強坤載物坎常德行離照四方震恐懼修省巽申
命行事艮思不出位兌朋友講習凡乾道皆全體之
立以自治爲主凡坤道皆大用之行兼以治人爲事
幹蠱之幹與幹事之幹和兌之和與和義之和俱一脉
君子以朋友講習朱子跋胡文定與呂尚書帖曰朋友
之交責善所以盡吾誠取善所以益吾德非以相爲
賜也各盡其道而无所苟焉則麗澤之益自有不能
已者讀此帖使人凜然起敬若嚴師畏友之在其左
右前後也嗚呼是數君子者其可謂盡朋友之道而
无所苟矣其卓然有以自立于當年而遺風餘烈可

傳于世者豈徒然哉按孚兌和兌或青善或取善皆盡朋友之道而一无所苟者纔來與引便是苟魏莊渠先生曰後世口說身不行却是把講字代習字羊說群之物君子如不以朋友講習于兌是一羊之不足若矣

孚于剝有厲與孚號有厲同義

凡坤定須承乾凡柔定須從剛凡陰定須順陽皆往道无來理况兌以剛中柔外爲德兌三不外而内外剛内柔已非君子之道在說尤是諂媚諛佞一路

麗澤兌澤是聚水江湖河海是澤江湖河海之水无不

像抄卷下

兌三

全五

通流是麗一有不麗江自江湖自湖河自河海自海不免都做斷流絕港死水去如人身血脉不通流便都成病痛如何說

傳習是師弟事講習是朋友事總之師友俱朋友也當得師來可稱傳當不得師來惟有講習是源頭活至之水有不傳有不講習任你聚得水多如那汪洋大澤也都要做死水去

夬履孚剝其正當同而操術異以履三志于和五兌三且欲入五履三之主說无兩而兌三之主說有偶故履五以夬爲正兌五以孚爲正也

介疾孚剝朱子曰人未說爲善先須疾惡能疾惡然後

能爲善今人見不好事都只恁不管他民之秉彝好

是懿德不知這秉彝之良心做那裏去也是可怪

凡聽商如離羣羊商兌離三不可合三不可故未寧

千門萬戶洞開在霹地一聲于紅萬紫發榮在說意一

點故震初言來而兌上言引中庸首言戒懼震之來

也論語首言學習兌之引也

隨五孚于嘉吉象曰位正中兌五孚于剝有厲象曰位

正當聖人贊易緊嚴嘗在一字間

乾坤主乎六子者也坎離之中又用乎四子之偏者也

像抄卷下

兌四

全六

故坎離自出頭面曰水洊至曰明兩作與天行地勢同若雷風山澤則曰洊曰兼曰隨曰麗若有從來皆非其自爲之矣

洊雷兼山取中乎坎用坎之中而根乎離隨風麗澤取

中乎離用離之中而根乎坎

三三

坎爲險爲加憂人之氣憂則結喜則散結如冰之凝沍散如水之泮渙憂患渙散而亨通故曰渙亨又坎水凝沍于下得巽風而流散爲渙坎水流動于上得兌澤而底定爲節此俱俞氏琰說易旨處

渙初用拯馬壯自己畧无巢座二奔机一滴散爲萬點无非天下憑倚之具三渙躬斯民也三代之所以直道而行別无事于秀屈俯僕

享帝立廟詎曰功德不敢忘即本本水源亦何敢忘是以雖窮冬沍寒滴水皆冰而實无堅不泮无寒冰不

像抄卷下 渙一

八十七

春水所以謂之渙也

萃與渙俱有假廟之象萃有求諸陰之義渙有求諸陽之義朱子曰聖人教人子孫常常祭祀也是要聚得他不教便散了又曰人死雖是魂魄各自飛散要之魄又較定須是招魂來復這魄要他相合所以安聚他魂魄不教便散推此萃之兌陰在坤上魄之較定者也渙之坎陽在巽下魂之常飛者也故順以求乎兌陰之魄爲萃之假巽以求乎坎陽之魂爲渙之假

存立廟之心九族只是一身矣存享帝之心宇宙民物

只是一身矣將置身于險得乎

澤水困水始涸始冰水澤腹堅風水渙便是東風解凍也

渙其躬渙有丘渙王居俱雜艮撰止之象若不謂徒作飄風之颺散而已又水歸山下爲返源渙只作離散說三聖人无此

渙其躬不爲坎險之躬而爲艮止之躬无爲風靡无爲波流是以无悔隆山李氏曰夫人之所以膠執蔽固終不能自脫于險者有我而已六三雖不中正而高出坎險之上于是釋然消散其有私而志在于

像抄卷下 渙二

八十八

外自然无悔矣

渙其血去逖出如所謂去盡風波止存水世間何事不能平是爲渙之極

范文正公淮上遇風詩一棹危于葉傍觀欲損神他年在平地无忽險中人渙其躬象白志在外已在地也

師王三錫命比王用三驅履履帝位而不疚泰帝乙歸妹大有公用亨于天子自天祐之豫殷薦之上帝隨王用亨于西山大畜何天之衢離王用出征家人王假有家益王用亨于帝吉萃王假有廟升王用亨于

岐山井王明豐王假之渙王假有廟王若无咎程子曰詩書中凡有箇主宰底意思皆言帝有一箇包涵徧覆底意思則言天有一个公共无私底意思則言王上下千百歲中若合符契

乾南坤北體之正離南坎北用之中凡言中正如姤五井五以中正如需訟五豫晉二艮五直舉其體用合一之德曰位正中如比五巽五隨五曰位在中如姤五曰居位中如節五德既正中聖人之大寶曰位更有貴于位矣曰位正當如履五否五兌五中孚五曰正位如渙五俱以位言當言正而中正之德有不待

像抄卷下

渙三

八十九

言也

王惟理曰蹇渙二卦易之善言朋也蹇之言連也先躬之匪真見夫臣之耳目心思无一不當輸之王非匪其躬則往者不來連何由集渙之言群也先躬之渙真見夫國之爵譽謀猷无一可執之于已非渙其躬則群者不散大何由成漢唐諸君子有大蹇必反之思而莫得來連之助則其躬未匪也有宋諸君子當小群既渙之後而莫收大丘之益則其躬未渙也人臣而以人事君也其可有已乎哉

同人之初出門南面嚮明直達天德之門隨初出門震

兌相函春秋出入日月運行之門節二不出門庭止爲秋冬閉塞之門去隨時之門殊遠象故曰失時極君子以制數度議德行君子之德行于何而議總不出于數度有制中世蓋未有淆其多寡之數踰其隆殺之度而復有德行可議者

像抄卷下

渙四

九十



苦節不可貞苦節貞凶凡節非出于心之所安與其心之所甘未有久而不渝者也四安安于初之剛正之說五甘甘于二之剛中之說節從剛陽中正心髓中流出故安故甘而反是者无有不入于上之苦

一身之門戶在口故節初貴其不出一身之根基在足故九卦首履而曰德之基魏莊渠先生曰此心若走作耳目口體皆其透漏之路而口之透漏為多又曰此心之放皆緣境而生纔舉念時便已著境暗處透漏與明處透漏亦總一般

像抄卷下

節一

九十二

明道先生曰只外面有此罅隙便走

孚以聞不以的孚以中不以外如初吉而上凶亦初內而上外也士君子忽其居室而徵應于千里其皆登天之翰音曾得為在陰之鳴鶴乎

虛舟

鶴以感秋警露鳴鶴鳴燕去中孚之初二五之虞也故以不燕象擊象乎虞四時在澤燕春來秋去此虞燕之別鳴鶴志聞翰音意的此初上之別

鳴鶴在陰韓文公雀鳴朝營食鳩鳴暮覓群獨有知時鶴雖鳴不緣身暗蟬終不鳴有抱不列陳蛙鼃鳴无

像抄卷下

中孚二

九十三

謂閭閻祇亂人風土記鶴性警至八月白露降即高鳴相警移徙所宿處處有變害白居易鷄贈鶴一聲警露君能薄五德司晨我用多此即登天之喻位不當復三臨三睽三歸妹彖中孚三皆兌之三爻與來兌同萃四亦兌體否三豫三晉三皆坤噬嗑三大壯五震三豐四小過四皆震而未濟之三則坎云我有好爵因學紀聞鳳凰雄鳴曰節節雌鳴曰足足爵即鳳凰飲器象爵亦取其鳴節節足足之義若鳥雀之通為爵特鳥之濫者耳

翰音登于天貞凶牝雞之晨惟家之索亦此

中孚六三得敵或鼓或罷或泣或歌鼓罷風氣之作止
主四以孚三泣歌澤流之湍夷主三以孚四兩不相
下兩不相當故未孚而為敵惟敵乃成孚艮上下敵
應不相與應之宜敵者中孚得敵敵之宜得者

豚魚爾雅以為鯢一名鯢魚其出有時率以冬至後來
中孚十一月冬至之卦此魚應之而來是信之著或
以為即此物然不如江豚吹浪夜還風更似的大抵
魚類之來多有信如鯢以冬至至鯢以正月至次鯢
至次鯢至如三月桃花水至而鯢肥是鯢亦以三月
遡河上龍門鯢一名石首其來以春名春來至秋化

像抄卷下

中孚

九十四

三十三

為冠是鯢與石首皆以三月八月出故江賦云鯢鯢
順時而往還又水經言海鰐穴居海底入穴則海溢
為潮出穴則潮退出入有節故潮水有期又鯢出則
潮下入則潮上其出入有節故鯢潮有期而江賦亦
云介鯢來潮以出入

八卦成列並无低昂輕重只看時位如何有宜相摩者
有宜相盪者有宜相推者有宜相易者有宜相薄者
有宜相維者有宜相攻者有宜相取者有宜相感者
有宜相得者孚三得敵則相攻之謂耳

卦言利涉大川者六需曰往有功同人曰乾行大畜曰

應乎天益曰木道乃行渙曰乘木有功中孚曰乘木
舟虛有問陳瑩中以當世之務者瑩中曰請以所乘
舟為喻偏重可行乎移左置右其偏一也明此則可
行矣

像抄卷下

中孚

九十五

三三

救小者之過唯有防遇兩途救大者之過亦唯有藉涉兩法

小過六二得中進上過四遇五不爲上逆退下不及三遇二適爲下順此所以无咎

小過用過乎儉古語奢者富不足儉者貧有餘奢者心常貧儉者心常富季元衡儉說貪婪以招辱不若儉而守廉干請以犯義不若儉而全節侵牟以聚仇不若儉而養福放肆以逐欲不若儉而安性

大過大者過也曰剛過而中小過小者過也曰柔得中

像抄卷下 小過

九十六

是以小事吉其所謂過皆有餘之詞惟過大成其大如獨立遯世等事小成其小如過恭過哀過儉等事初不是過剛過柔更不是過中故大過之後受之以坎離之中小過之後受之以既未濟之中君子以天下與世論須是大過以家與身論須是小過大過以剛大有餘爲用剛中之能事小過以柔小有餘爲用柔中之能事剛中又巽兌之柔之用柔中又震艮之剛之用都不是過中之過又匪專以坎爲剛中離爲柔中故隨小大而皆亨

分陰分陽迭用剛柔用柔小事用剛大事柔而大事不

得剛而小事不得小事宜柔大事宜剛小事而剛不可大事而柔不可

像抄卷下

既濟

九十七

三

三三

既濟六二婦喪其茀與家人六二无攸遂同義

小人勿用一繫于師上一繫于既三以行師之際或以貪詐可使既濟之時或以小人易與又可化為君子此而勿用見无時可用聖人之于用人其嚴如此

睽初喪馬勿逐震二喪貝勿逐既濟之二喪茀勿逐前人詩分明一座上天梯手手扳援步步躋今日恍然天上坐却嫌一向被梯迷又却緣一向被梯迷不用扳援不用躋自是從來天上坐何嘗間隔一毫絲此睽初所以言自復而震既皆言七日得睽止轉却目

像抄卷下

既濟一

九十八

三言

晴震亦去其目肯既則去疑去亂還其正明遂言得耳

坎終係真比終无首屯終泣血井終勿幕需終入穴節終苦蹇終碩既終濡首俱陷義了手能事

泰二朋亡初如无遺三貞用永而惟五中是尚既二喪茀後挽初輪前推三轂而惟五福是視後世大臣知此義者鮮矣

既二婦五之道盡付東西兩隣而不必其自己為東隣離體而雜撰則為坎之中西隣坎體而雜撰則為離之中東隣剛正位當而以柔克西隣柔正位當而以

剛克是二人者皆從透底大中至正學問得來

易嚴小人勿用之戒惟是坎之乘剛上爻解獲狐射隼為狐為隼皆此乘剛之小人勿用斷不為用其他小人或決之使行流或孚之使退消或外之使勿內遠之使勿近止之使為輿包之使為瓜為魚畜之使為臣為妾便是處法

師上既三小人勿用陽剛方在陷陰柔又下石而乘之茲其所以必為小人必亂邦惟師上柔正極順既三剛正極明之君子能蚤辨而勿用默消亂于將來此師上既三用人之功不後于師中之功而有加于代

像抄卷下

既濟三

九十九

三言

遠之功也

屯四求初以動五蹇四連三以濟五坎四納二以牖五屯五非初无動蹇五非三无止坎五非二无平若井四欲冽五泉在甃初泥節四欲劑五甘在安三嗟既四欲視五福在初二編剛柔爻主之有辨固如此後世近臣有知此義其于以人事君思過半矣

坎上爻處卦終應乾九三象三人來應艮九三象來碩應巽九三象井收應離九三乃象濡首水上火下以水克火恐終无以受人也其諸无剛爻為應與比无首節苦坎係叢棘屯泣血易重剛德君子為應與固

如此。

既濟卽是患君子是以思而豫防未濟恒以方君子是以慎辨而居

日浸不周西月出丹淵中陽精蔽不見陰光代爲雄既上需首之厲亦此

小人勿用聖人繫之師上與既三師外順內險伏戈矛于至順之中。既下明上險肆狠毒于強明之外。天下惟此二項爲亂邦小人其餘皆所謂庸惡陋劣小人至于泰否之分別君子小人如三箇陽明剛正之人做一群同心而共事卽不純君子其爲君子之道勿

像抄卷下

既濟

一百

二九三

問而知矣小人反是是爲品隲人群之大法

井汔至不勝內洄四十八之衍數俱虛未汔濟不勝外燔六十四之終事竟絕善學者于茲二汔尤宜亟省履四愬愬終吉否四有命无咎睽四交孚无咎未濟四貞吉悔凶皆曰志行履否健志得行睽未濟明志得行升彖南征吉曰志行巽東南坤西南合而南征明在其中忽問之矣

三三

今人開口咎人輒曰不濟看來全要一箇濟字湊手既濟水升火降泰也未濟火炎水流否也

聖人言造次顛沛必於是程子曰天下之事歸于一是朱子曰學者只求一箇是未濟以有乎失是終有能成就得一箇是而天下之能事有不備者尤之李仲魯曰是卽國是在書爲執中在詩爲美刺在春秋爲褒貶執中者一世之是褒貶者萬世之是美刺者一人一事之是

像抄卷下

未濟

一百

三三

于實曰鬼方北方國也。四夷傳北狄之類夏曰薰粥殷曰鬼方周曰獫狁漢曰匈奴堯命和叔宅朔方曰幽都幽都鬼方義亦相近

履否睽未濟九四俱曰志行陳錫玄說儲狄梁公性開醫藥尤妙鍼術應制入關時有富室兒鼻端生贅大如拳石根蒂綴鼻纔如食筋或觸之酸痛刻骨兩眼爲贅所繩目睜翻白走甚垂絕其家揭巨牌求療之者許酬絹千疋公一見惻然曰吾能爲也卽于腦後下鍼寸許仍詢病者知鍼氣已達病處遽抽鍼贅應手落目瞪如初其家泣且拜致所酬絹公笑曰吾急病行志耳急病謂急人急病出左傳不顧而去後世徒以事女

主爲公咎而公急病行忘之心晦矣

張敬夫說伊川在涪方論多有樞補人以未濟男之窮也問伊川不能答其人云三陽俱失位朱子曰此語火珠林上已有蓋伊川未曾看雜書所以被他說動了夫歸妹女之終以兌女得所歸故曰終未濟男之窮以坎男阨于險故曰窮歸妹兌女震男女待男行此常理也未濟坎男離女男待女行可乎聖人于卦終惻然傷之故特謂之窮耳亦豈如三陽失位之說哉

本義卦變說如升南征解云巽坤二卦撰得箇南如看

像抄卷下 未濟一

一百一

三本五

命人虛拱底說話未濟六三云占者可以水浮而不可以陸走是將一掃聖人習易之義理而直以焦贛易林爲宗其失甚不小也

易于離體皆言明而于未濟之五獨言光不惟以五位陽而交陰且見水火互根外光必本內明之故

既終必濡首未終方飲酒旋懼濡首得斯義也方不爲小人无忌憚之中庸而庶幾戒慎恐懼君子之中庸一片隱微心術滿盤托出常如大明中天之日然後爲君子之光之有孚有不孚如朱子所云未過誠意關七分是小人在易筮人君之光非一人所能獨盛

乃因與賢臣有孚以致其光故其光也吉管輅曰日中爲光朝日爲暉中則日在上朝則日在下在上之光以在下之暉而獲吉五以二而獲吉也先儒以暉爲光之散者非

既未濟之上皆曰濡其首只一既字也要沒頭浸却了人只一未字也要沒頭浸却了人

既未濟之三四皆取象于伐鬼方世人或在水窩中作活計或在火窩中作活計都是鬼趣未是人理既初曳輪則火燄中能回車者未二曳輪則水窩中能回車者

像抄卷下 未濟三

一百三

三本三

婦喪其弗勿逐婦主夫以順爲正无一可有攸遂之事既二天下成家之婦也喪弗勿逐進退惟夫存亡惟夫得喪惟夫一无遂心諺燄裏寒氷結虞舜憂樂之孝周公八八之忠俱如此

既下三爻以明體不爲坎陷爲濟初尾无濡勞頭就不足是根徹底家數二弗无喪恐終涉于影嚮疑似而无覩面日子三鬼方无伐神州斷亦陸沈而終身于爲窩裡作生計者上三爻以坎體透露離明爲濟亦省下三爻之用心初濡尾欲水之浸漬徹底上濡首心明又爲不首出濟如是原始要終方爲徹首徹尾

之既

既二喪弗夫夫婦夫正位乎外婦正位乎內極其好合非意中或夫倡而婦不隨或婦行而夫故阻夫車爲前婦車不後安知相反非以相成故勿逐凡日枝目一歷七皆正對日幹自一歷七皆正克坎子離午二五合七爻爲正對正克之日此日不得便千百日也不得此日得一得永得故曰七日得易言七日凡三復言于卦一六之反震既濟言于爻俱二五之合既三曰高宗伐鬼方此日中之光守成之令圖亦似反之之聖之事未四曰震用伐鬼方此日出之陽開創像抄卷下 未濟四 一百四

之大業亦似性之之聖之事

聖人擬人心之陷于血于寇于隼于狐于蒺藜于徽纆于叢棘已不勝其懇惻至于擬以鬼方則其情益至如是而猶迷焉莫醒終其身以鬼方爲安宅日用云爲都是鬼趣抑何不思之甚也

諺之詈人也曰見鬼曰活鬼纔開眼莫不見鬼否纔乘車莫不載鬼否未到死而爲鬼莫不一生都做了活鬼否

未濟小狐汔濟易主通天下之志定天下之業斷天下之疑疑不必大只有絲髮未化便爲通身陷溺病根

更无出頭日子如何得濟或言老狐善涉水夫小之爲言猶閔惜之詞聖人肯以老狐待人乎

泰五言帝妹既五言東西隣泰否天地之位經正南北既未水火之交緯具東西天地經而日月緯也泰言歸既言不如經主南既必有下乎北緯主東亦必有取乎西此世所以常泰與既不然亦立否與未之道也

既濟要歸先天之元故曰東西隣未濟仍起後天之用故曰震用

常存泰五歸妹之心天下无否之患矣常存既五不如像抄卷下 未濟五 一百五

之心天下无未之患矣

乾龍无飛革虎无變而以濟狐汔令人有不勝終身望洋之慨

既未伐鬼方是原始要終直窮險陷之窟穴而爲之掃蕩廓清如除草薙根之法必曰三年學无速效速效終不入筭數暫時削平竊發隨至不足道也

聖人象乾于乾元資始後曰雲行雨施曰大明終始无非水火交濟之大用成終資始之能事既戒終止未成不續終坤以終乾之事六子以離坎爲中又皆以終乾坤之事坎中一陽即乾之全體資始以是終始

亦以是

黃氏澤曰文王據義皇之圖以爲後天卦序采夏商之易以成一代之經

大象六在大有火在天上大壯雷在天上復雷在地中

卦象坤牝馬離牝牛猶有利與畜之義履虎尾中孚豚魚小過飛鳥未濟小狐直是卽象卽義

旅小亨以離柔言小巽小亨以巽柔言小既濟亨小雖

亦以離柔言小然與小亨意義差異小亨義別于大

像抄卷下

未濟六

一百六

也是爲聖人要終分剛柔之大義

解曰獲三狐未濟小狐汔濟人之涉世无之而不爲坎人心之疑稍有未斷亦无之而不爲狐惟夜半一聲爲首出故解二雖亦水中不曰濟而曰汔于狐不僅言汔而竟言獲以未濟視解以明徹暗與以動免險分量尚不可同年語于是可見

山坎外離幾有原一究九能事方原初始故于狐曰小幾于究九故于濟曰汔只病在尾末一弱能不爲強弩之末方利與茫无邊際畔岸者不同故止曰无攸利柔尾雖濡剛首自若續而終之猶有可望故亦

止曰不續終

坎求小得曰未出中未濟小狐汔濟亦曰未出中這中語君子造位應无不出語君子存心恐終身亦是未出故曰堯舜猶病故曰文王望道未見故曰一息尚存此志不容少懈

既初曳輪如葉甲曳兵之曳雖若退敗劣著无非利濟宏施濡尾汚辱在所不辭形跡更非所避二喪弗或幾于出頭露面而原非攸遂或隣于有倡不隨而初无不順三千鬼方必伐必克何止中國卽極幽極遠之方无不欲躋之于冠裳禮義人文成化之域而不

像抄卷下

未濟七

一百七

忍棄一人于蠻夷戎狄魍魎魍魎之歸濟如是其于既也是爲思過半四衣初五禴祭上濡首不視治爲治而視治甚于亂不視安爲安而視安甚于危不視既爲既而視既甚于未此所爲亨小此所以爲既之亨

繻有衣初美繻曰繻敝絮曰初既繻必轉爲初故新繻不如舊初殺牛不如禴祭列鼎不如非食華袞不如惡衣瓊宮不如卑宮皆實理實事以中是盈蝕時所必至濡其首厲君子思患豫防常未雨徹土而矧于既雨常先盛戒衰而矧于將衰乾上六曰盈不可久

既上濡曰何可久俱高危滿覆之深心君子之所必有事也

既五正當乾五南面而聽嚮明而治尊位乾坤正位于南北離坎歸元于東西五自南復東如水倒溢如日再中是為盈不可久五自南而西如水流惟下如日中必昃是為承天時行蓋殺牛似止春華禴祭乃成秋實有發散无翕聚便不成箇天時了有發散有翕聚方來无窮矣故曰實受其福故曰吉大來

既初曳輪當極治極安而故退故曰未二曳輪當未治未安而持重鎮靜既初濡尾是入世本以經世或遠

像抄卷三

未濟

三百八

三

或近或去或不去歸于潔身故曰義无咎未初濡尾是枉尺不可以直尋辱已何以正天下故曰亦不知極既上濡首恐終溺于盈成之塹故曰何可久未上濡首又旋入于將濟之淵故曰亦不知節既多功虧一簣之止未多方覆一簣之進存一既心唯聖固念作狂存一未心唯狂克念作聖

人通體光明而有絲髮之疑結為中心黑暗根便終身沒溺于洪流巨濤中非不恍見有岸時常隱隱在前而卒无以自濟為邪為僻為妖為媚皆所必至此未之所以取象于汔濟之小狐

人處陽明鬼行幽暗凡人處心積慮舉意動念有一毫不可與天知有一毫不可與人知皆名為鬼不名為人皆與鬼為偶不與人為偶既未三四示人區別人鬼之關至為明切但以治人論曰克之曰震用曰三年不遠闔之為鬼關而徐開之以人路又自有條理未濡尾曰不續終水火相濟不啻如頭足之相續有水无火有首无尾是為中絕曰不續明其遂无其生理終于沒溺也

易首乾繫以龍終未濟繫以狐張行成曰狐之妖媚變態萬狀幾與神龍同然終不能逃其尾也故曰濡其

像抄卷三

未濟

三百九

尾无攸利不續終論語人焉廋哉人焉廋哉人雖情偽萬端察其所安究其歸宿處則質性終自見耳夫人人之初龍也而忍竟以狐終可乎占易者宜深省焉

像抄六卷

內府藏本

明錢一本撰一本有像象管見已著錄是書雖以象爲名實則衍陳搏之數學凡卦圖二卷附錄書札及雜吟二卷上下經解二卷其卦圖以朱子本義所列九圖衍爲三十二圖圖各有說縱橫比對自謂言象而理在其中然孔子所謂象者像也卽指卦爻朱子所列九圖後儒已不免異同一本借以旁推尤爲支蔓雖易道廣大隨拈一義皆有理可通究非聖人設教之本旨也

四聖一心錄六卷

〔明〕錢一本撰

故宮博物院圖書館藏清錢濟世蘭雪堂刻

本

附《四庫全書總目·四聖一心


錄六卷》提要

四聖一心錄


昆陵錢一本國端甫著

玄孫濟世校梓

河圖



洛書



四聖一心錄

卷之一

圖書

一

書曰人心惟危道心惟微惟精惟一允執厥中河圖是
人心惟危道心惟微之圖洛書是道心爲主人心聽
命之書圖負於龍馬圖即龍馬變化成象之圖無龍
馬之負而以言圖紙上之圖也書負於神龜書即神
龜神靈著見之書無神龜之負而以言書肆中之書
也圖出河書出洛天一生水圖書之所自始即圖書
之所自出也圖書之數始於一是道心之淵源一故
微一一而二是人心之萌動二故危一一而二危矣
一二而三復歸於微一三而四危矣一四而五復歸
於微一五而六危矣一六而七復歸於微一七而八

危矣一八而九復歸於微一九而十危矣一十乃一故圖終於十而書止於九復歸於微參三以究於九伍五以貞於一全體道心之微底定人心之危此堯舜禹之精一執中考諸義皇而不謬百世以俟文周孔子而不惑者也

河圖是先天洛書是後天伏羲之八卦畫於圖文王之八卦敘於書

無得於圖者塊然死物焉望其變化無得於書者蠢然無知之物甚是弗靈按圖尋龍爻書矣龜知變化之道通神明之德者當得意於圖書之外

四聖一心錄

卷之一

圖書

二

圖書之數皆以五居中一三七九之中數也滿腔子是惟微之道心推於未有天地萬物之先而不見其始之合引於既有天地萬物之後而不見其終之離四方上下往古來今一齊穿紐無少滲漏人皆可以爲堯舜個個人心有仲尼惟其有此

世傳圖曰綠圖書曰丹書圖則陰陽相間故以名綠書則純是陽數爲主而陰數退聽於四隅故以名丹人生自古誰無死留取丹心照汗青迄今義文周孔之心炳然中天照耀萬古豈隨死而亡哉孟子所謂大人不失赤子之心卽此

陳希夷曰學易者常於義皇心地上馳騁無於周孔

腳下盤旋陸象山六經註腳及糟粕之說正出於此語云河出圖洛出書堯時許由達其道堯致天下而讓焉山不受乃逃去耕於箕山之下潁水之陽以手耨飲人遺一瓢挂於樹風吹歷歷作聲以爲煩棄之孔子曰巍巍乎舜禹之有天下也而不與焉舜禹有天下既受堯舜之讓矣而又以爲不與舜禹不與之心豈卽由之不受之心歟堯舜禹之相傳也曰允執厥中由之得達其道抑與三大聖人同歟孟子曰中天而下而立定四海之民君子樂之所性不存焉由其全

四聖一心錄

卷之一

圖書

三

所性者歟將舜禹猶在樂之者歟然使舜禹而樂之夫子何以明其不與也溪山之草箕山之水可以茹之終身可以飲之終身其無意於天下一耳從由視之天下一瓢也以爲煩則棄之從舜視之天下敝蹠也視爲重則棄之彼讓天下而不受此受天下而不與君子未可優劣於其間世之知由淺於舜禹殆未考其所得而已矣倘有得由之所得達由之所達夫寧以舜禹易由哉

易之用九用六河圖中數十五之合

四聖一心錄

昆陵錢一本國端甫著

玄孫濟世校梓

三三

乾元亨利貞

易者象也象也者像也乾之六畫性之象也性不可象伏羲立乾以象之欲人超然自悟其性於象像之外也以乾合乾而乾行以象明象而象著內三畫乾也外三畫乾乾者也乾乾者性性者也但攬和一分陰柔之私便虧欠一分陽剛之德則乾乾息而盡性之學荒矣元亨利貞流行於一歲爲四時流行於一

四聖一心錄

卷之一

乾

一

日爲十二時時曰天時德曰天德卽時卽德非德之外又有所謂時非時之外又有所謂德今欲以天道明乾義此則時自時而德自德且天自天而乾自乾矣程子曰性者萬物之一原自堯舜以至塗人自一世以至百千萬世人人有乾道人人全體元亨利貞之四德君子行此四德者故曰乾元亨利貞文言甚明白不必別以天道來發明

初九潛龍勿用

聖人洗心退藏於密退藏卽是潛潛者勿用用者勿潛龍蛇之蟄以存身蟄卽潛也蛇且以蟄存身況於

龍乎而況龍德之君子乎乾資始乾之初又乾之始始者無失其爲始到底底是潛而勿用見在田躍在淵飛在天潛不言所在潛天而天潛地而地潛淵而淵無定在可求乾初之象固如此

九二見龍在田利見大人

聖人之學步步踏實進於博厚配地故云見在田高明配天故云飛在天淵淵其淵故云躍在淵初二兩爻地道之位九二之動爲離體爲文明云見云田其取象也顯而明矣利見大人卽指九二乾易知九二中正之德通體顯諸仁無不可見於人無不爲人所

四聖一心錄

卷之一

乾

二

見物物之所快覩也若是暗昧不測則謂之小人也
同宜

九三君子終日乾乾夕惕若厲无咎

乾知大始乾以易知九三君子終日乾乾晝之有爲通乎晝之道而知夕惕夜之有得通乎夜之道而知日乾是全體天道夕惕是全部心易心外无易此心透徹潔淨精微方是惕如有絲髮不潔淨不精微不可以言惕其可以言易乎无君子之惕而言易易書之易也非心易之易也其云厲猶書所謂人心之危若厲无咎得寧過矣

九四或躍在淵无咎

躍與潛應初潛潛四或躍不敢居之不疑也在淵淵之爲言淡也所謂極淡而研幾者也三四皆言无咎人道之所以立惟有善補過而已矣

九五飛龍在天利見大人

九五造位大德作之師而爲孔子飛在天也利見之大人也作之君而爲克舜飛在天也利見之大人也然則與九二之大人有以異乎曰无以異也時成九二之位所謂博厚配地者也故以象其見在田時成九五之位所謂高明配天者也故以象其飛在天其

四聖一心錄

卷之一

乾

三

爲天下利見之大人則一耳初勿用上有悔勿用者大人所以藏於密有悔者大人所以變其窮三惕四躍皆言无咎善補過也三應上惕以行悔四應初躍以試潛上必飛天下必見田此補過之極功而大人之能事所以爲成位乎其中者乎

上九亢龍有悔

凡人志易盈滿鮮克有悔矧居高貴之極尤其易盈滿者安得復有悔心之動乎惟聖人不自滿假高極天下而不自以爲高貴極天下而不自以爲貴乾乎其乾而終日以之惕乎其惕而終夜以之惟其有悔

此其所以知進退存亡而不失其正也此其所以爲

龍德之變化而無終窮也震无咎者存乎悔六十四

卦惟亢龍有悔三以危而无咎四以疑而无咎所以

震三四之无咎者皆是悔也何也日夕惕厲本乾體

剛健之自然潛於初而勿用天下无足以易我亢於

上而有悔天下无足以盈我惟此日夕惕厲之心懼

以終始其要歸於无咎已耳然則何以言窮之災曰

聖人以龍至於亢不悔則必爲災匪以有悔爲災也

悔吝者言乎其小疵悔固自凶而趨吉矣又何災之

可言哉如以有悔爲災以潛爲未可施用則潛亢二

四聖一心錄

卷之一

乾

四

龍一无可乘乘之者非徒无用而又適取其災耳安得有六龍之可乘而以御乎天也哉

用九見龍无首吉

聖龍无首猶言動靜无端陰陽无始也凡事有住頭

處方有起頭處故有間斷先後則有首无間斷先後

則无首用九之聖人渾身一團天理天理流行隨處

充滿无少欠缺无少止息聖龍一乾健之不息者耳

安見其有首耶若謂時常潛而潛則潛龍爲首矣聖

人以此洗心退藏於密寧有不潛之時乎時當見而

見則見龍爲首矣聖人通其變遂成天地之文寧有

不見之時乎或曰如此則羣龍果无首乎曰羣龍未嘗无首只是見到羣龍无首纔謂之用九而吉這見字最重見羣龍无首卽謂之見天則仁者見之謂之仁智者見之謂之智仍是有首之見必見到羣龍无首纔是仁智合一非全體乾道之大人不足以與于此

象曰大哉乾元萬物資始乃統天雲行雨施品物流行大明終始六位時成時乘六龍以御天乾道變化各正性命保合太和乃利貞首出庶物萬國咸寧

大哉乾元於元亨利貞中首舉元德以明乾之爲大

四聖一心錄

卷之一

乾

五

也萬物資始物物皆備於我物物資元以爲始也物之於元猶其有首故人之首謂之元首天下有一物不資以爲始譬之无首之物未有能生者也乃統天資始一物一物各統一天資始萬物萬物各統一天物各乾元之化工天吾始物之法象也始物統天這乾元人人之固有時作而爲雲時沛而爲雨統天而行之統天而施之於是物物無不得所資而生理條暢如雨之流如雲之行何亨如之故曰乾元者始而亨者也萬物資始所以孟子謂萬物皆備於我品物流行所以大學謂之格物大明終始陽大陰小陽明

陰暗乾體原來如此大明君子終日乾乾大者無失其爲大明者無失其爲明統天之終而大明乎終統天之始而大明乎始徹終徹始無不明也六位時成乾卦六位兼三才而兩之時成其爲天道陰陽和而風雨節也時成其爲地道剛柔際而寒暑時也時成其爲人道仁義並行而天地同流也時乘六龍以御大六龍卽六位以言其一定而不易謂之位以言其變化而無窮謂之龍六位之成曰時六龍之乘曰時一歲四時一日十二時無一時而不戾乎乾之位無一時而不乘乎乾之龍以體則統天以用則御天體

四聖一心錄

卷之一

乾

六

天體用天用此乾元之所以爲大也龍以爲乘天以爲御則无一時而非變化无變化而非乾道乾道一定而不移性之正也正其性則能正萬物之性乾道流行而不已命之正也正其命則能正萬物之命正其性者不逆乎命正其命者不鑿乎性性命之順相保也大和之保也性命之順相合也大和之合也到此便是大和元氣流行於四時而无一物之相害何利如之无一時之或忒何貞如之乾道之元始亨通又如此乎利且貞此乾元之所以爲大也夫人莫不有性命性命統始謂之元性命流行謂之亨性命保

合謂之利性命各正謂之貞易凡言元言亨言利言
貞皆性命之理之學也故曰易之爲書也將以順性
命之理也今人置性命之學於不講又何元何亨何
利何貞之有哉大明終始至乾道變化只一義乾有
六位大明乎初位時成其爲潛龍時乘潛龍以御天
用乾道以變化乎其始大明乎上位時成其爲亢龍
時乘亢龍以御天用乾道以變化乎其終此便是徹
終徹始无不大明无不變化故乘龍御天卽謂之乾
道變化時乘六龍非聖人不能時乘一龍不失爲賢
人爲君子一龍不乘日用不知之百姓乘馬乘牛爲

四聖一心錄

卷之一

乾

七

禽爲獸不遠者耳如此者與庶物爲伍又或埋沒於
庶物之下聖人乘龍御天雖與庶物並生不與庶物
爲伍此天降下民作之君作之師首出庶物之上
者也作之君以行其政作之師以行其教以體則統
乎天而人德立以用則御乎天而王道行雲行雨施
萬國孰不蒙其潤終始大明萬國孰不被其光萬國
之所以咸寧也中庸發而皆中節謂之和中節之節
卽見天則之則時時中節終始中節大和之保合然
也不然有時乎失則不復保有時乎離則不復合此
則性命俱舛塊然死物已耳朱子論四者之間生氣

流行初無間斷今看來只是一個雨潤日暝雨不以
時則霽日不以時則亢以時而潤以時而暝時時潤
時時暝品物以是流行性命以是各正大和以是保
合蓋離日坎雨陰陽之正交日以暝之便是乾之大
明雨以潤之便是乾之雲雨雷動風散兌說艮止皆
不外是

象曰天行健君子以自強不息

天言行周天三百六十五度四度之一每日行一
周而又過一度故以言行而言健君子以自強不息
以是用全力君子之行天之行也君子之健天之健

四聖一心錄

卷之一

乾

八

也強曰自強人人之所能強一息卽不強一不強卽
餒而至於死君子欲不自強可得哉

潛龍勿用陽在下也見龍在田德施普也終日乾乾反
復道也或躍在淵進无咎也飛龍在天大人造也亢龍
有悔盈不可久也用九天德不可爲首也

陽在下學問全靠透底陽在下是造端託始透底其
學問或躍在淵進无咎也進于无咎之位者也飛龍
在天大人造也造於大人之位者也亢龍有悔盈不
可久也上居盈位盈不可久是以動而有悔不自居
其盈所以可久也卦義有內貞外悔之說以體用之

義言之內爲體外爲用體必貞用必悔凡用用上定
要回轉省悔一悔故聖人發有悔之義于亢龍初潛
上亢聖人皆不言其所在可見處處是潛處處有亢
時亢而亢亢乎其所不得不亢乃所以爲龍昔吾夫
子不得中行而思狂狷狂進取狷不爲振拔流俗汚
世之表猶是亢龍氣象若同流合污闔然媚世之鄉
原則淡惡而痛絕之正以卑卑狐媚之行不可與矯
矯龍德之學同日而道也用九天德不可爲首也天
德而有可以爲首便是畫六龍爲六截豈是成片段
的學問故謂之用九者全體天德以爲用者也若云

四聖一心錄

卷之一

乾

九

陽剛不可爲物先陰柔顧可以爲物先乎是故乾道
變化專言乾天地變化兼言乾坤六爻之動三極之
道分言六爻各有變化分陰分陽迭用剛柔分陰以
用柔爲變化分陽以用剛爲變化若以陽必變陰爲
變化則陽復爲陰矣陰必變陽爲變化則陰又爲陽
矣豈乾道變化天地變化之義哉大抵變化以乾爲
主以坤之承乾爲得主到與天地合其德只如此變
化天德不可爲首正是君子自強不息工夫乾之言
陽天德之陽也乾之言剛天德之剛也君子以天德
之陽爲陽以天德之剛爲剛全體天德終始大明如

環無端有何可以爲首惟不可爲首是以首出庶物
或問六爻秉陽德皆名爲龍龍德聖德也亦有名爲
龍不得名爲聖者與曰六爻雖有各自爲義者但乾
之六龍龍則舉其全象而言六則就其變動之象而
各言之耳龍之爲龍能大能小能幽能明變化莫測
如一爻自爲一龍潛則不可以飛飛則不可復潛滯
甚矣安所語於龍哉顏子龍德孟子稱其與禹稷同
功易地皆然无潛之非飛无飛之非潛也昔者堯舜
之聖爲无名爲无爲潛也爲文思爲文明見也兢兢
業業惕也或都或俞或吁或嘒躍也垂衣而理嚮明

四聖一心錄

卷之一

乾

十

而治飛也世雖極治而猶以爲病亢而悔也昔者孔
子之聖不怨不尤下學上達潛也无行不與見也終
日不食終夜不寢惕也可仕可止可久可速躍也立
斯立道斯行綏斯來動斯和飛也聖不自聖欲然自
以爲无知无能亢而悔也禹湯文武之王周公之相
顏曾思孟之賢周程張朱陸之儒所以爲聖人者有
性反安勉之不同其爲龍一也所以學聖人者有至
有未至其爲龍德亦一也

文言曰元者善之長也亨者嘉之會也利者義之和也
貞者事之幹也君子體仁足以長人嘉會足以合禮利

物足以和義貞固足以幹事君子行此四德者故曰乾元亨利貞

君子行此四德者故曰乾元亨利貞四德一乾也四德之行一乾之健也君子行此四德无不健故吉或言元吉舉始以該乎終或言貞吉舉終以該乎始或言吉亨或言吉无不利舉中以該乎終始小人不能行此四德有不健故凶或言貞凶則以明其窮極乎凶不可復反于吉而已矣无咎者善補過也善反此四德者也悔吝者言乎其小疵悔者省悟此四德故自内而趨吉吝者短少此四德故自吉而向凶

四聖心錄

卷之一

乾

士

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

子曰愚而好自用凡學問不沉潛全是自用或作聰明或務知識或任見解自以為能轉移世道矣而世味未忘自以為修實行矣而名心未忘自以為超然世外舉世非之不顧矣而悶心未忘若此者全副精神仍走向外作弄光景其何常于潛之義乎龍之為潛淡泊世味滌洗名心遯世而自得不見是而自信樂則行之行乎其可行其龍德之潛而隱者大行

不加確乎其不可拔也憂則違之違乎其當違其龍德之潛而隱者窮居不損確乎其不可拔也到不可拔斯謂之龍德而隱斯謂之潛龍勿用

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

程子曰九二地位高邪非邪偽然則何以爲邪庸言一不信庸行一不謹悉邪也信言詳行便是閑邪工夫邪既閑則誠自无不存矣其曰善世而不伐與遯世无悶而脈正相貫君子所性隨處充滿无少欠缺

四聖心錄

卷之一

乾

士

遯世原本滅得毫釐如何悶善世原本未加得毫釐如何代謹而信即是存誠亦即是九三之忠信

九三曰君子終日乾乾夕惕若厲无咎何謂也子曰君子進德修業忠信所以進德也修辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

人道惟在忠信忠信二字即是誠之一字得之心爲德修之辭爲業今人德不進只是不忠信業不修只是言辭妄誕而不誠修辭立其誠心口合一心之所

得如是口之所宜如是絕無自誑誑人處大凡說的
話都是實理以此存存於心德之進也以此吶吶於
口業之居也所以居業以進德爲所居之業非德之
外又有所謂業也知至至之知忠信爲至而至之也
至於忠信動安有弗微乎是故可與幾也知終終之
知忠信爲終而終之也終于忠信時措安有不宜乎
是故可與存義也至於忠信終于忠信終始一于忠
信德至此謂之盛德業至此爲之大業是故居上位
而不驕爲二之善世不伐在下位而不憂爲初之遜
世无悶易曰窮理盡性以至於命知至至之即至命

四聖一心錄

卷之一

乾

十三

之學又曰原始要終以爲質知終終之即要終之學
知至知終是大明至之終之是大明終始非乘龍御
天之聖人亦不足以與此矣

九四曰或躍在淵无咎何謂也子曰上下无常非爲邪
也進退无恒非離羣也君子進德修業欲及時也故无
咎

上下无常就是知上而又知下進退无恒就是知進
而又知退子曰鳥獸不可與同羣吾非斯人之徒與
而誰與記曰三年視敬業樂羣道莫大於能羣其不
樂羣也必有辟也不然必有昵也九四進德修業欲

及其時承五則可以飛而无常于上應初則可以潛
而无常于下無非以求性命之各正也非爲邪也以
進則爲樂而行之而无恒于進以退則爲憂而違之
而无恒於退無非與斯人之徒共爲之也非離羣也
上下進退之際莫非進德修業之時時有上下而德
業之進修无上下下无常而所以進修者不失其
常時有進退而德業之進修无進退進退无恒而所
以進修者不失其恒欲及時如學如不及之及孔子
聖之時只及時進修之極耳其曰非爲邪與閑邪存
誠亦是一塗轍

四聖一心錄

卷之一

乾

十四

九五曰飛龍在天利見大人何謂也子曰同聲相應同
氣相求水流濕火就燥雲從龍風從虎聖人作而萬物
覩本乎天者親上本乎地者親下則各從其類也

聲應氣求水濕火燥雲龍風虎各從其類矧聖人與
我同類乎聖作物觀人物俱本天地以生本天親上
本地親下聖人作而崇效天萬物觀之而親上聖人
作而卑法地萬物觀之而親下匪作何觀匪本何觀
物我共觀上下交觀作者出類觀而親者各從其類
此所以爲利見所以爲上治也以堯舜孔子明之堯
舜作之若飛龍在一世之天一世之人利見之一世

之人親之孔子作之師飛龍在萬世之天萬世之人利見之萬世之人親之聲相應氣相求人皆可以爲堯舜個個人心有仲尼也雲從龍風從虎堯舜龍飛而虎變禹皋稷契諸臣際風雲之會於唐虞孔子龍飛而虎變顏曾冉閔諸賢際風雲之會於春秋親上親下明德在于親民親民而民親之也各從其類人人可以盡性人人可以至命也不從其類則自暴自棄下愚之不移者耳

上九曰亢龍有悔何謂也子曰貴而无位高而无民賢人在下位而无輔是以動而有悔也

四聖一心錄

卷之一

乾

十五

乾道變化各正性命性未始離命也乾本天道上居乾極最上則幾於上而不下進而不退其於性命各正之道似未免於有過焉是故極天下之至貴而不可以離乎賤貴賤之位然也貴而无位安所立乎極天下之至高而不可以離乎卑卑高之陳然也高而无民寧一君乎極天下之至貴至高而必求賢以自輔人已之相須然也賢人在下位而无輔不自聖乎是以動而有悔也悔與動隨動以悔善惟龍而後有悔惟有悔而龍德愈光進退存亡无不得其正也性命之各正一也九五大入進退上下合于一四之躍

以疑而求及時上之亢以悔而不失正進修及時進退存亡而不失其正此爲大人而已矣

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之災也乾元用九天下治也

潛之義一下足以盡之下卽是潛時舍舍止也舍止于田時止于其所當止止于至善之止也邪不閑便要走作時時閑邪存其誠時舍也行事卽孟子必有事之事自試試之爲言式也子曰不曰堅乎磨而不磷不曰白乎涅而不緇堅白不足而欲自試于磨涅

四聖一心錄

卷之一

乾

十六

其不磷緇也者幾希是故君子之德業全要自試以驗其進修之何如方有實得上治猶云盛治治至飛龍在天無以尙之之治也窮之災聖人不患災只患利其災聖人不患窮只患窮而不能變是以動而必有悔也乾行四德四德一乾主乎乾而言之也乾元用九六龍皆九用九皆元主乎元而言之也用九而天下治者原始以盡性知終以至命性命各正太和保合天下所以無不治也

潛龍勿用陽氣潛藏見龍在田天下文明終日乾乾與時偕行或躍在淵乾道乃革飛龍在天乃位乎天德亢

龍有悔與時偕極乾元用九乃見天則

不專一則不能直遂不翕聚則不能發散無潛藏之學而以言變化為蚓而已矣其何以為龍不云陽德而云陽氣理外固無氣也氣外固無理也見龍在田天下文明堯欽明文思光被四表舜浴哲文明重華協于帝禹文命敷于四海皆在田之見龍也何以云不在上位也終日乾乾與時偕行自朝至夕無時而非乾惕也或躍在淵乾道乃革躍與潛應活潑潑地四之變革之妙也飛龍在天乃位乎天德天德乃是九五之坐位非以天位為位也君子有三樂而王天

四聖一心錄

卷之一

乾

七

下不與存亦以其有天德之位耳亢龍有悔與時偕極極至也有悔所以詣其極也乾元用九乃見天則此非人所易見惟望道未見者能見之乾體坤用剛體柔用坤承乾柔動剛方是乾道變化非以剛反變柔為天則六爻皆用九無有一爻之用不見天則者也初遷世无悶不見是而无悶見己之見不見人之見潛天而大潛地而地天地上下孰得而悶其心无悶之心見天則之心也九二見之于以閑言行之邪九三見之于以立忠信之誠九四見之斯厲進修于及時九五見之斯合上下以相親上九見之是以動

而有悔動皆天時也行皆天德也見皆天則也天之則惟用九乃見用六亦莫之見也天則之全體為剛健中正純粹精天德之大用為六爻之發揮旁通為六龍之時乘為雲雨之行施則在一一人則其則者在天下非聖人一人之則而天下之人無不則其則天下所以平也天則亡六龍隱雲雨斬其施一切以雷霆赫其威霜雪布其嚴後世之天下其平也耶其未平也耶

乾元者始而亨者也利貞者性情也乾始能以美利利天下不言所利大矣哉

四聖一心錄

卷之一

乾

七

乾元者始而亨者也程子曰既始則必亨不亨則息矣是也利貞者性情也孟子曰天下之言性也則故而已矣故者以利為本又曰乃若其情則可以為善矣乃所謂善也天下無不利之性亦無不貞之情不利之性非性也不貞之情非情也利貞性情程子所謂性其情是也乾始能以美利利天下不言所利大矣哉言美又言大惟乾始之利為然除却乾始之利可以利一己不可以利天下以利為利不能不言所利若此之利便是惡何云乎美便是小何云乎大初遷世乾始之利不言失故无悶二善世乾始之利不

言得故不伐大舜有大焉善與人同豈非以乾始之
美利利天下而不言所利故爲大乎乾之二五皆言
利見大人大人爲天下之利見有得于乾始之利者
也士君子處世尊師取友士必希賢賢必希聖聖必
希天不將天下第一等事讓與人做此天下莫大之
利也此所以爲人人之利見也若慙忿窒慾改過遷
善動心忍性堅志熟仁非大川之利涉乎又如利有
攸往者往見大人則利往涉大川則利也舍此言利
則皆義之害而無所謂義之和矣

大哉乾乎剛健中正純粹精也六爻發揮旁通情也時

四聖一心錄 卷之一 乾 无

乘六龍以御天也雲行雨施天下平也

乾內剛外柔行中守正四者合一而純无間而粹不
雜於外物而精以七字形容乾之爲大此人之性也
性不可見見於六爻發揮旁通之間此人之情也發
揮旁通即人之盡性之功乾卦六爻合三百八十四
爻无爻不效發揮之功而極旁通之趣乃若其情爻
爻效之而曲盡也則爲剛爲健而中正爲純爲粹而
精何者非我所自盡之性乎夫乾性也而言命性命
未始有二也言情性情未始有二也時乘六龍以御
天雲行雨施天下平能盡其性則能盡人之性盡物

之性贊化育而參天地也三代以下无善治徒以智
力法制把持之而謂之平非聖人乘龍御天行雲施
雨之平也聖人之平天下以龍爲乘以天爲御龍興
致雲雲行施雨爻爻莫不有雲雨之行施故沛然德
教溢乎四海所謂首出庶物萬國咸寧豈其偶哉或
問乾稱龍坤稱馬于乾則曰乘龍御天于坤不曰乘
馬行地何歟曰今人不識性命之理宜于此而潛心
焉可也

君子以成德爲行日可見之行也潛之爲言也隱而未
見行而未成是以君子弗用也

四聖一心錄 卷之一 乾 无

日可見之行日日可以驗諸行事之實也一日之間
行稍不驗敗缺多矣其何以言成德乎潛之爲言也
晦隱而不輕於表見敦行而不侈然自居其成是以
君子弗用也言其近裏著已變化入于渙微以之極
渙用在渙勿在淺以之何幾用在微勿在顯如是其
爲潛也所以謂之成德也若泥其辭而曰未可施用
渙潛之學不足用孰爲可用者哉

君子學以聚之問以辨之寬以居之仁以行之易曰見
龍在田利見大人君德也

君德猶言天德此德人人之所同得人人之所不可

不備不特君天下者爲然天子以此君天下諸侯以此君一國大夫以此君一家士庶人以此君一身莫非君也不學何聚爲散爲漫不問何辨爲混爲淆不寬何居失之隘陋不仁何行失之淺賊君德喪亡亦爲人役而已矣君子學聚問辨寬居仁行念念是實得步步是實地處處充實而有光輝故爲見龍在田之大人得此乃可主宰百爲役使羣動故稱君德而惕雖危无咎矣

九四重剛而不中上不在天下不在田中不在人故或

四聖一心錄 卷之一 乾 三

之或之者疑之也故无咎

上在天有天道焉下在田有地道焉中在人有入道焉上不在天下不在田三之重剛不中與天地無以合其德之咎也故乾乾因其時而惕不飛于天則不已不見于田則不已三所以進于无咎也上不在天下不在田中不在人四之重剛不中無以參三才而會天地人之至妙至妙四之咎也故或之或之者疑之也四之疑與居之不疑正相反易以斷天下之疑以此進之此處能疑大疑大進小疑小進四所以進于无咎也三四兩爻皆人道之位四不在人三在

人歟曰人亦無不在天不在田而懸空自立之理聖人各就爻義發明之若曰處三之位而无惕何以鼎立乾坤處四之位而无疑何以通乎三極惕者震動疎懼疑者體驗參求欲使人深思而自得乎安身立命之所在耳夫在天大人也在天則在人矣在天大人也在田則在人矣豈謂在田之不足而必在天歟又兼孔子之師孔子作之師又兼堯舜之君憂禹稷之憂又進而樂顏子之樂樂顏子之樂又進而憂禹稷之憂韓范事功之不足而爲周程之學術周程學術之不足而爲韓范之事功此從古以來之所無也窮不失義達不離道窮則獨善其身達則兼善天下非達有餘而窮不足也故曰君子所性大行不加窮居不損分定故也木世士人卑卑者无足道矣間有有志者要做人品又要有好官爵要明大學術又要立大事功是堯舜孔子禹稷顏子韓范周程之所不能兼而欲兼爲于一身宜其多止于半和秀才而終無以要其成也

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天

且弗違而況于人乎況于鬼神乎

看到大人合天地以爲德合日月以爲明合四時以爲序合鬼神以爲吉凶何曾于性分上添得些子其曰先天而天弗違先天天地之始而无始者我也其曰後天而奉天時後天地之終而无終者我也前言統天御天此言先後天繫辭又言範圍天地之化而不過大人之能事夫非人人之能事乎而奈之何但以六尺爲形軀汶汶而生泯泯而死僅爲天地間之一蠢物朽株也然所謂先後天總是大明終始純亦不已不可爲首之天德原無間斷先後今人有萬念皆

四聖一心錄

卷之一

乾

三

天之語進此則亦先後天而不違矣天且弗違建之而不悖也而況于人考之于前其有謬俟之于後其有感焉者乎而況于鬼神質之于幽其有疑焉者乎亢之爲言也知進而不知退知存而不知亡知得而不知喪其唯聖人乎知進退存亡而不失其正者其唯聖人乎

聖人到底學問只是知進知退知存知亡知得知喪而不失其正不失其正其唯聖人之有悔乎唯有悔故能不失其正正者貞也乾之四德所以終于貞也

坤元亨利牝馬之貞君子有攸往先迷後得主利西南得朋東北喪朋安貞吉彖曰至哉坤元萬物資生乃順承天坤厚載物德合无疆含弘光大品物咸亨牝馬地類行地无疆柔順利貞君子攸行先迷失道後順得常西南得朋乃與類行東北喪朋乃終有慶安貞之吉應地无疆

乾體坤用乾爲龍又爲馬坤不云馬而云牝馬以乾爲牡以坤爲牝利牝馬之貞明其以從牡爲貞也君子所往所安無不利牝馬之貞方有得於坤道至哉

四聖一心錄

卷之一

坤

三

坤元以坤元合乾元可以稱至不可以稱大此坤乾之別也萬物資生亦只在始裏生失其始未有能生者也地道无成而代有終坤不自生惟順承天以資之生已耳乾健始物其德无疆坤厚載物德合乾健之无疆含弘合天光大合天物物無不遂生而咸亨此坤元之所以爲亨也云利牝馬之貞何牝馬地類行地无疆極其柔而且順者法其柔順以爲柔順利此柔順之貞以爲貞斯謂之順承天而利牝馬之貞此君子之所攸行也云先迷後得主利何乾先坤後君父先臣子後此常道也坤順承天不居其先而居

其後以從乾為主此其順而得常故利也蓋先迷失主爲凶後順得主爲利也云西南得朋東北喪朋何西南得朋乃與類行不順承天者也東北喪朋不與類行順以承天者也順承天則无成而代有終矣其无慶乎譬如爲人臣但知有君而不知有身不與臣類同行此代終之臣也臣之慶也爲人子但知有父而不知有身不與子類同行此代終之子也子之慶也順坤道之常盡臣子之職非牝馬之貞而何能安此貞而不遷然後謂之安貞之吉而應地无疆德合乾矣章內三无疆驅卽疆界把道路界斷便行不去

四聖一心錄

卷之一

坤

五

此三无疆窮宇宙亘古今無處界斷人只是不肯有攸往耳子曰力不足者中道而廢今女畫畫便是界斷

象曰地勢坤君子以厚德載物

地勢坤地勢只是順君子以厚德載物只以順承天爲厚不順承天薄甚矣將甚麼來載得物天下有不順君之臣有不順父之子便是亂賊說甚忠孝大則君臣父子小則事物細微更無一物承載擔當得來初六履霜堅冰至象曰履霜堅冰陰始凝也馴致其道至堅冰也

乾初言潛坤初言履皆是真切工夫通乾象龍體得乾來都是和風甘雨都是祥雲化日坤順承乾以變化起初着了半點凝霜便有所凝滯而變化不去安得而無履一履便不復凝永可以無堅冰之患或曰履霜以防龍戰之漸旨哉言矣大抵乾爲父坤爲母父始母生始生端倪稍不融化而凝結卽是死塊如何生長得來初六之霜能殺物聖人懼其凝故貴早辯也早辯卽是履重陰之下透底變動歸根復命窮理盡性全靠此一履以早辯爲履夫豈虛見懸解之可承當哉

四聖一心錄

卷之一

坤

五

六二直方大不習无不利象曰六二之動直以方也不習无不利地道光也

六二之動直以方也動无不直動无不方直方則无不大全是順以承乾乾陽震動自然如此陰是習動而直方不囿于習故无不利地道光囿于習則暗不囿于習則光直方而大便是合德于乾而爲二五利見之大人

六三含章可貞或從王事无成有終象曰含章可貞以時發也或從王事知光大也

坤六爻爻爻順承乾章明也陽明陰暗去暗含明三

四聖一心錄卷之一

坤

三

含所以爲可貞

六四括囊无咎无譽象曰括囊无咎慎不害也

括囊之學是困勉者百倍工夫四重陰不中天地閉塞之時也賢人潛心變化一人已百人十已千便是隱便是括囊乃透底一片真心變化于云爲之間者何止括結于囊口之末哉无咎得寡過无譽不近名不能寡過固是害有意近名亦是害慎不害可以不動于戈稍不慎便有害血要血戰一場到不害即是有美坤有美以何爲美以承乾爲美三含章是斂藏其美四括囊是變化其不美以至于美五美之至二

之承乾之順也含章然後爲可貞章不含失其貞也

甚矣從王事下一或字大有斟酌故謂之知光大六三之動是有悟于天下之事皆是王事而非已事凡臣職之所能爲者皆所當爲也如有周公之才之美使驕且吝亦不足觀况無周公之才美不能晦合而驕吝可乎可貞之發時時是從王之正道時時是無成而有終乾初九行而未成即此无成從王事成歸于君從父事成歸于親所以終臣子之職也乾言進脩坤言含括皆于三四兩爻發之立人道之關鍵莫切于此矣以時發不是有時而發時時是發時時是

美而大初不美之端故用履上不美之極故用戰

六五黃裳元吉象曰黃裳元吉文在中也

言黃可見便有玄爲之主言裳可見便有衣爲之主坤之順承天爻爻備之六五其盛者文在中中是中德文在中所以爲文文在外的然之文也非君子之所謂文矣黃裳正是在中之文

上六龍戰于野其血玄黃象曰龍戰于野其道窮也

此便是湯武革命之學朱子所謂到這裏須盡翻轉從新鑄造一番其道窮也到此已窮窮故須變是故唐虞極治而堯舜病亢龍之悔也商周反亂而湯武

四聖一心錄卷之一

坤

三

愬戰龍之血也君子亢乎其所當亢戰乎其所必戰

寧以悔爲災而血爲傷乎悔亢斯不失正血戰斯無不克皆處乾坤之窮而得善反之道者也子之所慎如戰又曰我戰則克直是血戰今人甘自屈降于物欲而不戰戰又不必力宜其撓敗亡死之無日也爻也者效天下之動以動者尙其變上六之變動即是龍戰何必向爻外求索其血玄黃猶書血流漂杵武王未嘗有傷則陽未嘗有傷可知但到戰時若覺其爲難耳其實天玄而地黃何可雜

用六利永貞象曰用六永貞以大終也

四聖一心錄

卷之一

坤

无

乾象龍聖人謂之六龍坤象牝馬聖人不謂之六馬
上六不云馬戰又云龍戰乾奇而坤偶奇一而偶二
一合而二分上六之變即為龍一則合二則戰戰所
以為合也二所以歸一也用六承貞而以大終乾知
大始坤順承乾牝馬順而化龍二而一之合德于乾
即乾之性命各正大和保合故曰以大終也乾坤之
用九用六即所謂六子之用乾之初與四巽風之入
也是故為潛而莫窺其朕為躍而莫測其端乾之二
與五離火之麗也是故為見而文明于田為飛而光
昭於天乾之三與上兌澤之說也是故為惕而周流

于晝夜為悔而挹注于不盈坤之初與四震雷之動
也是故辯之早而漸萌以杜慎之至而害覺不生坤
之二與五坎水之陷也是故出險而不囿于習順下
而無失其常坤之三與上艮山之止也是故含章以
凝篤實之輝光血戰以奠地維于鞏固

文言曰坤至柔而動也剛至靜而德方後得主而有常
含萬物而化光坤道其順乎承天而時行
坤柔動剛動剛就是承天坤靜德方德方就是時行
方言其義時措无所不宜謂之時行有不方便是回
邪便沴戾不時而阻塞不行後得主而有常以承乾

為得主含萬物而化光陽大陰小陽明陰暗乾大明
坤化光小化大暗化光此坤之所謂順承天也大抵
明涵而蓄光發而散明必有光光本于明明其體光
其用坤道所以為順全在化光物物承天而生化物
物生化而輝光凡資生處无不化无不光所以謂之
承天時行生而不化便是滯碍化而不光便是暗塞
難以語于坤道之順矣

積善之家必有余慶積不善之家必有余殃臣弑其君
子弑其父非一朝一夕之故其所由來者漸矣由辯之
不早辯也易曰履霜堅冰至蓋言順也

四聖一心錄

卷之一

坤

无

蓋言順也即坤順也之順順之反為逆弑君弑父逆
之極也學問主腦全在一念發端處辯得分明書曰
人心惟危即坤初之陰惟能不使之凝便是順順心
一生則无所不順通身一團生理謂之積善稍凝便
是逆逆心一生則无所不逆通身一團殺氣謂之積
不善積善是忠孝積不善是弑逆凡臣子的心稍不
順于君父而但在自己身上營營便是不善積而不
已便是弑逆大惡所以履義為至重履霜則霜且不
使之凝而何有于堅冰履言其順蓋如此

直其正也方其義也君子敬以直內義以方外敬義立

而德不孤直方大不習无不利則不疑其所行也

直方大是人人之所固有直其正正即爲直方其義義即爲方君子敬以直內是戒懼以存此理于內無不直也今人却要曲意徇物君子義以方外是時措以善此道于外無不方也今人却要徇那同通皆所謂以學術殺天下者也是故不直而曲便是無忌憚之小人於敬何有不方而圓便是計功謀利之小人於義何有內曲外圓敬義不立書之所謂獨夫也孤莫甚矣假借乎其何之而能不疑其所行直方大不習无不利徹內外洞表裏陽明用事而陰習消除此

四聖一心錄

卷之一

坤

圭

六二之无不利聖人俱從承乾上發揮來

陰雖有美舍之以從王事弗敢成也地道也妻道也臣道也地道无成而代有終也

君子一身在家則都是服父事在國則都是從王事服父從王都是用用合體便是陰之美用悖體便是陰之惡雖有美弗敢成况惡乎到美在其中而暢于四支發于事業美之至也亦終是弗敢成

天地變化草木蕃天地閉賢人隱易曰括囊无咎无譽蓋言謹也

十月純陰天地閉塞而成冬賢人之括囊賢人之隱

也隱非隱遁之隱與龍德而隱同乃是賢人效天地之變化處

君子黃中通理正位居體美在其中而暢于四支發于事業美之至也

坤之位乾之中以下爲位爲體不黃者失中塞而不通亂而無理不蒙者越分陵上名位混淆而不正體統倒置而不居君子之黃蒙黃言其中之通而理也蒙言其位之正而體之居也通中之德理中之義正下之位居下之體五之順以承乾於斯盛矣到美之至也地位孟子所謂充實而有光輝之謂大象所

四聖一心錄

卷之一

坤

圭

謂用六承貞以大終也所以爲元吉也

陰疑于陽必戰爲其嫌于无陽也故稱龍焉猶未離其類也故稱血焉夫玄黃者天地之雜也天玄而地黃

陰疑于陽必戰上六之變便是一陽首出以爲主如神兵自天而下百萬之寇一戰敗衄全軍覆沒者爲其嫌于无陽也故稱龍焉陰疑于陽是无陽也于疑于父是无父也臣疑于君是无君也必戰陽必戰也不戰則于弑父臣弑君必戰則亂臣賊子始無所容于天地之間故稱父則無父之子誅稱君則無君之臣討稱龍則無陽之陰退猶未離其類是猶西南之

得朋而并東北之喪朋也故稱血焉陰類未絕必潛滋暗長重復爲害血戰以盡亡其類俾疑陽之陰黨一洗而無餘庶幾揭大明于重光而朗乾坤于再觀也寧復有天地之雜乎未離其類天地所以雜離其類則天玄而地黃天清而地寧矣是故西南得朋乃與類行未離其類者也東北喪朋則既離其類矣乃終有慶陰不疑陽子不疑父臣不疑君戡戈紫弓歸馬放牛雲行雨施天下平也終之有慶不其大哉

四聖一心錄

卷之一

坤

三

屯元亨利貞勿用有攸往利建侯象曰屯剛柔始交而難生動乎險中大亨貞雷雨之動滿盈天造草昧宜建侯而不寧

有天地然後萬物生焉盈天地之間者唯萬物故受之以屯屯者盈也物之始生也人心卽天地萬物始生于其間必多草雜昧晦故屯以言其難也險也若使地未逢雷帝不出震震剛不交于坤初之柔而不見其難震雷不動于坎險之中而安處于險震雷不迅坎雨不甚无以震動充滿于屯盈之兩間其於草

四聖一心錄

卷之一

屯

三

昧止以人爲圖芟定而不以天造運經綸此則人心眩惑而靡主如四海潰亂而无君屯難何以解屯險何以夷安得有大亨而貞之日乎不知屯初一爻天德之剛乃人人之主宰人人所固有乾剛始交于坤柔則震動竦厲而難生劈頭難到底易矣震剛一動乎險中則險中一剛亦可震奮而出頭上下四爻陰柔之險无不爲之夷而平矣雷動雨溢險夷難解屯所以大亨貞以利建初剛以爲之侯也建侯而往天君泰然百體從令何草雜之不除何昧晦之不廓故云天造草昧不建侯而用往人爲膠擾私意紛更草

方除而旋生昧方啟而旋晦其將焉往又安所用也
所以勿用有攸往也始交難生不得不難建侯不寧
莫敢遑寧茲豈人爲實皆天造人自鑿之人自限之
耳

果曰雲雷屯君子以經綸

君子合宇宙爲一心盈天地間之經綸都是天造絕
不與以區區智巧人力說卦傳乾以君之坤以藏之
乾君坤藏經綸之大端卽是天造自屯以下卦卦都
是乾君而坤藏

初九磐桓利居貞利建侯象曰雖磐桓志行正也以貴

四聖一心錄

卷之一

屯

三五

下賤大得民也

磐山石之安者桓武也又威也磐如泰山之亘地而
安不可搖桓如大將之當關而威不可犯初九之力
量自能如此非有所強而制之以爲安赫而震之以
爲威也雖磐桓以應陰恐有未正故利居貞恐失所
主故利建侯象明之曰以貴下賤下如降下之下孟
子曰无以小害大无以賤害貴建侯則能以陽剛之
貴降下陰柔之賤以君侯之貴降下丘民之賤先立
乎其大者小者不能奪也大得民一聲霹靂百里震
驚有統理萬方宰制六合氣象

六二屯如遭如乘馬班如匪寇婚媾女子貞不字十年
乃字象曰六二之難乘剛也十年乃字反常也

三主初以爲侯乾爲馬故明乘馬爲乘剛遑回也回
復於初也班還也還顧其初也匪寇婚媾與初婚媾
而不至寇傷也白沙子曰時時心氣要和平心氣工
夫一體成此求婚媾而匪寇婚媾者女子貞不字十
年乃字只一意天无二日民无二王人无二侯女子
无二夫初屯主二貞乎字初以人心聽命乎道心卽
虞廷所謂惟一之功五陷險中非二之所宜字字五
便是二夫故貞而不字十年乃字言其斷不字五猶

四聖一心錄

卷之一

屯

三五

言寧耐十年之意尋常二與五爲正應此獨不然故
六反常

六三卽鹿无虞惟入于林中君子幾不如舍往吝象曰
卽鹿无虞以從禽也君子舍之往吝窮也

三居上下兩陰之中震體能動有卽鹿之象下不應
初君侯不出虞人安至有卽鹿无虞之象如此者從
獸爲荒惟有陷入林中之險者耳將欲芟夷其草昧
其可得乎外險體故象林中君子幾不如舍將以卽
鹿必先得虞將欲招虞必先建侯舍其外驚之心審
其內炳之幾庶不窮于其所往而免林中之入乎往

吝而窮彖故曰勿用有攸往利建侯

六四乘馬班如求婚媾往吉无不利象曰求而往明也
見三之幾將勿失之草求四之明又何有於昧幾非
外鑠明豈人爲皆天造也人自不審而妄往耳三往
吝窮于外馳四往吉明于內反二乘初懼其陵犯故
云匪寇四應初恐爲二三間隔故以求往云明古人
量而後入不入而後量有以貴下賤之君然後有翻
然之往義亦如此

九五屯其膏小貞吉大貞凶象曰屯其膏施未光也

五與初合德在坎爲雨雷雨之動滿盈必得迅雷聲

四聖一心錄

卷之一

屯

彖

震然後助得雨勢大迅雷甚雨施无不足何光如之
五陷險中與初不應雨意雖作雷聲不震乃雨未通
而爲雲雖有膏潤不能光大其施者也小貞吉膏潤
之小者堅固而不施或儉以制用則不濫或約以自
處則不淫故吉大貞凶膏潤之大者堅固而不施天
下誰與澤羣生誰與濟故凶

上六乘馬班如泣血漣如象曰泣血漣如何可長也

二四之馬乘乎初如雷斯震甚得力上六之馬乘乎
五如雨未通甚不得力蓋不利建侯不求婚媾而以
陰柔居險難之終到底草昧不除而爲林中之陷入

者耳泣血漣如不亦宜乎象曰何可長冬至一陽生
謂之長至可見陽德在人悠久无疆與天地同其長
久者失了這陽德雖逸樂終身聖人以爲泣血終身
雖老而不死聖人以爲凶短折者而已矣

四聖一心錄

卷之一

屯

彖

蒙亨匪我求童蒙童蒙求我初筮告再三瀆瀆則不告利貞彖曰山下有險險而止蒙蒙亨以亨行時中也匪我求童蒙童蒙求我志應也初筮告以剛中也再三瀆瀆則不告瀆蒙也蒙以養正聖功也

孟子曰大人者不失其赤子之心者也赤子之心之外無大人童蒙之外無我我求童蒙似要倒轉身來求童蒙求我只這眼前身子就是原初童蒙身子求之卽是初筮之初卽靡不有初之初再三瀆卽決川成瀆之瀆山下初出清泉流到澗洋裏去匯而爲瀆

四聖一心錄

卷之一

蒙

无

時豈易澄清得來此告與不告之所由異也不云山下有水而云有險險而止蒙一陽陷二陰之中前而又止一止所以蒙陷平這二陰以止乎其所當止斯蒙者無失其爲蒙是故蒙之所以亨亨以行而求戒時而得中志應其求而勿失之相悖筮求其初而不瀆于再三日日如此培養便教養正聖功蒙是人人聖胎求之自我養之自我是人人聖功人病不求與失其養耳或以昏蒙蒙闇爲解去蒙義殊遠象曰山下出泉蒙君子以果行育德

山下出泉蒙泉從山下初出無半點泥沙夾雜一泓

清澈純是白水此人入胃中混混常出不竭之原泉君子以果行育德果要速決早圖乃探本窮源工夫故可以作聖陽明子曰直從根本求生死莫向支流辨濁清向支流而辨濁清者橫流泛濫之水再三之瀆蒙也從根本而求生死者山下初出之泉初筮之童蒙也學者不可以不辨

初六發蒙利用刑人用說桎梏以往吝象曰利用刑人以正法也

初陰應陰在險之下身上拖帶了桎梏未易開卸得去以居剛承二故可以求我而發之發之維何身上

四聖一心錄

卷之一

蒙

卑

帶了桎梏如有罪人一般了故須利用刑人以脫之刑而脫之便是正法不刑而脫之便是不正法正了法脫了桎梏如山下之泉淘去了泥沙便還其原初水矣險而止蒙用脫桎梏改而止也以往往則險而不止橫流泛濫將安所極故吝

九二包蒙吉納婦吉子克家象曰子克家剛柔接也

二陽剛是山下初出清泉以得中不曾夾雜泥沙少有滲漏有包象故吉上下四柔皆是婦茹而納之教誨之中則非自成已而已也所以成物也是爲納婦之吉包其在我納其在人以父乾母坤樂育英才一

體萬物之義求之此克家之子也象曰剛柔接以已之剛接人之柔柔以剛克剛以柔克此則涓涓滴滴孰非作聖之功象所謂志應成已而成物克一家以家天下不外此矣

六三勿用取女見金夫不有躬无攸利象曰勿用取女行不順也

二納婦三勿取女婦與女皆柔象二剛是男可以納其為婦三柔是女何可復用取女須將自己已不中正陰柔之身磨洗刮除丟下了這箇女身去為男子丈夫又須翻轉身來利見正人君子如九二之陽剛

四聖一心錄卷之一 蒙 聖

以為已輔方可不失其身而有攸往之利若是陰柔功利之私心未忘雖不取女乃見了金夫將欲學為丈夫非夫也乃不有其躬者耳其何利之有乎金夫自四之五皆是以四五在三之前三所易見故取象以為戒也象曰行不順柔順剛便是養正柔不順剛便是不能養正

六四困蒙吝象曰困蒙之吝獨遠實也

陽實陰虛四陰柔上下亦皆陰柔比近乎三與二為遠困也比近乎五與上為遠亦困也寧無吝乎困與亨反蒙有亨道惟求則亨不求則困求則隨其所至

于聖功上必有交涉不求而困如四民斯為下矣山下之泉淤而為土矣象曰獨遠實獨遠實則全是虛白沙子曰渾是一包膿血包裹一塊大骨頭生為虛生死為虛死

六五童蒙吉象曰童蒙之吉順以巽也

五上近上九下應九二物誘未化良心未繫正童蒙求我而初筮者童蒙之吉猶今人所謂童修初為聖胎繼有聖功者也象曰順以巽以陰應陽謂之順去陰入陽謂之巽

上九擊蒙不利為寇利禦寇象曰利用禦寇上下順也 四聖一心錄卷之一 蒙 聖

卦以一為主九二主乎蒙者也二包上擊擊包之反也童蒙不求我我求童蒙而擊之非為寇而何其非上之利也利禦寇勿為寇也勿為寇者為二之包不為上之擊也蒙以養正曰聖功包所以為養擊非所以為養也象言養大蒙又言育人能有養保守這山下一泓清泉到資淡逢原便點滴皆是聖功初何待于增益矯揉乎初往各上為寇不利其義一也象曰上下順不為寇而惟禦寇便不是擊便是包上下人已之交皆順而養之以正矣爻內三言順與孟子惡智若之繫同意蒙與屯反對建屯之候求蒙之我經

綸天造育養聖功希聖而聖希天而天默而成之皆存乎其人耳豈容致其纖毫寇擊之人力哉

四聖一心錄

卷之一

蒙

聖

需有孚光亨貞吉利涉大川彖曰需須也險在前也剛健而不陷其義不困窮矣需有孚光亨貞吉位乎天位以正中也利涉大川往有功也

險在前柔懦者遇之鮮有不陷鮮有不困窮者以乾遇坎則剛健之德信有諸已初二三五所居之位俱是天位二五又居天位正中以所見則光而昭夫何不亨以所守則貞而固夫何不吉雖遇大川之險亦若坦途之涉无不利矣蒙山陳氏曰人之涉世何往而非大川也易言利涉始此利涉而曰往有功需非

四聖一心錄

卷之一

需

需

不往只是不陷非但不陷且能利涉所以爲有功

象曰雲上天雖未雨而雨可待君子涉世修其在己爲

所當爲爲所能爲至于成敗利鈍一聽之天何必戚戚皇皇不安不樂今且坦坦蕩蕩朝夕間啜一頓安樂茶飯則其樂天循理居易俟命无一朝之患可知寧有復陷于險者乎故曰需者飲食之道也

初九需于郊利用恒无咎象曰需于郊不犯難行也利用恒无咎未失常也

險在一般爲險无甚遠近只我之所以需者不同

初不犯難而三致寇初得位主失位也初剛健居位得正險難在前而居易在我不至犯難而行非需于郊之象乎然終以應陰易陷故利用恒乃得无咎九二需于沙小有言終吉象曰需于沙衍在中也雖小有言以吉終也

乾至健而德行恒易平也衍亦平也二剛健而又得中外有險難内无迫隘從容寬裕以需不失足於塗泥沙之象衍之義也小有言終吉二五同德五陷險中往則將有胥溺之憂不往則失拯溺之義可逝不可陷也有功可往无功不可往也時義常需類於

四聖一心錄

卷之一

需

聖

遷延不惟衆人疑之達者亦不遽信之故小有言然需所當需度己之可往又度其人之可以往不惟己之不陷而亦可以拯人之陷象故明之曰以吉終正所謂利涉大川往有功者或曰二不至致寇故曰小有言

九三需于泥致寇至象曰需于泥災在外也自我致寇敬慎不败也

沙潔而泥汚三交於四而又應上出門一步便欠潔淨於此以需四上險難之寇必且自我而致其至蓋一居下流則天下之惡皆歸焉勢之所必至也然三

本陽剛君子災由外來不從内作寇以情慢而至亦以敬慎而去泥途之中勿少濡滯急爲拔足亦其剛健不陷之能事也豈一敗而不可收拾者倫哉二衍在中三災在外惕中者行馳外者災初之所謂未失常辨此而已矣

六四需于血出自穴象曰需于血順以聽也

三以近四爲泥四以自陷爲血需泥致寇防其陷溺也需血出穴善其剝艾也象曰順以聽以四居五三二陽之間抑其躁妄之心以順聽乎二陽之夾持顛沛必於是威武不能屈素患難行乎患難如此其需

四聖一心錄

卷之一

需

聖

便亦无入而不自得雖在險陷之中終亦必得自出出自穴則大川涉矣

九五需于酒食貞吉象曰酒食貞吉以中正也

此所謂位乎天位以正中者說卦傳戰乎乾勞乎坎五與内乾三陽合德易以知險无險非易酒食之養盡皆天理光亨吉利涉大川皆其有諸己之信也上六入于穴有不速之客三人來敬之終吉象曰不速之客來敬之終吉雖不當位未大失也

四上皆陰象穴四順陽象出上背陽象入陽致陰象寇陰來陽象客剛健不陷義不困窮全靠自己作主

客共輔我者耳詩以速諸父以速諸舅主速而客至
內主而外客以客而輔主者也不速之客來幾於不
能自主而內外賓主之辨淆矣如此而又不敬則既
無當於主之位又有以慢客之來必且終陷於險夫
非上之大失乎敬之終吉則主雖不常客有正輔斷
非終入于穴而不出者故得終吉三人皆陽剛正人
君子之客非泛泛者比上雖陰然象雲上于天亦是
大理路上人所以有君子之客不速而至敬之終吉
慢之終凶可知敬之未大失慢之有大失可知屯建
侯蒙求我需敬客爲仁由已以友輔仁之義備矣

四聖一心錄

卷之一

需

四七

訟有孚窒惕中吉終凶利見大人不利涉大川象曰訟
上剛下險險而健訟訟有孚窒惕中吉剛來而得中也
終凶訟不可成也利見大人尙中正也不利涉大川入
于淵也

訟有孚窒窒止也有孚則訟止矣至誠而不動者未
之有也惕中吉中剛來得中之中乃人人之中心惕
然自動其中心則不終訟而吉矣終凶卽有孚惕中
之反利見大人大人能使人无訟者不利涉大川教
入立心於易而勿蹈於險之意

四聖一心錄

卷之一

訟

四八

象曰天與水違行訟君子以作事謀始

作事謀事謀自謀也卽所謂見過而內自訟者也始
事不謀到末後來過惡已成雖訟何益是故訟而長
一時了結不得訟而成終身了結不得此所謂下愚
之不移雖聖人與居不能化而入者也

初六不永所事小有言終吉象曰不永所事訟不可長
也雖小有言其辯明也

詩所可詳也言之長也訟而長一時安能辯明得許
多初與四雖違行然承九二得中之剛於事之發端
處見有不是便自廓然收斂忍默得不到長永難辯

去處雖小有言以能謀始必得善終故終吉

九二不克訟歸而逋其邑人三百戶无眚象曰不克訟歸逋竄也自下訟上患至掇也

管仲奪伯氏駢邑三百聖人以爲厚取也人三百戶似非邑之小者以二對五二爲下五爲上如子對父如臣對君二剛來而得中宜无訟然與五之剛中正尙不免於違行寧得无訟以有孚惕中故能不向君交身上訟還歸而向子臣身上訟凡屬不孝不忠等私意盡行除去盡數逋逃而竄伏曰无眚雖如此自訟于子臣之分不能加得分毫僅可免患而已

四聖一心錄

卷之一

訟

聖元

六三食舊德貞厲終吉或從王事无成象曰食舊德從上吉也

陰以從陽爲德自來如此故云舊德三之食舊德主於以陰從陽以下從上堅貞危厲毋敢怠逞其能改過必矣不終吉乎從陽之陰即致身之臣或從王事惟以自卑爲臣之分耳寧有成功之可居无成而功名之志薄食德而仁義之飽淡即險以居易應健以自強雖居訟體而无訟事終吉之道也

九四不克訟復即命渝安貞吉象曰復即命渝安貞不也

不克訟而歸不克訟而復歸與復俱是反求諸其身四與初違行不訟初而自訟復而即命渝而安貞如爲父止慈爲君止仁惟務自盡於臣子身上亦求之甚恕此非四之吉乎象明之曰不失以四居陰應陰幾如上之入于淵但以剛居健始作急回復於正理故能不失

九五訟元吉象曰訟元吉以中正也

九五之訟正利見大人之訟父義於訟之上不加聽字何可斷其爲聽訟五剛中正二剛得中子違汝弼若戒臣規吁咈都俞可否獻替虎爭殿上色動朝端

四聖一心錄

卷之一

訟

五

事有相拂而實相成皆五之元吉之訟也不然如虞芮止爭於文王角才明僞於召伯亦豈聽之而得其平然乎

上九或錫鞶帶終朝三褫之象曰以訟受服亦不足敬也

凡人自身上純是陽剛到底无可訟便是終吉帶了陰柔到底有可訟便是終凶終吉之訟大人達諸天終凶之訟小人入于淵上九居陰應陰與陽剛中正之尙到底相違身上到底不乾淨到底被人有是非可訟所謂終凶所謂入于淵者如此之人縱使受鞶

帶命服之榮可鄙可賤可輕可慢殊甚又何足敬之
有若曰訟勝而受命服之賞則古來似無此事但以
明終凶之戒可耳

四聖一心錄

卷之一

訟

五

師貞丈人吉无咎彖曰師衆也貞正也能以衆正可以
王矣剛中而應行險而順以此毒天下而民從之吉又
何咎矣

九二一陽自人得之爲正理自天賦之爲正命大君
奉此以命將大將奉此以帥師君子奉此以容民畜
衆允可以稱民之師帥不止與兵戎之師然後謂之
師貞正也正已也能以衆正正已而物正也不能正
已如衆正何正已而衆正乃王者之師故云可以王
剛中而應二之一陽足以應上下五陰而使之正行

四聖一心錄

卷之一

師

五

險而順行此以此毒天下而民從之以以此從從此
象曰地中有水師君子以容民畜衆

暴亂不除則民无所容而衆无以畜畜止也養也
初六師出以律否臧凶象曰師出以律失律凶也

君子懷刑君子行法凡師于未出之先者皆律也臧
在已者也若欲以不臧之身出无失律之師已則不
律焉能律人此失律而凶者耳初承二故无不律以
質陰故恐其失

九二在師中吉无咎王三錫命象曰在師中吉承天寵
也王三錫命懷萬邦也

二得師之中二之吉卽初之律與臧吉无咎卽何用
不臧天降下民作之君作之師唯曰其助上帝寵之
四方上有湯武之君應天順人而興昭受天寵伊呂
佐之以安民濟世爲心得師中之吉道是順承天寵
以致之於湯武也果何咎乎王三錫命王者之師將
奉天以承寵於王王奉天以錫命其將以此除暴亂
綏萬邦師之所至若時雨降民大悅萬邦孰不懷而
歸也懷萬邦則小人之亂邦者必勿用矣

六三師或輿尸凶象曰師或輿尸大无功也

輿尸程子謂之衆主或將相不調和或如相州九節

四聖一心錄 卷之一 師 聖

度之師而不爲置大將皆是九二剛中而應師出於
一三處衆陰之中中不正乘在二上不肯受二節
制師既不貞又非丈人以帥之或蹈不測之險以毒
民於死亡幸而有功亦所喪甚多故云大无功

六四師左次无咎象曰左次无咎未失常也

陽左陰右左卽二之剛中之地左次自右而退於左
以左爲次若舜之舞干苗格文之囚囂崇降皆退而
增修其德者也四貞而未中必左次然後不失其常
陰以從陽爲常也

六五田有禽利執言无咎長子帥師弟子輿尸貞凶象

曰長子帥師以中行也弟子輿尸使不當也

師以二之剛中爲貞五與之爲正應二在中五行其
中當敵加於己之日興奉辭伐罪之師任長子以爲
之帥何其當乎然以質陰恐其信任長子之心未免
疑似二三故又以使不當爲戒弟子上下五陰皆是
不必指定三與四古者將在軍君命有所不受但憑
藉自己陰柔之見失於張主太過而欲從中以制卽
是弟子輿尸貞凶正乎凶也

上六大君有命開國承家小人勿用象曰大君有命以
正功也小人勿用必亂邦也

四聖一心錄 卷之一 師 聖

命謂天命大君有命開國承家如武王當四海毒痛
之日奉順天命以興開國之師如宣王當徽狁內侵
蠻荆背叛之日奉順天命以興承家之師皆要用丈
人任長子然後爲師之貞而可以正天下象明之曰
正功謂行師之功期以正天下也天下正而師止矣
小人邀功生事貪功稔禍安能以正天下爲心故在
所勿用若用之開國必亂其國用之承家必亂其家
上六居陰應陰與九二之剛中不相應全是功利全
不能正故特嚴小人勿用之戒

三三

比吉原筮元永貞无咎不寧方來後夫凶彖曰比吉也
比輔也下順從也原筮元永貞无咎以剛中也不寧方
來上下應也後夫凶其道窮也

比吉也凡物孤則危羣則強比所以吉也原初也筮
求也元永貞即九五居中得正之陽剛陽剛之德在
人爲元猶其有首原來能反已自求不失此元善之
德而長承正固以要其所終然後可以親諸侯比萬
國而无咎不寧方來寧荒寧也來來應也自強不息
在我要使上下五陰俱源源而來以比五然後吉後

四聖一心錄

卷之一

比

五

夫與原筮反後而失之便是荒寧便有不來以此言
比比道遂窮寧得長承而堅貞乎其凶必矣

象曰地上有水比先王以建萬國親諸侯

親諸侯即所以親民五之顯比正明德親民之學也
初六有孚比之无咎有孚盈缶終來有他吉象曰比之
初六有他吉也

六爻皆以比五爲主詩寧莫我有有他有五也凡比
之道必有孚然後无咎以初比五遠不相應故貴積
有盈缶之孚自始至終而終來舍已從五而有他然
後爲初六之吉

六二比之自內貞吉象曰比之自內不自失也

比之自內以己之柔中正應五之剛中正門內有君
子門外君子至乃比其在坎而非比其在人者何至
自失程子曰自內謂由己如伊尹武侯救天下之心
非不切必待禮至而後出也汲汲以求比非君子自
重之道乃自失也

六三比之匪人象曰比之匪人不亦傷乎

君子小人之心分只在義利公私之間三不應五出乎
君子必入乎小人乘二合初交四應上皆傷害之匪
人也雖不言凶咎凶咎大矣君子居必擇鄉遊必擇

四聖一心錄

卷之一

比

五

士非有嚴於匪人之戒哉

六四外比之貞吉象曰外比于賢以從上也

四視三以下皆不賢惟五爲賢不內比而外比不從
下而從上比之正也吉之道也何也見賢而從必見
不賢而省外比于賢以親其在人必能內不自失以
貞其在己比道曷以尙焉

九五顯比王用三驅失前禽邑人不誡吉象曰顯比之
吉位正中也舍逆取順失前禽也邑人不誡上使中也
已之比人人之比已稍涉于私便是偏黨或能信之
於昭昭不能不喪之於冥冥或能欺於公庭之君子

不能喻於私屬之小人九五之顯比逆而去舍之順而來取之親已與否任其在人初不曲從苟合以求人之比已也此則无私得正己之盡至中妙應物之感邑人不誡而其於君子也不占有孚矣

上六比之无首凶象曰比之无首无所終也

首即陽剛中正之九五象所謂原筮之元也比之无首以上居五外與五不應自以爲安而不來甘爲人下而後之與初之終來正相反故云无所終而凶

四聖一心錄

卷之一

比

五

三三

小畜亨密雲不雨自我西郊象曰小畜柔得位而上下應之曰小畜健而巽剛中而志行乃亨密雲不雨尚往也自我西郊施未行也

密雲不雨自我西郊正小畜之象假如有些雲起便下雨不過數點便了惟密布其雲如詩之所謂上天同雲不輕易下雨這雨自然來得大人之所畜皆當如是若稍有所得便搬出來用或南征北伐或東馳西騖源既不涸流安得長膏既不沃光安得燁本既不盛末安得茂今且從我西郊收斂地方藏而又藏

四聖一心錄

卷之一

小畜

五

蓄而又蓄密切精細體認天理纖毫不致疎漏放過其何患於施之不大行也乎昔吾夫子問禮於老聃問官於郯子仕行可於季桓子都是小畜學問東陽西陰西郊之取象只就六四一爻上生義乾是小畜內體從我西郊有過欲存理工夫循理樂天氣象象曰風行天上小畜君子以懿文德

卦有離象故云文德君子要畜到美在其中而暢于四支發于事業和順積中而英華發外地位

初九復自道何其咎吉象曰復自道其義吉也

柔得位而上下應之曰小畜初九以得正之剛應得

位之柔陰陽正應藉六四切磋之功復自己剛正之道何咎之有

九二牽復吉象曰牽復在中亦不自失也

程子謂中重於正二中四正以二之中牽四之正以爲復則可因中以得正亦不自失其正也

九三輿說輻夫反目象曰夫妻反目不能正室也

四是得位之柔三應之有夫道然過剛不中而妻則甚正苟能相取以爲畜便是得了內助之賢乃以剛自恃冥行妄作不取其正便是迷復之凶其能有攸往之利乎到行不得時被四反目而視之且將有乘

四聖一心錄 卷之一 小畜 五元

夫之患矣何能以正室也

六四有孚血去惕出无咎象曰有孚惕出上合志也

四居位得正上下五陽象君子俱應之以爲畜若專於畜人而忘自畜又何以爲四乎四虛中爲有孚之象以其陰柔爲血而務抑其血氣之私以進之於德性用事之純忠告以導友而不至於取友之辱至誠以告君而不至於致君之懟然後爲正是有孚於血之去也以一陰畜五陽或以不勝爲憂然一正可以孚于邪一誠可以消百僞大師可克同心舉世沮之而必爲孤忠可矢報主天下非之而不顧是有孚於

惕之出也如此則不以己之得正爲足而務上進以合衆君子之志其何咎乎

九五有孚攣如富以其鄰象曰有孚攣如不獨富也

三四反目夫不夫妻不妻也五四攣如四有孚以上合五有孚以下交夫夫而妻妻也德不孤必有鄰五陽剛中正應得位之柔而相取以爲善日邁月征日就月將无所不畜无所不有身安之富既在五矣而寧自私其有乎五居尊剛中而志行既能感孚得六四一陰之心來豈不能感孚得上下四陽之心來是則一人之心通乎上下諸君子之鄰以爲心一人之

四聖一心錄 卷之一 小畜 辛

富公乎上下諸君子之鄰以爲富夫豈獨富而已哉

上九既雨既處尚德載婦貞厲月幾望君子征凶象曰既雨既處德積載也君子征凶有所疑也

小畜到上九則不雨而雨不反目而處既雨則陰陽和既處則夫婦正可尚之德積有一載矣不其厚積矣乎但小畜之義以應六四爲主六四得位居正婦既貞矣又能危厲以持之方是月幾望而可滿其貞德之量此爲四戒也書疑謀勿成詩他山之石可以攻玉五陽君子藉四以裨己則可推己以附四則不可爰言征凶言君子如不能自復其道或至倒入在

四之陰柔類中去是其內也象明之曰有所疑謂如初之復則明如土之征則暗明無疑暗有疑也此如內助之賢固亦君子之所亟取然至於失其制義之道而從婦使婦可以疑夫又豈不為內哉此為諸君子戒也彖曰柔得位而上下應之應而自復為孚應而失己為疑孚者成其為畜疑者不成其為畜言征凶則復吉可知以復反觀征凶之義思過半矣

四聖一心錄

卷之一

小畜

奎二

三三

履虎尾不咥人亨彖曰履柔履剛也說而應乎乾是以履虎尾不咥人亨剛中正履帝位而不疚光明也

私滅公欲滅理虎咥人六三一柔履進於剛兌說而應乾剛純是一團天理不為半毫私意所剝蝕我去踏伏倒虎毋容虎來咥我此履之所以亨也履帝位而不疚直是履到克配上帝地位雲峯胡氏曰人之涉世多是危機不為所傷乃見履道易之危辭莫危于履虎尾之辭故九卦處憂患以履為首

象曰上天下澤履君子以辨上下定民志

四聖一心錄

卷之一

履

奎

上天下澤履進上而天固是天退下而澤說應乎乾亦是天上下皆天君子之志之所以定也而以辨上下者定其民志則上者如天之不可以為澤下者如澤之不可以為天身雖貴无其爵不敢服其服家雖富无其祿不敢用其財上下辨然後民志為有定故辨者人之義也所以異於禽獸也

初九素履往无咎象曰素履之往獨行願也

初以剛履剛一團天理无纖毫物欲之染謂之素履君子素其位而可行此獨行願與獨遠實相反獨遠實人皆得而我失之者也獨行願人皆失而我得之

者也

九二履道坦坦幽人貞吉象曰幽人貞吉中不自亂也天理上不容加一物无纖毫險阻无纖毫暴著故言坦言幽皆所謂道也履道之人自有一段收歛沉潛氣象悖道之人自有一段恣睢暴戾氣象故幽人與武人亦正相反初獨行願不願乎爲三二中不自亂亦不亂於其爲三

六三眇能視跛能履履虎尾咥人凶武人爲于大君象曰眇能視不足以有明也跛能履不足以與行也咥人之凶位不當也武人爲于大君志剛也

四聖一心錄

卷之一

履

三

聖人未見蹈仁而死豈有履乾而見傷害者虎咥人卽指三言三伏乾後故以象尾履虎尾要用全力踏伏倒虎不是輕犯得的三不中正柔而志剛眇跛之人自任能視能履多見其昏惑顛躓以死而莫之救也

九四履虎尾愬愬終吉象曰愬愬終吉志行也

四履三正是虎尾自上履下雖无不勝然而君子之心到底戒慎恐懼一息尙存此志不容少懈者故愬愬然後終吉

九五夬履貞厲象曰夬履貞厲位正當也

夬履決盡陰柔以爲履又堅貞危厲以持之正象之所謂剛中正履帝位而不疚光明者蓋人之所履稍有一毫陰柔之私牽滯不決便是疚便欠光明如五之夬又貞又厲固无不決之病亦何所恃而傷象明之曰位正當履至九五光明无疚抑何其甚正也哉抑何其甚當也哉

上九視履考祥其旋元吉象曰元吉在上大有慶也

三履上柔志剛眇視跛履而有咥人之凶視履皆成哉者上履三剛踐柔天理流行私欲淨盡以視則足以有明以履則足以與行視履皆成祥者視履成祥

四聖一心錄

卷之一

履

畜

周旋以天折旋以天應乾而能旋乎乾大有福慶之履也

泰小往大來吉亨彖曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也
象曰天地交泰后以財成天地之道輔相天地之宜以左右民

仁者以天地萬物爲一體天地萬物莫非已也財成輔相匪離已而求之天地若離已而求之天地把甚麼來爲之財成爲之輔相須是與天地合德之后以左右民天地之道人人之道也天地之宜人人之宜

四聖一心錄

卷之一

泰

奎

也后不過左右之而已蒙山陳氏曰孔子不得位刪述垂憲卽是財成輔相處

初九拔茅茹以其彙征吉象曰拔茅征吉志在外也

拔茅之義聖人明言志在外指外卦小人言也天下之不泰全以小人盤據爲患誠拔去其根而盡亡其類非開泰之最初一義乎其云征吉言如是征行則吉也是故泰初之茅以拔人否初之茅以自拔泰之小人在外否之小人在內也

九二包荒用馮河不遐遺朋亡得尚于中行象曰包荒得尚于中行以光大也

泰時所尚中行之道只在處置外卦小人處置小人得中人可使爲君子此泰治之所以益開也二剛健得中君臣道合上下志通登顯君子而亦非忿疾小人其有一長可取則取之而不概棄其生平其有片善可錄則錄之而且盡忘其他穢有包荒之象泰之世或以閒暇而偶豐亨豫大之說或以无虞而獻遊

淫觀逸之諛皆泰河之溺人者二正色立朝憂盛危明絕險之必踰而大川之必涉有馮河之象計安於內慮周於外无以巧令之微而不畏无以側陋之隱而不揚有不遐遺之象日進君子而匪以同己日遠

四聖一心錄

卷之一

泰

奎

小人而匪以異已有朋亡之象如此光明用心正大行事中行之道无以尚茲矣

九三无平不陂无往不復艱貞无咎勿恤其孚于食有福象曰无往不復天地際也

聖人爲戒必於方盛之時三處平極應上能无陂上處往極應三能无復天地際際之爲言極也當此際極之時全在艱貞方得无咎所謂艱亦只是艱於尚中行所謂貞亦只是貞於尚中行如此則雖无平不陂可勿憂其陂矣雖无往不復可勿憂其復矣豈不食福也哉

六四翩翩不富以其鄰不戒以孚象曰翩翩不富皆失實也不戒以孚中心願也

初應四以拔去小人爲義四應初以登進君子爲義翩翩不富鴻冥鳳舉翱翔霄漢之上豈獨山林高尚之士有之舜禹有天下而不與伊周相天下而不居其功皆所謂翩翩不富也皆失實者盡失其實如周公叔父之親冢宰之尊勳勞之大盡數遜讓不居惟吐握以來天下之士書臣哉鄰哉鄰哉臣哉以其鄰以用也謂用賢也不戒以孚大臣能用天下之賢則天下之士皆悅而願立於其朝也若謂言不富者皆

四聖一心錄

卷之一

泰

奎

陰爻家人六四富家大吉非以陰爻而言富乎陰既云虛原未有實何名失實既皆失實氣力俱已消索何能合交以害正道

六五帝乙歸妹以祉元吉象曰以祉元吉中以行順也帝乙殷之賢君帝女下嫁明章婦順自帝乙始故取以爲虛中任賢之象初拔茅二包荒三艱貞皆以防外之小人四以鄰相爲天下擇百執事之賢五行順君爲天下擇相皆以任內之君子君子滿朝小人遠去元首明股肱良庶事康諸福之物可致之祥莫不畢萃於雍熙太和之朝二帝之所以帝三王之所以

王隆此道耳諸本或作行順或作行願上居中順之體行順近之

上六城復于隍勿用師自邑告命貞吝象曰城復于隍其命亂也

城復于隍便要師鑿斯池而築斯城與民守之如啟之征有扈如高宗之平荆楚如宣王之伐玁狁征蠻荆再開夏商周之泰此大聖人之作爲用上六之師者也若有扈荆楚玁狁蠻荆之師不用止於自治其邑天下之亂其何極也亦可吝之甚矣故云貞吝象曰其命亂也言自邑告命乃亂道也卽貞吝之謂

四聖一心錄

卷之一

泰

交

也

三三

否之匪人不利君子貞大往小來彖曰否之匪人不利君子貞大往小來則是天地不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也

易爲君子謀不爲小人謀否六爻皆言君子易否之事大抵陰陽剛柔君子小人常相半亦不並立小人可使爲君子世道便自否而復泰君子或墜爲小人在內有害於君子之正道大往小來所以否也

四聖一心錄 卷之一 否 完

象曰天地不交否君子以儉德避難不可榮以祿

君子見害不避所惡有甚於死故患有所不避曰避難不類於偷生全軀之士乎曰邦无道危言危行默足以容徒取殺身而无救於君則君子之所不貴也末世士人以酣於利祿爲榮利在而趨害至而避豈君子儉德避難之義哉

初六拔茅茹以其彖貞吉亨象曰拔茅貞吉志在君也內小人而外君子以全象論內三爻皆小人也以一爻自爲一義論爻者言乎變者也初居陽剛君子之位應九四陽剛君子之德其動而變也爲能自拔其

陰柔之根盡去其陰柔之類當否而利君子之貞所志絕乎在君其不轉凶而爲吉易否而爲亨乎

六二包承小人吉大人否亨象曰大人否亨不亂羣也內三爻爲小人之羣然二以陰柔中正應五陽剛中正其動而變也爲能包承包實能容之承以節取之如此雖與小人爲羣初不亂於其羣而有所轉移變化於其間小人可使爲君子大人所以處否而能亨此道行也其吉也宜矣

六三包羞象曰包羞位不當也

羞恥己之不善也三陰柔位不當於中正有愧於初

四聖一心錄 卷之一 否 半

與二之吉亨故可羞以居剛應剛故能包三之包羞取其不善則必有以進於善陽日長而陰日消斯不終於否也已

九四有命无咎疇離祉象曰有命无咎志行也

四應初柔如彌子以衛卿要孔子孔子曰有命進以禮則成休否之功退以義不失否亨之道進退皆得行其志故云志行疇離祉四既有以自處豈无所以處人處人不失其道遂能使小人之類皆轉禍而獲福與初之拔茅貞吉正相應

九五休否大人吉其亡其亡繫于苞桑象曰大人之吉

位正當也

小人道長君子道消故否九五居陽剛中正君子之位既正且當所謂有大人者正己而物正自然能轉移得內卦小人來使小人之道不傾而自消故云休否其亡其亡繫于苞桑終以內有小人之故新都楊氏曰苞桑非同結之物蓋古人朽索六馬虎尾春冰之類也陸宣公收復河北後請罷兵狀云邦國之枕惺綿綿聯聯若苞桑緩旒幸而不殊者屢矣此得其解

上九傾否先否後喜象曰否終則傾何可長也

四聖一心錄

卷之一

否

十一

泰否相尋以人事勝不以天道勝否終則傾非以否極則不可長而自然能傾傾以上九之陽剛君子握其開泰之權於在我勿使世道之長否耳先否後喜與先事後得先難後獲之義同程子曰反危爲安易亂爲治必有陽剛之才而後能故否之上九則能傾否屯之上六不能變屯也

三三

同人于野亨利涉大川利君子貞彖曰同人柔得位得中而應乎乾曰同人同人曰同人于野亨利涉大川乾行也文明以健中正而應君子正也唯君子爲能通天下之志

人人同得乎天以爲人通天下之人同一天亦通天下之人同一人何爲有不同有不同乎人者以人滅天以欲勝理係累於陰柔比暱之私情耳陰柔比暱之私指六二一爻以明其義五爻皆陽剛唯六二一柔間於其中所以有不同然六二之柔乃得位得中

四聖一心錄

卷之二

同人

一

而應乎乾者也以中正之柔應全體之乾則人欲淨盡无適而非天理之流行以斯同人四海吾家八荒吾聞六合吾人豈非同人于野而得其亨者乎天下大同則無論安常處順以之當險阻共患難大川之涉何不利乎此君子同人之正道君子之所攸利也曰應乎乾曰乾行曰文明以健中正而應可見六二一柔又卦內文明之主爲能達觀天人之介洞晰理欲之幾本之以至明而運之以至健與乾健全體無不應令則微內微外皆歸乎天我一天矣天一我矣天人一理更無分別通天下之志爲一志同天下之

人爲一人孰非君子同人之正道哉同人之亨亨此
同人之利貞利此貞此

象曰天與火同人君子以類族辨物

天與火同人要同人豈是勉強同得的須先就自己
本心之天光明起人人同此天何故同不來只緣被
那陰柔類族牽引陷溺翳蔽本心之天失了文明之
火無與爲辨所以同不來君子以非我族類其心必
異以類而辨毋使陰陽之混淆以族而辨毋使公私
邪正小大之倒置天得火而明火應天而健君子之
所以同人有如此亦全在一柔爻上生節目

四聖一心錄

卷之二

同人

三

初九同人于門无咎象曰出門同人又誰咎也

君子同人之正道原來成不獨成立必俱立達必俱
達若但閉了門獨爲君子則蘧伯玉恥焉况六二得
位得中卽在初九門外與初九不甚隔遠忍絕之
而不與同初九出門而同之貞无我之公廣與人之
量惓惓汲引與之利涉大川而共登康莊將內無失
己外無失人矣又誰得而咎之誠齋楊氏曰吾與人
易嘗不同隔之者門也吾一出門則天地四方孰不
吾同者

六二同人于宗吝象曰同人于宗吝道也

二與五中正而應非其係於私者有子曰因不失其
親亦可宗也宗主也非黨也後之儒者多論宗旨卽
此于宗之宗夫子焉不學而亦何常師之有便見夫
子之同人未嘗有宗二專宗五不及衆君子微有吝
道耳非正吝者比也

九三伏戎于莽升其高陵三歲不興象曰伏戎于莽敵
剛也三歲不興安行也

三欲同二而剛不中便是自己之鹵莽處須先伏戎
以自敵而不務於敵二所謂攻其惡无攻人之惡也
伏戎與卽戎反專務敵人便是卽戎專務反己便是

四聖一心錄

卷之二

同人

三

伏戎升其高陵三歲不興三處二上有高陵之象既
伏戎自治將此身升進高陵之上至於三歲之久戎
兵常伏而不興猶云三年學不至于穀也象曰安行
言如此我此身步步是高陵脚脚是實地便是應乎
乾便是乾行應乾以行寧有不安之患哉故謂之安
行安己所以安人其十二也不言同而自無不同矣
九四乘其墉弗克攻吉象曰乘其墉義弗克也其吉則
困而反則也

三以近比乎二爲莽四以高出二上爲墉以四之高
下視乎二乘高攻下挾貴交人此非君子之同人也

承端弗攻以義自克好人之善忘己之勢尊人之德
自牧以卑四之吉也象明之曰困而反則處高則反
己甚難自廣則乘人甚易非困苦著實反求循乎剛
克柔克之則亦何能有得於同人之義乎三安行安
己所以安人人可使之同行四反則則己所以則人
人可使之同則是爲君子同人之正道卦於三四兩
爻不言同以明人无不同有不同者皆由己之不至
也

九五同人先號咷而後笑大師克相遇象曰同人之先
以中直也大師相遇言相克也

四聖一心錄

卷之二

同人

四

二同五爲吝以其不應全乾之體而獨有所宗也以
五之剛中正同二之柔中正何爲而號咷又何爲而
用大師之相克乎蓋五之與二中正而應雖稱二人
同心然終是剛柔異質必也先號咷乎以五之剛中
直二之柔中取二之柔中輔五之剛中至誠懇惻彼
此切劑或大聲疾呼以長鳴之或垂涕泣而道之用
一番大師相克之功然後得相遇合而笑耳繫辭傳
曰二人同心其利斷金斷即鍛也同心之人德相勸
過相規若實切慤透底變化如金之在鎔期於千鍛
百鍊以成其精亦猶朱子所謂到此來須盡翻轉從

新鑄造一番過夫是之謂斷金之利夫是之謂大師
之克到此方是人己並合爲君子足稱二人同心之
誼矣

上九同人于郊无悔象曰同人于郊志未得也

邑外爲郊又距國百里爲郊上與二雖非出門相遇
之同而尚號爲于郊之同以二无宗上之心上亦無
所用其大師之克特油油然與之偕而不自失焉已
耳如所謂不得志修身見於世既有所表見於世則
豈曰獨行其道獨善其身而已乎我有以見於世
必有見於我人或不同於我我无不同於人其迹遐

四聖一心錄

卷之二

同人

五

而其心無所絕焉同也其地遠而其神時有交焉同
也遠而不失其同故无悔未能如五與二之相遇故
明其志未得初无咎以同而有交人已相成故得補
過上无悔以同而无交然初無失已故无所致悔

三

大有元亨彖曰大有柔得尊位大中而上下應之曰大有其德剛健而文明應乎天而時行是以元亨

象曰火在天上大有君子以遏惡揚善順天休命

書云天其申命用休有善无惡人之性也天中之休命也大有剛健文明則全善矣又何惡之可遏所謂惡指六五一柔以發其義德必純乎陽剛然後為純善若是陰柔稍有纖毫未化皆人之惡也君子以離之至明察善惡之幾以乾之至健致遏揚之決其遏之也期於纖惡悉除其揚之也期於萬善畢備斯為

四聖一心錄

卷之二

大有

六

奉順天之美命而所有其無不大乎以六爻大有之義言之初有克艱之大守二有任載之大量三有格心之大忠四有違庸之大德上有履信思順尚賢之祐皆臣道所有之大也五成天下之大信合天下之大交而履天下之大威君道所有之大無以尚茲矣

初九无交害匪咎艱則无咎象曰大有初九无交害也六爻皆以應五為主孟子曰耳目之官不思而蔽於物物交物則引之而已矣此人之所以有交害也初九以陽居陽上應六五之柔而尊其所當尊從其所

以大纖毫不為陰柔物欲所干涉亦無纖毫有所阿徇於其五故无交害而為咎但君子之心若亡若虛不以己之有善无惡而生慢易不以五之尊位大中而忘儆戒故必克艱然後无咎曰艱則无咎見不艱則不免於有咎矣

九二大車以載有攸往无咎象曰大車以載積中不败也

柔得尊位大中二與之為正應以二載五毋為五載至誠感動盡力扶持厚積其剛中之德而有攸往則可以納君於軌物可以範馳驅於天下之臣民可以

四聖一心錄

卷之二

大有

七

通道於九夷八蠻可為指南以施諸後世無往而不利矣奚其敗

九三公用亨于天子小人弗克象曰公用亨于天子小人害也

三之亨五如同人之五大師克二而遇之孟子曰惟大人為能格君心之非九三有焉小人害承无交害來言小人則交害而已豈惟弗克哉

九四匪其彭无咎象曰匪其彭无咎明辨哲也

四明體以明應五為之明理義以致其知為之杜蔽惑以誠其意守初之艱大二之載用三之亨永上之

肅而不自張其功伐非其明哲煌煌辨之早辨哲之至哲何以幾此

六五厥孚交如威如吉象曰厥孚交如信以發志也威如之吉易而无備也

五虛中以交上下之賢其志之所發皆信也詩所謂成王之孚者也威如之吉乃文明之德在我明白顯易如日月光昭自然有以畏服人之心志非有假於刑驅勢逼之威者故云易而无備

上九自天祐之吉无不利象曰大有上吉自天祐也

六五虛中爲信坤體爲順既信且順爲賢上九履五

四聖一心錄

卷之二

大有

八

之信以陳信於五思五之順以將順於五如此其尊尚信順之賢君而奉天命以祐助之是蓋臣之上理察相之大忠也吉无不利順天休命則天亦順之應天時行則天亦應之不亦宜乎

三三

謙亨君子有終彖曰謙亨天道下濟而光明地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也

謙與盈反盈者有而有謙者有而無孔之何有於我顏之若无若虛真切道理是如此君子有終非先屈後伸之終乃原始要終之終若謙而無終亦不足以爲君子矣

象曰地中有山謙君子以裒多益寡稱物平施

四聖一心錄

卷之二

謙

九

地中有山坤順之中有艮止大學所謂在止於至善盡夫天理之極而無一毫人欲之私者也君子以裒多益寡稱物平施卦中陰多陽寡險阻不平君子在天理人欲上劑量多寡裒去人欲分數之多增益天理分數之寡裒九三陽剛一爻出頭作主若持衡稱物以平其所施蓋從自己心上平非從物上平也乾以易知易平也九三一爻如衡斯平上下五陰不得以低昂輕重於我到家齊國治天下平不過以此平之而已此君子之謙君子所以有終也

初六謙謙君子用涉大川吉象曰謙謙君子卑以自牧

也

謙以九三爲主初居剛艮體止於在下謙而又謙之君子也然終以己之陰柔承二之陰柔爲大川故必用涉大川然後吉涉大川斯有以自濟而庶幾登乎勞謙君子之岸矣若是大川不涉其不流於象恭滔天之僞也者幾希象曰卑以自牧牧卽牧牛羊之牧馴服於卑所以進於高也故曰尊而光卑而不可踰也

六二鳴謙貞吉象曰鳴謙貞吉中心得也

以柔中正順承九三中心所得莫非天理以此爲謙

四聖一心錄

卷之二

謙

十

廼由裏達外根心生色聲實相孚之謙豈聲音笑貌僞爲於外者哉故貞而吉

九三勞謙君子有終吉象曰勞謙君子萬民服也

三艮主成言乎艮高山峩峩上下仰止而伏於至卑之下勞而能謙之象也勞卽稱物平施之勞遠平天下近平家國酌天地虧盈變流之故體神人害福好惡之施皆是君子有終到底不施其勞也若是无終又安足貴昔曰汝惟不矜天下莫與爭能汝惟不伐天下莫與爭功萬民之服不亦宜乎

六四无不利撝謙象曰无不利撝謙不違則也

四處三上三有功且下人四顧可以上三乎撝如手之撝言撝讓乎三以爲謙之則程子所謂動息進退必施其謙是也如是則可望其躋於君子有終之域矣故曰无不利撝謙

六五不富以其鄰利用侵伐无不利象曰利用侵伐征不服也

陽義陰利五又衆陰之主何能不富五之不富以中順居剛有格於不伐不德之君子故能以不富爲謙又以不富之謙公己公人成不獨成達必俱達俾上下四陰皆有所則以爲謙以其鄰也利用侵伐自己

四聖一心錄

卷之二

謙

十一

不富天下有爲富者勞臣能謙天下有炫才矜能或稱其功以加於下或伐其技以憑於上者皆利用侵伐之侵其所當侵伐其所當伐皆所以崇謙道於有終也象曰征不服五君道當防其過於柔巽不服之征卽初之大川之涉也

上六鳴謙利用行師征邑國象曰鳴謙志未得也可用行師征邑國也

上之鳴似與二同二曰中心得上曰志未得何居曰二以承三爲鳴相須有得故云中心得上以應三爲鳴既處陰極又有五四兩陰爲間得無聲音顏色之

有餘而中心實得之不足乎故云志未得志既未得
邑不可以無征邑如得正國亦不可無征行師征邑
初之涉川之利也行師征國五之侵伐之利也初涉
川五侵伐上行師可見一畫陽剛若爲上下陰翳遮
塞而謙非其所謙者險於大川何以不涉甚於寇
亂何以不征謙謙君子謙所當謙兼全天理絕去
人欲兼體陽剛絕去陰柔其於謙也終其義矣不然
弘之東閣非大川乎莽之下士非大寇乎志於謙者
不可以不辨

四聖一心錄

卷之二

謙

十三

三三

豫利建侯行師象曰豫剛應而志行順以動豫豫順以
動故天地如之而况建侯行師乎天地以順動故日月
不過而四時不忒聖人以順動則刑罰清而民服豫之
時義大矣哉

建侯建九四一爻陽剛之侯行師行征伐上下五爻
陰柔之師

象曰雷出地奮豫先王以作樂崇德殷薦之上帝以配
祖考

作樂崇德先王順動之德通於神明克配上帝有素
四聖一心錄

卷之二

豫

十三

樂非徒作而配亦非強合

初六鳴豫凶象曰初六鳴豫志窮凶也

豫利建侯建自己之侯有得於中心之悅也初陰柔
應豫主以爲豫而不勝其志得意滿之樂是安其所
以危樂其所以亡者故窮而凶

六二介于石不終日貞吉象曰不終日貞吉以中正也
柔順中正應剛以行其志建其所建行其所行其介
如石而却幾如神絕無遲留不決之私以牽滯於其
中如此則一掃狗欲之戚而復還循理之樂矣非豫
之最正而吉者乎

六三肝豫悔遲有悔象曰肝豫有悔位不當也

三近四陰不中正不自建侯而張目乎四以爲豫去初之鳴亦無幾必行速悔之師方得免於有悔

九四由豫大有得勿疑朋盍簪象曰由豫大有得志大行也

王乎天理以爲豫四之所以大有得也然豫之四以陽居陰失其位不如謙之三以陽居陽得其位終有疑在必勇決行師以伐去其疑斯五陰之朋盡聚而歸我以爲豫如簪之聚於首矣夫能使上下五陰皆由我之豫以爲豫不曰樂以天下乎故曰志大行

四聖一心錄

卷之二

豫

古

六五貞疾恒不死象曰六五貞疾乘剛也恒不死中未亡也

五應四柔乘剛取四之剛德正己之柔疾疾其有瘳乎有疾故弗豫疾瘳則豫矣恒不死天理之所以常存而人心之所以不死也

上六冥豫成有渝无咎象曰冥豫在上何可長也

陰居豫極侯且滅亡有昏冥之象何可長心死故也以剛應動體故尙能行有渝之師而得免於咎

三三

隨元亨利貞无咎象曰隨剛來而下柔動而說隨大亨貞无咎而天下隨時隨時之義大矣哉

剛來而下柔震初之剛自兌上之柔而來於下以爲隨主以二則隨初以三則隨四以上則隨五以柔隨剛以小隨大隨得其時所以爲大亨之正而无咎也象曰澤中有雷隨君子以嚮晦入宴息

息義從自從心此人之自心以發散之理晦舍在翕聚之中收歛乎陰柔充實乎陽剛從其自心入得所安此澤中之雷晦中之息也蓋人未生居母之腹隨

四聖一心錄

卷之二

隨

五

母呼吸無視無聽惟有一息及其既生神出氣移遂不復守母腹中之一息矣是故凡人之情識未忘機心未絕稍有絲髮外馳而不能入纖毫駭蕩而不能安皆不可謂之入宴息息不入安命非已有此至命君子所以不多見於天下也入宴息卽天下隨時之義天時運行無息人心變化無息隨而進於入宴息心一時矣時一心矣君子時中時措時出孟子稱孔子爲聖之時隨時之義豈不大哉或曰君子無形逸而有心逸亦此

初九官有渝貞吉出門交有功象曰官有渝從正吉也

出門交有功不失也

初隨至人心所主謂之官故孟子曰心之官有淪貞吉初比二稍有適莫而無淪變便失其正無適無莫義之與比貞而吉矣又初四合德動必以正說必以道以此相隨出門而交入固有宴息之功出亦有麗澤之功何失之有昔者趙簡子問羊殖成搏曰其爲人也數變其十五年也廉以不匿其過二十也仁以喜義其三十也勇以喜仁其年五十也爲邊城將遠者復親今臣不見五年矣恐其變是以不敢知簡子曰果賢大夫也每變益上矣是故官有淪變之於始

四聖一心錄

卷之二

隨

十六

成有淪變之於終其義一也

六二係小子失丈夫象曰係小子弗兼與也

陰小陽大小子謂三丈夫謂初與五二承三但少係三之柔必失從初應五之剛是係小子而失丈夫非隨之正也象曰弗兼與係小則失太係柔則失剛偏滯甚矣惡得爲隨時之隨

六三係丈夫失小子隨有求得利居貞象曰係丈夫志舍下也

九四剛居三上爲丈夫六二柔居三下爲小子係上之剛舍下之柔此三之有求於四而得所求者也然

係以言求求而有係寧無不正之嫌故利居貞如初之淪無求而隨謂之貞如三之係有求而隨卽謂之不貞不必係小子爲不貞雖係丈夫亦謂之不貞矣傳與本義皆以失小子爲失初初乃隨卦之主失初則失其所隨之主矣又何以爲隨哉

九四隨有獲貞凶有孚在道以明何咎象曰隨有獲其義凶也有孚在道明功也

大亨貞方盡隨義四上有五下有初彼丈夫此丈夫皆志同道合之君子三有求於四而得隨四不爲三係而應初從五可以謂之貞吉若但以三之從我爲

四聖一心錄

卷之二

隨

十七

獲則四之一身便爲三所係縛雖相求而不謂之孚雖相得而不謂之道其究必至樹黨欺君徇私滅公邪暗甚矣豈不正乎凶乎有孚在道以明有孚於初以交有功有孚於五而不自以爲獲皆道也以明明其道也明其道不計其功自然德日起而大有功矣又何凶咎之可言哉

九五孚于嘉吉象曰孚于嘉吉位正中也

謀曰嘉謀實曰嘉實嘉善也九五何以孚于嘉居正中之位由正中之道合初與四陽剛同德之善而下有六二柔順中正之應上下交孚何莫而非嘉之會

乎此可以言隨之大亨貞矣

上六拘係之乃從維之王用亨于西山象曰拘係之上窮也

有淪者無係無淪者有係係小子係丈夫得失雖殊但有所係即去隨時從正之義遠矣上以陰居陰爲拘係應三爲維係而拘且維則係益甚所從寧有得其正者乎故云窮王用亨于西山方是動無弗說而絕去乎係之病西山借言兌方王借言太王太王遷岐從之者如歸市王業從此亨通何無係如之若拘係維繫於居邠而不免於狄人之難窮而凶甚矣安

四聖一心錄 卷之二 隨 六

所語於隨時之義哉自古人君所從只有一箇天理卽世守之土地亦可舍而去也土地之外其無所係又可知矣初淪上亨皆無係者所以爲隨時初下故云官上上故云王初震主上兌主震來下兌其惟隨之主翁歟這主翁時時嚮晦人安息要其極便是至誠無息地位夫子七十從心卽此隨息之極今人時時馳逐在外何曾一時隨著自心而有安息之期哉

三三

蠱元亨利涉大川先甲三日後甲三日象曰蠱剛上而柔下巽而止蠱蠱元亨而天下治也利涉大川往有事也先甲三日後甲三日終則有始天行也

甲言日之始猶言元爲善之長先甲三日後甲三日先天而天弗違後天而奉天時到底不失此元善之始非體天行之健者不能故云天行先後三日六爻之動三極之道要終原始不出六畫成卦六位成章之間以此治天下謂之國家之令甲三年之治必世之仁皆此貽之天下之蠱所以無不治也

四聖一心錄 卷之二 蠱 九

象曰山下有風蠱君子以振民育德山下有風民風日趨於柔下則剛德日至於敝壞蠱之象也君子以振起柔下之民育養剛上之德起敝維風莫加於此矣所謂蠱元亨而天下治罔如此初六幹父之蠱有干考无咎厲終吉象曰幹父之蠱意承考也

言父又言考考者父有成德之稱乾稱父坤稱母宇宙內事皆乾父坤母之事皆吾分內之所當有事初在巽柔下體其性務入幹蠱而至於暴揚前人之短則未免使其考居於有過之地若此者謂之不順乎

親不可以爲子安得稱爲有子惟能巽居剛位振起柔德有隱無犯起敬起孝先意承志而諭親於道如此幹蠱斯稱有子而考得无咎孟子曰事親若曾子者可也而不以曾子之孝爲有餘然則冰淵戰兢死而後已其曾子之所以爲厲而終吉乎

九二幹母之蠱不可貞象曰幹母之蠱得中道也

二居巽體柔位之中如子服母事以剛巽柔得乎幹治之中道者也若以剛正柔矯拂傷恩則不合乎道之中矣不可貞求其中也非廢剛而用柔也

九三幹父之蠱小有悔无大咎象曰幹父之蠱終无咎

四聖一心錄

卷之二

蠱

干

也

三之幹蠱似與初同而三不設有子之戒者初柔三剛初不得正三得正也王湘卿曰三過於剛爲臣則爲諍君之臣爲子則爲諍父之子諍則有不順之名故小有悔然不陷君父於不善故无大咎幹蠱者寧過剛而悔無寧過柔而吝其庶幾乎

六四裕父之蠱往見吝象曰裕父之蠱往未得也

以陰居陰應陰失其利涉之勇故不免於裕裕與幹反幹蠱不中且有悔况其裕乎象曰往未得甚言裕蠱之非計也

六五幹父之蠱用譽象曰幹父用譽承以德也

初承父意卽所謂善繼人之志五承父德卽所謂成文武之德皆在自己身上討分曉其云幹幹乃自己植立身子先後三日之甲也初巽剛心之所發都是立身行道顯親揚名中事尙未成德故止云意承考又必厲而終吉五應二柔中剛克篤實與剛健合德以德幹父其有譽於天下固其所哉

上九不事王侯高尙其事象曰不事王侯志可則也

蠱乃有事之秋上九未嘗在事外乃以艮剛獨立巽柔之上所謂常伸萬物之上者士何事曰尙志上九

四聖一心錄

卷之二

蠱

主

以高尚之事爲其志固將移易一世之人而返之古挽回萬世之風俗而歸于淳何在拘拘譚譚大王小侯運量之間此上下與天地同流六五帝而四三王高出人間尙友千古之事象故明其志可則也子曰巍巍乎舜禹之有天下也而不與焉不與天下舜禹所以開天下之泰不事王侯君子所以治王侯之蠱其事同其志同

臨元亨利貞至于八月有凶彖曰臨剛浸而長說而順剛中而應大亨以正天之道也至于八月有凶消不久也

至于八月有凶不必向卦外求索如以遯爲有凶遯云亨以觀爲有凶觀以中正觀天下似不必借別卦以幫補臨義夫子曰消不久若是經歷八箇月應有許多時何得言不久三月尙言久况八月乎八月即指兩卦六三一爻以發其義六三爲兌主八月卦氣屬兌爻之所謂甘臨孟子所謂驩虞之霸王道幾于

四聖一心錄 卷之二 臨 三

滅息故云有凶剛浸而長未幾再長一剛便泰而亨故云消不久

象曰澤上有地臨君子以教思无穷容保民无疆

初九咸臨貞吉象曰咸臨貞吉志行正也

咸之以無心曰咸初剛正四柔正四以正求初初以正應四以此相咸而爲臨得獲上治民之正道貞吉宜矣

九二咸臨吉无不利象曰咸臨吉无不利未順命也

二正是浸長之剛與五相咸以爲臨二以剛中輔五五以柔中任二至誠相咸是以吉无不利象曰未順

命五順體二說體五惟順其所可說二亦說其所當順乃其精神之感意氣之孚之順初不由於順上之命也其行君令而致之民亦若是而已矣

六三甘臨无攸利既憂之无咎象曰甘臨位不當也既憂之咎不長也

甘與咸反三陰柔不中正爲說之主而當上交之時位或有所阿於四或有所逢於五皆謂之甘夫甘小人之交也甘以臨民違道干譽且無所不至矣其何利乎然以近浸長之剛故可望其反甘而爲憂六四至臨无咎象曰至臨无咎位當也

四聖一心錄 卷之二 臨 三

以正應剛得至當不易之理上以堯舜其君下以堯舜其民此道行也四所以无咎

六五知臨大君之宜吉象曰大君之宜行中之謂也

五以中順之德應浸長之剛中而用其中以爲中以臨羣臣以臨萬民豈不稱知而得大君之宜若自任其知適爲不知如書所云自用則小者而已耳何以宜其爲大君哉

上六敦臨吉无咎象曰敦臨之吉志在內也

志在內猶記言內心根浸長之剛以爲志而敦厚臨道之終凡尊之臨卑高之臨下而有得乎此皆吉而

无咎之道也臨終益厚絕無八月之內之患矣

四聖一心錄

卷之二

臨

二五

三三

觀盥而不薦有孚顒若彖曰大觀在上順而巽中正以觀天下觀盥而不薦有孚顒若下觀而化也觀天之神道而四時不忒聖人以神道設教而天下服矣

盥而不薦有孚顒若二句一義當其盥手未薦之初有孚誠顯然盛大在上足以交於神明寧不足以爲人之觀乎此觀之象也聖人神道設教神道只是生天地之大德曰生便是天之神道好生之德洽於民心便是聖人之神道觀我生觀其生便是君子之神道朱子曰心者人之神明人而不失其本心則生人

四聖一心錄

卷之二

觀

三五

而失其本心則死生卽神道死卽鬼道聖人盥而不薦有孚顒若以神道設教胥天下而納之並生之域天下所以觀而化也如其不然是以鬼道設教而率天下以攜貳者耳天下惡乎化乎哉

象曰風行地上觀先王以省方觀民設教

君子之德風先王所以觀民全不在條教號令只是有以風之省方觀民設教就是神道如奢則約之以儉儉則示之以禮都從自己身上立標準蓋觀民以設教非令民以爲教此所以爲風行地上觀也

初六童觀小人无咎君子吝象曰初六童觀小人道也

六二闕觀利女貞象曰闕觀女貞亦可醜也

中正以觀天下必陽剛中正爲大人爲丈夫始無愧於在上之觀道初以陰柔居下與五不應二以陰柔居內又爲三四所蔽如童稚之道婉孌卬角使小人賞歎以爲觀寧非君子之吝乎如女子之貞以順爲正使外人竊窺以爲觀寧非丈夫之醜乎

六三觀我生進退象曰觀我生進退未失道也

三未中正然以順極交巽初可以巽入九五之中正反已量度我此生其得免於小人之道而爲君子之觀否乎其得免於女人之醜而爲丈夫之觀否乎如

四聖一心錄卷之二

觀

三

其得爲君子丈夫也則進而行否則退而修若然進必以道退必以道進退皆足以爲人之觀矣

六四觀國之光利用賓于王象曰觀國之光尚賓也

詩曰樂只君子邦家之光又曰既見君子爲龍爲光四得正近五寧非王國所觀以爲龍爲光者乎利用賓于王非朝觀仕進之占天下必有不召之臣然後成其大有爲之君其尊德樂道不如是不足與有爲也故又利在自重而尚賓爲可嘉可樂之君子爲居仁立禮由義之丈夫

九五觀我生君子无咎象曰觀我生觀民也

中正在我神道在我我此生純然君子寧不足以爲觀於天下如五之觀無人無我合天下以爲我而無不生羣黎百姓徧爲爾德觀其在民益可以驗其在我象曰觀我生觀民也以此

上九觀其生君子无咎象曰觀其生志未平也

我親之之詞上九與五爲同德君子寧不足以爲觀于天下但九五當尊上處其外人之觀之疎遠一層未甚親切故不云我而云其象明之曰志未平通天下以爲我者人人君子也志已平不通天下以爲我者獨行其道獨善其身獨爲君子者也志故未平然

四聖一心錄卷之二

觀

三

總非小道女貞之觀而爲君子之觀故无咎唐虞之巢由周之夷齊漢之子陵晉之靖節宋之和靖堯夫之流其神矣乎其神矣乎

噬嗑亨利用獄象曰頤中有物曰噬嗑噬嗑而亨剛柔分動而明雷電合而章柔得中而上行雖不當位利用獄也

六五一陰開乎上四二陽之中六二六三兩陰開於四初二陽之中此頤中之物也噬而噬之則絕去陰柔之私而全體陽剛之德故亨利用獄以之治已以之治人皆以噬而噬之為利剛柔分分剛為陽物分柔為陰物以剛為噬以柔為所噬動而明則噬矣雷電合而章則噬矣柔得中而上行雖不當于初四上

四聖一心錄卷之二 噬嗑 三八

堅剛噬嚙之位然以得中上行之離明顯著震驚百里之震動以得中上行之電章發越驚遠懼邇之雷聲以斯用獄又何不利

象曰雷電噬嗑先王以明罰勅法

明罰勅法即是用獄將頤中所有陰柔之物盡行罰治而寘之於法幼于張氏曰卦言刑獄皆主離明加震威則為噬嗑為豐遇艮止則為旅為賁皆明刑也夫震則動止則慎動無滯獄慎無冤民若中孚之議獄緩死則一於懇惻而威與明不與焉然玩體爻象威明固在其中矣

初九履校滅趾无咎象曰履校滅趾不行也

初與四同德未謂之合德以有間也初四之中有物為間初動而未進於中就是初之小過薄罪乘其未積未大之初噬而噬之雖有惡必止而不行如人滅了趾如何行得去此獄之用於初然也餘五爻皆如此用

六二噬膚滅鼻无咎象曰噬膚滅鼻乘剛也

二在頤中雖本陰物以中正如膚易噬乘初之剛濟二之柔滅鼻而一淡噬之其能以無噬乎故无咎若以噬膚為噬初此則物在頤外以物而噬頤矣奚可

四聖一心錄卷之二 噬嗑 三九

哉

六三噬腊肉遇毒小吝无咎象曰遇毒位不當也

二中正如膚柔脆易噬三不中正便如腊肉堅韌難噬然三所居乃剛位又承九四之剛此就是三的作用若能着力喫緊以噬之或至傷壞其口而遇毒此小吝耳有不噬噬必噬何吝之有

九四噬乾肺得金矢利艱貞吉象曰利艱貞吉未光也

四與初同力噬物四居陰又如自己頤中一塊粘皮帶骨之乾肺噬而噬之方始鍛鍊得精純而得金方能致曲以還吾本來之直而得矢但以居陰未光明

不至而章不合看將來終是一件艱難事能以艱貞爲利而噬之則亦未有不噬而吉矣

六五噬乾肉得黃金貞厲无咎象曰貞厲无咎得當也六五正得中上行之柔明德章體爲能洞見自己本質陰柔總爲頤中一物乾肉必噬而噬之然後中德光大而精純粹美此黃金之所以得也以噬得黃金爲貞而固守勿失以噬得黃金爲厲而勤惕勿忘此五之得當之噬而无咎之道也

上九何校滅耳凶象曰何校滅耳聰不明也

聰不明聖人於象屢言之蓋坎爲耳坎者陷也陰氣

四聖一心錄

卷之二

噬嗑

三

顛蒙而一陽陷入于其中則如掘井得泉而地脉於是乎上通坎所以象水也惟人之耳陷入於體而爲心聰之發竅此而不明方寸之地塊然土塞而已矣寧復有開悟之日乎噬嗑上九雖亦陽剛然以居陰應陰過中失正噬人而不能自噬離明昃而將盡電章微而幾息與震動雷聲遠而不合惡始於微而成於著罪積於小而極於大此何校滅耳莫救其終者也夫獄於初猶可止於微獄於上遂莫救其終然則審聽早圖之計君子願可以不汲汲哉或云初上無位爲受刑之象不知何以言無位且當何人之刑若

云受五之刑是以五而噬上也非頤中有物曰噬嗑之象矣聖人立象以盡意願可混淆倒置如此哉

四聖一心錄

卷之二

噬嗑

三

賁亨小利有攸往象曰賁亨柔來而文剛故亨分剛上而文柔故小利有攸往天文也文明以止人文也觀乎天文以察時變觀乎人文以化成天下

柔來文剛以坤上之柔來文乾中之剛剛之文皆柔順之若見故離明于內而無不亨剛上文柔分乾中之剛上文坤上之柔柔之文皆陽剛之發越故艮止于外而小利有攸往小利有攸往凡日用動靜作止語默之間纖悉無不麗於貞明幾微無不要其所止此攸往之利也即天文也天有列宿皆借日爲光一

四聖一心錄

卷之二

賁

三

天列宿之文孰非日光之分布柔分剛以爲文一身容止之文孰非剛德之輝光文明以止文明各止其所如列宿爲章於天此文也仰其所以爲天文者也觀乎天文以察時變觀乎人文以化成天下一星失次謂之天變一威儀容止之愆不謂之戕及其身可乎觀之察之巨細精粗無毫髮之或愆以人文而合天文則化成天下而賁道盡矣程子曰下離本乾中爻變而成離上艮本坤上爻變而成艮離在內故云柔來艮在上故云剛上非自下體而上也乾坤變而爲六子八卦重而爲六十四皆由乾坤之變也

象曰山下有火賁君子以明庶政无敢折獄

庶政曰明折獄曰无敢无敢之心即書所云惟良折獄之義審之詳發之重也非不聽也

初九賁其趾舍車而徒象曰舍車而徒義弗乘也

內卦柔來文剛故亨初剛在下得二而文明有賁趾之象舍車而徒以北二應四取義蓋以柔文剛則可推剛附柔則不可比二非義之車也應四非義之車也初剛明守義故寧舍之而徒行徒行非安而由義爲安舍車非患而失義爲患其斯爲利有攸往文明以止之賁哉或曰仕謂登車止謂懸車車乘不如徒

四聖一心錄

卷之二

賁

三

步朝市不如丘園皆以義所不在耳

六二賁其須象曰賁其須與上興也

須如印須我友之須二柔來文剛初三皆其所須剛性上進初在二後二或從前須之以鎮其躁三在二前二或從後須之以抑其過皆賁須之象而文剛之義也象曰與上興猶言上進須初與三而與之上進以要其所止以興化成之義於天下至矣哉

九三賁如濡如永貞吉象曰永貞之吉終莫之陵也

三剛過不中下爲二柔所文賁也上爲四柔所文賁也此文之得當賁之光彩而潤澤者也但以一剛居

柔之問易為惑溺若能長承堅貞見之明守之固終不許上下二柔有所侵陵於我然後為吉

六四賁如皤如白馬翰如匪寇婚媾象曰六四當位疑也匪寇婚媾終无尤也

皤白也翰亦白也六四所當以柔居柔乃陰疑之位未免有尤以應初分初之剛文四之柔故得其賁而皤如四乘三三又四之所乘之白馬也人白而馬亦白豈不益增其翰如之光輝乎賁初婚媾也初四相合而勿至於寇傷賁三婚媾也三四相合而勿至於寇傷陰不疑陽柔得剛文賁道善矣夫寧終於有尤

四聖一心錄 卷之二 賁 三五

六五賁于丘園束帛戔戔吝終吉象曰六五之吉有喜也

艮體象丘而上又高上乃剛止之所以五之柔承上之剛以為賁有賁於丘園之象如山林高尚之士尊德樂義囂然無求隱處韜晦而可以成天下敦本尚實之化者又以為實之體應文明之德加以樸實頭略去文飾此何足為五之吝乎乃終吉有喜之賁也以五反觀得意巖廊簞屨夢驕奢暴殄不終凶乎官邪一敗身名俱喪寧無憂乎是故居今之世有舍

車而蹢躅徒行賁園而戔戔為吝者即為之執鞭所深願矣

上九白賁无咎象曰白賁无咎上得志也

上原柔位以剛上文而為賁乃無文之文無色之色故以象其白也以止于上五四二陰自然不得而陵之雖不設承貞之戒而自可以无咎象故明之為得志夫曰皤如曰翰如猶有白之色相至此直言白賁以三上同德涵之為剛明之德斯煥之為陽明之光賁之真體至上顯矣易言白賁詩言素綯孔子從先進以是哉

四聖一心錄 卷之二 賁 三五



剝不利有攸往彖曰剝剝也柔變剛也不利有攸往小人長也順而止之觀象也君子尙消息盈虛天行也

內順外正順而要其所止此便是君子之剝君子之剝不利有攸往以消爲息以虛爲盈法天行之健者也

象曰山附于地剝上以厚下安宅

下有剝于上上惟厚于下生之而不傷扶之而不危節之而不困滿腔子是惻隱之心上以厚下爲安宅也厚如坤之厚安如山之安

四聖一心錄

卷之二

剝

三

初六剝牀以足蔑貞凶象曰剝牀以足以滅下也

六二剝牀以辨蔑貞凶象曰剝牀以辨未有與也

牀人之所藉以安居安寢者陰習之氣用事未有不

蔑其陽剛之德如牀而剝其足剝其辨其能安乎初

所蔑之貞是自己所居之陽剛起初便自絕其天理

吾如有萌焉何哉故曰以滅下二所蔑之貞是自己

所有未順中正之德若是有佐助之友還有開明之

日而所居上下皆未先後莫非小人安得有君子

正入爲之佐助乎故曰未有與

六三剝之无咎象曰剝之无咎失上下也

上下四陰之剝皆以柔剝剛不宜剝而剝者也處

羣陰之中居剛應剛剝之匪上之剝而已之剝乃重

重自剝其柔而匪有所剝乎其剛宜剝而剝者也夫

能如是以剝謂之洗盡鉛華而獨存木質可矣故无

咎

六四剝牀以膚凶象曰剝牀以膚切近災也

剝剝也柔變剛也柔不勝剛何能剝剛適取蔑亡之

禍耳是故觀象而順止反災以爲祥此小人之幸也

初二于上差遠四于上甚近剝愈近而禍愈甚故云

切近災切近之災惟四自取上易故哉

四聖一心錄

卷之二

剝

三

六五貫魚以宮人寵无不利象曰以宮人寵終无尤也

五剝上何能无尤以柔得中而居剛位又爲羣陰之

長若能反其剝剛之習率先自剝以爲下四陰之倡

俾之順序而進如貫魚然用宮人進御于君之道以

承上九之恩寵則不徒五一人能反以自剝而能使

衆柔皆反以自剝不徒五一人能反以自變而能使

衆柔皆反以自變于已固不爲小人于人皆化爲君

子豈惟无蔑貞之內而且有從正之吉豈惟无剝膚

之禍而且有噬膚之慶矣夫寧終于有尤也哉

上九碩果不食君子得輿小人剝虛象曰君子得輿民

所載也小人剝廬終不可用也

碩果不食這碩果原來食不得雖大惡如桀紂其可以爲堯舜之性自在也君子得與衆陰盛長而推剝君子君子因而恐懼修省動心忍性增益其所不能衆陰之所以剝君子乃所以載君子也得民所載即不自失所覆君子之輿亦君子之安宅也已矣若小人遇有摧敗困逆便自焚棄紛擾胥戕胥虐陷于危亡人是之謂剝廬之凶又何安宅之可言哉

四聖一心錄

卷之二

剝

三



復亨出入无疾朋來无咎反復其道七日來復利有攸往彖曰復亨剛反動而以順行是以出入无疾朋來无咎反復其道七日來復天行也利有攸往剛長也復其見天地之心乎

陽復則出入以度故无疾坤言喪朋泰言朋亡朋來而言无咎何曰朋來於復後固無妨也動而以順行習氣雖有查滓未化將不久而自消故无咎反復其道終日乾乾也七日來復朱子云到這裏須盡翻轉從新鑄造一番易六畫而成卦六位而成章過六逾

四聖一心錄

卷之二

復

三

七則乾坤再造日月重光從新鑄造一番過矣不來復乎天行也者天行健君子以自強不息君子之反復來復以天行之健爲行夫豈尋常有息之行乎所謂復者固如此復其見天地之心象山子曰宇宙便是吾心吾心便是宇宙此人人天地之心也惟復然後可見今人但見方寸之心而不見天地之心全是迷而不復耳邵子詩曰冬至子之半天心無改移天心即人心亘萬古而不改移者夫子曰復以自知人這自家主張形骸的一點靈明之知亘萬古而不磨泯者人惟自暴自棄便却似自家無此知一般若能

磨礪得自知出頭作主便是自家受用公案更不必
向古人言句上文字裏做活計

象曰雷在地中復先王以至日閉關商旅不行后不省
方

雷在地中復不必雷出地奮方謂之復卻子謂之天
根謂之子半成性存存一真自如乃人人不可改移
之天心若於此稍放縱而不為閉關便多營營于功
利憧憧于往來商旅何以不行一人未能元良萬邦
不得以貞后何以不省方先王以至日閉關則以至
動之雷藏至靜之地如所謂无思无為寂然不動亘

四聖一心錄

卷之二

復

聖

萬古而常不動者如所謂喜怒哀樂之未發亘萬古
而常不發者如此其閉且關則功利無容於馳騖往
來不病於憧憧此商旅之不行也省其在一人而不
必省其在四方明明在御自然穆穆在朝熙熙皞皞
在野焉恭而天下平修己而百姓安此后之不省方
也先王之所為復固如此

初九不遠復无祇悔元吉象曰不遠之復以修身也

二曰下仁四曰從道俱指初言初之不遠復仁也道
也欲仁斯至道不遠人雷在地中復其在我寧遠乎
哉无祇悔祇即神祇之祇詩曰后稷肇祀庶無罪悔

以迄於今今不遠之復在我一靈炯炯炳天地照古
今通神明絕無毫髮之私足為吾神明之悔到此地
位與无悔悔亡差別故夫子獨以稱顏子象曰不遠
之復以修身君子之所以修身者唯有此不遠之復
而已失此則以何為修只是修得一箇軀殼與木雕
泥塑之身何以異

六二休復吉象曰休復之吉以下仁也

三以下初為仁初之仁莫非二之仁書曰作德心逸
日休此二之優游閒暇之復也

六三頻復厲无咎象曰頻復之厲義无咎也

四聖一心錄

卷之二

復

聖

三不近初然以居剛頻進于復而持以危厲義能自
勉故得无咎

六四中行獨復象曰中行獨復以從道也

不遠之復本與物無對六四行於四陰之中而獨從
初以為復非獨行其道者乎象故明其為從道

六五敦復无悔象曰敦復无悔中以自考也

五不應初全在得中中以自考為厚其復故得无悔
復自知不待外求中自考亦不待外求

上六迷復凶有災告用行師終有大敗以其國君凶至
于十年不克征象曰迷復之凶反君道也

上不應初居陰應陰故迷迷之反爲悟悟爲復迷爲不復迷有災青悟有福慶不待言矣迷有大敗悟有大勝不待言矣迷以其國君凶至于十年不克征悟以其國君吉寧用終日不待言矣凡禍自外來曰災過由已作曰青象曰反君道君指初如二之休如四之獨如三之頻如五之敦皆與君道合者上終迷而不悟故與君道獨反反乎其爲君道將收移其爲天心矣何由復見天地之心哉曰十年不克征是下愚之到底不移者或問用行師終有大敗其始亦或有勝乎曰然今人憑若血氣用事血氣盛時慷慨激烈奮勇直前亦自所向無敵到得血氣衰便索然餒而不振小小利害亦足動心至有盡喪生平一敗塗地者此終有大敗之明驗也

四聖一心錄

卷之二

復

四十一

三三
无妄元亨利貞其匪正有眚不利有攸往彖曰无妄剛自外來而爲主于內動而健剛中而應大亨以正天之命也其匪正有眚不利有攸往无妄之往何之矣天命不祐行矣哉

妄生于陰一切憧憧往來熒惑于思慮種種鬼怪形見于夢寐都是陰氣習心變幻都是人之眚災疾病都是妄无妄大復復以自知則一切虛妄無毫髮之不照妄自站腳不住如太陽一出而魑魅魍魎無不爲之潛消者剛自外來而爲主于內若云九自二來

四聖一心錄

卷之二

无妄

四十二

而居于初謂之剛自內來則可豈得謂之剛自外來乎剛自外來從外卦純乾之剛來而爲主于初也初爲无妄之主此主與天合一永言配命便是大亨以正自一瞬至萬年絕無有災眚疾病之時絕無有不利攸往之時時時與萬物同其長茂而不枯槁時時與萬物同其生育而不萎死此先王之所以隆而後人之所以莫及也

象曰天下雷行物與无妄先王以茂對時育萬物初九无妄往吉象曰无妄之往得志也

卦名无妄必其有以盡夫天理之極而無一毫人欲

之私純乎陽剛之德而無一毫陰柔之氣方盡其義
初九以剛居剛應剛動而健動必以天正而又正樂
天知命之至者天命之所必祐也故云得志无妄之
志唯初得之餘皆不及

六二不耕穫不菑畲則利有攸往象曰不耕穫未富也
三雖中正而應剛中然終是陰柔而匪正故須盡去
其功利之私心然後謂之无妄蓋耕而穫菑而畲事
求可功求成皆是功利惟耕而不計穫惟菑而不計
畲盡其已聽其天方不是功利故象言未富

六三无妄之災或繫之牛行人之得邑人之災象曰行
四聖一心錄 卷之二 无妄 聖
人得牛邑人災也

天下雷行物與无妄實理自然不是動手腳做成底
三處動極以陰居陽為匪正匪正便是災无妄非有
災也朱子曰心者人之神明便須著實牢固繫牛繫
牛直養而無害順道而不逆也繫之不固而為行人
所得災必逮夫身矣

九四可貞无咎象曰可貞无咎固有之也

四以居陰比陰為匪正進于可貞然後可以完固无
妄之實理

九五无妄之疾勿藥有喜象曰无妄之藥不可試也

五雖剛中正亦以應陰為疾疾如李孫之愛我疾瘵
也之疾既有疾須是若藥瞑眩到不消藥治時然後
為愈如小小試嘗其藥病根終是不能拔去象故明
其義曰不可試言不可少嘗須如書之所謂瞑眩方
到全瘳地位

上九无妄行有眚无攸利象曰无妄之行窮之災也

上居无妄終位雖是陽剛然以居陰應陰如色厲內
荏外面十分剛強裏面到底粘帶了刺骨陰氣如此
之人腳跟下步步踏著災眚要行一步行不得故以
為窮而為災无妄而到窮之災所存者塊然之形而
四聖一心錄 卷之二 无妄 聖
生理則盡槁矣尚何茂之有哉所餘者未斃之軀而
本心則盡亡矣尚何育之有哉

三三
大畜利貞不家食吉利涉大川彖曰大畜剛健篤實輝
光日新其德剛上而尚賢能止健大正也不家食吉養
賢也利涉大川應乎天也

大畜大止也大德之有所止也小畜小止也小德之
有所止也剛上而尚賢剛上于上而尊尚下之三賢
也不家食吉視四五皆可以為賢推己之賢以養人
之賢雖食以食乎人也昔蘧伯玉恥獨為君子正恥
其徒家食耳大川亦指四五二陰以發其義牛觸豕
突風波洄湧夫非人之大川乎牯之積之則盡化乎
四聖一心錄 卷之二 太畜 望

人所以應乎天也

象曰天在山中大畜君子以多識前言往行以畜其德
前言前人之德言往行往哲之德行多識以畜其德
非誇多闢靡如後世博學能文之士也
初九有厲利已象曰有厲利已不犯災也

初與四相畜初以往四為災而利于止則劈頭便不
是畜矣何名曰大畜初陽四陰以陰畜陽以石攻玉
有厲于己已之利也未嘗非福何云犯災

九二與說輓象曰與說輓中无尤也

二非止而不進二剛中得五柔中之畜而可以安於

其所止與說輓之象也小畜之說輓病其難行大畜
之說輓善其能止象明之曰中无尤健而能止有得
於中故无尤也若健而不止則亦不免有尤矣

九三良馬逐利艱貞曰閑輿衛利有攸往象曰利有攸
往三合志也

三合上志同德相畜以要其所止有良馬逐之象以
承四五兩陰故又利在艱難貞固曰閑閑習其馬也
輿衛輿有輔衛也馬良而且閑輿衛而有輔以斯攸
往即可騁步天衢尚何不利之有哉

六四童牛之牯元吉象曰六四元吉有喜也

四聖一心錄 卷之二 太畜 望

初應四二應五曰厲曰尤四應初以自牯五應二以
自牯曰牛曰豕牛豕禽憤也四五不諱自言以陰氣
未盡質雖人畢竟沾帶了牛觸豕突之氣耳童牛而
牯得禁丁未發之豫大善之吉也

六五積禾之牙吉象曰六五之吉有慶也

坎為豕五鄰上互坎體豕象也豕性剛躁而牙尤猛
利以陰居陽不無厲躁陵突之患不積其牙便是人
之災肯積其牙便是人之福慶象故明其為有慶爾
雅云積大防也五六艮體牯之與積皆禁制之義

上九何天之衢亨象曰何天之衢道大行也

詩何天之休何天之龍剛上而尚賢止到天路上面
去此豈塵世道路乎三合上志上尚三賢能止健大
正也上之所以亨也末世人心趨於仕進靡於利祿
以制科華選爲天衢不知以剛健篤實輝光日新其
德爲天衢則又何怪其措足之差而失腳之易哉

四聖一心錄

卷之二

大畜

聖

三三

頤貞吉觀頤自求口實彖曰頤貞吉養正則吉也觀頤
觀其所養也自求口實觀其自養也天地養萬物聖人
養賢以及萬民頤之時大矣哉

上下二陽內含四陰爲不正故貞則吉以四陰爲頤
不以二陽爲頤則必失其口之實故須自求自求于
己取之也取諸陰則自求膏粱之口食取諸陽則自
求仁義之口實自觀自求皆不由人者也觀義最重
如初之靈龜然後能觀聖人養賢以及萬民養一人
之賢以及于千萬人之賢如天地之養萬物養道大
四聖一心錄 卷之二 頤 聖

矣豈止爲一人之自養哉

象曰山下有雷頤君子以慎言語節飲食

慎言語則言爲有物節飲食則飲食而知味口之在
我者庶乎其不虛正所謂口實之自求者且爲慎爲
節俱有及民處亦不止是一身之養

初九舍爾靈龜觀我朵頤內象曰觀我朵頤亦不足貴
也

初以陽剛居得正位似乎養正匪其動於欲者以中
舍四陰如食含在口旁初又動主故象其易動于欲
也人惟萬物之靈謂龜爲靈而人弗靈于龜可乎人

四聖一心錄

卷之二

頤

季

人自有靈龜以靈龜爲爾而舍之以朶頤爲我而觀之舍所不當令觀所不當觀這一身夫誰爲爾夫誰爲我弗靈甚矣亦與虫蟻並活于天地之間而已耳不足貴則人賤之所以凶稽叔夜詩靈龜樂蟠泥榮名穢人身希慕榮寵奔趨利祿皆朶頤之欲之觀也六二頤頤拂經于丘頤征凶象曰六二征凶行失類也以常理論之六二柔順中正若其求養于初于上則能從陽而養賢何得爲凶亦其以陰居陰應陰縱橫頤頤皆口腹之養而非心志之養失其頤貞之吉故云頤頤拂經耳于丘頤二與上不相應丘非上之象三四五處二上皆丘象也二近初當從初法卑以爲頤不于卑頤于丘頤則自三而四而五皆陰柔飲食之人往而從之必爲賤場師與狼疾人全身走入在小人類中去寧復可在君子類中求乎于丘頤征凶明如四之求初則吉也六三拂頤貞凶十年勿用无攸利象曰十年勿用道大悖也三不取應上以動極交艮初四五兩陰當其前六二一陰曳其後阻而不能自進退縮而墮落飲食小人坑塹之中大拂其養正之道故甚言其悖

六四頤頤吉虎視眈眈其欲逐逐无咎象曰頤頤之吉施光也

四聖一心錄

卷之二

頤

季

二之頤以征于三四五之頤以下求于初四柔初剛以四下初而相取以正故雖頤而吉然初不免舍靈龜而觀朶頤四必何如而後无咎虎視眈眈眈眈下視貌下視靈龜精注而目攝之不欲爲初之舍而求爲己之得也其欲逐逐去其朶頤之欲而不之觀也如此則靈龜在我而朶頤勿徇方得无咎象曰上施光既頤則似下之養上之光而不知四之善于取初自養養賢施及萬民乃其居上所頤之正所施之光也六五拂經居貞吉不可涉大川象曰居貞之吉順以從上也五以應二爲常理不拘應二之常理而居從上之正理其跡似拂其理則順比拂經居貞之吉也云不可涉大川何剛止四陰之上利涉大川乃上九之能事六五一意順從上九則上九之利涉孰非六五之利涉豈必功之自己爲而力之自己出哉上九由頤厲吉利涉大川象曰由頤厲吉大有慶也初上同德原始要終一無不正之養能使中含之四

陰皆由我之頤以爲頤加以危懼而厲不其吉乎利
涉大川大川卽四陰上以陽剛居四陰之上故能利
涉大川涉而萬物萬民無不在我所養之中矣晏平
仲云臣君者豈爲具口實社稷是養上九有之

四聖一心錄

卷之二

頤

五

大過棟橈利有攸往亨彖曰大過大者過也棟橈本末
弱也剛過而中巽而說行利有攸往乃亨大過之時大
矣哉

大過之過過在本末弱本弱是無站立之地末弱是
無結果之處故必利有攸往乃亨剛過而中巽而說
行雖卦體自有之德然必過者約之乎中以巽則巽
入乎剛中而強其本以說則說擇乎剛中而強其末
如此則有始有卒自強不息而本末無患其弱矣攸
往寧无利乎大過之時大矣哉大過全在一時如以
四聖一心錄

卷之二

大過

五

象曰澤滅木大過君子以獨立不懼遯世无悶

君子不懼無悶全以巽入說擇至盡化本末之陰
柔而極其剛盡黜橈弱之偏倚而極其中故能然不
然要不懼何所恃而不懼要无悶何所得而能无
悶澤滅木全是一團義理之說如水之浸灌滋潤而

莫知其從入之端故云滅程子曰天下非之而不顧獨立不懼也舉世不見知而不悔遯世无悶也

初六枯楊白茅无咎象曰藉用白茅柔在下也

陽清陰濁陽明陰暗澄濁而清微暗而明如斯利往雖弱必強故无咎子曰慎斯術也以往是着實敬慎以往藉于四陽者

九二枯楊生稊老夫得其女妻无不利象曰老夫女妻過以相與也

初雖本弱然居剛巽剛還是一箇有生理之人二剛過不免于枯然居柔得中亦如易生之物一般二初

四聖一心錄 卷之二 大過 五

相與得中用柔藉初之巽順漬已之枯槁過而不過此稊之所以生也稊生則無不生矣凡草木之生在根不在華二之過以乘初從根上灌植生意不覺勃然五之過以此上在華上潤色生意蕭索雖榮定是不久

九三棟桡凶象曰棟桡之凶不可以有輔也

二四五皆三之同德皆可爲三之輔以剛居剛過而又過上應末弱之陰如人犯了痿痺病症一般自己脚跟站立不得他人何可輔之以行

九四棟隆吉有他吝象曰棟隆之吉不桡乎下也

四當巽而說行之交以剛居柔過而不過以合德二三五之剛爲隆而吉復以應初之弱爲桡而吝

九五枯楊生華老婦得其士夫无咎无譽象曰枯楊生華何可久也老婦士夫亦可醜也

大過之過原不以中四陽爲過乃以本末弱爲過初之弱象女妻二與之配合強弱尚可相濟故无不利上之弱象士夫然處末弱之位又爲說極之爻五與之配合雖无過咎然亦何美之足稱祇取晚節不終之羞耳象故特明其可醜

上六過涉滅頂凶无咎象曰過涉之凶不可咎也

四聖一心錄 卷之二 大過 五

古云蓋棺事始定人之晚節末路稍一蹉跌便舉其平生而盡棄之上六居末弱之位如百里程途已行到九十里前面忽過一川澤便須揠幾箇沒頭勇猛涉過去方是到得百里不然行百里半九十中道而止前功盡棄者耳凡人學問不透底終是箇血氣用事血氣剛百般向前血氣衰百般退縮至于叢天下之大不難在身而有所不顧只是不肯揠幾箇沒頭無爲滅頂之涉耳滅頂之凶不可咎是上六之所以補其大過處補得這大過方爲大過人象曰棟桡本末弱也本弱故須過慎以強其本末弱故須過涉以

強其末蒙山陳氏曰上六過于决裂奮忠赤以植綱
常初六過于畏慎惕日夕以存人道其義備矣

四聖一心錄

卷之二

大過

五十六

習坎有孚維心亨行有尚彖曰習坎重險也水流而不
盈行險而不失其信維心亨乃以剛中也行有尚往有
功也天險不可升也地險山川丘陵也王公設險以守
其國險之時用大矣哉

四聖一心錄

卷之二

坎

五十七

八卦之上並無所加獨坎上加一習雙羽蔽日兩陰
蔽陽習有坎象坎有習象故特名之曰習坎習坎重
險也其象陷也其功亦以陷也時時習之時時能陷
以一陽陷二陰直是摧陷了金鐵城壘百二用得氣
力大功勞多故名勞卦水流而不盈建安丘氏曰坎
流水也兌止水也兌陰靜故止坎陽動故流惟流故
不盈江淮河漢無地不流初不見其盈也行險而不
失其信龍門積石無險不行初不失其就下之信也
此坎之所以爲有孚也維心亨乃以剛中也行有尚
往有功也以一陽陷二陰直從心隨中併透出門路
四郊寧復有堅壘乎此其功之莫尚者也戰乎乾勞
乎坎只憑這畫乾剛磨戰得勝而歸因撫勞之險之
時用天地之險皆人之險天地之險之用皆人之用
天險不可升不知幾千萬重高地險山川丘陵不知
幾千萬重浚王公所設以守國之險皆天地合德之

險所以爲大也程子曰山河城池設險之大端若尊卑之辨貴賤之分明等威異物采凡所以杜絕陵僭限隔上下者皆體險之用也

象曰水洊至習坎君子以常德行習教事

水之流行無一息之停一息不流便壅一息不行便滯君子於教事一時不習德行便失其常便要入坎

初六習坎入于坎窞凶象曰習坎入坎失道凶也

坎爲陷正是人之出頭處初以陰柔之故而頓委于坎之下不能尚往失却坎窞之道所以凶

四聖一心錄

卷之二

坎

五九

九二坎有險求小得象曰求小得未出中也

二剛中坎陷有功如曹武惠已下江南是有險也然却唯恐將士殺人益加愍慎封府庫籍人民以獻於朝不敢恃功而驕小小有所差失以臣子之分義無窮功業無窮尚未到流于既溢湧出不竭足此通彼而出中也不然武惠之功止于能下江南一節而已前面更無所往不求小得將爲大失又何自充于中而溢于外滔滔如汨汨如放而至于四海以成浴日月浸乾坤之能事哉

六三來之坎坎險且枕入于坎窞勿用象曰來之坎坎

終无功也

坎以尚往爲功三交于四皆陰柔不得力未能直前爲坎而但來于三之于四以爲坎安能如二之有險乎險且枕陰不中正志不足以帥氣中道而止進寸退尺且不免枕乎險也枕險則與初之入坎窞何以異雖曰坎坎終無成功

六四樽酒簋二用缶納約自牖終无咎象曰樽酒簋二剛柔際也

以內外之體論各以一陽陷二陰之中以全象論四與三又以二陰陷于上下二陽之中何得无咎以四

四聖一心錄

卷之二

坎

五九

柔得正而居下體之上自己已有地步肯尚往與三之入坎不同四五相際柔以剛克悟彼昏之喪命鑒若流之爲憂惡文勝之滅質警放侈之罔終將之以樽酒陳之以簋二用之以瓦缶收斂檢束納之以約而不侈然自放若此其崇簡尚質因明通蔽則必不溺于人欲之流而入于坎窞之下可以先登于岸可以利涉大川有功之往夫孰以尚故終无咎詩天之牖民牖開也自牖自開也以之牖君亦若是而已矣蒙山陳氏曰人雖至愚豈無一隙之明天牖其衷人自蔽之以蔽爲樂久而安焉所謂下愚之不移者耳

九五坎不盈祇既平无咎象曰坎不盈中未大也

天運而不已水流而不盈原來已不得盈不得惟陰柔之私有間斷故已有阻塞故盈五陽剛中正有平心亨不失其信而無乎不通適得其流而不盈之體故曰坎不盈然坎以往爲尚方且祇懼抑畏不敢康寧要使陷而無陷險而無險將險陷處盡數夷平雖尚險陷之功殊無險陷之跡方得无咎蓋二有險尚有峻嶒圭角五既平則渾然天成氣象平一已以平天下使天下盡歸于太平不過于此矣二求小五祇平小無不大險無不平皆有尚之往也象曰中未大

四聖一心錄

卷之二

坎

辛

中雖在我不移然自大必敬懼以臻于盡平此祇既平之義也不然以陽剛中正居尊位而尚謂之未大孰爲大千或云未出中中未大皆所以危之也亦通上六係用徽纆寘于叢棘三歲不得凶象曰上六失道凶三歲也

上之失道與初同但初爲內私意內萌象坎宮之陷人以居剛或得出頭故止凶其入上爲外物染外誘象徽纆之係人叢棘之刺人以居陰終未易解脫故甚其凶于三歲

離利貞亨畜牝牛吉象曰離麗也日月麗乎天百穀草木麗乎土重明以麗乎正乃化成天下柔麗乎中正故亨是以畜牝牛吉也

離是乾體中一爻雖陰以麗陽而明全體陽明胥於中間空處發出初三四上雖陽以其不虛其象反似蔽塞不明語云人之身如薪之火火不出則薪常存火發外炎薪之盡也神智外弛樸之散也是故學問只是在天理上充實充實則有自然之光輝離之明乃天理充實自然之光輝非表暴烜耀之光輝故必

四聖一心錄

卷之二

離

壬

畜牝牛然後吉牝牛不畜則火息而寒畜之而不麗乎中正則火揚而燥燥之害大故孟子淡病夫握苗象曰明兩作離大人以繼明照于四方

善不繼則惡長明不繼則暗生日月有明容光必照大人繼續其明是以能照四方若是逐照而不務明則既不續其明又安能續其照此天下之所以終于質質而卒于昏昏也畜牝牛正是繼明之功坎陷以運乾之健故云往有尚離麗以貞坤之順故云畜牝牛運乾之健以牽制乎坤貞坤之順以奉順乎乾上經首乾坤終坎離以此君子戒慎乎其所不睹恐懼

乎其所不聞正坎離合德之功

初九履錯然敬之无咎象曰履錯之敬以辟咎也

明兩作離兩之爲言合也勿忘勿助以畜牝牛合乎中正之麗者也初兩四不免于燥故有錯然之履詩稱文王於緝熙敬止敬之則能繼續其明故无咎

六二黃離元吉象曰黃離元吉得中道也

二兩五麗中得正與日月麗天之明合其明元吉宜矣離之二曰黃離坤之五曰黃裳皆中順之德之最盛者

九三日昃之離不鼓缶而歌則大耋之嗟凶象曰日昃

四聖一心錄卷之二 離 奎

之離何可久也

人有七情皆是欲凡動於欲者皆是火浮燥飛揚火之熾也故曰情既熾而益蕩其性鑿矣二兩五麗于中正是日月之正明三兩上不麗于中正是熾情之焦火鼓缶而歌喜之極者大耋之嗟憂之極者不如彼而喜則如此而憂憂喜無常暗莫甚焉明之不繼死棄將至何可久也

九四突如其來如焚如死如棄如象曰突如其來如无

所容也 凡入之心思念慮終日浮游馳騫於外使了許多機

械費了許多計較徒自燔灼其心把一生精神命脉

耗盡以至於死亡何其悲也象曰无所容熾情一焚

非死即棄何所措其躬何所容於天地之間初猶可

避以火炎于下雖錯于下而未甚四無所容以火炎

于上故突于上而益驕凡飄忽閃爍狡獪而不可方

物已非正人君子况突如而來矜高侈肆啗啞叱咤

之流乎如此之人威傾勢壓觸之爛靡之焦燎之方

楊寧或滅之亦有死棄而已矣突之反爲坦坦爲平

平孟子集義養氣節度只是勿忘勿助離火不畜便

忘離火一燥便助火候調夷其突而平之雖出一生

四聖一心錄卷之二 離 奎

于萬死可矣

六五出涕沱若戚嗟若吉象曰六五之吉離王公也

戰戰兢兢臨深履薄是如此家法曰王曰公皆中正

之主公離王公即麗乎中正之謂也初錯履二憂喜

任情四突如便見其有驕矜睢恣肆然無忌憚然不

顧氣象五出涕戚嗟何等戒謹所以爲畜牝牛在坎

則二不及五在離則五不及二水不下漏而尚上行

火不上炎而貴下降行有尚畜牝牛之義備矣

上九王用出征有嘉折首獲匪其醜无咎象曰王用出

征以正邦也

離尚柔順戒剛燥上亢于上為剛燥之渠魁初三四為剛燥之醜類出征之王如坤上六之龍上迫五為五門庭之寇故用出征為甲冑為干戈離所自有以之出征故無不服折上之首獲初三四之醜天下曷敢有越厥志邦之所以正功之所以有嘉也到正邦便已化成天下矣是故坎以剛陷乾道也凡坎宮微繹叢棘皆牽柔以剝剛要使盡數芟柞而夷平離以柔麗坤道也其魁首羣醜皆恃剛以反柔要使盡數折馘而俘獲盡斯義者在坎謂之行有尚在離謂之畜牝牛

四聖一心錄 卷之二 佳

咸亨利貞取女吉彖曰咸感也柔上而剛下二以相與止而說男下女是以亨利貞取女吉也天地感而萬物化生聖人感人心而天下和平觀其所感而天地萬物之情可見矣

終萬物始萬物者莫盛乎艮艮其在我說其在此咸之所以為亨為貞也男下女為咸之正故云取女吉自耕稼陶漁以至為帝無非取諸人一物不忍棄之度外則淡于取女之義矣柔上而剛下二氣感應以相與男感而女應相與之正道也由是則成男成

四聖一心錄 卷之三 咸 一

女皆正人矣女感而男應相與之邪道也由是則成男成女皆邪人矣止而說男下女不止而說說易得轉動止而說說萬物者莫說乎澤一時此說終身此說到底不改到底都是男下女天地感萬物聖人感人心只是一箇貞而正一念正則所感無不正一念邪則所感無不邪天地之否泰不常物情之善惡不齊都是此理上經首乾坤下經首咸恒見乾坤是一箇大夫婦夫婦是一箇大乾坤

象曰山上有澤咸君子以虛受人

虛者萬物化生之原天下和平之府是寂然不動感

而遂通天下之故之真境界謂之受是無所不受不論逆順白沙先生謂之天度量非以量而容擇合而受之受也以虛受即以正感感之正與萬物同其化生感之不正與萬物同其滅死有得乎咸亦便是透得生死關不必向杳冥昏默處別有商量蒙山陳氏曰彖傳著和平之感象傳表虛受之應善學者宜默而識之

初六咸其拇象曰咸其拇志在外也

拇足大指人身站立得定皆由此指所以古有刖刑別此則無以立其何以行此肉刑之所以防民也初

四聖一心錄

卷之三

咸

二

雖柔然是艮男剛體以正應九四為咸於已站立不定何由感動得四咸其拇從自己腳下一節將指發切要使跬步必踏實地出門一步不至失腳此咸拇之象也曰志在外止其在我所以咸其在四至誠而不動者未之有也不誠未有能動者也

九二咸其腓凶居吉象曰雖凶居吉順不害也

腓隨足而動二止于三之下而比乎初如腓隨足而動動皆私也感皆害也凶之道也其唯居乎居有止義內本艮止之體五為正應二五相咸有所說而無所動外常說而內常止夫是之謂順于道不害于咸

豈不吉乎

九三咸其股執其隨往吝象曰咸其股亦不處也志在隨人所執下也

股如股肱之股最有力九三所處下比二柔上應一柔上為上所引下為初與二所牽幾于隨人轉動不克自主者咸其股乃以一陽止二陰之上著實坐得定鎮得下上下下之柔我皆有以下之而不為所惑象故明其不處如非道之富貴君子不處之處也不然以剛隨柔以男隨女以為說所執豈不下所往豈不吝乎其云吝吝在執其隨執則不虛隨則無主皆非

四聖一心錄

卷之三

咸

三

咸之正也

九四貞吉悔亡憧憧往來朋從爾思象曰貞吉悔亡未感害也憧憧往來未光大也

四居陰未正以介于上下二陽之間未正者可歸于正正則吉而悔亡不正則仍有悔朋從之思是也初而志四以女從男不失其貞四而思初以男從女惡得無害程子曰貞者虛中無我之謂未感害虛而受也不虛則不能受未有不為感所害者矣憧憧朱子所謂只是加一箇忙底心事未至則迎之事已過則將之全掉脫他不下是也朋以陰居陰陰柔之朋拂

脫不下往往來到處相隨是朋從也如此之咸便是私小如何可號為光大光大則虛而受貞而吉矣九五咸其脢无悔象曰咸其脢志末也

剛中正柔中正艮止兌說咸應無不中正咸之脢艮之背也艮其背者止其所當止咸其脢者說其所可止程子曰五若係二而說止則偏私淺狹豈能感天下乎故取相背為義如此以咸則往來不撓于感朋類不從其思非有所隨于人非有所執于己无悔宜矣象曰志末猶初之言志在外志外者有得于內志末者有得其本末之言无无所係也男女相咸于室

四聖一心錄

卷之三

咸

四

父子兄弟相咸于家君臣朋友相咸于國如是未有不善者若云不能感物何以云咸又何以云无悔上六咸其輔頰舌象曰咸其輔頰舌滕口說也咸之卦體在止而說初之拇三之股五之脢皆止象也進而欽厥止安汝止則貞也二之腓上之輔頰舌皆與止義相反大抵感入之道原在躬行不在口說上以柔居咸極將以口說動人而不本于精神之運心術之動如孟子所稱霸者之民歡虞如也豈不是輔頰舌之咸若王者之咸篤恭不顯不言而信罔有不令人喜者矣夫是之謂感人心而天下和平

恒亨无咎利貞利有攸往彖曰恒久也剛上而柔下雷風相與巽而動剛柔相應恒恒亨无咎利貞久于其道也天地之道恒久而不已也利有攸往終則有始也日月得天而能久照四時變化而能久成聖人久于其道而天下化成觀其所恒而天地萬物之情可見矣

恒以攸往為利者凡終而無始則向前道路易絕便无攸往之處終而有始則向前道路無窮攸往亦自无窮何久如之天地之道恒久而不已終則有始吸則有噬亥則有子晦則有朔冬則有春終始相生一

四聖一心錄

卷之三

恒

五

息由是萬古由是天地之所以恒久不已也日月得此故能久照四時變化此故能久成聖人之道久此故天下化成天地之混闢萬物之化生莫不皆然故其情可以見于恒

象曰雷風恒君子以立不易方

剛上柔下男外女內君令臣共父坐子立兄先弟後夫義婦從此等道理界限分明截然不易與天地同運與日月並明毫髮不可僭差是為人之所立之方常示貞固震動巽入立此方內是為君子之恒若易了這方便昏天黑地無處可以安身孔子七十而從

心所欲不踰矩只是不易方末世學術大壞胥天下之人昏迷顛倒于闖然媚世之術而動以圓爲尙上者下替下者上陵至于婦乘夫女亂男臣悖君子逆父弟抗兄下無善俗上無善治其所由來皆圓之說誤之而立不易方之學未之講也然則人之无恒殆非朝夕之故矣

初六浚恒貞凶无攸利象曰浚恒之凶始求浚也

初何以浚而凶當相與相應之始執婦道以浚求乎夫柔居剛位或忘巽順乎震動之剛而以務入之爲是剛不可犯而犯之雷霆不可觸而觸之寧有利乎

四聖一心錄

卷之三

恒

六

孟子淡惡智者之鑒卽恒初之浚之凶也

九二悔亡象曰九二悔亡能久中也

剛上柔下曰恒二剛五柔則相反矣何得无悔以二剛中率此巽五慮善以動有巽入无浚求二之道所以能久二之悔所以得亡也

九三不恒其德或承之羞貞吝象曰不恒其德无所容也

三本巽體剛過不中上居動極不剛而弱以是相與巽非所巽動非所動不恒其德者也或承之羞三居四二之中二又承三二能久中爲正人爲君子三覲

顏二上能勿取羞于二乎象曰无所容仰愧俯作无所容于正人君子之列也

九四田无禽象曰久非其位安得禽也

剛居柔位不正不中與初相應初方有求于四四何所得于初吉日車攻剛心銳氣與之田殊遠故不能得禽

六五恒其德貞婦人吉夫子凶象曰婦人貞吉從一而終也夫子制義從婦凶也

五應二以陰從陽以婦從夫可謂恒其德而貞矣然五果婦人乎二果夫子乎剛上而柔下五震體原爲

四聖一心錄

卷之三

恒

七

夫子二巽體原爲婦人五不能斷制以義正其爲夫夫之剛率其爲婦婦之柔反以夫子而從婦人此何足爲恒德之貞乃其失義而凶者耳

上六振恒凶象曰振恒在上大无功也

恒到極處到底立不易方久于其道何謂不常孟子曰金聲玉振子思曰振河海而不洩春秋公羊傳葵丘之會桓公震而矜之叛者九國震之者何猶曰振振然矜之莫我若也振收也亦矜也陽發舒陰收歛陽光大陰客畜上以陰柔處動振應巽終夫義不制婦貞是守不能終始利往不能恒久不已以動則終

是未善以異則終爲無得如此收成結果自矜其得
從前工夫都置之无用之地故云大无功

四聖一心錄

卷之三

恒

八

遯亨小利貞彖曰遯亨遯而亨也剛當位而應與時行
也小利貞浸而長也遯之時義大矣哉

君子依乎中庸遯世不見知而不悔唯聖者能之二
氏家常言出世猶吾聖人之所謂遯世也聖人之處
世無一時而非遯遯則亨不遯則不亨剛當位而應
以陽剛中正之五應二之柔以常伸萬物之上之君
子應人間之世何時不行何時非遯與時行者與時
遯者也小利貞觀象審時二陰浸長勤小物矜細行
纖悉幾微無不以貞爲利遯之時義所以爲大也若
四聖一心錄 卷之三 遯 九

云小人利貞則如小人道消小人用壯小人剝廬之
頤聖人必爲明白言之况君子以遠小人大象尤著
明其訓乎

象曰天下有山遯君子以遠小人而惡而嚴

不惡而嚴不見小人之惡而惟嚴以自治猶言攻其
惡無攻人之惡也凡君子立身行己森然規矩法度
之中小人自不能近故稱遠自治嚴待人寬則身既
益修而人亦易從此尤見君子無時不應世無時不
遯世之嘉美寬裕處

初六遯尾厲勿用有攸往象曰遯尾之厲不往何災也

子曰君子上達遯象下有二陰以去陰柔而日進乎陽剛去人欲而日進乎天理爲其義須要夙決早圖六居遯初遲留牽滯不能勇決以遯故以象尾其云厲危在勿用有攸往蓋勿用攸往是覺其尾安其危而利其災者也象曰不往何災也明以不往爲災訓之矣

六二執之用黃牛之革莫之勝說象曰執用黃牛固志也

二以中順之志應當位之剛其志固其遯堅有不惡而嚴氣象

四聖一心錄

卷之三

遯

十

九三係遯有疾厲畜臣妾吉象曰係遯之厲有疾憊也畜臣妾吉不可大事也

畜臣妾吉若謂臣妾則不必其賢而可畜竊恐畜不賢之臣則取主畜不賢之妾則奪嫡而乘夫何得爲吉亦以三而係初是爲人役也三而係二是妾從人而爲妾婦也人役以往役爲義則吉妾婦以順爲正則吉此畜臣妾之吉而顧可以臣妾自待其身乎以臣妾自待以畜臣妾之吉爲吉疾憊何瘳此三之係遯之厲也

九四好遯君子吉小人否象曰君子好遯小人否也

君子好遯以遯爲好猶好仁者以仁爲好除却仁何者爲可好除却遯何者爲可好四之好遯好其在己之剛德而不爲初六所牽君子從吾所好之好也小人未免從人故否謂不能如此

九五嘉遯貞吉象曰嘉遯貞吉以正志也

三固志固其在己五正志正己而物正剛當位而應與時行也未嘗不行未嘗非遯所以爲嘉

上九肥遯无不利象曰肥遯无不利无所疑也

易以斷天下之疑凡人陰暗有疑陽明無疑陰暗者落在世網何能遯陽明者超然物表何莫非遯九居

四聖一心錄

卷之三

遯

十一

乾健之上與下二陰絕不相係居仁由義既飽以德心廣體胖晬面盎背爲冥冥之飛鴻爲千仞之翔鳳愈遠愈嘉豈不遯而肥乎君子以此修身爲身之肥以此齊家爲家之肥以此治國爲國之肥以此平天下爲天下之肥故无不利

三三

大壯利貞彖曰大壯大者壯也剛以動故壯大壯利貞大者正也正大而天地之情可見矣

大壯利貞貞正而固也原始要終到底不失其壯也程子曰大壯而不得其正強猛之爲耳非君子之道也大者壯小者弱也可知大者正小者不正也可知復其兌天地之心人人之心天地之心也正大而見天地之情人人之情天地之情也人但不能自見耳見天地之心者爲復從一陽初動處論見天地之情者爲大壯從四陽盛長上論

四聖一心錄

卷之三

大壯

三

象曰雷在天上大壯君子以非禮弗履

程子曰赴湯火蹈白刃武夫之勇可能也至于克己復禮則非君子之大壯不可能也故云君子以非禮弗履

初九壯于趾征凶有孚象曰壯于趾其孚窮也

剛以動故壯初四相應乾剛震動不其壯乎而初居下象之以趾雜卦傳大壯則止趾之爲言止也明其立得腳定一步無非禮之履一步無妄動也不止而征便是妄動凶有孚凶在征不在壯世有出門一步遂不能無失腳此凶有孚之征也象云其孚窮窮卽

是征言征則必凶也君子以非禮弗履全在自己腳跟立得定征凶有孚不其宜哉

九二貞吉象曰九二貞吉以中也

二剛健得中以居陰應五恐有不貞進于貞動無不中壯無不正二之所以貞而吉也

九三小人用壯君子用罔貞厲羝羊觸藩羸其角象曰小人用壯君子罔也

三剛過不中應終極之柔又不以正小人以爲壯而用之君子以爲壯非所壯而不用也故曰小人用壯君子罔也君子處此直是貞厲貞如二之貞厲如上

四聖一心錄

卷之三

大壯

三

之艱正固艱危定要剖陰柔藩離以尙往羸角何顧此君子之所以爲壯也若不觸這藩如何決決得開不妨角之羸三之貞厲之義如此羊加以羝取喻男子丈夫之象藩當前羝羊必觸之陰柔牽滯于君子之前無以自決又何以語于君子非禮弗履之壯哉九四貞吉悔亡藩决不羸壯于大輿之輓象曰藩决不羸尙往也

天行健君子以自強不息極其剛則全體天行之健矣寧有反以不極其剛爲貞之理大壯利貞貞者自強不息貞固其壯者也九居四比五大而不正必得

其貞斯無所失而悔亡藩決不羸剖破自家不正藩
離便可以見天地正大之情長驅遠駕果何行之不
利哉

六五喪羊于易无悔象曰喪羊于易位不當也

五陰柔無當于陽剛之位必抑其血氣之私履中正
之禮見正大之情方得无悔朱子曰卦體似兌有羊
象兌爲少女爲羊女陰也羊亦陰也三上之羊云羝
此但云羊明其喪六五之柔而進之以剛然後无悔
也剛以動故壯柔以動則弱寧有反以尙柔失壯爲
喪羊爲无悔哉趾以履壯于趾是爲履禮之壯兌爲
四聖一心錄 卷之三 大壯 四
口不喪羊是爲尙口之壯尙口之壯去壯趾之壯千
里故須喪易如君子居易之易無藩離以爲之險阻
是五之易也

上六羝羊觸藩不能退不能遂无攸利艱則吉象曰不
能退不能遂不詳也艱則吉咎不長也

上六之咎以柔處終正怪其不剛何謂幸其不剛不
詳者不詳于禮觸之而不能決故進退皆有所不利
也艱是艱于貞定要決破可退可遂方有攸利而吉
象曰咎不長謂惟如此然後大者無不壯大者無不
正一切係累陰柔之私之咎皆有所不長矣

晉康侯用錫馬蕃庶晝日三接象曰晉進也明出地上
順而麗乎大明柔進而上行是以康侯用錫馬蕃庶晝
日三接也

諸侯從王之象卽百體從今天君之象凡人明出頭
纔安而康明不出頭頭出頭沒一身不能安而况安
人安百姓乎錫馬蕃庶載駟駟駟駟駟駟駟駟駟駟駟
利晝日三接俾昌俾熾日新又新學有緝熙于光明
書所謂昭受上帝申命用休皆其所必致矣

象曰明出地上晉君子以自昭明德

四聖一心錄 卷之三 晉 五

雲峯胡氏曰至健莫如天君子以之自強至明莫如
日君子以之自昭

初六晉如摧如貞吉罔孚裕无咎象曰晉如摧如獨行
正也裕无咎未受命也

晉之所貴順麗柔進初以柔順爲正而晉之以摧如
退抑以爲晉不躁急以爲進所以爲貞而吉貞則宜
无不乎宜必受命但以初進四未麗大明之正未進
上行之中故有未孚蕃庶三接之寵在天爲天命在
君爲君命誠未足以格天信未足以格君但能處之
以寬裕終不失其順麗柔進之道无咎宜矣

六二晉如愁如貞吉受茲介福于其王母象曰受茲介福以中正也

順麗柔進在初為推在二為愁二之愁如憂患而進不猶豫而進也夫如是則必生于憂患而不死于安樂寧不貞吉而受福乎王母以六五居尊明義大明上行之君順麗當天若不見有君之尊而惟見有母之親故稱王母介福即蕃庶三接之謂

六三衆允悔亡象曰衆允之志上行也

初二順麗柔進而上行三居柔順之極稽于衆舍己從人初上行三允初而上行二上行三允二而上行

四聖一心錄

卷之三

晉

十七

順麗柔進上臣以人事君之道不加于此矣若此者真是安國之康侯蕃庶之錫三接之寵皆所必致安得有悔

九四晉如鼫鼠貞厲象曰鼫鼠貞厲位不當也

四不中正不順而逆進不柔而躁進正乎厲者也五為順麗之明后四匪忠順之康侯凡依阿于是非之介惶惑于利害之交首鼠兩端左顧右盼日不暇給者皆鼫鼠之晉也如斯之人雖有蕃庶之錫祇立多凶之地雖承三接之寵且有三褫之辱亦曰殆哉六五悔亡失得勿恤往吉无不利象曰失得勿恤往有

慶也

五為大明上行之君下得康侯為用悔所以亡失得勿恤雖以陰柔不免功利之計謀然其義實自四上而發以晉鼫晉角之人皆無當于康侯之用于五焉能為有無惟失得勿恤而更求其所往然後吉无不利如宋神宗憂不得王安石而用之便釀成天下之患是其鑒也然則何如曰天下不少推如愁如而晉衆允上行之臣亦顧明君之所恤所往何如耳此君道也亦相道也

上九晉其角維用伐邑厲吉无咎貞吝象曰維用伐邑道未光也

四聖一心錄

卷之三

晉

十七

晉以順麗明柔上行為義上四皆剛不中正與順麗柔進相反此鼫鼠與角之所由象也然四據非其位猶止是首鼠模稜上則高而盈滿而溢忿嫉于頑剛復自用角而鬪矣如斯之晉維用伐邑安可征國雖著實剝落角距反以自伐以厲為吉為无咎然去順麗柔進之道終是差遠終有未光故云貞吝四貞厲到底足厲上貞吝到底足吝與初二貞吉之義正相反

明夷利艱貞彖曰明入地中明夷內文明而外柔順以蒙大難文王以之利艱貞晦其明也內難而能正其志箕子以之

文王之明夷內文明而懋緝熙之敬外柔順而敦服事之忠以蒙紂之大難羑里一囚默繫商家六百之祚使不至于速亡此文王之所爲文周德之所以爲至也若箕子之明夷徃狂受辱不與比干同死所晦者迹所正者志不忍使紂冒連殺諫臣之惡而尙冀紂之有所感悟志之有可靖獻亦孰非以天下萬世

四聖一心錄

卷之三

明夷

大

象曰明入地中明夷君子以泄衆用晦而明

用晦而明與不明晦正相反晦其明者晦而明反觀內照以爲明而無晦非明初乎登天後乎登天者也

登天然乃自棄而安于入地也哀哉

初九明夷于飛垂其翼君子于行三日不食有攸往主

明夷之利在一艱貞初以明體入于地中稍縻係于

不義之食依違于枉道之合而不爲于行不爲攸往

便是終入于地而大失其貞其惟鴻冥鳳舉爲垂翼

之飛乎垂謂不峻翼以飛戢斂其羽以去也君子于

行三日不食寧朝不食夕不食饑餓不能出門戶而

不安于不行有攸往主人有言寧于魯不可則去之

齊於齊不可則去之宋而不安于不往此初九艱貞

之義也訟九二曰小有言終吉漸初六曰有言无咎

四聖一心錄

卷之三

明夷

九

此則直謂主人有言若要主人無言便賺入衆皆悅之闖然媚世坑裏去雲峰胡氏曰君子去就之義皆于其初決之責之初不可乘而不乘義也明夷之初不當食而不食亦義也卦皆離體決去就之義非明者不能也

六二明夷夷于左股用拯馬壯吉象曰六二之吉順以則也

左陽方股下體二居下卦二陽之中若安于入地而不求其出頭此夷于左股居之不安者也乾爲馬二陽得位皆馬之壯者用拯馬壯如初之飛如三之狩

斯順于則而无不吉

九三明夷于南狩得其大首不可疾貞象曰南狩之志乃大得也

陽南陰北陽大陰小乾首坤腹三以陽居陽去暗求明不安于北而狩于南有南狩之象小往則大來而首出庶物在我有得其大首之象若此者必以艱貞為利然後可得當明夷之時也稍疾害其艱貞之德雖得之必失之矣何望其有大得哉本義以湯起夏臺文興美里向明除害得其首惡為解甚害事獨不曰文明柔順以蒙大難文王以之乎文王而欲向

四聖一心錄

卷之三

明夷

壬

明除害何以云三分有二以服事殷文王而欲得紂之首惡何以云臣罪當誅天王聖明夏桀天命未絕湯亦斷無預蓄放桀之心之理若等湯文之心于羿羿之倚何以為天下訓也或曰火與地相連因火以田為南狩古者田狩之禮大獸公之而獻于虞旗之下故云得其大首凡獸皆以首計也不可疾貞者田狩之禮天子殺下大綏次諸侯殺下小綏次大夫殺止佐車佐車止然後任百姓田獵其義不可疾也亦通

六四入于左腹獲明夷之心于出門庭象曰入于左腹

獲心意也

四坤體為腹以乘三合三四之中有入于左腹之象四在三外自三而之四有出門庭之象四所晦者明夷之迹四所獲者明夷之心入以為出晦以為明四之所以艱貞而利也

六五箕子之明夷利貞象曰箕子之貞明不可息也

五入坤闇之中如箕子入奴囚之中自人視之為辱自箕子視之為貞他人病狂或喪其心箕子佯狂自正其志象故明之曰明不可息見箕子未嘗息其明特晦其明耳後世有招君過以為忠身受直之名而

四聖一心錄

卷之三

明夷

壬

君被佞之謗其于箕子之用心為何如是故明夷之箕子諫臣之鵠也

上六不明晦初登于天後入于地象曰初登于天照四國也後入于地失則也

初登于天靡不有初也後入于地鮮克有終也全體皆是明入于地何獨上六為入地以六居明夷之終到底不能自出故病其失則耳詩天生烝民有物有則二極馬壯曰順則上應三不得用三之馬以自拯竟至于失則何也自暴自棄謂之下愚不移求之天下此可與有為也自暴自棄謂之下愚不移求之天下此

比而是奚獨一聞君之可象哉

四聖一心錄

卷之三

明夷

主

三三

家人利女貞象曰家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟夫夫婦婦而家道正正家而天下定矣闢家人利女貞巽長女離中女二四兩陰又爲卦中之女母儀婦順各得其正尤家人之所難故利也坤正位居體鼎正位凝命女正位乎內男正位乎外父子兄弟夫婦正位乎家君臣朋友正位乎國與天下天下之能事畢矣父嚴母慈而母亦謂之嚴君趙氏曰母之不嚴家之蠹也漬上下之分庇子弟之過亂內外之別嫂帷簿之儀父雖嚴有不能盡察者矣象曰風自火出家人君子以言有物而行有恒初九閑有家悔亡象曰閑有家志未變也

四聖一心錄

卷之三

家人

主

初之閑是閑二與四胥二與四而約之規矩準繩紀綱法度之中是之謂閑稍踰卽爲變志至有婦不順夫而彭生之難作母不從子而敝笱之刺興悔將安極其爲父子兄弟足法而後民法之都是不踰此閑六二无攸遂在中饋貞吉象曰六二之吉順以巽也

二居中得正以爲婦則順夫以爲母則從子乘初承三應五都是順巽之道女貞之利子事父弟事兄亦

是如此異順

九三家人嗃嗃悔厲吉婦子嘻嘻終吝象曰家人嗃嗃未失也婦子嘻嘻失家節也

三以陽剛處二四陰柔之間嗃嗃而嚴雖不能無悔厲而吉與之嘻嘻未有不為情愛狎昵之私所牽者蕩檢踰閑且不知其所終矣能無吝哉上之終吉正與三之終吝相反

六四富家大吉象曰富家大吉順在位也

二言中饋四言富家此女貞莫大之利也中饋不止精五飯翼酒漿之能事就見其得樽節調劑之中而

四聖一心錄

卷之三

家人

圭

無後靡吝愆之失富家亦不止是玉帛之充財貨之聚易之言富猶記之言肥故以明其順也朱子說詩陰陽和而雨澤降夫婦和而家道成寧有家道成而不可以言富乎世俗富家問舍求田玉簾金積貨財雖聚道德無聞甚者以柔乘剛以婦制夫人以為富君子以為貧莫甚也即此且謂之大凶又何大吉之有哉或曰四居上近君乃卿大夫之有家者柔順得正能保其家故吉

九五王假有家勿恤吉象曰王假有家交相愛也

王假有家以王道假其家假乎四與二也恤從心從

血心有病痛徒以力假則凶心無病痛誠心以假則吉交相愛父子兄弟皆然亦不止于夫婦

上九有孚威如終吉象曰威如之雷反身之謂也

自初至五男女無一不得其正上九陽剛儼然正位于家人之上以為父則信足以為子之法以為兄則信足以為弟之法以為夫則信足以為婦之法此有孚威如之吉不徒女貞之利而尤貴男教之修象故言其反身也反身而誠亦只是言有物而行有恒古之聖王以天下為一家以中國為一人家天下人中國是以謂之王上九有孚威如王道本于誠意尤為可見

四聖一心錄

卷之三

家人

圭

可見

三三

睽小事吉彖曰睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉

火水曰未濟火澤曰睽火與水乃陰陽正交火與澤原不通氣故也離中女兌少女皆屬陰小陰二君而一民以小爲主從其小而事之故云小事吉說麗明柔上行得中應剛皆小事之義爻內見惡人遇巷主匪寇婚媾皆小事之所當有事者

四聖一心錄

卷之三

睽

素

象曰上火下澤睽君子以同而異

以異而異者小人之睽小人別是一箇志向所以人不能同以同而異者君子之睽君子自公天下以爲志人自不與之同耳如孔子違衆而下拜孟子不與右師言苟有見于理之同何害其爲俗之異哉是故天下有不同而異者祇爲絕物將惡人不見而天下無可與之人于巷不遇而天下無可事之君天下有同而不異者未免合污將負塗而不見其污載鬼而自罔其生以語君子之睽皆不免于千里君子之睽說乎其所以可說明乎其所自明睽乎其所當睽此睽

之時用所以爲大也

初九悔亡喪馬勿逐自復見惡人无咎象曰見惡人以辟咎也

初四志不同行然皆陽剛以同而異何害于睽故得悔亡喪馬志不同行失其所以行也勿逐自復行有不得反求諸其身也惡人不指四借三與五以發其義陽淑陰慝三五皆陰有其象矣見惡人與惡人之來見已非枉已以見惡人之謂程子曰當睽之時小人乖異者至衆若棄絕之不幾于盡天下以仇君子乎如此則失含弘之義致凶咎之道也又安能化不

四聖一心錄

卷之三

睽

毛

善而使之合乎故必見惡人則无咎也其義盡矣

九二遇主于巷无咎象曰遇主于巷未失道也

以二遇五不免以陽遇陰然五乃柔進上行得中應剛之主二于巷以遇之雖有委曲未爲失道其不然者不能正其身如正君何多見其有枉道徇人之失矣

六三見輿曳其牛掣其人天且劓无初有終象曰見輿曳位不當也无初有終遇剛也

三以陰乘二承四應上當睽之時與二不同行則不安與四不同行則不順與上不同行則自己之罪過

何以自解然三爲說主說而麗明豈無見者見到二之以與曳我命後車以載之也四之以牛掣我俾之舍逆而取順也上之有所天且躬于我利用刑人以正法也將使我之改過而遷善也刺鑿其額曰天特明之曰其人恐乖異之時亦猜上之爲豕爲鬼也二四上皆剛德君子三能從二則安從四則順從上則可改過自新无初有終而曰遇剛其義如此

九四睽孤遇元夫交孚厲无咎象曰交孚无咎志行也四以一陽剛處于上下二陰柔之中爲睽而孤昔之君子有寧孤立無助不失身于可賤之人者九四是

四聖一心錄

卷之三

睽

三

也乃睽其所當睽孤其所當孤者也元夫不但指初五上有上三下有二皆同德之元夫也應而遇初與之交孚去其如五就其如上去其如三就其如二與之交孚同德相求同志相信寧復有不同行而睽者乎象曰志行以此

六五悔亡厥宗噬膚往何咎象曰厥宗噬膚往有慶也五柔進上行得中應剛悔可以亡厥宗不止宗二凡陽剛君子皆是噬膚噬緊親賢不失之舒緩也二于巷以遇主五噬膚以宗其所親二不失道五往有慶睽之時用之大于斯見矣

上九睽孤見豕負塗載鬼一車先張之弧後說之弧匪寇婚媾往遇雨則吉象曰遇雨之吉羣疑亡也

四以介于二陰之間爲孤上以比陰應陰爲孤乃其睽而孤非其同而孤也陽潔陰汚見豕負塗見五與三之爲汚也陽神陰鬼陽生陰殺載鬼一車以乘應皆陰見五與三之爲豕而不自見其一車之所載皆鬼也何也當睽之時小人乖異至衆動有天剿于人疾不仁而已甚惡惡人而使之無所容面前純是一團殺氣非載鬼一車之象而何先張之弧始以攻人也後脫之弧終以反已也攻其惡無攻人之惡起其

四聖一心錄

卷之三

睽

三

死而回之生食而愛愛而敬不忍以豕交獸畜之道薄待吾人類匪寇其爲婚媾也以斯而往婚媾合而陰陽和是遇雨也既已遇雨以豕則無不洗其汚寧復有負塗之見哉以鬼則無不適其形寧復有一車之載哉此遇雨之吉而羣疑之所以亡也夫爲豕爲鬼以皆不復有人道而上能匪寇婚媾卒至遇雨而吉天下無可絕之人無不可改之過可知此睽之所以爲事同爲志通爲事類也邵子詩曰幽暗巖崖生鬼魅此上之睽孤之時清平郊野見鸞鳳此上之遇雨之時六三見輿之見見人之是而見已之非上九

見豕之見未免見人之非而不自見其非所以必遇雨而後吉君子以同而異同非尚同異非立異君子哉

四聖一心錄

卷之三

賤

幸

三三三
蹇利西南不利東北利見大人貞吉彖曰蹇難也險在前也見險而能止知矣哉蹇利西南往得中也不利東壯其道窮也利見大人往有功也當位貞吉以正邦也蹇之時用大矣哉

聖人明以見險能止爲智險者坎也止者艮也若以東北艮方爲險阻是險在後不在前矣所止皆險非見險能止之義矣夫山上有水所以爲蹇利西南者從山上而下平地脫去其險所以利也不利東北者復倒上山帶水拖泥沒足陷身泥淖污垢何時得止

四聖一心錄

卷之三

蹇

三

所以不利也利見大人貞吉親師取友尊賢好善之功卽居常不可無而況險難在前乎且在前之險難無時無處無之習心難除習俗易染宴安酖毒談笑戈矛靡麗蕩心功名滅性奔而趨爲往振而拔爲來往則未有不蹇來則曰譽曰反曰連曰碩隨有所得人苦不自見雖見不能止知不足以及之故也

象曰山上有水蹇君子以反身修德

易象示人處難之道三屯濟以動故曰經綸困濟以說故曰遂志蹇欲止于至善故曰修德程子曰君子之遇艱阻必反求諸己而益自修有所未善則改之

無歉于心則加勉乃自修其德也

初六往蹇來譽象曰往蹇來譽宜待也

六爻俱在能止上做工夫能止便是來不能止便是往往則蹇陷于險也來有譽止于初也初剛位能來而止以求其中見大人以交有功窮則變變則通之以盡其利以居剛位為貞而無失其當此見險而能止可以稱智者也寧無譽乎象曰宜待待則能止不待則不能止初待所當待故云宜亦有不宜待者二之蹇蹇五之大蹇是也蒙山陳氏曰六爻初往則蹇三往亦蹇四上往亦蹇戒其輕往非教以勿往不然

四聖一心錄

卷之三

蹇

三

何以云利西南往得中見大人往有功也得中有功則往不蹇而蹇濟矣

六二王臣蹇蹇匪躬之故象曰王臣蹇蹇終无尤也事不避難臣之職也如彼去君誰與守便是蹇蹇二以天下國家之蹇為蹇匪以己之蹇為蹇知有君不知有身事君致身見危授命履中行義志匡王室成敗利鈍一非所論故云終无尤不然趨利避害偷生全軀無所不至其罪有不可勝誅矣豈但有尤而已哉

九三往蹇來反象曰往蹇來反內喜之也

三以一陽止于二陰之上為艮之主止之為篤實而光明智之沉幾而先物者也反只是反還其當止之處陽性上進反而止其所當止非智者其孰能與于斯不能止則險難可憂能止則居易可樂故云內喜之若以反就二陰為得其安幾于近小人而危矣何得安幾于為小人之戚戚矣何得喜

六四往蹇來連象曰往蹇來連當位實也

連如所謂連諸侯之連四陰躁以妄動上往為往蹇合于三之艮山為來連自己得正為當位虛已從陽為有實以此待于初為實譽蹇于二為實心大于五之義

四聖一心錄

卷之三

蹇

三

九五大蹇朋來象曰大蹇朋來以中節也

五以剛健中正居尊位為天下利見之大人為智臨之大君來致上下譽反連碩之朋以濟其蹇此大蹇而朋來者也象明之曰以中節山上有水滿而易溢高而易危五以中道節其在已不自用而用人其五之所以為大乎又陽大陰小在大止蹇即是在天理上兢業夫二與五皆不以往為蹇何也蹇難也為君難為臣不易后克艱厥后臣克艱厥臣二五而以往

為蹇則天下之蹇誰當濟之者哉

上六往蹇來碩吉利見大人象曰往蹇來碩志在內也利見大人以從貴也

志在內與內喜之之內合凡言內者皆指內卦來連連于艮山也來碩碩從石義亦艮山也皆以發能止之義也連不可移碩不在小其大智也歟利見大人大人謂五獨于上爻發之者下四爻從下視上為易見上一爻瞻前忽後為難見故耳見大人曰從貴不見大人非從賤乎朋來曰大苟直諒多聞之士遠謔諂面諛之人至不其為小人乎當位曰實不當位此

四聖一心錄

卷之三

蹇

三

生不虛乎喜之反為憂泣血漣如何可長也无尤之反為有罪何所逃于天地之間也譽之反為毀穢德腥聞臭遺萬年何時已也乃知反身修德之時用君子有不可造次顛沛而少違者矣且夫蹇極為碩遜上名肥與豐翔益擊升豫皆冥之義不為比類並觀進退存亡之間有能得其正而不陷于險者幾何人哉幾何人哉

三三三

解利西南无所往其來復吉有攸往夙吉象曰解險以動動而免乎險解利西南往得眾也其來復吉乃得中也有攸往夙吉往有功也天地解而雷雨作雷雨作而百果草木皆甲折解之時大矣哉

解以西南為利震動在東坎險在北二卦合而險以動者也震動者自東而西坎陷者自北而南不其動而免于險乎故以言西南之利也无所往解之又解以至于無可解兢兢業業反復以圖其解者曾不少失此來復之吉也若尚解之未盡而有可往之地自

四聖一心錄

卷之三

解

三

非早見頤圖以求險難之必解其何以為解乎坤為眾彖明利西南為得眾解上下皆坤體也四往坤下二往坤中陽剛在我陰柔順服王道蕩蕩平平而天下遵之以為歸眾之得也動免乎險險而无險故云得中動无弗善故云有功

象曰雷雨作解君子以赦過宥罪

雷雨作解義理之充溢若雷霆之奮江河之浸膏澤之潤君子以之自解可以寡過可以遠罪而以之解人有過與赦宥有罪與宥豈徒赦之宥之動萬物者莫疾乎雷潤萬物者莫潤乎水雷動雨潤過與天下共

改之罪與天下共遠之有所以解之者在也程子曰
赦釋之宥寬之過失則赦之可也罪惡而赦之則非
義也故寬之而已

初六无咎象曰剛柔之際義无咎也

初柔四剛初險四動險而能動柔而剛克剛柔相摩
雷雨動盪險難其有不解乎初之无咎之義也

九二田獲三狐得黃矢貞吉象曰九二貞吉得中道也
坎純坤陰體未濟坎居下體亦象以狐三爲成數此
三狐之所以象卦有四陰必欲去五之一而言三非
也二剛得中應四以動何險之不能出有田獲三狐

四聖一心錄

卷之三

解

三六

之象邪私既去中直自還既以正己亦可正物有得
黃矢之象疑曰狐疑媚曰狐媚莫大罪過于此稔成
獲三狐以盡免天下之險得黃矢以完復降衷之直
解之貞吉無以尚之矣

六三負且乘致寇至貞吝象曰負且乘亦可醜也自我
致戎又誰咎也

三居四下宜負上而動則免乎險矣三位二上不
宜乘不敢乘二而動則免乎險矣不上之負而下之
乘故以負且乘爲義負乘竊位之人于四爲慢于二
爲暴四二皆君子也君子無可慢何所不容人之慢

君子無可暴何所不容人之暴然其同類之小人則
私心覬覦而慕效之無不欲去其所負而乘其所乘
習其慢以爲慢習其暴以爲暴也豈不爲盜之招也
哉

九四解而拇朋至斯乎象曰解而拇未當位也

四震主動于險上險似解在足下而云朋至斯乎何
明非君子之朋乃小人之朋也凡解要從中心透
如雷轟九天而雨溢四海纔是解之當今以九居四
外陽剛內陰柔居四拇乎險者也此三拇乎險者也
應初拇乎險者也一舉足而步步是險故云解而拇

四聖一心錄

卷之三

解

三六

蓋動而未能盡免乎險之象也夫然則陰朋之至若
其素孚亦如瞽瞍其陰虺虺其雷暫開復瞽暫解復
結者耳象故明其爲未當

六五君子維有解吉有孚于小人象曰君子有解小人
退也

五居剛應剛又乘藉四剛震動去險已遠能到君子
地位維有解吉六五能自解其陰柔而從陽剛故吉
也又曰有孚于小人門內有君子門外君子至矣門
內無小人門外小人退矣能使小人退而爲君子雷
以動之雨以潤之胥天下而納之恐懼修省之域沛

然德教溢乎四海斯其為君子赦過有罪動免乎險之極致乎

上六公用射隼于高墉之上獲之无不利象曰公用射隼以解悖也

三乘二五上乘四皆以柔乘剛總謂之悖上震動在上居解之極有公象去險逾遠則險可免而悖可解有射隼高墉之上獲之无不利之象凡鷹搏噬不能無失惟隼為有準每發必中是故旅之射雉得其明也解之射隼得其直也人之生也直乾之動也直上之射隼與二之得黃矢同射于高墉之上而獲之動

四聖一心錄

卷之三

解

三

無不直無動而不免乎險者也解至此然後有功故云无不利繫辭傳云君子藏器于身待時而動動而不括是以出而有獲其義甚明學者觀解之象變玩解之辭占試自省察于一日之間得無邪媚而為狐乎負乘而為寇乎同惡相濟而為小人之未退乎悖道犯分而高墉之隼之未射乎有一不解皆險以動動而不免乎險過極而不可射罪大而不可宥者也

三

損有孚元吉无咎可貞利有攸往曷之用二簋可用享象曰損損下益上其道上行損而有孚元吉无咎可貞利有攸往曷之用二簋可用享二簋應有時損剛益柔有時損益盈虛與時偕行

損下益上三柔在中上一剛下二剛下多一剛損而之上以剛益柔不使有餘在下不足在上下損則上益上益必下損故以名其損也損必有孚然後為元吉為无咎為可貞為利往而何者為有孚之損大矣中虛為有孚有孚上行之道如孝道上行于父忠道

四聖一心錄

卷之三

損

三

上行于君弟道上行于兄必從小處積累起細流不擇可以成溪土壤不讓可以成高勿以小善為無益而弗為勿以小惡為無傷而弗去勿以一介而輕取與勿以細行而不矜勿以小物而不勤當損之時二簋之約可以用享豈不信夫

象曰山下有澤損君子以懲忿窒慾

山下有澤損少男之下有少女情愛牽引相失則慾生交感則慾熾肆情鑿性何損如之君子觀象反躬以懲以窒損之又損以至于無內則理義悅心外則篤實良止然後樂處可尋忿不期懲而自懲天理流

行慾不期窒而自窒其斯爲損之有孚者哉

初九已事遄往无咎酌損之象曰已事遄往尚合志也今人開口只說了人事何曾說了已事所以視天下事與已都不相干便利則往不便不利就十分推托若此者全是推奸避事豈成一箇士人之志初之已事遄往程子所謂認得爲已何所不至雖欲不遄往不可得者象云尚合志初三皆剛自三而四而五皆柔初二合志當損剛益柔之時已溺已飢被髮纓冠而往救何用弗遄稍弗遄便延緩如禹造而稷緩稷而禹緩皆咎也皆非合志之尚矣酌損之程量以

四聖一心錄

卷之三

損

聖

往漸次上行無乎不往而亦一無妄往

九二利貞征凶弗損益之象曰九二利貞中以爲志也二之貞卽自己剛中之貞其云征猶征伐之征二居損剛益柔之中正已物正其道自然上行方有攸利非可有征于上也征則凶矣弗征而貞中道而立能者從之俾白三而四而五皆潛孚默化于吾中于已無損于人有益寧非弗損而益之者乎初尚合志合乎二之中二中以爲志居已于中欲使人皆取則以爲中上之大得志卽其得此

六三三人行則損一人一人行則得其友象曰一人行

三則疑也

三人行則損一人這一人損到何處去三與四五皆柔三近二尤在三人之先三能先自挹損以受二之損剛益柔之益損一人而使二人從之以爲損名曰三人行其實一人行已耳一行二後一倡二從近而友二弗損益之之益在焉遠而友上弗損益之之益在焉爲直爲諒爲多聞何者而非其所得之友耶象明之曰三則疑疑謂鈞敵而不相上下如時所當損而顧牽煩溺華左顧右盼前推後阻然則何時可昭二益用享之明信乎故必須一人損起損自一人便

四聖一心錄

卷之三

損

聖

是一人出頭作主而天下豈其無響應之者一鄉之善士斯友一鄉之善士推之一國天下莫不皆然雲龍風虎聲應氣求固其所必致矣

六四損其疾使遄有喜无咎象曰損其疾亦可喜也凡人有疾都在陰柔上生大象所謂忿與慾卽是人常犯之疾陽剛之人無此疾惟陰柔之人有此疾四居兩柔之中疾尤易生損此弗遄便入纏綿沉痾坑裏去故必遄損而後爲有喜初遄往四使遄救人治已汲汲倦倦總一心無兩心

六五或益之十朋之龜弗克違元吉象曰六五元吉自

上祐也

人惟萬物之靈奚啻十朋之龜但稍爲忿慾蔽累便多昏昏弗靈有弗靈者非其初也患慾窒之不至耳五應二承上二或弗損而益之五必受之上或弗損而益之五必受之以慾以窒去其柔暗益其剛明十朋之龜卽其固有非背而去元吉之道也象明之曰自上祐損剛益柔剛道上行至上而止五承上故云自上祐若使弗慾弗窒將這點靈明汨沒斷喪在慾慾中去則有匪奪其鑒必墜其命者又何祐之有哉上九弗損益之无咎貞吉利有攸往得臣无家象曰弗損益之大得志也

四聖一心錄

卷之三

損

聖

損剛益柔有時二之上皆柔有時自下而上以益之上之下皆柔有時自上而下以益之于柔爲益故上剛言損其實何嘗分此以與彼故二與上皆言弗損益之也二正已以行其道故以貞爲利而凶其征上得志與民由之故得寡其過而正乎吉利有攸往損益盈虛與時偕行堯舜且以安百姓爲病何能止而不往也得臣利益及人無思不服也无家以天下爲一家賜非家賜益非人益也三得友損在一人上得臣益徧天下初已事以人中國爲志上无家以家天下

下爲公損道至上大行象故明之曰大得志

四聖一心錄

卷之三

損

聖

三三

益利有攸往利涉大川彖曰益損上益下民說无疆自上下其道大光利有攸往中正有慶利涉大川木道乃行益動而巽日進无疆天施地生其益无方凡益之道與時偕行

益與損反損上益下自上下下即與損同義損以有餘之剛在下故當損下以益上益以有餘之剛在上故當損上以益下觀象昭然明白易知不必強爲煩難之說以求之也

象曰風雷益君子以見善則遷有過則改

四聖一心錄卷之三

益

聖

風雷益乾遇巽時爲月窟既往之愆與化俱徂此有過之可改也地逢雷處見天根將來之善與日俱新此有善之可遷也君子以見善則遷遷善全要自見改過亦然子言見過而內自訟人若不能自見其過何由可改蒙山陳氏曰人情悠悠者多夫子發風雷之象而教人遷善改過兩則字直是風烈雷迅不容停待

初九利用爲大作元吉无咎象曰元吉无咎下不厚事也

自上下下而爲下主以地道則當代天以有終以臣

道則當代君以有終以子道則當代父以有終迅雷烈風交相助益見善則與天下共遷之有過則與天下共改之此便是初之大作下之厚事程子曰莫將天下第一等事讓與人做以此對越上帝以此忠君以此孝親皆本分內事元吉之道非有所加厚于事之外也爲之在我者當如是耳

六二或益之十朋之龜弗克違永貞吉王用亨于帝吉象曰或益之自外來也

凡愆忿室愆遷善改過非獨抱明哲者不能損之五以應二承上益之二以近初應五雖陰暗而陽明易

四聖一心錄卷之三

益

聖

開或受初或受五皆十朋之龜之益也弗克違是承受得起永貞吉到底承受得起王用亨于帝吉遷善改過從享帝之心流出便是實得若從觸發感動而興起恐有轉換時節故須弗違永貞用亨于帝然後爲吉象明之曰自外來言人皆得以益之益自外來正以明用亨之誠當由中出也或益而至于永貞弗違其外來也莫非其中心之得矣益長裕而不設其義如此

六三益之用凶事无咎有孚中行告公用圭象曰益用凶事固有之也

三處三陰之中居震動之極自上下三益之以震動
恐懼之事乃凶事之益无咎之道也陰爻不乎三又
不中因此日遷月改有孚于中行之道動心忍性堅
志熱仁信其在已通其在上告公用圭也蓋三之遷
改從心髓上透進真是有諸已而信見善則信能遷
有過則信能改豈不固有而信有諸已乎蒙山陳氏
曰隕霜不殺則物之生機不潛逸樂終身則人之生
理不固故曰益用凶事固有之也

六四中行告公從利用爲依遷國象曰告公從以益志也

四聖一心錄

卷之三

益

聖

三四之告公五與上皆是四與三皆不中以中爲行
告公而從合起風雷相助之勢或遷善或改過第依
此從公之志而行之至于遷國無不利矣况其小者
哉大凡作事依奉天理而行自無不利遷國舉其大
者言之也曰遷國便見不可在時局世套中求之一
切改邑徙家殺身舍生之事惟其所利用矣象明之
曰益志國可遷而此志不可遷時可異勢可殊而此
志不可異不可殊乾坤毀而此志不可毀其斯爲無
方之益乎

九五有孚惠心勿問元吉有孚惠我德象曰有孚惠心

勿問之矣惠我德大得志也

今之益人者未能透底失其一片真實之心以愛人
而動輒問人以言惠其得爲無方之益否乎天勿問
而施地勿問而生九五正當損上益下之位勿問而
惠誠心信志旁皇周決于自上下下之交此九五之
惠心一天地施生之心也所以爲元吉也至于人之
惠我德與惠以姑息者殊是不同而亦真實有孚以
受之我之惠心不因之而益廣乎心德相惠人已交
乎合天下之心爲一心合天下之德爲一德其益人
也莫非其自益者矣夫非篤恭而天下平脩己而百
姓安之氣象乎故云大得志

四聖一心錄

卷之三

益

聖

上九莫益之或擊之立心勿恆凶象曰莫益之偏辭也
或擊之自外來也

天施地生之心無間可息自上下下之心亦無間可
息惟無息所以爲全所以爲立心之恆上居五上五
能損以益下上苟恃有五在或至上而不下損上益
下之心住了一住遷善改過之心亦或懈弛了一懈
弛便偏而不全乃有始無終之益也象故明其爲偏
也或擊之以與天施地生之心相悖上帝必且赫然
震怒而擊之也然亦不待擊之而後爲凶立心勿恆

自己自然過意不去自然杌隉不安凶莫大矣豈以擊之自外來者爲凶哉或益之自外來或擊之自外來俱不足算惟于立心之恆與不恆之間辨之此處恆自己勘得過便是吉此處不恆自己勘不過便是凶乾遇巽地逢雷曰雷風相薄巽而動相薄有常曰恆動而巽相薄無方曰益益之曰恆卽雷風之所謂恆也

四聖一心錄

卷之三

益

哭

夫揚于王庭乎號有厲告自邑不利卽戎利有攸往象曰大決也剛決柔也健而說決而和揚于王庭柔乘五剛也乎號有厲其危乃光也告自邑不利卽戎所尚乃窮也利有攸往剛長乃終也

柔乘五剛亦自有大氣力盤窟城社如何輕易決得他去五剛君子同心協德事急于奉公志專于報主凡所覲揚對揚無不惓切于公家以名號則有乎非驚虛聲而無實德又加之以危厲非偷晏安而怠憂勤凡所告戒而脩治者惟務反求而先去其一己之

四聖一心錄

卷之三

哭

哭

私意不于彼務攻擊而于己務進脩此則君子之道自日長而小人之道自日消所以爲健而說決而和若云乎號其衆則一正足以敵千邪一真足以消百僞豈必合衆君子之力以爲一己之力哉剛長乃終學問不到純乾地位終是不了事件不盡路頭惟畏而終方是原始要終有始有卒之學問

象曰澤上于天夫君子以施祿及下居德則忌

以陽決陰有一毫利之心不可故君子以施祿及下所以沛其澤也有一毫得之心不可故君子以居德則忌不自有其澤也

初九壯于前趾往不勝爲咎象曰不勝而往咎也

初何以不勝在下居後未當能決之位未操可決之權壯于前趾之往幾于忘其自邑之告自己站立不定何以決人故恐其有不勝之咎耳若是能勝而往決所當決亦何過咎之有

九二惕號莫夜有戎勿恤象曰有戎勿恤得中道也

二得中道名號已正而又將之以惕厲則自邑而告者計矣不尚即戎而莫夜之戎無能害已終必潛消故勿恤

九三壯于頄有凶君子夫夫獨行遇雨若濡有愠无咎

四聖一心錄卷之三 夫 辛

象曰君子夫夫終无咎也

三決上何得言合壯于頄剛過不中以柔爲易決而以剛爲足恃微于聲色見于顏而輒欲即戎故有凶也然則何如君子夫夫告之自邑孤忠自許獨立敢言即之於人決人之所不能決決人之所不敢決爲獨行健而未嘗不說決而未嘗不和有平易而無忿嫉以正直而兼忠厚爲遇雨夫遇雨則不能無澤若濡者一時和說以決之跡耳獨行則不能無愠有愠者一時流俗衆人之心耳君子豈終有咎之者哉若云爲君子所愠以五剛決一柔恐君子自有同心亦

無反致其愠之理

九四臀无膚其行次且牽羊悔亡聞言不信象曰其行次且位不當也聞言不信聰不明也

四係累于陰柔欲決小人而自邑未告坐而不決則不安行而決之則次且而不能勇決然則何如其惟牽羊而後悔亡乎四兌體有羊象四之羊猶五之覓牽羊決覓皆柔所謂告自邑也說體多係羊性善羣幾于不決故有不信之戒甚言其不可不自牽而去之也信能牽羊而明于自告則垂紳正笏而秉道嫉邪舉直錯枉而不仁遠去果何居之不安而行之

四聖一心錄卷之三 夫 辛

不進之患乎噬嗑上九何校滅耳曰聰不明夫九四聞言不信亦曰聰不明可見只一聞言不信便與惡極而不可掩罪大而不可解同科君子其可侮聖人之言而或有所弗信哉

九五覓陸夫夫中行无咎象曰中行无咎中未光也

五比上如覓陸之感陰氣以生者然夫夫而合于中行且爲未光况不自夫而徒夫人乎程子曰夫人心正意誠乃能極中正之道而充實光輝五心有所比以義之不可而決之雖行于外不失中正之義可以无咎然于中道未得爲光大是也夫五剛皆以夫柔

爲大而初咎前趾二戒惕號三凶壯頡四牽羊五決
竟切切爲自己之告者曾不少置正猶規矩準繩必
先自治而後可以治人也昔後世之決小人則皆以
卽成爲利者耳所尚安得而不窮小人安得而決去
乎

六无號終有凶象曰无號之凶終不可長也

夫大義全要有號孟子曰先生之號則不可乎號尚
云有厲惕號止云勿恤况无號乎凡無諸已而求諸
人有諸已而非諸人皆无號之終有凶也象明之曰
終不可長无號之人生理幾于自絕自且不可長而

四聖一心錄

卷之三

夫

聖

况决人乎

三

姤女壯勿用取女象曰姤遇也柔遇剛也勿用取女不
可與長也天地相遇品物咸章也剛遇中正天下大行
也姤之時義大矣哉

遇壯女勿用取女然則絕之乎曰金柅以繫其在我
杞以包其在彼則女不得以牽男婦不得以乘夫男
女正夫婦和天地遇而品物章矣乾遇巽時爲月窟
此處不遇則乾坤毀人物消寧復有生理乎天地萬
物生理盡數窟藏于此乾巽之一遇至于坤震交而
天根見亦何莫而非從此出耶云不可與長要使長

四聖一心錄

卷之三

姤

聖

在男不在女陽常足以勝陰陰不至于侵陽然後爲
姤之中正品物咸章以此天下大行以此

象曰天下有風姤后以施命誥四方

初六繫于金柅貞吉有攸往見凶羸豕孚蹢躅象曰繫
于金柅柔道牽也

君子之遇小人第一在自己脚步立得定稍立不定
小人便跳跟恣睢輾轉蹂躪君子其能當之否乎羸
豕蹢躅牽連糾絆牽得人七顛八倒存站不住此金
柅之繫所以爲貞吉也自己墜立得定又包容得下
宇宙內人何不可與之相遇乎相遇則無不並生品

物咸章以此相遇則無往不通天下大行亦以此肯者孔子卒老于行人以爲不遇不知周流于七十二君何國不遇陽貨可見公山佛肸可往何人不遇此其道之大行于天下萬世而迄今如日中天也此姤之所以爲姤也

九二包有魚无咎不利賓象曰包有魚義不及賓也

二包初不與之爲賓主言權常在于九二伸縮得以自由此所以无咎若以爲賓便幾于抗主非包有魚之義矣蒙山陳氏曰遇而包之則小人不得肆其惡二之所以无咎五之所以有隕自天也

四聖一心錄卷之三 姤 五

九三臀无膚其行次且厲无大咎象曰其行次且行未牽也

姤遇也如云無所遇安得謂之姤三居巽極巽爲躁卦又爲不果包之不能不包亦不能居則不安不安于不包行則不進又不果于包其咎大矣然則何如其惟厲乎厲者不安坐而決于行也象曰行未牽言能決于行則不爲柔道所牽而可以包而制之如二也

九四包无魚起凶象曰无魚之凶遠民也

四初正應而曰包无魚直言其不包也以其不中正

故不能包也應而不包其害滋大故曰起凶言凶自此起也不包似乎遠小人而象曰遠民何也小人亦民也以小人爲義則不可不遠以民爲義則不可不遠姤遇也天地相遇品物咸章直絕小人非天地相遇之義也二不以爲賓而惟一我所主四有所不遠而并包以爲民其于中正大行之義幾矣

九五以杞包瓜含章有隕自天象曰九五含章中正也有隕自天志不舍命也

曰包曰含與防義似遠杞在上瓜在下周公明象其包未象其防也若云防其潰又何以謂之含章魚與

四聖一心錄卷之三 姤 五

瓜皆陰物之美者包瓜則美在其中即含章也魚无包瓜且潰乾不遇巽月窟或幾乎毀矣何以爲姤哉此爻正是剛遇中正天下大行如衆君子在上固是太行其志一小人在下亦惟君子之所左右而奔走但見其可用而不見其可棄但見其爲美而不見其爲惡人有是志天有是命志命相合無相舍也

上九姤其角吝无咎象曰姤其角上窮吝也

九五能包能含有隕自天回天易命皆其能事上九高亢剛極稜角峭厲既隘并包之量終鮮含弘之度相遇咸章中正大行之道至此而窮其爲姤角之象

平咎之道也然而儒者有云吾人當學子路此又上之无咎之義也神物潛淵則珠貝不採巨獸伏山則林木不伐峻采振世則邪慝回心言角而猶稱姤安見其爲不遇无咎矣或問世之治常少亂常多君子常少小人常多奈何曰于夫而濊于去小人之道于姤而濊于處小人之道何憂乎不治何畏乎小人

四聖一心錄

卷之三

姤

平

萃亨王假有廟利見大人亨利貞用大牲吉利有攸往象曰萃聚也順以說剛中而應故聚也王假有廟致孝享也利見大人亨聚以正也用大牲吉利有攸往順天命也觀其所聚而天地萬物之情可見矣

詩序云意誠心正之功不息而久則其薰蒸透徹融洽周徧自有不能已者以假有廟以見大人自非一段透底精神爲之感格其可以言萃乎用大牲吉利有攸往以此觀其所聚而天地萬物之情可見人之精神原與天地萬物相爲流通以假有廟已之精神與祖考鬼神相爲流通矣以見大人已之精神與聖賢君子相爲流通矣天地萬物之情不可以見于萃乎

四聖一心錄

卷之三

萃

平

象曰澤上于地萃君子以除戎器戒不虞

物聚必爭可以羣羣而不黨便是君子戎器之除不虞之戒匪必以干戈爲戎兵

初六有孚不終乃亂乃萃若號一握爲笑勿恤往无咎象曰乃亂乃萃其志亂也

初與四應爲有孚初四皆失正爲不終此非正而萃乃亂而萃者也剛中而應故聚五剛中爲天下利見

之大人必利見九五然後謂之聚以正下順體詩萬民是若若順也四臣五君初不應五爲逆爲亂舍四從五以臣應君名號方順遂一握而爲笑卽所謂順以說也言相契合也勿恤往勿恤其與四相悖而惟以順五爲利往也如此則不終之患可無虞而有孚之萃爲得正故无咎

六二引吉无咎乎乃利用禴象曰引吉无咎中未變也二順五說相與爲萃以柔順中正應剛健中正已之所萃之正不待言矣以居二陰之中又引二陰以萃于五引初若號引三上巽爲牽復以進爲拔茅以征

四聖一心錄

卷之三

萃

美

吉而无咎之道也乎乃利用禴二虛中上通有孚義多爲登嶺而匪以樹私廣爲明揚而惟以事君旣盡誠矣以之用禴何弗利乎言用禴者君道隆貴大牲以盡物臣道恭貴禴祭以致誠也象明之曰中未變中謂二之中德未變謂不受變于二陰不變于陰則有以引而變陰可知矣凡人之心乎則不變不乎則多爲物所遷乎則光不乎則多爲物所蔽二乎故云未變五匪乎故云未光

六三萃如嗟如无攸利往无咎小吝象曰往无咎上巽也

剛中而應故聚二萃五乃利見大人之正聚以其知有五不知有四也初應四三近四以此相萃爲乞播爲媚寵初故亂二故嗟皆謂之不正之聚安得而有攸利乎往无咎上巽也越四巽五而以大人爲利見然後得免于咎也然四當三前四非大吉之人三必由之以萃故仍不免有小吝末世士人措足權門以苟富貴者固不足道而有受爵公朝拜恩私室亦乃亂嗟如之道也此聖人之所深戒而甚言其不利也九四大吉无咎象曰大吉无咎位不當也

四聖一心錄

卷之三

萃

美

則如書所云臣之有作福作威王使恩威出于已而天下向我以爲萃凶國害家之道也故必大吉然後爲无咎

九五萃有位无咎匪孚元永貞悔亡象曰萃有位志未光也

萃亨王假有廟廟有二王則不假矣五得萃位威福在已天下順之无咎之道也然剛中之德爲擅權君側之四所蔽雖有相應而不相孚故云匪孚元永貞體元立極長承正固出頭作主有總攬而無旁落有獨斷而無自用有所任于四而非有所假于四俾四

行吾之令以致之于天下而不俾四竊吾之威福以要結于天下如此然後聚以正而得亡其悔耳象明之曰志未光萃而志光假廟之王其爲顯比天下之王也哉

上六齋咨涕洟无咎象曰齋咨涕洟未安上也

上爲說主與三同德兩陰相求說之不以道者位在五上當公卿輔弼之責其可以見剛中之大人而徒爲容悅之臣否乎必也齋咨涕洟毋爲甘言而爲苦言毋投之以其所樂而規之以其所憂毋侈豐亨豫大之說而切游淫怠荒之微世已治而曰未治四聖一心錄

卷之三

萃

萃

萃

萃

萃

萃

萃

萃

萃

萃

萃

升元亨用見大人勿恤南征吉象曰柔以時升巽而順剛中而應是以大亨用見大人勿恤有慶也南征吉志行也

蒙山陳氏曰柔以時升謂坤上行惟時升故元亨惟柔故用見大人則勿恤南征則吉勉柔之從陽也

象曰地中生木升君子以順德積小以高大順德卽柔巽之順德陽剛爲大爲南見大人南征以陰而從陽從小處積累以進于高大君子之德莫順于是矣

四聖一心錄

卷之三

升

升

升

升

升

升

初六允升大吉象曰允升大吉上合志也

以上巽二陽爲合志

九二孚乃利用禴无咎象曰九二之孚有喜也

萃六二柔中爲中虛升九二剛中爲中實故皆曰孚乃利用禴巽而順剛中而應二之利禴不止以誠意通于五合上下而無所不通所以爲有喜也君子南征而坦蕩蕩有喜有慶小人北走而長戚戚多憂多恤

九三升虛邑象曰升虛邑无所疑也

人只有疑心體便不虛便易動易以斷天下之疑无

所疑明無疑也陽明無疑陰暗有疑無疑之人如損之上爲無家如升之三爲虛邑

六四王用亨于岐山吉无咎象曰王用亨于岐山順事也

太王避狄邑岐王業從此亨通自常情論之以棄土地爲逆自太王視之以不爭地害人爲順此太王之順事也四順體進于巽上用太王岐山之亨以爲升上順君之升下順賢之升已則順德進修而以日躋高大爲其事吉而无咎不亦宜乎反是則逆惡乎言順不順則必墜敗惡乎能升蒙山陳氏曰二四不言

四聖一心錄

卷之三

升

奎

升二人臣之正位也四近五升則逼于君故亦不言

升二孚四順臣道之升不加于此矣

六五貞吉升階象曰貞吉升階大得志也

五以柔中下應剛中爲貞階卽階級有次第而升者有循序漸進之天德便可以語必世後仁之王道象故明之曰大得志

上六冥升利于不息之貞象曰冥升在上消不富也

初之允二之孚三之虛四之亨五之階皆順之德也皆所謂南征之吉也陰居升極與二之剛中不應陰壯方與南征反冥于升與順反象故明之曰消不富

言貪求無已之人滿則必溢盛則必衰但有消亡無復增加甚言其不利也所利者反求不息之明以爲貞耳不息之貞所謂本體之明初未嘗息者於此積小以升日新富有可以日躋于高大亦不患其消矣程子曰小人以貪求無已之心移于進德何善如之此不息之貞之利也或云未至升進之極求升可乎蒙山陳氏曰人之福量鉅細有涯以杯勺之量強進於升斗則溢矣豈必享人間得意之極又求進不已然後爲冥升哉

四聖一心錄

卷之三

升

奎

困亨貞大人吉无咎有言不信彖曰困剛掩也險以說困而不失其所亨其惟君子乎貞大人吉以剛中也也有言不信尚口乃窮也

大人之困不言而信所得于心者淡故不窮尚口乃窮以無得于心也兌爲口而處困上故以尚口示戒象曰澤无水困君子以致命遂志

致命致極其命也遂志直遂其志也謂將自己一命持以與人而不之有何輕棄如是且見危授命亦是還之于天不成授之于人困未必危奈何持以與人

四聖一心錄 卷之四 困

凡言凝命改命革命至命與致命總是一般到底學問今人處險難都輕易蹉過去卑者惟有戚戚高者亦是擺脫排遣何曾說君子不失其所亨却是險而說到險而說的地位造化在我故云致命行無不得故云遂志若是命不能致便是志不得遂看君子遂志處真是說真是不失其所亨真是有諸己而信心可得而惟口不可得而言蒙山陳氏曰死生有命死生非命也可以生則生可以死則死命也子在回何敢死可以生則生也比干之諫夷齊之餓可以死則死也致命然後志可遂志遂則亨亨在志也非身全

而事亨也鼎言凝命惟凝命然後能致命身可死命不可不凝故曰死生非命也朱子曰困阨有輕重力量有大小若能一日十二時點檢自己念慮動作須是合宜仰不愧俯不忤如此而不幸填溝壑喪身殞命有不暇恤只是成就一箇是處

初六臂困于株木入于幽谷三歲不覿象曰入于幽谷幽不明也

困剛掩也剛爲柔掩且困而況其質之本柔者乎初質本柔又處困之最下枯槁全無生理有株木之象一隙之明不通有幽谷之象子曰困而不學民斯爲

四聖一心錄 卷之四 困

下初把身子安坐在無生理去處日流于污暗之地此便謂之臂困臂困坐困也困而不學自暴自棄之下愚雖聖人與居不能化而入者也言三歲不覿終身無復有出幽遷喬之日可知矣

九二困于酒食朱紱方來利用亨祀征凶无咎象曰困于酒食中有慶也

坎剛爲兌柔所掩二又爲下體兩柔所掩豈既醉既飽飲食宴樂之時乎此困于酒而不飲困于食而不食君子之困其所當困者也以五合德爲朱紱方來窮而通也利用亨祀就此遏絕沉湎之禍洗滌口腹

之養用以黼黻皇猷感格君心對越帝命其有慶也大矣征凶无咎古之君子有犯險難履危途觸禍機而足以濟天下者豈以征凶爲咎哉總謂之困而不失其所亨

六三困于石據于蒺藜入于其宮不見其妻凶象曰據于蒺藜乘剛也入于其宮不見其妻不祥也

三應上上漏三枯石之困也以一柔乘二剛之間蒺藜之據也於此求出尚有生路入而寢處忍辱安危則死妻之不可見也所謂石所謂蒺藜皆其宮之所自有者不可指四爲石二爲蒺藜四二皆陽剛爲金

四聖一心錄

卷之四

困

三

爲玉惡乎爲石爲恒易之德行惡乎爲蒺藜

九四來徐徐困于金車吝有終象曰來徐徐志在下也雖不當位有與也

以陽居陰處不當位與初爲應所志在下故欲其來徐徐徐徐其來可以免幽谷之入矣近比乎三蒺藜之地一步不可行爲困于金車金車困而不行可以免蒺藜之據矣夫輪轅飾而弗庸虛車也四之吝也然剛德在我下之二上之五皆吾致命遂志貞大人吉之與也此所以雖吝而有終也

九五劓刖困于赤紱乃徐有說利用祭祀象曰劓刖志

未得也乃徐有說以中直也利用祭祀受福也

劓于上陰刖于下險困于水潤澤枯陽剛君子爲陰柔小人所拊蔽而赤紱不爲佐助是可以躁心乘之乎五本中直而居說體二四皆道同德合之賢四徐徐以舍下五徐徐而來四二盡誠以亨祀而上交五亦盡誠以祭祀而下交徐必相應而來誠必交孚而合乃徐則有說而且受福矣古之人有行之者成王是也三監放黷二叔流言碩膚遜而赤舄以東四國疑而王室机阻非所謂劓刖而困志未得之時乎比及三年疎厲風雷之變感悟鳴鵩之什九毀賊而哀

四聖一心錄

卷之四

困

四

衣還朝東山征而四國是正天命既固二后右享禮樂四達不悖姬籙開于八百殆非成王一人之受福而天下之人之無不蒙其福也象曰以中直與同人九五同變正言直直言其正以之同人有三代直道之遺思以之處困有萬折不同之志節謂直比正義差緩非是

上六困于葛藟于臲臲曰動悔有悔征吉象曰困于葛藟未當也動悔有悔吉行也

王與三陰柔牽引上下垂三上累如葛藟之纏綿依附然此臲臲不安之困也其惟動悔有悔困心衡慮

解纏脫縛然後爲吉行乎三凶上吉以蒺藜之下盤者難窮而葛藟之上附者易伐也困而安坐于初卒無間見之期困而斃施于終尚有征行之吉甚矣困而不學者之終爲下民也三之蒺藜聖人以爲不祥五之祭祀聖人以爲受福乃有不肯受福以生而卒甘于不祥以死亦獨何哉

四聖一心錄

卷之四

困

五

井改邑不改井无喪无得往來井井汔至亦未繙井羸其瓶凶彖曰巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也

改邑不改井改人不改心也无喪无得不爲堯存不爲桀亡也往來井井千百世之既往千百世之將來此心此理無不同也井井卽是辨義六尺之形軀有壞方寸之義理無壞不待生而存不隨死而亡往來無不井其井其于義也深矣井井者繙至而不羸其

四聖一心錄

卷之四

井

六

瓶者也羸對肥言有得爲肥無得爲羸又毀敗爲羸汔至汲將至也亦未繙井繙不足也繙旣不足又復羸其瓶是以凶也羸瓶之人良心滅絕一無所得惡得無凶

象曰木上有水井君子以勞民勸相

序卦勞乎坎坎者水也正北方之卦也勞卦也萬物之所歸也君子以井勞民欲使人人自得其所歸耳不以此勸相爲勞儘饒豐足衣食只是一包膿血包裹一大塊骨頭或自以爲富而不知其爲天下之第一窮民也豈不羸瓶而凶哉

初六井泥不食舊井无禽象曰井泥不食下也舊井无禽時舍也

初方巽乎水而未上乎水最在井下上又無應故不泉而象泥人之所不可食也泉上出則渫治而新泥下停則滓穢而舊禽所不嚮而况人乎時之所共棄也井井者何如掘其泥而必上乎水斯革舊而新功及物矣

九二井谷射鮒甕敝漏象曰井谷射鮒无與也

泉出通川爲谷一曰窮也二比初未能上出而反下注有井谷射鮒之象又九本陽剛而乃居陰強猛其

四聖一心錄 卷之四 井 七

外而腐敗其中有甕敝漏之象甕說文亦作汲甕以敝漏之甕汲射鮒之谷井卽汔至繡井固不能得升斗之水以自養而養人也象故明其无與也昔有慨士之修于家而壞于天子之庭者夫能修于家猶是抱全甕而出今却先壞于家直抱敝漏之甕而出者耳不尤爲可慨之甚哉

九三井渫不食爲我心惻可用汲王明並受其福象曰井渫不食行惻也求王明受福也

三巽乎二之上爲渫未上乎四之上故亦不食爲我惻惻憂國憂民不忍私之一己而欲行之天下也可

用汲可以及人也但承四應上爲暗明珠暗投且按劒而視矣王明並受其福而象云求王明明必能求求必爲明茲豈賢人之受福實乃明王之受福也世有認泥作渫不勝其惻而急于用汲卒至名辱身危而徒爲敝漏之甕贏敗之甕其去求王明之義固甚遠矣

六四井甃无咎象曰井甃无咎修井也

四已巽乎三上而水上水甃者修治之謂澄初之泥窒二之谷近三可以爲渫承五可以爲冽其不食也修其所未至其用汲也修其所不窮蓋无喪无得而无

四聖一心錄 卷之四 井 八

乎不修往來皆可井井者故无咎

九五井冽寒泉食象曰寒泉之食中正也

井以辨義義者心之宜井之泉也心之宜非襲之可得井之泉上出斯不窮是故辨義于心者上水于井也五二陽剛合德下巽上行豈不冽寒而可食乎言冽又言寒坎者正壯方之卦於時爲冬于氣爲寒又乾陽爲寒不泥而匪谷既渫而且甃泉之所以冽而寒也凡人于世情冷不下全是一片熱心腸以滯泥焚灼于其中君子盡沈世情濯以寒泉冷然清淵然潔焦火不入熱中不生將出之不竭而取之無窮矣

安所往而不爲養安所往而不爲義哉

六井收勿幕有孚元吉象曰元吉在上大成也

井收卽綯井之綯汔而能至者也勿幕往來井井養而不窮無所不用人之汲也有孚寒泉在中資之渙則取之左右逢其源也故以爲大成也井至大成則豈惟無贏敗之凶敝漏之患將無福之不並受矣困以寡怨曰受福井以辨義亦曰受福然則聖賢所爲壽壽以無怨遠怨喻義集義訓天下後世者豈非歛時五福用敷錫厥庶民之意哉特人自迷而不悟棄而弗受已耳

四聖一心錄

卷之四

井

九

革已日乃孚元亨利貞悔亡象曰革水火相息二女同居其志不相得曰革已日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉

已日之革六爻惟見之六二象又明言革而信之已卽是信革于信乃謂之革革不以信革面之革非革心之革也其革安得當其悔安得亡十干戊己爲中土四端之信猶五行之土革之已蠱之甲巽之庚其義一也夫水火不相射相射相害也離火然則坎水

四聖一心錄

卷之四

革

十

乾坎水決則離火滅是相害也若革之水火相息乃澤水離火相違則睽相息則革水以息火而火於是乎下降下降者輝光之照耀歛而藏之以爲內之明火以息水而水於是乎上升上升者義理之涵蓄充而溢之以爲外之說此革之所以爲虎變而爲大人爲豹變而爲君子也九四改命之吉與湯武革命同進干革命改命水火之相息也至矣二女同居其志不相得曰革一疵不存然後萬理明淨一毫之陰氣未盡而以言乎乾道之變化天德之純全不可得也況二女同居純是陰氣用事其志何由而相得乎夫

惟革其不相得之志而志于爲大人爲君子然後謂之信志然後不至于爲同居之二女爲從人之妾婦象曰澤中有火革君子以治曆明時

曆非紀數之書乃曆日月而迎送之曆一歲十二月一月三十日一日十二時就一日而論之無一時之差忒統一歲而論之無四時之差忒時時是明時時是治時時是革革之時所以爲大程傳云觀四時而順變革則與天地合其序矣是也

初九鞏用黃牛之革象曰鞏用黃牛不可以有爲也

初陽剛所居所應又皆陽剛地黃而牛順離兌皆坤

四聖一心錄

卷之四

革

十一

柔而初四相應皆乾剛鞏用黃牛之革坤順承乾之革也聖學無所爲而爲初九無所爲而革以四息初除了循天理外別無所爲便是黃牛之革著實固守勿失便是鞏遯六二執用黃牛堅其必遯之志革初九鞏用黃牛貞其信革之心

六二已日乃革之征吉无咎象曰已日革之行有嘉也

三五雖不相得二柔順中正而內文明故能信于從五以陰順應乎陽而革其在陰以女順應乎男而革其在女革之至當行之有嘉者也征吉无咎信初信三信四信五無征不吉寧有過咎

九三征凶貞厲革言三就有孚象曰革言三就又何之矣

三與上相息而爲革三火剛燥全要上水來息一息如不貞其在三而貞其在上其無凶乎此非三之所革之當也夫惟艱貞危厲自四而五而上三有所就以言革其斯爲革而信之者乎象曰又何之就其如四爲改命之吉就其如五爲虎變大人就其如上爲豹變君子其于革也思過半矣

九四悔亡有孚改命吉象曰改命之吉信志也

四乘三承五應初一片純是剛德悔所以亡如是其

四聖一心錄

卷之四

革

十二

相孚以革則造化在我而命改矣非湯武順天應人之革何以幾此

九五大人虎變未占有孚象曰大人虎變其文炳也

五內積文明之中德而外昭和說之威儀根心生色粹面盎背施于四體四體不言而喻炳然洞徹表裏若見光明此虎變之大人未占而人無不信者象曰其文炳與其文蔚差別蔚止于盛英華發外炳極其明昭明有融華九五之文炳乃乾九五文明之能事也故在乾謂之飛龍在革謂之變虎人而飛不如龍變不如虎不爲大人亦小人而已矣有志于革者審

之

上六君子豹變小人革面征凶居貞吉象曰君子豹變其文蔚也小人革面順以從君也

虎山獸之君豹似虎古詩餓狼食不足饑豹食有餘言狼貪豹廉有所程量而食其字從勻是也此五上之變虎豹取象之別也上應三進于四五之上循循雅飭可爲豹變之君子以質陰難于透底又象革面之小人革止于面免而無恥雖不敢爲惡而爲惡之心未嘗忘刑罰衰教化廢復躅躅而爲惡矣寧無凶乎其惟以豹變爲貞而居之然後修之吉而可爲君

四聖一心錄

卷之四

革

古

子順以從君象之義進小人以革于心然後得終爲君子也蒙山陳氏曰程子于上六革面之義以變化氣質言之既深罪夫自暴自棄者而又曰下愚能革而者何也心雖絕于善道其畏威而遠罪則與人同也惟其與人同所以知非性之罪也朱子曰革是更革之謂到這裏須盡翻轉更變一番所謂上下與天地同流豈曰小補之哉小補之者謂扶衰補敝逐些補緝若是更革則須徹底從新鑄造一番二先生之言吾黨宜時時誦之毋徒冒豹變之名而自甘革面之實也

三三

鼎元吉亨象曰鼎象也以木巽火亨飪也聖人亨以享上帝而大亨以養聖賢巽而耳目聰明柔進而上行得中而應乎剛是以元亨

以木巽火優游漸進漸漬不迫必期於熟而後已者也烹即熟仁之功一日不烹便要饑餓而死聖人烹以享上帝與天地爲一體大烹以養聖賢與東西南北千百世上下之聖賢爲一體而胥納之並生之域斯其爲鼎立乾坤者哉

象曰木上有火鼎君子以正位凝命

四聖一心錄

卷之四

鼎

古

正位凝命位者立人之道也命者天賦之理也烹飪得義理熟私欲盡如水浚其源而流長木培其根而葉茂人道盡矣天命不在我乎故云凝命孟子曰莫非命也順受其正正命我凝天地陰陽吉凶禍福有不得以困我矣若是桎梏巖牆而死惟不正厥位乃早墜厥命天曷故哉邵子詩曰耳目聰明男子身人耳目聰明而正位凝命之君子不多見于天下則知烹飪以養其耳目之形體不知烹飪以養其耳目之聰明故耳

初六鼎顛趾利出否得妾以其子无咎象曰鼎顛趾未

悖也利出否以從貴也

巽初鼎下有趾象自二以至四皆剛而初獨柔爲否剛強而柔弱爲顛利出否就顛以爲功故利蓋人自形生以來耳濡目染不知積有多少否惡在以目則蔽于明以耳則壅其聰孟子所謂飲食之人則人賤之是其否也出此否惡去故就新烹飪到淨虛而明通爲雉膏之食動直而公溥爲公餗之不覆耳聰目明上達天德享上帝矣不以小害大不以賤害貴從其大體爲大人養聖賢矣因顛以爲利以賤而致貴鼎初之補過不其善哉蒙山陳氏曰初六在革之後

四聖一心錄

卷之四

鼎

十五

鼎之初故言變化氣質之全功顛趾是徹底掀翻朱子所謂須盡翻轉更變一番正此意趾不顛否不出雖有雉膏總成毒味以夙生孽血未淨也必顛趾而出否然後可以正位而凝命

九二鼎有實我仇有疾不我能卽吉象曰鼎有實慎所之也我仇有疾終无尤也

二以剛實居中爲鼎中有實之象二之實在三爲雉膏爲義在四爲公餗爲信此非我一人之獨有而天下之人之所同有也鼎之烹飪全在有實無實而烹鼎且立見其破裂矣我仇謂五詩赴赴武夫公侯好

仇仇與述同有疾如損六四之疾乃五之陰柔之疾五虛中以應二二剛中以上交五之疾必且自瘳夫豈累及于二此九二烹飪之功之及于五爲能慎其所之者也若以初爲仇則以木巽火顛趾出否從前否惡固已灰燼無存矣何能復求于二相陷于惡而爲仇耶五之疾不卽于二二之實能公諸五自見于言外

九三鼎耳革其行塞雉膏不食方雨虧悔終吉象曰鼎耳革失其義也

六爻明以初象趾象足五象耳三居二四之中爲雉

四聖一心錄

卷之四

鼎

十六

膏上不應五無能以此食于五耳之革也程子所謂三與五異而不合變革爲異是也下不應初無能以此食于初行之塞也象明之曰失其義失其食人之義也方雨虧悔二三四上皆食人者初五皆食于人者九三與五與初兩相求而相遇則方雨而人其悔以耳則不革以行則不塞食人者食于人者不必得爲在人不必失爲在已成不獨成達與俱達有終吉矣

九四鼎折足覆公餗其形渥凶象曰覆公餗信如何也三四兩爻居鼎之中爲義信之實以木巽火烹飪而

熟文明之腴故云雉膏以其爲天下之所同嗜公天下而不私故云公餽三耳革而至于塞以無應四折足而至于覆以應陰無應止于不能及人故云失應陰必且喪其在我故云凶孟子所云養小失大養賤害貴使都是覆公餽者此等人止是一包濃血包裹一大塊骨頭形雖潤澤直死人耳不亦凶乎象明之曰信如何民無信不立折足之鼎豈立不起盡喪其有人而無信不知其可也

六五鼎黃耳金鉉利貞象曰鼎黃耳中以爲實也

鼎之鉉貫乎鼎之耳者以應二爲鉉是貫乎鼎之腹

四聖一心錄 卷之四 鼎 七

不實乎鼎之耳矣中以爲實柔進上行得中應剛二

之實卽爲五之實耳所以象黃也金鉉乾剛爲金以

五承上黃實金相何貴如之何重如之金百鍛而剛

不改五質柔故又有利貞之戒

九鼎玉鉉人吉无不利象曰玉鉉在上剛柔節也

五爻上貫象金上貫乎五又象玉蓋烹飪而至于五

離火中烈千鍛百鍊是精金也烹飪而至于上離明

外瑩既琢復磨是良玉也金和玉節金輝玉潤斯其

爲天下之重器哉上剛居柔以剛節柔透底變化如

良璧完瑜絕無纖毫石氣以爲之瑕類故大吉而无

不利書不剛不柔厥德允修卽是剛柔節之義

四聖一心錄 卷之四 鼎 十八

震亨震來虩虩笑言啞啞震驚百里不喪匕鬯彖曰震亨震來虩虩恐致福也笑言啞啞後有則也震驚百里驚遠而懼邇也出可以守宗廟社稷以爲祭主也象曰洊雷震君子以恐懼修省

忽然夜半一聲雷萬戶千門次第開便是震亨繫辭鼓之以雷霆帝出乎震乃坤復之交警省人心最初一著洊雷震無時不震來來無窮相續不絕謂之震來若云當震之來時則寧有不來之時乎震有不來之時則恐懼修省有間斷矣所喪不既多乎子曰發

四聖一心錄

卷之四

震

十九

憤忘食樂以忘憂不知老之將至憤樂原是一時事虩虩啞啞亦一時事虩虩而無啞啞則蕙而已矣啞啞而非虩虩則處堂之燕雀而已矣出可以守宗廟社稷以爲祭主守得宗廟社稷主得祭來非時時恐懼修省齋戒以神明其德與鬼神合其吉凶者其孰能與于此

初九震來虩虩後笑言啞啞吉象曰震來虩虩恐致福也笑言啞啞後有則也

陽德之人恐懼修省初無嚴厲總是一團春風和氣之用事耳若大嚴厲便如秋氣嚴霜肅殺一般故上

六索索便凶震云來數往者順知來者逆易逆數也震初吉以下爲主艮上吉以上爲主震四亦初而云泥已失初之則也艮三亦上而云危未厚上之終也震初成始艮上成終故曰帝出乎震成言乎艮帝不出于初而于四則泥成非厚于上而于三則危然則學者將任其埋沒而不爲首出之思乎抑遵道而衍半途而遂已乎既無以成始又無以成終此自暴自棄者遍天下而來孟氏之哀也

六二震來厲億喪貝躋于九陵勿逐七日得象曰震來厲乘剛也

四聖一心錄

卷之四

震

二十

六五億无喪象明之曰大无喪億義甚明億喪貝者盡絕大計功謀利之私躋于九陵者日究于高明廣大之域此君子之恐懼修省無求獲之心而有自獲之理也初震主二乘之以爲震著實恐懼修省二之厲也二之乘剛之震也貝卽二之六陵卽初之九七日得與七日來復同義兼三才而兩之故六六者非他也三才之道也朱子所云須盡翻轉從新鑄造一番便是逾六而得七之義

六三震蘇蘇震行无眚象曰震蘇蘇位不當也以陰故不免蘇蘇以居陽故能行行謂行去其所居

之不正以就于正也程子曰動以就正爲善二勿逐則自得三能行則无咎以不正而處震懼有咎可知

九四震遂泥象曰震遂泥未光也

以剛故遂處柔故泥遂而直前泥而滯後前後相牽進退無據緩急未適總之陽剛累于陰柔通體光明有未透耳故云未光若云不能自震遂而不反則怠惰放肆極矣何止未光而已哉蒙山陳氏曰遂泥非不震也震而不已之謂遂震而欠通之謂泥蓋一于憂懼不能轉移變動者徒憂無益故不言吉猶勝于不憂者故不言凶咎

四聖一心錄

卷之四

震

三

六五震往來厲億无喪有事象曰震往來厲危行也其事在中大无喪也

二曰震來厲五曰震往來厲二乘初爲得主五乘四爲不得主但以居得剛中之位與初四二剛有相應相求之義震往于初以爲厲務協其則震來于四以爲厲克化其光如此其有事于恐懼修省則匕鬯自我而獲茲亦可謂大有得矣寧至大有喪哉

上六震索索視矍矍征凶震不于其躬于其鄰无咎婚

媾有言象曰震索索中未得也雖凶无咎畏鄰戒也索索懼貌矍矍視遽貌左右驚顧也蒙山陳氏曰人

心妄動則視矍矍所謂莫良于眸子也如是而征未有不凶然則何如震索索則傷于急震蘇蘇則失之緩上六之震能不于其躬之索索而于其鄰之蘇蘇以鄰之緩糾己之急以胥爲畏以凶爲戒其于震之中道可以幾矣斯可以補索索矍矍之過矣婚媾有言執蘇蘇索索之中終未進于和平必如初之兢兢啞啞則和平之極矣子之申申天天不蘇蘇而怠緩亦不索索而嚴厲便是婚媾而無言者若云震未及身震而有一時不及其身便是怠惰放肆惡得爲恐懼修省哉

四聖一心錄

卷之四

震

三

見其背不獲其身行其庭不見其人无咎象曰艮止也時止則止時行則行動靜不失其時其道光明艮其止止其所也上下敵應不相與也是以不獲其身行其庭不見其人无咎也

人身而陽而背陰艮以一陽止于二陰之上陽自下升極上而止上一陽即面下二陰即背也陰柔稍有未化何以至止于陽剛之德故須直從背陰處艮止此艮背之義也云不獲其身者人於自己身上多自以為得到別人便見許多好歹長短出來但見人不四聖一心錄 卷之四 艮 三

見己此是人的常病今却曉得艮是坤體有二陰伏在一陽之下我這身子全是陰柔如何可自以為獲惟自見其不獲而不見人之不獲專於自治而不責人專於自見而不見人雖行有人之所如入無人之地此所謂欲寡其過而未能也不亦可以補過乎艮止也時止則止寂然不動時時止也時行則行感而遂通時時行也無時不止未應非先無時不行已應非後動靜不失其時其道光明艮一陽著見于二陰之上陽明用事陰不得而蔽之故稱光明程子曰質美者明得盡渣滓便渾化却與天地同體行止動靜

一以其時則可以與天地同體此背已艮陰暗盡消光明透底所以能止其所也艮其止止其所也止乎其所當止也非以背為止之所也上下敵應不相與也非絕人也不相與者固不可與強而合也是以云云我不與人要思得非在我人不與我不見失為在人

象曰兼山艮君子以思不出其位

位人所立君子以天地萬物為一體以立天立地立人為一道凡其竭智盡慮于經綸參贊財成輔相之間以至天地自我而位總謂之思不出其位局淺陋四聖一心錄 卷之四 艮 三

以言思執方寸以言位而謂之不出非君子所謂思不出之位也

初六艮其趾无咎利永貞象曰艮其趾未失正也

初陰柔一步不可行若是行便是邪暗之動故取義于艮趾然後无咎坤用六利永貞象曰用六永貞以大終也今惟艮止乎陰柔而進長以陽剛然後為永貞之利不失正之艮

六二艮其腓不拯其隨其心不快象曰不拯其隨未退聽也

程子曰腓隨動也如足之腓足動則隨而動也二近

初隨足而良趾良則腓亦良是良其腓也幾于無妄動矣不知良之義以止于陽剛為極以陰柔退聽乎陽剛然後為心之快二不能自拯其陰柔之失至于隨初為良是求聽乎陽剛以為良者也其心惡得為快哉若謂三止乎上不肯退聽乎二之拯陽剛固無退聽陰柔之理且二乃陰柔自身尚不獲何以拯乎三也蒙山陳氏曰退聽即收聽反視之意

九三良其限列其夤厲薰心象曰良其限危薰心也

三居上下四陰之中未可頃刻安處又與上敵應不稱與上止而不上下我亦上而不上其道之光明只透

四聖一心錄 卷之四 良 三十五

得半截半上上下下仍舊落在陰柔氣習堆中豈是人的歇脚處於此歇下或自以為是而居之不疑如人身腰膀之處硬住了完全屈伸不得則夤且分列心必薰灼如何謂之安汝止惟前進直透到底方始安而快心

六四退其身无咎象曰退其身止諸躬也

四居三之上此身已大半站立在高明去處但仍是陰質必須通身滌去其柔暗求進于光明然後可以要其所止而進于无咎象曰止諸躬身之從躬正也止諸躬正身之君子不隨身以妄動安于其所止也

古者男子生而懸弧射以觀德即此便是良身止躬之義或云不能止物惟自止其身不稱大臣之位无取之甚不曰君子之守修其身而天下平其身正而天下歸之乎未有不良其身而能良天下者也未有良其身而不能良天下者也

六五良其輔言有序悔亡象曰良其輔以中正也

五居陽承上身上已乾淨但以質陰恐未免有躁妄之病在且力行難放言易故以良輔為義又曰言有序明良輔非不言但不妄言耳大抵良為成終成始之學自初至五皆未能要其所止此背之所以當良

四聖一心錄 卷之四 良 三十六

身之所以當不獲思之所以不可出位也

上九敦艮吉象曰敦艮之吉以厚終也

艮上九如大明麗于中天陽德上光一切陰氣盡出其下其陰氣日以消薄則其陽德日以長厚故云敦敦艮者不見人惟見己不見己之獲惟見己之失自艮趾以至艮輔長永正固必進極于上而後已如為山九仞而功不虧於一簣象故明之曰厚終艮自下升初曰利永貞便見就有要終之意至于上乃為厚耳若始初不以永貞為利終何由厚哉程子曰天下之事惟終守之為難節或移于晚守或失于終事或

廢于久人之所同患也上九能敦厚于終止道盡善所以吉也

四聖一心錄

卷之四

艮

三

三三
漸女歸吉利貞彖曰漸之進也女歸吉也進得位往有功也進以正可以正邦也其位剛得中也止而巽動不窮也

女歸以陰而從陽也以陰從陽故云進得位又曰進以正止而巽動不窮凡以男歸女者動必窮雖或不窮而通乃所謂天下之窮民而無告者也以女歸男者雖或窮而不通然能為男子為丈夫則天下至富至貴在我矣何窮之有哉

象曰山上有木漸君子以居賢德善俗

四聖一心錄

卷之四

漸

三八

世人以宮室為居君子以賢德為居惟賢惟德可以善俗大人而思為善俗計也漸進于賢德之居而已矣賢德之居廣居也居之安者也不以賢德為居懷居者也居之不安者也初始進于所安于義即為无咎矧其進而不已者乎進而不已淡造自得自得則居之安惟賢惟德莫不裕于其躬何樂如之三或沒于世網涉于他岐差毫釐而謬千里寧有復還之期乎罔之生也幸而免又寧有生道乎雖然使其一旦悔禍而反正于死亡寇亂之途斯亦可以保其不終于亂焉四且旁入于谿徑而旋自適于康莊之安五

雖絕俗以爲高而終不失其所趨之正進于上而羽
可爲儀聞風者心悅覲德者心醉風以漸移而俗以
默易矣君子之吉孰有大焉者哉

初六鴻漸于干小子厲有言无咎象曰小子之厲義无
咎也

下艮體水之涯山之足也漸于干之進于其所安即
所謂女歸者也云小子者劈頭從乾道上變化大人
也劈頭從陰柔上克治小子也詩云小子有造漸初
居剛就要之進于正危言危行與俗不和而有言人
言雖至其何傷于賢德之居乎故云義无咎也

四聖一心錄

卷之四

漸

壬午

六二鴻漸于磐飲食衎衎吉象曰飲食衎衎不素飽也
磐山石之安者于磐之漸承三應五進之甚正自得
之而居之安到此纔是飲食知味故云飲食衎衎今
人飽食終日無所用心譬如養了犬彘蟲蟻一般皆
謂之素飽到不素飽庶幾不失爲人矣進以正可以
正邦衎衎之飲食君子匪以自養而亦以養人若是
食弗愛愛弗敬豕交獸畜亦君子之所弗安也君子
修己以安人安百姓合人已以進于干磐之安衎衎
之吉者

九三鴻漸于陸夫征不復婦孕不育凶利禦寇象曰夫

征不復離羣醜也婦孕不育失其道也利用禦寇順相
保也

高平曰陸艮之象也三以一陽止于二陰之上象鴻
之漸陸居于上下三陰之中女不歸而反歸女以陽
離于陰比異掩之羣醜不能反顧義理象夫征之不
復三交于四合之不正失夫婦之道雖孕何生象婦
孕之不育不復不育豈上下之陰之能寇三亦三之
自寇耳振拔三陰之中禦止羣醜之寇以正自進則
內不失己外不失人與三陰以順相保故利程子曰
君子之與小人比也自守以正豈惟君子自完其己

四聖一心錄

卷之四

漸

壬午

而已乎亦使小人得不陷于非義是以順道相保也
大凡人之學問走錯了路徑愈失愈遠何時可復半
毫生意也無何孕何育之有惟作急回頭反以自攻
尙可保其不終于亂亡

六四鴻漸于木或得其桷无咎象曰或得其桷順以巽
也

此正是山上之木陰不可安爲漸木止三入五待男
以行順巽以正爲得桷出入于老釋汎濫于諸家而
或盡棄異學以進于淳如之歸者得桷之漸鴻也

九五鴻漸于陸婦三歲不孕終莫之勝吉象曰終莫之

勝吉得所願也

九五穹然艮山之上象陵婦三歲不孕凡言三歲三年皆久也五進得位進以正進于陽則日遠于陰與婦不合安得孕三與四合非所孕而孕不正之孕也故孕而不育此則直是不孕以其究意高明勿求同俗而求同理將欲盡超塵俗雖乘四絕四而進雖應二絕二而進故婦至三歲而有不孕五不與之媾合也到此直是女歸男男終不歸女陽勝陰陰終不勝陽豈不遂其進正之願哉

上九鴻漸于陸其羽可用爲儀吉象曰其羽可用爲儀

四聖一心錄

卷之四

漸

三

吉不可亂也

漸陵漸陸總是鳳翔千仞氣象上處三五之上又山外之山陸上之陸也君子所進不漸于上九恐只是塵也人物到底混于流俗而可亂者大畜上九何天之衢止于天上故云天衢此則異于山上山雖高但謂之陸而已詩高山仰止孔子登東山而小魯登泰山而小天下卽漸陸之義秋陽江漢玉振金聲刪述六經憲垂萬世卽羽可爲儀之吉

三三

歸妹征凶无攸利彖曰歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

以陰從陽天地之大義歸之義也以柔乘剛天下之至凶征之謂也凶在征不在歸妹歸于男而乘在男上則凶而无所利矣程子曰男牽欲而失其剛婦徂說而忘其順則淫邪無所不至傷身敗德豈人理哉歸妹之所以凶也若是有所歸而無所乘則天地交而萬物化醇男女交而萬物化生天地之大義人道

四聖一心錄

卷之四

歸妹

三

之終始胥于歸妹乎全之何凶何不利之有

象曰澤上有雷歸妹君子以永終知敝

君子以永終知敝不是合之不正之故始初歸時便謹始慮終不使柔得乘剛此永終知敝之道也

初九歸妹以娣跛能履征吉象曰歸妹以娣以恒也跛能履吉相承也

以娣以用也用娣道也九四震注是人間剛壯之長男以初歸之而用娣道不敢與之爲抗而曲盡婉婉之道方永久無敝故云以恒恒者夫婦無敝之正道也陰從陽少事長豈不恒乎跛履征吉以跛履之道

承助其君而無失此恒理豈不吉乎此之跛履乃謙處不能之謂與履卦不同若以娣爲賤亦未有陽剛而可目之爲賤者

九二眇能視利幽人之貞象曰利幽人之貞未變常也跛履眇視二即蒙初而不復言歸妹見二初同德而同以歸四爲主也然二居陰不如初之純二歸四不如初之吉故須以幽貞爲利幽貞猶詩窈窕淑女君子好逑言能致其貞淑不貳其操情慾之感毋介乎容儀宴私之意不形乎動靜先須貞其在我然後可以承其在四此幽人之貞之利也不特妻道爲然凡阿聖一心錄

卷之四

歸妹

三

臣道于道弟道皆然未變常即以恒稍變常便是征而凶便是乘夫而无攸利

六三歸妹以須反歸以娣象曰歸妹以須未當也

三承四妹歸男何爲未當以三乘二上前有所歸而後有所乘故以言其未當者也以須須待也即不征

之義不敢乘二而抗乎四也反歸以娣反歸而用初二跛履眇視之娣道以歸乎四然後當也陰性上係

宜不能反以居陽故能反正失諸正鵠反求諸身行有不得反求諸己世有失身于人者只欠一反故卒

爲窮人而無所歸又咸以二少相與恒以二長相與

漸士夫老婦也歸妹女妻老夫也聖人教漸之三曰禦寇教歸妹之三曰反歸明男女夫婦之正道也其象顯而其義深矣

九四歸妹愆期遲歸有時象曰愆期之志有待而行也四震主三兌主三交于四四男三女男爲女歸似歸妹之正者何以愆而遲遲去聲使彼徐行以待此曰遲四因處前後二陰之中不欲使前爲五所乘又不欲使後爲三所征思其終思其復如大象之永終知微故寧愆其期而遲其歸總之與三不失其所歸之期故云有時或以賢女不輕從人爲愆上且終目之阿聖一心錄

卷之四

歸妹

三

爲士而顧可以四爲女乎

六五帝乙歸妹其君之袂不如其娣之袂良月幾望吉象曰帝乙歸妹不如其娣之袂良也其位在中以貴行也

程子曰六五妹之高貴者也下應于二爲下嫁之象今玩二聖爻象之義五非下嫁于二者四震主從下歸之皆爲諸娣之良五欲下嫁于四而不免乘于四之上是挾貴以驕其夫去肅離王姬之義遠矣而可乎君不如娣娣良乎君不以君加娣而以娣益君娣之良莫非君之良庶幾滿其娣德之量而不虧矣謂

三三
吞取工特岳牧之賢非堯舜之賢吐握所來百執事之賢非周公之賢可乎哉或曰子欲不目四爲女五亦震男之體也何以云妹曰四剛五柔男女截然有辨况又冠之以帝乙則隨時取義之中亦有不滑其等而不失其主者在矣

上六女承筐无實女封羊无攸利象曰上六无實承虛筐也

上體原是士其質又象女凡以女歸男方有實以三歸上是以女而歸女承以无實之筐何所歸乎震爲士兌爲羊上而封有血之羊可以得女之歸以上卦

四聖一心錄

卷之四

歸妹

三五

三上以柔動三以柔說徇情肆欲惟說是動不由義理是爲无血之羊又安得有取女之吉乎兼士女二義以明征凶之无攸利如此繫辭傳原始要終雜卦傳歸妹女之終也陰以從陽爲終女以歸男爲終若此爻便是女之无終者聖人以爲罔之生也幸而免又何足與之知生死之說哉惟君子善始以令終故曰君子以永終知敝

三三
豐亨王假之勿憂宜日中象曰豐大也明以動故豐王假之尙大也勿憂宜日中宜照天下也日中則昃月盈則食天地盈虛與時消息而況于人乎況于鬼神乎

詩假哉皇考假大也王假之假之爲言大也言王者以大爲尙也以大爲尙者宜日中之大明也豐盈之時忌暗昧尙光大宜日中而常照天下所以保其豐大也日昃月盈雖天地盈虛消息之常理君子存以鬼神人與鬼神聖人每舉以並言蓋通乎神明之德

四聖一心錄

卷之四

豐

三十

者人也與鬼神合其吉凶者也此其常照天下者也惟照心息而可憂者斯至耳

象曰雷電皆至豐君子以折獄致刑

君子懷刑君子行法總是折獄致刑尙威明之大以自治而無失其常照之心者以之折人致人亦若是而已矣朱子曰噬嗑明在上是明得這事理立法以待異時之用故曰明罰敕法豐威在上明在下是用法時須是明見下情曲折方得不然威動于上必有過錯故云折獄致刑

初九遇其配主雖旬无咎往有尙象曰雖旬无咎過旬

災也

四震主爲迅雷初應之雷電皆至有遇其配主之象配主相遇明動相資雖旬无咎書七旬有苗格孟子五旬而舉之一月三旬旬者進于月之三分之一如日之升尚未至中故无咎也過旬則中中必昃而災矣往有尙如旬而往則可嘉尙象之所謂宜日中而能常照天下乃處豐初之第一義爲能常保其豐而可以勿憂也

六二豐其蔀日中見斗往得疑疾有孚發若吉象曰有孚發若信以發志也

四聖一心錄

卷之四

豐

三

初旬无咎日未至中二則中矣二明而質暗五動而體弱明以動故豐暗以弱故蔀如是則日中之照蔽矣中天者不見日之明但見斗之光斗何以照天下也往得疑疾往卽是動不明而動明非貞明動爲妄動已且自疑何能使人勿疑動成猜疑厥疾何瘳其惟有孚發若而後吉乎有孚發若者誠立明通發其至明之志以善天下之動信于己所以信于人也信于子所以信于父也信于臣所以信于君也誠無不孚則明無不照明無不照則動無不善厥孚交如而疑疾瘳矣故吉昔有功蓋天下而主不疑者功蓋天

下不謂之豐功乎而卒能使主不疑則以志之所發足以感乎乎君真有不信而信者在耳

九三豐其沛日中見沫折其右肱无咎象曰豐其沛不可大事也折其右肱終不可用也

三交于四剛明震動豈曰不盛而大不知于旬已過于日已昃此豐沛而見沫者也沛如字與蔀同義而障蔽尤甚故口中至于見沫不明如此雖處豐大之時而顧可大有所事乎折其右肱者人之有事以右肱爲便折之云者內不少作聰明外不少有躁動居其歉不居其盈深憂夫災之不獲免終不以侈然尙

四聖一心錄

卷之四

豐

三

大爲事也如此則常照之明不息而慮善之動可幾故无咎

九四豐其蔀日中見斗遇其夷主吉象曰豐其蔀位不當也日中見斗幽不明也遇其夷主吉行也

四離下而上且憂其昃况又居過中之位乎進无以善動退匪以求明與二同其蔀者也遇其夷主取其不過旬之明善吾不當位之動則不明可進于明不當可期于當故云吉行

六五來章有慶譽吉象曰六五之吉有慶也

五非暗主乃尙大之豐主豐號多故而率柔危之質

以動或厲威嚴或恣強復則雷霆之所擊誰不摧折者萬鈞之所壓誰不靡滅者天下大可憂之事且至矣其惟來章乎人臣而有孚所謂含章可貞知之光大孰尚有以來之程子所云匪明則動無所之君勿憂匪動則明無所用臣勿憂中天大明之治垂之萬年而勿替矣豈不有慶譽而吉哉

上六豐其屋蔀其家闔其戶問其无人三歲不覲凶象曰豐其屋天際翔也闔其戶問其无人自藏也

凡侈然自以爲有餘之人高亢盈滿飛揚浮躁此身絕無安頓處故云天際翔謂如鳥之盤飛天際而不

四聖一心錄

卷之四

豐

三

知其所底止也豐尚大而上終蔽于小豐宜日中而上應其昃且食故有其象程子曰如人遊心千里之外然自身却只在此自身仍在此則戶內尙有人此云无人不覲心遊而身與之俱遊心翔而人與之俱翔譬之人去而家存所遺者屋與戶耳其人則何有哉是故心死而身存之人自以爲存不知其亡也自以爲有人以爲无也曰自藏自且不可覲人又何所闔而覲之大抵宜照天下之心乃人人本心之明日中見斗見沫雖云幽不明畢竟還有明在所見之斗與沫卽是其明之不盡處到上六則全是昏天黑地

世界這身子何處安頓何處撈摸真是罔生雖有高堂邃宇以爲居由君子觀之則罟獲陷阱之中囹圄桎梏之地人道廢而入于禽獸者耳何足道哉且人之所居上棟下宇取其待風雨而免于穴居野處之患而已耳懷居者孔子以爲不足爲士爲宮室之美者孟子以爲失其本心豐屋蔀家易雖言象卽是實戒亦豈其假設者

四聖一心錄

卷之四

豐

四

旅小亨旅貞吉彖曰旅小亨柔得中乎外而順乎剛止而麗乎明是以小亨旅貞吉也旅之時義大矣哉

古人有言生寄死歸是故百年一瞬也乾坤一旅也人之任世山上之火耳一災即去其可久留乎其不可久留乎柔得中乎外而順乎剛止而麗乎明於止知其所止可以人而不如鳥乎人人各有當止之處隨其所止由中及外皆順乎剛纖悉細微皆麗乎明則何所于止而何所不止此旅之所以為貞所以為小亨也小亨以小順大為亨也豐尚大旅亨小其義

四聖一心錄

卷之四

旅

聖一

一也

象曰山上有火旅君子以明慎用刑而不留獄

既明且慎以刑法自治而不留獄于其身則仰不愧俯不忤此身浩然宇宙之間可以燭三光而不老可以後天地而長存是故不留獄于其身所以存我不留獄于其所以存人

初六旅瑣瑣斯其所取災象曰旅瑣瑣志窮災也

初能順四之剛心胸便自開拓志意便自舒展可為有慶有喜之旅乃以陰柔居下與二為比迷於所止方且以六尺之軀旦夕之寓為百年不逝之光景而

徘徊瞻戀至老而猶瑣瑣不已何其鄙也瑣瑣即瑣瑣屑屑不能隨分安居第有迫促狹隘之狀殊無安舒暇裕之態者故云志窮災惟志窮故為災若是身窮豈得為災

六二旅即次懷其資得童僕貞象曰得童僕貞終无尤也

二順三之剛麗五之明有即次懷資之象次無定在即次為旅無適而非安居也懷資大哉乾元萬物資始至哉坤元萬物資生失是資者元善滅亡生理斬絕何取寓形天地之間懷其資無入而不自得者也

四聖一心錄

卷之四

旅

聖一

若以貨財為寶則商賈之旅耳其何以為士君子之旅乎得童僕貞二能順三之剛初亦從二之順主貞則童僕亦無不貞推以役使羣動可矣夫寧至于有尤哉

九三旅焚其次喪其童僕貞厲象曰旅焚其次亦以傷矣以旅與下其義喪也

九三止于二陰之上似有即次之安下二陰皆順乎三似得童僕之貞以剛過而燥迫近離體匪其麗乎明乃其傷于燥者燥火一熾至焚其次傷哉主翁死亡將至這靡爛僅存之身何處安頓若是站立不住

便要退縮且未免墮落在下二爻陰柔類中去役于人之不暇矣而何能復得童僕之爲役乎言貞厲者正乎危也

九四旅于處得其資斧我心不快象曰旅于處未得位也得其資斧心未快也

火性炎上原不處者四乃陰柔之位下復應陰尤非陽剛君子安處之地于時處處爲不得位資斧非懷資之資乃人之藉以斧斷者四既非所處而處與卽次之安相反縱使得其剪裁劈畫之具有所割正斷制于其間心地究竟係累于陰柔之私而欠豁達光

四聖一心錄

卷之四

旅

四三

明故有所不快夫四與三上皆陽剛柔之所順者四不快心三上皆焚何居曰離火易炎故聖人戒之畜牝牛矧火在山上尤其易炎者乎是故三四交而不快于處上三合而上下皆焚以剛非其處而柔得乎中此小亨之義所由發也從其小而事之也小進大柔順剛止麗明旅之時義思過半矣

六五射雉一矢亡終以譽命象曰終以譽命上逮也

止而麗乎明射雉而一矢亡之者疊疊文王令聞不已於昭于天在帝左右終以譽命而上逮之義也上逮之旅宇宙爲次造化爲資萬物爲童僕纔是君子

安身立命的去處

上九鳥焚其巢旅人先笑後號咷喪牛于易凶象曰以旅在上其義焚也喪牛于易終莫之聞也

五以得中順剛爲上逮上既不中又居陰而不順乎剛極其驕亢一團燥火上炎此豈人之可旅之地乎旅此者其義必焚鳥焚其巢以何爲棲身之所旅人至此非特無次可卽抑且無家可歸或猖狂而鼓舞爲樂則先笑乎終憤懣而大耋爲嗟其號咷乎同人先號咷而後笑先憂其憂而後樂其樂絕有收拾結煞處爲最好消息旅人先笑後號咷泣之不得而或

四聖一心錄

卷之四

旅

四四

歌歌之不得而或泣絕無收拾結煞處最爲不好消息喪牛于易凶柔不順剛豈曰焚其巢且恐焚如死如棄如身與巢而俱焚也已矣是故終以譽命者載色載笑有登天之慶終莫之聞者惡極而不可掩罪大而不可解有入地之凶旅之時義君子其可以三復然而射雉難喪牛易此旅貞君子所以不多見于天下也

三三

巽小亨利有攸往利見大人彖曰重巽以申命剛巽乎中正而志行柔皆順乎剛是以小亨利有攸往利見大人

巽入也重巽以申命巽順而入以陰從陽以柔順剛以下達上念念皆天事事有命一一以天命為至而奉順之也剛巽乎中正而志行剛不巽乎中正則將徧隘而為邪柔皆順乎剛柔不順乎剛則將阿媚而為諂故柔順剛剛巽乎中正者巽也巽也者辨志之道也武以嚴治于其始斧以果斷于其終先庚以勵

四聖一心錄

卷之四

巽

聖五

變化之功後庚以恒變化之德其斯為柔順乎剛剛巽乎中正而志行乎志行則治志窮則疑志治者吉志疑者凶辨志而學其所入也浚哉

象曰隨風巽君子以申命行事

凡日用動靜語默之間一稟于命以為之推行謂之申命行事與行法俟命同義鼎凝命困致命巽申命總無二命

初六進退利武人之貞象曰進退志疑也利武人之貞志治也

初六柔順乎剛而巽未中正故利武人之貞利武人

貞則決然有進無退矣象曰志疑凡人不知有命而信之者只是疑志治亦只是去其疑

九二巽在牀下用史巫紛若吉无咎象曰紛若之吉得中也

九二剛巽乎中而未正牀人所藉以安居安寢者牀之下乃陰暗卑下之地以九居二與以九居上皆居陰而巽不中正有巽在牀下之象矣用史巫紛若只是悔過遷善以返于正之意二用史巫則可因中以求正上得資斧則可裁之以歸于中正

九三頻巽吝象曰頻巽之吝志窮也

四聖一心錄

卷之四

巽

聖六

九三剛巽乎正而不中承四又幾于以剛而順柔故吝而窮

六四悔亡田獲三品象曰田獲三品有功也

六四以柔順剛巽乎正矣以己之正就五之正中則三品既獲而田其為有功乎

九五貞吉悔亡无不利无初有終先庚三日後庚三日吉象曰九五之吉位正中也

此所謂剛巽乎中正而志行者先庚三日後庚三日徹底從新鑄造一番過也是故先甲後甲者原始之學故曰終則有始先庚後庚者要終之學故曰无初

有終先後三日卽是六六者非他也三才之道也當以程傳爲正

上九巽在牀下喪其資斧貞凶象曰巽在牀下上窮也喪其資斧正乎凶也

上九剛巽乎不中不正乃失其中正之德而非失其陽剛之德者全要得其資斧若巽至此又喪其資斧則何所藉以剗割而裁之以歸于中正乎曰貞凶豈惟不知有命而信之且并其命而喪之莫可究其終之所入矣

四聖一心錄

卷之四

巽

聖

三三

兌亨利貞象曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

象曰麗澤兌君子以朋友講習

以朋友講習講何講習何習論語二十篇開卷在一學學不學說不說之所分也說則爲坦蕩蕩之君子不說則爲長戚戚之小人然則人而一日不說其得號爲君子乎其得免爲小人乎朋友而一日不講習其得進于說否乎君子以朋友講習說所以有于

四聖一心錄

卷之四

兌

聖

君子也推此以說民至于忘死忘勞推此以說萬物能使天下無一不被其澤以民心則勸于下以天命則佑于上至于順天而應人說言乎兌豈不大哉

初九和兌吉象曰和兌之吉行未疑也

初與四爲麗澤之朋雖俱正人君子但初之正過于四有所和于四而無所同于四故言和陽明陰暗明無疑暗有疑凡言疑者皆係累于陰柔邪暗者也

九二孚兌吉悔亡象曰孚兌之吉信志也

二與五爲麗澤之朋五中正二承比陰柔志不及五孚者篤信于五以志相信二能自信其志便能信得

五之志吉而悔亡不亦宜乎若信五而忘自信則悔亦有所不免矣

六三來兌凶象曰來兌之凶位不當也

來即修文德以來之之來三陰柔自己所說不中正其所來者上六之陰柔又不中正則相與以陷于邪僻之歸而已矣故凶若云來就二陽以求說則以陰而從陽矣焉得為枉道失已而凶且三已見二陽之上自以為是而居之不疑方以不來為失必不以能來為凶

九四商兌未寧介疾有喜象曰九四之喜有慶也

四聖一心錄

卷之四

兌

罕九

豫之遲兌之商皆遲疑牽滯而不決者九以居四比三為商而不寧以一洗情慾之私純然義理之說應初從五其介如石其疾如風如雷為有喜慶

九五孚于剝有厲象曰孚于剝位正當也

九五陽剛中正說必以道下復有中行麗澤之朋與之相孚其不信于上六可知君子維有解吉有孚于小人孚于剝上能剝五五不為上剝而能剝乎上所謂說之不以道不說也即有孚于小人之解也云有厲者陰柔之說肆無忌憚陽剛之說戒慎恐懼五之有厲不亦宜乎是為五之正當之說以為但信于上

六則有危傳義備矣

上六引兌象曰上六引兌未光也

上引三以為說非引二陽以為說若欲引二陽以為說譬如有二君子于此豈一小人之所能引乎三處眾君子之間從上視之亦其勝己之朋但不能屈己以親眾君子而止引三以為說以類相從自下之上雖不陷溺于邪竟何得于時習之說朋來之樂象云未光不光直是疑直是暗不云凶來者下流而引者猶上達也若欲光須是同德君子之朋故能引二陽則同德之朋合矣何為而反有未光哉孟子曰一鄉之善士斯友一鄉之善士一國之善士斯友一國之善士天下之善士斯友天下之善士初和四喜二五相孚三來上引聲應氣求毫髮不爽以朋友講習者於已取之而已矣

四聖一心錄

卷之四

兌

辛

三三
溪亨王假有廟利涉大川利貞彖曰渙亨剛來而不窮柔得位乎外而上同王假有廟王乃在中也利涉大川乘木有功也

剛來而不窮剛自四而來二也剛不來則否而窮柔得位乎外而上同四居陰爲得位乎外上同同乎五也剛來則內柔爲陷上同則以柔順剛純是一團天理用事矣豈不亨乎王假有廟萃云致孝享渙云王乃在中王乃在中以剛爲中所謂王中心無爲以守至正也精神萃聚私意自無可容私意渙散中心惟

四聖一心錄

卷之四

渙

聖

守至正故萃與渙皆云亨王假有廟有廟之假通乎神明亨之大者也乘木有功乘四以上同乎五所以爲涉川而有功也

象曰風行水上渙先王以享于帝立廟享帝立廟只一無私便足以對越在天而無忝所生非祝史陳信之享與昭穆世次制度沿革之僅立焉而已也

初六用拯馬壯吉象曰初六之吉順也

初以居剛承二爲壯馬以陰應陰爲滿目風波不用壯馬以自拯便要沒溺于風波之深淵而無出頭登

岍之日矣拯馬之吉卽是乘木之功不特大川有風波大陸亦有風波故變木而言馬象云順謂順于剛中之九二平生仗忠信今日任風波只是順更無別法

九二渙奔其机悔亡象曰渙奔其机得願也

九居二陰之間在坎之中非可安坐之處稍延緩滯泥怠惰放肆便有胥溺之虞與五合德故能奔奔者急走而去之之義謂不少安坐也卽臨溪履薄之心也所以謂之剛來而不窮也昔者程子中流誠敬便是奔其机風波不足以撼我便是得願傳義或以初爲机或以二爲安以二奔初則陷而失足以二爲安則何名曰奔風行水上曰渙而乃安坐水中何以言得願也初拯二奔俱一義

四聖一心錄

卷之四

渙

聖

六三渙其躬无悔象曰渙其躬志在外也

三交于四居其身于風流波靡之地而加勉涉川乘木之功因之澡滌愆尤洗濯污垢毋使此身從風而偃隨波而逝與俗而爲浮沉爲疾風之勁草爲中流之砥柱爲澄之不清撓之不濁之德量夫是之謂渙其躬而无悔乎象明之曰志在外男子有事四方夫惟此身洗滌潔淨一塵無染而後能爲天下用也

六四渙其羣元吉渙有丘匪夷所思象曰渙其羣元吉光大也

四得位之柔原不偏黨何羣可渙云渙羣者吐哺握髮以來天下之士惟以事吾君而已於己無與也矧四所居比三應初皆是陰柔之羣其可以無渙乎渙其羣而上同于五此四之高世之功也渙有丘惟渙斯有丘不渙則爲大川之沒溺而已矣匪夷所思凡人所思都是落在常套所以不能成超世之功六四所思超越尋常乃臯夔之處心而伊周之積慮也故云光大自古有渙羣之大臣斯能登進天下渙躬之

四聖一心錄

卷之四

渙

辛三

百執事顧渙躬之士常有而渙羣之大臣不常有然則得君專行政久而功烈如彼其卑奚足怪也

九五渙汗其大號渙王居无咎象曰王居无咎正位也五以陽剛中正居尊位五行而二應大號之渙噓以和風潤以甘雨合四海九州浹洽爲一體如汗之出皮毛爪甲無不濡透非大君仁覆之治乎假有廟曰王假汗大號曰王居王者所以孝享祖考而鼓舞萬民皆有所爲之本者在矣孟子曰居惡在仁是也五之王居居此

上九渙其血去逖出无咎象曰渙其血遠害也

何以爲上九之血所居所應之陰柔也此血不渙安危利害凶家害國何所不至惟去之而勿使之畱逖之而勿使之近出之而勿使之入自然寵利不居而功成知退假廟涉川無不利且貞矣言去言逖又言出與明辯皆三字疊用同義

四聖一心錄

卷之四

渙

辛四



節亨苦節不可貞彖曰節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

剛柔分而剛得中剛得中則能節陰能行險故亨天地節而四時成節以制度不傷財不害民胥自得中之剛流出得中爲甘過中失正卽爲苦不可貞不可固守以爲常也

象曰澤上有水節君子以制數度議德行

凡千駟萬鍾與一介取與一一莫不有數一一莫不

四聖一心錄

卷之四

節

五十五

有度一一有所品節制限於其間而德行于是乎可議不然聖人之所謂未足與議者耳

初九不出戶庭无咎象曰不出戶庭知通塞也

初陽剛得正四以陰居陰陷于險體之下初若匪節而止匪止而出必然剛爲柔剝失足匪人貽恨千古塞而不通莫甚初能審時度勢以不輕出爲節止與二爲闔戶之交謹言信行循理樂天知通知塞无咎宜哉繫辭申言言語慎密之道言語人之戶庭也失臣失身俱以言語爲階言語之關于人豈不重哉九二不出門庭凶象曰不出門庭失時極也

五剛得中二應之時既可出以九居二前有二陰時又當出是故說以行險正九二之能事也乃一味畏險避難可出不出以是爲節是朝有濟險之明君而吾無以爲之佐失臣職之甚者也家有能作之慈父而吾無以爲之迷失子職之甚者也初之不出以居剛塞而未始不通二之不出以居陰塞而終止于塞閉之口而不出省之心而有疚克伐不行而克伐之病根不除怨欲不行而怨欲之病根不除凶甚矣

六三不節若則嗟若无咎象曰不節之嗟又誰咎也

三比四應上以陰柔之說行窮極之險說乎其所以

四聖一心錄

卷之四

節

五十六

常說行乎其所以不可行傷財害民無所不至安能節乎然以居剛近二若能以戚嗟其不節而求進于節亦所謂震无咎者存乎悔也又誰得而咎之

六四安節亨象曰安節之亨承上道也

九五當位以節中正以通以四承五上就有道就其數度而制焉就其德行而議焉五之節莫非四之節矣安如願安承教之安蓋初五同道下應初上承五以柔承剛裁制以歸于中正皆道也

九五甘節吉往有尚象曰甘節之吉居位中也

四安于承上五甘于得中中正以通之節節一己以

節天下通天下以爲節而無不甘者也往有尚決上之苦劑三之嗟拯二之極皆九五之所常有事者志曰聖達節次守節下失節甘幾于達安近于守

上六苦節貞凶悔亡象曰苦節貞凶其道窮也

陰柔之人做事非放侈而無節卽窮隘而過苦何哉以其于陽明一路未之透悟耳然終曰悔亡與其不節也寧苦初云知通塞知字最重非陽剛君子不能上六之苦病在不知知則疏水曲肱樂在其中簞瓢陋巷不改其樂敝裘而耕歌聲天地雖極其困窮未始不說也何苦之有蒙山子曰仲子之節至于避兄四聖一心錄

卷之四

節

辛七

離母世方慕而趨之不知其拂天和而乖人紀也甚矣此豈可久之道哉以仲子爲苦節最當苦之與儉義微不同

三三

中孚豚魚吉利涉大川利貞彖曰中孚柔在內而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎天也

象曰澤上有風中孚君子以議獄緩死

三爲兌主四爲巽主三四兩爻皆變動則純乎乾矣故云應乎天中孚是從中變化若不從中變化只是外孚不是中孚豚魚無知之物中孚豚魚如鳥獸魚鼈莫不使之咸若卽其孚也孚及豚魚而況于民小民無知而犯法故君子以議獄緩死獄所當死而且四聖一心錄

卷之四

中孚

辛六

從緩議之矧其不當死者一念好生滿腔子是惻隱之心君子所以孚天下之萬物萬民惟其有此故云孚乃化邦

初九虞吉有他不燕象曰初九虞吉志未變也

初之虞只是反觀內照默而成之不言而信貞共在我之志不爲三四之陰柔所變者有他是無我矣且將爲三四所變矣安得爲燕乎大抵自己方寸中善度得定實見得是則真信在我義理之說在我何用不燕初之所以吉也

九二鳴鶴在陰其子和之我有好爵吾與爾靡之象曰

具子和之中心願也

鶴愛陰故有目鶴爲陰羽者在陰不止以所居之位爲象其義實取中之三四兩陰也鳴在陰修于隱謹于微在此處乎非聲音笑貌僞爲于外如上九之爲者初虞五乎是虞此乎此或問鳴鶴在陰其子和之不鳴其有和之者乎曰天之生斯人也使先知覺後知使先覺覺後覺自昔聖賢未有不爲鳴道覺人者聖遠教湮鳴鶴希聲而子和寥寥則無怪矣雖然無文猶與吾爾共靡君子非以子和而鳴或強閉不出或效彼寒蟬仗馬而不鳴則何得哉

四聖一心錄

卷之四

中孚

五九

六三得敵或鼓或罷或泣或歌象曰或鼓或罷位不當也

艮上下敵應不相與六三對上九則有應與矣安得爲敵既名其爲敵又安得唯敵是從三所得之敵乃六四也說而異乎乃化邦以說極交異初兩陰相遇不應乎天故不相孚而成敵或鼓而進敵或罷而避敵或泣而憂懼不知所以敵或歌而怡然不知禍至之在敵方寸之中交戰無主且不勝其內訌之病矣其何當于中孚之義乎故云位不當若是鼓而不罷則有直前之勇泣而不歌則有臨事之懼自勝在我

人誰不服且無敵于天下矣中夏安則外夷不侵中心固則外物不入又何敵之有哉蒙山陳氏曰七情皆能遷人而怒爲尤甚離九三躁體怒而遷也中孚六三說體喜而遷也怒而遷鼓缶喜而遷或泣凡遷者多無常也病人元氣不能作主則寒熱交戰不學者正念不能作主則喜怒無常甚可畏也

六四月幾望馬匹亡无咎象曰馬匹亡絕類上也

四近五有月幾望之象馬匹指三不指初初與四剛柔異體焉得爲類以柔應剛爲應乎天又奈何絕之四與三同一陰類乃絕三而上乎五也三得四敵勝

四聖一心錄

卷之四

中孚

本

其在三格其在四則孚矣四爲三匹絕其在三進其在五則孚矣

九五有孚攣如无咎象曰有孚攣如位正當也

五之孚卽是和二之所鳴敬修可願我好爾縻固結而不可解攣如之象也

上九翰音登于天貞凶象曰翰音登于天何可長也

鳴鶴在陰戒慎不覩恐懼不聞在幽微陰闇處充積不期鳴而鳴不期和而和此利貞之中孚也上居內陰外陽內柔外剛之位過中失正中不中孚不孚做些小善小信輒嘒嘒自鳴其爲信急人知而聞之以

翰音而登于天豈不正乎凶乎象云何可長甚言不
孚于中而孚于外者之非孚也知翰音登天爲貞凶
爲不可長則知鶴之鳴陰爲貞吉爲可長必矣

四聖一心錄

卷之四

中孚

六五

三三
小過亨利貞可小事不可大事飛鳥遺之音不宜上宜
下大吉彖曰小過小者過而亨也過以利貞與時行也
柔得中是以小事吉也剛失位而不中是以不可大事
也有飛鳥之象焉飛鳥遺之音不宜上宜下大吉上逆
而下順也

四聖一心錄

卷之四

小過

六五

小者過而亨小者過大者來而亨也柔得中是以小
事吉在小處有事剛失位而不中是以不可大事不
在大處有事此與時偕行之正道也凡陰性必輕忽
慆疾故小過有飛鳥之象禽鳥得氣之先飛鳥遺之
音不宜上宜下上逆而下順也不宜逆而宜順也君
子勤小物矜細行于飛鳥之遺音而不逆其無所逆
可知矣于飛鳥之遺音而順其無不順可知矣小過
之初飛鳥以凶小過之上飛鳥離之凶上而不下逆
而不順是以凶也道無分于大小學無間于精粗祿
之以天下弗顧繫馬千駟弗視順于大而不逆夫是
之謂大過一介不以與人一介不以取諸人順于小
而不逆夫是之謂小過大過宏鉅處過人小過細微
處過人大過而過爲棟橈之凶小過而過爲飛鳥之
凶過而不過小大皆止于中斯盡善之道也

象曰山上有雷小過君子以行過乎恭喪過乎哀用過乎儉

過恭過哀過儉皆于小處有事此處放過便是上而不下逆而不順何亨何貞何大吉之有

初六飛鳥以凶象曰飛鳥以凶不可如何也

小過既有飛鳥之象初居小過最下而不勝其越分陵上侵陽犯剛之狀故直言其凶君子立身行己當如雷霆之爲威而山岳之爲重乾龍之爲飛而華虎之爲變中孚之鶴之爲鳴而漸鴻之羽之爲儀乃爲飛鳥之慄悍急疾其凶如何象曰不可如何二剛失

四聖一心錄

卷之四

小過

六十三

位不中下小人僭踰君子卽戢翼歛羽晦處靜俟尙恐不免于災而況上而不下逆而不順乎雖君子重于絕人初却甘于自絕固無奈于初何也

六二過其祖遇其妣不及其君遇其臣无咎象曰不及其君臣不可過也

二柔得中可小事過三四遇六五惟于小處有事順而不逆祖之過妣之遇也不于失位之剛有事人不與適政不與間不及其君不可大事也惟于得中之柔有事進思盡忠退思補過遇其臣可小事也不遇妣不遇臣而以妣加祖以臣及君則可小事之義荒

矣

九三弗過防之從或戕之凶象曰從或戕之凶如何也陰既過陽三之防之當如山之屹立而安固不搖方得免于戕害之患三弗爲過防或以所應爲所從或以所比爲所從以失中之剛而從過極之陰其不爲羣陰之所戕害者幾希三凶其從四戒其往當小過之時利貞之道宜然此聖人教君子之自立也所謂扶陽者也從如妾婦妄從人之從

九四无咎弗過遇之往厲必戒勿用永貞象曰弗過遇之位不當也往厲必戒終不可長也

四聖一心錄

卷之四

小過

六十四

九四震主九三艮主四三合德而四位三上以震懼之小心履艮止之實地思患預防可以无咎然以弗能過陰之陽而又遇不中之位其位之不當爲何如往厲必戒陽性上行或站立不定而有所往非冥行而取困卽妄動而成災故必戒也勿用永貞不當之位非失位不中之君子所可固守之地也九而永貞于四陽之所存者固無幾矣終其可與長乎然則何如戒往懲來穩立腳跟遵養時晦則危者可安勿爲陰柔之固守而爲陽剛之震動戒慎恐懼修飭其躬循省其過則謹始圖終而可以與長此四之可以永

貞于无咎也言當于小過中求無過正不可大事之義也

六五密雲不雨自我西郊公弋取彼在穴象曰密雲不雨已上也

此與小畜辭同而意義異畜雲密而不雨象曰尚往再有所蒸終必雨也過雲密而不雨象曰已上小過已過雲上則不雨也畜之自我西郊儲巽風于天上而不輕于施過之自我西郊隱震雷于艮山而不輕于發陰小陽大陰西陽東此小畜小過皆以日我西郊爲象也公弋取彼在穴穴卽艮山之穴彼在穴卽

四聖一心錄 卷之四 小過 六十五

世俗旱魃所求之龍小畜陰陽和終得雨小過二體皆陽亢龍在山終不得雨故須弋取在穴以爲助春秋趙大旱使屠擊月令季夏伐蛟皆其義也不得乎上則取乎下二柔得中五取以爲己助其爲宜下之小事乎二遇其臣不宜上而不止五弋在穴宜下而下象云已上以五處二陽之上非所宜上故在穴之弋取凡以救其已上之過也

上六弗遇過之飛鳥離之凶是謂災眚象曰弗遇過之已亢也

全象本不宜上上亢于三四二陽之上弗能爲遇眚

遇臣之遇而乃有過祖及君之過此離于初之飛鳥之凶者也謂之災眚皆其自取于人何尤天曷故哉

四聖一心錄 卷之四 小過 六十六

三三

既濟亨小利貞初吉終亂彖曰既濟亨小者亨也利貞剛柔正而位當也初吉柔得中也終止則亂其道窮也離本乾體坎本坤體水火之相濟即天地之交泰卦所以名既濟也亨小陽大陰小二柔得中主乎內而濟乎外小所以亨初所以吉也天行健君子以自強不息天下之治以剛為主純亦不已乃天德也即王道也牽于柔則未有不累平剛者此終之所以亂道之所以窮也

象曰水在火上既濟君子以思患而豫防之

四聖一心錄

卷之四

既濟

奎

柔內而剛外便要到小人長而君子消安得無患思之早而防之豫庶無終亂之患矣

初九曳其輪濡其尾无咎象曰曳其輪義无咎也

離初易錯而得四濟則可以鎮其躁而銷其邪抑其過而補其不及曳輪以己之剛德為安車不妄進也濡尾藉四之水濡己之火浸灌滋潤自首徹尾無不如濡而透徹也初之无咎其義如此古者舟車皆用以濟曳輪取象于車以濟初衣袽取象于舟以濟四

六二婦喪其茀勿逐七日得象曰七日得以中道也

喪茀與匪彭之義同五剛二柔五夫二婦事親若曾

子可也曾子之孝非有餘也何可自多其孝事君若周公可也周公之忠非有餘也何可自多其忠不矜不伐喪茀于己稱親稱君勿逐于五卒之忠孝之盛天下孰加焉七日得也此二五之所以為濟也象曰以中道以用也言用中之道固如此也若曰九五不能下賢以行其道安所稱二五之相濟乎又云時過則行既濟之時已過便為未濟又可行乎

九三高宗伐鬼方三年克之小人勿用象曰三年克之愆也

四聖一心錄

卷之四

既濟

奎

鬼方陰暗之極三為日昃之離陰火既燥又復應陰有其象矣三上相濟內外相合體用相須故伐而能克三年之愆寧至困憊必期于克此高宗之中興所以為天下烈也小人勿用小人多急功利必以三年為久而阻撓以敗者蒙山陳氏曰三陽為鬼方離陰也代乾用事以氣質勝也陰性好動而難靖氣質易拘而多蔽三又失中偏蔽之甚故也未濟之四與既濟之三以二體反對觀之即一爻也辭皆取于伐鬼方亦一義也

六四繻有衣袽終日戒象曰終日戒有所疑也

四初相濟以水濟火匪以水勝火也水下漏則火滅

緇有衣御縞繪采一曰帛邊御本作絮一曰徹絮大抵縞衣之中常佩帶有御絮以備室塞滲漏之用者也如此預防不使水得滅火柔得勝剛而存之以終日儆戒之心其能相與以有成也又何疑乎象明之曰有所疑謂疑初執狐疑之心來讒邪之口持不斷之意開羣枉之門訑訑之聲音顏色則拒人于千里之外四以柔近五或至自賢而疑初之不若己如滲以涓滴終決以滔天始忽于小補終墮于大敗夫安可以不戒乎四之終日戒戒其疑陽二之七日得得其爲柔思患豫防其義一也

四聖一心錄

卷之四

既濟

辛九

九五東鄰殺牛不如西鄰之禴祭實受其福象曰東鄰殺牛不如西鄰之時也實受其福吉大來也

伏義八卦方位離東坎西東鄰卽下卦之離西鄰卽上卦之坎離文明卦亦取象于牝牛故云殺牛坎有孚孚乃利用禴故云禴祭既濟六二之臣多其文章綢繆其禮樂以黼黻皇猷以潤色鴻業殺牛以祭也既濟九五之君至德淵微不動而敬不言而信中心無爲以守至正恭己以正南而用禴以祭也東鄰不如西鄰不及其君遇其臣五臣則曰舜之德十亂則曰武之功非以天下之時在九五乎是故主聖臣忠

王馳帝驟卽九五之時禴祭受福卽九五之君若謂五不如二陽剛中正之君有何愧于文明柔順之臣謂時在二而不在五則實受其福亦將在二而不在五也耶

上六濡其首厲象曰濡其首厲何可久也

初濡尾无咎濡其所當濡也上濡首厲濡其所不當濡也初以剛居剛得四之濡爲相濟上以柔居柔以三濟之既當強弩之末上復自爲陷阱如水益澆其何能淑惟有載胥及溺而已矣到此便是終止而亂既濟之初吉終亂君子不可不爲思患而豫防是患

四聖一心錄

卷之四

既濟

辛

此防此

三三

未濟亨小狐汔濟濡其尾无攸利彖曰未濟亨柔得中也小狐汔濟未出中也濡其尾无攸利不續終也雖不當位剛柔應也

既濟云終亂未濟云濡尾不續終靡不有初鮮克有終凡民大抵然也人少壯血氣強盛或能勉強爲善到血氣衰志意銷沮爲善不終晚節盡喪者比比然矣可不畏哉大抵學問不透底不歸元坎水下漏而功不上行則乾健息離火上炎而明不內畜則坤順乖此未濟之所以爲不續終卒無救于其死亡也小

四聖一心錄

卷之四

未濟

主一

狐汔濟未出中中謂柔中不出柔中終其身沒溺于人欲之流而無以自濟者耳

象曰火在水上未濟君子以慎辨物居方

乾陽物坤陰物陽物有時而居陰方于其所以爲陽者終慎辨而無失斯坎以健行乾道盡矣陰物有時而居陽方于其所以爲陰者終慎辨而無失斯離以柔畜坤道盡矣六十四卦三百八十四爻之義俱收拾在此一慎辨中慎而辨此者續終混而淆此者不續終續終者盡其道而死正命也不續終者桎梏戾牆而死非正命也易之爲書也將以順性命之理性

命之理于慎辨物居方觀其浚矣

初六濡其尾吝象曰濡其尾亦不知極也

既濟初之濡尾義在不躁此之濡尾吝在不行初坎體坎初易陷尙其行詩云誰因誰極極至也不知極言欲行而不知其所至也初與四雖剛柔相應以不交故無所極

九二曳其輪貞吉象曰九二貞吉中以行正也

既濟初之曳輪處離之初與四相濟曳其在己莫非濟其在此之曳輪當坎之中與五不交範我馳驅不爲詭遇貞之義也吉之占也行之有尙者也蓋以

四聖一心錄

卷之四

未濟

主三

不妄行爲曳非以止而不進爲曳如以止而不進爲曳則不謂之中以行正矣

六三未濟征凶利涉大川象曰未濟征凶位不當也

三上不交以三征上是以柔敵剛也故凶然以居剛有應以上之剛治己之柔則亦可以涉大川之險而不患其終于未濟矣故利大川卽指在己之陰柔而言涉大川亦坎之有尙之行也

九四貞吉悔亡震用伐鬼方三年有賞于大國象曰貞吉悔亡志行也

貞是續終之學貞者事之幹也智之德也聖人透底

學問只是一箇貞透底緝熙于光明便是大人之繼
明照于四方離也者明也四之貞豈非四之所固有
第以燥火居陰其性上炎下水不可與濟爲鬼方非
震用伐之必失其貞而有悔率四之貞勵四之志震
伐三年大國之賞其可辭乎蒙山陳氏曰伐鬼方者
匪震弗克恐懼修省震之義也四能恐懼修省以變
化其氣質又久而不懈其功然後可以望其有成功
也其大要在立志未有無志而成者故曰貞吉悔亡
志行也既濟之三未濟之四皆取象于鬼方這鬼方
除是性之之聖纔無在反之之聖皆有湯武革命高

四聖一心錄

卷之四

未濟

七

宗伐鬼方其義一也三年克之三年有賞戰必勝攻
必取學不期于速效高宗且然而况其萬萬不如高
宗者乎鬼方不伐神州陸沉相率而墮于鬼幽鬼躁
之歸者比比而是遂使高宗赫赫濯濯聲靈盡湮于
後世其亦可哀之甚哉

六五貞吉无悔君子之光有孚吉象曰君子之光其暉
吉也

五柔得中而居剛位與二雖未濟而能相應貞吉則
不止于悔亡而无悔五之貞過于四之貞也以貞爲
明貞明于內光暉于外君子之光之有孚也夫水火

不相射而萬物皆相見離明之在人不以濟與未濟
而有見與不見之分也聖人南面而聽天下嚮明而
治蓋取諸此若光而不孚則離明且昃而萬物有時
不相見矣是故既濟勿逐乎喪弗當嚮明之盛時益
以徹其外之蔽未濟有孚之暉光丁不交之否運務
以貞其內之明此萬物所以無不相見之時而恭已
南面之治之所以隆大明中天之學之所以盛也後
世信于昭昭而墮于冥冥見其一人所獨見之見而
不見其萬物皆相見之見或作聰明以自障而弗則
不喪或侈燭火之爲光而孚則不存此則惟有貞凶

四聖一心錄

卷之四

未濟

七

而已耳寧復有君子之貞吉哉

上九有孚于飲酒无咎濡其首有孚失是象曰飲酒濡
首亦不知節也

說卦傳離爲目以目取象長于見人而短于自見此
是人之第一大病痛是故四之鬼方不伐人道斷乎
滅亡上之濡飲不節亦必沉湎而死此物不可窮火
在水上乃其明之不可息者也濡首不必指狐象云
飲酒濡首其義甚明既濟上六之濡首沒溺于坎窞
之深淵故以爲厲未濟上九之濡首驕縱于沉湎之
狂飲故以爲不知節有孚于飲酒者斟酌飽滿根心

生色由中徹外此知節之飲也濡其首有孚失是者樂酒無厭放縱無節任其不美之質託名于無修無證之說以爲自然而不知戰兢惕厲從中變化此不知節之飲也知節之飲爲集義不知節之飲爲義襲知節之飲爲有孚不知節之飲爲匪乎中庸曰人莫不飲食也鮮能知味也知味則道無不明道無不行易曰飲酒濡首亦不知節也知節則離以柔麗貞乎坤坎以剛陷運乎乾乾健原始坤順要終夫寧有不續終之患也哉夫子自言假我數年五十以學易可以無大過其傳序卦乾坤以下必曰受之以某卦至

四聖一心錄

卷之四

未濟

十五

于受之以未濟而終明人必受學至此然後不爲汙濟濡尾之小狐得全人道而可終也後世不學之流一卦未受間有尋行數墨者或欲以一日推測之見而妄窺聖人數年三絕之功卒之自誤誤天下俾皆不得其所終而死可勝悼哉可勝歎哉

繫辭上傳

天尊地卑乾坤定矣卑高以陳貴賤位矣動靜無常剛柔斷矣方以類聚物以羣分吉凶生矣在天成象在地成形變化見矣

邵子曰須信畫前原有易易豈止是一部書要當反諸其身而求之反諸其身而求者一身中有一乾坤也今人但見天成位乎上地成位乎下而不知吾身成位乎其中亦原有自定之乾坤試仰而觀之天不如其尊乎而人人莫不有天之尊此吾乾之所自定也試俯而察之地不如其卑乎而人人莫不有

四聖一心錄

卷之五

繫辭

一

地之卑此吾坤之所自定也乾坤原來自定而卑高未曾陳列則貴賤何以位動靜每失其常則剛柔何以斷夫惟高者上陳不失其貴卑者下陳無忤其賤貴賤位矣乾動有常剛健常運坤靜有常柔順常貞剛柔斷矣卑高貴賤動靜剛柔之交類而聚之其高貴之爲方而乾剛之常動者乎其卑賤之爲方而坤柔之常靜者乎羣而分之其高而貴動而剛而爲乾之陽物乎其卑而賤靜而柔而爲坤之陰物乎比類而所聚有方向吉而背凶辨羣而所分異物得吉而失凶吉凶生矣吉凶生亦要善看聖人吉凶與民同

哉

是故剛柔相摩八卦相盪鼓之以雷霆潤之以風雨日月運行一寒一暑乾道成男坤道成女乾知大始坤作成物乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天下之理得而成位乎其中矣

成象成形變化見矣變化者剛柔之相摩八卦之相盪是也剛柔不相摩而偏勝無與化八卦不相盪而渣滓無與滌乾猶未可言定也在天安得而成象乎

坤猶未可言定也在地安得而成形乎夫剛柔之斷或以剛摩柔或以柔摩剛以相摩爲變化也八卦之畫乾坤以爲縱六子以爲橫以相盪爲變化也剛柔八卦之摩盪乾君坤藏雷動風散雨潤日昃艮止兌說爲雷霆之鼓舞爲風雨之潤澤爲日月之運行爲寒暑之代謝天地以此摩盪變化吾身亦必摩盪變化由是成象不在天而在我以乾道則成其爲男成形不在地而在我以坤道則成其爲女成男震坎艮皆男也此乾道也即天象也無二成也成女巽離兌皆女也此坤道也即地象也無二成也所謂變化見者固如此天變化以成象地變化以成形吾身合天地之變化以成男女成男象也成女形也乾男坤女道也成者自成而道自道非由外鑠我也雷霆風雨日月寒暑剛柔八卦相摩相盪中無一不備如震雷巽風離日坎月爲寒爲火聖人盡己分明畫出若但以此爲變化之成象男女爲變化之成形則雷霆惟有聲寒暑惟有氣如何謂之成象謂天地有雷霆吾心無雷霆則帝出乎震之義亦荒矣且男女畫爲兩截謂之變化成形則大始之知屬男成物之作屬女乾以易知屬男坤以簡能屬女謂男子惟有知女人

惟有能此成何等義理也乾知大始人人之知都是大始之乾知坤作成物作臧助切人人之作都是成物之坤作大始大哉乾元萬物資始始之也者乾之知也乾之大也成物不是動手腳做成乃乾坤變化中物物現成完全具足如草木之根幹花實色色天然原來如此現成坤特以成物爲作非有所造作于其物也乾道成男其知大始天下無一人不可以與知道在易而已矣坤道成女其能成物天下無一人不可以與能道在簡而已矣人之知而非大始之知如木之無根而水之無源難且甚矣安得言易人之

四聖一心錄

卷之五

繫辭

四

能而非成物之作如破觚以爲圓而挽直以爲曲煩且甚矣安得言簡乾以易知惟易故人人易知人人之知同也坤以簡能惟簡故人人易從人人之能同也易知則有親以其易者與天下共知之安得無親若是難知是人人易知吾顧自處于使人難知之地而自絕于物也何親之有易從則有功以其簡者與天下共能之安得無功若是難從是人人易從吾顧自處于使人難從之地而自喪其能也何功之有有親則可久合天下之易知以爲知乾健不息久一天也無親則自處于孑然孤立之地而不可與一朝居

何久之有有功則可大合天下之簡能以爲能德合无疆以大終也無功則日淪于頽敗廢棄之歸而不免于小何大之有可久則賢人之德可大則賢人之業夫子賢于堯舜便是賢人之德業非謂可大可久止乎爲賢人之德業不可以稱聖人之德業也易簡而天下之理得知到德可久只是一易能到業可大只是一簡天下之理盡于知易能簡之中而已矣知其易知只是不失大始之乾知從其易從只是不失成物之坤作乾知之道成男坤作之道成女成男成女不謂之成位乎其中而何哉○學者不知所以變

四聖一心錄

卷之五

繫辭

五

化至于象不成其爲象而乾毀形不成其爲形而坤毀只是缺却相摩相盪一段工夫間有從事于摩盪者又無得乎易簡之理此乾坤所以無成位之日也○成象之謂天成人之象有天道焉謂之乾道成男成女之謂地成人之形有地道焉謂之坤道成女成男變化而盡乾道者成女變化而盡坤道者古之聖人如堯舜禹湯文武乾道也成其爲男者也如皋夔稷契伊傅周召坤道也成其爲女者也如堯舜禹湯文武不自用而任之乎臣又成其爲坤道矣如皋夔稷契伊傅周召齒其身以效之乎君又成其爲乾道

矣凡皆盡性至命之能事古治之所以隆而後世之所以莫及也。大始以言乾知乾無知也無知之知故曰乾以易知成物以言坤作坤無作也無作之作故曰坤以簡能。明德在於親民便是易知而有親親民以明其明德便是易從而有功可久以言德便是天尊而乾定可大以言業便是地卑而坤定乾定者乾成乾位得乎易之理而已矣坤定者坤成坤位得乎簡之理而已矣。剛柔八卦皆人心之定理非人力所可安排布置非私智所可擬議增損然而聖人學易之功則實有用力之地焉如不以剛摩柔大

四聖一心錄

卷之五

繫辭

木

柔則廢矣如不以柔摩剛大剛則折矣如不盪之以乾惡乎健如不盪之以坤惡乎順如不盪之以震惡乎動如不盪之以巽惡乎入如不盪之以坎惡乎陷如不盪之以離如何麗如不盪之以艮如何止如不盪之以兌如何說故謂相摩相盪為易簡當然之工夫亦可也然聖人學易之功又孰從而稽之哉。天原尊人多卑之而不尊有暴而棄之者有傷而滅之者皆卑之而不尊焉者也地原卑人多高之而不卑有純用乎氣質者有徒貴其形軀者皆高之而不卑焉者也然

則乾坤之位何能有定乎哉。乾坤定矣然後大行不加窮居不損富貴不能淫貧賤不能移威武不能屈惟定故能成位乎其中

聖人設卦觀象繫辭焉而明吉凶剛柔相推而生變化是故吉凶者得失之象也悔吝者憂虞之象也變化者進退之象也剛柔者晝夜之象也六爻之動三極之道也是故君子所居而安者易之序也所樂而玩者爻之辭也是故君子居則觀其象而玩其辭動則觀其變而玩其占是以自天祐之吉无不利

四聖一心錄

卷之五

繫辭

七

教人觀象以學易也繫辭焉而明吉凶只在象上明剛柔相推而生變化只在象上推且生何以在象上明吉凶無象得失有象悔吝無象憂虞有象於此觀之審其得失謹其憂虞吉凶明矣何以在象上推且生變化無象進退有象剛柔無象晝夜有象於此觀之晝必有為所以用剛夜必有得所以用柔進六於七所以變柔退九於八所以化剛剛柔斷而變化見矣觀得失之象而動必有吉而無凶觀憂虞之象而動必有悔而無吝觀進退之象而動何所不變而何所不化觀晝夜之象而動剛得其剛而柔得其柔以

效天道之用卦象之陰陽爻也動則天道之極立焉以效地道之用卦象之剛柔爻也動則地道之極立焉以效人道之用卦象之陽剛之仁陰柔之義之爻也動則人道之極立焉六爻之動三極之道蓋非徒觀之以象而皆觀之以其道者也是故君子居安乎易之序易的次第便是君子之安居舍此便成險阻樂玩乎爻之辭易的爻辭便是君子之玩樂舍此便入憂戚是故居則觀卦之象而玩其辭動則觀象之變而玩其占其觀之也淡故其玩之也樂其玩之也樂故其居之也安自天祐之吉无不利不亦宜乎新

四聖一心錄

卷之五

繫辭

八

都楊氏曰憂虞之虞與娛同孟子曰霸者之民驩虞如也娛之義也憂為悔象虞為吝象

象者言乎象者也爻者言乎變者也吉凶者言乎其失得也悔吝者言乎其小疵也无咎者善補過也是故列貴賤者存乎位齊小大者存乎卦辨吉凶者存乎辭憂悔吝者存乎介震无咎者存乎悔是故卦有大小辭有險易辭也者各指其所之

吉凶者得失之象悔吝者憂虞之象聖人明以吉凶悔吝為象不以吉凶悔吝為占可見占具象中并可於象外別求所謂占夫易象于文王象言乎象君子

居觀其象所以師文王以學易也爻于周公爻言乎變君子動觀其變所以師周公以學易也居觀其象而淡于象動觀其變而淡于爻觀象變之吉凶可以微已之有得失焉觀象變之悔吝可以微已之有小疵焉觀象變之无咎可以微已之有補過之善焉是故列貴賤者存乎位六爻之變各有所居之正位居得其位吉之象也得之道也悔而可以補其過也而天下之貴在我矣居失其位凶之象也失之道也吝而無以補其過也而天下之賤在我矣齊小大者存乎卦八卦之象各有小大何以齊齊以其位之

四聖一心錄

卷之五

繫辭

九

貴者立乎大者也從其大者為大人矣齊以其位之賤者立乎小者也從其小者為小人矣辨吉凶者存乎辭聖人設卦觀象而繫之以辭列乎其貴而貴之齊乎其大而大之此人之得也而吉于是乎辨矣列乎其賤而賤之齊乎其小而小之此人之失也而凶於此乎辨矣故曰吉凶者言乎其得失也憂悔吝者存乎介介有分辨亦即繼介之介悔吝路口爭差不得些子全要介得分明出乎悔必入乎吝吾介而憂之斯可亡其悔乎不然雖小必有悔也出乎吝必入乎悔吾介而憂之斯不至于吝乎不然雖小必有吝

也故曰悔吝者言乎其小疵也震无咎者存乎悔乾上九亢龍有悔惟有龍德然後能有悔人之所以起死回生者全在此悔蒙山陳氏曰此不是念轉隨罷口說便休如今人之所謂悔今人屢悔而不知改雖有悔過一念良心不能勝習氣終亦必亡而已矣豈得謂之善補過乎如果是悔過真心觀體呈露當下憑此一念恐懼修省捨其舊而圖其新未有不可爲君子者故曰无咎者善補過也是故卦有小大而貴賤列辭有險易而吉凶辨辭之險繫于卦之小指其象變所之之凶而以言其失否則亦必有小疵辭之

四聖一心錄

卷之五

繫辭

十

易繫于卦之人指其象變所之之吉而以言其得否則亦可以補過學易者而求補過之善其惟以悔爲震乎求小疵之不行其惟以介爲憂乎悔以震无咎介以憂悔吝則必常得而無失惠迪吉而不至于從逆凶矣

易與天地準故能彌綸天地之道仰以觀於天文俯以察於地理是故知幽明之故原始反終故知死生之說精氣爲物游魂爲變是故知鬼神之情狀與天地相似故不違知周乎萬物而道濟天下故不過旁行而不流樂天知命故不憂安土敦乎仁故能愛範圍天地之化

而不過曲成萬物而不遺通乎晝夜之道而知故神无方而易无體

陰陽合德日月合明人之易也天地之準也易與天地準故能彌綸天地之道天地之道無不準諸易也天地之道有幽明有死生有鬼神有幽明必有幽明之故孰從而知之以易而準之準之以易者仰以觀於天文其昭回于天者豈不燦然明乎而高明之不可窮者又甚幽也仰觀而求其故天之文卽人之文此幽明之故之可知也俯以察於地理其條列于地者又不燦然明乎而博厚之不可極者又甚幽也俯

四聖一心錄

卷之五

繫辭

十

察而求其故地之理卽人之理此幽明之故之可知也有死生必有死生之說孰從而知之以易而準之準之以易者原天地之始而無其始亦原吾身之始而無其始原始無始此生之說始無可原則死而已矣反天地之終而無其終亦反吾身之終而無其終反終無終此生之說終無可反則死而已矣有鬼神必有鬼神之情狀孰從而知之以易而準之準之以易者天地以陰陽之精之氣生而爲物物以精氣之魂游而爲變不貳而生物不測此天地之爲物而爲變也其情狀顯于天地之鬼神矣體物不遺而洋

洋如在此吾身之爲物而爲變也其情狀顯于吾身之鬼神矣知幽明之故幽明何故故吾易也知死生之說死生何說說吾易也知鬼神之情狀鬼神何情狀情狀吾易也是故易者天地之準也似之天地天地不得而違也似以其知萬物皆易之所周似以其道天下皆易之所濟一周一濟皆有定準者也夫何過旁行猶言旁通偏旁幽曲之處推而行之無不通或經或權皆有定準者也夫何流樂天知命以命則與天爲準有所樂而玩焉有所知而順焉夫何憂安土敦乎仁以仁則與土爲準隨所居而安焉以所安

四聖一心錄

卷之五

繫辭

主

而安人安百姓焉夫何所不愛以範圍乎天地之化上下與天地同流程子謂規模出一天地耳非在外也夫何過幼于張氏曰知周而仁弗濟則過化行而氣不節則過故知周道濟範圍天地皆稱不過以曲成于萬物物曲之利皆易道之成能夫何遺幽明死生鬼神晝夜一道也通乎幽明之故而知通乎死生之說而知通乎鬼神之情狀而知通乎晝夜之道而知一知也到通乎晝夜之道而知非天下之至神其孰能與于此神則陰陽不測而無可求之以其方大哉易也斯其至矣易則惟變所適而無可執之以爲

體無方而天地萬物以爲方無體而天地萬物以爲體此易所以能彌綸天地之道而與天地準也中庸夫焉有所倚有方則倚于方有體則倚于體无方體卽是無所倚今人倚在軀殼上起念做得來十分好畢竟有方有體此則陰陽之氣且得而圓之况能範圍天地曲成萬物而通知晝夜之道耶○或問死生之說曰乾資始坤厚終原始推原其始也原始而無失其始乾道在我矣反終反求其終也反終而無失其終坤道在我矣乾大生是惟吾生坤廣生是惟吾生故曰生生之謂易此可見有得于易便是生生者

四聖一心錄

卷之五

繫辭

主

夫何死無得于易便是死死者夫何生○或問鬼神之情狀曰鬼神有何情狀亦指吾身而情狀之耳吾身之精氣便是鬼神爲物之情狀吾身之游魂便是鬼神爲變之情狀今人說鬼神舍却自身別去懸空求一箇鬼神之情狀如何情狀得須是反諸身而求之其不免爲鬼躁歟鬼幽歟其得號爲神明歟神靈歟如其不免爲鬼也當下此身已卽是鬼矣豈待死而後謂之鬼乎如其得號爲神也當下此身已卽是神矣豈待死而後謂之神乎情狀之以吾身者爲鬼爲神此心之明當下了然斷不必求之吾身之外與

夫死生之際也。○或問幽明之故曰：故者幽明之自然者也。闔戶謂之坤，闢戶謂之乾。闔處便是幽，闢處便是明。仰以觀於天文，闢戶之觀也；俯以察於地理，闔戶之察也。時時有闔，闔時時有幽；明時時而觀察之，則知其故矣。念念有闔，闔念念有幽；明念念而觀察之，則知其故矣。

一陰一陽之謂道，繼之者善也，成之者性也。仁者見之謂之仁，知者見之謂之知。百姓日用而不知，故君子之道鮮矣。顯諸仁，藏諸用，鼓萬物而不與聖人同憂，盛德大業至矣哉！富有之謂大業，日新之謂盛德，生生之謂

四聖一心錄

卷之五

繫辭

十

易成象之謂乾，效法之謂坤，極數知來之謂占，通變之謂事。陰陽不測之謂神。

陰陽是兩儀，一是太極，到得陰陽不測，是聖神全體。太極會太極動靜之全者，也以六子明之。風雷者天之陰，陽山澤者地之陰，陽坎離者天之日月，地之水火二氣之陰，陽也。水中有火，火中有水，陰陽中有陰陽也。惟有陰陽則有交易，故曰一陰一陽之謂道也。惟有交易則有生，故曰生生之謂易也。繼之者善，繼續此一而無間，斷人之善也。成之者性，成全此一而無虧，欠人之性也。仁者見之見此一也，日用無非。

是也。知者見之見此一也，日用無非是也。日用而知善斯成，性道所以有于君子也。百姓日用而不知，雖均有是善而不能繼，雖均有是性而不能成。君子之道于是乎鮮矣。謂之仁知，皆繼之成之而見道分明者。見乃謂之象，仁知微落于見，未如聖人之合一耳。苟無此見，便都是日用不知之百姓，何以爲君子？君子之道顯諸仁，仁者見之之仁也；藏諸用，知者見之之知也。仁顯其體，知藏其用，仁知合一之謂聖人。聖人合仁知爲一道，通萬物爲一身，以其顯仁者鼓萬物而憂天下不得爲仁者之仁，以其藏用者鼓萬物

四聖一心錄

卷之五

繫辭

五

而憂天下不得爲知者之知，聖人非自成己而已也，所以成其爲一體萬物之己也。天地生萬物，聖人成萬物，天地化之以無心，聖人鼓之以有憂無心之天地，待有憂之聖人以成能，天地不與聖人同有憂，聖人不與天地同無心，以此裁成天地，參贊化育，此聖人之盛德大業，所以爲至而非天下後世之所能及也。幼于張氏曰：不憂者乾，以易知坤，以簡能也。憂者吉凶與民同患也，故曰作易者其有憂患也。體曰顯，卽乾之明白而易知，用曰藏，卽坤之要約而簡能用，藏得去，然後仁顯得來。若是藏不去，堆疊在一處，富

有日新何處頓放得下今人無論一肚子物欲卽一肚子理義總謂之茅塞此心非聖人藏用之學也仁何自而顯乎聖人之盛德大業日日顯日日藏顯以用其藏藏以體其顯夫是以无有不富而謂之大業无日不新而謂之盛德也德日新一乾之大生業日富一坤之廣生生生之謂易生生在聖人易在聖人也成象之謂乾生生而成全其象明白可見聖人之乾道也效法之謂坤生生而效呈其法要約易從聖人之坤道也極乾坤之數而知來則謂之聖人之占通乾坤之變而不至于窮則謂之聖人之事占何占

四聖一心錄

卷之五

繫辭

七

以生生爲占事何事以生生爲事也聖人德業之生生其盛大如此欲執一陰一陽之道以求聖人則非不有所繼且成而莫測其所以繼所以成非不有所顯與藏而莫測其所以顯所以藏仁知各有所見聖人無所庸其見也百姓日用不知聖人亦有所不知也非天下之至神其孰能與於斯人苟不以百姓自得而有志於君子者奈何知及之仁守之善繼之性成之學聖人之易成聖人之象效聖人之法極聖人之占通聖人之事存聖人之神則易不在聖人而在我矣其不然者善不繼則惡日長性不成則道日裂

終爲日用不知之百姓而已耳何以爲君子何以進于聖人哉

夫易廣矣大矣以言乎遠則不禦以言乎邇則靜而正以言乎天地之間則備矣夫乾其靜也專其動也直是以大生焉夫坤其靜也翕其動也闢是以廣生焉廣大配天地變通配四時陰陽之義配日月易簡之善配至德

廣大配天地非以易之廣大配天地之廣大也大生莫大于天廣生莫廣于地以言乎易之廣大則備焉變通莫廣大于四時以言乎易之變通則備焉陰陽

四聖一心錄

卷之五

繫辭

七

之義莫廣大于日月以言乎易之陰陽則備焉易簡之善莫易簡于天地四時日月之至德以言乎易之易簡則備焉天地之間易無不備遠而億千萬里此大生也此廣生也地不足以禦之也遠而億千萬年此大生也此廣生也世不足以禦之也邇而一息通之乎億千萬里之遠邇而一瞬通之乎億千萬年之遠所以爲大生者靜專而正是以其動無不直也所以爲廣生者靜翕而正是以其動無不闢也不專一則不能直遂不翕聚則不能發散靜而正然後能不禦于遠易所以爲廣大而以言乎天地之間無不備

也。蒙山陳氏曰：乾之動直體之用也，坤之靜翕用之體也。性命之理妙合而凝，一陰一陽之道盡于此矣。子曰：易其至矣乎？夫易聖人所以崇德而廣業也。知崇禮卑，崇效天，卑法地。天地設位而易行乎其中矣。成性存存道義之門。

程子曰：易是箇甚，又不是這一部書，又不是一件事。只是盡天理便是易也。所謂盡天理，聖人之德業其至也。聖人之知崇效天，聖人之禮卑法地，崇效天聖人易行乎乾，而乾存卑法地聖人易行乎坤，而坤存乾坤合德，易簡成性存而又存道義之所自出也。易

四聖一心錄

卷之五

繫辭

本

其至矣乎？非聖人其孰能至之？

聖人有以見天下之賾而擬諸其形容象其物宜，是故謂之象。聖人有以見天下之動而觀其會通以行其典禮，繫辭焉以斷其吉凶，是故謂之爻。言天下之至賾而不可惡也，言天下之至動而不可亂也，擬之而後言，議之而後動，擬議以成其變化。鳴鶴在陰，其子和之；我有好爵，吾與爾靡之。子曰：君子居其室，出其言善，則千里之外應之；況其邇者乎？居其室，出其言不善，則千里之外違之；況其邇者乎？言出乎身，加乎民；行發乎邇，見乎遠。言行君子之樞機，樞機之發，榮辱之主也。言行君子

之所以動天地也可不愼乎？同人先號咷而後笑，子曰：君子之道或出或處，或默或語，二人同心其利斷金，同心之言其臭如蘭。初六：藉用白茅，无咎。子曰：苟錯諸地而可矣，藉之用茅，何咎之有？愼之至也。夫茅之爲物薄而用可重也。愼斯術也，以往其无所失矣。勞謙君子有終，吉。子曰：勞而不伐，有功而不德，厚之至也。語以其功下人者也。德言盛，禮言恭，謙也者，致恭以存其位者也。亢龍有悔，子曰：貴而无位，高而无民，賢人在下位而无輔，是以動而有悔也。不出戶庭，无咎。子曰：亂之所生也，則言語以爲階。君不密則失臣，臣不密則失身，幾事不

四聖一心錄

卷之五

繫辭

尤

密則害成，是以君子愼密而不出也。子曰：作易者其知盜乎？易曰：負且乘，致寇至。負也者，小人之事也；乘也者，君子之器也；小人而乘君子之器，盜思奪之矣。上慢下暴，盜思伐之矣。慢藏誨盜，冶容誨淫。易曰：負且乘，致寇至，盜之招也。

易何以謂之象？天下之萬物雖至賾而不可勝窮，然有一物必有一物之形容，必有一物之物宜。譬之馬牛，擬諸馬牛之形容，而象馬牛之物宜，則成其爲馬牛之象。矧其在人者乎？擬諸健順之形容，象其健順之物宜，是故謂之乾坤之象。凡山澤雷風水火莫不

以形容爲擬而以物宜爲象是象也言天下之至賾而不可惡不可惡是以可樂而玩也一有可惡則天下之至賾無不失其宜也已矣易又何以謂之爻天下之萬務雖至動而不可勝窮然約而求之莫不有其統會者焉推而行之莫不有其貫通者焉觀其統而會貫而通者以行其典禮行乎其大經禮三百皆典常也行乎其小曲禮三千皆典常也幼于張氏曰舜與周公臨天下之至變履天下之大艱而泰然如拱揖于廟堂之上從容于樽俎之間可不謂善觀會通而行典禮者哉繫辭焉以斷其吉凶六爻之動其

四聖一心錄

卷之五

繫辭

壬

有合乎典禮者動必會通而可行於是繫之吉辭以斷其得其有忤乎典禮者動必窒塞而難行於是繫之凶辭以斷其失是爻也言天下之至動而不可亂不可亂是以可居而安也一有可亂則天下之至動皆其妄也已矣至賾而有象至動而有爻擬之象爻而後言言成象也言成爻也議之象爻而後動動成象也動成爻也一言一動之間寧有不象其物宜者乎寧有不合于典禮者乎擬言而變化成于言議動而變化成于動寧復有一之可惡者乎寧復有一之可亂者乎自昔君子變化之功只在言動之間聖門

高弟莫若顏會顏之克復曾之精察力行曰非禮勿視聽言動曰動容貌斯遠暴慢正顏色斯近信出辭氣斯遠鄙倍擬議變化其有實固如此後世玄言玄行得天下高明之士盡溺于虛無寂滅之學而不知其所終或曉曉自言其變化不知其變化而入于夷也豈不深可痛哉學易者而思擬議變化當如之何得中孚之九二不必遠有所驚近在居室之間求之可以動天地者在此也得同人之九五不必泛有所交得二人與之同心精鍊如斷金契合如臭蘭可以明出處宜語默者在此也得大過之初六薄物且可

四聖一心錄

卷之五

繫辭

壬

重用况其重者乎是無微而不當慎也得謙之九三有功且以下人矧無功而欲上人乎是無適而不當謙也得乾之上九處高貴則思亢極之悔得節之初九念亂階則峻戶庭之防得解之六三懼致寇則切負乘之羞以此擬言言必有物以此議動動必有恒以此言動其能從新鑄造透底變化舉一象而象象以此爲擬爲議舉一爻而爻爻以此爲擬爲議加我數年五十以學易雖吾夫子變化之聖功不加于此矣或舍言動而求變化棄易學而崇玄虛叛義文周孔而歸老釋道術之爲天下裂學術之爲後世禍夫

豈一朝一夕之故孟子曰能言距楊墨者聖人之徒也微斯人吾誰與歸

天一地二天三地四天五地六天七地八天九地十天數五地數五五位相得而各有合天數二十有五地數三十凡天地之數五十有五此所以成變化而行鬼神也大衍之數五十其用四十有九分而爲二以象兩掛一以象三揲之以四以象四時歸奇于扚以象閏五歲再閏故再扚而後掛乾之策二百一十有六父三十一合純乾之六爻得二坤之策百四十有四父二十四合純坤之六爻得二凡三百有六十當期之日二篇之策萬有一千五百二十四

四聖一心錄

卷之五

繫辭

三

十常萬物之數也是故四營而成易十有八變而成卦八卦而小成引而伸之觸類而長之天下之能事畢矣顯道神德行是故可與酬酢可與佑神矣子曰知變化之道者其知神之所爲乎

天地之數始於一中於五一而二二而三三而四四而五一之生也五一而六五二而七五三而八五四而九五五而十五之成也天數五地數五合之五十有五而十而五歸于中也成變化而行鬼神鬼神不在變化之外變化即在五而十而五之中變化之成鬼神之爲也鬼神之爲行乎五十

有五之數而不囿乎五十有五之數者也今人不知變化之道而妄測鬼神之情狀止可謂之言鬼神不可謂之行鬼神大衍之數五十五十有五之數既行其五其用四十有九大衍之中又衍其一衍五天下之動貞夫一也衍一易有太極也聖人立象以盡意

因數而以神道設天下之教能知神之所爲盡衍者也不知神之所爲則數而已矣四營而成易營與融同進于數也十有八變而成卦缺一不成也八卦而小成六十四而大成也引而伸之伸如伸于萬物之上之伸伸之則二篇之策都是道之顯示者矣觸類而長之長餘也多也長之則二篇之策都是德行之通乎神明者矣天下之能事畢天下人之所以爲能天下人之所當有事盡于此矣若不爲引伸則拘滯執泥徇象而何以見道不爲觸類而長則支離汗漫未能豁然無物而何以入神如堯夫之學明道不爲天下之能事正懼其有未畢也

易有聖人之道四焉以言者尙其辭以動者尙其變以制器者尙其象以卜筮者尙其占是以君子將有爲也將有行也問焉而以言其受命也如嚮无有遠近幽淡遂知來物非天下之至精其孰能與于此參伍以變錯

四聖一心錄

卷之五

繫辭

三

綜其數通其變遂成天地之文極其數遂定天下之象
非天下之至變其孰能與于此易无思也无爲也寂然
不動感而遂通天下之故非天下之至神其孰能與于
此夫易聖人之所以極淡而研幾也惟淡也故能通天
下之志唯幾也故能成天下之務唯神也故不疾而速
不行而至子曰易有聖人之道四焉者此之謂也

尚上也猶言無以尚之也尚易之辭則辭皆聖人之
言焉尚易之變則變皆聖人之動焉尚易之象則制
事制心莫非聖人之成器焉尚易之占則吉凶與民
同患莫非聖人之卜筮焉易一聖人聖人一易謂易

四聖一心錄

卷之五

繫辭

五

爲天下之至精至變至神可也謂聖人爲天下之至
精至變至神可也人人有易人人至精至變至神辭
變象占則人人未有能尚之也不尚聖人之辭妄言
而已矣不尚聖人之變妄動而已矣不尚聖人之象
失制之器而已矣不尚聖人之占星官曆師之卜筮
而已矣將以求至精至變至神其可得哉蒙山陳氏
曰辭變象占總是描畫此心故稱之至精至變至神
也易惟至精至變至神是故聖人極淡研幾而入神
淡不極則天下之志不通而精者粗幾不研則天下
之務不成而變者滯志不通務不成則疾之未必速

行之未必至而神者卒于昏昏以死矣安得有所謂
聖人之道哉○凡人之言爲無二道心口無二理問
于易而以言猶問于心而以言心口自相答問者也
今人有爲有行問人而以言人以爲可爲而爲未必
其慊于心也人以爲可行而行未必其慊于心也惟
問易而以言則爲其心之所可爲而爲無不慊于心
矣行其心之所可行而行無不慊于心矣斯不謂之
受命如嚮乎嚮者心之所向也口之所言如其心之
所向也無有遠近幽淡遂知來物無不受命如嚮也
非天下之至精其孰能與于此聖人之辭變象占前

四聖一心錄

卷之五

繫辭

五

定于心此所以爲天下之至精也參伍以變錯綜其
數天地之數函于三中于五三其五爲十五五其三
亦爲十五九六爲十五七八亦爲十五三五之所以
相乘皆本乎圖書之中數惟參伍而後有變不參不
伍于易而以言變無變之可言也惟以參伍錯綜而
後有數不錯不綜于易而以言數無數之可言也通
參伍之變遂成天地之文天地之文圖書之文也萬
古不可磨泯之文也其不然者雖如先秦作者韓歐
名家亦雕蟲小技之文而已矣極錯綜之數遂定天
下之象乾坤以定吾心天地之象艮兌以定吾心山

澤之象巽震以定吾心風雷之象坎離以定吾心水火之象也其不然者譬如寫影傳神其耳目口鼻雖無絲髮之不脗合亦象之粗跡而已矣是故舍易而言文非聖人至變之文也何也以局于變而不通也舍易而言象非聖人至變之象也何也以泥于數而不極也○易无思也无爲也義皇尙矣文王之不識不知文王之无思无爲也周公之不驕不吝周公之无思无爲也孔子之無知無能孔子之无思无爲也故易非義文周孔四聖人作也義文周孔四聖人一易也寂然不動原來不動舉天下無一物足以動之

四聖一心錄

卷之五

繫辭

三

者程子曰寂然不動萬物森然已具在感而遂通感則只是自內感不是外面將一件物來感于此也是故寂然不動于其思感而遂通天下之思之故寂然不動于其爲感而遂通天下之爲之故寂而未始不感感而未始不寂寂感之故有神存焉非思之可通也非爲之所可能也思以无思而思神爲以无爲而爲神所以爲天下之至神何也辭變象占聖心之所存自神也夫人以有思有爲撓其寂然之體而窒其感通之用則多物于物而不神况天下之至神也哉

子曰夫易何爲者也夫易開物成務冒天下之道如斯而已者也是故聖人以通天下之志以定天下之業以斷天下之疑是故著之德圓而神卦之德方以知六爻之義易以貢聖人以此洗心退藏于密吉凶與民同患神以知來知以藏往其孰能與于此哉古之聰明睿知神武而不殺者夫是以明於天之道而察於民之故是與神物以前民用聖人以此齋戒以神明其德夫是故闔戶謂之坤闔戶謂之乾一闔一闢謂之變往來不窮謂之通見乃謂之象形乃謂之器制而用之謂之法利用出入民咸用之謂之神是故易有太極是生兩儀兩

四聖一心錄

卷之五

繫辭

三

儀生四象四象生八卦八卦定吉凶吉凶生大業是故法象莫大乎天地變通莫大乎四時縣象著明莫大乎日月崇高莫大乎富貴備物致用立成器以爲天下利莫大乎聖人探賈索隱鈞深致遠以定天下之吉凶成天下之亹亹者莫大乎蓍龜是故天生神物聖人則之天地變化聖人效之天垂象見吉凶聖人象之河出圖洛出書聖人則之易有四象所以示也繫辭焉所以告也定之以吉凶所以斷也

夫易開物成務冒天下之道所謂物圖書一三五七九之陽物間以二四六八十之陰物所謂人心惟危

若屯之草昧然未易開除者也所謂務即務于開物之務也物不開則塞其何以通天下之志務不成則毀其何以定天下之業志不通而疑愈疑而愈不通業不定而疑愈疑而愈不定其何以斷天下之疑是故易之所爲作也聖人開物以通天下之志成務以定天下之業通志定業又皆以斷天下之疑易所以曰天下之道也然聖人所以斷天下之疑者豈徒以著而神卦而知爻而貢哉天生神物則有著聖人之心先得著之德焉著之德其圓如天而無不神夫何疑著以筮之而有卦聖人之心先得卦之德焉卦之

四聖一心錄

卷之五

繫辭

五

德其方如地而無不知夫何疑卦必有六爻聖人之心先得爻之義焉六爻之義變易于圓與方之間而貢示夫神與知之德夫何疑聖人所以斷天下之疑斷以聖心之無疑者也夫人心之疑不斷則汚乎物欲物欲之汚稍有絲髮未滌而洗則一絲一髮皆得以牽而引之問而奪之罅隙既形疎漏更甚勞拙既見顧慮尤多夫何退藏于密之有聖人之心無絲髮物欲之汚則無絲髮之疑之不斷以圓神者洗心而欲窺其間神之朕兆則杳然何有以方知者洗心而欲測其方知之端倪則寂然何得以易貢者洗心而

欲問其易貢之機緘則卽之而無其所愈洗愈退愈退愈藏以其無絲髮物欲之可問而入也謂之退藏于密而已矣洗何工夫密何方體耶吉凶與民同患以此通天下之志由密而通則吉否則凶其志同其患同以此定天下之業由密而定則吉否則凶其業同其患同以此斷天下之疑千萬年之將來神以知之而無疑千萬年之既往知以藏之而無疑神知來來者伸也自今以來更千萬年再不磨滅昏昧者也知藏往往者屈也與藏諸用同從前都收拾淨盡一無所存不留着一毫渣滓者也若此者其惟古之聰

四聖一心錄

卷之五

繫辭

五

明睿知神武不殺之聖人爲能無疑如此乎陽生陰殺天理流行私欲淨盡神明英武不間以私謂之神武不殺生生之謂易亦只是不殺殺卽不生自古人心不死而多自殺以死亦獨何哉聖人惟無疑是以出入造化則于天道無不明進退古今則于民故無不察以聖心神知之德易貢之義見之著而神物以興設之卦立之爻而民用以前聖人至明而無疑亦以此與天下之民共明而無疑聖人至察而無疑亦以此與天下之民共察而無疑至明至察在聖人共明共察在天下聖人之所爲洗心而齋吉凶與民同

患而戒以神明其聰明睿知神武不殺之德者於是爲獨至矣又何天下之疑之有不斷哉天下之疑有不斷則凡闔闢往來利用出入之間無不滯于物天下之疑無不斷則凡闔闢往來利用出入之間無不妙于神神也者非獨聰明睿知神明其德之聖人用之也而實天下之民之咸用之也是故誰能出入不由戶乎戶闔非戶也順以寧謂之坤矣戶闢非戶也健以運謂之乾矣戶之一闔一闢卽乾坤之一闔一闢闔闢相乘或闔而闢或闢而闔茲不謂之變乎民之往來不窮闔之者順無闔而不與坤通闢之者健

四聖一心錄

卷之五

繫辭

三

無闔而不與乾通茲不謂之通乎凡闔闢變通往來之間可見乃謂之象不見者夫豈囿于象乎有形乃謂之器無形者夫豈滯于器乎制于象器而用之者謂之法超于象器而用之者夫豈泥于法乎以此利用以此出入自聖人以至塗人莫不用之其神同也特聖人爲能齋戒以神明之衆人則日用而不知耳論語曰誰能出不由戶何莫由斯道也與此同意有能從闔闢而悟變通之利從象器而得制用之精以入于神則民之神明其德亦與聖人同歸矣是故易有太極太極者天地鬼神之神明之原卽所謂洗

心退藏于密之密也聖人會太極之全而兩儀四象八卦生焉八卦列而吉凶定焉吉凶定而大業生焉是故法象之大天地也不在天地而在易變通之大四時也不在四時而在易懸象著明之大日月也不在日月而在易崇高之大富貴也不在富貴而在易易也者備天地之法象以致天地之用備四時之變通以致四時之用備日月之著明以致日月之用備富貴之崇高以致富貴之用凡成器之所以立而天下之所爲利皆易也皆聖人之大業也聖人之大業莫大乎定天下之吉凶成天下之亹亹亹亹

四聖一心錄

卷之五

繫辭

三

詩曰亹亹文王令聞不已又曰亹亹我王綱紀四方成天下之亹亹則天下之吉於此乎定焉不成天下之亹亹則天下之凶於此乎定焉未有不亹亹而疑于可以吉也未有亹亹而疑于或以凶也聖人所以斷天下之疑者斷諸易者也斷諸易者斷諸著龜者也言天下之至賾至隱至淡至遠而著龜有以探之索之鈞之致之吉凶以定亹亹以成者著龜之神之所以爲大也皆聖人之易之所以爲大也是故聖人之易則著龜之神物以爲神效天地之變化以爲變化象天垂象之吉凶以爲吉凶則龍馬負圖之出于

河者以爲圖則神龜負書之呈于洛者以爲書聖人之所則而效象而則者著龜之神物天地之變化天象之吉凶河洛之圖書聖人之所全而體者太極也太極生兩儀兩儀生四象太極之全體分明畫出所以示也四象生八卦而繫辭焉所以告也所謂以通天下之志以定天下之業也八卦定吉凶所以斷也所謂以斷天下之疑也易之開物成務冒天下之道者如斯而已者也

易曰自天祐之吉无不利子曰祐者助也天之所助者順也人之所助者信也履信思乎順又以尚賢也是以四聖一心錄

卷之五

繫辭

三

自天祐之吉无不利也子曰書不盡言言不盡意然則聖人之意其不可見乎子曰聖人立象以盡意設卦以盡情僞繫辭焉以盡其言變而通之以盡利鼓之舞之以盡神乾坤其易之緼耶乾坤成列而易立乎其中矣乾坤毀則无以見易易不可見則乾坤或幾乎息矣是故形而上者謂之道形而下者謂之器化而裁之謂之變推而行之謂之通舉而措之天下之民謂之事業是故夫象聖人有以見天下之賾而疑諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻極天下之

賾者存乎卦鼓天下之動者存乎辭化而裁之存乎變推而行之存乎通神而明之存乎其人默而成之不言而信存乎德行

自天祐之吉无不利原合書不盡言爲一章文中子曰有德行著神而明之則變化無不成而自天以下無不祐之矣是也既曰書不盡言言不盡意又曰聖人立象以盡意設卦以盡情僞繫辭焉以盡其言辭能盡言矣不得其辭亦何以異于書象能盡意矣不得其象亦何以異于言其惟變而通之于象與辭之間方盡利乎鼓之舞之于象與辭之間方盡神乎變

四聖一心錄

卷之五

繫辭

三

通鼓舞得其象而忘其所爲象也得其辭而忘其所爲辭也夫是以能盡利而盡神也乾坤其易之緼耶聖人立象之大者緼一曰亂麻一曰舊絮乾坤田緼所以盡利盡神者有出于乾坤成列之外也乾坤成列而易立乎其中豈易與乾坤並立而爲三乎易立乎乾坤易其形而上之道乾坤其形而下之器也乾坤毀則无以見易執器不可以爲道離器亦何以求道易不可見則乾坤或幾乎息道器非可判然截而爲二也是故形而上者謂之道形而下者謂之器易之緼道之器也意之象也言之辭也所以必變通

而後盡利者變也者化乎器而裁之以道斯不局于器而謂之變也通也者推乎器而行之以道斯不滯于器而謂之通也所以必鼓舞而後盡神者神也者利用出入民咸用之之事業舉乎器而措此道于天下之民使皆得以變其所變而通其所通斯無器非道鼓舞盡神而謂之事業也是故聖人立象以盡意設卦以盡情偽繫辭焉以盡其言象者卦之象辭者爻之辭極天下之賾者存乎卦象所以盡意鼓天下之動者存乎爻辭所以盡言苟非其人道不虛行也苟不至德至道不疑也惟化裁而變推行而通神而

四聖一心錄

卷之五

繫辭

三

明此形上之道斯盡利盡神由象而得意矣夫是則可以盡意矣化裁而變推行而通默而成此形止之道不言而信有此形上之道斯盡利盡神由象而得言矣夫是則可以盡言矣得意何言言不盡意得言何書書不盡言匪存乎人匪存乎德行其何以與于此哉自天祐之吉无不利固其宜矣蒙山陳氏曰既曰神而明則徇象執有離形去智者不明矣既曰默而成不言而信則不默者不成矣言者不信矣此是孔子喫緊爲人處

繫辭下傳

八卦成列象在其中矣因而重之爻在其中矣剛柔相推變在其中矣繫辭焉而命之動在其中矣吉凶悔吝者生乎動者也剛柔者立本者也變通者趣時者也吉凶者貞勝者也天地之道貞觀者也日月之道貞明者也天下之動貞夫一者也夫乾確然示人易矣夫坤隤然示人簡矣爻也者效此者也象也者像此者也爻象動乎內吉凶見乎外功業見乎變聖人之情見乎辭天地之大德曰生聖人之道曰位何以守位曰仁何以聚人曰財理財正辭禁民爲非曰義

四聖一心錄

卷之六

繫辭

一

子曰參乎吾道一以貫之天下之道貫于一天下之動貞夫一也一也者易之太極也一生二二生四四生八八卦成列一之象也故曰象在其中因而重之一之爻也故曰爻在其中剛柔相推一之變也故曰變在其中繫辭焉而命之一之動也故曰動在其中所謂其中皆指一而言也動而貞于一則吉動而不貞于一則凶動而介于一與不一之間則悔與吝隨之吉凶悔吝者生乎動之一與不一者也一而二二而一剛柔之立本者也一而二二而四四而八八而重之六位時成六爻相雜惟其時物變通之趣時者

也一動罔不吉不一動罔不凶吉凶之貞勝者也一之道天地日月之所不違而况天下之動乎天下之動貞夫一以全體言之則太極也以剛柔立本言之則乾之易而坤之簡也爻以效此一象以像此一爻象動乎內動此一吉凶見乎外見此一功業見乎變聖人之情見乎辭莫非見此一乾以易知天得一以大生坤以簡能地得一以廣生稱之曰大德聖人恒易恒簡得一以體天地之德以全立人之道以成位乎其中稱之曰大寶居聖人作君之位則堯舜以寶乎唐虞居聖人作師之位則孔子以寶乎萬世宋人

四聖一心錄

卷之六

繫辭

三

得玉獻諸子罕子罕弗受田我以不貪爲寶爾以玉爲寶若以與我皆喪寶也不若人有其寶寶之義可識矣寶得其寶者仁寶失其寶者不仁一而勿二以二則仁矣仁則聖人大寶之位可以與守矣仁者人也人之生理也具此生理則人聚失此生理則人散人散而不可與聚凡以財之不得其理也財得其財不失乎所生之理以聚天下爲一人可也以聚千萬世爲一人可也財以聚人以義而理非以利而理義者措之于辭而辭正加之于民而民共遵以爲是利者措之于辭而辭邪加之于民而民相習以爲非是

故辭之未正民之爲非者未禁而以言理財之義不可得也正辭而如其所行禁民爲非而食之以時用之以禮其理財也所謂理于義也義立而財理財理而人聚人聚而仁存仁存而位守聖人之大寶不在聖人而在我矣寶得其寶者貞夫一而吉寶失其寶者不貞夫一而凶謂天下之動不貞夫一也可乎哉蒙山陳氏曰教天下守一以善動聖人之情也聖人非私智也乾易坤簡爲物不貳天地貞觀亦一而已惟其一故象言至賾不可厭爻言至動不可亂又曰天下之動貞夫一只是一易簡

四聖一心錄

卷之六

繫辭

三

古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情作結繩而爲網罟以佃以漁蓋取諸離包犧氏沒神農氏作斲木爲耜採木爲耒耨之利以教天下蓋取諸益日中爲市致天下之民聚天下之貨交易而退各得其所蓋取諸噬嗑神農氏沒黃帝堯舜氏作通其變使民不倦神而化之使民宜之易窮則變變則通通則久是以自天祐之吉无不利黃帝堯舜垂衣裳而天下治蓋取諸乾坤剡木爲舟剡木爲楫舟楫之利以濟不通致遠以利天下

蓋取諸渙服牛乘馬引重致遠以利天下蓋取諸隨重
門擊柝以待暴客蓋取諸豫斷木爲杵掘地爲臼杵
之利萬民以濟蓋取諸小過弦木爲弧剡木爲矢弧矢
之利以威天下蓋取諸睽上古穴居而野處後世聖人
易之以宮室上棟下宇以待風雨蓋取諸大壯古之葬
者厚衣之以薪葬之中野不封不樹喪期無數後世聖
人易之以棺槨蓋取諸大過上古結繩而治後世聖人
易之以書契百官以治萬民以察蓋取諸夬

包犧氏通天地萬物爲一身而八卦始作非強作也
俯仰皆觀遠近皆取齊戒神明包犧氏有以通之而

四聖一心錄

卷之六

繫辭

四

爲德也德通于神明情類于萬物以類一物之情而
神明通于一物矣以類萬物之情而神明通于萬物
矣今人但以塊然之形軀爲一身而俯仰不知所以
觀近遠不知所以取向何八卦之可作而神明之德
之可通萬物之情之可類乎朱子詩皇犧古神聖妙
契一俯仰不待窺馬圖人文已宣朗知言哉○作結
繩而爲網罟以佃以漁蓋取諸離伏義八卦方位離
居正東生物之始也物生必有養上古民未粒食以
鮮食爲養作結繩而爲網罟以結繩疎之至也
山以佃禽獸澤以漁魚鼈自包犧氏始此先天以開

萬世蒸民之生養也取諸離離明也明者以養其大
體可以通神明之德可以類萬物之情不明者以養
其小體孟子所謂飲食之人而已矣甚者繁網密罟
漁獵其民以爲己養結繩之治不可復見于後世作
易者之有憂患何時已哉○聖人制器尚象取諸離
以爲網罟取諸益以爲耒耜取諸噬嗑以爲市取諸
乾坤以爲衣裳取諸渙以爲舟楫取諸隨以服乘牛
馬取諸豫以爲門柝取諸小過以爲臼杵取諸睽以
爲弧矢取諸大壯以爲宮室取諸大過以爲棺槨取
諸夬以爲書契學易者將何所制而何所尚乎局于

四聖一心錄

卷之六

繫辭

五

網罟之制無以尚離之象也大人以繼明照于四方
或以辟履錯之咎或以征匪醜之邦于是網罟之制
不良于此矣泥于耒耜之制無以尚益之象也君子
以見善則遷有過則改遷善而熟芟柞之功改過而
勤墾闢之務于是耒耜之制不加于此矣以聚貨交
易爲市無以尚噬嗑之象也先王以明罰敕法噬乾
肺而得金矢噬乾肉而得黃金此則所謂市義也非
市利也以此交易而退退無不得其所也已矣以衣
裳爲衣裳無以尚乾坤之象也君子以自強不息厚
德載物自強以崇效乎天厚載以卑法乎地衣得其

爲衣而裳不失其爲裳矣以舟楫爲舟楫無以尙渙之象也惟渙躬以散己之私渙羣以散己之黨斯不通之所由濟而能致遠以利天下乎以牛馬爲服乘無以尙隨之象也寧係丈夫失小子毋寧係小子失丈夫以丈夫爲己任不亦重乎引以致道不亦遠乎以門柝爲門柝無以尙豫之象也窮于初冥于上客無暴于此焉堅二之介恒五之貞其吾門之所爲重其吾柝之所爲擊乎以斷木掘地爲曰杵無以尙小過之象也曰恭曰哀曰儉或春或榆或簸或揉其糠粃之所以去而萬民之無不濟歟以弦木剡木爲弧

四聖一心錄

卷之六

繫辭

六

矢無以尙睽之象也可見惡人而使人之易其惡可遇巷主而使主之格其非其羣疑之所以亡而天下之無不威歟以宮室爲宮室無以尙大壯之象也君子以非禮弗履禮以辨上下定民志上棟下宇居之而安風雨之所以攸除也以喪葬爲棺槨無以尙大過之象也君子以獨立不懼何懼乎溝壑遯世无悶何悶乎喪元存吾順事沒吾寧也以書契爲書契無以尙夬之象也君子夬夬正心誠意充實光輝默成象語成爻天君泰然百體從令百官之無不治萬民之無不察也是故以離爲網罟所以佃漁吾禽獸之

心也以益爲耒耜所以耕耨吾禮義之田也以噬嗑爲市所以交易吾道德之貨也以乾坤爲衣裳所以衣被吾鼎立天地之身而使其有章也以渙爲舟楫所以濟吾身之不通也以隨爲牛馬所以任吾身之重而道吾身之遠也以豫爲門柝所以禦吾身之暴客也以小過爲曰杵所以鑿吾身之糠粃也以睽爲弧矢所以迪吾身威如之吉也以大壯爲宮室居天下之廣居居之其無不安乎以大過爲棺槨寧患其無葬身之地而死于道路乎以夬爲書契六經莫非我之註腳乎其于易也思過半矣

四聖一心錄

卷之六

繫辭

七

是故易者象也象也者像也彖者材也爻也者效天下之動者也故吉凶生而悔吝著也

畫前易原無象畫後易斯有象象言像猶乾坤言易之繼非易之真面目也今人會讀一部易總是假像何曾覩見易之真面目象言成卦之材爻言做效天下之物而發動象者茅犀之名義取知幾知祥爻者交疏之牕義取旁通吉凶生而悔吝著生是生此象爻著亦著此象爻象言象材爻言象動是故吉凶悔吝總名曰象

陽卦多陰陰卦多陽其故何也陽卦奇陰卦偶其德行

何也陽一君而二民君子之道也陰二君而一民小人之道也

乾純陽坤純陰乾之子則皆二陰坤之女則皆二陽少者多之所宗一者衆之所歸蒙山陳氏曰卦以一爲主一君二民主在一君陰從陽也故爲君子之道二君一民主在一民陽從陰也故爲小人之道

易曰憧憧往來朋從爾思子曰天下何思何慮天下同歸而殊塗一致而百慮天下何思何慮日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感

四聖一心錄

卷之六

繫辭

八

而利生焉尺蠖之屈以求信也龍蛇之蟄以存身也精義入神以致用也利用安身以崇德也過此以往未之或知也窮神知化德之盛也易曰困于石據于蒺藜入于其宮不見其妻凶子曰非所困而困焉名必辱非所據而據焉身必危既辱且危死期將至妻其可得見邪易曰公用射隼于高墉之上獲之无不利子曰隼者禽也弓矢者器也射之者人也君子藏器於身待時而動何不利之有動而不括是以出而有獲語成器而動者也子曰小人不恥不仁不畏不義不見利不勸不威不懲小懲而大誡此小人之福也易曰履校滅趾无咎此

之謂也善不積不足以成名惡不積不足以滅身小人以小善爲无益而弗爲也以小惡爲无傷而弗去也故

惡積而不可掩罪大而不可解易曰何校滅耳凶子曰危者安其位者也亡者保其有者也亂者有其治者也是故君子安而不忘危存而不忘亡治而不忘亂是以身安而國家可保也易曰其亡其亡繫于苞桑子曰德薄而位尊知小而謀大力小而任重鮮不及矣易曰鼎折足覆公餗其形渥凶言不勝其任也子曰知幾其神乎君子上交不諂下交不瀆其知幾乎幾者動之微吉之先見者也君子見幾而作不俟終日易曰介于石不

四聖一心錄

卷之六

繫辭

九

終日貞吉介如石焉寧用終日斷可識矣君子知微知彰知柔知剛萬夫之望子曰顏氏之子其殆庶幾乎有不善未嘗不知知之未嘗復行也易曰不遠復无祇悔元吉天地絪縕萬物化醇男女構精萬物化生易曰三人行則損一人一人行則得其友言致一也子曰君子安其身而後動易其心而後語定其交而後求君子修此三者故全也危以動則民不與也懼以語則民不應也无交而求則民不與也莫之與則傷之者至矣易曰莫益之或擊之立心勿恒凶

蒙山陳氏曰上章言易卦具君子小人之道故此下

備舉十一爻教君子爲善勉小人遠刑也小人全身而避罪君子研幾而改過此易所以無棄人也。何思何慮不是不思不思則不得不是不慮不慮則無獲但天下之人失却思慮主宰而憧憧以爲思都是妄思憧憧以爲慮都是妄慮或往或來都是朋類此等思慮熟爛于胸中便與土塊填塞一般夫子教天下之人以何爲思而以何爲慮看來天下道理其塗雖殊而其歸則無不同其慮雖百而其致則無不一然則何苦而爲此憧憧往來之思慮乎夫亦思慮其所同歸一致者而已矣同歸一致者天下公共之天

四聖一心錄卷之六

繫辭

一

理非有我一人之私也程子曰貞者虛中無我之謂虛中無我便純是一團天理思慮又何病于往來之憧憧乎同言歸毫釐走作不得一言致毫釐散漫不得統歸其同極致其一虛之至也幼于張氏曰天下之動必貞夫一苟識其要不在博求理必由乎其宗事各本乎其根歸根則寧天下之理得矣文子曰流水之不腐逝故也戶樞之不蠹運故也是故日月相推而明生寒暑相推而歲成往故也尺蠖龍蛇之信與存屈故也蟄故也日月寒暑不往而何以有來而何以生明而何以成歲尺蠖不屈而何以求信龍蛇

不蟄而何以存身惟往而後來惟屈而後信惟蟄而後存惟同而能殊惟一而斯百殊者同之所化百者一之所分不役思慮于殊與百而凝思慮于同與一精研此義至于入神與日月合明與寒暑合序與尺蠖龍蛇合其屈信蟄存舉而措之天下用不求利而自利以致用也致之用者利居之身者安德不期崇而自崇以崇德也過此以往聖而不可知之謂神窮神而神天德知化而化天道非甚盛德其孰能與于此上章所謂一君二民君子之道精此義者千思萬思歸于一思千慮萬慮歸于一慮放四海而皆準

四聖一心錄

卷之六

繫辭

士

四海一君也施諸後世而無朝夕萬世一君也如此者爲君子不如此者爲小人爲君子者無所困而困名必榮得所據而據身必安爲小人者非所困而困名必辱非所據而據身必危既榮且安則德日崇既辱且危則死日迫又何崇德之有君子能安其身動而不括是以出而有獲小人不能安其身小惡不懲終至滅身不可解君子有獲爲安爲存爲治小人罪惡不可解爲危爲亡爲亂然而危者未始不可與安亡者未始不可與存亂者未始不可與治惟君子安而不忘危存而不忘亡治而不忘亂夫是以保其身

以保其國家小人反是折足之凶凶于而國害于而
家身之不保抑又可知矣身之保與未保係于用之
利與不利用之利與不利係于義之精與不精蓋義
者至精至微涵于動而未形有無之間卽謂之幾卽
子曰何者謂之幾天根理極微這幾字最認得分明
君子精義入神所謂知幾其神者也知幾者上交不
諂下交不瀆此理在眼前人須是當下密切理會然
亦不但與人交爲然形而上者謂之道君子一思一
慮莫非妙道之流形而精義之運用形而下者謂之
器君子一思一慮莫不超于形器之外而不滯于形

四聖一心錄

卷之六

繫辭

主

器之中不諂而無卑屈于道不瀆而無潰決于器何
知幾如之幾者動之微動而無動動而不括故爲吉
之先見若動而有動則動而括矣不將爲凶之先見
乎君子見幾而作不俟終日動無弗微是以神也故
曰知幾其神也聖門惟顏子知幾故孔子稱之曰殆
庶幾有不善未嘗不知知之未嘗復行有不善與爲
不善不同有不善是過爲不善是惡雖有不善不蔽
明體故曰過知之未嘗復行故曰不貳過不貳過者
精之至也同之歸也一之致也天地絪縕萬物化醇
天地此致一之道男女構精萬物化生男女此致一

之道致一則身安動寧括乎致一則心易語寧懼乎
致一則交定其寧諂與瀆乎如此者以立心言所謂
恒也以思慮言所謂貞也皆積義之全功而神化盛
德之能事也懼以語則民不應柴氏中行曰心無險
陂則易心有險陂則懼

子曰乾坤其易之門邪乾陽物也坤陰物也陰陽合德
而剛柔有體以體天地之撰以通神明之德其稱名也
雜而不越於稽其類其衰世之意邪夫易彰往而察來
而微顯闢幽開而當名辨物正言斷辭則備矣其稱名
也小其取類也大其旨遠其辭文其言曲而中其事肆

四聖一心錄

卷之六

繫辭

主

而隱因貳以濟民行以明失得之報

乾坤其易之門然則易其乾坤之室乎未有入室而
不由門者得其門者爲誰義文周孔四聖人之外或
寡矣又曰乾陽物坤陰物兩儀生于太極而有對待
故以物名也至于體天地之撰通神明之德則形而
上者在是矣得其門而入于室矣其稱名也雜而不
越名卽六十四卦之名雜卽物相雜之雜不越非天
地之撰卽神明之德初不越乎其門衰世之意四聖
人之意蓋皆憂後世之衰而思以挽于治古之隆也
其云備猶吾夫子所謂宗廟之美百官之富易之變

由乾坤而起至于無往不彰無來不察微以之顯幽以之闡開而當名云云開如洞開重門之開曰彰曰察曰顯曰闡皆闢其門而開之之義也開而當名名必當其實也辨物陰陽剛柔之慎辨也正言修辭立其誠也斷辭繫辭焉而明吉凶也如此則既備矣而又言名不徒當其稱之也小其類萬物之情也則甚大辭不徒斷其旨甚遠而且文言不徒正又曲而中物不徒辨事又肆而隱凡皆因貳以濟民行以明失得之報報即曉然開示而使天下後世之人俱得遊于其門也曰因貳以濟者民行之衰衰于不貞夫一

四聖一心錄

卷之六

繫辭

古

而二以貳故因其貳而作易以濟之吉凶者言乎其失得故曰以明失得之報

易之興也其於中古乎作易者其有憂患乎是故履德之基也謙德之柄也復德之本也恒德之固也損德之修也益德之裕也困德之辨也井德之地也巽德之制也履和而至謙尊而光復小而辨於物恒雜而不厭損先難而後易益長裕而不設困窮而通井居其所而遷巽稱而隱履以和行謙以制禮復以自知恒以一德損以遠害益以興利困以寡怨井以辨義巽以行權

作易者之有憂患即生于憂患之憂患君子有終身

之憂憂此九卦是君子反身修德終身憂患之大端履德之基第一在於躬行今人將學問放在口裏說即此便是無基業之人謙德之柄大學云此之謂自謙謙與驕泰反進此纔有擲柄到手次以復一點真陽奮于重陰之下人之本木之根草之芽也次以恒知及而仁守完固不傾移也損言修修其所未固益言裕裕其所能修困之辨困則生于憂患不困則死于安樂其大分較然辨也井之地地與基其義何居履言步履之踏實如堂室之有基井言淵泉之渾涵如心地之言地也巽之制制者裁制之謂化而裁之

四聖一心錄

卷之六

繫辭

五

以盡利非巽順弗能也蒙山陳氏曰損有時而後于復遷怒之習氣至于妄復之後不能無也困有時而後于益怨尤之習氣至于遷善之後不能無也子曰默而識之學而不厭誨人不倦人能默識此心言天下之至蹟而不可惡故稱雜而不厭巽以行權行權不與守正對重巽申命便是行權旁行而不流知進退存亡而不失其正都是行權不必指湯武革命等事為行權

易之為書也不可遠為道也屢遷變動不居周流六虛上下无常剛柔相易不可為典要唯變所適其出入以

度外內使知懼又明於憂患與故无有師保如臨父母
初率其辭而揆其方既有典常苟非其人道不虛行

不可遠不可須臾離也屢遷下學而上達也六位言
虛位本無體因爻始見故稱虛也不可爲典要唯變
所適變之所適無適而非典要也其出入以度外內
使知懼變之所適卽爲典要其出以度人之外所謂
義以方外也其入以度人之內所謂敬以直內也出
入內外無不以度無敢不懼不徒知懼而又明于憂
患造次必於是顛沛必於是也明于憂患而懼者師
保父母常若臨之在上不有師保之臨卽有父母之

四聖一心錄

卷之六

繫辭

去

臨無時無處而不知懼也初率其辭而揆其方既有
典常初字最重方卽是度典常卽典要之常原始謹
初率辭揆方出以度外入以度內卦卦所適之變皆
典常爻爻所適之變皆典常也易之不可遠如此蒙
山陳氏曰孔子論心既曰無出入之時無內外之鄉
矣其贊易則曰出入以度內外知懼何也入之與內
心之體也出之與外心之用也未嘗不以出入言而
又曰出入無時正以明動靜一原初不以寂感分二
時未嘗不以內外言而又曰莫知其鄉正以明顯微
無間初不以內外分兩鄉曰出入曰外內此吾心條

理之密不可得而混淆者也曰出入無時莫知其鄉
此吾心統會之全不可得而分裂者也此義明而後
可與語事心之學故曰苟非其人道不虛行又曰小
人無忌憚只是不知懼

易之爲書也原始要終以爲質也六爻相雜唯其時物
也其初難知其上易知本末也初辭擬之卒成之終若
夫雜物撰德辨是與非則非其中爻不備噫亦要存亡
吉凶則居可知矣知者觀其彖辭則思過半矣二與四
同功而異位其善不同二多譽四多懼近也柔之爲道
不利遠者其要无咎其用柔中也三與五同功而異位

四聖一心錄

卷之六

繫辭

七

三多凶五多功貴賤之等也其柔危其剛勝邪
易之爲書彖于文王爻于周公彖者材也材猶材質
一卦之材質也原始要終以爲質徹始徹終之義理
莫不具于彖之材質之中也爻以效天下之動而云
六爻相雜者質言其體之純雜言其用之變也相雜
惟其時六位時成也相雜唯其物爻有等故曰物也
初爻難知動之本也上爻易知動之末也初辭擬之
辭卽爻辭擬之慮終而謹其初也卒成之終正其本
萬事理也若夫雜物撰德辨是與非則非其中爻不
備物相雜故曰文雜物物相雜也撰德體天地之撰

四聖一心錄

卷之六

繫辭

十八

又有本末之分難易之辨

易之爲書也廣大悉備有天道焉有人道焉有地道焉兼三才而兩之故六六者非他也三才之道也道有變動故曰爻爻有等故曰物物相雜故曰文文不當故吉凶生焉

六者非他三才之道才之爲言裁也言裁成天地裁成萬物也中人以下自成其才者絕鮮天地萬物將焉賴乎不成其才謂之不成其人故曰罔之生也幸而免也道有變動謂之爻爻有等謂之物所謂格物之物物相雜謂之文卽所謂博文之文俱從道之變

四聖一心錄

卷之六

繫辭

十九

當下認取當下當便是吉當下不當便是凶吉皆能盡其才凶者不能盡其才人見其禽獸也而以爲不當有才則豈人之性也哉

易之興也其當殷之末世周之盛德邪當文王與紂之事邪是故其辭危危者使平易者使傾其道甚大百物不廢懼以終始其要无咎此之謂易之道也

子曰三分天下有其二以服事殷周之德其可謂至德也已矣此便是周之盛德曰殷之末世周之盛德者否終則傾文王于此彖易遯湯禹舜堯而上接乎義皇故以言易之興也其辭危無一爻可易其道大

無一物可廢總之懼以終始其要歸于无咎而已无咎者善補過也聖人要在无咎聖人懼以終始雖欲不為補過之圖不可得也五十學易可無大過聖人之危懼與文王同後世易學湮晦玩易忘危兢業本體不勝滅裂至于惡積不可掩罪大不可解真若百孔千瘡從何處下手補之此無他只是不知懼或是始懼而終不懼

夫乾天下之至健也德行恒易以知險夫坤天下之至順也德行恒簡以知阻能說諸心能研諸侯之慮定天下之吉凶成天下之亹亹者是故變化云為吉事有祥

四聖一心錄

卷之六

繫辭

手

象事知器占事知來天地設位聖人成能人謀鬼謀百姓與能八卦以象告爻象以情言剛柔雜居而吉凶可見矣變動以利言吉凶以情遷是故愛惡相攻而吉凶生遠近相取而悔吝生情偽相感而利害生凡易之情近而不相得則凶或害之悔且吝將叛者其辭慙中心疑者其辭枝吉人之辭寡躁人之辭多誣善之人其辭游失其守者其辭屈

昔者冉牛閔子顏淵善言德行德行云者真實得之于心而措之于行也乾至健確然示人以易至健在我德行之易在我矣乾之險坎也河圖天一在下陷

在二險之中故文王以坎代坤坎陷坤險矣險與易反故易必知險知險而運乾之健斯不復陷于險此德行之恒易以知險也坤至順隤然示人以簡至順在我德行之簡在我矣坤之阻離也河圖地二居上麗在一陽之中故文王以離代乾離麗乾阻矣阻與簡反故簡必知阻知阻而貞坤之順斯不復困于阻此德行之恒簡以知阻也知險無險恒易在我而能說諸心知阻無阻恒簡在我而能研諸侯之慮屯常險難利用建侯研諸侯之慮坤順承乾有主之慮也乾坤合德險阻盡平故能定吉凶而成亹亹以此變

四聖一心錄

卷之六

繫辭

主

化于云為之間擬之後言議之後動所謂一日二日有萬幾者其動無弗微也無弗微則無弗吉或云或為孰非有祥之吉事乎故曰吉事有祥象事知器凡事皆有吉象象其為清廟之重器象其為明堂之偉器是為有祥否則凶占事知來凡事皆得吉占占厥修之乃來占有朋之方來是為有祥否則凶吉凶之定定此矣亹亹之成成此矣天地設位聖人成能成其定吉凶成亹亹之能也人謀鬼謀百姓與能所謂聖人之成能亦人鬼合謀成其百姓之所與能者而已耳夫豈能人之所不能亦豈百姓不可以與聖人

之成能者哉蒙山陳氏曰人謀鬼謀四字最曲盡不盡人謀而詢鬼謀非聖人教人意也凡易之情近而不相得則凶遠而相得則吉不待言矣或害之悔且吝或害其相得之道必悔且吝矧其全不相得而寧不謂之凶乎將叛者其辭慙慙辭知其叛枝辭知其疑寡辭知其吉躁辭知其凶游辭知其誣善屈辭知其失守此孔子之知言誠辭知其所蔽云云此孟子之知言

四聖一心錄

卷之六

繫辭

主

說卦傳

昔者聖人之作易也幽贊於神明而生蓍參天兩地而倚數觀變於陰陽而立卦發揮於剛柔而生爻和順於道德而理於義窮理盡性以至於命

聖人之作易有蓍有數有卦有爻其足以盡易乎其不足以盡易乎夫易者聖人道德義理性命之奧也聖人通乎神明之德而成位天地之中陰陽合德而剛柔有體是故易之著數卦爻所由作焉筮蓍以求易不可見也有所以生蓍者聖人蓋有神明之幽贊者在焉極數以求易易不可見也有所以倚數者

四聖一心錄

卷之六

說卦傳

主

聖人蓋有天地之參兩者在焉畫卦以求易易不可見也有所以立卦者聖人蓋有陰陽之變之洞觀者在焉效爻以求易易不可見也有所以生爻者聖人蓋有剛柔之發揮者在焉無聖人之幽贊而以言蓍非蓍也無聖人之參兩而以言數非數也無聖人之觀變發揮而以言卦言爻非卦非爻也蓍生于神明數倚于天地卦立于陰陽爻生于剛柔得之幽贊參兩之渙本之變化發揮之妙則率由之謂道固有之謂德孰有不極和且順也時措之謂義孰有不得其理也天命之謂性性命之理何者猶有所未窮也窮

之斯無不盡聖人所以盡其性也盡之斯無不至聖人所以至于命也徒以著數卦爻而已者著數卦爻之易也非道德義理性命之易也說者謂九師興而易道微抑何由而復見四聖之心哉

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用柔剛故易六位而成章

性命之理在天為陰陽在地為剛柔在人為仁義子思子曰天命之謂性性命只一理無二理窮理盡性

四聖一心錄 卷之六 說卦傳 五

以至于命便是順性命之理今人多是以性日鑿而不可以語於盡命日舛而不可以語於至聖人有憂之故作易以教人之有所順而無所逆天道有陰陽吾以陽生萬物以陰成萬物順乎天而不逆天道自我而立也性命之理之順也地道有剛柔吾以其剛為剛克以其柔為柔克順乎地而不逆地道自我而立也性命之理之順也人道有仁義吾之以仁育也天之陽也地之剛也吾之以義正也天之陰也地之柔也順乎人而不逆人道自我而立也性命之理之順也天地人之道謂之三才之道兼三才而兩

之立得天道地道便是立得人道立得人道便是立得天道地道易之六畫而成卦也合之有以盡三才之道之大者也此吾性命之理之統體無不順也卦有六畫謂之六位一畫而分天之陽用地之剛則成人之仁焉一畫而分天之陰用地之柔則成人之義焉易之六位而成章也析之有以極三才之道之精者也此吾性命之理之精微無不順也儒者之論曰物所受為性天所賦為命孰從而賦之孰從而受之也乎聖人言性命原來甚分明其曰窮理盡性以至于命明其合也其曰立天之道曰陰與陽立地之道

四聖一心錄 卷之六 說卦傳 五

曰柔與剛立人之道曰仁與義明其分也性者一定而不易所以立體命者流行而不已所以達用天行健只是一陽地承天只是一剛聖門之學至于求仁只是一仁陽體而陰為之用剛體而柔為之用仁體而義為之用聖人所謂盡性以至于命者立體以達于用也體用不可判然分而為兩哉此性命之理所以為合一也分陰分陽迭用柔剛分陽用剛以成仁分陰用柔以成義體用不可混而為一途此又性命之理所以為各正也今人不識性命之理何由而得順性命之學以任情為順性非性也以隨寓為順命

非命也順性者自至于命順命者求順其性故言盡性以至于命不言至命以盡于性也程子曰立人之道曰仁與義據今日合人道廢則是今尚不廢者猶只是有那些秉彝卒殄滅不得

天地定位山澤通氣雷風相薄水火不相射八卦相錯數往者順知來者逆是故易逆數也雷以動之風以散之雨以潤之日以暉之艮以止之兌以說之乾以君之坤以藏之

先天圖乾南坤北此天地之位亘萬古而常定不易者也乾坤相錯于上交而為艮兌艮西北兌東南曰

四聖一心錄

卷之六

說卦傳

三

山澤通氣乾坤相錯于下爻而為震巽震東北巽西南曰雷風相薄乾坤相錯于中爻而為坎離離東坎西曰水火不相射此八卦之相錯也即天地交而為泰也天地之定位為體山澤之通氣雷風之相薄水火之不相射為用是故具太極體用之全者先天之心學也定于八卦相錯之先者謂之往錯于天地定位之後者謂之來數往者順位有常定也知來者逆山通氣于澤澤通氣于山雷薄風風薄雷水不射火火不射水天地無時而不交上者下交下者上交若不相順而相逆然故以言其逆也是故易逆數也乾

以逆坤為震動為坎陷為艮止坤以逆乾為巽入為離麗為兌說雷動風散雨潤日暉艮止兌說莫非乾之君而坤之藏皆逆數也往者常定來者相錯錯所以為定也數往者順知來者逆逆所以為順也以數言之謂之逆以理言之謂之窮今人上水亦謂之逆流矧易之為書全是教人窮性命之理由形而下之器達形而上之道謂為逆數不亦宜乎新都楊氏曰易畫自下而上圖自右而左故曰逆數如邵子朱子之說一半順一半逆

四聖一心錄

卷之六

說卦傳

三

帝出乎震齊乎巽相見乎離致役乎坤說言乎兌戰乎乾勞乎坎成言乎艮萬物出乎震震東方也齊乎巽巽東南也齊也者言萬物之潔齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

帝是人之神明主宰人人有是帝人之帝與天之帝合便是克配上帝邵子詩地逢雷處見天根天根是

帝之出震乾遇巽時觀月窟月窟是帝之齊巽逢雷而帝出子曰作易者其有憂患乎又曰懼以終始自非恐懼修省鼓之以雷霆此帝便一生埋沒不得出頭帝不出頭上下僭亂天地翻覆上焉者雜霸雜夷下焉者皆夷狄亂華者而已矣遇巽而帝齊能出而後能齊一人元良萬邦以貞天君泰然百體從令湛然純一潔淨精微齊其在我者真可以齊天下之不一齊而致其齊者也帝出以言天根不出者逆折而絕其根帝齊以言月窟不齊者污蠱而毀其窟出震齊巽此先天圖坤復乾姤之始交雷風相薄之大端也

四聖一心錄

卷之六

說卦傳

无

相見乎離中天大明之帝聖作物觀之君也離本乾南之位帝不出則晦藏不齊則污暗惟出而齊運乾之明繼離之照乾離合德日月有明天下光焉萬古且焉此離之所以爲相見也帝之由潔齊而進于光大者也致役乎坤離者麗也坤以麗乾之中相見以輝光其德致役以篤厚其光形跡之不著也聲色之不大也所以養其相見之明體而貞其麗天之順德也帝之篤恭而不顯者然也說言乎兌坤順之致養者充乎中而溢于外帝德淵微宇宙太和雍熙無虞之景象也戰乎乾自出震而齊巽而見離而役坤而

說兌純體天德無時而不業業無時而不兢兢皆帝之所以爲戰也勞乎坎坎者陷也乾以陷坤之中戰無不克險無不陷帝之高天下之功在是帝之休息慰撫者亦在是也成言乎艮帝之歸于其天帝之要其所止其艮止也即止於其所自出之震也先天圖震居東壯後天之艮先天之震位也此帝之所成終而所成始也艮止要終震出原始終則有始天行也帝之無間而可息者也朱子詩曰忽然夜半一聲雷萬戶千門次第開若識無中含有象許君親見伏羲來文周孔子皆親見乎伏羲者也夜半雷聲在文王

四聖一心錄

卷之六

說卦傳

无

爲日昃之勤在周公爲待旦之思在孔子爲不食不寢之學奈何人有是雷而人不能震則何怪乎親見伏羲者之不多見于天下後世也周子論太極萬物統體一太極一物各具一太極帝者萬物之所同天下無一物無帝無帝便是死物但有帝不出與無帝同出而不齊與不出同齊而不相見與不齊同相見而不致役與不相見同致役而不說與不致役同說而不戰與不說同戰而不勞與不戰同勞而不成與不勞同則又安得出震而成艮者與之語於成終成始之學哉或疑文王八卦之方位何以異於伏羲八

四聖一心錄

卷之六

說卦傳

三

卦之方位曰無以異也乾坤定矣震巽一交曰雷風相薄帝之出震而齊巽是也離坎再交曰水火不相射帝之見離而勞坎是也兌艮三交曰山澤通氣帝之說兌而成艮是也震坎艮乾父之男也而皆役乎坤役乎坤初爲雷動役乎坤中爲雨潤役乎坤上爲艮止巽離兌坤母之女也而皆戰乎乾戰乎乾初爲風散戰乎乾中爲日暵戰乎乾上爲澤說帝之役坤坤以藏之也帝之戰乾乾以君之也離代乾地二之火原位于圖之南坎代坤天一之水原位于圖之北乾坤者離坎之定位也離坎者乾坤之相錯也震代

四聖一心錄

卷之六

說卦傳

三

代震位于東北乾代艮位于西北而坎居正北之中祇既平者坎之艮行有向者坎之乾坎陷而運乾之健此德行之恒易以知險而無陷于險也離居巽入坤順之中震木所生之離火于是乎盛此又地二之火之光于乾父而定其爲乾者乎坎居艮止乾健之中兌金所生之坎水于是乎盛此又天一之水之流于坤母而定其爲坤者乎是故先後無二天卦位無二方義文相授守一道俟之周公之爻孔子之繫由一世以至于百千萬世斷乎其無疑確乎其不惑者也

神也者妙萬物而爲言者也動萬物者莫疾乎雷撓萬物者莫疾乎風燥萬物者莫燥乎火說萬物者莫說乎澤潤萬物者莫潤乎水終萬物始萬物者莫盛乎艮故水火相逮雷風不相悖山澤通氣然後能變化既成萬物也

神妙萬物帝之神也惟天下至誠爲能盡其性則能盡人之性則能盡物之性雷以動萬物風以撓萬物火以燥萬物澤以說萬物水以潤萬物艮以終始乎萬物其所以妙萬物而成變化者皆神也皆帝也不言乾坤者水火之相逮雷風之不相悖山澤之通氣

何莫而非乾君坤藏之至妙至妙者哉

乾健也坤順也震動也巽入也坎陷也離麗也艮止也兌說也

乾健也震動坎陷艮止皆健之為也坤順也巽入離麗兌說皆順之為也是故健動而順入健陷而順麗健止而順說主之者之謂帝妙之者之謂神

乾為馬坤為牛震為龍巽為雞坎為豕離為雉艮為狗兌為羊

馬性健牛性順龍性動雞性入豕性陷雉性麗狗性止羊性說人而失其健順之性則馬牛之不如失其

四聖一心錄 卷之六 說卦傳 三

所止而不得其說則犬羊之不如聖人取象之意淡切矣哉

乾為首坤為腹震為足巽為股坎為耳離為目艮為手兌為口

乾為首子曰加我數年五十以學易此聖人之首務也今人全不學易又多不得其要領雖汲汲孜孜如聖人總謂之無頭學問震為足行萬里之遠必始于跬步地逢雷而為震卻謂之天根跬步發切踏實此根步步黃金何可勝用艮為手成言乎艮纔受用到手不然如入寶山空手回全不得些受用坎耳離

目兌口皆附于首首之用全在耳目所以後天以坎

離代乾坤自古聖人只是一箇聰明聖知達天德君

子戒慎乎其所不覩是離麗而目明恐懼乎其所不

聞是坎陷而耳聰聰明之具為賢聰明之至為聖若

是不聰不明便是死塊兌為口全在知味知味者說

得其所說便是養其大者為大人不知味者說失其

所說便是養其小者為小人兌口通乎坤腹為芻豢

之說口而求道義之充腹不可得也昔人詩云人亦

天地一物耳饑食渴飲無休時若非道義充其腹何

異鳥獸安鬚眉然則為口腹之養者可以戒矣乾首

四聖一心錄 卷之六 說卦傳 三

坤腹震足巽股坎耳離目艮手兌口聖人不是取象

要人知得人之身有首有腹有足有股有耳有目

有手有口此箇形軀會有斃壞時何足為貴須要體

認得乾為我之首我如不能自強不息而頽屈于物

欲之下是無首者也坤為我之腹我如不能厚德載

物而隘陋以居之是無腹者也震為我之足我如不

能恐懼修省出門一步而遂不能無失腳是無足者

也巽為我之股我如不能中命行事而隨足以妄動

是無股者也坎為我之耳我如不能常德行習教事

而天聰以為聰是無耳者也離為我之目我如不能

繼明照于四方而天明以爲明是無目者也艮爲我之手我如不能思不出其位而執守之不堅是無手者也兌爲我之口我如不能以朋友講習而朵頤之是觀是無口者也易有聖人之道四而云以制器者尙其象人而至于首不首腹不腹足不足股不股耳不耳目不目手不手口不口象乎哉不象乎哉

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

四聖一心錄 卷之六 說卦傳 三

乾父坤母人人有一大乾坤人人稱父而可以父天下人人稱母而可以母天下孟子曰人病不求耳求者索也一不索遂無震巽再不索遂無坎離三不索遂無艮兌六子亡而父母或幾乎毀矣是故乾道成男成其爲長男之震中男之坎少男之艮者也坤道成女成其爲長女之巽中女之離少女之兌者也夫豈成其男女之形之謂哉

乾爲天爲圓爲君爲父爲玉爲金爲寒爲冰爲大赤爲良馬爲老馬爲瘠馬爲駁馬爲木果

易者象也象也者像也其似也非真也執象以求易

按圖而索驥者也爲天爲圓爲君爲父其義自明玉潤金精寒冽冰潔半點瑕疵半毫炎熱之勢味沾染不上其剛健之至乎陽爲大南方之色爲赤調于天德者爲良用九而見天則爲老獨立物表首出庶物爲瘠天德之剛絕無人欲之可剝蝕爲駁四德流行初無間斷而生生不已爲木果或曰圓而在上爲木果

坤爲地爲母爲布爲釜爲吝嗇爲均爲子母牛爲大輿爲文爲衆爲柄其于地也爲黑

地南北爲經東西爲緯承天時行爲布六十四卦曰四聖一心錄 卷之六 說卦傳 三

釜地包六十四卦爲釜簡而不煩爲吝嗇資生不偏爲均順而多孕爲子母牛方而載爲大輿含萬物而化光爲文奇爲寡故偶爲衆乾爲圓故坤爲柄黑是正北方之色南赤北黑

震爲雷爲龍爲玄黃爲專爲大塗爲長子爲決躁爲蒼筤竹爲萑葦其于馬也爲善鳴爲馵足爲作足爲的顙其于稼也爲反生其究爲健爲蕃鮮

乾交于坤初爲玄黃長育爲專震驚百里萬物畢出爲大塗主匕鬯之重器爲長子以陽決陰爲決躁竹之節堅蒼筤青色取其貫四時而不改萑葦之在水

也似劬亦竹類取驚遠而懼迴號號啞啞為善鳴之馬九陵之躋其馬足之鼻而白乎四足皆白曰鼻其馬足之作而起乎詩思馬斯作恐懼修省根心生色其馬之為的賴乎剛反下故于稼為反稼之反生夫根之露其端也其究為健而成乾為蕃鮮而極其盛長之不可量

巽為木為風為長女為繩直為工為白為長為高為進退為不果為臭其于人也為寡髮為廣顙為多白眼為近利市三倍其究為躁卦

木曰曲直既曲而直為繩直居肆致道為工涅不可

四聖一心錄 卷之六 說卦傳 三

緇為白循理為長上達為高如風行如木升故為長為高陰性多疑為進退為不果一氣周旋不息為臭寡髮廣顙出頭露額所入淡也多白眼猶能為白眼舉世無足以塵其目也近利市三倍田之三品之獲也其究為躁卦巽終變震始于不果而終進于果也坎為水為溝瀆為隱伏為矯輮為弓輪其于人也為加憂為心病為耳痛為血卦為赤其於馬也為美脊為亟心為下首為薄蹄為曳其於輿也為多眚為通為月為盜其於木也為堅多心

行水用溝停水用瀆比地順流為隱為伏矯輮以去

習氣之偏弓輪以完德性之全惟重險故為加憂心病病其心之不亨耳痛痛其聰之不聞血卦微繼之係叢棘之實為之傷也乾為大赤陷坎之中設之為血卦乘之為赤心人之貫天日而質神明有此而已美脊則能勝重任亟心則志在千里下首則範我馳驅薄蹄則險不為枕曳則有向以行此坎之於馬之象也以行險為多眚以流而不行為通以納約自牖為月以負乘致寇為盜此坎之于輿之象也中心如自固外物豈能侵謂有孚之心非木之多心之堅乎此坎之於木之象也

四聖一心錄 卷之六 說卦傳 三

離為火為日為電為中女為甲冑為戈兵其于人也為大腹為乾卦為鼃為蟹為贏為蚌為龜其於木也為科上稿

今人稱烽火兵燹甲冑戈兵以禦亂除暴亦火之炎日之炬電之章之義其於人也為大腹坤為腹離以柔麗坤道也為乾卦秋陽以暴之隔隔乎不可向也鼃蟹贏蚌龜皆水中之甲屬科上稿附而躁也亦乾卦之義

艮為山為徑路為小石為門闕為果蓏為闕寺為指為狗為鼠為黔喙之屬其于木也為堅多節

震爲大塗艮爲徑路小石合小大之道也爲山向矣
徑路小石聖人所云硜硜信果之人狹隘而不廣堅
確而不移抑亦可以爲士者也門闕則闕行止動靜
之交果祿則含成終成始之理闕寺言守因門闕也
指言示艮爲手也以陽止于外者狗也狗言叩以陰
止于內者鼠也鼠言禮立黔喙之屬剛在前無堅不
啄多節之木剛在外歲寒不凋皆有艮象
兌爲澤爲少女爲巫爲口舌爲毀折爲附決其于地也
爲剛鹵爲妾爲羊

人與鬼神聖人每舉以並言渙于爲巫之義者質諸
四聖一心錄 卷之六 說卦傳 庚

鬼神而無疑與鬼神合其吉凶者也捷給之口遊說
之舌此口舌之所不可有上殿相爭如虎之口罵賊
之舌此口舌之所不可無爲彼者憂爲此者說毀折
附決毀者折之以成就其實見之是附者決之以斬
絕其牽係之私其于說也淡哉西方謂之鹵乃產金
產鹽之地爲地之剛鹵者潤下作鹹貌曰恭恭作肅
爲妾者以順爲正爲羊者善觸而和皆推類以盡兌
說之義

序卦傳

有天地然後萬物生焉盈天地之間者惟萬物故受之
以屯屯者盈也屯者物之始生也物生必蒙故受之以
蒙蒙者蒙也物之穉也物穉不可不養也故受之以需
需者飲食之道也飲食必有訟故受之以訟訟必有衆
起故受之以師師者衆也衆必有所比故受之以比比
者比也必有所畜故受之以小畜物畜然後有禮故
受之以履履而泰然後安故受之以泰泰者通也物不
可以終通故受之以否物不可以終否故受之以同人
與人同者物必歸焉故受之以大有有大者不可以盈

四聖一心錄 卷之六 序卦傳 壬九

故受之以謙有大而能謙必豫故受之以豫豫必有隨
故受之以隨以喜隨人者必有事故受之以蠱蠱者事
也有事而後可大故受之以臨臨者大也物大然後可
觀故受之以觀可觀然後有所合故受之以噬嗑噬者
合也物不可以苟合而已故受之以賁賁者飾也致飾
然後亨則盡矣故受之以剝剝者剝也物不可以終盡
剝窮上反下故受之以復復則不妄矣故受之以无妄
有无妄然後可畜故受之以大畜物畜然後可養故受
之以頤頤者養也不養則不可動故受之以大過物不
可以終過故受之以坎坎者陷也陷必有所麗故受之

以離離者麗也

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯夫婦之道不可以不久也故受之以恒恒者久也物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷於外者必反其家故受之以家人家人道窮必乖故受之以睽睽者乖也乖必有難故受之以蹇蹇者難也物不可以終難故受之以解解

四聖一心錄

卷之六

序卦傳

聖

者緩也緩必有所失故受之以損損而不已必益故受之以益益而不已必決故受之以夬夬者決也決必有遇故受之以姤姤者遇也物相遇而後聚故受之以萃萃者聚也聚而上者謂之升故受之以升升而不已必困故受之以困困乎上者必反下故受之以井井道不可不革故受之以革革物者莫若鼎故受之以鼎至器者莫若長子故受之以震震者動也物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以

以旅旅而无所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故受之以中孚有其信者必行之故受之以小過有過物者必濟故受之以既濟物不可窮也故受之以未濟終焉

後世儒者不解格物之義盡考之序卦傳盈天地之間者惟萬物故受之以屯屯者盈也物之始生也夫坎者水也正壯方之卦也勞卦也萬物之所歸也坎過震則為屯萬物于是乎始生屯言盈猶孟子所謂萬物皆備於我也盈故備備故盈不盈則有所不備

四聖一心錄

卷之六

序卦傳

聖

不備則有所不盈其何以為我萬物森然畢備於我有不格寧無雜亂而晦冥夫惟建侯而往動乎險中然後謂之天造草昧而雜亂者無不得其理晦冥者無不開其明此格物致知造端之始義也夫子曰卦之德方以知方即是格六十四卦卦是方卦卦是格帝出乎震在屯言侯便是格物的至人物之始生處便是本君子于始生處經綸便是格于此不格其本亂而末治者否矣今日格一物明日格一物不益以增其草雜晦冥之亂哉問易上經三十卦下經三十四卦多寡不均何也程子曰卦有正對有反對乾

坤坎離頤大過中孚小過八卦正對也正對不變故
反覆觀之止成八卦其餘五十六卦反對也反對者
皆變故反覆觀之共二十八卦以正對卦合反對卦
觀之總而為三十六卦其在上經不變卦凡六乾坤
坎離頤大過是也自屯蒙而下二十四卦反之則為
十二以十二而加六則十八也其在下經不變卦凡
二中孚小過是也自咸卦而下三十二卦反之則為
十六以十六而加二亦十八也其多寡之數則未嘗
不均也

雜卦傳

乾剛坤柔比樂師憂臨觀之義或與或求屯見而不失
其居蒙雜而若震起也艮止也損益盛衰之始也大畜
時也无妄災也萃聚而升不來也謙輕而豫怠也噬嗑
食也賁无色也兌見而巽伏也隨无故也蠱則飭也剝
爛也復反也晉晝也明夷誅也井通而困相遇也咸速
也恒久也渙離也節止也解緩也蹇難也睽外也家人
內也否泰反其類也大壯則止遯則退也大有衆也同
人親也革去故也鼎取新也小過過也中孚信也豐多
故親寡旅也離上而坎下也小畜寡也履不處也需不
進也訟不親也大過顛也姤遇也柔遇剛也漸女歸待
男行也頤養正也既濟定也歸妹女之終也未濟男之
窮也大決也剛決柔也君子道長小人道憂也
乾剛坤柔剛決柔承剛君子之道之長小人之道
之憂也反是者小人之道之長君子之道之憂也卦
卦此義故雜卦傳以乾坤始而以夬終

四聖一心錄終

四聖一心錄六卷

兩淮馬裕家藏本

明錢一本撰是書於豫抄之外又舍數而言理其
言理舍天而言人其言人又舍事而言心推闡之
以至於性命體例近乎語錄其論亦多支離如謂
許由讓王爲能知河洛之道又謂序卦傳爲格物
之學大抵皆故爲高論也

易筌六卷附論一卷

〔明〕焦竑撰

中國科學院圖書館藏明萬曆刻本

附《四庫全書總目·易筌六卷

附論一卷》提要

易筌序

聖人之微言備載於易所謂
窮理盡性至命之書也儒者
習而弗察而易浸不傳於是
矜激於名義沒溺於訓故而
失弥遠矣二氏曰駕其說而
与儒角不知皆儒學之固於也
善乎李觀之言無思孝為之
義晦而心法勝積善積惡
之誠泯而因果作譬諸飢渴

卷一

藏板

之飲食不可一日無二氏乘其
飢渴而鼓行之焉往而不利
余竊以之晚而學易憂之乎
難入也時羣同志者譚焉研味
久之知禋躬涉世窮深入激

本工

理多弗具而異學之果多以
為矣會同學者漸以散去
所聞恐至於遺忘輒命兒子
稽記之為就正之地嗟乎
是編出學者知二氏所長

乃易之所有而離類絕倫不
可為國家者則易之所無
也彼攻乎異端者其病可少
瘳已乎

萬曆壬子夏焦竑書

本工

易筌卷一

焦竑學

乾三三

乾元亨利貞

乾備元亨利貞四德蓋六畫純陽惟天惟聖人足以當之本大本通本貞本無不利故不用戒辭

文人上爲元元爲衆善之長如首爲衆體之長也亨與獻享之享同亨者百嘉會聚如人之備

易筌

卷一

一

物以享然故謂之亨利者宜於事如刀之刈禾順而便也貞者主其事如木之楨榦正而固也古語牆中之植木爲榦今謂之永久木

初九潛龍勿用

凡看易須識辭變象占四字初九潛龍辭也有九則有六變也潛龍象也勿用占也靈變不測之謂龍此特自其在淵言之其實二見五飛卽初之潛者耳耶雅云蟲莫智於龍能與細細能與巨巨能與高高能與下下易曰震爲龍以動

故也故乾六爻動皆謂之龍

九二見龍在田利見大人

九三君子終日乾乾夕惕若厲无咎

若厲斷句

六爻皆君子也此爻正當人位故以君子發之在下乾之終故曰終日二乾相繼故曰乾乾夕惕若厲自爲一句淮南子云終日乾乾以陽動也夕惕若厲以陰息也班固云尸祿負乘夕惕若厲張衡思玄賦夕惕若厲以省愆今是兩漢以前皆作此讀矣

易筌

卷一

二

九四或躍在淵无咎

躍進而上也在淵退而下也或字兼二義言或躍或在淵改革之際進退未定如此文言上下無常進退無恒上下進退釋躍與淵字無常無恒釋或字淵指初而言與四相應

九五飛龍在天利見大人

利見卽萬物覩

上九亢龍有悔

上天際之極龍之居杳冥而不能爲雨者故曰

亢悔者變也卽洪範曰貞曰悔之悔陽盛極而生陰龍倦飛而思潛此自然之變若一向往而不返是死鯁死鱗不足爲龍矣

用九見羣龍无首吉

乾坤二卦獨有用九用六何也六十四卦剛柔之用於此發其凡也剛過則競故欲後而不先柔過則邪故欲正而能久

六十四卦盡于乾坤乾坤盡于九六蓋一經之中非九則六故聖人于篇首特立此例旁注以

易卷

卷一

三

爲六爻皆變與介甫之說皆非

彖曰大哉乾元萬物資始乃統天雲行雨施品物流形大明終始六位時成時乘六龍以御天乾道變化各正性命保合太和乃利貞首出庶物萬國咸寧

大明終始至御天十五字吳幼清移萬國咸寧之下此不必也乾道變化四句皆就聖人說聖人乘龍御天則聖人之變化卽乾道之變化性命則各正之太和則保合之於是裁成輔相之

道盡元亨者乃得利遂貞成而天道有終矣我

高皇帝嘗論洪範舊解惟天陰陽下民相協厥居

二語皆歸之天則人君所幹何事書意正言天

雖陰陽乎民必人君輔相而協其居乃可以代

天有終也與此可相證觀後云雲行雨施天下

平也亦以雲行雨施屬之聖人也

象曰天行健君子以自強不息

胡安定云天者乾之形乾者天之用天形蒼然

南極入地下三十六度北極出地上三十六度

易卷

卷一

四

狀如倚杵其用則一晝一夜行九十餘萬里人

一呼一吸爲一息一息之間天行八十餘里人

一晝夜有三萬三千六百餘息故天行九十餘

萬里天之行健可知或曰健當作乾集韻乾一作健當是健爲健耳

潛龍勿用陽在下也見龍在田德施普也終日乾

乾反復道也或躍在淵進无咎也飛龍在天大人

造也亢龍有悔盈不可久也用九天德不可爲首

也

自上下爲復自下而上爲反九三上下皆乾

故曰反復道也此釋乾乾二字乾乾卽重剛也
論位則重剛故危論德則反復合道故无咎九
四進退皆乾故得无咎三以自脩故曰反復四
以自試故曰進退

首事造制謂之造

經言无首而已傳云不可爲首以用易者言之
文言曰元者善之長也亨者嘉之會也利者義之
和也貞者事之幹也君子體仁足以長人嘉會足
以合禮利物足以和義貞固足以幹事君子行此

易

卷一

五

四德者故曰乾元亨利貞

元者萬善之大宗亨者百嘉之都會利者萬宜
之和氣貞者庶事之楨榦

禮以會而後行會以嘉而合禮

利自義出義安處便是利非義外又有利也利
與義皆訓宜凡利已而不利於物則悖義而不
和豈所宜哉惟利物而不以已害物則足以和
義而不悖宜孰大焉故曰利物足以和義是義
不明至於廉耻喪寵賂彰而國隨之是以楚瓦

好賄郢城危晉盈求貨霸業衰秦賂讒牧遷爲
虜漢金間增垓敗羽利之覆邦可畏哉大學之
末七篇之始皆所以正人心塞亂原也微獨易
戒之矣

貞何以言固周公曰冬日之閉凍也不固則春
夏之長草木也不茂貞者元之本也此韓非解
老之言可以明貞固之說

君子之乾無所見以四德而見其爲乾

初九曰潛龍勿用何謂也子曰龍德而隱者也不

易

卷一

六

易乎世不成乎名遯世无悶不見是而无悶樂則
行之憂則違之確乎其不可拔潛龍也

不易乎世卽論語丘不與易之易初九未用未
能以道變易乎世也

遯世無悶難遯世矣而不見是其無悶尤難
樂行憂違如流行坎止其所乘之遇則然而一
念霖雨天下之心確然不可拔此其所以爲潛
龍也二見五飛卽初之潛者賈生以謂潛龍入
而不能出不知龍矣

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

庸言信庸行謹何以有邪祝無功曰於庸處稍加纖毫便爲邪是矣龍潛遁世而無悶龍見善世而不伐人見有潛見之異龍德之人初不知遯世之爲可悶善世之爲可伐也

九三曰君子終日乾乾夕惕若厲无咎何謂也子

易

卷一

七

曰君子進德脩業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎矣

終日乾乾必有事焉進德修業是已進修必有地德業必有物忠信辭誠指其地實其物也然知德業所至而不至其至非造微之極知德業所終而不終其終非存義之固知至能至知終能終聖智之學就矣二之上故曰居上四之下

故曰在下

修辭立其誠修於內則爲誠修於外則爲巧言易以辭爲重上繫終於默而成之養其誠也下繫終於六辭驗其誠不誠也言語文字皆曰辭九四曰或躍在淵无咎何謂也子曰上下无常非爲邪也進退无恒非離羣也君子進德修業欲及時也故无咎

及時與小象進无咎也進字相應蓋以決爻之或也自下而上以向乎天非敢爲干上之邪也

易

卷一

八

不退而進以躍於淵非欲離在下之羣也平日之進脩固欲其及時也及時則上與進適當其可何咎之有舜自匹夫而陟帝位湯武去諸侯之卑而就天子之尊亦時使然爾舜湯武何心哉

九五曰飛龍在天利見大人何謂也子曰同聲相應同氣相求水流濕火就燥雲從龍風從虎聖人作而萬物覩本乎天者親上本乎地者親下則各從其類也

秦淮海易解內經曰南方熱熱生火北方寒寒生水西方燥燥生金東方溫溫生木中央濕濕生土是知水者寒之形濕者土之氣水之於土妻道也夫從妻所好故水流濕火者熱之形燥者金之氣火之於金夫道也妻從夫之令故火就燥或以陰求陽或以陽求陰也管輅曰龍者陽精而居于淵故能興雲虎者陰精而居于山故能運風是則龍陽中之陰虎陰中之陽也惟陽中之陰能召陰故雲從龍惟陰中之陽能召

易筌

卷一

九

陽故風從虎

又張璠云從音去聲乃隨從之從雲出則龍必從之風出則虎必從之如曰龍從雲虎從風也蓋龍起必雲而謂龍能致雲非也虎出必風而謂虎能致風非也如蟻徙必雨乃雨氣感蟻蜥蟬聚必雹乃雹氣感蜥蟬謂蟻能致雨蜥蟬能作雹可乎古人多倒語成文後人不達便成滯義往往如此

上九曰亢龍有悔何謂也子曰貴而无位高而无

民賢人在下位而无輔是以動而有悔也

上在卦外故无位去初遠故无民二三四皆從五而不從上故无輔爻言有悔孔子言動而有悔蓋吉凶悔吝生乎動不動則无悔也

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之災也乾元用九天下治也

此下皆以人事明乾也陽在下以氣言此下也以人言時舍舍止也去聲讀龍本行天之物不

易筌

卷一

十

常在田出潛之初時寓于此故曰時舍如舜之納麓宅揆時耳試如試可乃已之試有酌量之意言躍與淵在臨時自酌其宜以四近而多凶未敢遽進也

潛龍勿用陽氣潛藏見龍在田天下文明終日乾乾與時偕行或躍在淵乾道乃革飛龍在天乃位乎天德亢龍有悔與時偕極乾元用九乃見天則時行則與之偕行可也時極而與之偕極是不知變也

天不爲首天則也君不爲首順帝之則也

乾元者始而亨者也利貞者性情也乾始能以美利利天下不言所利大矣哉大哉乾乎剛健中正純粹精也六爻發揮旁通情也時乘六龍以御天也雲行雨施天下平也

玩詞云始而亨者乾之事業利貞者乾之性情也性情以本體言之利者散而爲萬貞者合而爲一已散而復合已萬而復一言乾性純一其情不二故雖萬有一千五百二十而其所謂虛

易筌

卷一

十二

一者未嘗動也性情鄭康成本作情性

楊廷秀云元亨者始而後有通利貞者情必復於性然利豈能自利哉皆出於元而已故曰乾始能以美利利天下止言利而不言所利者其利大而不止一事也若曰利建侯利女貞利涉大川皆言所利者也

莊子云性情不離安用禮樂李習之云情不自情因性而情性不自明由情以明

乾陽故剛健陽居二故正陽居五故中六爻純

陽故純粹精以金喻之不雜者金之純不雜而

良者金之粹良而百鍊者金之精精者不雜之至也揮廣雅云動王肅云散也言動而散于諸卦故曰旁通不但乾之六爻也情也者三畫純陽已盡乾義重爲六爻隨乾陽所在而發揮所以曲盡乾之用也橫渠所謂徧被六十四是已君子以成德爲行日可見之行也潛之爲言也隱而未見行而未成是以君子弗用也

成德爲行二句引起下文乃抑揚之辭行而未

易筌

卷一

十三

成非謂德未成蓋時猶未可行耳或世道未亨或君聘未至未能成其所以行是以君子弗用也

君子學以聚之問以辨之寬以居之仁以行之易曰見龍在田利見大人君德也

乾六爻無臣道聖人恐人以二爲臣位故再言君德以明之

學聚問辨誠齋云學以取善故萬善集問以擇善故一不善不入南沙云學者覺也覺之則存

存所謂聚也去華云學者著察於庸言庸行之
間日覺與我湊泊也所謂聚也三人之言皆可
味

九三重剛而不中上不在天下不在田故乾乾因
其時而惕雖危无咎矣

九四重剛而不中上不在天下不在田中不在人
故或之或之者疑之也故无咎

三四皆人位然三下履二地乃人所常居九四
則上戴五天在人頭上空虛之處故曰中不在

易筌

卷一

十三

人不在天不在田又不在人則無依着停泊之
處故疑而未決可以至天則躍未可則在淵而
潛蓋四可經過而非可久駐故審其可而後无
咎虞仲翔曰以乾接乾故重剛位非二五故不
中也仲虎曰憂所當憂卒於无憂疑所當疑卒
於无疑

夫大人者與天地合其德與日月合其明與四時
合其序與鬼神合其吉凶先天而天弗違後天而
奉天時天且弗違而況於人乎況於鬼神乎

亢之爲言也知進而不知退知存而不知亡知得
而不知喪其唯聖人乎知進退存亡而不失其正
者其唯聖人乎

進退言人事存亡得喪言時命存與得之時進
之時也喪與亡之時退之時也

天德者貴下喜中而忌上也四在上卦而能
居下五在上卦而得中位三在下卦之上猶有
下義亦可无咎也惟上九一爻无中无下惟有
上義而已无中则无位无下则无民最天德之

易筌

卷一

十四

所忌也然而性无凝滯窮則能變必无遂亢之
理故爻辭不言凶咎止言有悔悔則能變也象
與文言皆言時而不言德又曰窮之災也明出
於天非人爲也蓋有龍德者必不至於窮而不
返故雖亢矣而猶稱龍焉以見時有亢而德無
窮也

九三居下體之極知至而又知終上九居上體
之極乃知進而不知退知存而不知亡知得而
不知喪九三所以无咎上九所以有悔知與不

知之異也

蔡澤引易曰亢龍有悔此言上而不能下信而不能詘往而不能自返者也亦善言易矣澤相泰數月而歸相印非苟知之

坤三三

坤元亨利牝馬之貞君子有攸往先迷後得主利西南得朋東北喪朋安貞吉

坤之元亨利三德同乎乾貞則獨指一事曰牝馬之貞王輔嗣誤讀利牝馬之貞後相沿襲非

易筌

卷一

十五

也北地馬羣每十牝隨一牡而行不入他羣坤之貞全在從乾故曰牝馬之貞乾爲馬牝馬則爲坤君子有攸往此一句總起下文也曰先迷後得主利言利在得主不利爲主也曰西南得朋東北喪朋安貞吉言當貞於陽方不當貞於陰方也凡此皆見所利所貞止於從乾更无他道故曰乾道變化各正性命保合大和乃利貞彖曰至哉坤元萬物資生乃順承天坤厚載物德合无疆含弘光大品物咸亨牝馬地類行地无疆

柔順利貞君子攸行先迷失道後順得常西南得朋乃與類行東北喪朋乃終有慶安貞之吉應地无疆

乾之弘以坤含之則其美蓄藏而積盛此坤之靜翕也乾之大以坤成之則其用虛明而化光此坤之動闢也

西南坤之本鄉與離兌巽三女同居爲得朋出而從乾震艮坎三男同居爲喪朋非得吉而喪凶也孔子恐人誤認其意故釋之曰陰當從陽

易筌

卷一

十六

西南得朋雖與類行不能有生物之慶也東北喪朋得乾爲主乃終有慶耳參同契言雄不獨處雌不孤居以明牝牡竟當相須假使二女共室顏色甚姝蘇秦通言張儀合媒推心調諧合爲夫妻敝髮腐齒終不相知正是此理剝卦五陰獨三與上應孔子言剝之无咎失上下也言其失却諸陰而獨應乎乾所以无咎卽此意安則不躁於動貞則不納於邪不躁不邪安得不吉

釋典引易西南得朋乃與類行東北喪朋乃終有慶故使臣從君女歸男也乾始于子左行而終於戌坤始於未右行而終於酉故男貴左女貴右也可謂妙得其解

象曰地勢坤君子以厚德載物

初六履霜堅冰至象曰履霜堅冰陰始凝也馴致其道至堅冰也

履最下初象諸卦初爻多取象於履如履如噬嗑如離皆是也履霜堅冰陰始凝也魏志許芝

易筌

卷一

十七

引易作初六履霜陰始凝也今本傳譌耳馴卽卦中不習習字蓋言順也順字積不善積字言事勢之來不知不覺因循積漸而至于此也乾初九復也潛龍勿用卽閉關之義坤初六姤也履霜堅冰至卽女壯之戒六二直方大不習无不利象曰六二之動直以方也不習无不利地道光也

柔則曲六二獨直柔則剛六二獨方此其所以大也何以柔而能直且方也中正故也不揉而

直不矩而方不恢而大不必習也

不習不與其類相習也初陰居陽位不中不正之陰故與類相習而馴致堅冰馴者習也二居中得正與陽位之五應則有喪朋之義知其不與陰習也無不利卽乃終有慶二居重爻故乾二曰學坤二曰習

陽大而陰小陽動而陰靜今二爻言大言動皆主從陽而言六爻不言地獨于此言之以其爲坤之主爻也用修云因物之性直也成物之形

易筌

卷一

十八

方也既直且方大在其中矣故曰直方大大則直而不絞方而不虧

六三含章可貞或從王事无成有終象曰含章可貞以時發也或從王事知光大也

坤爲文故三曰章五曰文坤三爻三索而得兌兌爲口有含意四三畫坤之初一索而得巽巽爲繩有括意囊則坤中虛之象爻言含象言發聖言之互相備如此

六四括囊无咎无譽象曰括囊无咎慎不害也

无咎難无譽尤難蓋四在重陰之中多懼之地才智鋒鏑稍稍穎出皆足以招尤而賈禍故言慎不害也非慎則害必隨之矣伯厚曰潛龍以不見成德管寧所以箴邠原也全身以待時杜襲所以戒繁欽也故曰括囊无咎无譽

六五黃裳元吉象曰黃裳元吉文在中也

大傳垂衣裳而天下治取諸乾坤蓋合二卦上下相重而取象乾爲上衣坤爲下裳也周官內司服掌王后六服四曰鞠衣注謂黃衣也詩綠

易筌

卷一

十九

衣黃裳綠衣喻妾黃裳喻夫人言黃裳于坤六五則知爲乾九五之配矣坤純陰嫌于言君又不可以臣當之故取象于后以存君位又嫌于敵乾故象下裳示坤當下于乾也聖人謹于君臣之辨如此

上六龍戰于野其血玄黃象曰龍戰于野其道窮也

坤之六陰皆民也上六化陽而僭擬於龍五陰孰肯從之戰於野則上六必敗而傷以五陰理

直故戰而勝上六理不直故敗而傷也何以知上六之傷以血之玄黃知之也蓋下五陰之傷其色黃而已無玄也且玄且黃二色混雜非上六之血而何上六陰質化陽非君非民如王莽黃巢之爲故聖人深惡而戒之血本屬陰無與陽事

用六利永貞象曰用六永貞以大終也

坤言貞獨多於他卦曰利貞曰安貞又曰永貞蓋能安而不能永猶非利也陽大陰小坤何以

易筌

卷一

二十

大終言坤之永貞到底從乾而行也

文言曰坤至柔而動也剛至靜而德方後得主而有常含萬物而化光坤道其順乎承天而時行積善之家必有余慶積不善之家必有余殃臣弑其君子弑其父非一朝一夕之故其所由來者漸矣由辯之不早辯也易曰履霜堅冰至蓋言順也直其正也方其義也君子敬以直內義以方外敬義立而德不孤直方大不習无不利則不疑其所行也

乾四以陽居陰坤三以陰居陽故皆曰或或之者疑之也六二以陰居陰居中得正何疑之有六二居臣位盡臣道何疑何嫌故曰不疑上六與陽相抗故曰疑又曰嫌

陰雖有美舍之以從王事弗致成也地道也妻道也臣道也地道无成而代有終也

陰之美即資生之德是也乾能始萬物而已非地何由而生有終之終正對乾之始而言

人臣有大美而不能舍者淺也有大美而不從

易筌

卷一

三十一

王事者各也從王事而自居其成者驕也聖人

三致意于坤之六三臣道見矣

陰雖有美舍之一句總說下弗敢成無成而代

有終皆是含章

天地變化草木蕃天地閉賢人隱易曰括囊无咎

无譽蓋言謹也

君子黃中通理正位居體美在其中而暢於四肢

發於事業美之至也

坤無君位五乃陰之正位與乾之九五相對故

曰正位居體即乾乃位乎天德之位也

六五陰居陽而陽不散故曰美在其中陽明內蘊陰體虛含自中自正自卑自恭自有四肢充暢之容理之通者動乎四體也理不中通神不宅體四肢皆形骸之皓不爲吾用矣通暢發揮雖在坤而實本之乾故美與三同而中德爲尤盛也

三爲坤之全體猶在上卦之下故雖美而含之焉耳若五則暢而發揮之矣故曰美之至六五

易筌

卷一

三十二

當與六二並看故皆以君子言蓋直內方外之

君子即黃中通理之君子也君子敬義夾持涵

養熟矣操存固矣胸中洞然事理渾一更无疑

滯謂之黃中通理正位居體居此體也非正五

之位將何居焉六二直內方外兩致其力至五

之黃中通理則內外通貫无所容其力矣

潘子醇曰智慮外通所見者在彼故知人者智

黃中中通所觀者自性故自知者明所見者在

彼體亦從而與之旁行所觀者自性體亦從而

易筌

卷一

壬壬

不可而均爲无妄矣

陰疑於陽必戰爲其嫌於无陽也故稱龍焉猶未離其類也故稱血焉夫玄黃者天地之雜也天玄而地黃

乾六爻惟初欲潛上戒動其中四爻曰見曰惕曰躍曰飛皆取動意陽道也君道也坤六爻初履霜上龍戰皆非吉象中四爻惟二正居臣位無所嫌疑故曰不疑其他曰含曰括曰裳皆取靜意陰道也臣道也

易筌

卷一

二四

玩辭曰易以變易爲書故爻辭多取變象爲言至本爻義重者則自從本爻不必盡然也或者專用變象則反爲執一非易也然乾之二五與坤之二三皆明用變象今特發之乾之變離爲乾之同人故爲見龍爲文明爲利見皆離之象也田取德博施普之義卽同人之同人于野也乾五亦變離爲乾之大有故爲飛爲利見亦離之象也聖人作而萬物覩卽大有之得尊位大中而上下應之也坤二變陽爲乾在坤中有内直外方之象故孔子釋之曰六二之動直以方也言不動則有方而无直也陽爲大故曰直方大陰得陽則不孤故曰德不孤陽爲光故曰地道光也坤三兼常變二象其曰含章可貞則指其不變之時言之曰或從王事无成則指其變時言之從王卽從陽也六三變艮爲坤之謙其從王事則謙之勞也其有終卽謙之終也陽爲光爲大故曰知光大也此皆變象之甚明者可例諸卦

屯 三三 坎

屯元亨利貞勿用有攸往利建侯

彖曰屯剛柔始交而難生動乎險中大亨貞雷雨之動滿盈天造草昧宜建侯而不寧

凡卦辭總一卦之大義爻則探卦辭之所指因六爻析而明之如吉無不利則亨利之義磐桓班如幾不如舍小貞皆勿用有攸往之義初之建侯則明卦辭利建侯專爲初發餘卦可類推震萑葦爲草互坤上有坎位爲昧坎變有乾體

易筌

卷一

三十五

爲天造震下承互坤爲建侯時屯求亨其道有三惟至正爲能正天下之不正故曰利貞惟不欲速爲能成功之速故曰勿用有攸往惟人心有所繫亂乃可定故曰利建侯

象曰雲雷屯君子以經綸

先定規模次及事業經綸也

初九磐桓利居貞利建侯象曰雖磐桓志行正也以貴下賤大得民也

卦辭利建侯獨屬初爻以爲一卦之主也磐桓

是從容不遽動之象非不動也居貞如所謂大居正之義非靜處爲居也春秋傳曰侯主社稷臨祭祀奉民人事鬼神從會朝又焉得居卦主震震主初居貞卽利貞勿用有攸往卦言利建侯者其事也利干建初以爲侯也爻言利建侯者其人也初之才利建以爲侯也只是以濟世安民爲主便爲志行正便爲居貞

易筌

卷一

三十六

也

卦爻稱馬者皆陰爻也易中言馬者自良老瘠駁外皆不屬乾乘者卦中四陰爲乘也班如班列之班言其不進也四馬之中獨六三居剛故無虞而徑進二四上居柔皆班列而不行當屯之時柔者皆不能行也班邇磐桓皆屯之象六二柔順中正守常而不知變謂初九爲寇而不知其乃婚媾也稱女子者見賢而不從世難而不救此女子之貞非丈夫之專也初九康屯之

主而以寇視之豈明識之士然方難之初近乘初九方興之震抗而不答其事至難故於四陰之中獨有屯遭之象雖不爲濟世之才亦可謂人所難能矣故曰六二之難乘剛也初九上歷純坤始得君位與二相應坤爲十故曰十年乃字反常也十年者從初數至六爻盡得五又從初數至五得五共爲十則初九進而九五矣二安得不從之

易筌

卷一

三

卦中二陽皆可爲主但五坎體陷而失勢初震

體動而得時故初又爲屯主六爻皆從初立意

六三卽鹿无虞惟入于林中君子幾不如舍往吝

象曰卽鹿无虞以從禽也君子舍之往吝窮也

蔡邕

凡陰必資陽以有爲六三陰柔居剛不中不正

而二四又皆以陰柔相比遠于陽剛陰柔旣不

能濟屯居剛則不免躁動又無應援將安之乎

故爲卽鹿无虞入于林中之象六三互體艮止

聖人于震之動而猶冀其知艮之止故曰不如

舍欲其止也曰往吝成其動也

六四乘馬班如求婚媾往吉无不利象曰求而往明也

六四應初故乘馬也欲進與初同事以濟屯也

吉以剛柔相得之善言利以濟屯之功言六四

雖與初正應必待其求而後往故爻稱其明

九五屯其膏小貞吉大貞凶象曰屯其膏施未光也

膏者坎爲雨也詩云陰雨膏之此卦坎在上爲

易筌

卷一

二

雲而不爲雨屯膏之象九五陽德陷于險中爲

二陽所掩故曰未光屯不主九五而主初初九

動乎險中天造草昧皆自下起故也若五能主

事則不爲屯矣凡立事皆常艱難惟施澤不可

五以坎水在上當屯之時艱以施澤者也何以

濟屯故曰小貞吉大貞凶言小人小事守此則

吉大人大事守此則凶

上六乘馬班如泣血漣如象曰泣血漣如何可長也

上六乘馬班如與二爻四爻不異然二與初比
事定而從四與初應待求而往若上者君位已
定乘馬班如將何待乎屯道之窮無所歸命有
泣血漣如而已與比後夫凶義同

蒙三三坎

乾坤既定人居其中屯以建侯作之君蒙以養
正作之師

蒙亨匪我求童蒙童蒙求我初筮告再三瀆瀆則
不告利貞

易筌

卷一

三十九

貞者貞靜之意以艮體言也師之養蒙貴于能
止止者待其自化無求多也故曰利貞貞自能
亨

象曰蒙山下有險險而止蒙蒙亨以亨行時中也
匪我求童蒙童蒙求我志應也初筮告以剛中也
再三瀆瀆則不告瀆蒙也蒙以養正聖功也

二上皆陽然二得中得時上過中失時故二陽
之中又以二爲卦主

呂伯恭曰教者必待童蒙求我固是正理苟亢

然自高學者將望風不進道何由明玩志應二
字必此有以感之庶彼有以應之應生于感也
剛中指九二言再三瀆是瀆發蒙者乃曰再三
瀆瀆蒙何也蓋聖人教人不倦豈厭人之瀆我
所以不告者以至理不容擬議一言之下便當
領解苟未領解吾置之不告彼雖不達胸中之
天理固完然不動也若再三瀆告之彼將入於
擬議卜度反瀆亂其天理所謂瀆蒙也

象曰山下出泉蒙君子以果行育德

易筌

卷一

三十九

周子曰山下出泉靜而清也正言蒙爲赤子之
心養之卽爲聖功故云以果行育德言斷然養
其本有之德不必增益于良心之外也一說力
行者以慙強不可回有進而無退養德者以愚
深觀默存閑然而內充皆蒙之象雖切蒙意終
非象旨

周南仲云聖人教人用蒙而不用復復者去其
不善而復於善也若蒙則無不善亦未有所失
初六發蒙利用刑人用說桎梏以往吝象曰利用

刑人以正法也

教必以正已正於上人觀於下迷者覺蔽者解如桎得脫如囚得釋何快如之更往而求多不免於吝矣刑者法也如刑于二女之刑故曰以正法也堯舜率天下以仁而民從之刑人之謂也

玩一說字是彼先有桎梏而吾爲脫之耳若如時解是增其桎梏何以養蒙鄙意利用刑人用說桎梏只作一句讀發蒙者當如用刑之人脫

易筌

卷一

三十一

其桎梏不宜反增其枷鎖也此乃教人之正法正卽蒙養以正之正

九二包蒙吉納婦吉子克家象曰子克家剛柔接也

子稚則蒙至長而納婦則有家矣故曰子克家剛柔接也解者謂克家爲能幹家事另作一意則剛柔接也一句說不去

人之至親無如家至愛無如婦而至所親信者莫如子包蒙者以納婦之心處之何蒙之不受

其益任人者以親信其子之心信之何發蒙者之不能克家紀聞曰剛柔有上下之分故屯二之於初惡其乘剛柔有往來之情故蒙二之於五喜其接

六三勿用取女見金夫不有躬无攸利象曰勿用取女行不順也

互坤爲女又變巽爲長女三不中不正而挾坎險之行故獨不言蒙陰柔易於近比又坎體趨下見九二納婦而從之此之謂失其本心

易筌

卷一

三十二

六四困蒙吝象曰困蒙之吝獨遠實也

陰資陽以爲明六四陰居陰位上下與二陰相比獨遠於陽故曰困蒙困者欲自振則限於師友之無助欲自安則病於心息之未寧非吝而何蒙乃真性四不知蒙之爲美而反以爲困欲穿鑿求知增益於本性之外由無師友涵養之乃顛倒如此故曰獨遠實也

六五童蒙吉象曰童蒙之吉順以巽也

艮少男爲童又互坤兼坤順艮止二德故能順

與內無知識之萌外無聞見之雜蒙者之求而有初筮之誠者也故爻莫善於童蒙

上九擊蒙不利爲寇利禦寇象曰利用禦寇上下順也

艮手爲擊三陰居坎上爲寇蓋坎爲盜也爲去聲禦寇止寇也取艮義初六之蒙自二發之內障也見少有着卽性之牯必脫之而天乃不鑿六三之蒙自上擊之外障也見有可欲卽躬之賊必禦之而人乃不侵

易筌

卷一

三十三

二剛皆治蒙者九二剛而得中其於蒙也能包之治之以寬也上九過剛不中其於蒙也乃擊之治之以猛也觀卦中數順字見蒙養在順其本然不必深求於分外

初取刑人象上取禦寇象聖人之用刑與兵無非爲弼教計耳

需三三

坎乾

需有孚光亨貞吉利涉大川

象曰需須也險在前也剛健而不陷其義不困窮

矣需有孚光亨貞吉位乎天位以正中也利涉大川往有功也

楊廷秀曰坎中實有孚也水體至明光也坎爲通亨也需非不決之需見險而未可動能動而不能不動者也孚者以誠待詐詐窮而誠自達貞者以正待邪邪詘而正自伸是惟無動動則亨吉雖大川可涉矣大川者坎也

象曰雲上天需君子以飲食宴樂

雲上于天則所以雨者具矣故可待其自至若

易筌

卷一

三十四

人事不盡何以需時

初九需于郊利用恒无咎象曰需于郊不犯難行也利用恒无咎未失常也

初在卦外故曰郊凡乾初皆有潛而勿用意利用恒用其居常之道卽勿用義他卦他爻可以類推觀訟之食舊德可見

九二需于沙小有言終吉象曰需于沙衍在中也

雖小有言以吉終也

初可以遠害而不可以濟時故止得无咎而已

三則太逼險而致寇使非敬慎敗且不免況望其他乎惟二進不入泥退不在郊處將用未用之際而又以剛處中與五相應異日濟險者必是此人需之至善者也然目前所處未免致人之疑初則疑其不能退而遠有所避三則疑其不能進而大有所爲所以小有言卒之天下之險賴以有濟故曰終吉王輔嗣所云近不逼患遠不後時此爻之義也

楊用修云衍寬平之地也左傳地名有昌衍漢

易筌

卷一

三十五

書地名有廊衍衍之文承需沙爲義

九三需于泥致寇至象曰需于泥災在外也自我致寇敬慎不敗也

坎水爲泥坎北方爲寇坎險爲災坎上爲災在外薛仁貴曰郊遠難沙近難泥涉難

易億云離爲火有禮文恭敬之象故離初九履錯然敬之无咎需三至五互體成離三卽離之初也故亦曰敬慎不敗若象中原無此意而強安排以立教則三百八十四爻何往而不可安

排也耶此語甚有理不知凡九三皆有乾乾夕惕之意蓋諸卦皆乾坤之變其不變者自若也六四需于血出自穴象曰需于血順以聽也需于郊者險地尚遠人所必不避也而避焉以剛而能守也需于血者險難迫切人所必不安也而安焉以柔而不競也

九五需于酒食貞吉象曰酒食貞吉以中正也

此爻亦須說出需義五雖居中得正猶陷于險中須諸陽之進而後爲夫今茲未能然諸陽已

易筌

卷一

三十六

有必進之勢直酒食以需之而已處險難之中不憂不懼安意以俟其有孚光亨貞吉之道具矣

坎爲血爲酒四陰柔則取象于血五陽剛則取象于酒玩詞曰六四以順聽稱需九五至剛亦稱需者一卦之主也三陽恃其有孚故堅忍以需之若上無九五則賢者絕望久矣又何需焉需者飲食之會在禮速客之辭曰主人須矣三陽方來爲客五爲主人具酒食以需之故曰需

於酒食明其爲主也。二猶曰貞吉者當需之時所恃者九五可不貞乎五坎體也使其正位而不中則必比陰爲險不容三陽之來使其雖中而不正則亦不能主持三陽而使之進也惟九五既中且正有德有權雖在險中不溺於險而能爲主人以速佳客以保君子之貞而成天下之吉故曰酒食貞吉以中正也

易筌

卷一

三十一

四與上坎之二陰故皆曰穴猶坎卦初與三皆曰坎窞也四外卦之初尚有可之之處上外卦之終出无可之矣故入而自藏出逃其巢穴所以避陽而去入伏於巢穴所以安陽之來入于穴自外而入內也四爲穴上與三應自外而入於內也不速之客言其徐徐而來也正需意間六爻以言上六本爲當位析三才而言上六天象則不當位矣陰窮入穴其敬君子乃爾故未爲失若傲然居三君子之上斯爲大失矣

需以進爲功以不輕進爲正以衍爲體以敬慎爲用

訟三三坎

訟有孚窒惕中吉終凶利見大人不利涉大川象曰訟上剛下險險而健訟訟有孚窒惕中吉剛來而得中也終凶訟不可成也利見大人尚中正也不利涉大川入於淵也

晁氏曰上以剛凌下下不險則未必訟下以險陷上上不剛則未必訟故曰上剛下險此訟之

易筌

卷一

三十二

事也外健而內不險未必生訟內險而外不健未必能訟故曰險而健此訟之人也需以有實故需无實而需時至何用訟以有實故訟无實而訟情得必窮故二卦皆以有孚爲主

剛來而得中指九二蓋訟乃需之倒體需主爻在五訟主爻在二向爲需之主則剛處于五今爲訟之主則剛來于二也

象曰天與水違行訟君子以作事謀始

天一生水始本一氣一麗於形天上行水下潤
天道西轉水流東注是天與水相違而行也爭
訟之端起於微眇亦如天水然女子爭桑而吳
楚連兵羊斟爭羊而宋師敗績是已能自訟於
心不爲形區類別之見而一反於始如天水同
氣原不違悖訟端自息矣

初六不永所事小有言終吉象曰不永所事訟不
可長也雖小有言其辨明也

所事初四交爭之事初柔在下四剛在上初非

易筌

卷一

手九

四敵何敢永事惟小有言聊以自白幸四淪變
其命乃終得吉使初以機巧肆辯必激四之剛
而終凶矣彖傳訟不可成言訟之通義不欲其
成爻傳訟不可長以初爲訟端不欲其長也

九二不克訟歸而逋其邑人三百戶无眚象曰不
克訟歸逋竄也自下訟上患至掇也

歸而逋斷句

卦取九二而不取各自爲義可爲各卦凡例
程傳甚明九二險體恃其剛而與五爭以下訟
上豈有能克之理以其在下體之中遂能歸而

逋避九五諒其伏辜不奪其邑故得无眚无眚
者周禮憑弱犯寡則眚之眚四面削其地也坎

爲隱伏故逋坎爲眚坎變則坤故无眚
六三食舊德貞厲終吉或從王事无成象曰食舊
德從上吉也

訟有三等小則言語次則命秩大則封邑古一
命受爵再命受服三本六二受大夫之祿今升
居三當受再命之服上以應三來訟以爭之三
惟食其舊德之祿退然不較守正而厲遂得終

易筌

卷一

四十

吉凡言終吉始必嘗有凶也

六三卽坤之六三食舊德卽從事无成之舊德
也六十四卦皆乾坤之變特以此見例耳三柔
非興訟者故得守其素不致逋竄然介二剛之
間雖貞而厲以其柔而不爭終於得吉无成者
正應上九方以終訟爲事三不過順承之而已
不敢專主也

九四不克訟復卽命淪安貞吉象曰復卽命淪安
貞不失也

命聽訟者之命也方初之有言九四與之爭雖有上命未必遽聽今復其常而惟命之從變其爭心安于正理吉道也四變成巽巽爲命故有此象渝卽春秋鄭人來渝平之渝

二四皆以剛居柔剛故訟柔故不克訟蓋二四互離有離之明則知終訟之凶故皆稱不克訟不克訟皆有吉道二變坤故不肯邑四變巽故卽命坤爲邑巽爲命也變而從吉故曰逋曰渝九五訟元吉象曰訟元吉以中正也

易筌

卷一

四十一

訟爻皆不正惟九五一爻既中且正爲可尚中則我不終訟正則人不克訟相訟者或卽中而求正好訟者或見正而中止此訟之最善者故曰訟元吉以中正也爻與象皆稱訟不必指聽訟者言或德尊或位尊皆是不必專指人君或謂不必指君上說以臣无訟君之理也然晉卻至與周爭郟邑王命劉康公單襄公訟諸晉是亦訟耳未幾三郟皆以爭田之怨基殺身之禍患至極之明也

上九或錫之鞶帶終朝三褫之象曰以訟受服亦不足敬也

帶所以束服爻言帶象言服互明之也命服本三所宜得今上以訟而得之訟者小人之事服者君子之飾小人而被君子之服終朝三褫榮少辱多何足敬哉錫出或然見其无可錫之理終朝三褫見其有必敗之凶

二與五訟四與初訟強弱不同而皆曰不克者二以下訟上其不克者勢也四以上訟下其不克者理也二見勢之不可敵故歸而逋竄四知理之不可渝故復而卽命二四皆以剛居柔故能如此

鄭康成注以褫作咤音徒可反言上剛之極本以訟得三不勝其矜而終朝三褫之以誇於人也如此方與小象受服合不知孔子正發文王言外之旨蓋文王以爲服必見奪孔子以爲雖不見奪亦不足敬也不足敬其辱有甚於褫之者矣其說蓋互相備也

易筌

卷一

四十二

師三三坎

師貞丈人吉无咎

彖曰師衆也貞正也能以衆正可以王矣剛中而應行險而順以此毒天下而民從之吉又何咎矣吳幼清改丈人爲大人此不必然丈人乃尊老者碩之稱年少寡謀輕銳嗜殺行師必得丈人而後可泰穆用蹇叔則吉用孟明則敗是其事也太玄擬師卦曰丈人摧孥足證古易非大人字論衡人形以一丈爲正故名男子爲丈夫尊

易筌

卷一

四三

翁姬爲丈人藥之攻疾者爲毒以兵靖亂不無毒苦故亦謂之毒

象曰地中有水師君子以容民畜衆

水行地中不見其有水也鑿之則爲水兵寓於農不見其有兵也用之則爲兵

古者治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路无事則正疆界而備旱潦有事則通糧運而給民需戰國策所謂牛田水

通糧也詳具六韜農器篇

初六師出以律否臧凶象曰師出以律失律凶也在師之初曰師出初六陰柔不中在險陷之始故以失律爲戒否方有反卽失律也失律者雖臧亦凶善用兵爲臧

九二在師中吉无咎王三錫命象曰在師中吉承天寵也王三錫命懷萬邦也

彖之吉无咎惟九二備之六四六五非師主但得彖之无咎足矣不能得彖之吉也

易筌

卷一

四四

在師中吉剛中也承天寵則應也懷萬邦則民從之可知矣九二乃將在軍之象衆知有將而不知有君之時故言在師中吉言惟在師中則吉耳他處則專擅之罪不能免矣又言王三錫命以見將之得專皆出于君所爲坊无君之漸如此師自五至二歷三位故言三錫如比自二至五爲三驅也二卦反對各以主爻言之六三師或輿尸凶象曰師或輿尸大无功也或者未必然之辭程傳師旅之事任當專一二

以剛中之才爲上信倚必專其事乃得成功若
或使衆主之凶之道也以三在二上失位乘剛
故發此義如春秋傳趙穿撓史駢之謀樂壓違
荀偃之令是也若師徒撓敗與尸而歸何消更
言凶與大無功耶

六四師左次无咎象曰左次无咎未失常也

四乘坎之上與兵法右背山陵意合故曰左六

四以柔居柔審已量力不敢輕進故曰次蓋師
能依險而止雖不致勝可以免敗故曰无咎三

易

卷一

四十五

四皆副將三以陰居剛故躁動而有與尸之凶

四以陰居柔故左次以聽主帥之令

六五田有禽利執言无咎長子帥師弟子與尸貞

凶象曰長子帥師以中行也弟子與尸使不當也

初之所以敢棄師律者恃其賊也弟子之所以

敢侵帥權者恃其正也六五柔弱恐无定見故

有長子弟子之戒

自一至四互震九二震之下畫有長子象六三

次之上畫有弟子象震爲長男坎爲中男也弟

子與尸亦假設之辭與家人嗃嗃繼以婦子嘻
嘻同長子卽丈人彖言師用老成則旣貞又吉
爻言用老成而或以新進參之雖貞亦凶一使
字繫民命之死生國家之安危

上六大君有命開國承家小人勿用象曰大君有
命以正功也小人勿用必亂邦也

坤爲地爲方國象上變體艮門闕象損艮變

爲坤故稱无家師坤變爲艮故稱承家

初與四對初戰四不戰也二與五對二將五將

易

卷一

四十六

將也三與上對三敗事上成事也一卦中行師

之道无不畢具宋人有一策問謂神明逸以易

學名而其後世衡至師道累葉爲名將郭逵以

將帥顯而其後兼山白雲皆明易蓋易書兵法

其理一也

比三三
坤

比吉原筮元永貞无咎不寧方來後夫凶

彖曰比吉也比輔也下順從也原筮元永貞无咎

以剛中也不寧方來上下應也後夫凶其道窮也

凡卦六爻貴於正應惟此不論應否而專以比五爲義彖言五陰比一陽象言一陽比五陰比之義盡矣

禮莫有原之原再也本草原蠶娥第二蠶也漢書原廟左氏原田同義王伯厚曰蒙之剛中陽在下卦初筮得之也比之剛中陽在上卦再筮乃得之也故蒙曰初筮而比曰原筮

考工記曰惟若寧侯母或若女不寧侯古謂諸侯之不朝貢者爲不寧比之世不寧之侯亦方

易筮

卷一

四七

來而不已故曰上下應也晉卦來朝諸侯亦曰康侯康亦寧意

萃比下同體坤萃四有分權勢故元永貞於五言比下无分權者故元永貞於彖言

方來與朱紱方來同屯之初六動乎坎中故爲宜建侯而不寧比之九五居坎而下比故爲不寧方來坎險而多憂爲不寧之象此又一說

象曰地上有水比先王以建萬國親諸侯

莊子水之宇地也審正比意子夏傳云地得水

而柔水得地而流故曰比周禮疏云坤爲土坎爲水水得地而流土得水而柔水土和合故象先王建萬國親諸侯

初六有孚比之无咎有孚盈缶終來有他吉象曰比之初六有他吉也

初之吉得於五者也五非正應故曰他吉象又提出初六二字以釋之六二則不言他矣

初比四以陰比陰雖若有咎然四則有孚於五者也上後於五故六三比之爲匪人四孚於五

易筮

卷一

四八

故初六比之爲无咎非獨无咎而已九五之孚既盈於六四之缶必且自四而來及初矣初與五非正應而得其吉故曰有他吉坎卦五爲有孚四爲用缶坎水盈則下流故初六取以爲象六二比之自內貞吉象曰比之自內不自失也六三比之匪人象曰比之匪人不亦傷乎

三之所比者上也舍五而比上故曰匪人六四外比之貞吉象曰外比于賢以從上也

四爲內初爲外五二爲內比四初爲外比位應

不容不比聖人斷之曰賢蓋外而非賢雖應不比四本比五今乃比初以四之外比將以初從五非苟比之故曰外比于賢以從上也在外之賢非左右爲之薦進何以自達曰賢曰從上皆爻義所无聖人足其所未及

九五顯比王用三驅失前禽邑人不誠吉象曰顯比之吉位正中也舍逆取順失前禽也邑人不誠上使中也

前禽斷然指上六邑人指六二坤有邑象二與

易筌

卷一

五十九

五應不待告誠而悅從者也二有中德曰上使同德感孚不謀自合若使之耳此使字與師六五同師五使三不當故凶比五使二得中故吉陽剛中正凡卦九五皆然而莫盛於比衆陰皆伏九獨居尊上下无陽以分其權聖作物觀之象也陽明爲顯比五中心无爲顯然以元永貞之德親比天下如太陽中天而來者後者皆无容心焉其象爲王者之田用三驅失前禽而邑人不誠吉可知矣三驅者因田教戰凡馳驟進

超以三爲節周官大司馬仲冬大閱立三表是其法也惟不盡物而聽其去故爲王者之收不誠人而人自知故爲王者之比

舍逆取順失前禽也是倒解逆者如覆盆不見天日非光景之不明舍者如鳧鴈不計去來非鄙夷而不納

上六比之无首凶象曰比之无首无所終也

陽爲首六居陽上爲无首五陰前進而上六越居九五之前自五視上爲前禽自上視五爲後

易筌

卷一

五十一

夫當比之世陰爭比陽上六乃獨處其後及比道已成天下大定雖欲比之亦已晚矣故曰後夫凶此田橫公孫述之徒所以罔終也竇融錢倣能知此義故免于難

宋永亨云易於乾坤二卦之後繼以屯蒙需訟師比六卦卦皆有坎聖人防危慮險之意深矣

小畜三三

巽乾

小畜亨密雲不雨自我西郊

彖曰小畜柔得位而上下應之曰小畜健而巽剛

中而志行乃亨密雲不雨尚往也自我西郊施未行也

看來畜字不是與陽爲敵而力止之如容民畜衆如以畜其德只是包容養育之意此文王所以善處商紂終其世不爲所毒也及考鄭康成解亦曰畜養也知古注疏原是如此

柔得位則陰乃畜陽者上下應之則陽乃受陰之畜者剛中卽健志行卽巽之志行所謂巽以行之也故亨觀乃字可見尚往者陽未受畜尚

易筌

卷一

壬子

欲上進也施未行者陰猶未能止陽所施雨澤猶未大行也曰志行曰未行以見異畜乾之難如此

卦雖以一陰爲主實是異體三爻同力畜乾細玩卦爻之詞自見

象曰風行天下小畜君子以懿文德

剛不能制剛而柔能之如未冠可以化強暴是也文德正柔順之德不尚威武之謂

初九復自道何其咎吉象曰復自道其義吉也

九二牽復吉象曰牽復在中亦不自失也

天上地下其體也其用則交爲泰不交爲否然地氣升必復降天氣降必復升反復升降未嘗少息故初二並言復

剛本在上之物自下而復以應于四乃其故道不知者或疑其咎然實義之所在何咎之有二隨初之復者牽連而進以應于四又必以爲自失矣然二陽剛在中非苟從人者故初旣合義二亦不爲自失也一陰得位之時方喜陽之復

易筌

卷一

壬子

升共濟天下而奚咎與自失之有

九三與說輻夫妻反目象曰夫妻反目不能正室也

三與上應本欲往而從上如輿之方行二止而不進則三脫其輻矣只得近比於四而妻之彼以躁動之心失中正之位而四又體巽爲多白眼故有反目之象然謂不爲四之所畜不可也六四有孚血去惕出无咎象曰有孚惕出上合志也

有孚孚五也易於陰陽相際處多言血六四所以能固結于九五者蓋血陰物也血去則雖純陰而絕无陰血之累惕乾惕也惕出則雖非乾而終日皆乾惕之心一片精誠合志於上蓋異以行健者惟四可以當之所謂柔得位而上下應之剛中而志行也

九五有孚攣如富以其鄰象曰有孚攣如不獨富也

四五二孚字正相應公羊傳曰夷伯者季氏之

易筌

卷一

五三

孚乃交相信之義五與四以一誠相攣結而衆陽歸之所以爲富然五之富四之力也柔濟剛弱濟強陰陽相資畜道乃成故曰富以其鄰鄰

單指六四說

上九既雨既處尚德載婦貞厲月幾望君子征凶象曰既雨既處德積載也君子征凶有所疑也

上爻總論一卦之義如大有之上爻非獨以上言上九畜道已成昔之不雨者今既雨矣昔之尚往者今既處矣昔之脫輟者今既載矣昔之

反目者今爲婦矣彖之所謂亨者於是見之處者陽復其所也陽爲德而陰載之三陽故曰德積載

婦不可抗夫故曰婦貞厲月不可抗日故曰月幾望此文王三分有二之時也若更有所往則陰疑於陽臣疑於君非以服事殷之心矣先正謂文王道在小畜良然

王伯厚云小畜上九月幾望則凶陰亢陽也歸妹六五月幾望則吉陰應陽也中孚六四月幾

易筌

卷一

五四

望則无咎陰從陽也曰幾者戒其將盈陰盈則陽消矣

履三三兌

履虎尾不咥人亨

彖曰履柔履剛也說而應乎乾是以履虎尾不咥人亨剛中正履帝位而不疚光明也

六三爲履卦之主爻體悅應乾柔下剛上是以履虎尾不咥人亨若當爻以陰處陽履非其位互體離兌水火相形故獨被咥而凶卦爻往往

不同如此疾病也陰于陽則陽爲之病九五以剛處上得中居正而履乎尊位六三雖主爻然以柔處下不能病我而九五之光明自若故曰剛中正履帝位而不疚光明也易以乾居上者不獨一卦於履獨言帝位蓋履辨名分之卦也六三雖以一陰統衆陽其實臣也下也上有九五之君在焉六三其敢僭諸故特稱九五之尊曰帝位其嚴於君臣之際如此

小畜之亨在巽巽之陰能順于三陽之上也履

易筌

卷一

五十五

之亨在兌兌之陰能安于三陽之下也大氏人之涉世多是危機不爲所傷學術乃見故曰易之興也其當文王與紂之事耶是故其辭危危莫危于履虎尾之辭矣故九卦爲處憂患之道以履爲首

履虎尾如常言履其後云爾乾剛在前柔自後而履之乾爲虎四乃其尾三言履虎尾謂三往履四四言履虎尾謂三來見履語同而意異也象曰上天下澤履君子以辯上下定民志

古者君臣之際分嚴而情通上天下澤履其分嚴也山上有澤咸其情通也不嚴則爲未濟之三陽失位不通則爲否之天下无邦

初九素履往无咎象曰素履之往獨行願也

兌居西方爲白初未爲紛華所染故稱素履初往上旋相應上能考祥其旋正不改其素履之謂如言不變塞也

九二履道坦坦幽人貞吉象曰幽人貞吉中不自亂也

易筌

卷一

五十六

二臣位而言幽人者以其无應于上雖處富貴淡然不以得失自亂故也豈必深山窮谷之士始爲幽人哉不以芬華染其醇白之行則曰素不以巖廊損其山林之致則曰幽

素履者宜安于素而反謂之往謂之行願坦坦者若可平行无碍而反謂幽人之貞蓋以爻位之剛柔言之也初九重剛其志在行不能使之不往但能不失其素則无咎矣學者初心皆在行志既仕始失之九二履柔行中无所歆美有

坦坦寬閒之意故曰幽人之貞

六三眇能視跛能履履虎尾咥人凶武人爲于大君象曰眇能視不足以有明也跛能履不足以與行也咥人之凶位不當也武人爲于大君志剛也楊廷秀云聖人于六三憐其志而恨其才何則以陰居陽志非不剛才則陰柔而不能有爲也若眇而自任能視跛而自任能履以柔懦而介于五剛之間欲履至危以立大功如履虎尾而逢咥也何凶如之聖人所以恨其才而惜其居

易筌

卷一

五七

位之不當也若其志則可憐矣武而欲有爲于大君剛而欲有立于當世夫何罪哉故前言其凶後止言志剛而已亦不深咎之也

九四履虎尾愬愬終吉象曰愬愬終吉志行也

四多懼故曰愬愬初獨行願遠君也四志行近君也

九五夬履貞厲象曰夬履貞厲位正當也

夬履者在履而當夬位也夬只是決斷之義不必專言決小人九五以陽剛居尊位剛決乃其

所宜彖云剛中正履帝位而不疚正指此爻貞厲者不貞則剛失於過不厲則陰易以乘蓋在九五之位不得不然故曰位正當也先儒謂君德以剛爲主有至理可味

上九視履考祥其旋元吉象曰元吉在上大有慶也

考祥其旋斷句

視履者進步處時時着眼審於朕兆方動之時奉身而退復還其素履幽貞之初吉孰大焉如阿衡功成而去毫兩疏見幾而解組是也履至

易筌

卷一

五八

上九履道已成若一向冥行而不知止非吉道也上乃居剛應柔高而不亢有回旋自考之象故以元吉歸之若以爲未定之辭何以爲大有慶耶

視履與眇能視相應履卦專言踐履也而不能離視以爲履離視以爲履者冥行也世乃有言學貴躬行而不必知者何哉

初爲行願二爲中不自亂三爲志剛四爲志行踐履无不由志爲邪正皆主位言之蓋其所自

處如此則志可知矣

初上履之始終也初言往上言旋一進一反而履之象見矣中四爻以剛履柔者吉以柔履剛者凶以剛履剛者厲以剛履柔者能行而不輕于行也二之幽人貞吉四之愬愬終吉是也以柔履剛者不能行而強行三之跛履是也以剛履剛者能行而決于行五之夬履是也

楊廷秀云履主于行然初尚素履二尚幽貞勇于行而三凶懼于行而四吉五決于行則厲上

易筌

卷一

五九

反其初則慶然則履不處也未嘗忘于處也

泰三三

坤乾

泰小往大來吉亨

彖曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也

魏文靖事宋穆陵進講泰卦嘗曰內君子外小人固爲泰也第在外而心腹是寄不爲外在內而情意不親不爲內一時聞者无不歎賞公之

納約自牖者微矣

道長者一步長一步道消者一步消一步卽復卦浸字意然謂小人道消非消小人也化小入爲君子也故曰舉直措諸枉能使枉者直

象曰天地交泰后以財成天地之道輔相天地之宜以左右民

初九拔茅茹以其彙征吉象曰拔茅征吉志在外也

郭璞洞林讀此爻至彙字斷句泰之征吉引其

易筌

卷一

六

類以有爲否之貞吉擇其人以有待

九二包荒用馮河不遐遺朋亡得尚于中行象曰包荒得尚于中行以光大也

包荒作一頭馮河不遐遺朋亡三件皆包荒內事玩辭云九二剛而能柔其道中平无所偏倚聯在外之三陰與之相應如徒步涉河无所疑忌陰雖遠而不之遺陽雖近而不之比獨離其朋上合於六五之中行二五相易遂成旣濟以此處泰何光大如之五交二成離有光大象二

致五成坎有馮河象

九三无平不陂无往不復艱貞无咎勿恤其孚于食有福象曰无往不復天地際也

六四居三陰之下羣陰所從以接陽九三居三陽之上羣陽所依以接陰二爻正相交之地故曰天地際也三四爻中二孚字正相應三孚四四孚三彼此相信所以爲交泰象獨于此指出天地際也一語蓋三四相孚則内外卦皆舉之矣

易筌

卷一

六五

六四翩翩不富以其鄰不戒以孚象曰翩翩不富皆失實也不戒以孚中心願也

翩翩飛而向下之象陰爲虛不富也以其鄰九三也不戒以孚四與三同志相孚也當泰之時上之三陰皆順乎陽不敢自主故有翩翩不富以其鄰之象

六五帝乙歸妹以祉元吉象曰以祉元吉中以行願也

六五九二上下相交其志同於中行所以爲泰

九二之陽上交於五如舜之尚見於帝故曰得

尚于中行九二之中行卽指六五中以行願也

六五之陰下交於二如帝女之下嫁於諸侯故

曰帝乙歸妹治泰之事皆九二主之六五獨享

其成而已故九二爻辭言事而不及福六五爻

辭言福而不及事君臣之相與有成如此

帝乙卽微子之父殷之賢君書云自成湯至于

帝乙罔不明德慎罰是也史記云帝乙時殷道

益衰言與經背不知何故注易者因史記之言

易筌

卷一

六五

遂以帝乙爲成湯儒者信史疑經以甲作乙其悖謬如此

上六城復于隍勿用師自邑告命貞吝象曰城復于隍其命亂也

泰極生否聖人于三示其端于上要其極警戒

之意亦消長之理斂師勿用告戒邑人僅僅自

保能守正則止于吝未必遽喪亡也勾踐之棲

會稽蓋用此道

九三上六其位皆正故皆得爲貞九三將變而

有陽剛之才能艱難以保貞則可以无咎上六已亂而以重陰處之則所謂貞者固守其柔不敢動作而已難免于吝也其命亂也如疾病則亂之亂唐玄宗極熾而豐泰之極也以李林甫楊國忠爲周召以安祿山哥舒翰爲方虎非命亂而何

否三三

乾坤

否之匪人不利君子貞大往小來

彖曰否之匪人不利君子貞大往小來則是天地

易筌

卷一

六三

不交而萬物不通也上下不交而天下无邦也內陰而外陽內柔而外剛內小人而外君子小人道長君子道消也

正道之不利者多矣但君子不以不利而失其

正

象曰天地不交否君子以儉德辟難不可榮以祿儉不必作斂化書云儉于聽可以養虛儉于視可以養神儉于言可以養氣儉于嬪嬙可以保壽命儉于心可以出生死不可榮以祿如不可

得而親不可得而疎之謂非戒君子也

初六拔茅茹以其彙貞吉亨象曰拔茅貞吉志在君也

轉移世道只有聯屬皆類一着此彙字正與九四疇字相應此非私交故曰志在君又曰有命謂君命也

六二包承小人吉大人否亨象曰大人否亨不亂羣也

包承小人斷句

曰包承小人曰包羞如婁師德狄梁公輩皆是

易筌

卷一

六十四

也此真大人亨否之道與儉德辟難者又是一等若以包承包羞爲小人象何以曰志在君曰不亂羣不亂羣者善與之處而中實不亂所謂入獸不亂羣是也若飄然遠舉何以爲此言六三包羞象曰包羞位不當也

包羞有含垢忍恥以待機會之意因權未到手不得不隱忍以俟之故曰位不當也此聖人亮之辭拔茅以厚集君子之勢包承以潛移其不肖之心包羞以俟其可乘之隙如陳平之於

呂后狄梁公之於武璽其作用大率近之

九四有命无咎疇離祉象曰有命无咎志行也

九五以陽剛中正之君主持世道四爲近君大臣能宜其命以通於下何咎之有祉字與貞吉亨相應否塞可通善類蒙福故曰志行亦與初爻志在君志字相應大臣忌專九四以剛居柔奉九五之命不敢自擅不獨已可无咎同類之人皆因而麗于福也

九五休否大人吉其亡其亡繫于苞桑象曰大人

易筌

朱

六五

之吉位正當也

桑之方苞柔而不可繫物此正如朽索之喻陸宣公請罷兵狀云邦之杌隍綿綿聯聯若苞桑綴旒幸而不殊者屢矣可證休否惟大人則吉非大人當五位否未易休故曰大人之吉位正當也與六二大人否亨正相應

上九傾否先否後喜象曰否終則傾何可長也傾者倒也否爲泰之倒體否極則倒而成泰

同人三三

同人于野亨利涉大川利君子貞

彖曰同人柔得位得中而應乎乾曰同人同人曰同人于野亨利涉大川乾行也文明以健中正而應君子正也唯君子爲能通天下之志

人目所望地連天際處爲野同人以柔爲主然徒柔不能同人也必以天德行之故雖得位得中而必應乎乾乃可以同人至利涉大川又曰乾行也明非柔之所能辦也凡卦以柔爲主者皆然履之六三不自亨也必曰應乎乾是以履

易筌

卷一

六五

虎尾不咥人亨小畜之六四不自亨也必曰剛中而志行乃亨大有之六五不自亨也必曰應乎天而時行是以元亨此皆柔爲卦主而其濟也必稱乾此乾之所以爲大歟坤得主而有常之義此諸卦足以發之

象曰天與火同人君子以類族辨物當大同之世而不能辨別釁孽必生君子以類族分辨物之同異乃處同之道如士與士類農與農類謂之類辨張與張族李與李族謂之族

辨辨析分明則物各止其所雖同而不亂矣

初九同人于門无咎象曰出門同人又誰咎也

人不能同以其隔藩牆分比鄰也出門則无所限隔矣爻言同人于門象加出字其意愈明

六二同人于宗吝象曰同人于宗吝道也

于宗吝斷句

詩云宗之君之宗的指五而言二五雖正應然在同人則承乘應比皆所不論只是一味大同而已于野一无繫着于郊則郊關之内已有界限非大同之道所以止于无悔謂之志未得者

易筌

卷一

六五

非通天下之志之謂也二之應五亦是有所偏繫故謂之吝雖在同人不免專固乃是理之固然故象傳曰同人于宗吝道也如言臣道也妻道也此孔子發爻所未備之義又是一意

九三伏戎于莽升其高陵三歲不興象曰伏戎于

莽敵剛也三歲不興安行也

伏莽處下卦也升高望上卦也不興終不與五爭也自三至五歷三位故曰三歲不興始雖有覬終於安分而行故不言凶言升言興言敵剛

皆明敵在上卦恐人誤以為攻二也一說三伏而不興則二可安行无忌與五相遇亦通

九四乘其墉弗克攻吉象曰乘其墉義弗克也其吉則困而反則也

三遠於五故邀擊於野外四鄰於五故乘其宮墻而攻之然卒不能攻者非力之弱乃顧義知困反循軌則故耳與九二不克訟同皆陽居陰位陽故有訟有攻陰故不克訟不克攻

四止以不遂事為吉與他卦言吉者不同如鄧

易筌

卷一

六五

曼謂楚子曰若師行无虧王薨於行國之福也亦此意

九五同人先號咷而後笑大師克相遇象曰同人

之先以中直也大師相遇言相克也

二與五皆中皆直五乾之動直二坤之直方也

二五正應以三四為間有先號咷之象以其中

直終必得同有後笑之象三四皆剛非易克者

九五獨能克之有大師克相遇之象二五同心同德物猶間之知君臣父子間以間而離者可

勝言哉故師莫大於君心而兵革爲小克莫難於小人而敵國爲易

上九同人于郊无悔象曰同人于郊志未得也

大有三三

雜乾

大有元亨

彖曰大有柔得尊位大中而上下應之曰大有其德剛健而文明應乎天而時行是以元亨

五陽皆一陰所有故曰大有猶豫之言大有得也司馬君實曰夫柔而不明則前有讒而不見

易筌

卷一

六九

後有賊而不知明而不健則知善而不能舉知惡而不能去二者皆亂亡之端也明以燭之健以決之居不失中行不失時然後能保有其衆元亨也

象曰火在天上大有君子以遏惡揚善順天休命休命是命德討罪之命

初九无交害匪咎艱則无咎象曰大有初九无交害也

大有同人反對大有之初九即同人之上九皆

遠於柔者也故同人六爻獨上九爲不得志大

有六爻獨初九爲无交然六二當同於人而上

九乃不見同此二之吝非上之傲也故无悔六

五受人之交而初九獨不往交則害於義矣此

居初之時則然非其咎也若能危行言遜艱以

自守庶可免咎馮衍梁鴻皆居大有而无交者

也衍退而自脩卒以无咎鴻作五噫之歌章帝

非之失克艱之義矣一說一人非其所有即大

有之害故曰大有初九无交害也不須注釋而

易筌

卷一

七十

義自明與比之初六有他吉也相同自是象中

一體

九二大車以載有攸往无咎象曰大車以載積中

不敗也

大有之時上下皆應而任天下之重者九二而

已二居乾之中上下皆陽所積者厚故引重而

不敗使非積中而冒然居之必有破輶折軸之

患矣不敗解无咎二字

九三公用亨于天子小人弗克象曰公用亨于天

子小人害也

三居下體之上有君公之象剛而得正不以大有自私有亨於天子之象若小人挾其所有不知奉上之道則不能矣凡卦九三多具二義以其處上下之際故也害卽无交害之害但初之无交爲大有之害小人則以所有自害爲不同耳

九四匪其彭无咎象曰匪其彭无咎明辯哲也

九四近君用事勢不震而盛權不招而集咎所

易筌

卷一

七三

歸也能以匪其彭居之可以无咎詩出車云出

車彭彭烝民云四牡彭彭皆强盛貌曰匪其彭

是以諸陽皆六五所有非四之有也雖勢逼于

五若无若虛何咎之有明辯哲者言其處嫌疑

之際于上下分義能明辯而哲也以陽居陰故

匪其彭居離之初故明辯哲

六五厥孚交如威如吉象曰厥孚交如信以發志

也威如之吉易而无備也

王注居尊以柔處大以中无私於物上下應之

信以發志故其孚交如也夫不私於物物亦公焉不疑於物物亦誠焉既公且信何難何備不言而教行何爲而不威如爲大有之主而不以此道吉可得乎

厥孚交如之交卽无交害之交泰與大有以交而成然應六五者雖衆陽之志必五有以發之然後衆志調一歸于大同故曰信以發志威如者離明在上洞照羣隱人不敢欺故易而无備人自畏服如馬伏波之論光武者是也

易筌

卷一

七三

上九自天祐之吉无不利象曰大有上吉自天祐也

六五爲卦主四陽在下无不應之矣上一陽在

上天之位也而亦應五是天之佑五也

繫辭傳云履信思乎順又以尚賢也以上爲師

傳之賢又是一意蓋陽在君上其象爲天賢在

君上其象爲師傅玩辭曰六五在本爻但見其

履信思順而已至上九而後見其尚賢蓋當大

有之世羣心皆應未足爲大羣心已集而又能

尊賢如武王天下大定必得箕子爲師而後爲
大有故大傳以此爲六五之全德而象辭亦曰
大有上吉明事關全卦非止上爻而已此猶師
之上六論師之事至此而終其言大君蓋指六
五非謂上六爲大君也小畜上九論畜之道至
此而成稱月與婦亦指六四非謂上九爲婦也

門人謝與棟

季子潤生全校

易筌

卷一

七十一

易筌卷二

謙三三

謙亨君子有終

彖曰謙亨天道下濟而光明地道卑而上行天道
虧盈而益謙地道變盈而流謙鬼神害盈而福謙
人道惡盈而好謙謙尊而光卑而不可踰君子之
終也

凡一陽統五陰之卦彖傳皆指出一剛字復曰

剛反師曰剛中而應豫曰剛應比曰剛中剝曰

易筌

卷二

一

柔變剛惟謙不然謙不貴剛也

鄭司農曰山體高今在地下其於人道高能下
下謙之象也謙者自貶損以下人惟艮之堅固
坤之厚順乃能終之故君子有終

君子有終言其久也謙之道衆人不能久而君
子能終之也夫少之事長賤之事貴不肖之事
賢燭至起食至起射則三揖酒則百拜磬折匍
服葉拱墻負誰不知之誰不行之一臨利害巧
爲趨避語有之曰女无美惡入宮見妒士无賢

不肯入朝見嫉又曰饑馬在廐漠然無聲投芻其傍爭心乃生由是言之小人惡能謙哉古之君子能謙有終若禹之不矜不伐上也伯夷之遜國而逃次也晏子之久而能敬又其次也若夫張毅之走懸泊王莽之下白屋謙之賊也何終之有

象曰地中有山謙君子以裒多益寡稱物平地

初六謙謙君子用涉大川吉象曰謙謙君子卑以自牧也

易筌

卷二

二

謙謙初六居下卦之下也乾乾夫夫皆九三重剛也坎坎六三居重險之間也蹇蹇六二險居險也皆有所取用涉大川猶需也不需不謙履溺是懼何涉之利牧養也楊氏曰盈日鋤日不除謙日養日不長

六二鳴謙貞吉象曰鳴謙貞吉中心得也

三以謙爲倡首二承之上應之故皆曰鳴謙鳴謙嫌於外飾故表之曰中心得

九三勞謙君子有終吉象曰勞謙君子萬民服也

薛溫其曰居上下之際接兩體焉非勞不可亦乾乾之義也九三居艮之終故以彖辭君子屬之

六四无不利撝謙象曰无不利撝謙不違則也

說文云撝裂也又如人之撝四居近君用事之位若一味謙下誰與擔當故於初之謙謙裂去之言在初則可在四則不可此乃時位分義使然何違則之有下三爻爲益寡上三爻爲裒多馮氏謂君子治一世使謙之象是也

易筌

卷二

三

六五不富以其鄰利用侵伐无不利象曰利用侵伐征不服也

得尊位而无應故曰征不服師克在和五以柔居剛故侵伐无不利上體用皆柔故利在征邑國而已

上六鳴謙利用行師征邑國象曰鳴謙志未得也可用行師征邑國也

上六與九三相應故曰鳴謙曰侵伐曰行師似於謙不類不知以退遜爲謙在下位則可治國

平天下者不然苟非好大喜功之心卽四征九伐无非謙也征邑國者古諸侯各自爲國其大夫各有采邑采邑不順者伐之如墮費墮郈之類是也以爲自治者未安志未得者上居位已極方自視欲然與志得意滿者不同禹征三苗而益贊曰滿招損謙受益與此可參看

豫三三三

震坤

豫利建侯行師

一陽爲卦主侯之象五陰順之師之象

易筌

卷二

四

彖曰豫剛應而志行順以動豫豫順以動故天地如之而况建侯行師乎天地以順動故日月不過而四時不忒聖人以順動則刑罰清而民服豫之時義大矣哉

象曰雷出地奮豫先王以作樂崇德殷薦之上帝以配祖考

他事非不用樂然必郊祀天地配以祖考大合衆樂極于九變始足以擬雷出地奮之象以配卽配以誤倒耳

初六鳴豫凶象曰初六鳴豫志窮凶也

六二介于石不終日貞吉象曰不終日貞吉以中正也

六二居坤土之中故爲石與四无應上交不諂也初應四而二不與同下交不瀆也下不爲鳴豫上不爲盱豫居中守正故曰貞吉中正當作正中與志窮凶韻

六三盱豫悔遲有悔象曰盱豫有悔位不當也

六三逼近權臣仰其鼻息有惟恐失之之意故

易筌

卷二

五

曰盱豫二言如爲鄙夫寫照然大氏盱豫與介石相反遲與不終日相反中正與不中正故也三四上下之交故兩爻有遲疑之戒

九四由豫大有得勿疑朋盍簪象曰由豫大有得志大行也

大有得者一剛得五柔朋盍簪者五柔合一剛志大行者剛應而无他爻以分其權也爻本豫主而乘應皆邪二獨貞貞者難致邪者易昵昵者聚而難去致者望而不至夫惟開誠布公者

不以樂已而附不以守貞而違權在已應在人而無已私之與焉則吾朋其有不同者乎

初應四三五比四爲凶爲悔爲疾獨六二不繫於四而以中正自守得爲貞吉則九四之不得爲賢臣可知已看來四外陽內陰才足有爲而誠不至者也當豫之時君弱而大權歸已衆皆附之足以成功故曰大有得惟其不誠故戒以勿疑如齊桓一匡天下使其誠心尊周周室豈復弱乎故五之貞疾四實爲之也夫子於四取

易筌

卷二

六

其志大行於五傷其乘剛功罪定矣

六五貞疾恒不死象曰六五貞疾乘剛也恒不死中未亡也

古者有疾謂之不豫疾者豫之反也彖合一卦之義取其順動而以聖人當之此指一爻固未爲善

子瞻曰六五其質則陰其居則陽也質陰則力莫能較居陽則有不服之心焉夫力不能較而有不履之心則其貞足以爲疾而已三豫者皆

內喪其守而外求豫者也故小者悔吝大者凶六五之貞雖以爲疾而其中之所守者未亡則恒至於不死君子是以知貞之可恃也

上六冥豫成有渝无咎象曰冥豫在上何可長也成者極也豫極則昏故曰成上變爲晉晉則无冥暗之咎故曰成有渝无咎所謂彼將惡始而美終以晚蓋者也易中凡言渝者皆當以變卦觀之渝安貞官有渝成有渝皆是也成有渝變於終官有渝變於始

易筌

卷二

七

成如春秋求成之成渝如渝盟之渝楚辭曰初既與予成言今後悔遁而有他成有渝之謂也冥於豫而勉其有渝開遷善之門也冥於升而勉其不息回進善之機也

隨三三兌震

隨元亨利貞无咎

震一陽來主于內而居兌之下震陽動爲元亨兌陰靜爲利貞

彖曰隨剛來而下柔動而說隨大亨貞无咎而天

下隨時隨時之義大矣哉

象曰澤中有雷隨君子以嚮晦入宴息

爻言隨時而動象言隨時而息皆隨也九家易曰兌澤震雷八月之時雷藏於澤者是也震東方卦日出之地曰暘谷兌西方卦日入之地曰昧谷今自震東趨兌西嚮晦之象卦互巽入艮止入而止息之象

初九官有渝貞吉出門交有功象曰官有渝從正吉也出門交有功不失也

易筌

卷二

八

履以履其後爲義隨以下隨上爲義秉承比應皆所不論官主也初九爲一卦之主以乾之上九與坤之初六相變而成隨上九初六本皆不正因變而得正遂有動說之象故曰官有渝貞吉此一句論卦之始變二爻相易隨之本也所謂剛來而下柔動而說隨也六二六三半剛半柔爻皆言失初九剛正而專一出門卽與二交故獨言不失得所從之正也初隨二二隨三三隨四四率天下而隨五所謂大亨貞无咎而天

下隨時也五爲卦主不言隨言隨上者非

六二繫小子失丈夫象曰繫小子弗兼與也

小子指六三柔爻丈夫指初九剛爻陰性善繫繫上則失下弗能兼與如里克之中立鄧初之兩可終於邪而已非隨之善也

六三繫丈夫失小子隨有求得利居貞象曰繫丈夫志舍下也

三在四下繫九四之丈夫失六二之小子志舍下也隨以隨上爲貴隨陽爲得故曰隨有求得

易筌

卷二

九

然六三與九四皆不正恐其隨爲詭隨求爲苟求得爲苟得故戒之曰利居貞

九四隨有獲貞凶有孚在道以明何咎象曰隨有獲其義凶也有孚在道明功也

九四之隨九五獲乎上有道者也臣從君陽從陽故曰隨有獲四居君側初其所應三其所繫二又繫於三天下无不隨之若位逼而勢大守而不變其凶宜矣四多凶近也當是時惟有孚可以結君惟在道可以持已如此則得以自明

而无咎矣明功者五多功四率天下隨五五又剛明之君知四爲有功於已故曰明功

九五孚于嘉吉象曰孚于嘉位正中也

嘉指四言四盡臣道率天下以隨五故曰嘉孚與四有孚相應五四相孚則初交二二繫三三繫四无不進而隨五矣此五之所以吉也

上六拘繫之乃從維之王用亨于西山象曰拘繫之上窮也

維與晉上九解六三之維同兩人相結之義上

易筌

卷二

十一

无所往反而拘繫于五五從其所繫而維之隨極而固結之甚也若用于享祀誠意顯篤可通于神明故曰享于西山兌爲西艮爲山兌終變艮

初爲內卦之主不言隨五居尊位而受天下之隨上居極无可隨者故亦不言隨

蠱三三

巽艮

蠱元亨利涉大川先甲三日後甲三日

象曰蠱剛上而柔下巽而止蠱蠱元亨而天下治

也利涉大川往有事也先甲三日後甲三日終則有始天行也

蠱由乾坤之變而成則非獨由父亦有母之蠱焉六五以陰居尊爲母象如晉六五爲王母小過六五爲妣皆是也巽九五變爲蠱事變至蠱則當復始故曰甲甲者日之首事之始也蠱六五復變爲巽蠱既始事巽又申之申者非更則續故曰庚庚更也續也蠱以全卦言故于卦辭言甲巽至上卦而後爲重故于九五言庚甲庚

易筌

卷二

十二

者十日十二辰之剛也戊巳分王四時自甲歷乙丙丁三日而至庚歷辛壬癸三日而至甲故取爲三日之象

易中凡稱三日七日皆指卦爻之數下卦爲先三甲上卦爲後三甲先甲既終後甲復始天運之行大抵如此蠱非一時所遽致亦非一時所能亨須自終而始事爲之飭庶幾元亨而天下治也

易於蠱終則有始於剝消息盈虛於復反復其

道皆曰天行也然則無與於人事歟聖人以天
自處扶陽抑陰盡人事以回天運而天在我矣
法言注云周禮治象決日而斂之鄭司農云從
甲至癸謂之決日是以易稱先甲三日先庚三
日皆爲申命令之義獨取甲庚者以甲木主仁
示其寬令也庚金主義示其嚴令也
象曰山下有風蠱君子以振民育德
初六幹父之蠱有子考无咎厲終吉象曰幹父之
蠱意承考也

易筌

卷二

十三

初最下内卦之主子象以陰居陽以柔行剛幹
蠱象曰父之蠱見其不可委也幹父蠱方稱有
子不然與无子同有子考始无咎不然咎不終
无矣子以承父豈樂改其道然不承其事而承
其意乃所以爲善承也

九二幹母之蠱不可貞象曰幹母之蠱得中道也
蠱有事也蠱則飭也又曰往有事也五以柔居
尊母象陰性安于无爲言蠱之深者多歸之此
時當一意振飭非復可收斂時矣故卦辭言元

亨不言貞二爻直言不可貞此在他人視之若
過於有爲聖人以爲適得其中而已
九三幹父之蠱小有悔无大咎象曰幹父之蠱終
无咎也

九三處巽之極以極順行過剛故過而不過小
有悔過剛也无大咎極順也初厲无咎三終无
咎汝吉曰果之也果之使忠臣孝子之心得精
一自信焉

六四裕父之蠱往見吝象曰裕父之蠱往未得也

易筌

卷二

十三

六五幹父之蠱用譽象曰幹父用譽承以德也
看來往有事專指下三爻而言與主于行也上
三爻以艮止爲義故四言裕蠱蓋業有初二三
任幹蠱之事四爲近君之大臣止宜寬裕以調
和之若如下卦之往有事則上下之間紛擾煩
急不免於吝矣二往字正相應五雖言幹蠱然
專委之二不自爲也故曰用譽二多譽也曰行
中行二之中也上爻不事事自不待言
上九不事王侯高尚其事象曰不事王侯志可則

也

上九卽乾之上九也而居艮上有知止之義亢以動而有悔此以不事事而可則所以不同鄒爾光曰上在蠱終事之壞者至六五而治之畢矣而已又處事外故得以不事王侯高尚其事曰高尚其事非以高尚爲事也含和葆真曠然獨與造物游彼其事有出經世之外者矣以所事超詣絕倫故曰高尚云其事二字當味

臨三三
兌下
坤上

易筌

卷二

十四

臨元亨利貞至于八月有凶

彖曰臨剛浸而長說而順剛中而應大亨以正天之道也至于八月有凶消不久也

臨十二月之卦二陽雖長倒轉爲觀則四陰長于下二陽消于上故曰至于八月有凶觀八月之卦故言八月无凶而言有凶蓋當陽方長陰猶盛之時預爲他日陰長陽消之憂也

易剛浸而長陰符天地之道浸故陰陽勝二浸字甚有味列子云一氣不頻進一形不頻虧說

苑云江以逶迤故能永山以凌遲故能高學以積漸故能進人以涵泳故能豪皆浸之說也

象曰澤上有地臨君子以教思无窮容保民无疆取兌之講習而施教亦若兌澤之不竭取坤之含弘而容保亦若坤德之无疆

初九咸臨貞吉象曰咸臨貞吉志行正也

二陽臨四陰出於陰陽之相感故曰咸臨咸感也正而有守正有行正屯六二女子貞不字言守正而不行若臨之初陽欲上行以臨人與屯初

易筌

卷二

十五

九之義同聖人皆以志行正發之見與靳靳自守者異也

九二咸臨吉无不利象曰咸臨吉无不利未順命也

二陽浸長與五正應其志得行故爲咸臨吉无不利但六五在二陰之間德雖知臨其命豈必皆當二體兌說嫌於一味順從矣不知二五本剛中而應有都兪吁咈焉孔疏所謂斟酌事宜有從有否者是也故曰未順命

六三甘臨无攸利既憂之无咎象曰甘臨位不當也既憂之咎不長也

六柔而與初二兩陽同體故甘爲其所臨無相拒之意如甘節之甘玩辭曰甘臨無攸利見二陽之難說既憂之无咎見二陽之易事

六四至臨无咎象曰至臨无咎位當也

六四爲坤兌之交故曰至臨言其至于此而相臨也

六五知臨大君之宜吉象曰大君之宜行中之謂

也

易筌 卷二

十六

卦主二爻剛長五與正應故爲知臨專重陽剛言緯書陽氣在內中和之德膺乎盛位浸大之化行於萬民是也初九志行正九二未順命至此陰居尊位以中合中咸臨之德得行於天下即舜之用中於民而爲大知也故曰大君之宜行中之謂也

上六敦臨吉无咎象曰敦臨之吉志在內也敦之爲言益也五已應二上從而附益之故曰

敦臨如復卦四與初應而五附益之亦曰敦復可見臨上六言志在內與否初六志在君同否初六本非應五臨上六本非應二此可以志論耳

觀三三三坤下

觀盟而不薦有孚顚若

彖曰大觀在上順而巽中正以觀天下觀盟而不薦有孚顚若下觀而化也觀天之神道而四時不忒聖人以神道設教而天下服矣

易筌

卷二

十七

盟而不薦鄭康成曰諸侯貢士于天子大夫貢士于其君以禮賓之惟主人盟而獻賓賓盟而酢主人設薦則弟子也康成之說必有所據觀四爻正愜此意京房易傳亦然蓋漢人原作此解非獨康成矣

象曰風行地上觀先王以省方觀民設教

風行天上人不見其迹也風行地上則所加者假所觸者動夫人而見之矣先王俯就其民而教示之其象如此方與民屬坤省之觀之教之

屬與

初六童觀小人无咎君子吝象曰初六童觀小人道也

五陽剛中正惟近天子之光者得之初陰柔在下
下去五最遠如童子之觀不能遠見也此在下
民不足爲咎在君子則大人在上而失利見之
會何吝如之象曰小人道也言非君子所宜有
也

觀卦一爻勝于一爻所觀漸高所見漸別大氏

易筌

卷二

十八

臨主二觀主五臨利遠而不利近觀利近而不
利遠

觀以四陰而逼二陽聖人却謂二陽在上爲天
下所仰翻作一段絕好境界其扶陽抑陰往往
如此

六二闚觀利女貞象曰闚觀女貞亦可醜也

初居陽象男童二居陰象女子二陰柔在內雖
與五爲應而隔於三四猶在門內而闚門外湛
先生曰小人童觀不足責矣以君子之人得大

君之應不能明見九五陽剛中正之道但覘視
朝美一班於形似之粗此女子之見耳丈夫而
效女子之見不亦醜乎

六三觀我生進退象曰觀我生進退未失道也
卦以五爲主故稱我生如生之謂性之生猶言
動作也三居下之上而近於巽巽爲進退道觀
道也陰爻主於觀五惟四得觀之道童觀闚觀
失之矣三應於上而所處不當能觀五所作爲
以審其進退故云未失道也

易筌

卷二

十九

六四觀國之光利用賓于王象曰觀國之光尚賓
也

坤爲國互艮有光五君位有王象四承五有賓
王象六三未決於進者六四有進之象矣六四
之進乃觀國光而進九五陽明中正尊位上
九亦賢明在師傳之位國多賢聖有道之光象
曰尚賓者明其國尊賢禮士可以進也又以明
士不可自賤必有禮賓之道而後可進彖言盥
而不薦者正指此爻

九五觀我生君子无咎象曰觀我生觀民也

九五一卦之主天下之所尊仰家所謂中正以觀天下者是也其任大責重當反身自省所舉動如何果能選於衆而得君子焉卽相與延見而登用之此非獨爲朝廷之光其造福於生民也大矣何咎之有但言觀我生孔子恐人不明其意特釋曰觀我生觀民也民卽指下四陰而言察民心之所共與者而進之民豈有不服者哉

易筌

卷二

王十

上九觀我生君子无咎象曰觀我生志未平也

京房易傳曰易稱觀我生觀上九爻辭也言大臣之義當觀賢人知其性行推而貢之否則爲聞善不與茲謂不知厥異黃厥咎孽厥災不嗣此方與一卦先後意協志未平者上當與九五日虛已盡下求人如不及如周公吐哺握髮無寧晏然若在尊位而慨然安意肆志置人才於度外此非獨有人禍天必災之予瞻曰藏賢者無後賢者民之所以生也而絕之是絕民也無

後不亦宜乎與京房語合

噬嗑三三

震下離上

噬嗑亨利用獄

彖曰頤中有物曰噬嗑噬嗑而亨剛柔分動而明雷電合而章柔得中而上行雖不當位利用獄也震剛離柔分居內外爲剛柔分

象曰雷電噬嗑先王以明罰勅法

蔡邕石經作電雷

初九履校滅趾无咎象曰履校滅趾不行也

六爻皆言治獄者初爻子夏曰戒爲治者不可

易筌

卷二

王十

不禁其微是也周官掌囚下罪桎足械也械亦曰校罪之大者何之以校履校不懲必至何校滅趾不戒必至滅耳

六二噬膚滅鼻无咎象曰噬膚滅鼻乘剛也

互艮爲鼻六二以柔居柔何以能噬膚滅鼻以乘剛也乘剛有難處有得力處屯六二震六二難處也噬嗑六二得力處也

滅沒也滅趾者校遯沒其趾也噬肉而掩沒至鼻不可謂無如史言曹操佻易無威重歎笑至

以頭沒杯案中沒卽此滅字意也荷校滅耳義自明

六三噬腊肉遇毒小吝无咎象曰遇毒位不當也腊肉乾肉言其藏骨而不易嚼以喻獄情之難究者遇毒喻人之不輸服也

九四噬乾肺得金矢利艱貞吉象曰利艱貞吉未光也

四五在離位故曰乾肺曰乾肉肺大骨連肉物之至難噬者喻大獄之難服也卦之當噬全在

易筌

卷二

二十二

此爻噬乾肺而得金矢金取其剛矢取其直九陽德本自剛直以剛克彊以直理枉有得金矢之象然以剛遇剛易失之暴必利艱貞乃可得吉以四爲離初才雖剛直明有未融故以艱貞爲戒象以爲未光正以此也

周禮以兩造禁民訟入束矢於朝然後聽之以兩劑禁民獄入鈞金三日乃致於朝然後聽之矢百爲束銅三十斤爲鈞金入矢以自明其直入金以自明其實不直不實則沒金矢於官故

曰禁訟小而獄大四得金矢蓋兼小大而理之五君也非大獄不敢以聞書所謂罔攸兼是也故獨曰得黃金蓋君臣之分如此卽今之告紙與贖銅也古今不相遠迂儒疑周禮爲新莽之書不信其言則舜典金作贖刑者亦非歟

王肅解云四體離陰卦骨之象骨在乾肉脯之象金矢所以獲野禽故食之反得金矢君子於味必思其毒於利必備其難也偶與余舊說合思之終是紆曲肅有易注十卷今不傳此獨見

易筌

卷二

二十三

於太平御覽耳

六五噬乾肉得黃金貞厲无咎象曰貞厲无咎得當也

九四以陽爻爲金也而居陰位則隨陽所爲而直六五以陽位爲金也而得陰爻則因陽爲主而中故曰金矢曰黃金五成離之主剛位而柔中能斷獄者也以其柔體故戒其貞固而危厲乃得无咎離初故未光離終故不明此離之中故得當彖言不當而爻言當猶漢獄失當得當

之云位與事之分也在一卦柔居五位本不當
在一爻則居中用剛而貞厲故用獄則得當
上九何校滅耳凶象曰何校滅耳聰不明也

六爻皆治獄者若以初上爲受刑之人則以滅
趾爲无咎甚不通矣初治于未甚故无咎上在
卦終而猶有怙終加以賊刑者百姓有過在予
一人謂非爲人上者所致不可故曰凶

玩辭六爻皆卽本爻取象初九在下爲滅趾趾
卽下之本象也上九在上爲滅耳耳卽上之本

易筌

卷二

二十四

象也六二以柔居柔在六爻爲至柔故曰膚膚
在中爲鼻六三以柔居剛故曰腊肉肉之不中
者爲毒所謂腊毒也九四以剛居柔故曰乾肺
骨在肉中爲肺卽剛在柔中也六五以柔居剛
爲乾肉而不爲腊肉者三在下而小小物之乾
爲腊也二三四五在頤中可以言噬初上在兩
端但可言校耳

賁三三

艮上

賁亨小利有攸往

象曰賁亨柔來而文剛故亨分剛上而文柔故小
利有攸往天文也文明以止人文也觀乎天文以
察時變觀乎人文以化成天下

柔來而文剛是以剛爲主也剛往文柔必曰分
剛上文柔者亦以剛爲主也蓋一陰下而爲離
則陰爲陽之助而明於內一陽上而爲艮則陽
爲陰之主而止於外是知皆以剛爲主小利有
攸往陰進而反於陽也復歸於朴所謂至文
文明以止人文也最有味文明言離止言艮人

易筌

卷二

二十五

文燦然倘不止于禮義則流蕩淫靡罔所底止
敝有不可勝言者矣一文之一止之而文成禮
以節文爲訓卽此意

象曰山下有火賁君子以明庶政无敢折獄

獄以求情焉用文之故賁无敢折獄火在山上
則不留獄火在山下无敢折獄

初九賁其趾舍車而徒象曰舍車而徒義弗乘也
車乘正與四之白馬相應四互坎爲車初當上
賁于四以四與三比遂甘心徒行弗屑與合其

理最正故曰義弗乘賁其趾壯于趾鼎顛趾履校滅趾皆以初象趾

六二賁其須象曰賁其須與上興也

須須髮之須頂之有髮口之有須耳鼻之有毫皆陰血之形而柔所以文剛者非人力所爲乃自然之文也六二一陰施於二陽之間所謂柔來而文剛者以成離之主而性炎上故爲賁其須之象自三至上頤象二在頤下須象卦以文剛爻實之曰此與上俱興者也王註得其位而無應三亦無應俱無應而比焉近而相得也九三賁如濡如永貞吉象曰永貞之吉終莫之陵也

易筌

卷二

二十六

象旨九三有離文自飾故曰賁如有坎水自潤故曰濡如據而兩獲之象以三四剛柔相雜離艮相連又以兩卦相賁取象三與上位應而德敵兩剛不相賁故舍上而親四疑於賁不以正故以永貞戒之三與四相賁上九宜不能平三能永貞則上終莫能陵我吉道也

六四賁如皤如白馬翰如匪寇婚媾象曰六四當位疑也匪寇婚媾終无尤也

四當賁變革之位文反於質有賁如皤如白馬翰如之象四乘三之剛有馬象三爲互坎之盜有寇象三旣以陽求陰而又與四比則三匪寇也乃四之婚媾也始雖懷疑終受九三之文何尤焉當位未有疑者此獨曰疑以我雖當位而初九九三以陽上賁疑皆可從然初旣弗乘三又相比與之爲婚始雖有疑終无尤悔也若是初四相賁自是正應則何必言疑又何必言終无尤耶

易筌

卷二

二十七

六五賁于丘園束帛戔戔吝終吉象曰六五之吉有喜也

上于六爻最高丘象在卦外園象束帛卷爲二端五疋表屈折隱淪之意戔戔說文委積貌六五柔尊而不主事有后妃之象賁于丘園治束帛聘賢者此婦人之文也東京賦聘丘園之耿潔旅束帛之戔戔卽此凡六五聖人不輕以人

臣居之如王母帝乙歸妹類如此

上九白賁无咎象曰白賁无咎上得志也

艮篤實而光輝賁文盛之後返于篤實何咎之有孔疏所謂守志任真得其本性者也

賁其趾如趨以采齊行以肆夏自成文理不必以車爲飾也人之有須天然之文非待飾也賁如濡如言其賁在貌之悅澤如詩顏如渥丹之渥皤如言皤之皤然也須在趾上面在須上皤又在面上其象如此書皤皤艮士班固詩皤皤

易筌

卷二

二十八

國老皆指鬢髮言六爻言賁不假飾皆天然之文故上九總以白賁括之所謂賁無色也孔子謂子貢曰夫白而白黑而黑夫賁又何好乎又謂子張曰質有餘者不受飾聖人之不賁文如此

剝

三三三

艮

剝取象曰宅曰牀曰廬曰輿以五陰列于兩旁一陽覆于其上如宅廬牀輿然專以卦畫取之象曰剝剝也柔變剛也不利有攸往小人長也順

而止之觀象也君子尚消息盈虛天行也

順而止之指五言今之剝象其變卽向之觀象也恨又去其一陽遂成剝耳惜之也

象曰山附于地剝上以厚下安宅

遠於地者山之常也而曰附于地此山之變也如梁山崩之類也君子觀圯剝之象厚其基本使不至于剝宅斯安也

初六剝牀以足蔑貞凶象曰剝牀以足以滅下也以足滅斷句下同

易筌

卷二

二十九

剝一陽在上五陰在下有牀之象人以牀爲安牀以足爲安剝始自下故爲剝牀以足蔑陸氏以爲削蔑也

六二剝牀以辨蔑貞凶象曰剝牀以辨未有與也鄭玄云足上稱辨謂近膝之下屈則相近伸則相遠也二俯則聯初仰則望五正辨之象然皆陰類而無應故曰无與

六三剝之无咎象曰剝之无咎失上下也

剝之无咎言當剝之時而无咎也三以失上下

而无咎猶坤以喪朋而有慶

六四剝牀以膚凶象曰剝牀以膚切近災也

膚崔憬謂薦席也剝牀及膚災近於身小人近尊災切於君故曰切近災也若謂體膚之膚豈止切近而已

六五貫魚以宮人寵无不利象曰以宮人寵终无尤也

貫魚則以次及而无競進之意以宮人寵則率羣陰均承上九之寵而无剝陽之意所謂順而

易筌

卷二

三十

止也以在艮體故能爾

三力小僅能以身應上不免失其上下五尊位其力大乃能率羣陰以聽于陽此无咎與无不利所以分也

上九碩果不食君子得輿小人剝廬象曰君子得輿民所載也小人剝廬終不可用也

衆木搖落一果獨畱食之則斷絕其種故不曰未食而特曰不食輿者在下而載上之物衆小人順一君子之象也廬者在上面覆下之物一

君子庇衆小人之象也君子得輿則與小人俱存小人剝廬則上无蓋庇小人亦无以自容矣召平董公四皓魯兩生之流士不以秦而賤也伏生浮丘伯之徒經不以秦而亡也萬石君之家俗不以秦而變也陽非陰之所能盡剝故曰碩果不食

玩辭剝不假言凶惟初患未深二居中正尚可救正无能正之者夫然後凶蓋猶有責望之意焉至三世事已去上无援下无救德位俱无坐

易筌

卷二

三十

而待斃自取之也尚誰咎哉四復言凶者凶之成也五君也禍已及身猶爲之謀其利者天下之亂惟君爲能止之雖壞可興也小人所以能爲禍者以其乘君子之器而已使君子自治國事居公卿之位小人皆以鱗次掌官府之役如男治外女治內雖王后三夫人九嬪二十七世婦八十一御妻森然並列受寵于內亦何不利之有无不利猶言无害非无往不利也天不能无小人人不能无女子但處置得宜可以无禍

上九當剝之終吉凶未定天若佑晉則爲謝安之止桓溫而天下皆得所載天不佑漢則爲王允之死于催汜而小人亦相隨而亡斯二者天也此爻獨不言吉凶聖人之意深矣

復三三三

震下坤上

復亨出入无疾朋來无咎反復其道七日來復利有攸往

彖曰復亨剛反動而以順行是以出入无疾朋來无咎反復其道七日來復天行也利有攸往剛長

易筌

卷二

三十三

也復其見天地之心乎

无疾卽臨卦剛浸而長之浸言陽生有漸而不遽也朋來者一陽生則諸陽以漸而生陽與陽爲朋陰豈其類耶

七日來復舊說有三一謂卦氣起中孚六日七分之後爲復一謂過坤六位至復爲七日一謂自五月姤一陰生至十一月一陽生本義取自姤至復之說

李子思云復剛長以日云者幸其至之速臨陽

消以月云者幸其消之遲

復其見天地之心乃孔子獨發妙義與至日閉關同旨蓋文王以一陽來復取義孔子旣以天行剛長釋之矣至雷在地中動極復靜寂然至无乃其本體故他卦言天地之情此獨曰天地之心其意明甚輔嗣解獨得之曰復者反本之謂也天地以本爲心者也凡動息則靜靜非對動者也語息則默默非對語者也然則天地雖大富有萬物雷動風行運化萬變寂然至无是

易筌

卷二

三十三

其本矣故動息地中乃天地之心見也若其以有爲心則異類未獲具存矣

晁公武曰自剝至復入也自復至夬出也臨泰復之朋也爲內卦曰來反復與剝相反剝卦倒而成復故曰反復其道剝之初升爲上上降爲初一與六爻則其數七故曰七日來復兩句皆以剝言之不必泛指他卦也剝曰不利有攸往小人長也復曰利有攸往剛長也剝曰君子尚消息盈虛天行也復曰反復其道七日來復天

行也二卦對言道之興廢皆是天命然易之意凡以爲君子謀耳

象曰雷在地中復先王以至日閉關商旅不行后不省方

冬至陰之復也夏至陽之復也故爲復則至於寂然大靜先王則天地而行者也動復則靜行復則止事復則无事也

初九不遠復无祗悔元吉象曰不遠之復以修身也

易筌

卷二

王四

楊敬仲曰意起爲過不繼爲復不繼者不再起也是謂不遠復復於意不起之始也意起卽覺覺卽泯然无際如氣消空不可致詰人心自善自神自明應酬交錯如鑑中萬象鑑不動而萬象森然意微起焉卽過矣微過卽覺覺卽泯然无際如初是謂不遠復復必起于悔然有悔而不復者矣能不遠而復无但悔而已斯元吉之道也祗如坎祗旣平之祗猶言但也

六二休復吉象曰休復之吉以下仁也

休讀如休休有容之休凡陰多忌陽六二柔順中正見一陽之復其心休休焉樂與之比吉道也仁指陽不遠復合下卽是仁體顏子當之曾子親炙其虛而不校之學亦進於仁休復下仁者也文中子曰學莫便乎近其人

六三頻復厲无咎象曰頻復之厲義无咎也

三處震極將離內卦矣故有厲象而猶未離乎內與初同體故有復象上下兩界之際頻失頻

易筌

卷二

三十五

復所謂日月至焉者

六四中行獨復象曰中行獨復以從道也

六四以在五陰中爲中行而下應初九故爲行言其行于中道而獨復也蓋在羣陰之中憬然獨覺不從外得故曰從道用修云金谷二十四友有劉琨八關十六子有劉栖楚其中行獨復者乎余謂二子未可言從道然亦能不困於鈞黨者矣

泰二夬五曰中行二五上下之中也益三四曰

中行三四一卦之中也此曰中行六四在五陰之中也易之无典要如此

六五敦復无悔象曰敦復无悔中以自考也

初爲復之主爻四與之應五去初遠又非其應其下而從之也亦附於四而已敦者附益而加厚之意與敦臨意同

上六迷復凶有災眚用行師終有大敗以其國若凶至于十年不克征象曰迷復之凶反君道也

虞翻曰坤冥爲迷陰柔而居坤體之上所謂先

易筌

卷二

三六

迷也故爲迷復非迷而不復以其求復而失其主本逾求而逾遠耳然曰十年終有可復之日不然陽道在天地間當遂滅息矣豈理也哉習學記剝者漸剝復者頓復也卦之反此爲彼无不然者而莫盛於復方其衆陰類進幾於无陽窮秋大冬摧折皆盡而孰知其復哉世謂復特陽之萌芽此尤爲不知復者使其果待於萌芽而漸長則何名於復故曰出入无疾朋來无咎反復其道七日來復又曰剛反動而以順行

又曰先王以至日閉關商旅不行后不省方皆以明乎陽之頓復非萌芽而漸長所能當也本諸人心其爲不善以消其善如剝之消陽者曰漸可也及其一念捷疾克已復禮亦猶陽之頓復也然則漸而迷者人之過也頓而復者人之心也故剝者天地之過也復者天地之心也嗚呼獨陽无陰豈獨聖人以義理尊之哉乃天地之正性也此與舊解異

无妄三三

震

易筌

卷二

三七

无妄元亨利貞其匪正有眚不利有攸往象曰无妄剛自外來而爲主於內動而健剛中而應大亨以正天之命也其匪正有眚不利有攸往无妄之往何之矣天命不祐行矣哉

有所望皆是妄无妄猶言无妄想也不期然而然故曰无妄之災无妄之疾如云无心中得之史記作无望可證

无妄元亨利貞言无妄无不正也其不正者如人之有眚揠目生花原非實事若因有所動是

无妄之中自生妄也故曰无妄之往何之矣說文目病生翳曰青卽空華之喻

卦辭重正字九居初六居二正也六三不正故有災九四可正故免於咎九五得中故疾而有喜卦辭其匪正有眚則上九當之

象曰天下雷行物與无妄先王以茂對時育萬物天下雷行物與斷句

與猶言應也張清子注天雷而物應先王對時而育物皆无妄也又胡旦演聖通論物物相與

易叢

卷二

三十八

以應雷行

初九无妄往吉象曰无妄之往得志也

初九剛主於内上應九四兩剛不相繫直心而往此心之本體故曰得志

六二不耕穫不菑畲則利有攸往象曰不耕穫未富也

治田春日耕秋曰穫一歲曰菑三歲曰畲无妄卦中獨不取應爲其有所繫也二之利有攸往往與五應五之有喜喜與二應本皆中正而聖

人慮其有所繫着故曰不耕穫不菑畲則利有攸往言无所營爲則飄然一身无適不可不然方戀戀於田疇積倉之不暇何往之能利所以深絕其妄種也陰虛不富聖人不欲其本虛而實之故曰未富

六三无妄之災或繫之牛行人之得邑人之災象曰行人得牛邑人災也

或假設之辭凡易象多如此或繫之或得之皆无與於邑人而災不免焉謂之无妄之災六三

易叢

卷二

三十九

處不中正以无妄致災以其有所繫也繫雖正而亦妄得非真得失則自失矣

九四可貞无咎象曰可貞无咎固有之也

九四陽德陰位本非正也以乾體乘二陰之上而于震初无所繫不至匪正故有可貞之象可貞亦未必貞也貞則免于咎矣此卽坤六三可貞之義曰固有之所謂食舊德也

九五无妄之疾勿藥有喜象曰无妄之藥不可試也

九五之疾以與二應也然五以中正居尊二亦以中正應之應而无害于應如太虛雲影自去自來豈足病哉若以此爲疾而攻治之是自生妄也淨名云彼自无瘡勿傷之也正此意慈湖先生不起意之說絕與此卦大旨相合上九无妄行有眚无攸利象曰无妄之行窮之災也

彖言匪正有眚而爻以屬之上九蓋上九乾之窮匪乾之正乃天道極而必變之時

易筌

卷二

四十

无妄之善有三剛也當位也无應也初九三者皆全最善矣九五九四有其二九五剛而中正九四剛而无應是其次也六二上九有其一六二中正上九剛實又其次也六三於三者咸无之而亦得爲无妄者下比中正之六二上比剛而无私之九四如人上有嚴師下有良友雖中材可進於善也

大畜三三

艮上乾下

大畜利貞不家食吉利涉大川

象曰大畜剛健篤實輝光日新其德剛上而尚賢能止健大正也不家食吉養賢也利涉大川應乎天也

釋光日新斷句

畜以貞靜爲主艮陽在上乾之三陽上進賴此畜養之故曰利貞既得賢而養不必家至而人食之天下自蒙其福故有不家食之象賢必能濟險又有利涉大川之象

六爻俱取畜止之義彖傳象傳以蘊畜爲義又是一說大畜者將以用之也其曰尚賢養賢所

易筌

卷二

四十一

以畜之也乾剛之君子其氣岸峻絕翱翔千仞豈遽得縻而用之惟有尚之養之而已此畜之善道也

震之一剛居內而消陰則信矣艮之二柔居外則曷爲其畜陽也夫畜陽者陰也所以畜陽者非陰也艮之一陽也與二陽而柔故爲小畜艮一陽而剛故爲大畜

他卦取陰陽相應此取相畜內卦受畜者也外卦能畜者也獨三與上居內外卦之極畜極而

通不取止義

象曰天在山中大畜君子以多識前言往行以畜其德

畜之大者惟大正爲可中正同出而中在兩端適等混而未判之先是謂大正不涉對代故可以含萬有可以止至健多識者若无見于此而徒爲誦說之儒既不見所畜則亦不知以是而畜其德迨年齒長而聰明衰舊聞消殞憊然與俗流无異亦可哀已所務得者外學所虧損者

易筌

卷二

四十二

真理真理虧則外學豈能獨存其所得者亦古人之糟魄而已不足貴也

初九有厲利已象曰有厲利已不犯災也

他卦相應則相援大畜以止健爲義則應乃其敵蓋健者欲進而止者不欲其進也故進則厲已而不進則利需曰不犯難謂坎水之險此曰不犯災謂艮山之阻

九二輿說輿象曰輿說輿中无尤也

初爲輿二爲輿輿處輿之下輿脫則輿不行以

象二與初同體同德初止而二亦止也環溪曰輿脫輿一耳在小畜之三不免反目在大畜之二則曰无尤以其中也

九三良馬逐利艱貞曰閑輿衛利有攸往象曰利有攸往上合志也

曰作目

三居下卦之上有止極而通之象九三得位而初二從之三陽上進爲良馬逐久止驟行易于恣肆故以艱貞戒之輿指二衛指初九三與二陽同心日討國人軍實而爲行計也如是則不

易筌

卷二

四十三

失其馳安行軌道利往也夫考工記周人上輿車有六等之數戈也殳也戟也矛也軫也皆衛名

六四童牛之牯元吉象曰六四元吉有喜也

六五豮豕之牙吉象曰六五之吉有慶也

大畜之畜陽者四五二爻而上九其助之者也外无陽爻則坤順而不能畜内无陰爻則同類而不相畜牯牛馬圈也所以防牛馬之逸者書曰牯牛馬是也爾雅豕子豬豮豮者豬子也

牙者畜豮豕之枚海岱之間以枚繫豕謂之牙
今牙門之牙亦指門前橫木而言古謂之行馬
所以止行人也童牛豮豕是的對皆言其小也
四五皆陰故象之皆艮體故有牯牙之象三陽
馬也方其馳驟時有牛牯豕牙當其前自止而
不進

上九何天之衢亨象曰何大之衢道大行也

何音賀古荷字卽前何校滅耳之何魯靈光殿
賦引此直作荷天衢以元亨可證莊子背負青

易筌

卷二

四十四

天而莫之天闕亦此意也牯之牙之皆止而不
進之意至上畜極而通恣其進而大用之更得
以翱翔天路而不爲羈勒之所制蓋前之畜之
者非故抑之也養其銳而徐用之也成就人才
之術也此之不畜者非故縱之也君子之才德
已就與衛已閑可无虞於罟罟也廣開賢路之
道也

王伯厚曰大畜爲學貴爲文能止健而後可以
爲學文明以止而後可以爲文止者篤實而已

不以篤實爲本則學不足以成德文不足以明
理

頤三三震

趙汝棋曰卦外實而中虛頤象頤中有物貴於
動而後合今頤本虛而下猶動故動之體凶止
之體吉初之凶失在觀二之凶失在行三正乎
凶以動極也四麗乎正五居正上厲故皆吉
頤貞吉觀頤自求口實

彖曰頤貞吉養正則吉也觀頤觀其所養也自求

易筌

卷二

四十五

口實觀其自養也天地養萬物聖人養賢以及萬
民頤之時大矣哉

象曰山下有雷頤君子以慎言語節飲食

雷之聲爲言語山之養爲飲食

初九舍爾靈龜觀我朵頤凶象曰觀我朵頤亦不
足貴也

陽在上下者象離陰在上下者象坎離爲龜頤
與益象離故皆言龜也我指上九卦主而言朵
頤者頤朶朶然下垂貌初自下觀上正指四五

上三爻言之四與初應欲因四以求養於上四上同體故也初時淺位下不當養人之任爲靈知自養之龜使身雖下伏而顧仰觀乎上之朶頤蓋不无歆羨之意焉與上之餘潤而反失我之可貴賤亦甚矣不足貴言有貴于已者而自喪之也九陽德故曰貴龜有靈德伏匿而噤善潛而不志於養故簠簋皆爲龜形於上而大臣以貪墨廢者曰簠簋不飾云

六二頤頤拂經于丘頤征凶象曰六二征凶行失

易筌

卷二

四十六

類也

頤說文曰頤也謂上九卦由頤者丘指五言拂說文過擊也經猶歷也二與五應五无養人之德而位在焉二雖中正然震體妄動求頤於顛至拂經於五而不顧知由頤之爲利而不顧凌上之非義其求妄矣故征凶五與二皆陰均同類二歷五而養于上爲失類

六三拂頤貞凶十年勿用无攸利象曰十年勿用道大悖也

養正宜靜三居動極雖與上正應而舍五從上自處悖道故曰貞凶卦二奇四偶其數十言在頤之時不可用也无攸利言在頤之位无往而利也初九以陽居陽未全悖道六二以陰居陰不征則免於凶六三以陰居陽不中不正亟動於欲故曰道大悖

六四頤頤吉虎視眈眈其欲逐逐无咎象曰頤頤之吉上施光也

自養于內莫如龜求養于外莫如虎艮虎象初

易筌

卷二

四十七

觀朶頤正指四而言逐逐四率初以求養于上也如良馬逐亦指三陽言之一爻難以言逐顛頤等耳二凶而四吉者上爲養主施於同體四先被之于焉而有光故吉

三求食而得則曰悖道上施之而光則曰大有慶見頤不在自養而在養人矧不自養而求養于人卑卑不足論矣

六五拂頤居貞吉不可涉大川象曰居貞之吉順以從上也

居貞吉不可涉大川語一正一反如洪範用靜
吉用動凶之例六五操養人之權但以陰柔居
尊才不稱位二三躁動惟知上九之剛足以養
之也羣然趨之欲趨乎上必拂經乎五而後達
五能居正自守聽二三之從上而不動庶幾少
安吉道也若不平而起爭之不惟不得凶且至
焉如高貴鄉公是已大抵此卦與豫卦皆權不
在君強臣擅國之象

上九由頤厲吉利涉大川象曰由頤厲吉大有慶

易筌

卷二

四十八

也

上居亢極羣陰附之大君順而從之使其心微
有驕肆則君疑衆怨上下交謫必危厲自處乃
可得吉

此卦須認得上九爲主如豫之由豫此之由頤
是一例初雖陽剛然所處卑下豈能養人凡說
求養于初者皆謬也顛是顛頂正指上而言拂
如摩拂之拂如引袖拂天星階前樹拂雲皆此
意經過也歷也丘謂六五艮山之半爲丘如陶

辭崎嶇而經丘也二欲求養于上必拂摩經歷
于五而後得然終非正應故曰征凶六三拂頤
亦如此看六五之拂經則言五爲二三所拂所
經也

黃成孫曰易上艮下震曰頤艮止而靜故艮之
三皆吉震躁而動故震之三皆凶非夫艮吉而
震凶也凡頤之道吉于靜而凶于動也今夫外
徇者內喪故頤之剝曰舍爾靈龜觀我朵頤逐
夫末者其本必顛故其損曰拂經于丘頤以其

易筌

卷二

四十九

所以養害其所養則弗能爲也故其賁曰拂頤
十年勿用此震體也皆動而凶者也瞋而坐者
見乎四海馳而視之不睹乎車之下則靜者常
察也故其噬嗑曰虎視眈眈其欲逐逐當其不
可爲而不爲則其不爲之也功故益曰拂經居
貞吉不可涉大川動者病矣然靜而不能動則
靜者常死夫惟天下之至靜爲能動故其復曰
由頤厲吉利涉大川此艮體也皆靜而吉者也
今夫天地也萬物也上動而下止者也物之下

動而上止者惟頤焉爾是其所以為頤者震也
震不自動繫於艮而後動焉艮不止之於其上
則震雖動不能也則其所以為頤者艮也非震
也故動不自動其靜者動靜不自靜其止者靜
夫能止其所止則頤之道盡矣

大過三三兌

大過棟撓利有攸往亨

彖曰大過大者過也棟撓本末弱也剛過而中巽
而說行利有攸往乃亨大過之時大矣哉

易筌

卷二

五十二

學齋云大過本末弱也本末二字皆從木以一
陽畫藏於木之下而根株回暖故為本以一陽
畫散于木之上而枝葉向榮故為末大過巽下
兌上四陽畫積于中二陰畫處初上猶之木焉
上缺下短本末弱也

棟撓矣而利有攸往蓋既撓必修治不往安得
亨故曰利有攸往乃亨歐陽永叔曰大過者撓
敗之世可以大有為矣當物極則反易為之力
之時是以往而必亨也然有不以為利而不為

者矣居是時也往者利而亨遯者獨立而无悶
象曰澤滅木大過君子以獨立不懼遯世无悶
初六藉用白茅无咎象曰藉用白茅柔在下也
九二枯楊生稊老夫得其女妻无不利象曰老夫
女妻過以相與也

木在水中必毀惟楊可生故取枯楊之象二近
初六五近上六又木在水邊之象九二比初六
主二而言為老夫得女妻二高于初故二為老
而初為女上高于五故上為老而五為士各就

易筌

卷二

五十二

所比之爻自為老少

稊陸德明曰秀也夏小正正月柳稊注曰發乎
也秀如苗而不秀之秀禾成穗曰秀柳亦有穗
唐詩所謂柳線也乎如中乎之乎毛未出卵殼
曰乎牡丹芍藥其花蓓蕾皆如鳥卵形柳初發
苞亦如鳥卵形而小故曰發乎本義云根非是
柳之發榮在未不在根唐詩解凍風來末上青
其證也况初爻為本可象根二非根明矣
九二棟撓凶象曰棟撓之凶不可以有輔也

三四二爻在一卦之中故皆取棟象雜卦云大過顛也大厦之顛非一木所支三以剛居剛過剛則折故以棟撓屬之下卦上實而下弱下弱則傾故三曰棟撓上卦上弱而下實下實則可載故四曰棟隆

九四棟隆吉有它吝象曰棟隆之吉不撓乎下也九三有應在上而曰不可有輔九四有應在下而曰不撓乎下凡卦皆上下相應惟大過以所比爲親初與二比而爲老夫女妻五與上比而爲老婦士夫皆過以和與則三與四亦當相與乃合大過之義今二爻皆剛无相與之情故三謂之无輔輔以比言指四也四謂之不撓乎下下者二也子夏傳非應稱他三與四比三撓亦爲四羞故曰有他吝與比有他吉同九五枯楊生華老婦得其士夫无咎无與象曰枯楊生華何可久也老婦士夫亦可醜也

上六居陰之窮爲老婦陽下陰上雖配合之常可以无咎但生稊則生意猶續生華則生意盡

易筌

卷二

五十三

矣何譽之有

玩辭二五皆无正應而過以與陰者也二所與者初初本也又與之主爻爲木爲長爲高木已過而復芽又長且高故有往亨之理五所與者上上末也又兌之主爻爲剛鹵爲毀折爲附決皆非木之所宜木已過而生華又毀且決理无久生已

上六過涉滅頂凶无咎象曰過涉之凶不可咎也大過二陰事陽過恭吳幼清曰初茅居下得所

易筌

卷二

五十三

故仰承者謹而又謹上柔居高不安故下行者卑而又卑如行過涉水愈趨於下而沒其頂也敬仲曰見危授命而功不濟亦有議其非者聖人曰无咎又曰不可咎也過涉滅頂而又咎之則鄉原之道行而見利忘義者得志矣

漢趙溫曰於易一爲過再爲涉三而弗改滅其頂凶其說又異

陽非難也而難於遇陰今夫五陽在下爲夫有決裂乎號之厲以其志在勝陰也在初爲姤有

女壯勿取之戒以其志在畏陰也若夫四陽居
內上不能乘下不能消自以爲盛矣然處偏重
之勢本末皆弱徒自固于中而不知其撓折乎
外也故陽爲陰郭者養而陰不足以郭陽也則
失其所以養而滅此澤所以滅木而二與五所
以皆爲枯楊也君子知陰之乘已陽之无用獨
立不懼遯世无悶不以剛爲過而非過于剛者
不能然後知大過之象矣

坎三三坎

易筌

卷二

五十四

習坎有孚維心亨行有尚

八純卦獨坎加一習字何也郭京舉正謂習坎
上脫一坎字是也卦以二字名者如大畜无妄
中孚歸妹序卦雜卦皆悉舉之未嘗言習坎也
其脫誤無疑蕭漢中謂坎體一陽居中爲最正
故獨曰習坎其言鑿矣

彖曰習坎重險也水流而不盈行險而不失其信
維心亨乃以剛中也行有尚往有功也天險不可
升也地險山川丘陵也王公設險以守其國險之

時用大矣哉

坎以陽陷陰中而名內外二卦俱陷故曰習坎
陽實曰有孚陽明在中心之象處坎中不亨矣
維心則亨不爲所陷也行而上往則能出險止
而不行則終于坎矣坎以能出爲功也

象曰水洊至習坎君子以常德行習教事

歐陽永叔曰坎因重險之象以戒人之慎習也
習高山者可以追猿猱習深淵者至能泅泳出
沒以爲樂夫險可習則天下之事无不可爲也

易筌

卷二

五十五

是以聖人於此戒人之習惡而不自知誘人於
習善而不倦故曰君子以常德行習教事也
初六習坎入于坎窞凶象曰習坎入坎失道凶也
窞說文坎中小坎也初處重險之下陰柔无以
自拔故曰凶失道凶者猶言得道則猶可免蓋
處坎之時往則有功不能往而入于坎中已失
其道難以盡委于時也

九二坎有險求小得象曰求小得未出中也
其求出險也以剛中僅可以小濟不至如初之

陷于深險而已未能出于險中也

六三來之坎坎險且枕入于坎窞勿用象曰來之坎坎終无功也

來之坎坎言上下皆坎坎而又坎故言坎坎所謂進退維谷也與伐檀語不同險鄭康成本作檢今誤作險檢如桎梏之謂三欲進而四則檢而不可前欲就乎二則枕而不獲安又下之而初則亦入于坎窞而已言无一而可也坎窞是最下處三已在上豈可復言坎窞正指初而言

易筌

卷二

五十六

六四樽酒簋二用缶納約自牖終无咎象曰樽酒簋二剛柔際也

簋二斷句

子瞻曰樽酒簋二用缶薄禮也納約自牖簡陋之至也夫同利者不交而歡同患者不約而信一四非五无與為主五非四无與為蔽餽之以薄禮行之以簡陋而終不相咎者四與五之際也象旨四偶畫虛而通明有牖象四五相締不由戶而出牖非正應也六子本卦重者爻不相應義取近比而已坎四柔近比五剛故曰剛柔際

九五坎不盈祗既平无咎象曰坎不盈中未大也

祗如亦祗以異之祗適也言適于平而已即象傳所謂水流而不盈也莊子平者水停之盛也又曰水靜則明燭須眉平中準

子瞻曰九五可謂大矣在坎而不敢自大故不盈也不盈所以納四也夫盈者人去之不盈者人輸之故不盈適所以使之既平也象傳中釋坎未大釋不盈言九五剛中處險之用耳

上六繫用徽纆寘于叢棘三歲不得凶象曰上六

易筌

卷二

五十七

失道凶三歲也

上爻已在險外然柔暗而居險極在上而乘五剛乃自投於罟獲陷穽之中而莫之知避者象旨坎上變巽為繩三股曰徽兩股曰纆上不附五故繫用徽纆也坎為叢棘言叢棘則在地棘之下三歲者取義卦之三畫上六陰居險極所恃險而已險窮則亡故三歲不得九家易曰害人者加明刑任之以事能復者上罪三年而

舍三歲不得則司園所謂不能改而出園土者殺矣故凶

此卦二陽爻皆剛中然二不如五者五中且正又將出險也三與初上皆不中不正不能出險三獨不言凶而曰勿用者蓋初上皆无位三居下卦之上少有才力欲求出險終无成功故曰勿用初上象云失道此爻止言无功亦可知矣

離三三離

離利貞亨畜牝牛吉

易筌

卷二

五十八

彖曰離麗也日月麗乎天百穀草木麗乎土重明以麗乎正乃化成天下柔麗乎中正故亨是以畜牝牛吉也

牛順獸牝牛順而又順者也兩陰皆中爲牝牛四陽樊之爲畜牝牛當離之世必天下心悅誠服帖然柔順然後爲化成故曰畜牝牛吉九四突如其來與上六匪其醜正與牝牛相反蓋強梗弗友不附麗於文明之化者也一則焚滅之一則征而獲之張皇六師固盛世所不廢也

火麗而焚日月星辰麗而明其不麗者殞墜薄

蝕矣人見其明而不知其麗也百穀草木種之則生樞之則成人見其生而不知其麗也大人象之重明麗乎正以化成天下人之目能視耳能聽手能持足能履趨利避害了然於中所謂明也其爲君也紀綱號令生殺予奪曉然於外亦所謂明也雖然明有形也正无形也人君未有不利用其明者其卒至於蔽蒙昏塞而不足以明何也知其明而不知其明之所麗也聖人以天地爲日月百穀草木之麗而以正爲明之麗此微言篤論也知其正而後重明麗焉於是照乎四方堯舜禹湯之道也

易筌

卷二

五十九

象曰明兩作離大人以繼明照于四方

繼明只作緝熙解妙不必以繼體之君言

初九履錯然敬之无咎象曰履錯之敬以辟咎也履未動時未有參錯一舉足之初便參差不齊故曰履錯然初居離始未有所麗一昧所從其咎大矣惟於將進之始知所敬慎庶幾可免初

承二而應四二可麗也四不可麗也敬之不過
決擇於此二者而已

六二黃離元吉象曰黃離元吉得中道也

敬仲曰黃中也離麗也麗乎中道故曰黃離

九三日昃之離不鼓缶而歌則大耋之嗟凶象曰
日昃之離何可久也

蔡伯靜云鼓缶而歌當衰而樂也大耋之嗟當
衰而哀也盛衰之道天之常也君子之心順其
常而已不樂則哀皆動心而失其常者故凶

易筌

卷二

六十一

莊生曰死生存亡窮達貧富日夜相代乎前而
知不能規乎其始者也故不足以滑和不可入
于靈臺使之和豫通而不失于兌使日夜无隙
而與物爲春非明者不能若昧者悅生惡死之
心勝當其日暮不曰今我不樂日月其逝而爲
鼓缶之歌則歎老嗟貧朝不保夕而爲大耋之
嗟此其憂樂不同昧于適來適去之道則一也
蓋人本无憂樂一役于形非憂即樂非樂即憂
昧昧焉不知所適亦可悲已所謂老將至而耋

及之何可久也

缶古之土音史記相如請秦王擊缶是也淮南
子君子有酒小人鼓缶是亦一證不可以李斯
之言直以爲秦聲也又風俗通云缶者瓦器所
以節歌

九四突如其來如焚如死如棄如象曰突如其來
如无所容也

均爲離之初初以敬慎免咎四以剛燥取棄何
也初乃火之始其勢未盛能以其明而避咎四

易筌

卷二

六十二

則兩離相繼勢焰如焚不可嚮邇故有突如其來
如之象至取次取棄而不能自己此不得火之
明而得火之烈者也亦異于牝牛之吉矣
六五出涕沱若戚嗟若吉象曰六五之吉離王公
也

出涕戚嗟以離明之主洞燭民隱惻然有恫瘝
乃身之意不必以諒闇之禮言觀象曰離王公
也正言麗王公之位自當憂王公之憂不容視
民瘼如不相干耳解者謂迫于上下二陽而憂

懼亦非也二陽乃五之所麗以爲明者何迫之嫌耶

五爲繼明之大人如舜以重華在帝位乃文明之盛際也然近而有四凶互相鼓煽所謂突如其來者也舜則流放竄殛之俾无所容而後已遠而三苗負固不服所謂非我族類者也舜則命禹征之俾分北而去如此則一无梗化之人而順治乃成所謂畜牝牛吉也

上九王用出征有嘉折首獲匪其醜无咎象曰王

易筌

卷二

六十二

用出征以正邦也

首者上窮之象離折其首則變而爲豐宜照天下所以爲可嘉

易筌卷二終

易筌卷三

咸三三兌

咸卦六爻皆應所以爲咸然諸爻不俟正應而取於近比故雜卦云咸速也

卦以感爲義又以靜爲善

咸亨利貞取女吉

彖曰咸感也柔上而剛下二氣感應以相與止而說男下女是以亨利貞取女吉也天地感而萬物化生聖人感人心而天下和平觀其所感而天地

易筌

卷三

一

萬物之情可見矣

柔上剛下以兌柔艮剛言荀子云以高下下以男下女是也咸雖訓感而有皆意男女交相感故亨

動而悅則爲隨隨以善隨友道也善無常師故動止而悅則爲咸咸以情感婦道也終身不改故止

象曰山上有澤咸君子以虛受人

人心寂而能感者虛故也以私實之則先人者

為主而感應之機窒雖有至者皆捍之而不受矣故山受澤山之虛心受人君子之虛

初六咸其拇象曰咸其拇志在外也

艮爲少男兌爲少女男女相感之情莫如年之少者故象曰拇曰腓曰股曰憧憧曰腓曰輔頰舌四體百骸從拇而上自舌而下無不感者蓋艮止則感之專兌悅則應之至此以男女之至情而立象也蔡中郎協和昏賦乾坤和其剛柔艮兌感其股腓最爲得之

易筌

卷三

二

初六體艮艮爲指在下體之下而動則爲拇故曰咸其拇外指所應之九四而言

六二咸其腓凶居吉象曰雖凶居吉順不害也

腓說文脛臑也下體股足之間二象也艮爲止

體居則吉往則凶

九三咸其股執其隨往吝象曰咸其股亦不處也志在隨人所執下也

三居二上猶股居腓上隨謂二隨三猶腓隨股也艮六二言腓兼言隨皆指本爻咸九三言隨

則指六二蓋腓隨股者也初應四二應五皆以柔應剛尚欲其止而不動九三陽剛爲艮主爻當以靜自持若往而從上失艮止之體又失爲主之道難免於吝矣

初應四五比上二三亦取其比庶與象傳所執下也志未也相合二得位居中然往而應五未免失艮止之體故凶居而承比于三乃爲順而不害三剛而得位本欲感上以居艮極止而不前二隨于已志在所隨故執其隨下比二也若

易筌

卷三

三

遂感上則非止體故曰往吝

九四貞吉悔亡憧憧往來朋從爾思象曰貞吉悔亡未感害也憧憧往來未光大也

六爻之中四爲心位此獨不言咸其心蓋不獨心無其心抑亦感而無感虛之至也王純甫曰莊子聽止於耳心止於符氣也者虛而待物者也惟道集虛心齋者虛也其曰心止於符符者合也卽朋從爾思之意其曰心齋卽貞吉悔亡虛以受人之意卦以二體感應爲義四正居二

體交感之位就人身取象乃心也故為感應之主而爻因極言感通之妙貞即卦辭利貞之貞止而說虛以受人之意皆在其中心之本體原來如是能如是斯盡感應之正道故不但吉且悔亡而憧憧往來之朋亦相率而從爾矣朋指四之上下二陽而言蓋陽感陰者也然三應上而又比二五應二而又比上未免往來憧憧然用其私心相感悅不盡感通之道象所謂未光大也遇四之貞惘然自失故相率而從之矣思

易筌

卷三

四

即思不出位之思

凡物感而不以正則害貞則感且無之何有於害所謂生滅滅已寂滅為樂也若三應上而又比二五應二而又比上憧憧往來所謂攀緣心也以彼未能忘懷息照任夫自然乃至此惟相從於同歸一致之源所謂反一無跡而真光大者從此出矣九四不惟不取象於心也上下五爻皆有咸字四獨不言咸而直言貞蓋至此并感亦棄之矣艮之六爻近取諸身獨上九不然

并一艮字亦不言及與此正同聖經之妙於文如此

九五咸其脢无悔象曰咸其脢志末也

李鼎祚解末謂上也四感於初三隨於二五比於上咸其脢志末者志感於上也他卦本末皆以初上爻言可見

脢與頰舌最為比近脢不能言必賴口以宣之故曰志末陸佃云脢在口下心上即喉中之梅核今謂之三思臺者是也旁注云脢居喉中動

易筌

卷三

五

而迎飲食以嚙有他思則噎

上六咸其輔頰舌象曰咸其輔頰舌滕口說也咸上艮五皆以輔為象聖人恐其無別也咸曰頰舌見其動也艮曰言有序見其靜也滕古作騰即傳播之義事自有當用口說之時訓誥誓命皆是所謂播告之脩也但專恃口說則不可耳故爻中不言吉凶

恒三三震

恒亨无咎利貞利有攸往

彖曰恒久也剛上而柔下雷風相與巽而動剛柔相應恒恒亨无咎利貞久于其道也天地之道恒久而不已也利有攸往終則有始也日月得天而能久照四時變化而能久成聖人久于其道而天下化成觀其所恒而天地萬物之情可見矣

咸取少男少女結婚之義故男下于女彖曰取女恒取長男長女居室之義故婦承乎夫彖曰利貞

剛上柔下其分正也風雷相與其情通也巽而

易筌

卷三

六

動剛柔相應循理而行內外應之其事順也有是三者乃爲可久之道

人知日月久照四時久成聖人久道不知其所以久照久成久道處觀其所恒一所字當玩

象曰雷風恒君子以立不易方

雷風相與雷動則風發未嘗相離故曰恒若言交助其勢則爲益矣巽而動不可作順動順動則爲豫矣非恒也巽入而在內震出而在外各居其所謂立不易方

初六浚恒貞凶无攸利象曰浚恒之凶始求深也初與四俱有非所恒而恒之意恒不于其道者也恒不于道而復固執之安得不凶浚如浚井之浚深入之義世有一等人遇事即以深刻求之且執而自是牢不可破世亦或有稱之者然往往無後則刻深之禍大矣以彼自傷其生機而天亦不生之也其凶可知

九二悔亡象曰九二悔亡能久中也

九二剛而不正當有悔以其中也故悔亡程可

易筌

卷三

七

久曰大壯九二解初六及九二爻皆不著其所以然蓋以爻明之也

九三不恒其德或承之羞貞吝象曰不恒其德無所容也

陰性刻深故初取巽之入陽性剛決故三取巽之躁三以剛而當兩剛之間既不能安處于巽又不能仰承乎震進退皆無所容故吝

九四田无禽象曰久非其位安得禽也

田者震動馳騁之事九四視初上亢而下沈何

以獲禽師六五曰有禽五柔中而所應者剛剛
實故曰有禽恒四剛居不中而所應者柔柔虛
故曰无禽非其位者田獵非可久之事伊訓所
謂恒於遊畋也

六五恒其德貞婦人吉夫子凶象曰婦人貞吉從
一而終也夫子制義從婦凶也

二五皆久于中者也二悔亡而五凶何也居下
當固守而居上當專制始當堅守而極當變通
位與時自不同也易于恒而發此義以見久于

易筌

卷三

八

其道乃爲恒非執一不通之謂猶中庸本言常
道必時中而後爲君子

上六振恒凶象曰振恒在上大无功也

王註夫靜爲躁君安爲動主故安者上之所處
也靜者可久之道也處卦之上居動之極以此
爲恒無施而得

振振作之意明作與安靜相需爲用一意振作
以爲常雖以求明作之功而騷擾太甚反至無
補故曰大无功也深入者刻振作者擾擾止無

功刻必有禍况在始而求深在上而好動乎象
加始字上字甚明

王純甫云恒以剛柔相應得成卦之義而應有
善否則於爻見之初四正應也然初巽善入四
震善動彼始入而求深此好動而上進故初浚
恒而四无禽乃夫妻之不相得者也二五正應
也然二剛而五柔剛中可以濟夫柔中止於從
婦故二悔亡而五夫子凶乃夫妻之易其道者
也三上正應也然三以剛居剛爲悍戾之婦上

易筌

卷三

九

以柔居剛而又震極爲躁動之夫故三羞而上
凶乃夫妻之反目者也卦體本善而爻顧如此
皆變之所爲也

遯三三

艮

遯亨小利貞

彖曰遯亨遯而亨也剛當位而應與時行也小利
貞浸而長也遯之時義大矣哉

象曰天下有山遯君子以遠小人惡而嚴

一陰在內古人已畏之故其象爲柔遇剛况二

陰乎故其象爲剛遯柔當是之時非遯不亨何者是時陰猶未盛五位而二應方能從容引退見幾而作君子所以與時行也使其遲疑繫吝猶冀萬一則君臣義定坐受消殞雖欲全身而退尚可待哉故九四好遯九五嘉遯皆不顧其嫌而遠去之故曰君子以遠小人謂君子遇小人常當體遯之義也且君子之於小人也豈欲近而與之鬪哉惟欲遠而與之遯爾辭令之交卑而不親笑貌之接順而不同權勢之爭遜而不利言論之辨和而不黨所謂不惡而嚴也皆遯也

初六遯尾厲勿用有攸往象曰遯尾之厲不往何災也

初與二非遯者驅陽以遯者也往而迫陽聖人所惡故戒以勿往

六二執之用黃牛之革莫之勝說象曰執用黃牛固志也

執與係相應執如詩執之維之之執望其留賢

也剝卦陰剝陽矣而取宮人之寵以順上遯卦陰驅陽矣而取黃牛之革以留賢易之扶陽抑陰每如此

九三繫遯有疾厲畜臣妾吉象曰繫遯之厲有疾憊也畜臣妾吉不可大事也

九三爲二陰所拘繫而不得脫將爲陰柔所薄而元氣危矣但如人之畜臣妾柔而服之使二陰止于內而不往乃吉道也

陰陽不和爲疾臣妾指二陰爻傳曰男爲人臣

女爲人妾九三牽係而不能速遯以有疾則厲以畜臣妾則吉蓋疾以纏繫爲困臣妾以係戀爲恩也

九四好遯君子吉小人否象曰君子好遯小人否也

九五嘉遯貞吉象曰嘉遯貞吉以正志也

九四剛而不正遠小人以情九五剛而中正遠小人以禮此好遯嘉遯之別也二固五之志五則曰正其志不爲二之所留

上九肥遯无不利象曰肥遯无不利无所疑也

四之好不如五之嘉五之嘉不如上之肥上與二陰無繫無應故肥者疾憊之反也四陽中三繫於陰四五應乎陰皆不能不自疑至上則疑慮盡亡無不利矣

玩辭下三爻艮也艮主于止故為不往為固志為繫遯上三爻乾也乾主於行故為好遯為嘉遯為肥遯在下位而不往柳下惠也在內而能固其志者季札子臧也當遯而猶繫者大夫種

易筌

卷三

十三

也乘相好之時而遯者范蠡也以為嘉耦而猶遯者子房也在事物之外肥而無憂者四皓與兩生也

大壯三三

乾震

大壯利貞

象曰大壯大者壯也剛以動故壯大壯利貞大者正也正大而天地之情可見矣

柔不能壯剛則壯剛而不動亦無以見其壯故剛以止為大畜剛以動為大壯

六爻以不用其壯者為貞以用其壯者為匪貞故雜卦傳曰大壯則止也

象曰雷在天上大壯君子以非禮弗履

介夫曰造物以雷在天上為大壯君子以非禮

弗履為大壯橫渠先生曰克已復禮壯孰甚焉

初九壯于趾征凶有孚象曰壯于趾其孚窮也

初九在下而壯于進故凶以上無正應不若退

處于下猶有九二同德之孚也然此不得已而

然非其本心故曰其孚窮也

易筌

卷三

十三

四曰尚往初曰征凶不但以爻位之陰陽初本潛而勿用又在四陽之下去陰尚遠未審于事理而遽動故凶四逼近陰洞見陰之可去不用其壯則陰終不退故曰尚往

九二貞吉象曰九二貞吉以中也

二之能正非但以剛居柔謂其居下卦之中也

壯而得中所謂利貞爻言九二貞吉者三此言

以中解言得中道未濟言中以行正意實相類

但各叶韻耳

九三小人用壯君子用罔貞厲羝羊觸藩羸其角
象曰小人用壯君子罔也

罔卽古網字小人以血氣爲壯者也非大壯也
若君子不量時勢悻悻然必欲以一網盡之亦
與小人何異象傳又是一意言小人之壯由君
子无以調和馴伏之而逞于一擊故披猖至此
如陳蕃竇武之流至于兩敗而俱傷亦可悲矣
孔子曰小人用壯君子罔也責備君子之辭減
一用字增一也字意已躍然

易筌

卷三

十四

九四貞吉悔亡藩決不羸壯于大輿之輓象曰藩
決不羸尚往也

九四震動而又不正豈能無悔然爻剛位柔不
極其壯故戒之曰貞吉悔亡三以九四之剛在
前如藩籬之障而不能進故觸而受羸四以六
五之柔在前不拒其來如藩籬剖破而無俟于
觸故曰藩決不羸輓車下橫木坤爲大輿大輿
指五輓指四四在五下而承五如輓之輔輿也
輓壯則力足以承車壯于大輿之輓言陽之才

力視輓爲尤壯也他爻言壯而不言大九四爲
大壯成卦之主爻故以大言之

六五喪羊于易无悔象曰喪羊于易位不當也
易是平地視罔與藩正相反四陽上進而五以
柔中當之羊無所用其觸故曰喪羊于易旅卦
喪牛于易亦是平地與巢對言位不當也在
卦爲不宜在大壯若以陽居陽則凶禍立至故
九二九四皆曰貞吉蓋不以當位爲正而以剛
柔相濟爲正輔嗣云世未有違謙越禮能全其

易筌

卷三

十五

壯者也故陽爻皆以處陰位爲美用壯處謙壯
乃全也用壯處壯則觸藩矣

上六羝羊觸藩不能退不能遂无攸利艱則吉象
曰不能退不能遂不詳也艱則吉咎不長也

三四五互兌故取羊象上六之羊卽指三爻上
乃其藩也上六有應于三不能抑之而使退懼
剛之長又不能遂之而使進遲疑不決何所利
邪惟能艱難自處庶可免咎耳

子瞻曰羊九三也藩上六也自三言之三不應

觸其藩自上言之上不應羸其角二者皆不計其後而果於發者三之觸我我既已罔之矣方其前不得遂而退不得釋也豈獨羊之患雖我則何病如之且未有羊羸角而藩不壞者也故无攸利均之爲不利也則以知難而避之爲吉玩辭上居動極質陰暗而好動不能詳審者也

是以進退失據如此凡人處事以爲易則不詳知其難無不詳審者故曰艱則吉上居動極有不詳之象動極則止有克艱之象

易筌

卷三

十六

晉三三
離坤

卦以柔進得名故卦內柔爻多吉晉之道不利於剛也初極下二猶在地皆欲進而未能至三始出地上率衆柔與之俱進晉之爲晉六三當之五爲接柔之主四以剛居下以畏伏如鼠爲正上以剛居外不得不伐以正之六爻之情如此

晉康侯用錫馬蕃庶晝日三接

彖曰晉進也明出地上順而麗乎大明柔進而上

行是以康侯用錫馬蕃庶晝日三接也

康侯考工記曰母或若女不寧侯不厲於王所康侯卽寧侯也馬蕃庶互坎馬美脊也坤爲衆故蕃庶下與上曰錫與禹錫玄圭之錫同離日在上故晝日三陰在下故三接三接者覲禮廷升一也致亨升致命二也亨升上勞之升成拜三也

象曰明出地上晉君子以自昭明德

明爲君順爲臣君子之於此也不希其合不賴

易筌

卷三

十七

其榮而取以爲自昭明德之象強曰自強昭曰自昭知有所緣飾於形跡借資於耳目者非本體也

初六晉如摧如貞吉罔孚裕无咎象曰晉如摧如獨行正也裕无咎未受命也

初之罔孚者與二比而初二皆陰虛與四應四離火上炎不與下應且晉卦有進而無退故也然而吉且无咎者貞與裕也蓋弗獲於上惟守貞則吉不信乎朋友惟寬裕則无咎初方在下

未有官守言責乃如此故曰未受命

六二晉如愁如貞吉受茲介福于其王母象曰受茲介福以中正也

仕進之日無識者或志得意滿以取敗初二皆柔體初自抑而如摧二自斂而如愁故吉二如字乃其象如此非真有摧之愁之者也如注家所言幾於癡人說夢矣吳幼清曰六三之陰在二上猶母也九四之陽尊於三猶父六五之陰又尊於父猶王母

易筌

卷三

十八

六三衆允悔亡象曰衆允之志上行也

三進而在上晉道已成衆志皆信與罔孚者異矣此正柔進而上行麗乎大明者故曰志上行九四晉如鼫鼠貞厲象曰鼫鼠貞厲位不當也

鼫鼠卽詩所稱碩鼠也說文五技之說似于此无取四剛而在下以畏伏如鼠爲正言剛而行之以柔也漢書生男如虎猶恐其鼠亦剛柔之喻九四離體已出地上又以剛居柔下不阻三陰之進上不蔽六五之明其畏慎如鼫鼠然故

象傳止以位不當解之無貶辭也蓋下三爻皆偶畫不礙於進四以一陽橫亘於前聖人設爲之戒如此如注家者言是肘腋之地令貪冒竊位者據乎其間豈大明之世所宜有耶

六五悔亡失得勿恤往吉无不利象曰失得勿恤往有慶也

往指下三爻言六五爲離明之主諸爻皆進而上行以相附麗何悔之有四爻來麗爲得上在卦外爲失五大明中天無所不容無復屑屑然得失之恤仕進者往而從之吉無不利君臣相遇文明之化成慶之大也

上九晉其角維用伐邑厲吉无咎貞吝象曰維用伐邑道未光也

楊中立先生曰非日中之時剛上窮而不足以照天下道未光也故維用伐邑而已若夫道足以照天下無思不服矣尚何伐邑之有

明夷三三

離

明夷利艱貞

易筌

卷三

十九

彖曰明入地中明夷內文明而外柔順以蒙大難
文王以之利艱貞晦其明也內難而能正其志箕
子以之

大難關天下之難內難一家之難彖獨取文王
箕子者易洪範道統在焉用晦所以明道也象
數相爲經緯皆演於商之世

曾子固曰箕子諫不從至辱於囚奴夫任其難
者箕子之志也其諫而不從至辱於囚奴蓋盡
其志矣不如微子比干者所謂各以其所守自

易筌

卷三

二十

獻於先王不必同也當其辱於囚奴而就之乃
所謂明夷也然而不去非懷祿也不死非畏死
也辱於囚奴而就之非無耻也在我者固彼之
所不能易也故曰內難而能正其志

象曰明入地中明夷君子以蒞衆用晦而明

壯非可用也用壯則羸故乾之用九以無首明
非可用也用明則察故明夷以用晦而明

初九明夷于飛垂其翼君子于行三日不食有攸
往主人有言象曰君子于行義不食也

此爻如二老居海濱以待天下之清之事離有
飛鳥之象王注初處卦始最遠於難而明能遠
遜絕跡匿形不由軌路故曰明夷于飛懷懼而
行行不敢顯故曰垂其翼尚義而行故曰君子
于行志急于行饑不遑食故曰三日不食殊類
過甚以斯適人人必疑之故曰主人有言

六二明夷于左股用拯馬壯吉象曰六二之吉
順以則也

初爲足二居足上股也二互體坎坎主左方左

易筌

卷三

二十一

股之象也此爻文王自謂用拯馬壯如散宜生
以美女獻紂而得釋也

九三明夷于南狩得其大首不可疾貞象曰南狩
之志乃大得也

分明指武王之事大氏離明在下欲以拯闇初
二欲拯之而不得乃至於此說者謂繫易之時
何從豫知之鄙意此世運一大變作易者不知
何貴於易陳敬仲能卜九世之事况文王耶孔
子刪書而終秦誓亦知繼周者必爲秦故也

南狩者九三自離狩坤方其未狩猶爲明夷離
既升坤則離在坤上非南而何詩曰肆伐大商
會朝清明南狩之謂也

六四入于左腹獲明夷之心于出門庭象曰入于
左腹獲心意也

凡稱先左後右畫卦先下後上坤爲腹自離入
坤有入左腹之象呂仲木蔡介夫謂醫書心在
左腹恐未然此爻似指微子微子肺腑至親得
紂傷害善之心遂去而避之故曰入于左腹獲明

易筌

卷三

三

夷之心于出門庭

六五箕子之明夷利貞象曰箕子之貞明不可息
也

箕子蜀才作其子其子卽箕子也不敢顯稱箕
子之名遂微其詞而曰其子孔子逆知文王之
意乃於彖傳顯言其爲箕子後人因彖傳稱箕
子遂於爻辭併加竹作箕此說似矣不知古彖
箕原作其也

上六不明晦初登于天後入于地象曰初登于天

照四國也後入于地失則也

明夷五爻皆晦其明以遠害是明而晦也上六
處坤之終陰之極是不明而晦也明而晦者始
雖晦而終必明不明而晦者始雖明而終必晦
順則失則二則字相應六二受人之傷者以其
順則故自全其明而免禍上六傷人之明者以
其失則故至於墜命而喪邦

明夷晉之倒卦也明出地上故曰初登于天明
入地中故曰後入于地明入地中與天在山中

易筌

卷三

三

皆假象以明理非真日入地中也丘長春有辨
甚詳明可看鹽鐵論引易曰小人處盛位雖高
必崩不盈其道不恒其德而能以善終身未之
有也是以初登於天後入於地疑爲易緯之言
用修云文王明夷則主可知矣仲尼旅人則時
可知矣明夷內三爻周象也外三爻殷象也旅
之卦我心不快困於陳蔡之間乎終以譽命得
於桑落之下乎

家人三三

離

家人利女貞

彖曰家人女正位乎內男正位乎外男女正天地之大義也家人有嚴君焉父母之謂也父子兄弟兄弟夫婦婦而家道正正家而天下定矣家人以離異成卦故彖獨言利女貞又馬融論家人女爲與主長女中女各得其正稱女貞趙汝楫曰或曰父義母慈母何以亦稱嚴曰母不嚴家之蠹也瀆上下之分庇子弟之過亂內外之別嫚帷薄之儀父雖嚴有不能盡察者必

易筌

卷三

三五

父母尊嚴內外齊肅然後父尊子卑兄弟恭夫制婦聽正莫易於天下而莫難於一家莫易於一家之父子兄弟而莫難於一夫一婦夫女正非自正也孰正之男也正女以男正男以父以身正身以言行

象曰風自火出家人君子以言有物而行有恒言行可以欺於人而不可欺於家故非有物與有恒不可

初九閑有家悔亡象曰閑有家志未變也

初剛正有正家之本體離有先見之明故能及其志未變而豫防之王註凡教在初而法在始

家瀆而後嚴之志變而後治之則悔矣處家人之初爲家人之始故必閑有家然後悔亡六二无攸遂在中饋貞吉象曰六二之吉順以巽也

貞卽利女貞之貞所謂女正位乎內也六二中而且正故以彖辭特屬之

蒙六五曰順以巽事師之道也漸六四曰順以

易筌

卷三

三五

巽事君之道也家人六二曰順以巽事夫之道也

九三家人嗃嗃悔厲吉婦子嘻嘻終吝象曰家人嗃嗃未失也婦子嘻嘻失家節也

以嗃嗃爲未失而嘻嘻爲失節蓋欲乘其未失而戒之嗃嗃依劉向作煊與詩煊煊同離體之象嘻嘻王回疑九三重剛無嘻笑理如禮嘻其甚矣之嘻謂爲歎意獨得卦情矣九三之剛使家人煊煊雖厲而吉又甚焉使婦子不能容而

嘆斯不免於吝矣爻居上下之際亦具二義

六四富家大吉象曰富家大吉順在位也

六四以柔得剛以虛受實有富家象蓋秉承應皆陽實已居其間而奄有之故曰富家孔子恐人以財爲富故釋之曰順在位也順在位卽男正位乎外女正位乎內也以此爲富如禮運云父子篤兄弟睦夫婦和家之肥也卽此義

九五王假有家勿恤吉象曰王假有家交相愛也假卽奏假無言之假九五以離明居巽位聰明

易筮

卷三

十七

仁愛深入人心所以能感假家人以及於天下如文王以太姒爲妃王季爲父太任爲母武王爲子邑姜爲婦有不交相愛者乎孔子曰無憂者其惟文王乎所謂勿恤也

上九有孚威如終吉象曰威如之吉反身之謂也王注處家人之終居家道之成刑于寡妻以著于外者也故曰有孚凡物以猛爲本者則患在寡恩以愛爲本者則患在寡威故家人之道尚威嚴也家道可終惟信與威身得威信人亦如

之反之於身則知施之於人也

睽三三

離

睽小事吉

象曰睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉

睽乃家人之倒體家人六二之柔居下倒轉爲睽則六二進爲六五而上行又得中而應九二

易筮

卷三

十七

之剛則睽者合矣然止于小事吉者楊氏以爲有三不幸焉當睽之時一也主弱二也諸爻皆睽而寡助三也

象旨革亦二女同居而大亨革以九居五六居二大亨者以其正也睽胥反焉所以僅小事吉也

象曰上火下澤睽君子以同而異

初九悔亡喪馬勿逐自復見惡人无咎象曰見惡人以辟咎也

卦名睽而爻則欲合睽則悔合則悔亡四五坎
爲馬楊氏云初動而下四動而上合我而去有
喪馬之象初能聽其去而勿逐須其定而自復
是以悔亡九四之火值初九之水則熄初九之
水值九四之火則涸彼爻而我涸有惡人之象
初九能不以避爲避而以見爲避是以无咎蓋
睽離之時兩窮相遇終以類合耳

九二遇主于巷无咎象曰遇主于巷未失道也

主謂五巷說文里中道也離中虛爲巷有紂其

易筌

卷三

三六

剛迂其身而從於君之象二五皆不當位卦由
此成睽然睽未有不求其黨者注家謂之出門
同趣不期而會是也蓋二本五之所求正彖傳
所謂得中而應乎剛者得其正應又何咎耶
六三見輿曳其牛掣其人天且劓无初有終象曰
見輿曳位不當也无初有終遇剛也

輿所以載牛所以行也三欲應上而心疑目眩
若見其輿在後而爲二所曳牛在前而爲四所
掣仰受傷於上而其人天且劓若此者以三柔

居剛位已本不正而承乘應又皆不正之陽是
以邪見之羣起也人心懷疑意見橫生皆非實
事然睽極則合疑甚則解故曰无初有終

九四睽孤遇元夫交孚厲无咎象曰交孚无咎志
行也

初以四爲惡人四以初爲元夫初四皆无應而
四稱睽孤在下猶可獨立在上不可无輔也處
无所安比非吾與以氣類相求故曰遇初陽德
故曰元夫未遇之時失位而孤立不免於厲遇

易筌

卷三

三五

則彼得所依此得所助是以交孚

六五悔亡厥宗噬膚往何咎象曰厥宗噬膚往有
慶也

離兌同出於坤曰宗二依五以爲主尊之也下
當以分嚴上也五親二以爲宗親之也上當以
情親下也同心相倚之機其合也猶噬膚之易
然必君求賢而後賢從之故五當先往

上九睽孤見豕負塗載鬼一車先張之弧後說之
弧匪寇婚媾往遇雨則吉象曰遇雨之吉羣疑亡

也

三上兩見字皆疑心爲之妄見也見六三牽輿之牛妄以爲負塗之豕見六三載人之輿妄以爲載鬼之車疑情所結怪妄橫生非實事也有疑則諸境現前疑亡則諸妄消殞

蹇三三

坎

蹇利西南不利東北利見大人貞吉

彖曰蹇難也險在前也見險而能止知矣哉蹇利西南往得中也不利東北其道窮也利見大人往

易筌

卷三

三十一

有功也當位貞吉以正邦也蹇之時用大矣哉

劉子新論蹇利西南就土順也不利東北登山逆也西南則可以出蹇東北則入蹇益深矣初不取義於坤也只反字來字意思拗轉回來便可出脫所謂苦海無邊回頭是岸也

吃於言者曰蹇跛於行者曰蹇非不能行不能言也捷於口則期期躁於進則僵仆徐行緩語雖難而亦通君子之處蹇亦然

象曰山上有水蹇君子以反身修德

初六往蹇來譽象曰往蹇來譽宜待也

王註處難之始居止之初獨見前識觀險而止以待其時知矣哉故往則遇蹇來則得譽

來則與二比二多譽故初因之宜待者非取其不往不妄往也不妄往者有待而往待四之連三也蹇六爻無不同心共濟者蓋中流而遇風波胡越可使相救所以不終于蹇而爲時用之大

六二王臣蹇蹇匪躬之故象曰王臣蹇蹇終无尤

易筌

卷三

三十一

也

蹇蹇者蹇其時之蹇也二已離下而上與五相應所謂王臣也然遇時之蹇不得不以蹇處之止而不行非以其身之故而避難也蓋當蹇而蹇以待時耳故曰終无尤也如此說方與艮體相合時說皆失之且於匪躬之故終无尤也說不去

九三往蹇來反象曰往蹇來反內喜之也

諸爻惟三有剛實之才可以濟蹇但與五非比

非應惟反而就二則可與同往而濟蹇故爻言來反而傳以內喜什之言二亦喜三之來也在四而來連者比三也故言當位實在上而來碩者應三也故言志在內

六四往蹇來連象曰往蹇來連當位實也

連如孟子連諸侯之連六四陰虛無應豈能濟蹇幸有九三陽剛之才得衆而爲主於內庶乎以虛附實可以有濟

九五大蹇朋來象曰大蹇朋來以中節也

易筌

卷三

三十一

一身一家之蹇其蹇小天下之蹇其蹇大九五以陽剛中正之德立乎險中而來譽來反來連來碩之朋羣然而趨之同心協力何難不濟朋來之來與諸爻異諸爻之來自外反內朋來之來自下趨五也中節者前此當艮之時尚當有待此則善類協心可以有爲若失此機會又難著力矣曰中節者不先不後恰當機宜之謂上六往蹇來碩吉利見大人象曰往蹇來碩志在內也利見大人以從貴也

四與上皆賴三以爲援以其爲內體艮之主爻在下二陰皆倚以爲重也實與貴皆指陽言六四以九三爲實以九居三非當位實乎六四則連之而已上九以九五爲貴以九居五非貴乎上六則從之而已若但言當位則六四亦當位也故加實字以別之

六爻之中上獨言吉者蹇極則變而爲解也卽卦之所謂貞吉上六之往猶初六之來上本無往特以不來爲往耳初本無來特以不往爲來

易筌

卷三

三十二

耳凡往皆坎凡來皆艮

山下出泉其卦蒙山上有水其卦蹇蒙者德之穉蹇者德之壯也雲在雷上其卦屯雷在雨上其卦解屯者難之生解者難之平也故蒙爲險而止蹇爲見險而能止屯爲動乎險中解爲動而免乎險故屯蒙其始蹇解其終也屯之九五爲屯其膏雖有位而德不足蹇之九五爲大蹇朋來不以其位而德有餘然則屯以經綸而蹇以修德者屯之初九與其類往而蹇之九五受

其類而爲之節故也夫其蹇也修德攻闕以反於已及其解也赦過宥罪以恕乎人君子之道可知矣

解三三

坎震

解利西南无所往其來復言有攸往夙吉

彖曰解險以動動而免乎險解利西南往得衆也其來復吉乃得中也右攸往夙吉往有功也天地解而雷雨作雷雨作而百果草木皆甲拆解之時大矣哉

易筌

卷三

三

九二卽蹇九五向往而在上今則來而在下是爲來復九四卽蹇九三向艮止不動今則進而在四變爲震體是爲有攸往夙蹇難解散之時若無所往則以來復而安靜爲吉若尚有當解之事則以早往早復爲吉一說無所往者要解之成有攸往夙吉者原解之始似亦妥當

象曰雷雨作解君子以赦過宥罪

初六无咎象曰剛柔之際義无咎也

初但言无咎而无其辭蓋卽爻位見之象傳曰

剛柔之際甚明

五四二爻君相之位也初三上小人之致難者三狐也九二剛中而應五之所仗以解難者也君子於小人可化則化之不可化斯除之初六本有咎居下則惡未深承二則化易從故曰剛柔之際義无咎也相比故言際六三不中不正居二之上不可化者也爻辭直言其惡而已九四雖陽而應初不得其位而應不以正者也初雖四拇二爲四朋邪正不兩立必拇解斯朋至

易筌

卷三

三

而可信矣上六居解之終衆惡已去而獨在五上乃悖而不解者有隼居高墉之象公九二也二以黃矢射而獲之則難无不解故曰无不利彖所謂有攸往夙吉者也二之解先初次三而後及上待時而動故出而有獲繫辭傳曰弓矢者器也二之黃矢蓋所藏之器歟

狐以言其媚惑負且乘以言其僭竊拇以言其附麗隼以言其驚害聖人于小人之情狀無不洞見如照妖鏡然雖以除惡之權付之大臣然

以五之尊爲解之主惟一意解散蕩滌與之水
消霧釋共偕於大道而已此其真誠所以信於
小人而卒令枉者直也

九二田獲三狐得黃矢貞吉象曰九二貞吉得中
道也

田獲三狐者以其得黃矢也語偶倒耳中道解
黃矢

六三負且乘致寇至貞吝象曰負且乘亦可醜也
自我致戎又誰咎也

易筌

卷三

三六

負有仰荷之義卽承也三無正應宜承上之四
以求解乃慢而不能承四欲據二而乘之以其
爲坎之輪也暴亦甚矣故傳曰上慢而下暴

九四解而拇朋至斯孚象曰解而拇未當位也

拇最下正指初言觀咸初爻取拇象自見四與
二同功皆陽爻故以二爲朋

六五君子維有解吉有孚于小人象曰君子有解
小人退也

二之五互巽巽爲繩直繩結則曲解則直繩直

維有解之象二之五則下坎變坤坤順而坎遜
矣小人退之象在小人惟有結在君子維有解
維有解而天下無不可化之人無不可處之事
上六公用射隼于高墉之上獲之无不利象曰公
用射隼以解悖也

一解卦也九四一音六五一音上六又一音經
旨決不如此通作古買切爲是

損三三

艮兌

趙汝楫曰損下益上卦之義也上卦得益則四

易筌

卷三

三七

有喜五元吉上吉利往也下卦當損而初酌損
二弗損所損者三而已

損有孚元吉无咎可貞利有攸往曷之用二簋可
用享

象曰損損下益上其道上行損而有孚元吉无咎
可貞利有攸往曷之用二簋可用享二簋應有時

損剛益柔有時損益盈虛與時偕行

文王示人損所當損故舉二簋用享以見例言
不可槩損也孔子復舉三時字以明之見有時

而不然也其意了然且解有孚以上五句只加一而字義理益明解易之用二句却用四語悠揚不已意味深長

象曰山下有澤損君子以懲忿窒欲

忿起象山當懲其勢欲流象澤當窒其源楊子雲云山殺勢澤增高是已

初九已事遄往无咎酌損之象曰已事遄往尚合志也

初與四應四有疾初往救之已事者已疾之事

易筌

卷三

三六

也已人之疾不速則緩不及事而有咎遄往則可免四言損其疾使遄有喜正與此應初在下而剛不中故可損之損之過則亦不平故當酌損

九二利貞征凶弗損益之象曰九二利貞中以爲志也

當損下益上之任者三也初與二皆不當損初九以剛居剛尚曰酌損之况九二以剛居柔者乎故貞則利征則凶何也以弗損乃所以益之

也卦以損下益上爲義爻以陰虛爲損陽實爲弗損卦以二體言爻以一畫言

五受益而非得之自二也上益五而非出之自我也故皆曰弗損益之

六三三人行則損一人一人行則得其友象曰一人行三則疑也

六三人位故以人取象下卦乾體三陽本同行也損一爻以益上是損一人也一人既行則六來居三得其友也兌爲朋友故取友象下乾上

易筌

卷三

三九

坤陰陽皆應何待三上二爻相易而後爲兩相與哉蓋下體三陽无陰上體三陰无陽疑于不相交者今一陽既行而之上一陰又來而之下其相交之象益明而初與四二與五不待言矣故孔子以天地絪縕男女構精釋之絪縕者氣之交也構精者形之交也

六四損其疾使遄有喜无咎象曰損其疾亦可喜也

六五或益之十朋之龜弗克違元吉象曰六五元

吉自上祐也

或之爲言非所當益而益之謂五爲得益之君而損三非以益五也上不敢當推以益五是爲或益之

損損三以益上者也而五受其益故曰自上祐益損四以益初者也而二受其益故曰自外來上祐乃上爻之上

上九弗損益之无咎貞吉利有攸往得臣无家象曰弗損益之大得志也

易筌

卷三

四十

彖辭全屬上九以上爲卦之主爻也三亦成卦之主不以屬之者主陽而言也三以得交於上爲得友上以得益於五爲得臣大得志者九三來於上卦非徒也方在下位欲益五而不能今位乎上則益君之志可以大得矣

初當益上之時而六四虛已以待其益但以剛居剛正而稍過故又當酌損之六五上承上九剛柔相濟爲益甚大故曰或益之十朋之龜曰或者非正應也四五二爻陰虛故皆受下之益

上九以陽剛當損極變而爲益然但以三益五非損已之有也故曰弗損益之

得臣无家者上九遇能受益之君爲得其所臣盡推所有以益之不復自有其家也指三爲臣者非

益三三震

益利有攸往利涉大川

彖曰益損上益下民說无疆自上下下其道大光利有攸往中正有慶利涉大川水道乃行益動而

易筌

卷三

四十一

巽日進无疆天施地生其益无方凡益之道與時偕行

損下益上民固悅從不若益下之悅无疆由下上行固以其道不若下下之道大光

象曰風雷益君子以見善則遷有過則改

學齋云雷震位風巽位先震後巽方位之序順而有常故君子體之而立不易方若風雷益是先巽後震此爲變動故君子體之以遷善改過耳

初九利用爲大作元吉无咎象曰元吉无咎下不厚事也

初旣變坤而爲震自當大有所作爲不復以坤厚從事僅僅代終而已初得四之信任以成大功是受上之益

六二或益之十朋之龜弗克違永貞吉王用享于帝吉象曰或益之自外來也

九五用六二以享帝所謂使之主祭而百神享之是也初大役二大禮三大災四大遷皆國重

易筮

卷三

四三

事故曰益以興利

六二卽損之六五反而居下故其辭同二居下比初受初之益猶損六五受上之益也故皆曰或益之非正應也初實從九四而來故曰自外六三益之用凶事无咎有孚中行告公用圭象曰益用凶事固有之也

二有外來之益故曰或益之三守固有之益故曰益之凶事凶荒之事周禮大司徒以荒政十二聚萬民遺人縣都之委積以待凶荒是其事

也古者凶年民饑上之人必從而益之乃其固然何咎之有况凶事講于平時仁愛孚于上下六三酌其中以予民逮其卒事用圭以告于公如汲黯發倉粟賑河內還報武帝之類蓋此委積皆他年取之于民乃下所固有還以予之耳細讀周禮見荒政之精密絕非後世所可及六四中行告公從利用爲依遷國象曰告公從以益志也

易筮

卷三

四三

三四在一卦中爲中故皆言中行六四近臣遷國重事與賑荒者不同必告之公上得從而後行之如周公營洛以圖及獻卜之意告而卽從者以遷國益民乃上之志正所欲聞也六三告公在用凶事之後用而後告也六四告公在遷國之先從而後遷也

初九動于下卦爲益之主故在下而作大事勞民動衆非盡善盡美不可六二以中正而受衆益故可用享帝此吉禮之最盛者也三多凶故以凶事屬之有孚與九五有孚相應二應四比

其有孚不待說三非應非比故特言之人臣未
有不信於君而能舉事者也六四自損以益下
與初互遷而成益故利用爲依遷國迹似損民
而志在益下也古者遷國必有所依左氏周之
東遷晉鄭焉依是也四體卑巽其遷初必依于
二故二之益曰自外來

九五有孚惠心勿問元吉有孚惠我德象曰有孚
惠心勿問之矣惠我德大得志也

三四皆言告公九五乃言勿問正與相應象傳

易筌

卷三

四四

加之矣二字言問則猶有未孚者此以見三四
乃盡事上之禮非九五吝于施惠必待請問而
後得行也

上九莫益之或擊之立心勿恒凶象曰莫益之偏
辭也或擊之自外來也

象旨上處巽之成進退無常當益之極益終當
變不能益三非四五之志故擊之者至三四五
互艮艮手有擊象四五非上應故稱或震巽爲
恒巽震則非恒矣故有勿恒之象損象曰損剛

益柔有時損下之時暫而已益象曰日進无疆
其益无方益下則宜恒故上九立心勿恒凶
或益之自外來也人皆得以益之也或擊之自
外來也人皆得以擊之也孔子讀易至損益喟
然而嘆子夏避席而問答曰夫自損者益自益
者缺吾是以嘆也又淮南子引孔子讀易至損
益喟然而嘆曰或欲利之適足以害之或欲害
之適足以利之利害禍福之門不可不察

夬三三乾

易筌

卷三

四五

夬揚于王庭孚號有厲告自邑不利即戎利有攸
往

象曰夬夬也剛決柔也健而說決而和揚于王庭
柔乘五剛也孚號有厲其危乃光也告自邑不利
即戎所尚乃窮也利有攸往剛長乃終也

上六以一陰居五陽之上與九五同爲兌體而
相悅小人之無忌憚者也九三在衆君子之中
不幸與上六相應上恃其孚於五也而以之號
三二爲大臣志清君側之惡能無厲乎二能危

厲陽道必昌故曰孚號有厲其危乃光也上六所恃者九五之孚也所尚者口之號呼也今二之惕但告自邑而不卽就之則上之孚不終而其技窮矣故曰告自邑不利卽戎所尚乃窮也剛長乃終與終有凶相應剛長未終陰猶在上剛長既終則陰有凶矣卦中三號皆指上六此姚小彭之說與孔象合孚號有厲卽惕號之惕其危乃光卽未光也之光決小人者能以時惕厲而徐去之君道之未光者亦可光也

易筌

卷三

四六

象曰澤上于天夫君子以施祿及下居德則忌決附之時利施而不利居故曰居德則忌言不居其德也

初九壯于前趾往不勝爲咎象曰不勝而往咎也孔疏初九居夫之初當審其籌策然後乃往而體健處下徒欲果決壯健前進其趾以此而往必不克勝所以爲咎故曰不勝而往不勝之理在往前也

九二惕號莫夜有戎勿恤象曰有戎勿恤得中道

也

二爲內卦之內有深溝高壘之象惕號者因上六之號而惕厲戒備申儆軍實雖暮夜有戎惟靜以待之勿憂可矣上六恃與五孚而因以號三此小人之挾君以令下者二與三鄰安得不惕暮夜有戎與卽戎相應上欲興戎以驚二二但守中而勿恤如周亞夫軍中夜驚堅臥不動是也如是則五必自光上必自窮何能爲乎今行軍之帥或驕或弛猝有敵警又不能持重堅

易筌

卷三

四七

忍易爲所動則擾亂潰敗勢所必至未明於此爻之旨故也

九三壯于頄有凶君子夫夫獨行遇雨若濡有愠无咎象曰君子夫夫終无咎也

九三卽大壯之九三也有不中之失又有得正之美故二卦皆兼君子小人言之觀爻辭提出君子二字以別上文可見九三以陽居乾上處不得中有壯于頄之象壯頄非夫道也九三君子剛斷在心決之不疑能夫夫者雖獨行遇雨

若濡有愠而終以此道決去小人何咎之有諸
爻皆無應而三獨應上上成兌之主兩者和于
兌之象遇言其適然爻位所值也遇雨疑於濡
故曰若濡若濡則必有愠之者矣而終无咎蓋
獨行則不必諸衆而違正應之情遇雨則不必
自睽而生不和之端若濡不恤污迹有愠不避
違言其用益密其惕益深而未嘗少露其幾正
與壯頰之象相反所謂決而和也

復六四曰獨復陰處陰中獨復以應陽捨小人

易筌

卷三

四六

從君子夫九三陽處陽中獨行以應陰捨君子
從小人故皆言獨獨者違衆自立之辭

九四臀无膚其行次且牽羊悔亡聞言不信象曰
其行次且位不當也聞言不信聰不明也

以九居四迫于羣剛欲止則不能安居位之柔
欲進則不能遂是當進而果者也猶幸居三
陽之先能率之而前以助九五之決則不果之
悔可免其如繫于兌體遲疑不斷雖聞言而不
信何哉

四居上體之下爲臀乘九三之剛其下不柔臀
无膚也兌爲羊九四兌之下畫羊之在後者九
五兌之中畫羊之在前者牽者牽連而進四隨
九五以進爲牽

九五覓陸夬夬中行无咎象曰中行无咎中未光
也

耶雅覓莖葉皆高大而見故字從兒指事也上
六陰柔而乘五剛柔脆易除覓之象也九五剛
中高六以平而柔生于上覓陸之象也九三九

易筌

卷三

四九

五以陽居陽重夬之象當夬者上六也三應五
比嫌于不決故皆以夬夬策之三之遇雨五之
覓陸皆與陰俱行者也五比于陰而能自決以
保其中僅可免咎而已未光大也蓋五原爲上
所深入谷永所云公志未專私好頗存者也九
三過剛有凶之理故以无咎爲幸五居尊得中
而僅止无咎是爲可惜耳

上六无號終有凶象曰无號之凶終不可長也
上六始與三有遇雨之好欲援之爲黨以苟旦

夕之安終以九三婉而絕之其姦計無處控訴而五剛相比以同決之有凶而已

下三爻乾體純剛故戒其過而取其中四五兌體少剛又與陰比故四次且五未光

姤三三

巽乾

姤女壯勿用取女

象曰姤遇也柔遇剛也勿用取女不可與長也天地相遇品物咸章也剛遇中正天下大行也姤之時義大矣哉

易筌

卷三

五十一

據彖辭本爲不美孔子又別成一段嘉話蓋遇而不善則犯女壯勿用取女之戒遇而善則有品物咸章天下大行之美此時此義不可一端求亦不可一事定也故大之姤爲五月之卦萬物皆相見故曰咸章柔之遇剛未必不善顧剛所以遇之者何如耳如天地相遇品物咸章剛遇中正天下大行亦何惡於遇哉剛遇中正指陽剛居二五而言使剛不遇中而柔遇之則不爲姤爲姤而爲遇剛不遇中正而柔遇之則不爲姤

而爲剝斯有難爲力者矣此時此義所關甚大聖人欲人深以爲戒故丁寧之

五陽之盛而一陰生是以聖人謹於微齊桓公七年始霸十四年陳完奔齊亡齊者已至矣漢宣帝甘露三年匈奴來朝而王政君已在太子官唐太宗以武德丙戌卽位而武氏已生於前二年宋藝祖受命之二年女真來貢而宣和之禍乃作於女真張芸叟云易者極深而研幾當潛而勿用之時必知有亢當履霜之時必知有

易筌

卷三

五十二

戰

象曰天下有風姤后以施命誥四方初六繫于金柅貞吉有攸往見凶羸豕孚蹢躅象曰繫于金柅柔道牽也

羸卽繫如羸角羸餅之羸金柅所以止車不欲其往也孚者初六孚于九二微陰雖孚于陽其中未易制伏如羸豕然雖暫伏而猶懷蹢躅之心也牽卽繫

一說蹢躅李茂欽作彳亍行有二足一步一住

爲千丁巽爲股爲進退股而進退則蹢躅也
九二包有魚无咎不利賓象曰包有魚義不及賓也

初與四正應魚本四之有也今二與初遇以陽納陰包而有之則二爲主而四爲賓矣

初六以陰居下當遇之始適遇九二之剛中陽大陰小以陽包陰故爲包有魚之象雖非正應但姤在求民之時近而先者則得之何咎之有
二近四遠一陰不能兼二陽近者利則遠者不

易筌

卷三

五三

利此理勢之必至也故曰義不及賓也

九三臀无膚其行次且厲无大咎象曰其行次且行未牽也

益之六二卽損之六五故皆曰或益之十朋之龜弗克違姤之九三卽夬之九四故皆曰臀无膚其行次且夬之九四志欲上行而後迫於三前阻於五姤之九三志欲下行而後迫於四前阻於二其實一耳

徐氏曰夬一陰在上故下之五陽皆趨而上姤

一陰在下故上之五陽皆反而下其陰陽相求之情則然也夫九三志亦在初但初比二應四與三无繫三介乎其間求與之遇而承乘皆剛進退不能故曰臀无膚其行次且

坐則臀在下故困于初言之行則臀在中故夬姤于三四言之柔爻爲膚剛爻爲无膚

九四包无魚起凶象曰无魚之凶遠民也

見凶者爲彼所傷也往往在陰凶在陽也起凶者凶自此始也事在今災在後也

易筌

卷三

五三

二剛得中以此而得初之從四剛不中正以遠而失初之應民可近不可遠亦一證也

九五以杞包瓜含章有隕自天象曰九五含章中正也有隕自天志不舍命也

以用也杞枸杞小木也指二言瓜指初言瓜得所附而後止故受之杞則能籠而有之九五者姤之主以初六之遠不相及故以九二包之包卽含瓜卽章物相雜曰文以陽包陰故曰含章二之包初實五以之是二之含章卽五之含章

也蓋五與初非比非應無由而遇今因二以比
初雖非正應而忽然相遇如物之自天而墮于
下也九五在上天象然非五居中正與二相應
無以有此故曰九五含章中正也巽有命令之
象九五居尊以天下爲度雖初六至爲微小皆
君命所逮不敢暫捨非若四之遠民上之窮吝
比也

上九姤其角吝无咎象曰姤其角上窮吝也

孔疏角者最處體上上九進之極無所復遇遇

易筌

卷三

五十五

角而已故曰姤其角角非所安與無遇等故曰
吝然不與物爭其道不害故无凶咎也

姤遇也以一陰而遇五陽也故初爻爲主而上
五陽皆自此起義凡陽于陰遠則不遇近乃得
之二與初最近遇之最先故曰包有魚四雖應
初而初爲二得非復已有故包无魚三介二四
兩剛之間亦欲遇初但居則礙二進則礙四故
有无膚次凡之象五去初遠而借二正應以包
之上極遠而窮故有姤角上窮吝之戒

萃三三

坤

萃亨王假有廟利見大人亨利貞用大牲吉利有
攸往

彖曰萃聚也順以說剛中而應故聚也王假有廟
致孝享也利見大人亨聚以正也用大牲吉利有
攸往順天命也觀其所聚而天地萬物之情可見
矣

王大人皆指九五言當萃之時王者宜以孝享

格廟上以萃祖考之精神下以萃天下之人心

易筌

卷三

五十五

而天下之人則利見此大人方得亨通何也九
五陽剛中正中天下而立定四海之民其萃天
下與天下萃之皆出于正故也用大牲吉承王
假有廟言物聚則可以備禮利有攸往承利見
大人言人聚則可以集事此王者受命而興爲
天下神人之主之卦若損之時用大牲剝之時
有攸往是逆天命也何吉與利之有

王註但順而說則邪妄之道也剛而違于中應
則強亢之德也何由得聚順說而以剛爲主主

剛而履中履中以應故得聚也

象曰澤上于地萃君子以除戎器戒不虞

王註聚而無防則衆生心水聚則決必有以防之水乃潴人聚則亂必有以制之人乃定

初六有孚不終乃亂乃萃若號一握爲笑勿恤往无咎象曰乃亂乃萃其志亂也

初之孚孚于四也又知五爲萃主不能堅決故曰不終曰乃亂號初號四也初六號呼于四陰陽正應有握手之歡故曰若號一握爲笑往者

易筌

卷三

五十一

因四以萃于五也萃六爻皆得无咎以卦體巽而不相拒也兌爲口爲號艮爲手兌又爲悅爲笑始也不得應四故號四互艮以手握之則爲兌悅所動而笑

六二引吉无咎孚乃利用禴象曰引吉无咎中未變也

二與五正應居中得正爲三陰之主必引初六六二同萃于五乃得君臣之大義故吉而无咎孚者二孚于五也誠以格君何君不孚誠以感

神何神不格雖禴祭甚薄用无不利則用大牲可知已中未變言二得中道與初之有孚不終者異此所謂剛中而應者

六三萃如嗟如无攸利往无咎小吝象曰往无咎上巽也

萃如萃于四也然知五爲萃主終屬不安故有嗟如之象中心惶惑不定何利之有往者欲其因四以萃于五也三四五爲巽故曰上巽孔子于此爻明以互體示人矣

易筌

卷三

五十二

九四大吉无咎象曰大吉无咎位不當也

九四近臣居多懼之地非其位而衆萃之咎所歸也以其體兌能部率三陰順而萃五故有大吉无咎之象益初九在下而任厚事萃九四無位而得衆心皆曰元吉无咎非元吉咎必隨之矣

九五萃有位无咎匪孚元永貞悔亡象曰萃有位志未光也

六二九五二孚字相應九四位不當九五萃有

位二位字相應五萃之有位者也有位而得民之萃豈有咎哉然五之所孚者六二耳初則四之應三則四之比皆匪孚于我者也必反身修德如比之元永貞然後羣陰歸之而悔可亡故曰志未光有待也

比之九五權無所分則曰顯比之吉萃之九五其權旁落則曰未光

比唯九五一陽天下皆知比於五故元永貞言於彖萃有二陽天下莫知所萃故元永貞言於

易筌

卷三

五八

五

上六齋咨涕洟无咎象曰齋咨涕洟未安上也

卦惟二陽而四陰皆求萃焉然五得位而其權分四有權而非其位故五有位匪孚四大吉无咎二與五應萃五者也以其得正則二引吉无咎初應三比萃四者也以其不正則初乃亂乃萃三萃如嗟如聖人欲其舍四而往萃于五故初與三皆言往无咎上六以陰居外下無正應齋嗟涕洟而急萃于五故象以未安上言之五

曰未光上曰未安上皆非決辭明其有可變之理也然四必大吉而後无咎上雖未安而固无咎聖人之意深矣

升三三

坤

升元亨用見大人勿恤南征吉

象曰柔以時升巽而順剛中而應是以大亨用見大人勿恤有慶也南征吉志行也

萃與升皆剛中而應萃剛中在上其众必聚升剛中在下其勢必升故萃以五為大人升以二

易筌

卷三

五九

為大人

象曰地中生木升君子以順德積小以高大

順德坤也積小以高大巽也坤為順巽為高物之高必以積其積必以順非順不可積非積不能高

初六允升大吉象曰允升大吉上合志也

允謂二信從之也初得二之信從而因升於五所謂上合志也與五大得志相應初之允二之孚是一意二三皆有應獨初無應然初動而為

乾卽泰之拔茅矣下三爻同于求升上三爻同于容其升故曰上合志

九二孚乃利用禴无咎象曰九二之孚有喜也

主升之君而才弱當升之臣而質剛天下之所疑也孚而用禴質諸鬼神且不疑而況於人乎今而後喜可知也當升之世以剛德有爲之臣輔柔順謙冲之主中心相孚乃可盡誠以有爲而盡去外飾之虛文楊廷秀所謂臣有所當然則遂事而不爲專上有所重發則衡命而不爲

易筌

卷三

六十一

恃皆用禴之義也

九三升虛邑象曰升虛邑无所疑也

晁以道曰四邑爲丘四丘爲虛故曰丘虛非空虛之虛也虛邑山階皆坤之所有九三自巽而入坤故曰升虛邑

六四王用亨于岐山吉无咎象曰王用亨于岐山順事也

六四坤體所謂虛邑也王指五亨通也爾雅二達謂之岐二達象卦之圻也王何以通于兩岐

之山巽之能升者以其剛中而應也五欲應二通四兩岐之山以待之通險阻爲坦途通岐道爲一轍故能吉而无咎故謂之順事前此猶爲平地到四則自卑而升高登山之象也

六五貞吉升階象曰貞吉升階大得志也

六五卽象言柔以時升能應乎剛者五旣用四以通下則下皆由四而上有階級之象故曰升階一說巽東南坤西南有賓階阼階之義亦通先言貞吉而後升階者謂升而不正則不吉雖

易筌

卷三

六十二

有升階之象未可以升也

上六冥升利于不息之貞象曰冥升在上消不富也

此卦六五爲升之主下四爻皆來升者也初三于五非近非應無嫌于五故初九升三升虛邑九二應五則礙于進六四近五則疑于逼故二爻不言升立言之斟酌如此上居窮極之地無復可進惟用之以默升此道則宜故曰冥升利于不息之貞蓋自多其有者常不復求進上雖

居位極而六實陰虛以此求道若無若虛何止足之有故曰冥升在上消不富也

象旨豫上六冥豫道之淪升上六冥升道之貞豫上體震動因其動心而欲變其豫升上體坤順順其進心而欲移于貞

困三三兌坎

困亨貞大人吉无咎有言不信

虞翻曰處困无應宜靜故曰貞

彖曰困剛揜也險以說困而不失其所亨其唯君

易筌

卷三

六三

于乎貞大人吉以剛中也言不信尚口乃窮也屯蹇皆以坎爲險而在外困坎在內欲動如屯止爲蹇不可得矣唯說而順受則不失其所而亨非君子不能不撓而折於困不躁而重其困剛中也

象曰澤无水困君子以致命遂志

致命非見危授命之謂致猶委也人不信其命則死生禍福管爲百端居貞之志何以自遂今一委之命則我之志不爲困窮之所阻抑所謂

不失其所是也非遂志而何

時命在天者也非我所能與也委而致之志于仁志于道在我者也雖困而必遂非命所能制也

初六臀困于株木入于幽谷三歲不覿象曰入于幽谷幽不明也

人之體行則趾爲下坐則臀爲下初有應在四而二隔之居則困株進不獲拯故曰入于幽谷坎爲陷爲溝瀆爲隱伏入幽谷之象也三歲不

易筌

卷三

六三

覿自初至四歷三爻故以爲數

九二困于酒食朱紱方來利用亨祀征凶无咎象曰困于酒食中有慶也

二五剛中之君臣困于險阨未可遽動止可需酒食供祭祀而已朱紱赤紱皆祭服也左氏云政由寧氏祭則寡人正言政不在已之意如勾踐范蠡之事以其剛中而有爲終能濟困故曰有慶曰受福

詩朱紱斯皇君芾也指五言赤紱三百臣芾也

指一言

六三困于石據于蒺藜入于其宮不見其妻凶象
曰據于蒺藜乘剛也入于其宮不見其妻不祥也
此陰柔不中正承乘皆剛而無應與之象兌爲
剛鹵石象謂四也坎爲蒺藜謂二也上兌女三
坎男上三之妻也而不相應故曰不見其妻
初六在坎下故爲入于幽谷卽坎之初爻入于
坎窞也九二在坎中故爲困于酒食卽需之九
五困于酒食也六三在坎上進則困于九四之
易筌 卷三 空四

石退則據于九二之蒺藜動則入巽而爲大過
之棺槨不復與上六相見三者無一可居此卽
坎六三來之坎坎險且枕也
九四來徐徐困于金車吝有終象曰來徐徐志在
下也雖不當位有與也
來自外而內也與二方來同四爲初正應特以
困中不能卽來故稱徐徐然其志未嘗不在下
也坎爲輿兌爲金故稱金車車乃貴者所乘金
乃富者所有四居大臣之位乃不能援賢拔滯

而徒爲富貴所困豈不爲吝此不當位所致也
志既有在卒能脫下之困故稱有終稱有與若
世之竊位者全不知以此爲羞吝與此爻又霄
壤矣

九五劓刖困于赤紱乃徐有說利用祭祀象曰劓
刖志未得也乃徐有說以中直也利用祭祀受福
也

劓刖鄭玄王肅陸績本皆作髡髡高而不自安
之象巽爲高五居巽畫之上故曰髡髡上六又

易筌

卷三

空五

處九五之上故亦曰髡髡若作劓刖則豈止志
未得而已一說劓是刑上六以去在上之小人
則是刑六三以去在下之小人三與上同惡以
揜君子不去之九二莫能上達雖甚痛快恐非
在困之九五所能辦也

李公晦云利用祭祀明雖困於人而幽可感於
神豈不以人不能知而鬼神獨知之乎韓子云
惟垂於時乃與天通處困之道也

志謂所應四志在初而未得故來徐徐五志在

二而未得故乃徐有說

上六困于葛藟于臲臲曰動悔有悔征吉象曰困于葛藟未當也動悔有悔吉行也

上六位不當而又應三故困于葛藟于臲臲也乃上六說體以危自安曰動必有悔是以動爲戒也不知非舍三而去終難免困雖小有悔安得不征征則雖悔而有吉道焉爻至此有變動之義故聖人以此策之

困有不可動九二是也故征凶有不可不動上

易筌

卷三

六五

六是也故征吉

困剛揜也卦以三柔揜三剛爲象然剛爲柔揜者吉而柔揜剛者凶下卦以初三之柔揜九二之剛然初困于株木三困于石二則困于酒食而已象以爲中有慶是初三凶而二吉也上卦以上六之柔揜四五之剛然四有終五徐有說上則困于葛藟而象以爲未當是四五吉而上凶也象曰困而不失其所亨三剛爻之謂矣

井三三

巽坎

井改邑不改井无喪无得往來井井汔至亦未繙井羸其瓶凶

象曰巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也

困反爲井坎位下今位乎上在上在下不同而中爻陽剛不動是邑改而井不改也故曰乃以剛中亦猶尚也亦未繙井謂汲索尚未出井而乃羸敗其瓶也汔至作一句下七字作一句象

易筌

卷三

六五

傳雖分釋而意實相承老子云民之從事常於幾成而敗之慎終如始則無敗事其亦羸餅之戒歟

象曰木上有水井君子以勞民勸相

象曰巽乎水而上水象曰木上有水井坎水也巽木桔槔也北方井制如此三聖皆北人取象繫辭必據其物朱子生南方又兵戈隔絕不見北方井制縱云書中考見之終不如目覩之真也

丹鉛錄

初六井泥不食舊井无禽象曰井泥不食下也舊井无禽時舍也

九二井谷射鮒甕敝漏象曰井谷射鮒无與也

二句一氣說九二陽剛本有用之泉然不能上出濟人而反下注射鮒者以所汲之甕敝壞而漏泄故也耶雅鮒小魚卽今之鯽也此魚旅行吹沫如星以相卽也謂之鯽以相附也謂之鮒莊子曰周顧視車轍中有鮒魚焉曰吾得斗升之水然活耳卽此九二以陽居陰不正者也不

易筌

卷三

六

正則旁出而下流以與初矣故曰井谷射鮒

九三井渫不食爲我心恻可用汲王明並受其福象曰井渫不食行恻也求王明受福也

九三陽剛清潔之井也巽股下水潔齊之則渫也未離下體不食也坎爲心爲加憂恻也玩辭上六之心恻非爲私應也行耆皆恻吾安得不恻此好賢之公心也九三求王明非爲三也將使上下並受其福也爻言心恻象言行恻辟奇寶橫道而不收則行道之人皆歎息之矣况在

上而爲之應者能不動心乎

據象辭求王明是爻中脫一求字王介甫解云求王明所謂異乎人之求也君子之於君也以不求求之其於民也以不取取之其於天也以不禱禱之其於命也以不知知之井之道无求也以不求求之而已

六四井甃无咎象曰井甃无咎修井也

九五井冽寒泉食象曰寒泉之食中正也

五變坤作甘故冽剛居剛故潔坎正北方之卦

易筌

卷三

六

爲寒泉居兌口之上食象

上六井收勿幕有孚元吉象曰元吉在上大成也初井泥二射鮒泉幾廢矣三渫之四甃之則井修而可食故五曰井冽寒泉食上爲井口井收勿幕則能養而不窮井道大成矣

本義陽剛爲泉上出爲功甚得經旨二三五皆陽剛井泉也初四上皆陰柔初在泉下故爲泥四上在泉爲井口二爲泉而上无口故爲下注之谷而初爲泥也无與者非无應二之上无陰

不能相與以成井此井之無用者也三爲泉故曰渫四爲口故曰甃已成井而可用矣然居五之下未能上出故曰不食五陽剛中正泉之至美者也上爲井口前無遮隔上出而成功者故曰大成以人事擬之初二如巢許三四如孔孟五上則堯舜伊周之流也

以綆汲水必用鹿盧收之故謂之收上六居井之最上收象其畫開而不掩勿幕象幕讀亡秋反與幕同必如是然後三之渫五之冽得以及

易筌

卷三

七十

物而井道成矣信乎其爲元吉也觀王明並受其福之語此非獨爲井論者上六居九五之上大臣師保之地也臣道之行與不行君澤之布與不布皆繫其人世有君欲用賢賢欲上進而不能遂者大臣壅而蔽之也聖人勿幕之戒其爲慮遠矣

坎上之卦八唯井不言險以水上出爲利也他卦上爻爲窮極唯井鼎爲成成則能養人也

革三三
兌離

革巳日乃孚元亨利貞悔亡

巳日讀如戊巳之巳十日至庚而庚更革也自庚至巳十日爲浹日巳者浹日也湯之伐桀猶曰舍我稼事而割正夏故革卽日不孚浹日乃孚乃難辭也

彖曰革水火相息二女同居其志不相得曰革巳日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉

易筌

卷三

七十一

水以木生火以金生水有生息之道焉至澤與火則不然澤女也火亦女也二女同居無生息之理離火至秋爲澤所變故謂之革凡男女相遇皆有相濟之義故交則爲旣濟分則爲未濟二女相值無相得之情相牽則爲革相違則爲睽皆不相得之象也

賈逵曆論云易金火相革之卦曰君子以治曆明時曰湯武革命順乎天而應乎人言聖人必曆象日月星辰明數不可貫數千歲其間必改

更先距求度數取合日月星辰所在而已若夫
祐術開業淳耀天光重黎其上也典曆象授民
事定四時成歲功義和其隆也取象金火革命
創制治曆明時應天順民湯武其盛也又容齋
四筆云大衍之用四十有九一行以之起曆而
革卦之序在易正當四十九然則專爲曆明甚
且上云天地革而四時成尤極顯白諸儒贊易
皆不及此何邪

象曰澤中有火革君子以治曆明時

易筌

卷三

七十三

澤中有火消乾其水如海之尾間水入其中如
沃焦釜消乾而無餘者也水能息火而反爲澤
火所息非事理之常故名爲革

玉海田氏曰自乾至革其卦凡四十有九大衍
一之用也分而象兩天地革矣揲之以四四時成
矣是以至革則治曆後世以大衍各曆者豈非
得於是歟

丹鉛錄云素問云澤中有陽燄如火烟騰騰而
起于水面者是也蓋澤有陽燄乃山氣通澤山

有陰雷乃澤氣通山文選海賦陰火潛然唐顧
況使新羅詩陰火暝潛然是也東坡遊金山寺
詩云是時江月初生魄二更月落天深黑江心
似有炬火明飛燄照山栖鳥驚悵然歸臥心莫
識非鬼非仙竟何物注引物類相感志山林藪
澤晦明之夜則野火生焉散步如人秉燭其色
青異乎人火

初九輦用黃牛之革象曰輦用黃牛不可以有爲
也

易筌

卷三

七十三

輦外束內也離爲牛黃二也用者初用六二中
順之德也初剛體離明居下無應有所輕爲必
至敗事但當束以六二之德而不可以自用也
六二已日乃革之征吉无咎象曰已日革之行有
嘉也

六二正應在上而征行從五則吉而无咎王註
二五雖有澤火之異同處厥中陰陽相應往必
合志不憂咎也玩辭謂爲伊尹就湯二老歸周
之爻徐氏曰凡卦中言嘉者皆二與五應如隨

之孚於嘉遯之嘉遯是也

九三征凶貞厲革言三就 有孚象曰革言三就又何之矣

九三當上下之際凡此爻皆具二義故言征凶又言貞厲時未可爲不可遽爲征則凶也事有當革不可不革貞則厲也以其過剛不中欲其從容詳審而爲之故曰革言三就謂謀之再三而後成也士喪禮云馬纓三就注謂三重三市象傳又何之矣言義當進革無所可避雖凶且

易筌

卷三

七

危有不暇顧者此孔子決之之辭

九四悔亡有孚改命吉象曰改命之吉信志也

改命卽彖之湯武革命順乎天而應乎人也信志解有孚孟子所言非富天下也卽彖革而信之之信

九五大人虎變未占有孚象曰大人虎變其文炳也

九五大人虎變乃創制立法與民更始之象魏高堂隆曰帝王之興受禪之與干戈皆改正朔

易服色所以明天道正人心也本此

上六君子豹變小人革面征凶居貞吉象曰君子豹變其文蔚也小人革面順以從君也

止六天下化成之象漢人所謂回面內向革面之謂也

易筌卷四

鼎三三

鼎元吉亨

彖曰鼎象也以木與火亨飪也聖人亨以享上帝而大亨以養聖賢與而耳目聰明柔進而上得得中而應乎剛是以元亨

諸卦多以義名如頤井鼎以象名故曰鼎象也卽鼎以示其例也所云象事知器者如此

玩辭曰以二卦言與入乎下則鼎之足腹也聰

明於上則鼎之耳鉉也象其形也以二五言柔

進而上行水氣之上蒸也柔得中而應剛火氣

之下濟也象其用也故曰鼎象也上離爲目離

五中虛爲耳非心能下下與入稱隱耳目蔽矣

與以爲主然後能成離明之德離體柔順進而

上行德之凝而鼎命新也離體中虛下應乎剛

德之助而鼎養行也皆主五言

象曰木上有火鼎君子以正位凝命

革曰改命鼎曰凝命卽凝其所改之命也

初六鼎顛趾利出否得妾以其子无咎象曰鼎顛趾未悖也利出否以從貴也

顛趾非利出否爲利得妾非重有子爲重

初在下而偶鼎趾象柔居下妾象四陽在上而不中正妾子象初上應四如妾因子之貴而得以上達

九二鼎有實我仇有疾不我能卽吉象曰鼎有實慎所之也我仇有疾終无尤也

陰陽相配爲仇初自顛趾有疾也不能就二是

我仇有疾不我能卽也

九三鼎耳革其行塞雉膏不食方雨虧悔終吉象

曰鼎耳革失其義也

鼎耳六五也三與五不相遇如鼎耳變革不可

舉移故其行塞然三與上應剛方變柔則陰陽

和而爲雨失其悔而吉

全體一鼎分上下體爲二鼎上體之鼎有兩耳

而无足故九四之鼎折足下體之鼎有足而无

耳故九三之鼎耳革

紀聞曰顛趾爲四而顛也折足爲初而折也耳
革爲上而革也相因而取者也

九四鼎折足覆公餗其形渥凶象曰覆公餗信如何也

烹以享上帝養聖賢故曰公餗其形渥言鼎折而流溢之象九四才地本非不美折足覆餗過在應初而已王介甫盡逐羣賢而乃專任呂惠卿輩卒致靖康之禍其此爻之謂夫

初未有鼎實故顛趾而出否四已有鼎實故折

易

卷四

三

足而覆餗又顛與折異顛則舍舊而圖新折則鼎毀而用廢

初顛趾四折足趾卽足也在初則顛傾側而已未折也在四則折矣沈存中曰古鼎中有三足皆空所以容物者所謂鬲也煎和之法常欲清在下體在上則易熟而不偏爛及升鼎則濁滓皆歸足中鼎卦初爻鼎顛趾利出否謂濁否在下須先瀉而虛之九二陽爻始爲鼎有實今京師大庖鈞懸而煮不使着釜底亦古人遺意也

沈之說得象意可補易注之缺就是義言則初六洗鼎也九四升鼎也洗鼎而顛趾則利升鼎而折足則凶晉石崇以飴浴釜賈勰齊民要術有塗甕法皆古庖人之遺意

六五鼎黃耳金鉉利貞象曰鼎黃耳中以爲實也金鉉指上九鉉所以舉鼎在耳上方可貫耳非九二在下者之任也然上九又自謂玉鉉者豈六五視上九爲金鉉上九自視則爲玉鉉邪金象以九爻取玉象以爻位剛柔相濟取皆无不可

易

卷四

四

上九鼎玉鉉大吉无不利象曰玉鉉在上剛柔節也

上九一陽橫亘乎鼎耳之上有鉉象烹飪之事以剛柔得節爲功水火冬夏寒煖皆剛柔也食醫曰凡食齊視春時羹齊視夏時醬齊視秋時飲齊視冬時烹人曰掌共鼎鑊以給水火之齊齊卽節也易中節字皆謂度數之宜非以裁省爲節也

在鼎之上受鉉以舉鼎者耳也六五之象也在鼎之外貫耳以舉鼎者鉉也上九之象也

震三三震

震亨震來虩虩笑言啞啞震驚百里不喪七鬯

彖曰震亨震來虩虩恐致福也笑言啞啞後有則也震驚百里驚遠而懼邇也出可以守宗廟社稷以爲祭主也

笑言啞啞卽震來虩虩之福不喪七鬯卽笑言啞啞之則相承說

易筌

卷四

五

福由恐致然福非外至也意思安閒笑言啞啞而已啞啞又非侈然自放也循其法則不失常度而已聖人之所謂福者如此笑言啞啞卽在震來虩虩中震驚百里虩虩也不喪七鬯笑言啞啞也原不可分先後至彖傳與初爻加一後字又是一意蓋非恐懼无以致安樂所以足前言之所未備互相發也

棘木爲七取赤心之義長三尺利柄于末祭祀先烹牢于饒實諸鼎而加羃焉將薦乃舉羃以

七出之升于俎上鬯說文云以秬釀鬱草芬芳攸服以降神也說苑云鬯者百草之本也上暢於天下暢於地无所不暢故天子以鬯爲贊

象曰洊雷震君子以恐懼脩省

初九震來虩虩後笑言啞啞吉象曰震來虩虩恐致福也笑言啞啞後有則也

初九一陽動乎下爲震之主足以當全卦之義故爻辭與彖同而以吉贊之

六二震來厲億喪貝躋于九陵勿逐七日得象曰

易筌

卷四

六

震來厲乘剛也

六二乘初九之剛九震之主初動而上奮震來厲矣六二乘之卒然自失有大喪貝之象億卽大貝者人之所寶也因震而動動而无應必至超越峻絕極其所之有躋于九陵之象九陵震厲所不及之處也二以柔居柔足以自守不過爻位一周則復其故常故曰勿逐七日得二至上上復至二七數也廷秀曰有墮甌弗顧之度必有去珠復還之喜

六三震蘇蘇震行无眚象曰震蘇蘇位不當也

蘇蘇舒緩也震至三則雷聲舒緩而少息矣位不當者不當震懼之位謂與初相遠三行則至四去不正而就正故无眚

九四震遂泥象曰震遂泥未光也

初之剛能上達故亨四之剛不能達故泥震之亨在初不在四

初九始震也得位而在初故甚大而可畏九四海震也失位而在四陰之中故沉滯而不揚遂

易筌

卷四

七

泥言泥而不返也陽本剛明陷于重險之中而遂泥故曰未光

六五震往來厲億无喪有事象曰震往來厲危行也其事在中大无喪也

往遇動極來則乘剛

億无喪有事是一句謂无喪其所有之事即不喪七也初始震為往四海雷為來五當震往復來之時亦危厲甚矣然遂泥之威不復如二之喪貝故曰億无喪有事

上六震索索視矍矍征凶震不于其躬于其鄰无咎婚媾有言象曰震索索中未得也雖凶无咎畏鄰戒也

索索震之聲索然將盡也震將盡而上六憚於餘威故視矍矍而不定然處卦之終前无所之若更求往其凶必矣何也震不于上而于五居上則居可免咎然與三无應故不免婚媾有言

艮三三

易筌

卷四

八

艮其背不獲其身行其庭不見其人无咎

彖曰艮止也時止則止時行則行動靜不失其時其道光明艮其止止其所也上下敵應不相與也是以不獲其身行其庭不見其人无咎也

不獲其身无我也也不見其人无人也象山先生所解最當六爻皆以人身取象旁注以北堂解背未是艮與咸皆所謂近取諸身者咸主感故拇股心頰皆在前艮主止故趾腓限躬輔皆在背

時止則止四語正聖人發明艮止之義蓋恐人以沉空守寂爲止故爲說破時靜而靜時動而動而无容私焉思亡智現定亂總无如谷響然有應物之音而无可尋之跡是之謂止不然行固非止止亦非止陽明先生所謂惡動之心非靜也求靜之心亦動也一絲未淨太虛之翳去光明之體遠矣止其所正解艮背乃无方所之所思不出位之位坤卦正位居體之位豈有定體之可言哉不獲其身莊生所謂吾喪我也不

易筌

卷四

九

見其人嗒然似喪其耦也內典云三心了不可得卽此意周子易通取以終四十章之旨而二程以來皆以喜怒哀樂未發爲相傳指訣其義微矣嗚呼此孔子所以惜顏子之未見其止也豈易爲俗人言哉
玩辭彖揭艮其背于上而總結之以是以不獲其身行其庭不見其人則此三句皆自背言之也夫背者自視則不獲其身行庭則不見其人或止或行皆无所覩也

人之耳目鼻口皆有欲惟背爲无欲艮之取象言輔不言口言身不言腹言寅限不言臍皆背面而立之象不獲其身也上下敵應而不相與不見其人也

象曰兼山艮君子以思不出其位

初六艮其趾无咎利永貞象曰艮其趾未失正也知壯于趾之征凶則知艮其趾之无咎矣以陰居初不得爲正曰未失正者蓋咎生於動初在感始止而不動固未至於失正也

易筌

卷四

十

六二艮其腓不拯其隨其心不快象曰不拯其隨未退聽也

二爲腓三爲股股動則腓隨不得自由二靜而欲止三動而欲行三陷於坎二非不欲拯之以三居下體之上爲下卦之主行止在三而不在二二不能拯只有隨之而已其隨之也非心之所快故曰未退聽也未退聽解其心不快四字九三艮其限列其夤厲熏心象曰艮其限危熏心也

九三一奇橫于卦中有限之象一陽間隔四陰有列寅之象限上下體之際虞翻謂束帶處也寅曰督是爲脊骨身之能屈伸處此非可止之所若恃其剛而強止焉限分而爲上下寅裂而爲左右心居其間无所依托分崩離析之象也憂危之厲豈得不薰灼而及其心乎薰與詩雲漢憂心如熏之熏同

六四艮其身无咎象曰艮其身止諸躬也

爻各指身之一處惟四爲心位於身无所不統

易筌

卷四

十一

故曰艮其身象傳恐人誤認身爲正面故以止諸躬釋之儻身爲躬正人之背也咸亦以九四爲心位

伯厚云偃身爲躬見躬而不見面說文躬從呂從身呂背脊也其說與艮背合

吳幼清云身謂股以上膈以下前臍腹後腰脊腎所在處乃生身之所由始故以此爲身呼吸之根氣所從生也止其身則氣住而神亦住四以柔居柔蓋專氣致柔者故以艮其身屬之此

養生家言雖非經旨亦可玩

六五艮其輔言有序悔亡象曰艮其輔以中正也輔謂輔頰自背視之但見其兩輔之不動則知其言必有序矣六五以陰居陽疑於有悔然居得其中言而能止故悔可亡以中正也當是以正中也於韻方叶中可兼正正不必皆中

上九敦艮吉象曰敦艮之吉以厚終也

易因曰艮趾者步亦步之學也艮腓者欲止而恨其不能止之學也此可望者也艮限者艮於

易筌

卷四

十三

動地而強欲其不動告子強制其心之學也艮其身飭躬者也艮其輔謹言者也皆艮也而非其所不足以言艮不艮不足以言學故以敦艮終焉處艮之極而能厚其終故吉爾雅丘再成爲敦亦厚意五爻皆象人之身上獨不言所謂不獲其身不見其人者歟

楊敬仲曰善止者行善行者止知止而不知行者實不知止知行而不知止者實不知知行知行之非二則行止皆當其時而自然光明矣人

精神盡在乎面不在乎背故聖人教之良其背使其面之所向一如其背則應用交錯擾擾萬緒未始不寂然矣視聽言動心思曲折如天地之變化矣面如背前如後動如靜寂然无我不獲其身雖行其庭與人交際實不見其人矣是止得其所者无所也无止也非有所而欲无之也非本不止而強止之也无所无止真止矣

漸三三

漸女歸吉利貞

易筌

卷四

十三

象曰漸之進也女歸吉也進得位往有功也進以正可以正邦也其位剛得中也止而巽動不窮也之往也之有退有進漸之所之進也卦止於下而巽於上爲不遽進之義以此而進則得位以此而往則有功

象曰山上有木漸君子以居賢德善俗

君子法漸進之象必居於賢德善俗之間以漸摩而成其學卽里仁爲美之意艮止有居義巽風有風俗義王伯厚曰家聲之賁隴西以爲

城角之缺新乎以爲耻清議所以維持風俗也清議廢風俗壞則有毀宗澤而舉張邦昌者有貶岳飛而褒秦檜者觀民風設教居賢德善俗不可不謹也

六鴻漸于干小子厲有言无咎象曰小子之厲義九咎也

鴈木落南翔冰泮北徂其往來有時其先後有序漸之義也又鴻之隨陽如女之從夫故取爲女歸之象

易筌

卷四

十四

六二鴻漸于磐飲食衎衎吉象曰飲食衎衎不素飽也

觀五之三歲不孕則二猶爲未遇者如需之飲食宴樂以待時而進耳象恐人不達故以不素飽明之言其從容涵養待時而動非徒甘荼養而妄進者比也

九三鴻漸于陸夫征不復婦孕不育凶利禦寇象曰夫征不復離羣醜也婦孕不育失其道也利用禦寇順相保也

夫征不復者少男无應而上比于四務進而妄動故征則不還婦孕不育者長女无應而下比于三失守而私交故孕不敢育互坎爲寇盜互離爲兵戈故曰利禦寇凡行上爲逆下爲順剛止於外下蔽二陰與之相保共禦寇賊順道也三爲艮主本能止者以在上下之際故戒勉之丁易東云此爻本以六四九三各得其位兩无應與有夫婦象若九三離內卦二陰之醜類往征於外則六歸於三九歸於四六歸於三則有

易筌

卷四

十五

應於上非九四之偶也雖孕其敢育諸在卦則欲其進於上在爻則欲其止於下也

六四鴻漸于木或得其桷无咎象曰或得其桷順以巽也

四方入於巽故曰鴻漸于木木中桷之用者曰桷木中梁之用者曰梁木此時回翔木杪其飛漸高何所不至然或得平柯猶暫爲棲息可進而不可遽進漸之最善者也由巽體柔爻才性時位參合皆宜乃能如此象曰順以巽也全是許

之之辭乘剛不安之說殊无干涉
九五鴻漸于陵婦三歲不孕終莫之勝吉象曰終莫之勝吉得所願也

五剛得中與二正應二乃五之婦也二欲漸進於五爲艮所止歷三位而後至故有三歲不孕之象然本爲正應彼不正者終莫能勝之故吉五與二應乃夫婦之正配故吉三與四比乃夫婦之邪匹故凶

上九鴻漸于陸其羽可用爲儀吉象曰其羽可用爲儀吉不可亂也

易筌

卷四

十六

上九進之極也進而不已必亢上九知進而又知退下卽同德之三故亦曰鴻漸于陸上與三相應故也以其進退有序容止可觀故曰可用爲儀以其恬於仕進不爲榮利所惑故曰不可亂此在巽體乃能如此巽爲進退非一於進也

歸妹三三

兌震

漸女歸之正者聘則爲妻者也歸妹女歸之不正者奔則爲妾者也說以動以少女而從長男

皆妾之義故卦爻皆以妾取象

歸妹征凶无攸利

彖曰歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

凡悅而動皆不正之事以長男慕少女未有不為禍者所謂征凶无攸利也况二四以陽居陰有男以不正從女之象三五以陰居陽有女以不正從男之象行皆失正故為征凶上卦以六

易筌

卷四

十七

五乘九四下卦以六三乘九二有夫屈于婦婦制其夫之象故為无攸利

所歸當一讀謂說以動以少女從長男此其所歸必是從姊而嫁之妹來為娣者也動以說為歸妹止而說為咸无非性之欲也而動止別焉咸曰取女吉吉在取也以取屬男歸妹征凶凶在征也以征罪女

象曰澤上有雷歸妹君子以永終知敝永其終則不遽絕不待絕而後續也咸以少遇

少恒以長遇長夫婦之正也歸妹以長男遇少女是歸少以濟長而永其終也

物生必終有以永之則不終事久必敝有以知之則不敝凡事皆然

初九歸妹以娣跛能履征吉象曰歸妹以娣以恒也跛能履吉相承也

娣之為言第也言以次第御於君也古天子一娶九女諸侯一娶三女同姓媵之穀梁傳云一人有子三人緩帶是也初處下而无正應有娣

易筌

卷四

十八

之象此古今常禮不為貶損故曰以恒言以常禮而行也跛者不能自行依人乃可如娣妾承正室以行則吉故曰跛能履相承也

九二眇能視利幽人之貞象曰利幽人之貞未變常也

九二承上歸妹以娣之辭初在下履象二在初上視象婦道行不踰域窺不出戶象跛能履眇能視履不直前視不遠矚也幽人猶曰靜女二居兌中處於三下亦幽人象

六三歸妹以須反歸以娣象曰歸妹以須未當也賤妾爲須指六三三處兌說之極不中不正而居九二之上此妾之佞媚而上僭者也歸妹而用須以從豈所宜哉不若反而歸之惟用初九九二之娣雖跛與眇蓋剛正賢女也未當言從嫁當以娣姪不當用須

一說六三柔變爲剛內懷專寵之心故其歸也以須不以娣夫須賤妾也之以自從得无貶損而取辱乎故中悔而反歸於家復以娣往江汜

易筌

卷四

十九

之詩所爲作也

九四歸妹愆期遲歸有時象曰愆期之志有待而行也

二類莊姜四類孟德曜皆不以悅而妄動者

六五帝乙歸妹其君之袂不如其娣之袂良月幾望吉象曰帝乙歸妹不如其娣之袂良也其位在中以貴行也

六五有柔中之德女之貴而賢者也五爲君二爲娣五陰二陽故曰不如其娣之袂良月與日

望則相敵幾望者月遜日婦遜夫之象也故吉象傳四句一氣說曰帝乙歸妹以爲不如其娣之袂良者其位在中以所貴而行也

京房載帝乙歸妹之辭曰无以天子之尊而乘諸侯无以天子之富而驕諸侯往事爾夫必以禮義其務自貶損以无加于娣可以想見

上六女承筐无實士刲羊无血无攸利象曰上六无實承虛筐也

女指六三之兌女士指上六之震男一處說之

易筌

卷四

二十

極一處動之極二爻不相應與故不言夫婦而稱士女焉上六陰虛約婚而无納幣之實故三承其虛筐三亦陰虛受約而不能具酒食召鄰里盡附遠厚別之義故士刲其死羊婚姻之不成可知矣

咸恒男女少長自爲配偶夫婦之正蠱隨歸妹男女長少非其配偶夫婦之變長女惑少男爲蠱少女悅長男爲歸妹女下于男女爲主故曰長男先少女爲隨少女適長男爲漸男下于女

男為主故吉

豐三三震

豐亨王假之勿憂宜日中

假依馬融作古雅反大也與孟子王請大之同故傳以尚大也釋之

彖曰豐大也明以動故豐王假之尚大也勿憂宜日中宜照天下也日中則昃月盈則食天地盈虛與時消息而況於人乎況於鬼神乎
象曰雷電皆至豐君子以折獄致刑

易筌

卷四

三

噬嗑動先于明猶慮未當故曰明法勅法豐明而後動刑可施矣故曰折獄致刑
初九遇其配主雖旬无咎往有尚象曰雖旬无咎過旬災也

初以四爲配四以初爲夷上下之辭也自下並上爲配如妻配于夫君配于天也自上並下爲夷如山之夷而入于川日之夷而入于地也傳亦云夷于九縣

初與四不相應在他卦爲兩剛相敵而不相得

在豐則雷電皆至明動相資往而與合則可因

四以遇五明良會而功業成故可嘉尚

因四得五非可遠也故雖遲遲旬日而无咎旬者離納已震納庚自己逆數至庚爲旬自離初至震四也過庚復已則爲離之四當有焚棄之災矣故曰過旬災也

初往有尚二往得疑疾者以陽從陽雖非正應猶稱配主以陰從陰非特暗者不能開明者亦自失矣

易筌

卷四

三

六二豐其蔀日中見斗往得疑疾有孚發若吉象曰有孚發若信以發志也

蔀沛皆草木蒙翳蔽塞之象豐離下震上離爲日震二陰一陽二陰象魁一陽柄也故曰日中見斗以陰遇陰故曰疑疾有孚指三陽純陰不可言乎明者九疑暗則多疑二既陰暗又往求陰必得疑疾故不可往二若不往則有三四二陽自來乎而發其昏暗如發蒙之發謂徹其蔀也

九三豐其沛日中見沫折其右肱无咎象曰豐其沛不可大事也折其右肱終不可用也

公羊傳草棘曰沛孟子沛澤多而禽獸至則沛亦沛之義也沫子夏以爲小星薛氏謂斗之輔星是也日中見斗已非所宜至見沫則又甚矣三應上非所應而應此昏所以甚于四也

九三陽剛得位不免沛沫之患者以其應上六之陰柔也上六止應乃不足恃如人折其右手无與爲援者矣然失不在已故无咎

易筌

卷四

三十三

九四豐其蔀日中見斗遇其夷主吉象曰豐其蔀位不當也日中見斗幽不明也遇其夷主吉行也六二九四同爲蔀斗而意實不同六二指六五爲蔀斗故不可往往則入于暗而得疑九四之蔀與斗皆自謂也故利于行行則遇明而得吉象恐人以二爻同看亦以四之蔀斗歸責六五故九四之象最詳

二之暗在五四之暗在已以陽居陰又不在明體故也遇其夷主因初之來而得相遇既遇則

以明而動矣故吉

六五來章有慶譽吉象曰六五之吉有慶也

來章指九四五柔屈體下求四剛陰陽交錯成章也四剛上行之五則初應四二應五三應上諸爻俱聚於五而成豐大之慶矣有譽兌爲口譽之者也

以六二爲章者非易之章皆指陽爻坤之含章亦以三言之

易筌

卷四

三十四

上六豐其屋蔀其家闕其戶闕其无人三歲不覿凶象曰豐其屋天際翔也闕其戶闕其无人自藏也

上六應三今九三不爲所用則上雖欲見之而不得故曰闕其无人自上至三歷三位故曰三歲不覿自藏謂人以其昏暗自高皆棄絕之自閉藏而不與親也廷秀云家之揜也門之空也自此三歲而熠耀行于室麋鹿遊于臺矣豈復覿其家之有人跡乎

旅三三

艮

旅小亨旅貞吉

彖曰旅小亨柔得中乎外而順乎剛止而麗乎明是以小亨旅貞吉也旅之時義大矣哉

柔得中乎外而順乎剛此以六五釋旅小亨之義止而麗乎明此以重卦釋旅貞吉之義知止則所處者正麗乎明則所依者正

象曰山上有火旅君子以明慎用刑而不留獄特明則不能慎知慎則遲疑而易留

初六旅瑣瑣斯其所取災象曰旅瑣瑣志窮災也

易筌

卷四

三

斯分析也離爲分析又爲火災初六卑鄙瑣瑣然分析其所取是以困窮而遇災斯卽詩斧以斯之之斯初居最下過柔而不貞雖有正應志弱而不能往從但瑣尾流離自取災禍而已志窮災言非別有災志窮卽災也

六二旅卽次懷其資得童僕貞象曰得童僕貞終无尤也

鄭司農云資作齎行用也二卽陰之本位爲卽次之象柔與在中以虛承實爲懷資之象初爲

小子而二履之爲得童僕之象貞處旅之正道也初六以不正而取災六二以正而无尤

九三旅焚其次喪其童僕貞厲象曰旅焚其次亦以傷矣以旅與下其義喪也

九三未嘗不當位故貞與二同但過剛不中非處旅之道故屬近離故爲其所焚去初遠故喪其童僕曰與下非无童僕也以陽剛下與二陰爲三失主僕之義故云其義喪也

九四旅于處得其資斧我心不快象曰旅于處未

易筌

卷四

三

得位也得其資斧心未快也

詩公劉于時處處于時廬旅則旅與處不同對出言之爲處陽實爲資足以自利剛斷爲斧足以自防皆九四之自有者故曰得其資斧然未得位上不足以發五之志下不足以致二之賢如孟子國中授室養以萬鍾猶一旅人耳故我心不快

六五射雉一矢亡終以譽命象曰終以譽命上逮也

獵者一出卽返非離其家室者也六五王者无
外不可言旅故以射雉爲象射雉者以一矢亡
之不煩再發如王者于文明之賢求无不獲而
以譽命終之也上卽六五言譽命自六五而及
乎下也

解二田獲三狐得黃矢坎中陽畫象矢故云得
旅五射雉一矢亡離中虛故云亡

九鳥焚其巢旅人先笑後號咷喪牛于易凶象
曰以旅在上其義焚也喪牛于易終莫之聞也

易筌

卷四

二十七

鳥高飛而不知息人遠征而不知歸皆自棄其
所安也旅人先以遠行爲喜後以途窮爲悲秉
剛而不知變失柔順之道正與夫子所言順剛
麗明者相反宜其凶已蓬轉萍飄之人不能柔
順固譽命所不逮也故曰終莫之聞

胡氏曰旅不當用剛故三陽皆不利二柔順中
正五柔順文明皆得其道者也內卦初不及中
故有災三過中故焚次外卦四不及中故不快
上過中故號咷蓋不及則弱不自持過則剛必

自折在內在外皆然

巽三三巽

巽小亨利有攸往利見大人

卦以柔爲主陰生而陽異之

彖曰重巽以申命剛巽乎中正而志行柔皆順手
剛是以小亨利有攸往利見大人

巽於人无所用獨用之於命令以其順也命已
順矣而又申之順之至也

朱子發曰內巽者命之始外巽者申前之命也

易筌

卷四

三十

卦體陰陽雖不交而陰皆承陽有命令下入之
象若剛不順乎中正則將褊隘而爲邪若柔不
順乎陽剛則將柔媚而爲諂故剛順乎中正柔
皆順乎剛所以爲巽之體也若徒以一陰潛伏
謂之爲巽而不究乎陰畫在二陽之下有順乎
陽剛之象陽畫在二五之位有順乎中正之德
則巽之所以致亨者不可得而見矣

人有思慮必斂而向內蓋陽之有謀假陰之潛
隱以爲用思慮非出於陰也人有喜悅必見而

在外蓋陽之舒散假陰之和柔以爲用喜悅非由於陰也故二陰一陽則陽爲之主二陽一陰則陰非爲主但爲陽之用耳

象曰隨風巽君子以申命行事

初六進退利武人之貞象曰進退志疑也利武人之貞志治也

初承二而應四重巽之卦剛柔皆无正應故從四從二進退不能自決

初六不武甚矣能以剛烈不屈之氣而矯其巽

易筌

卷四

三九

懦不立之志然後得其正而向之志疑者可治矣巽爲進退故疑其究爲躁卦故武

李泰伯曰夫救弊之術莫大乎通變然民可與

樂成難與慮始非斷而行之不足以有爲矣巽

初六曰進退利武人之貞謂處令之初未能服

令故進退也則宜用威武以整齊之乃能成命

也或曰子謂執剛莫如體柔責人莫如自脩而

乃以威武成命何也曰同人九五敵剛也困九五來異方也其欲勝敵懷遠不可暴也舜於有

苗文王於崇乃其迹也巽之初六行令於吾人也令善而衆疑不濟以威是終不可爲也周官凡出教令必徇以木鐸曰不用法者國有常刑乃其事也蓋所施之異胡可結以一言哉

九二巽在牀下用史巫紛紛若吉无咎象曰紛紛之吉得中也

古尊者坐於牀卑者俯伏拜跪於牀下巽疑卦也初與二皆以不正自疑二退而據初心在乎下故曰巽在牀下史巫占問之人用史巫紛若

易筌

卷四

三十

疑之甚也初柔而疑利以剛矯之二雖未正而得中无咎何必紛紛如此然而致吉者以中也二居中配五初又順之但見其吉何咎之有

九三頻巽吝象曰頻巽之吝志窮也

九三居兩巽之間一巽未已一巽復來故曰頻巽九三以剛處剛卑巽非其本心而勉強至此故曰吝

伯厚曰柔而剛則能遷善剛而柔則能順理復六三柔而不中勉爲初之剛而屢失故頻復巽

九三剛而不中勉爲初之柔而屢失故頻巽
六四悔亡田獲三品象曰田獲三品有功也

三品指下三爻四居五下巽順而盡事君之禮
故初六九二九三莫不巽順之如田獵而有三
品之獲也大臣謙恭下士收拾天下之人才如
此其有功於國大矣三品有獨指陽爻言者未
是蓋下三爻剛居剛乾豆之象初與我應賓客
之象九二應五充君之庖之象

九五貞吉悔亡无不利无初有終先庚三日後庚

易筌

卷四

三

三日吉象曰九五之吉位正中也

巽爲疑卦九二中矣猶以不正自疑紛紛而不
決九五中而且正其巽之疑悔至是盡亡又曰
无不利者決之也巽卦惟此爻爲美其多疑猶
若此巽之止於小亨有以也九五之吉位正中
也言其吉獨此一位耳九五制命之主故於此
統論一卦之義先庚後庚變更也續也凡事
之變必其初不善故曰无初變而歸善故曰有
終既欲變更必告人以欲變之意先後反覆不

一而足所謂重巽申命也觀盤庚三篇可見

邵國賢曰先後甲三日重甲也甲者始也先後
庚三日重庚也庚者更也蠱亂而治有復始之
道故曰終則有始巽變而通有圖終之道故曰
无初有終

上九巽在牀下喪其資斧貞凶象曰巽在牀下上
窮也喪其資斧正乎凶也

上九與九二皆以陽居陰失位之象巽而又巽
者也故皆爲巽于牀下陽本能斷過巽則失其

易筌

卷四

三

斷故曰喪其資斧斧武人器也能斷則其貞爲
利初是也不能斷則其貞爲凶上是也爻柔位
剛猶望其斷爻剛位柔則并其斷失之矣謙與
巽皆美德謙之過而取其行師征國邑巽之過
而至于喪資斧皆不欲其過也

兌三三兌

兌亨利貞

柔在外爲利剛在內爲貞

彖曰兌說也剛中而柔外說以利貞是以順乎天

而應乎人說以先民民忘其勞說以犯難民忘其死說之大民勸矣哉

象曰麗澤兌君子以朋友講習

初九和兌吉象曰和兌之吉行未疑也

初去三遠不特志可信而行亦未涉于可疑二去三近行雖不免于可疑而志則可信

六三下卦之主爻所悅者初九九二也初重剛

二剛中不為其所惑故曰和兌曰孚兌然曰未

疑曰信志則其跡固有近疆者矣九四俯比六

易筌

卷四

三

三之柔媚仰承九五之剛尊其所悅商度而未定以其居上下之介也能毅然秉道疾邪而惟五之歸何喜如之

九二孚兌吉悔亡象曰孚兌之吉信志也

六三來兌凶象曰來兌之凶位不當也

九四商兌未寧介疾有喜象曰九四之喜有慶也

四上承九五下比六三所說商量未定以其爻

剛位柔半動半靜故其象如此介與豫六二介

于石之介同但三居下體四上體各分上下非

若豫六二與初六六三同體也九四之喜有慶也言九四居此位乃能截斷六三不使為害喜而慶幸之之辭

九五孚于剝有厲象曰孚于剝位正當也

九五陽剛中正然一近上六輒曰孚于剝有厲危之也象傳以位正當釋之如履九五夫履貞厲亦曰位正當也以地相疆近易為所惑故嚴為之坊如此堯舜之世猶憂乎驩兜畏乎巧言令色孔壬此其所以為聖人

易筌

卷四

三

上六引兌象曰引兌未光也

此卦以二陰為悅主四陽爻則皆其所悅者三以柔居剛為下兌之主動而求陽之悅故曰來兌上以柔居柔為上兌之主靜而致陽之悅故曰引兌引兌與來兌不同无心於人而人自悅之如莊生所云形滯成光不能使人不保汝者也蓋稍不自晦雖當位而未得為光大此在微細處見得若與來兌同看何以止云未光

溪三三坎

渙亨王假有廟利涉大川利貞

彖曰渙亨剛來而不窮柔得位乎外而上同王假有廟王乃在中也利涉大川乘木有功也

代淵曰二以剛在險中力能濟險四以柔在險外動无違逆故亨彖傳之意全重二四兩爻

象曰風行水上渙先王以享于帝立廟

古立廟必於國之東南祭享必以血故易凡言廟祭必取巽坎巽居東南而坎爲血卦也帝出乎震互震故言帝

易筌

卷四

三十五

初六用拯馬壯吉象曰初六之吉順也

六質柔而履初剛履剛者乘壯馬也坎爲美脊馬又馬少則壯老則弱初所以爲壯馬也初與二比當渙散之初能用壯馬拯二於險中則出險可望何吉如之

明夷之六二有馬不自乘而以拯上六之傷渙之初六有馬不自乘而以拯九二之險彖象皆以爲順言忠順之至也

九二渙奔其机悔亡象曰渙奔其机得願也

机說文木也五爲巽木二互震爲足木而有足机象也二在險中以五爲机而奔之可舍危而就安故曰悔亡蓋互震則能動而出險不至于窮所謂剛來而不窮也

六三渙其躬无悔象曰渙其躬志在外也

六三坎體之上渙其躬險將脫也諸爻獨三應於上三能求援而出險所謂志在外也坎上則當渙之時應上則得渙之助故无悔

六四渙其羣元吉渙有丘匪夷所思象曰渙其羣

易筌

卷四

三十六

元吉光大也

六四巽主出坎險之上渙所由濟王註內掌機密外宣化命是也四與下二陰爲羣而獨居正位志在上同心无私繫能渙陰類之羣所以大善而吉也大聚曰丘二陰爲夷人知羣之爲羣而不知羣之當渙知羣之當渙而不知渙之爲聚故曰匪夷所思四旣不應初又不比三故以渙其羣屬之

九五渙汗其大號渙王居无咎象曰王居无咎正

位也

巽爲風天地用之以動萬物者也有號令象四柔得正位故能渙散乎羣小坎爲隱伏爲矯輳爲險盜皆羣小之象也羣小害正今渙之是以元吉五剛中正故能渙汗其大號言號令之出如汗出於人心而周浹四體无不至也羣邪之構結疾苦之鬱積皆得此而散非在五位者不能故曰渙王居无咎言惟居王位者當之下此則爲咎矣王居有作居積者如散財發粟之類

易筌

卷四

三七

以象證之非是

上九渙其血去逖出无咎象曰渙其血遠害也

上九一變則爲重坎爲血卦惟渙則免于血矣

故曰渙其血又云去逖出者上居渙之極遠出

渙外故不特言出又言逖出去之遠也雖下與

三應陽剛之才无所繫戀故能去之遠而无咎

在險中者貴乎出險在險外者戒乎入險

當渙之時惟剛柔相合而不散可以拯之初柔

二剛在下相合以任拯渙之責故初吉二得願

也五剛四柔在上相合以成濟渙之功故四元吉五无咎也此四爻皆協力以拯渙者若三上居相應之位以遠而不相及故三但能渙其躬而无悔上不過渙血以遠害而已

節三三兌

節亨苦節不可貞

彖曰節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

易筌

卷四

三八

節六爻以當位爲善不當位爲不善初九六四

九五當位者也故初无咎四亨五吉九二六三

不當位者也故二凶三嗟至上當位而亦凶者

以其當節之極處上之窮其取義又自不同也

象曰澤上有水節君子以制數度議德行

水之在澤盈平則鍾此節之象也兌說坎險說

過則流險以節之此節之義也三陽盛三陰節

之一陰盛一陽節之此節之理也故曰澤上有

水節

曰節以制度又曰制數度符謂之節尺謂之度
節取其有限度取其不差節有三節山國用虎
節土國用人節澤國用龍節度有五度尺寸丈
尋引也序卦傳節而信之故受之以中孚此節
字符節也蓋非節不相信非信不相孚唐官名
節度使取此

初九不出戶庭无咎象曰不出戶庭知通塞也
處節之初知節之早

九二不出門庭凶象曰不出門庭凶失時極也

易筌

卷四

三十九

九二失位不正與五剛兩不相得故不出門庭
初與二皆互艮也初在卦下不與五相當故其
節在于謹密二與五應五動而二不動則失時
之節矣故一曰知通塞一曰失時極

六三不節若則嗟若无咎象曰不節之嗟又誰咎
也

初與二皆以不出爲節然初无咎而二凶者以
初知塞二不知通也六三坎至此入澤乃成節
之主爻少有不節輒生嗟嘆嗟則能節矣又誰

得而咎之觀爻傳皆无貶辭知解者多誤蓋當
節之時但有節與過於節者无不節者也

六四安節亨象曰安節之亨承上道也

四居坎而互艮見險而能止下應兌悅安節之
象也可以上承九五得正而亨者莫踰此矣

九五甘節吉往有尚象曰甘節之吉居位中也

薛溫其曰甘臨无攸利者在下用甘佞而進也

甘節往有尚者在上用甘民悅隨也二之所以
不出門庭者以五非正應也若九往而爲上則

易筌

卷四

四十

六來居五與九二正應相爲配合故曰有尚如
得尚于中行之尚豈至于失時也哉

上六苦節貞凶悔亡象曰苦節貞凶其道窮也

五得中故甘上過中故苦

歐陽永叔曰節以制度不傷財不害民節者物
之所利也何不堪之有苦節者節而太過持於
已不可久雖久而不可施於人故曰不可貞凡
異衆以取名貴難而自刻者皆是也其人則鮑
焦於陵仲子之徒歟

丘輔國曰爻各相比而相反初與二比初不出戶庭則无咎二不出門庭則凶二反乎初者也三與四比四柔得正則以安節而亨三柔不正則以不節為嗟三反乎四者也五與上比五得中則為節之甘上過中則為節之苦上反乎五者也

中孚三三

巽

中孚豚魚吉利涉大川利貞

彖曰中孚柔在内而剛得中說而巽孚乃化邦也

易筌

卷四

四二

豚魚吉信及豚魚也利涉大川乘木舟虛也中孚

以利貞乃應乎天也

江豚知風鶴知夜半雞知旦皆物之有信者故

中孚取以為象江豚吹浪則必有風无或爽者

故曰信信及豚魚言信等豚魚也

象曰澤上有風中孚君子以議獄緩死

用刑者中心有毫髮之凝受刑者中心有毫髮

之憾即非中孚

初九虞吉有它不燕象曰初九虞吉志未變也

離為飛鳥朱子言中孚乃疊畫之離故六爻多

以飛鳥取象初九之虞如即鹿无虞之虞乃防

守山林護鳥獸於方孽者也虞吉言初比於二

如虞在澤中護鳥獸于方孽則吉若往應乎四

是謂有他不燕不燕猶言不乳也古謂燕為玄

鳥亦謂之乙其來主孚乳蕃滋至日祀高禴祈

子今荆楚之俗燕來有入室者以雙箸擲之謂

為生子之兆故人及鳥生謂之乳字從乙從孚

取此應四則不燕者以四雖正應彼方絕類而

易筌

卷四

四三

上不我顧也

九二鳴鶴在陰其子和之我有好爵吾與爾靡之

象曰其子和之中心願也

中二陰如鳥卵二與五如鳥之抱卵故曰靡曰

靡皆抱卵象靡即羈縻之縻爵鳥雛也

六三得敵或鼓或罷或泣或歌象曰或鼓或罷位

不當也

三與四同為陰柔而其志相反故曰敵三為內

卦主四為外卦主四得正而上孚于五三欲進

而隔于四故三之情狀无常如此

六四月幾望馬匹亡无咎象曰馬匹亡絕類上也
初繫于二而不應四故曰馬匹亡絕類即解匹
亡絕類而上以從五也坤以喪朋爲吉中孚以
絕類爲无咎

幾望者在小畜之上以抗陽凶在歸妹之五以
應陽吉中孚之四從陽故无咎

九五有孚攣如无咎象曰有孚攣如位正當也

九五剛健中正而居尊位孚之主也合九二共

易筌

卷四

四三

爲一體包二陰以成中孚其中誠固結有攣如
之象正所謂剛得中悅而異者故无咎

上九翰音登于天貞凶象曰翰音登于天何可長
也

雞鳴必先振其羽故曰翰音翰音登于天王注
音飛而實不從之謂也雞巽象居巽極在卦上
登天之象

中孚之所以孚者以中虛也如其不虛則人懷
其心方扞格之不暇而何孚之有孚字從爪從

子鳥以爪抱卵也中孚卦四陽居外二陰居內
外實而中虛有卵之象故取之儒者率以實訓
誠獨中庸以天道爲誠以不思不勉爲天道思
爲不行浮華盡剝此虛之至也虛則誠不虛則
不誠觀中孚卦體尤爲較著善哉

高皇帝之論誠也體之而无上守之而无爲如浮
雲之馳空漚花之汎水電影之逐風睡酣之幽
夢斯果實之謂歟虛之謂歟嗚呼清風搖水蟾
影沈淵是又體之而非體相之而非相孰能識

易筌

卷四

四三

其所以然耶世儒之見解能及此否說者謂我
朝國號大明蓋大道昌明之兆信不虛也

小過

三三
震

小過亨利貞可小事不可大事飛鳥遺之音不宜
上宜下大吉

亨利貞三德也時當小過不可執而不通然必
於事爲利於義爲正而後可通亦但可小事而
已

彖曰小過小者過而亨也過以利貞與時行也柔

得中是以小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也

過无小大皆所不宜不得已而小過亦當知止宜下者艮體能止也不宜上者震體能動也

象吉小過卦繼中孚中孚肖離離有飛鳥之象變爲小過則肖坎坎見離伏見坎不見離則鳥以飛過但聞其遺音也上則乘剛故不宜上下則承陽故宜下

易筌

卷四

四十五

象曰山上有雷小過君子以行過乎恭喪過乎哀用過乎儉

初六飛鳥以凶象曰飛鳥以凶不可如何也

初柔而處下本順也乃上應於四不安艮止之常而妄徼震動之事如小鳥高飛力盡必墮其凶何疑故曰飛鳥以凶不可如何者卽莊生所言速成不及改也

六二過其祖遇其妣不及其君遇其臣无咎象曰不及其君臣不可過也

三爲父四爲祖四尊於三也妣指六五而言三爲艮主故爲君二之柔不敢越過三之剛而僅與初遇故曰不及其君遇其臣初爲臣者初在二下也

九三弗過防之從或戕之凶象曰從或戕之凶如何也

小過乃陰過之時故二陽爻皆稱弗過言陽弗能過也防之防陰也弗能過之則當防之若不防而反從之則彼得以戕我而凶矣

易筌

卷四

四十六

九四无咎弗過遇之往厲必戒勿用永貞象曰弗過遇之位不當也往厲必戒終不可長也

六五密雲不雨自我西郊公弋取彼在穴象曰密雲不雨已上也

二陽君也祖也乃降而居下二陰臣也妣也乃升而居上二與五應故往而求之然必過三與四而始見六五故爲過祖與君而遇妣與臣之象臣不可言過君故曰不及如言不相值云耳其實卽過也密雲不雨則无陽也自我西郊陰

爲唱也已上言過上已甚卽彖所言上逆也卦體重畫之坎坎爲穴二陽在穴中五自上臨之故又有公用取彼在穴之象非陰陽正應故曰弋取

陰陽和而雨今陰過於陽已上而太高矣豈能成雨乎易言密雲不雨者一小畜終於旣雨者陽之極爲陰也小過終於已亢者陰之極爲陽也

楊用脩曰易曰密雲不雨自我西郊天地之氣

易筌

卷四

四

東北陽也西南陰也雲起東北陽倡陰必和故有雨雲起西南陰倡陽不和故无雨驗之風電亦然或問東爲陽方西爲陰方是矣南本陽而屬陰北幽陰而屬陽何也曰一陽生于子仲天之氣所始也卦又當坎北非陽而何一陰生于午仲地之氣所始也卦又當離南非陰而何上六弗遇過之飛鳥離之凶是謂災眚象曰弗遇過之已亢也

四應在初初在小過之始雖躁而弱必借四之

勢而後能疾如飛鳥曰飛鳥以凶四以之也上則勢亢不與三遇而一意于過如鳥不量其力高飛不已其離于繒繳必矣故曰凶曰災眚初上動則成離有飛鳥象

六五已過曰已上上六又過之曰已亢

初害四曰以凶其辭若急至四曰无咎曰厲曰勿用則其辭緩三害上曰或戕其辭若緩至上曰離之曰凶曰災眚則其辭決何也陰過之時陽剛宜下四居柔則能下凶或可免三居剛則

易筌

卷四

四

好上必不免矣

初上兩爻皆陰而不中過者也故皆曰凶戒其過也二五兩爻二比三五比四剛柔相濟位復得中不過者也故无凶咎之戒此上下四陰爻之別也至三四兩陽在三則曰弗過防之謂防下二陰也使三在二陰之上而不防則陰必害已故凶四曰弗遇過之遇上二陰也使四在二陰之下或輕動致五上之遇則厲矣故曰往厲必戒然陰在陽上其害猶淺陰在陽下其禍

不測故三凶而四无咎此又兩陽之別也

既濟三三離

坎

既濟亨小利貞初吉終亂

彖曰既濟亨小者亨也利貞剛柔正而位當也初吉柔得中也終止則亂其道窮也

初吉終亂以柔在二則吉在上則亂卦象離明在內坎險在外亦有初吉終亂之象蘇氏曰柔皆乘剛非正也以濟變則可既濟變而反其正以此終焉止而不變則亂矣

易筌

卷四

四九

象曰水在火上既濟君子以思患而豫防之

初九曳其輪濡其尾无咎象曰曳其輪義无咎也坎爲輪初在下不惟不進且并四曳而止之初爲尾獸涉水必揭其尾濡尾者以尾探水之淺深皆不輕進之義

六二婦喪其茀勿逐七日得象曰七日得以中道也

婦指二茀指初爾雅輿革前謂之輶後謂之茀竹前謂之禦後謂之蔽詩翟茀翟茀是也初往

應四則二喪其茀矣然四方陷于重險何暇顧初初雖往不容久留必將自復二雖喪必得勿逐可也

一說離文明有翟茀之象五上二下男不下女不以茀來迎則婦喪其茀不可行矣然二五正應終必相合故勿逐自得七日得自二數之至上爲五復自初數至二凡七日

九三高宗伐鬼方三年克之小人勿用象曰三年克之憊也

易筌

卷四

五十

鬼方極遠之國卽莫靡之屬也蒼頡篇鬼之爲言遠也世本黃帝娶於鬼方氏匡衡疏云成湯化異俗而懷鬼方豈湯時鬼方已內屬於式圍之中而復叛於中衰之日故高宗伐之以中興殷道也歟西羌傳曰殷室中衰諸侯皆叛至武宗征西戎鬼方三年乃克詩云自彼氏羌莫敢不來王是其證也九三離日將昃剛得正而位不中聖人深致警焉上六陰柔遠在坎險鬼方之象離爲戈兵伐之象由三爻至上三年之象

密比四陰小人勿用之象

既濟上三爻猶泰上三爻有向衰之漸故高宗不屬五而屬三

六四濡有衣袽終日戒象曰終日戒有所疑也

說文濡繻采也袽絮縕也一作絮塞漏孔之敝帛也黃庭經世事紛紛如臭帑卽此治平之世藏有亂機如盛服之中藏有敗絮坎爲隱伏故也四居坎初以涉險之始居多懼之位故其戒若是

易筌

卷四

五十一

一說繻子夏傳作襦短衣也袽絮縕也一襦足矣而又有衣焉以表其外有袽焉以實其內蓋六四處二剛之中五在外爲衣三在內爲袽其戒備如此者以柔處險不自知其憂疑之過耳九五東鄰殺牛不如西鄰之時也實受其福象曰東鄰殺牛不如西鄰之時也實受其福吉大來也此爻言既濟之時不如未濟之時尚可有所爲所以爲當事者之戒非與二校論也九五既濟久矣禮樂文物制度儀等依然如舊也然行法者

非夙心守法者非舊人僅有文具而已此何足以感人而格神也彼新造之國其具未備其心則誠故曰東鄰殺牛不如西鄰之禴祭實受其福

上六濡其首厲象曰濡其首厲何可久也

上六在既濟之終已出坎水之上矣下應九三則又沒於坎水之中豈不危厲既濟一變則倒轉爲未濟首反向下故其象如此

未濟三三

坎離

易筌

卷四

五十二

未濟亨小狐汔濟濡其尾无攸利

史記春申君說秦昭王引易狐涉水濡其尾言始之易終之難也與經文小異

彖曰未濟亨柔得中也小狐汔濟未出中也濡其尾无攸利不續終也雖不當位剛柔應也

未濟雖不當位而剛柔皆應應則陰得陽以爲助而終濟矣故亨也蓋申解亨字又一意

象曰火在水上未濟君子以慎辨物居方初六濡其尾吝象曰濡其尾亦不知

九二曳其輪貞吉象曰九二貞吉中以行正也

初之濡尾欲進而不能者也故吝二之曳輪能進而不欲者也故貞吉

六三未濟征凶利涉大川象曰未濟征凶位不當也

既濟登岸乃可征行未濟而行有沒身而已故凶然必涉大川拔出險難乃利三在坎上有出險之象故云

未濟上三爻皆善亦如否之上三爻

易筌

卷四

五十三

九四貞吉悔亡震用伐鬼方三年有賞于大國象曰貞吉悔亡志行也

未濟之爲卦也以水火不交也是以居中者其責重三出坎而承離故以涉川爲利四居離而履坎故以伐國爲功三以位四以才拔難樹功上下所倚藉也

六五貞吉无悔君子之光有孚吉象曰君子之光其暉吉也

貞吉與咸九四貞吉同虛中无我之義也光與

謙尊而光之光同下濟光明之義也有孚謂五

孚于二六五雖不當位而與九二剛柔相應同心以濟難者也離爲光而人君之光非一人所能獨成乃因與賢臣有孚以致其光故其光也吉而非剛明自任之光也故曰君子之光有孚吉象曰君子之光其暉吉也管輅曰日中爲光朝日爲暉入中則日在上朝則日在下在上之光以在下之暉而獲吉則五以二而獲吉明矣先儒謂暉爲光之散者非

易筌

卷四

五十四

爻中兩吉字貞吉者六五自謂也有孚吉者謂九二也小象甚明

上九有孚于飲酒无咎濡其首有孚失是象曰飲酒濡首亦不知節也

既濟之終有亂之理故上六以濡首爲人事之危未濟之終有濟之理故上九以濡首爲人事之失也六五以九二爲孚則上九之孚者六三也濟以孚爲美然而所以用此孚者不可忽也六三以坎從離酒自下升而入于上則飲食之

象也上九自離入坎首反向下而入于酒則濡首之象也我飲食彼則彼可以出險而成既濟之功彼濡我則併我而入于險矣患難將終天下將濟當此之時上之舉動豈可有失失則敗矣此君子謹于辨物居方之事

伊川講易成都有桶匠過之指未濟卦曰三陽皆失位有問其說者余曰凡卦初三五爲陽位六以陰居之故曰失位六十四卦惟未濟爲然易之終始皆陽也始於乾之初九終於未濟之

易筌

卷四

五十五

上九

易筌卷五

繫辭上傳

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變化見矣是故剛柔相摩八卦相盪鼓之以雷霆潤之以風雨日月運行一寒一暑乾道成男坤道成女乾知大始坤作成物乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天下之理得而成位乎其中矣

易筌

卷五

二

胡一桂曰此章專論伏羲體造化以作易全重乾坤二卦乾坤生八卦以至六十四卦蓋易首乾坤而六十四卦皆在其中凡陽皆乾凡陰皆坤也六十四卦盡於乾坤而乾坤盡於易簡賢人能體之所以成德業而參天地者在此矣易之始於乾坤何也以乾坤之卦本天地所自有非聖人安排布置爲之也方乾坤之未畫觀

天之尊地之卑而乾坤已於此定矣而天地中所有之卑高動靜方物象形亦先乾坤中所有之貴賤剛柔變化而位而斷而生而見矣故聖人以畫之奇者爲剛象乾以畫之偶者爲柔象坤一剛一柔相摩而成八卦八卦相盪遂成六十四卦也至六十四卦成貴賤剛柔吉凶變化皆在其中而震雷巽風離日坎月與一寒一暑皆鼓於此潤於此運行於此而陽男陰女莫不成於此矣諸卦無一畫非雷風山澤水火雷風

山澤水火無一畫非乾坤也乾因物之自然故易坤因乾之自然故簡易則有不知之知簡則有不能之能始乎法天地終乎參天地也康伯曰天地之道不爲而善始不勞而善成故曰易簡天地易簡萬物各載其形聖人不爲羣方各遂其業德業既成入於形羣故以賢人目其德業

大傳首提出乾坤二字若貴賤剛柔變化卦爻中原無此名目獨有吉凶二字耳此皆夫子彖

傳象傳中標出六十四卦總是一乾坤而此等乃其中所具之物件夫子闡論乾坤而並及之耳不可以貴賤等與乾坤並列也

風不可言潤樂記作奮之以風雨校是釋典引鼓之以雷霆陽動也潤之以風雨陰隨也

日月運行一寒一暑日在牽牛則寒東井則暑牽牛水宿遠人故寒東井火宿近人故溫此星經說一奇未畫鬼神莫知一畫立而萬事畢矣故物之大始惟乾爲能知之

知猶主也如知府知州之知萬物始于坤冲又始於乾故曰太始

聖人設卦觀象繫辭焉而明吉凶剛柔相推而生變化是故吉凶者失得之象也悔吝者憂虞之象也變化者進退之象也剛柔者晝夜之象也六爻之動三極之道也是故君子所居而安者易之序也所樂而玩者爻之辭也是故君子居則觀其象而玩其辭動則觀其變而玩其占是以自天祐之吉无不利

上章明易之乾坤觀天地之象而得之此則言聖人所以繫辭之故亦由於觀象也聖人設卦指伏羲而言伏羲始作八卦重之爲六十四卦所謂八卦以象告而吉凶變化之理未之詳也至文王觀六十四卦之象而繫之彖辭觀三百八十四爻而繫之爻辭而吉凶明變化生易之理始大備矣下復以二端析爲四類而言之吉凶者失得之已定者也其憂虞之初則謂之悔吝變化者易之用也其所以變化則剛柔二物

易筌

卷五

四

而已故觀吉凶者必自悔吝始觀變化者必自剛柔始文王觀此四者而繫之以辭讀易者亦當觀此四者而玩文王之辭則靜居動作無入而不利矣孔子作大傳一篇全爲此事故學者以繫辭傳名之當時傳授之意從可知矣三極者何立天之道曰陰與陽陰陽天之極也立地之道曰剛與柔剛柔地之極也立人之道曰仁與義仁義人之極也天非陰陽不立地非剛柔不立人非仁義不立天地人其形也陰陽

剛柔仁義道也天以陰陽之道而立爲天地以剛柔之道而立爲地人以仁義之道而立爲人猶屋之有極而立爲屋也三極者參而三矣一生二二生三三生萬物獨無所謂一乎太極者一也一者理也極之爲言至也太極者至之又至非尋常之極故曰太極屋極之極有形也無形之極則曰太極猶莊子之言大塊也塊有限而塊之無限者曰大塊知此者知孔子立言之意矣

易筌

卷五

五

子瞻曰夫剛柔相推而變化生變化生而吉凶之理無定不知變化而一之以爲無定而兩之此二者皆過也天下之理未嘗不一而一不可執知其未嘗不一而莫之執則幾矣是以聖人旣明吉凶悔吝之象又明剛柔變化本出於一而相摩相盪至於無窮之理曰變化者進退之象也剛柔者晝夜之象也象者以是觀之之謂也夫出於一而至於無窮人之觀之以爲有無窮之異也聖人觀之則以爲進退晝夜之間耳

見其今之進也而以爲非向之退者可乎見其今之明也而以爲非向之晦者可乎聖人以進退觀變化以晝夜觀剛柔二觀立無往而不一也

羅君章更生論曰世皆悲合之必離而莫慰離之必合皆知聚之必散而莫識散之必聚今談者徒云向我非今我而不知今我卽向我耳達觀者以死生爲寤寐誠哉是言子瞻之說實與此合

易筌

卷五

六

彖者言乎象者也爻者言乎變者也吉凶者言乎其失得也悔吝者言乎其小疵也无咎者善補過也是故列貴賤者存乎位齊小大者存乎卦辯吉凶者存乎辭憂悔吝者存乎介震无咎者存乎悔是故卦有小大辭有險易辭也者各指其所之此章統論卦爻所繫之辭之通例也自彖者言乎象至无咎者善補過皆解繫辭之文自列貴賤者存乎位至各指其所之皆讀繫辭之法蓋彖辭所言之象卽下文所謂卦也爻辭所言之

變卽下文所謂位也吉凶悔吝无咎皆辭也獨辨吉凶謂之辭者悔吝可以介而免无咎可以悔而致非有憂虞之心者不能謹其微至於吉凶得失之大者讀其辭皆可辨也此而不悟聖人亦莫如之何也已小疵猶小病也始疵則小久之則大所謂向於得而不可言得向於失而不可言失是也

齊者有所統壹之謂陰小陽大雖若不齊惟當其時位者能爲一卦之主而用事焉故曰齊

易筌

卷五

七

易與天地準故能彌綸天地之道仰以觀於天文俯以察於地理是故知幽明之故原始反終故知死生之說精氣爲物游魂爲變是故知鬼神之情狀與天地相似故不違知周乎萬物而道濟天下故不過旁行而不流樂天知命故不憂安土敦乎仁故能愛範圍天地之化而不過曲成萬物而不遺通乎晝夜之道而知故神无方而易无體

此章言聖人用易之事也準如太玄準易之準易之作也原準乎天地故易之成也彌綸乎天

地天地陰陽之用不能無不足亦不能無有餘
彌者補其不足而彌縫之綸者約其有餘而條
理之也下文申言彌綸之事皆就聖人言而以
易無體一語結之聖人卽易也

三知皆申言易所以與天地準也天地陰陽而
已陰陽之大者幽明歿生鬼神而已聖人知此
三者而摹寫於易天地之道舉該括而無餘矣
此易所以與天地準也聖人何以知幽明之故
也天之文地之理炳如秩如此其明也形而下

易筌

卷五

八

者也至文理之所以然者則幽而非耳目之所
及形而上者也衆人或執羈而昧道或見道而
遺羈聖人卽羈而見道以道而制器有無俱妙
真妄兩冥而天地幽明之理盡之矣此其所以
知幽明之故也何以知歿生之說也衆人生不
知所從來歿不知所從往成然寐冥然覺所謂
流浪生歿者也聖人原之而知生之所以始反
之而知歿之所以終卽始終而知其有無始無
終者在卽生歿而知其有不生不歿者存萬物

歿生之說盡之矣此其所以知歿生之說也何
以知鬼神之情狀也精氣所聚之物必有靈焉
以主之精之靈魄是也氣之靈魂是也其合也
精氣可見而魂魄不可見其離也魄之降可測

而魂之游不可測聖人知鬼不自變而必生於
物物不終物而必游於變化鬼神之情狀盡
之矣此其所以知鬼神之情狀也季路問事鬼
神子曰未能事人焉能事鬼問歿曰未知生焉
知歿子路之問及此可謂窮深入微矣或者謂

易筌

卷五

九

夫子不荅其問不知實所以深荅之也此在學
者心領神會豈可以區區訓詁講解得之哉聖
人旣洞晰天地之理其作而爲易以彌綸天地
之道宜無難者與天地相似故不違總言之下
乃詳其實耳知周萬物似天也道濟天下似地
也不過卽不違旁行者達變之權不流者守正
之經也行權而不離於經智之用也樂天知命
智之體也此又自智周萬物而推言之也土者
卽其所居貴賤陰陽順逆皆是也身在是心不

在是不可以言安不安則厭棄之心生而所存者薄矣故安土而後能敦仁敦仁而後能無所不愛也此又自道濟天下而推言之也範如鑄金之模範圍如匡郭之周圍範圍天地之化則宇宙在手造化生身而天地中之萬物皆可曲成而不遺聖人之彌綸天地如此非神無方而易無體者其孰能之所以然者只是通乎晝夜之道而知故耳晝夜之道卽幽明死生鬼神之謂惟其通知所以有此知周道濟範圍曲成之

易筌

卷五

十

妙惟有此知周道濟範圍曲成之妙所以爲通知也張子曰語其推行故曰道語其不測故曰神語其生生故曰易其實一物指事異名耳葉少蘊曰凡易見於有爲者皆言用用之者何體也而易不以體對用故別而論之曰易无體龔深之曰流行於天地之間者無不受命於陰陽而從役于晝夜其微有消息其著有盈虛其分有幽明其數有歿生隨流轉徙未嘗知其爲晝夜也故成然止冥然行惟晝夜之所驅耳通

乎晝夜之道者則異此雖與之來而有所謂不來雖與之往而有所謂不往故其體爲神其用爲易

一陰一陽之謂道繼之者善也成之者性也仁者見之謂之仁知者見之謂之知百姓日用而不知故君子之道鮮矣顯諸仁藏諸用鼓萬物而不與聖人同憂盛德大業至矣哉富有之謂大業日新之謂盛德生生之謂易成象之謂乾效法之謂坤極數知來之謂占通變之謂事陰陽不測之謂神

易筌

卷五

十一

此言天地之道不外於陰陽而聖人摹之以作易莊生所謂易以道陰陽是也一陰一陽循環不已若道路然故謂之道如一闔止謂之闔一闔止謂之闔惟闔而闔闔而闔往來不窮斯名爲變耳非闔闔之外別有變陰陽之外別有道也天人相接處爲繼人所稟賦處爲成曰善曰性孟子之說實原于此但仁智者多却一見百姓又少却一知于原來面目遂爲有間耳試觀天地之顯仁藏用而鼓萬物也業謂之富有德

謂之日新大且盛矣實皆陰陽自然之妙在陰無陰陰以之生在陽無陽陽以之成以聖人校之未免有憂尚有一塵之隔然聖人能以其有憂法天地之無憂而易作焉何以謂之易生生也何以謂之生生乾之成象坤之效法也有乾有坤則有六子相生不已八卦定吉凶吉凶生大業而天下之疊疊成矣何者極其數而知來者占也占則可以知吉凶之屯通其變而前用者事也事則可以盡趨避之方苟徒知占而不

易筌

卷五

十一

知事一切俛首以聽於數則文王當殪於羑里仲尼亦殲於桓魋矣何貴於易哉然占也事也一陰一陽其體雖若有定而或陰或陽其變實不可測人皆曰極數而未必能知來人皆曰通變而未必能成事此無他昧於陰陽不測之神也知陰陽不測之神則聖人之無爲與天地之無心始相脗合而成位乎中者無愧矣史稱郭璞洞五行一筮之術穰災轉禍通致無方而不能逃王敦之難性輕易嗜酒好色干寶

嘗戒之璞曰吾所受有本限用之恒恐不盡卿乃憂酒色之爲患乎夫其溺於欲而不能自克所謂穰災轉禍者安在宜其及也

康伯曰神也者變化之極妙萬物而爲言不可以形詰者也故曰陰陽不測原夫兩儀之運萬物之動豈有使之然哉莫不獨化於太虛歟爾而自造矣造之非我理自玄應化之無主數自冥運故不知所以然而況之神是以明兩儀以太極爲始言變化之稱極乎神也夫惟知天之

易筌

卷五

十二

所爲者窮理體化坐忘遺照至虛而善應則以道爲稱不思而玄覽則以神爲名蓋資道而同乎道由神而冥於神也

夫易廣矣大矣以言乎遠則不禦以言乎邇則靜而正以言乎天地之間則備矣夫乾其靜也專其動也直是以大生焉夫坤其靜也翕其動也闢是以廣生焉廣大配天地變通配四時陰陽之義配日月易簡之善配至德

此極贊易之廣大而所以廣大者則由其易簡

易筌

卷五

十

也不禦也靜而正也備也皆易之廣大而獨以乾坤明之者乾坤衆卦之父母乾坤具而諸卦在其中矣其靜也專其靜也翕乃乾坤之本體所謂靜而正也靜而正則動無不正而廣生大生皆自此出易雖廣大其根原實不踰此非易簡而何極言易之廣大而以此結之欲求易者不在於廣大而在於易簡也配天地配四時配日月以易配天配至德以易配人也易配天地可謂廣大矣而本之易簡之至德求易者不知

易簡而求之廣大是不知要也易簡則天下之理得而成位乎其中配天地四時日月之妙皆在於我也至德卽大學之至善中庸之不顯無聲無臭至矣無以復加矣

子曰易其至矣乎夫易聖人所以崇德而廣業也知崇禮卑崇效天甲法地天地設位而易行乎其中矣成性存存道義之門

上贊易之廣大此贊易之至至者無以加之謂也聖人德崇業廣擅一時之盛而實自易得之

易筌

卷五

五

此易所以爲至也德崇於知聖人之知日游於高明而進進不已故知崇而德與之俱崇業廣於禮聖人之禮日就於平易而步步着實故禮卑而業以之益廣是崇也天之體固然聖人特效之而非其自爲崇也是卑也地之體固然聖人特法之而非其自爲卑也蓋自天地設位卑高以陳而易之此道已行乎兩間矣聖人不過因之而已豈有所安排勉強爲之哉當是時真性純固絲絲若存而冲漠之中衆妙已具道義無不自此而出若曰天之崇如何而知必如何以效之地之卑如何而禮必如何以法之亦支離瑣屑而不足以言易矣

聖人有以見天下之賾而擬諸其形容象其物宜是故謂之象聖人有以見天下之動而觀其會通以行其典禮繫辭焉以斷其吉凶是故謂之爻言天下之至賾而不可惡也言天下之至動而不可亂也擬之而後言議之而後動擬議以成其變化

上章存存本原之功也此章擬議言動之功也

存存則擬議者自明擬議則存存者益熟相須
爲用者也首章易簡學易之要也非存存何以
能至二章觀象玩辭觀變玩占學易之功也非
擬議於言動則所謂觀玩者亦空言耳四章盖
互相發也

此言象爻所以立名原取於天下之言動而學
者之言動必擬議於象爻而後可此聖人作易
之本意也會如省會之會自彼而來者面可至
通如通都之通自此而往者方可達非一偏

易筌

卷五

六

一曲有所拘礙者也

天下之理雖有萬殊其肯綮則至要如人一身
得其百節所會而血氣流通何所不貫典禮卽
五典五禮人所日用未有出乎此者聖人論道
極其要妙至於踐履處不過一禮如上言禮卑
下言禮恭與夫博文約禮克己復禮皆一義也
後人才見到玄妙處便流蕩而不法

學易者擬其所立之象以出言則言之淺深詳
畧必各當其理議其所合之爻以制動則動之

仕止久速必各當于時而易之變化成于吾身
矣成其變化其字指易言

鳴鶴在陰其子和之我有好爵吾與爾靡之子曰
君子居其室出其言善則千里之外應之況其邇
者乎居其室出其言不善則千里之外違之況其
邇者乎言出乎身加乎民行發乎邇見乎遠言行
君子之樞機樞機之發榮辱之主也言行君子之
所以動天地也可不慎乎同人先號咷而後笑子
曰君子之道或出或處或默或語二人同心其利

易筌

卷五

七

斷金同心之言其臭如蘭初六藉用白茅无咎子
曰苟錯諸地而可矣藉之用茅何咎之有慎之至
也夫茅之爲物薄而用可重也慎斯術也以徃其
无所失矣勞謙君子有終吉子曰勞而不伐有功
而不德厚之至也語以其功下人者也德言盛禮
言恭謙也者致恭以存其位者也亢龍有悔子曰
貴而无位高而无民賢人在下位而无輔是以動
而有悔也不出戶庭无咎子曰亂之所生也則言
語以爲階君不密則失臣臣不密則失身幾事不

密則害成是以君子慎密而不出也子曰作易者其知盜乎易曰負且乘致寇至負也者小人之事也乘也者君子之繩也小人而乘君子之繩盜思奪之矣上慢下暴盜思伐之矣慢藏誨盜冶容誨淫易曰負且乘致寇至盜之招也

上言君子擬議以成其變化此下舉七爻皆慎於言行者以見其凡例也知此則三百八十四爻皆可類推

致恭以存位者禮極其恭所以存其分義而不

易筌

卷五

九

敢踰越非如後世固位持祿之謂

亢者謙之反知聖人深予謙之九三則知聖人深戒亢之上九

害成害其成也

負者以身負物物貴而身賤故曰負也者小人之事也乘者以身乘車身尊而物卑故曰乘也者君子之器也

天一地二天三地四天五地六天七地八天九地十

此二十字韓康伯本在夫易何爲者也之上班

固律歷志衛元嵩元包皆在天數五地數五之上程朱移此章之首今從之陽數奇故以一三五七九爲天陰數偶故以二四六八十爲地天地者陰陽對待之定體一至十則陰陽流行之次序以五行言之不過一二三四五蓋正數也六七八九十乃其配子一屬水其位居北二屬火其位居南三屬木其位居東四屬金其位居西五屬土其位居中央以五加北方之一則爲六加南方之二則爲七加東方之三則爲八加西方之四則爲九復以四方之一二三四會而歸于中央則成十或曰自一至十天地之全數也五六居中天地之中數也以五十有五去其五餘得四十是爲大衍之數以五十有五去其六餘得四十有九是爲撰著之數舊說以此爲河圖洛書皆无所據今不取

天數五地數五五位相得而各有合天數二十有五地數三十凡天地之數五十有五此所以成變

易筌

卷五

九

化而行鬼神也

天數五至行鬼神也四十有四字韓本在再劫而後掛之下朱子移置在此天數五指一三五七九之五者皆陽也地數五指二四六八十之五者皆陰也氣有二而行有五二非五不能變化故天數有一三五七九地數有二四六八十五非二不能自行故一三五七九則爲天二四六八十則爲地也五位相得者一二也三四也五六也七八也九十也猶甲陽得乙陰丙陽得

易筌

卷五

干

丁陰戊陽得已陰庚陽得辛陰壬陽得癸陰五者之陰陽皆相得也各有合者一六也二七也三八也四九也五十也猶甲陽合已陰乙陰合庚陽丙陽合辛陰丁陰合壬陽戊陽合癸陰五者之陰陽各自相合也天數二十有五謂一三五七九積而爲二十五也地數三十謂二四六八十積而爲三十也總而計之爲五十有五皆是皆天地之數也一三五七九乃天之五行二四六八十乃地之五行一生一成一往一來造化

功用皆不出此故曰此所以成變化而行鬼神也

大衍之數五十其用四十有九分而爲二以象兩掛一以象三揲之以四以象四時歸奇於扚以象閏五歲再閏故再扚而後掛

宋咸易辯云天地之數是自然之數大衍之數是推衍之數推衍者自太極生兩儀則陽一陰二衍而爲三兩儀生四象則太陽一少陰二少陽三大陰四衍而爲十四象生八卦則乾一兌

易筌

卷五

主

二離三震四巽五坎六艮七坤八衍而爲三十三通太極之一兩儀之三四象之十八卦之三十六則其數五十今日大衍之數五十其殆是乎崔憬曰舍一不用者以象太極虛而不用也憬蓋知太極爲數之體而不用矣而未知兩儀四象八卦爲數之用也鄭武子揲著古法云天地之數五十有五而大衍不盡天地之數何也蓋太極生兩儀兩儀生四象四象生八卦所衍者不及五也又云大衍之數五十其用四十有

九言於五十中虛一不用也蓋著四十九合成一圍譬猶渾沌未分乃所虛之一是其用之本也此易之太極也太極之一非數也數自此而起是爲數之體非數之用故不用而虛其一所以存太極之本體而其用則唯兩儀四象八卦所衍之數則其用四十九也聖人用四十九著如下文所云之法掛其一而以四揲之則四其九而爲三十六四其六而爲二十四四其七而爲二十八四其八而爲三十二蓋出于理勢之

易筌

卷五

三

自然非人之智力所能增損此大衍之數五十而唯用四十有九是爲不可易之法也分而爲二謂以四十九著信手分而爲二以置左右也象兩謂自一而生二凡所謂兩者无不象之非特象兩儀也掛懸也掛一者于所分右邊著中取一著懸于前與左右著折立而爲三也象三者自二而生三凡所謂三者亦皆象之不特象三才也夫其所以掛一者何也有所待也以待兩手四揲之餘併歸而爲一也舊法掛一乃掛

于小指間則與扚同矣既有中指兩扚又加以小指則爲三扚是五歲之中不特再閏乃有三閏矣豈理也哉揲連數之也說文云揲閱持也揲之以四者先取左著四四而數之置於左次取右著亦四四而數之置于右也象四時者象一歲之春夏秋冬也奇與畸同奇者所揲四數之餘也歸者併而爲一也旣四四而數左右之著而得正策之數則其四四之後必有餘數或一或二或三或四也扚者勒也歸奇于扚以象

易筌

卷五

三

閏者先以左揲所餘之數勒于左手中指外以象三歲一閏次以右揲所餘之數勒于右手中指外以象五歲再閏也閏者月之餘日積分而成月者也五歲再閏者三歲一閏之後再積日而成月則五歲之間有再閏也故再扚而後掛者一變之中有五節掛一爲一節揲左爲二節扚爲三節揲右爲四節再扚爲五節一節象一歲三節之扚象三歲一閏五節之再扚象五歲再閏是爲第一變也旣再扚而象再閏然後置

前掛扚之著于一處而以所揲見存之正策合而爲一是爲第二變如初法再分再掛再揲再扚也不言分揲而獨言掛者以明再變三變以至十有八變每變皆當掛也林至易裨傳云著數之變九六各一乾坤之象也七八各三六子之象也蓋以六十四變而八分之老陽得八老陰得八三少陽三其八得二十四三少陰三其八得二十四此體數也用數則不无增損於其間體數則陰陽各半用數則陰侵陽陽侵陰是以少則陽少而陰多少陽少陰均二十四而少陽之四益于少陰則少陽二十而少陰二十八也老則陽進而陰退老陰之四歸于老陽則老陽十二而老陰四也以此證之則再變三變皆當掛一也明矣

乾之策二百一十有六坤之策百四十有四凡三百有六十當期之日二篇之策萬有一千五百二十當萬物之數也

策筭也卽著之莖數也筭法初變掛扚之數不

五則九再變不四則八三變亦不四則八凡三變之後得五與四四通計十三則其過揲所得者四其三十六而其數九得九與八八通計二十五則其過揲所得者四其二十四而其數六合十有八變計之則爲乾之策二百一十有六爲坤之策百四十有四合之爲三百六十則當一期之日數期周歲也日行天一歲一周凡三百六十五度四分度之一書堯典云朞三百六旬有六日是也今畧其餘舉其成數言之耳二篇謂易之上經下經也上下經六十四卦凡三百八十四爻陽爻百九十二每爻各四九三十六策積之得四千九百一十二策陰爻百九十二每爻各四六二十四策積之得四千六百八策合之則萬有一千五百二十策應萬有一千五百二十之數而曰當萬物之數者取其盈數言之不論其餘也兼山郭氏曰以畫言之雖六子亦皆乾坤之畫无六子之畫也如震之初乾畫也乾策也震之二三坤畫也坤策也在震初

无是畫无是策也乾畫不得不稱九坤畫不得不稱六也故唯乾坤有用九用六之道諸卦之得奇畫者皆用乾之九也得偶畫者皆用坤之六也終无用七用八之道故九六有象七八无象

是故四營而成易十有八變而成卦八卦而小成引而伸之觸類而長之天下之能事畢矣

王景孟曰營求也用蓍之法以四而揲之成易之數以四而求之故老陽數九四而求之則其

易筌

卷五

五

策三十有六老陰數六四而求之則其策二十有四少陽數七四而求之則其策二十有八少陰數八四而求之則其策三十有二是陰陽老少六爻之本也故曰四營而成易若夫乾坤之策三百有六十而二篇之策萬有一千五百二十亦以四而求之故乾陽爻六六九五十有四四而求之則二百一十有六坤陰爻六六六三十三有六四而求之則百四十有四以乾之五十有四合坤之三十有六爲九十焉亦四而求之

則三百有六十而二篇之策陽爻一百九十有

二其數一千二百七十有八陰爻一百九十有

二其數一千一百五十有二總而言之二千八

百八十亦四而求之則萬有一千五百二十也

凡此皆求以四而得之此易所以成于四營也

十有八變者每一變分掛揲爲一變三度分

掛揲爲三變則成一爻九變則成三畫之卦

於內又九變則成三畫之卦于外凡有十八變

而後成六畫之卦也八卦乃三畫之卦小成謂

易筌

卷五

五

內卦成于下也引而伸之者外卦又成於上則爲六畫之卦六十四也觸類而長之者八卦可伸而爲六十四卦則六十四卦可伸而爲四千九十六卦也以四千九十六卦而斷吉凶天下所能之事盡矣

顯道神德行是故可與酬酢可與佑神矣子曰知變化之道者其知神之所爲乎

易道變化无窮未易見也顯之者辭也顯而可見則幽者闡是謂顯道易之德行至簡至易亦

可測也神之者數也神而莫測則顯者微是謂神德行道顯故可與酬酢德行神故可與佑神變化之道卽所言著數之法變化往來進退分合此非人之所爲乃神之所爲也故曰陰陽不測之謂神

易有聖人之道四焉以言者尚其辭以動者尚其變以制器者尚其象以卜筮者尚其占是以君子將有爲也將有行也問焉而以言其受命也如嚮无有遠近幽深遂知來物非天下之至精其孰能

易筌

卷五

六

與于此參伍以變錯綜其數通其變遂成天地之文極其數遂定天下之象非天下之至變其孰能與於此易无思也无爲也寂然不動感而遂通天下之故非天下之至神其孰能與于此夫易聖人之所以極深而研幾也唯深也故能通天下之志唯幾也故能成天下之務唯神也故不疾而速不行而至子曰易有聖人之道四焉者此之謂也辭變象占雖云四者而其下所論則皆占也至精言所占之事也至變言占之法也至神言占

之理也

制器尚象如後所言衣裳舟楫書契宮室之類皆是下闔戶闔戶一事亦其例也將有行言有所往也一與二爲參二與三爲伍交互之意錯雜也綜三蒼云理經也謂機縷持絲交者屈伸制經令得開合也占法有數有變每爻三揲爲三變每揲有象兩象三象時象閏再閏爲五小變此參伍以變也三揲之奇分而計之則得三少三多一少兩多一多兩少之數去三揲之奇

易筌

卷五

五

以左右手之正策合而計之則得四九四六四七四八之數此錯綜其數也錯謂分而間之綜謂合而總之此二句止論一爻之法通六爻之變得十有八遂成初二三四五上以爲剛柔相雜之文極六爻之數得七八九六遂定重單交拆以爲內外兩卦之象此二句方論成卦之法故曰此言占法也著之變策之數爻之文卦之象皆寂然不動之物初不能如人之有思有爲皆純乎天者也及問而以言則受命如響無遠

近幽深遂知來物其感而通天下之故皆同乎人者也故曰此言占理也

寂然不動感而遂通天下之故是一句寂然固无思爲感通亦无思爲一毫无容私於其間故謂之神玩辭云未占之時如鑑之明如谷之虛及其占也如鑑之照形谷之應聲有何思有何爲乎華嚴以无盡境界爲一禪門无盡衆生无明行相而爲佛事承事无盡諸佛通知无盡諸法而不壞无心卽此理耳

易筌

卷五

三十

韓康伯曰非忘象者无以制象非遺數者无以極數至精者无籌策而不可亂至變者體一而无不周至神者寂然而无不應斯益功用之母象數所由立故曰非至精至變至神則不得與于斯也

至深難見之理皆就易中見之如所謂通幽明之故知鬼神之情狀是也卦中吉凶悔吝其幾半微半顯正在茫昧時盡研磨出來故曰極深研幾此言四者所以爲聖人之道由聖人以其

極深研幾之所得而寓之著卦之中也聖人之深能通志而易之至精出焉聖人之幾能成務而易之至變出焉聖人之神不疾而速不行而至而易之至神出焉是聖人之道皆易之所有故復以易有聖人之道四焉一語結之通天下之志與受命如嚮相應成天下之務與成天下之文定天下之象相應

子曰夫易何爲者也夫易開物成務冒天下之道如斯而已者也是故聖人以通天下之志以定天

易筌

卷五

三十一

下之業以斷天下之疑是故著之德圓而神卦之德方以知六爻之義易以貢聖人以此洗心退藏於密吉凶與民同患神以知來知以藏往其孰能與於此哉古之聰明獻知神武而不殺者夫是以明於天之道而察於民之故是興神物以前民用聖人以此齋戒以神明其德夫是故闔戶謂之坤闔戶謂之乾一闔一闢謂之變往來不窮謂之通見乃謂之象形乃謂之臚制而用之謂之法利用出入民咸用之謂之神

人所未知者開之曰開物晰理也人所欲爲者成全之曰成務適變也

著用于卦未定之先故曰圓而神卦成於著已定之後故曰方以知六爻之義隨其時位變易以吉凶告人故曰易以貢張乖崖言公事未着字前則屬陽陽主生也通變由之著字後屬陰陰主刑也刑貴正名名不可改乖崖所言陰陽卽易所謂方圓耳知來藏往委之著龜而聖心一無事焉滌除玄覽歸于无疵是何思何慮之

易筌

卷五

三

境也故曰洗心退藏於密密猶言未始出吾宗通志是其聰明定業是其睿知斷疑則其神武之決也著龜在萬物亦動植之常耳唯聖人知其爲神提掇出來遂爲卜筮之大用故曰與神物先占而後事故曰前民用有思則與物雜故欲齋有爲則與物敵故欲戒齋戒所以神明其德而與鬼神合其吉凶也德神而著卦之用神矣

觀易洪範明卜筮之用大而且詳豈聖人之神

且智盡出敗甲枯莖後哉古之通志決疑定業而成疊疊必寄諸無心者而後神故聖人欲洗心而退藏于密也必吉凶與民同患而後可欲齋戒以神明其德也必與神物以前民用而後可

闔戶謂之坤闔戶謂之乾坤乾商易之首卦也孔子曰吾得坤乾焉又曰陰陽之義配日月陰陽不測之謂神不曰陽陰而曰陰陽者何一陰一陽之謂道是其解也如曆家不曰朔晦而曰

易筌

卷五

三

晦朔說卦曰物不可窮也故受之以未濟終焉義類如此故曰易逆數也

郭子和曰坤陰物也有闔戶之象乾陽物也有闔戶之象既能闔又能闢是謂變朝闢之暮闔之日復一日往來不窮是謂通至于戶之可見則曰象有形則曰羈制而用此則曰法利于出入而无不用之則曰神然則一戶之設无非陰陽之妙理豈苟然哉治天下之道無他如制一戶之法使之變通可久黃帝堯舜之治不過如

此

是故易有太極是生兩儀兩儀生四象四象生八卦八卦定吉凶吉凶生大業是故法象莫大乎天地變通莫大乎四時懸象著明莫大乎日月崇高莫大乎富貴備物致用立成器以爲天下利漢紀作立象成器以爲天下利今脫一象字莫大乎聖人探賾索隱鈎深

致遠以定天下之吉凶成天下之亹亹者莫大乎著龜是故天生神物聖人則之天地變化聖人效之天垂象見吉凶聖人象之河出圖洛出書聖人易筮

卷五

五

則之易有四象所繫示也繫辭焉所以告也定之以吉凶所以斷也易曰自天祐之吉无不利子曰祐者助也天之所助者順也人之所助者信也履信思乎順又以尚賢也是以自天祐之吉无不利也

爾雅云儀匹也兩儀言陰陽相匹也太極謂天地未分之先元氣混而爲一卽太初太一也老子曰道生一卽指此而言混元既分卽有天地故曰太極生兩儀卽老子云一生二也金木水

火稟天地而生故曰兩儀生四象土分旺四季

又地已該土故但言四象也震木離火兌金坎水各主一時又巽同震乾同兌加以艮坤之土爲八卦故曰四象生八卦也古注疏之說如此房審權云太極生兩儀兩儀生四象八卦非今日有太極而明日方有兩儀後日乃有四象八卦也又非今日有兩儀而太極遯明日有四象而兩儀亡後日有八卦而四象隱也太極在天地之先而不爲先在天地之後而不爲後此可

易筮

卷五

五

補注疏之遺

玩辭凡繫辭之稱八卦卽六十四卦也八卦更相上下爲六十四卦故例以八卦稱之萬物皆具奇偶之法象而天地其最大也萬物皆具九六之變通而四時其最大也萬物皆有爻象之著明而日月其最大也三者具而易之道備矣一家一鄉一國各有占也而據崇高之極可以作天下之易者貴爲天子富有天下者也山巫野祝皆能占也而具神智之全可以爲天下利

者聖人也折筵剡箠毀瓦灼雞皆可占也而有
探索鈎致之神有決疑成務之知可以供聖人
之用者著龜也三者具而易之繩成矣此六句
言成繩之所由立也

離騷索環茅而筵筴環茅
靈草也筵竹筴也楚人謂
結草折竹而卜曰筴

石澗曰伏羲之時未有文字因圖書之文而畫
卦故曰河出圖洛出書聖人則之蓋非圖書有
天生之數而聖人就取之也關子明以五十五
數爲河圖四十五數爲洛書劉牧兩易之謂河

易筌

卷五

圭一

圖之數四十五洛書之數五十五說者以關爲
是劉爲非其實皆不然按書顧命云天球河圖
在東序天球玉也河圖與天球並列則河圖亦
玉之有文者爾崑崙產玉河源出崑崙故河亦
有玉洛水至今有白石洛書蓋白石而有文者
也聖人則之謂則其文以畫卦初無所謂五十
五數與四十五數也夫五十五數易數也易固
有之也易安有所謂四十五數哉四十五數者
戴九履一左三右七五居中而上列二四下列

六八分布而爲九宮子華子言之大戴禮言之
乾鑿度言之在易則无一語及此蓋非易數也
洛書則他經无所見孔安國注洪範乃以爲洛
書者禹治水時神龜負文而列于背有數至九
禹遂因而第之以成九數按禹貢但言導洛不

曾言洛之出書安國何所據而有是說耶夫孔
子曰河出圖洛出書聖人則之是河圖洛書伏
羲之時具有之也劉向父子班固輩皆循安國
之說遂以爲河圖授羲洛書錫禹如此則是伏

易筌

卷五

圭一

羲時止有河圖未有洛書也不亦謬乎圖之數
十書之數九原无所據蓋皆出於緯書漢儒多
習讖緯之學其爲義疏多採諸此自其有九篇
六篇赤文綠字之說故班固以初一至六極六
十五字爲本文顧野王以農用敬用十八字爲
神龜所負者豈不甚可笑哉蘇東坡張南軒皆
謂鄭康成溺於緯書乃云河圖有九篇洛書有
六篇又以河圖爲八卦洛書爲九疇要皆性妄
不足深信

子曰書不盡言言不盡意然則聖人之意其不可見乎子曰聖人立象以盡意設卦以盡情僞繫辭焉以盡其言變而通之以盡利鼓之舞之以盡神乾坤其易之緼耶乾坤成列而易立乎其中矣乾坤毀則无以見易易不可見則乾坤或幾乎息矣是故形而上者謂之道形而下者謂之器化而裁之謂之變推而行之謂之通舉而措之天下之民謂之事業是故夫象聖人有以見天下之賾而擬諸其形容象其物宜是故謂之象聖人有以見天

易筌

卷五

五

此一章反覆發明一象字而着落在神明默成之人非神明默成固无以體易也

陰陽者器也所以陰陽者道也四體者器也所以使四體者道也以无形而使有形故曰形而

上有形而使於无形故曰形而下
楊廷秀云此言聖人作易之意其散在六十四卦之爻象其聚在乾坤之二卦聖人用易之道其散在天下之事業其聚在一身之德行

繫辭下傳

八卦成列象在其中矣因而重之爻在其中矣剛柔相推變在其中矣繫辭焉而命之動在其中矣吉凶悔吝者生乎動者也剛柔者立本者也變通者趣時者也吉凶者貞勝者也天地之道貞觀者

易筌

卷五

五

也日月之道貞明者也天下之動貞夫一者也夫乾確然示人易矣夫坤隤然示人簡矣爻也者效此者也象也者像此者也爻象動乎內吉凶見乎外功業見乎變聖人之情見乎辭

此章專重一動字聖人之辭原是見天下之動而繫之非當動爻象之謂也盖方寂然不動無可言者只是才動便有吉凶悔吝之不同聖人作易不過教人慎動以避凶趨吉而已欲慎動莫若以正故獨提貞之一言雖天地日月不能

外之況人之不正而欲以獲吉萬萬無是理也
陰多而陽少則以剛爲本陽多而陰少則以柔
爲本所謂成卦之主也故曰立本有一卦之時
有一爻之時隨時而趨卽變通之道正義云卦
旣總主一時爻又就一時中各趨其所宜之時
是也

吉凶不同惟貞者勝貞者固守以正而不妄動
也吉凶悔吝生乎動貞則動罔不吉何凶悔吝
之有觀古換切示也卽下確然示人隤然示人

意

爻象動于蓍策之中吉凶見於辭命之際故謂
爻象爲內吉凶爲外功業卽吉凶生大業之業
天地之大德曰生聖人之大寶曰位何以守位曰
人何以聚人曰財理財正辭禁民爲非曰義古
者包犧氏之王天下也仰則觀象于天俯則觀法
于地觀鳥獸之文與地之宜近取諸身遠取諸物
于是始作八卦以通神明之德以類萬物之情作
結繩而爲網罟以佃以漁蓋取諸離包犧氏沒神

易

卷五

聖

農氏作斲木爲耜揉木爲耒耨之利以教天下
蓋取諸益日中爲市致天下之民聚天下之貨交
易而退各得其所蓋取諸噬嗑神農氏沒黃帝堯
舜氏作通其變使民不倦神而化之使民宜之易
窮則變變則通通則久是以自天祐之吉无不利
黃帝堯舜垂衣裳而天下治蓋取諸乾坤刻木爲
舟刻木爲楫舟楫之利以濟不通致遠以利天下
蓋取諸渙服牛乘馬引重致遠以利天下蓋取諸
隨重門擊柝以待暴客蓋取諸豫斷木爲杵掘地
爲臼曰杵之利萬民以濟蓋取諸小過弦木爲弧
剡木爲矢弧矢之利以威天下蓋取諸睽上古穴
居而野處後世聖人易之以宮室上棟下宇以待
風雨蓋取諸大壯古之葬者厚衣之以薪葬之中
野不封不樹喪期無數後世聖人易之以棺槨蓋
取諸大過上古結繩而治後世聖人易之以書契
百官以治萬民以察蓋取諸夬是故易者象也象
也者像也象者材也爻也者效天下之動者也是
故吉凶生而悔吝著也

易

卷五

聖

聖人之大寶曰位卽崇高莫大乎富貴也曰仁曰財曰義卽備物致用立成羣以爲天下利莫大乎聖人也得富貴之位行聖人之道本仁以愛人明義以立政然後可以保烝民之生配天地之大故下文以義農黃帝堯舜實之皆聖人之富貴者也制羣尚象凡十三卦獨乾坤合而不分上古衣裳相連乾坤相依君臣一體也後世衣裳離而爲二尊君卑臣上下判隔失占意遠矣今獠川苗寨多衣統袞上下相連猶是古

易卷

卷五

聖

法所謂禮失而求諸野也

十三卦皆聖人經世大法卽所謂理財正辭禁非者此非聖人之私知也取于十三卦之象然後成亦非一聖人所能爲也歷五聖人而後備蓋斯人生生之道若此其難而聖人所以生生斯人者若此其勞也故曰如古之无聖人人之類滅久矣

此章先言包犧觀物制易中言聖人觀易制物皆尚象之事子瞻曰象者像也像之言似也其

實有不容言者故以其似者告也達者因似以識真不達則又見其似似者而日以遠矣象者豕也爻者折俎也古者謂折俎爲爻其文蓋象折俎之形後世以易有六爻也故加肉爲肴以別之彖則何爲取于豕也曰彖者材也八卦相值材全而體備是以爲豕也爻則何爲取於折俎也爻者效天下之動分卦之材裂彖之體而而適險易之變也

易卷

卷五

聖

德行何也陽一君而二民君子之道也陰二君而一民小人之道也

衆者以寡者爲之君寡者以衆者爲之民二陰而一陽則二陰相率而君一陽故陽卦奇二陽一陰則二陽相率而君一陰故陰卦偶王傳曰衆不能治衆治衆者至寡者也動不能制動制動者貞夫一者也然陽卦陰卦何以爲君子小人之辨奇爲君偶爲民則陰陽之理順而君民之分正故曰君子偶爲君奇爲民則陰陽之理

悖而君民之分亂故曰小人

易曰憧憧往來朋從爾思子曰天下何思何慮天下同歸而殊塗一致而百慮天下何思何慮日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉尺蠖之屈以求信也龍蛇之蟄以存身也精義入神以致用也利用安身以崇德也過此以往未之或知也窮神知化德之盛也

易筌

卷五

四

上繫七爻起于中孚鳴鶴在陰下繫十一爻起於咸憧憧往來卦氣圖自復至咸八十八陽九十二陰自姤至中孚八十八陰九十二陽咸至姤凡六日七分中孚至復亦六日七分陰陽自然之數也此卽經分上下陰陽各有定數之旨吳幼清欲合上繫七爻與此十一爻序于乾坤文言之後共爲十翼之一篇蓋未知此理耳知其同歸則殊塗皆同也知其一致則百慮皆一也千思萬慮皆何思何慮也卽憧憧往來不

見往來之相朋從爾思不着朋從之跡譬之良馬見影輒驚未有見自影而驚者也不然日月寒暑日日往來歲歲往來何嘗以往來爲病雖然此同歸一致處正安身立命一着如尺蠖之屈龍蛇之蟄其伸與存身皆自此得此卽寂然不動之神也非工夫粗淺者可入須精義之功極細極微方得欄柄入手到此如屈而必伸蟄而存身其致用皆不期然而然用無不利身無不安卽崇德也但此等境界猶可以知知可以

易筌

卷五

五

識識何也以其有神在也過此以往百尺竿頭更進一步始而入神至此神已窮矣始而可知至此知已化矣非盛德何以及此謂之盛德則崇德不足言矣漢志曰蠖之義蓋取諸尺蠖之義蓋取諸引蠖于尺伸於引今人布指求尺一縮一伸如蠖之步其尺蠖謂乎潘子醇曰塗殊於所由不殊於所歸同歸則本一家慮百于所思不百於無思無思則均一體蓋無體者總衆體無形者統萬形無體之體不

形之形此之所謂真君

釋典引易曰殊塗而同歸若干徑九達王城不
二九流百氏聖道寧差

易曰困于石據于蒺藜入于其宮不見其妻凶子
曰非所困而困焉名必辱非所據而據焉身必危
既辱且危死期將至妻其可得見邪

卦以剛見揜爲困爻以柔承剛爲辱爲危

易曰公用射隼于高墉之上獲之无不利子曰隼
者禽也弓矢者耨也射之者人也君子藏耨于身

易筌

卷五

巽

待時而動何不利之有動而不括是以出而有獲
語成耨而動者也

君子不患無獲患無時不患无時患无耨不患

无耨患无耨公用射隼盖二用黃矢以射上也

傳中弓矢者耨也正指二言不然此語无着落

矣

子曰小人不耻不仁不畏不義不見利不勸不威

不懲小懲而大誡此小人之福也易曰履校滅趾

无咎此之謂也

懲惡在初改過在小

善不積不足以成名惡不積不足以滅身小人以
小善爲无益而弗爲也以小惡爲无傷而弗去也
故惡積而不可掩罪大而不可解易曰何校滅耳
凶

兩小人不同不耻不仁言愧耻之而後仁也不
畏不義言畏懼之而後義也因懲其小惡而後
戒于大惡此猶是中人之可教者如注家言則
是不可教戒之人必至罪大而不可解矣

易筌

卷五

巽

子曰危者安其位者也亡者保其存者也亂者有
其治者也是故君子安而不忘危存而不忘亡治
而不忘亂是以身安而國家可保也易曰其亡其
亡繫于苞桑

常以爲危所以安其位常以爲亡所以保其存
常以爲亂所以有其治此三句是論其理是故
以下方就君子身上言之

子曰德薄而位尊知小而謀大力小而任重鮮不
及矣易曰鼎折足覆公餗其形渥凶言不勝其任

也

玩辭德之薄知之小力之小皆限于稟而不可
強聖人豈厚責以必能哉責其貪位而不量已
過分而不能勝任爾量力而負其人不跌量鼎
而受其足不折今鼎足弱而實豐有不折足覆
公餗者乎自取之也餗何辜焉

子曰知幾其神乎君子上交不諂下交不瀆其知
幾乎幾者動之微吉之先見者也君子見幾而作
不俟終日易曰介于石不終日貞吉介如石焉寧
易筌 卷五 五
用終日斷可識矣君子知微知彰知柔知剛萬夫
之望

夫知彰者衆矣惟君子于微而知其彰知剛者
衆矣惟君子于柔而知其剛故萬夫望之以爲
進退之候也孔疏曰凡物之體從柔以至剛凡
事之理從微以至彰知幾之人既知其始又知
其終是合于神道

韓康伯曰幾者去无入有理而未形不可以名
尋不可以形觀者也惟神也不疾而速感而遂

通故能朗然玄照鑒於未形也合抱之木起于
毫末吉凶之彰始于微兆故爲吉之先見

子曰顏氏之子其殆庶幾乎有不善未嘗不知知
之未嘗復行也易曰不達復无祗悔元吉

知幾其神卽窮神之神也聖人所以窮神者知
幾而已顏之不達復庶幾聖人之神歟聖心无
動无靜止體自如顏子或不无微動於意然動
卽覺覺卽止所以爲不達復韓退之云顏子之
過非發於行彰於言之謂也生于其心則爲過

易筌

卷五

五

矣顏子止之於始萌絕之於未形所以爲庶幾
先儒乃謂退之過許顏子則孔門之改過者不
少矣何以獨稱顏氏爲好學哉

天地絪縕萬物化醇男女構精萬物化生易曰三
人行則損一人一人行則得其友言致一也

丘行泰曰損自泰來以未成卦言之下乾爲天
上坤爲地以乾上三爻交坤下三爻而爲損有
天地絪縕之象以既成卦言之上坤變艮艮爲
少男下乾變兌兌爲少女有男女構精之象

楊廷秀曰致一者力至之之謂也羿致力而一於射故精于射王良致力而一于御故精於御使羿而欲爲良良而欲爲羿則兩喪其國能矣堯舜之治仁義黃老之治清靜孫吳之治兵其道不同其致一則同也

子曰君子安其身而後動易其心而後語定其交而後求君子脩此三者故全也危以動則民不與也懼以語則民不應也无交而求則民不與也莫之與則傷之者至矣易曰莫益之或擊之立心勿

易筌

卷五

辛

恒凶

益上九位不正又居六爻之窮其身心之危懼可知不能益人而反求人之益其交其求又可知

子曰乾坤其易之門耶乾陽物也坤陰物也陰陽合德而剛柔有體以體天地之撰以通神明之德其稱名也雜而不越于稽其類其衰世之意邪夫易彰往而察來而微顯闡幽開而當名辯物正言斷辭則備矣其稱名也小其取類也大其旨遠其

辭文其言曲而中其事肆而隱因貳以濟民行以明失得之報

天下之動貞夫一奚疑二之有但古之爲民者一今之爲民者二民旣二矣則趨避必惑民行將何以濟民行二矣則得失必迷其報豈可不明明失得之報則吉可趨凶可避所以濟民之陷溺實在於此故曰衰世之意

易之興也其于中古乎作易者其有憂患乎是故履德之基也謙德之柄也復德之本也恒德之固

易筌

卷五

壬

也損德之修也益德之裕也困德之辨也井德之地也巽德之制也

基如基址人之踐履自下而上以漸積累步步皆實則德有其基矣柄者以此自持如言以謙爲欄柄也豁然而運其本心之謂復韓康伯曰夫動本於靜語始於默復者各反其所始故爲德之本所謂立天下之大本者此也不恒則雖得之必失之欲其堅固非恒不可自此而本無者日損則曰修本有者日益則曰裕雖遭非意

之變而所造因以日精日徹故曰辨非自他人觀之也井之德安靜而不動所以爲德之地巽之德柔順而深入細微事至而隨宜斷制所以爲德之制

三陳九卦明聖人處憂患之道乾統三女而爲履坤統三男而爲謙復以一陽動于五陰之下而爲仁三才之道備矣故取此三卦于上經所以立本也男女雜居苟不得其當未有久而不厭者惟恒以長男正位乎上長女正位乎下乃

易筌

卷五

五

天地之大義人道之常經故雖雜而不厭也巽在外體爲益而反則爲損巽在內體爲井而反井則爲困四卦所以表巽道也而復以重巽終焉則內外上下無往非巽矣故取此六卦于下經所以制用也上三卦旣執謙之柄下六卦又達巽之權聖人涉世之道亦可識矣

履和而至謙尊而光復小而辨于物恒雜而不厭損先難而後易益長裕而不設困窮而通井居其所而遷巽稱而隱

心之本體不可目窺故謂之小如道心惟微之微也能得此心何物不辨老子云見小曰明卽此意

潘子醇曰人心心之變體也有思而有爲道心之心之本體也無思而無爲有思有爲其慮宜深惟頻復始厲而無咎故惟危無思無爲其藏宜密以復小而辨於物故惟微

履以和行謙以制禮復以自知恒以一德損以達害益以興利困以寡怨井以辨義巽以行權

易筌

卷五

五

龔深之言三陳九卦初德次體次用其說出九家易

三陳皆有辨困之辨辨于已復之辨辨于物井則人已之間兩極其辨也

象山先生曰復而先以履謙蓋履上天下澤而人居其中先辨一身所以舉錯動作之由謙以自持使精神收聚于內則此心斯可得而復本心旣復謹始克終以得其常而至于堅固私欲日以消磨而爲損天理日以澄瑩而爲益雖涉

危蹈險所遭或至于困而此心卓然不動然後于道有左右逢源之妙至此則順理而行無纖毫透漏如異風之散无往不入

易之爲書也不可達爲道也屢遷變動不居周流六虛上下无常剛柔相易不可爲典要唯變所適其出入以度外內使知懼又明于憂患與故无有師保如臨父母初率其辭而揆其方既有典常苟非其人道不虛行

楊廷秀曰此章言易之用存乎變易之體存乎

易筌

卷五

五

常易之行存乎人何者君臣父子易也視聽言動易也治亂安危取舍進退皆易也苟達求之則涉于渺茫非易矣故曰易之爲書也不可達乾之初九忽上而居坤之上六則坤變而爲剝坤之上六忽下而居乾之初九則乾變而爲姤此易之變上下无常也乾之一陽與坤之一陰相易而震生焉坤之一陰與乾之一陽相易而巽生焉此易之變剛柔相易也是皆不可拘以典常繩以要約惟變所適誰得而禦之然易之

道雖屢遷而其常則不變學易者出入起居非度不由外內屋漏惟懼是知以此應世則遇憂患而自明遇世故而自達以此謹獨則无師保而自律達父母而自嚴君子何修而得此哉其初率乎易之辭而不敢違揆乎道之方而不敢離玩味于變動不居之中探索其典常不變之要則易之道爲吾有矣故曰苟非其人道不虛行

易筌

卷五

五

易之爲書也原始要終以爲質也六爻相雜唯其時物也其初難知其上易知本末也初辭擬之卒成之終若夫雜物撰德辨是與非則非其中爻不備噫亦要存亡吉凶則居可知矣知者觀其彖辭則思過半矣

始終初上二爻也初卦本其事未成故難知終卦末其事已成故易知中爻者洪容齋謂二三四四五也如坤坎爲師而六五之爻曰長子帥師以正應九二而言蓋指二至四爲震也坤艮爲謙而初六之爻曰用涉大川蓋自二而上

則六二九三六四爲坎也觀左傳所載占辭可見彖辭謂文王卦下之辭如乾元亨利貞是也彖辭統論一卦六爻之體雖未十分詳盡而已得其大要矣解者往往以彖傳言之甚謬

漢上云初難知以下言初上二爻雜物以下皆言中四爻二至四三至五兩體交互各成一卦爲互體德謂卦德撰猶言數也二卦固各有德自其中四爻之陰陽雜而互之又成兩卦是別算其德也初德之是非未見上德之是非已定

易筌

卷五

彖

故以中四爻辨之也

二與四同功而異位其善不同二多譽四多懼近也柔之爲道不利遠者其要无咎其用柔中也三與五同功而異位三多凶五多功貴賤之等也其柔危其剛勝耶

此二節論中爻之本體二四同功謂同以陰而居陰也三五同功謂同以陽而居陽也位與六位之位不同彼以陰陽言此以遠近貴賤言也多者諸卦未必盡然而若此者居其強半也柔

危剛勝或指五言或指三言或兼言之皆有未通竊意此剛柔二字與易中剛柔字稍異五君也其位貴其道剛三臣也其位賤其道柔柔而居剛危而多凶剛而居剛勝而多功故曰其柔危其剛勝耶

易之爲書也廣大悉備有天道焉有人道焉有地道焉兼三才而兩之故六六者非他也三才之道也道有變動故曰爻爻有等故曰物物相雜故曰文文不當故吉凶生焉

易筌

卷五

彖

張弢之曰六者非他也三才之道也曰爻曰物曰文曰吉凶指六畫摹寫三才之變態道有變動如天地人之變化爻有等如天位乎上位乎下人處乎中物相雜如星辰昭回山川錯落仁義經緯文不當如天文地理人事精稜相盪休咎相推而吉凶生故曰廣大悉備

易之興也其當殷之末世周之盛德邪當文王與紂之事邪是故其辭危危者使平易者使傾其道甚大百物不廢懼以終始其要无咎此之謂易之

道也

楊廷秀曰无寇言備寇者不若遭寇者之爲用
无虎言防虎者不若遇虎者之爲工意之者不
如履之者也文王遭紂羑里之禍而演易不以
已之憂患忘天下後世之憂患其心危故其辭
危此无他欲使後世之危者平易者傾其慮患
之道大故其爲喻也詳遠取物近取身凡可爲
吉凶得失之象者无一物之或廢學者能以百
物求大道以危辭求安平懼以終始則要歸於

易筌

卷五

五

吉而无咎矣辭卽彖辭爻辭皆文王所作若以
文王止作彖辭則彖辭未見所謂危者惟爻辭
則多有之謂爻辭非文王所作可乎占法不變
者斷以彖變者斷以爻謂文王不作爻辭不知
占法者之妄論云爾

夫乾天下之至健也德行恒易以知險夫坤天下
之至順也德行恒簡以知阻能說諸心能研諸侯
之慮定天下之吉凶成天下之亹亹者是故變化
云爲吉事有祥象事知器占事知來天地設位聖

人成能人謀鬼謀百姓與能

易與險相反惟中心易直者能照天下險巇之
情所謂通志也簡與阻相反惟行事簡靜者能
察天下煩壅之機所謂成務也阻者窒隘填塞
之狀與險惡不同石澗云自上視下所見爲險
自下而上所向爲阻乾自上而臨下故知險坤
自下而上升上故知阻
云爲卽尚其辭尚其變也象事占事卽尚其象
尚其占也

易筌

卷五

五

韓康伯曰人謀凡議于衆以定得失也鬼謀凡
寄卜筮以考吉凶也不役思慮而失得自明不
勞探討而吉凶自著類萬物之情通幽溪之故
故百姓與能樂推而不厭也

八卦以象告爻象以情言剛柔雜居而吉凶可見
矣變動以利言吉凶以情遷是故愛惡相攻而吉
凶生遠近相取而悔吝生情偽相感而利害生凡
易之情近而不相得則凶或害之悔且吝將叛者
其辭慙中心疑者其辭枝吉人之辭寡躁人之辭

多誣善之人其辭游失其守者其辭屈

八卦卽六十四卦也八卦以象告謂卦爻之以象示人也爻象以情言謂繫辭之以言論人也剛柔雜居而吉凶可見此再言象之示人者明也變動以利言吉凶以情遷此再言辭之諭人者異也自彖辭觀之卦體本以變動而成故彖辭專言其變通之利如柔來而文剛分剛上而文柔之類是也雖睽蹇明夷至不美之卦其彖皆有所利蓋其初皆因窮而變變而成卦則以

易筌

卷五

辛

成卦者爲利故曰變動以利言自爻辭觀之據逐爻之情而處事則吉凶皆異於本彖矣故有在彖爲主爻而在本爻則凶者如震之九四震驚百里可爲祭主而在本爻則爲泥而未光之類是也故曰吉凶以情遷言是彖之本辭則爲遷易也自此以下皆言吉凶以情遷之事而以六爻之情與辭明之吉凶悔吝利害之三辭分出於相攻相取相感之三情而總屬於相近之一情由是觀之禍莫大於相近人莫難於相近

也此四相者言爻之情也下六辭者爻之辭也

命辭之法必各象其爻之情故觀其辭可以知其情自四情言之可以見聖人之知險知阻矣自六辭言之可以見聖人之能說諸心能研諸慮矣故曰此以象變占辭推演聖人之知能也廷秀曰學易而有得者可以知言孟子曰我知言是也大抵歉于中者必愧於外秦武陽色變而荆軻爲之辭謝是也故曰將叛者其辭慙將有言于人而逆疑其不售也必左右其說以嘗

易筌

卷五

辛

之此不有售焉則彼必售矣商鞅之說孝公是也故曰中心疑者其辭枝直情无所煩言至正无所揣摩申公之對武帝是也故曰吉人之辭寡人惟无躁競也人而躁競則危言以眩世而无所忌強聒以撼人而不能已能令人厭亦能令人喜厭者察其空空而喜者意其有挾也淳于髡之見梁惠王連語三日三夜是也故曰躁人之辭多小人之疾君子而欲毀之也必淫匿其毀之之迹疾之愈甚則毀之愈緩或顯其

人而陰寓其伎或泛爲之說以旁見其意故毀
行而人不悟公孫弘之諧董仲舒汲黯是也故
曰誣善之人其辭游人之心未有充所主者所
主者義乎攻之者愈衆而主之者愈堅所主者
不義乎外必周爲之防而內必深窒其隙幸而
遇庸人雖欲攻之莫知其所以攻之者不幸而
遇智者先得其隙而入之逆奪其防而據之則
一語而折夷之之見孟子是也故曰失其守者
其辭屈

說卦傳

昔者聖人之作易也幽贊於神明而生蓍參天兩
地而倚數觀變於陰陽而立卦發揮於剛柔而生
爻和順於道德而理於義窮理盡性以至於命
隋經籍志序秦後易失說卦三篇後河內女子
得之今說卦止一篇而別出序卦雜卦二篇恐
隋志混言之耳

自章首至易逆數也當爲一章和順於道德順

易答

卷六

性命之理數往者順三順字相應生著倚數立
卦生爻卽下文成卦成章而陰陽剛柔仁義之
理畢具于其中此自无而之有前所謂太極生
兩儀兩儀生四象四象生八卦順也此皆屬理
義邊事性者理之源理窮則逢其源故窮理所
以盡性命者性之源性盡則逢其源故盡性所
以至命只是一事非真有三項此自有以之无
卽前所謂洗心以退藏於密逆也昔人有云其
爲本也不可以功求其爲源也不可以行得功

亡本現行盡源成噫非知道者孰識之

生著謂初立用著之法神不能言以著言之所以贊神出命故謂之幽贊神即大衍所謂佑神也凡著必藏于廟中人即而筮焉示受命於神也

始終中之三數皆乾之所爲也坤則隨乾之所至兩之而已乾有一畫坤兩之爲耦乾有二畫坤兩之爲二耦乾有三畫坤兩之爲三耦有乾畫則坤能兩之乾之所无坤不能生也故曰地

易筮

卷六

二

道无成而代有終也又曰乾知太始坤作成物又曰成象之謂乾效法之謂坤皆二天兩地之意也倚者依之以立數也三奇爲陽畫兩其三以爲陰畫三畫爲初卦兩其三以爲重卦此畫數之三兩也三三以爲老陽兩三以爲老陰二兩一三以爲少陽二三一兩以爲少陰此策數之兩三也凡數皆自三兩而出

坤一變爲震再變爲坎爲艮乾一變爲巽再變爲離三變爲兌凡卦皆因二氣之變而言也陽

氣不可見則畫爲剛爻以發之陰氣不可見則畫爲柔爻以發之凡爻皆用剛柔之形以發揮二氣之變也陰陽以氣言剛柔以形言下文分陰分陽迭用剛柔意亦同此

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用剛柔故易六位而成章

前章云立卦謂八卦也此云兼三才而兩之故

易筮

卷六

三

易六畫而成卦謂六十四也三畫之卦象三才六畫之卦則兩其三才也方其三畫而未重也下一畫爲地中一畫爲人上一畫爲天重爲六畫則天地人之道各兩而上一爻爲天道之陰陽下二爻爲地道之柔剛中二爻爲人道之仁義道非兩不立偏于一非道也是故立天之道則曰陰與陽立地之道則曰柔與剛立人之道則曰仁與義其間皆著一與字蓋天地人之道各兩而其所謂兩者皆相與爲用不可舉一而

廢一也

天地定位山澤通氣雷風相薄水火不相射八卦相錯數往者順知來者逆是故易逆數也

孔穎達曰此就卦象明重卦之意以乾坤象天地艮兌象山澤震巽象雷風坎離象水火若使天地不交水火異處則庶類无生成之用品物无變化之理所以因而重之令八卦相錯則天地人事无不備矣故天地定位而合德山澤異體而通氣雷風各動而相薄水火不相入而相

易筌

卷六

四

資八卦之用變化如此八卦交錯則易之卦爻與天地等吉凶往來之數備在其中矣易言藏往知來則方來已往之事易皆知之然數往者之事則順而易度將來之事則逆而難易之占筮爲知來設故曰逆數也如曰占事知來曰遂知來物曰以前民用皆逆之謂也安公石易牖云數往者順蓋因下句而並舉之非謂易有數往之順數也

說者謂伏羲圓圖以對待言文王方圖以流行

易筌

卷六

五

言有先天後天二圖托言出於邵子不知對待流行皆易所具聖人反覆推明之有對待其氣運必流行而不已有流行其象數必對待而不移如男女相對待其氣必相摩盪不然則男女爲灰物矣此處安得有先後之分伏羲文王之異邪潮溪陳氏嘗云如以天地定位山澤通氣雷風相薄水火不相射兩兩相對遂別爲伏羲卦圖則雜卦所謂乾剛坤柔比樂師憂臨觀之義或與或求亦兩兩相對當又爲孔子卦圖乎

也

王子衡云易自文王孔子以至漢唐并无以圖爲說者獨邵子云天地定位章伏羲八卦之位帝出乎震章其卦位文王所定不知孔子但隨事理以發明卦蘊如此故以歲時物理生成之序衍卦義也則曰出齊見役說戰勞成以法象對待而發明卦之義理性情也則曰天地山澤雷風水火此氣化物理之必然者何據而以爲

義與文之辨也且神妙萬物章先以雷風火澤水坎爲次復以水火相逮雷風不相悖山澤通氣而言以爲義又涉於文以爲文復涉于義豈不自相矛盾乎至是則先天後天之說不通矣况註云此章所推卦位之說多未詳者亦自不能爲辭也

雷以動之風以散之雨以潤之日以暄之艮以止之兌以說之乾以君之坤以藏之

潘夢旂曰上章先之以乾坤此章終之以乾坤

易筌

卷六

六

蓋上章先言天地之无爲後言六子之相爲用言天地之用六子也此章先言六子之職後言乾坤之道言六子非乾坤則无以主之藏之也丘行可曰雷動風散乾坤初爻相易而爲震巽也雨潤日暄乾坤中爻相易而爲坎離也止之說之乾坤終爻相易而爲艮兌也此六子生物之序也六子致用主於乾而動歸於坤而藏此又父母之功也故以乾坤終之

胡炳文曰自動至暄物之出機自止至藏物之

入機出无于有氣之行也故以象言入有於无質之具也故以卦言

問坤以藏之子醇曰震出而艮反復復而坤藏此易理也明此則愈應而愈寂愈動而愈靜以得所歸宿故也五行惟土爲善藏散而施之百昌皆遂斂而入之一物无有夫物云云各歸其根歸根曰靜靜曰復命復命曰常蓋歸藏於坤也身心有所退藏寤爲无思寂爲无夢一致同歸混然全體卽龍蛇之蟄是已萬物得坤而藏

易筌

卷六

七

遇震而出困於化機之密庸而恬不知悟人爲萬物之靈宜有先覺幸同歸矣而乃有殊塗幸一致矣而乃有百慮身心已得天地之純全古人之大體而反自失之豈不惜哉夫藏用之頃卽未生之前酬酢之頃卽旣生之後一動一靜卽出生入死聖凡皆然但燭歸根之爲常而泛應之爲變則有偏必反乃同造物認出應之爲常而忘歸宿之所在則降本流末乃物于物此其異耳

帝出乎震齊乎巽相見乎離致役乎坤說言乎兌
戰乎乾勞乎坎成言乎艮萬物出乎震震東方也
齊乎巽巽東南也齊也者言萬物之潔齊也離也
者明也萬物皆相見南方之卦也聖人南面而聽
天下嚮明而治蓋取諸此也坤也者地也萬物皆
致養焉故曰致役乎坤兌正秋也萬物之所說也
故曰說言乎兌戰乎乾乾西北之卦也言陰陽相
薄也坎者水也正北方之卦也勞卦也萬物之所
歸也故曰勞乎坎艮東北之卦也萬物之所成終而

易筌

卷六

八

所成始也故曰成言乎艮

此言太極既分之後播五行於四時也震巽二
木主春故震在東方巽東南次之離火主夏故
爲南方之卦兌乾二金主秋故兌爲正秋乾西
北次之坎水主冬故爲北方之卦土王四季故
坤土在夏秋之交爲西南方之卦艮土在冬春
之交爲東北方之卦木金土各二者以形王也
水火各一者以氣王也坤陰土故在陰地艮陽
土故在陽地震陽木故正東巽陰木故近南而

接乎陰兌陰金故正西乾陽金故近北而接乎
陽此其序甚明

帝字宜一讀不可連下作一句蓋八者乃帝之
所爲故以帝冠之出乎震者帝以震出萬物也
故曰萬物出乎震若曰帝自出則齊乎巽亦帝
自齊相見乎離則帝自相見也而可乎物至秋
而成无不自得故說乾當陰陽之交故曰戰坎
當萬物歸根之時故曰勞如勞而不伐之勞言
成功也成則止止則復生故艮成始而成終

易筌

卷六

九

胡炳文曰離明以德言八卦之德可推坤地坎
水以象言八卦之象可推兌秋以時言八卦之
時可推以互見也坤於方獨不言西南坤土之
用不止西南也蓋春屬木夏屬火夏而秋火克
金者也火金之交有坤土焉則火生未木生金
克者又順以相生秋屬金冬屬水冬而春水生
木者也水土之交有艮土焉木克土土克水生
者又逆以相克土金順以相生所以爲秋之克
水土逆以相克所以爲春之生生克克變化

无窮孰主宰之曰帝是也

坤既歸藏抑又致養順冲氣而出蟄則養以平和之味順冲氣而入蟄則養以中和之氣在物則龍蛇之在蟄在人則无思无爲之境也

神也者妙萬物而爲言者也動萬物者莫疾乎雷撓萬物者莫疾乎風燥萬物者莫熯乎火說萬物者莫說乎澤潤萬物者莫潤乎水終萬物始萬物者莫盛乎艮故水火相逮雷風不相悖山澤通氣然後能變化既成萬物也

易筌

卷六

十

始言六子之才各有所長終言六子之情各有所合鄭康成曰乾坤共成萬物不可得而分故合而謂之神

乾健也坤順也震動也巽入也坎陷也離麗也艮止也兌說也

此章先以八字斷八卦之德以定其本義其下三節乃以物以身以家依八德之類而分主之使占者用之以知來物也

此以八德擬八卦繫辭傳所謂神明之德也乾

純剛故健坤純陰故順震陽生乎二陰之下則

剛而進故動坎陽在二陰之中則其剛爲陰所溺故陷艮陽出二陰之上雖健亦无所往矣故止巽陰成乎二陽之下則以順而伏故入離陰在二陽之中則以順而附故麗兌陰在二陽之上則以順而見故悅

動陷止皆屬健入麗說皆屬順凡物健則能動順則能入健順其體也動入其用也健遇順則陷順遇健則麗陷麗者其勢也健者始於動而

易筌

卷六

十一

終於止順者始於入而終於說陽之動志于得所止陰之入志於得所說

乾爲馬坤爲牛震爲龍巽爲雞坎爲豕離爲雉艮爲狗兌爲羊

此以八物擬八卦也健者爲馬順者爲牛善動者爲龍善伏者爲雞質躁而外汚者爲豕質野而外明者爲雉前剛而止物者爲狗內狃而外說者爲羊耶雅云乾陽物也馬故蹄圓坤陰物也牛故蹄圻陽病則陰勝故馬疾則卧陰病則

陽勝故牛疾則立馬陽物也故起先前足卧先後足牛陰物也故起先後足臥先前足學者以爲坤牛取順乾馬取健蓋知其一而已
乾爲首坤爲腹震爲足巽爲股坎爲耳離爲目艮爲手兌爲口

此以身之八體擬八卦也首會諸陽屬乾腹藏衆陰屬坤足主下六經爲震手主上六經爲艮耳輪陷內爲坎目睛外見爲離足動股隨雷風相與也耳目通竅水火相逮也口與鼻通山澤

易筌

卷六

三

通氣也

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

此以家之八位擬八卦也純陽爲父純陰爲母陰陽在初者爲長男長女在中者爲中男中女在末者爲少男少女

乾爲天爲圓爲君爲父爲玉爲金爲寒爲水爲大赤爲艮馬爲老馬爲脊馬爲馵馬爲木果

上章合八卦爲一而分德物身家以四類此章復合四類爲一而分八卦以八門所以反覆推廣象類以資占者之決也

乾大而无外爲天運而不已爲圓故以二象爲首在國則君在家則父皆物之元也其純粹爲玉其堅剛爲金爲寒爲水者乾尊在上高則寒也爲大赤者赤陽色陽始于子坎中陽爲赤極

易筌

卷六

三

於已純陽也故乾爲大赤加大以別坎也乾健爲艮馬老陽爲老馬純剛爲瘠馬瘠言其骨峻非羸馬謂也色相雜曰馵詩云皇馵其馬文王曰昔者寡人夢見艮人黑色而頤乘馵馬而偏朱蹄是馵亦馬之上色也鄭東卿曰圓者數之本果者木之本

諸象或謂文王所取或謂孔子所自取恐皆不然蓋伏羲始作八卦以類萬物之情則此八卦諸象皆伏羲所定而上古傳之以爲卜筮之用

如連山歸藏之類是也。迨文王演易偶於其中，取一象而繫之爻，蓋就其切於此卦此爻之時義者而言。餘不能盡取，亦不必盡取也。孔子類而括之，以爲周易之翼。正欲後人用易不可拘文王之已言而忘伏羲之妙用耳。說者乃謂求之於經，不盡合，不知易果經之所能盡否耶？坤爲地，爲母，爲布，爲釜，爲吝嗇，爲均，爲子，母牛，爲大輿，爲文，爲衆，爲柄，其于地也爲黑。

坤積陰爲地，作成物爲母，旁有邊幅而中廣平。

易筌

卷六

十四

南北經東西緯皆布象也。釜能熟物，百物生而坤熟之也。吝嗇其靜之翕，均其動之闢也。對天言之，則坤爲地，就坤之色言之，則坤爲黑黑者幽陰之色也。何以不言黃黃者，坤之離玄者，乾之坎皆中爻之色也。若論其極，則乾正爲赤，坤正爲黑，故乾南而坤北也。自萬物言之，坤皆爲母，就牛言之，又爲子母者爲少牝，爲孕育爲隨順，兼數義也。輿主於方柄，主於執，皆與乾闔相反。輿加大字，則又取其載之廣也。乾質故坤文。

乾一故坤衆，乾老瘠，故坤牛字牝，明少且肥，皆相反也。地之黑者，其稼亦肥。

釜虛而熟物者也，均虛而造物者也。旁注云：均造瓦之鈞，載土以成器，物者最是。

震爲雷，爲龍，爲玄黃，爲專，爲大塗，爲長子，爲決躁，爲蒼筤竹，爲萑葦，其於馬也爲善鳴，爲馵足，爲作足，爲的，頽其於稼也爲反生，其究爲健，爲蕃鮮。

龍依虞翻，干寶作駢，駢色蒼也。爲雷爲龍爲決躁，爲善鳴，爲作足，爲健，皆動之象也。爲大塗爲

易筌

卷六

十五

長子爲蕃鮮，皆出震之象也。專通作敷，華帝也。蒼言其青，良言其美，震之本色也。玄黃，天地之色也。乾坤初交而生震，故具父母之氣焉。馵足，爾雅曰：後右足白，馵左足白。馵震居左也。作足，猶詩思馬斯作之作，雙足並舉也。皆言在下之陽畫也。的，頽額有旋毛而中虛如射者之的。然言其上畫之虛也。舊訓爲白，非巽爲白與震色自別。宋衷曰：陰在上，陽在下，故爲反生。謂臬豆之類，戴甲而生者是也。一說反生者死而復生。

一歲再熟之稻也蒼黃萑葦二物下盤固而上
虛脆亦陽在下之象陽長不已究爲乾健蕃卽
文言草木蕃之蕃鮮卽蕃秦庶鮮食之鮮震三
爻俱變則爲巽故爲蕃鮮震居東得木正氣巽
居東南得木餘氣故震花變巽爲草震駝變巽
爲魚

巽爲木爲風爲長女爲繩直爲工爲白爲長爲高
爲進退爲不果爲臭其於人也爲寡髮爲廣顙爲
多白眼爲近利市三倍其究爲躁卦

易卷

卷六

六

木曰曲直巽入之象也木根巽入于地地氣亦
巽入於木故風與氣臭皆與木同也爲繩直爲
工爲長爲高爲近利市三倍皆巽者之功也繩
以曲而制直工以曲直成繩物之長者高者巽
積而不自知市人之謀利亦巽入而人不知也
爲進退不果皆巽者之性也人柔則多疑剛則
多決故巽疑而震決萬物至巽而甲乃盡脫故
爲潔而齊繩直其齊白其潔也爲寡髮爲廣顙
爲多白眼皆上陽盛也陰血盛者髮多陽氣盛

者髮少陽體勝者額廣陰體勝者額狹眼白者
爲陽眼黑者爲陰其大較也巽三變成震爲躁
卦乾鑿度曰物有始有壯有究震得陽氣之先
巽得陰氣之先故其卦皆有究極之義吳幼清
謂喜陰卦爲陽卦陽卦爲純陽卦不欲陽卦爲
陰卦陰卦爲純陰卦理或然也

坎爲水爲溝瀆爲隱伏爲矯輳爲弓輪其於人也
爲加憂爲心病爲耳痛爲血卦爲赤其於馬也爲
美脊爲巫心爲下首爲薄蹄爲曳其於輿也爲多

易卷

卷六

七

皆爲通爲月爲盜其於木也爲堅多心
坎勞卦也溝瀆隱伏矯輳弓輪爲通爲盜皆事
之勞者也矯者矯曲而使之直輳者輳直而使
之曲弓與輪皆矯輳之所成也輿之多眚馬之
下首亟心薄蹄而人之加憂心病耳痛皆勞之
象也陽陷於陰中水行於地中可謂曲而勞也
月者天之水也血者人之水也盜之潛行有水
之象陽萌於地爲赤及其純也則爲乾之大赤
美當馬之中者爲脊及其純也則爲乾之良馬

輿屬坤陷故多眚馬屬乾乾陷故首下蹄屬震陽不在蹄故爲薄爲曳仰不爲乾之首俯不爲震之蹄而獨當脊與心故爲美脊爲亟心在內則心爲中在外則脊爲中也木屬巽天一之水常行於木之心故爲堅多心

郭子和云易曰見輿曳馬无曳也輿得時則爲通失時則爲曳故爲曳當在輿也下多眚當在心病下簡輔云以巽離例爲月當在爲水下坎中一畫卽心體故八卦惟習坎有孚惟心亨心

易筌

卷六

九

居中虛於坎可見然心腎皆屬坎水火未嘗離也今人以素問所載坎離爲心腎乃易坎言心亨又言心病於木亦爲堅多心而離不言心何也中孚彖柔在內而剛得中柔在內者中虛信之本也先儒云天下惟一无對惟中无對坎離无對中也乾坤无對一也中孚无對以其似離小過无對以其似坎以此推之離雖不明言心中虛之義該之矣易坎爲心離亦爲心坎中實心之體離中虛心之用所謂有主則實无主則

虛也坎爲耳離亦爲耳鼎黃耳噬嗑上爻滅耳象傳云聰不明也聽之不明視之不聰耳目同用也列子所謂能以耳視而目聽卽此

艮三爻厲薰心卽心病也以其互卦有坎素問金在志爲憂水在志爲恐恐則甚於憂故爲加憂訟之有孚窒惕中卽加憂也加憂卽心病也艮之厲薰心以互體有坎也水藏在腎開竅於耳而水在志爲恐恐則傷腎故爲耳痛氣陽運動常顯血陰流行常幽血在形如水在天地間

易筌

卷六

九

故坎爲血卦王萬里患耳痛魏文靖勸以加青鹽鹿茸煎雄附爲劑且言此藥非謂虛損易中坎爲耳痛是經中已著病證矣竟餌之而愈莊子云上而不下則使人善怒下而不上則使人善忘不上不下中身當心則爲心病或問坎爲心亨而此曰心病何其反也曰有孚則心亨矣加憂則心病矣心一也顧用之何如耳孚之亨也是盈科而進也成章而達也泰宇定而天光發也憂之病也是所謂饑渴害心者

也爲心之茅塞者也莊所謂萬物鑄心也爲心之葦萑者也又曰天之穿之日夜无降人則顧塞其實其加憂之說乎又曰室无空虚則婦姑敦彘心无天遊則六鑒相攘其心病之說乎

易坎爲水又爲溝瀆欲行水者用溝所以爲勞之備欲停水者用瀆所以爲旱之備溝之一字从冓冓之爲言搬也去水之害如搬棄也瀆之

爲字从賣賣之爲言積也鍾水之利如韞積也

矯揉水之性而爲溝瀆亦猶矯揉木之性而爲

易

卷六

三

弓輪聖人所以範圍五行曲成萬物也

以上皆用修說

離爲火爲日爲電爲中女爲甲冑爲戈兵其於人也爲大腹爲乾卦爲鱉爲蟹爲羸爲蚌爲龜其於木也爲科上稿

坎血卦水之潤也離乾卦火之燥也火日電乾槁皆離之性也甲冑戈兵大腹鱉蟹羸蚌龜皆離之形也甲冑中虛鱉蟹抱黃內坤也羸蚌龜之殼能開能閉外乾也郭雅離外剛內柔而性又火燥故爲蟹螺之形銳蚌之形剡而又皆專

麗離象陰在內則中空木中空則科上槁也空其形槁其性也橫渠先生曰科上槁附且燥也則謂其科上而槁蓋以枝幹之間爲科上也坎離者乾坤之精氣乾爲首故坎爲下首坤爲腹故離爲大腹離非能大於坤也大腹下首故疾證也

爾雅山壘謂之坎大琴謂之離萬物之象无非易也

艮爲山爲徑路爲小石爲門闕爲果蓏爲闕寺爲

易

卷六

三

指爲狗爲鼠爲黔喙之屬其於木也爲堅多節

大而爲山微而爲小石皆堅而止者也爲徑路爲門闕二物皆有行有止成始成終之義也一剛在上象木果二柔在下象草蓏闕禦止于外象剛寺給使於內象柔也爲指義與堅多節同虎子曰狗爾雅熊虎醜其子狗漢律捕虎一購錢三千其狗半之是也爲狗爲鼠爲黔喙之屬皆剛在前者也黔東北之色青黑雜也乾純陽故但爲木果艮一陽二陰故爲木之果又爲草

之祿震爲男草木之始艮爲果祿草木之終也
坎陽在中故爲堅多心艮陽在外故爲堅多節
離中虛故爲科上槁皆得巽之一者也

兌爲澤爲少女爲巫爲口舌爲毀折爲附決其於
地也爲剛鹵爲妾爲羊

羊鄭司農本作陽陽養无家女行賃炊爨賤於
妾者郭璞云巴濮之人自稱阿陽卽此妾也羊
也少女也皆女之末者也爲巫與口舌同陰在
下爲股在中爲大腹在上爲口舌巫以口舌爲

易筮

卷六

五

官者也毀折附決與剛鹵同剛鹵之地不能生
物兌爲金爲秋皆決折之氣也鹵者水之死氣
也坎水絕於下而澤見於上則足以爲鹵而已
孔穎達曰秋物成熟稿稈之屬則毀折果祿之
實則附決

玩辭乾爲父坤爲母震爲長子巽爲長女離爲
中女兌爲少女皆見於象而中男少男獨不然
乾爲馬坤爲牛震爲龍艮爲狗兌爲羊皆見於
象而巽雞坎豕離雉獨不然巽爲躁卦坎爲血

卦離爲乾卦而五卦皆不然震究爲健爲蕃鮮
巽究爲躁而六卦皆不稱究蓋互見也

來知德曰卦中立象不盡拘說卦乾馬坤牛乾
首坤腹之類有目卦情立象者如乾卦本馬而
言龍以乾道變化龍乃變化之物故以龍言之
蓋以卦情立象也荀九家亦有乾爲龍又如咸
卦艮爲少男兌爲少女男女相感之情莫如年
之少者故爻象曰拇曰腓曰股曰憧憧曰腓曰
輔頰舌无往非感者此則以男女相感之情立

易筮

卷六

五

象也又如豚魚知風鶴知秋雞知旦三物皆有
信故中孚取之亦以卦情立象也又如漸取鴻
者以鴻至有時羣有序于漸之義爲切且鴻又
不再偶于卦辭女歸之義相合此亦以卦情立
象也有以卦畫之形取象者如剝言宅言牀言
廬者因五陰列於兩旁一陽覆于其上如宅如
牀如廬此以卦畫之形立象也鼎與小過亦然
又有卦體大象之象凡陽在上者皆象艮巽陽
在下者皆象震兌陽在上下者皆象離陰在上

下者皆象坎如益象離故言龜大過象坎故言棟頤亦象離故亦言龜也又如中孚君子以議獄緩死亦取噬嗑火雷之意以中孚大象離而中爻則雷也故凡陽在下者動之象在中者陷之象在上者止之象凡陰在下者入之象在中者麗之象在上者說之象又有以中爻取象者如漸卦九三婦孕不育以中爻二四合坎中滿也九五三歲不孕以中爻三五合離中虛也有將錯卦立象者如履卦言虎以下卦兌錯艮也

易筌

卷六

二五

有因綜卦立象者如井與困相綜巽爲市邑在困爲兌在井爲巽則改爲邑矣有卽陰陽而取象者如乾爲馬本象也坎與震皆得乾之一畫亦言馬坤爲牛本象也離得坤之一畫亦言牛皆其類也有相因而取象者如革卦九五言虎者以兌錯艮爲虎也上六卽以豹言之豹次于虎故相因而言豹也亦有无此事此理而立象者如金車玉鉉金豈可爲車玉豈可爲鉉蓋雖无此事此理而爻內有此象也聖人立象有

卦情之象有卦畫之象有大象之象有中爻之象有錯卦之象有綜卦之象有爻變之象有占中之象正如釋卦名義有以卦德釋者有以卦象釋者有以卦體釋者有以卦綜釋者卽此意也善乎蔡氏曰聖人擬諸其形容而立象至纖至悉无所不有所謂其道甚大百物不廢也其在中古觀此以繫辭而後世之言易者乃曰得意在忘象得象在忘言一切指爲魚兔筌蹄殆非聖人作易前民用以教天下之意矣

易筌

卷六

二五

序卦傳

有天地然後萬物生焉盈天地之間者唯萬物故受之以屯屯者盈也屯者物之始生也物生必蒙故之以蒙

文中子讚易至序卦曰大哉時之相生也達者可與幾矣不言乾坤而言天地天地卽乾坤也凡陽畫皆乾凡陰畫皆坤而三百八十四爻无非乾坤也諸卦言受而乾坤不言受乾坤衆卦之父母也

玩辭屯不訓盈也當屯之時剛柔始交天地絪縕雷雨動蕩見其氣之充塞也是以謂之盈

屯者氣之始蒙者識之始此屯蒙所以繼乾坤其實蒙乃屯之倒體屯後必蒙不容不蒙也諸卦皆然來知德得此意自以謂契二千年之絕學窮鄉曲士高自負許井蛙之見耳

蒙者蒙也物之稱也物稱不可不養也故受之以需需者飲食之道也

子瞻曰義有不盡於名者履爲禮蠱爲事臨爲

易筌

卷六

三

大解爲緩之類是也蒙者蒙也比者比也剝者剝也皆義盡於名者也

玩辭需不訓飲食也人之所需飲食爲急故以需爲飲食之道也需乾下坎上陽爲穀實而水氣上蒸亦有釀酒爨食之象

飲食必有訟故受之以訟

飲食者人之所大欲也所需不如所欲則必爭故訟繼需樂記云夫豢豕爲酒非以爲禍也而獄訟益繁則酒之流生禍也是故先王因爲酒

禮一獻之禮賓主百拜終日飲酒而不得醉焉此先王所以備酒禍也

訟必有衆起故受之以師師者衆也

人之有訟必各有黨彼以黨而起者非一人此以黨而起者亦非一人是有衆起也皆理勢自然也

衆必有所比故受之以比比者比也比必有所畜故受之以小畜物畜然後有禮故受之以履

兩相比者情也而義不足以畜則情勝義而不

易筌

卷六

三

可久故比必有所畜所以止之也物畜則萬物盛多而禮興焉禮義生於富足聖人因而爲之節文故受之以履

履而泰然後安故受之以泰

曲禮云人有禮則安无禮則危

泰者通也物不可以終通故受之以否

泰而驕所以致否否而畏所以復泰

物不可以終否故受之以同人

韓康伯曰否則思通人人同志故出門同人不

謀而合

與人同者物必歸焉故受之以大有

司馬君實曰否者物不相交之卦不相交則異異則爭爭則必窮故受之以同人同人者所以通之也物通則大有矣大有者大者皆爲吾有也

物皆歸我我奄而有之能有大者也舜禹之有天下是也物得所歸其聚必大能致大者也天下之歸湯武是也此接上文進必有所歸言之

易筌

朱六

无

也

有大者不可以盈故受之以謙

謙者居有之道

有大而能謙必豫故受之以豫豫必有隨故受之以隨

漢文帝謙冲退讓不敢自恃廣大妄意興功故百姓蒙其休息富庶安樂此謙能致豫也

鄭康成曰豫必有隨者喜樂而出人則隨從孟子曰吾君不游吾何以休吾君不豫吾何以助

此之謂也

以喜隨人者必有事故受之以蠱蠱者事也

以喜隨人者必淪胥以壞故雜卦曰豫怠又曰隨无故也怠則不憂无故則无所修飭萬事之壞皆起于此方其隨也自以爲无故也孰知其乃多事之端乎聖人斷之曰必有事其辭切矣有事而後可大故受之以臨臨者大也

玩辭臨不訓大大者以上臨下以大臨小凡稱臨者皆大者之事故以大稱之若豐者大也則

易筌

卷六

无

豐眞訓大矣是以六十四卦有二大而不相妨焉

物大然後可觀故受之以觀

張敬夫曰天下皆山也惟泰山則可觀天下皆水也惟東海則可觀蓋物大然後可觀況於人乎臨反而爲觀則二陽之大者在上故可爲四陰之觀也

可觀而後有所合故受之以噬嗑嗑者合也在上无可觀在下者引而去矣非可觀而能有

合乎

物不可以苟合而已故受之以賁

子瞻曰直情而行之謂之苟禮以飾情謂之賁

苟則易合易合則相瀆相瀆則易離賁則難合

難合則相敬敬則久

賁者飾也致飾然後亨則盡矣故受之以剝

虛美熏心秦亂之萌浮文妨要晉衰之兆故賁

受之以剝

剝者剝也物不可以終盡剝窮上反下故受之以

易筌

卷六

三

復

淮南子引易云剝之不可遂盡也故受之以復

蓋物之剝落而盡窮上反下一陽自外而來復

於內此剝繼以復也

復則不妄矣故受之以无妄有无妄然後可畜故

受之以大畜物畜然後可養故受之以頤頤者養

也

呂圭叔曰萬物盛多而後養道備也需之養養

之小頤之養養之大

不養則不動故受之以大過

龔溪之曰不養則不可動故上九由頤然後利

涉大川

物不可以終過故受之以坎坎者陷也陷必有所

麗故受之以離離者麗也

右篇上

有天地然後有萬物有萬物然後有男女有男女

然後有夫婦有夫婦然後有父子有父子然後有

君臣有君臣然後有上下有上下然後禮義有所

錯

易筌

卷六

三

易云二篇之策經分上下其來已久觀序卦可

見王昭素本增離者麗也麗必有所感故受之

以咸是駢拇而枝贅也

夫婦之道不可以不久也故受之以恒恒者久也

艮兌二少為咸咸則交震巽二長為恒恒則久

物不可以久居其所故受之以遯遯者退也

夫婦之終為父母父母既老乾退西北坤退西

南矣此亦不久居其所而受之以遯也父母退

遯長子壯而用事故受之以大壯大壯震長男

承乾之卦也

物不可以終遯故受之以大壯物不可以終壯故受之以晉

唐應德曰明出地上晉也日出於積陰之下而升至陽之位如人之破乎障塞而極乎高明此非强有力者不能此晉之所以次大壯也

晉者進也進必有所傷故受之以明夷夷者傷也傷於外者必反其家故受之以家人

晉與漸皆進而別進必有歸者先以艮進必

易筌

卷六

三

有傷者先以壯也進極則復入於地故繼以明夷日盈則昃也

閻彥升曰以利合者迫窮禍患害相棄也以天屬者迫窮禍患害相收也明夷之傷豈得不返

於家人乎

家道窮必乖故受之以睽睽者乖也乖必有難故受之以蹇蹇者難也

屯蹇卦皆有坎故皆爲難義然屯動乎險中爲患難之難蹇見險而止則是難阻而不得前耳

與屯自不同

物不可以終難故受之以解

凡人患難畢竟皆有解散之日程傳難極則必散

解者緩也緩必有所失故受之以損

程傳縱緩則必有所失失則損

損而不已必益故受之以益益而不已必決故受之以夬夬者決也

益久則盈盈則隄防必決

易筌

卷六

三

決必有所遇故受之以姤姤者遇也

陽之長也人謂君子之當然故曰復如人之復常也陰之長也人謂小人之天幸故曰遇如人之遭際也

物相遇而後聚故受之以萃萃者聚也

聚與畜不同畜聚而止之義聚者不必止

聚而上者謂之升故受之以升

玩辭升主騰上而言徒上不足以擬之故曰聚而上者謂之升如雲之升烟之升覓氣之升皆

聚而上者也若象之地中生木爻之升階則但
以上爲言爾

升而不已必困故受之以困

詠蝸牛云升高不知圜竟作黏壁枯升而不已
必困此可喻也

困乎上者必反下故受之以升井道不可不革故
受之以革

困井以坎水上下取義革鼎以離火上下取義
後漢書禮儀志引古禮云立秋浚井改水冬至

易筌

卷六

革

鑽燧改火改水卽井道之革也

革物者莫若鼎故受之以鼎主羶者莫若長子故
受之以震

馮氏曰自乾坤四十有九卦而革去故五十卦
而鼎取新震乃長男代父易之序也

震者動也物不可以終動止之故受之以艮艮者
止也物不可以終止故受之以漸漸者進也進必
有所歸故受之以歸妹

晉者明出地上進而明也徒進不足以盡之漸

者山上有木以漸而進者也漸者進之方而漸
非進也凡若此類皆取其大意以明卦之序非
以卦義爲盡于此也

得其所歸者必大故受之以豐豐者大也窮大者
必失其居故受之以旅

介夫曰豐盛至於窮極則必失其所安旅所以
次豐也唐明皇宋徽宗是也

旅而无所容故受之以巽

彙正曰旅者親寡非巽順則无所容巽順則何

易筌

卷六

巽

往而不入

巽者入也入而後說之故受之以兌兌者說也說
而後散之故受之以渙

玩辭人之情相拒則怒相入則說故入而後說
之程傳人之氣憂則結聚說則舒散故說有散
義渙所以繼兌也

渙者離也物不可以終離故受之以節節而信之
故受之以中孚有其信者必行之故受之以小過
有其信如書有其善之有蓋自恃其信者其行

必果而過乎中故曰小過

有過物者必濟故受之以既濟

大過則踰越常理矣故必至於陷小過則或可以濟事故有濟而无陷也大過訓動小過訓行明過皆經越之義非過失之過矣

物不可窮也故受之以未濟終焉

右篇下

晁氏曰未濟之終復始於乾坤玄以將準未濟曰陰氣濟物乎上陽信將復始乎下明此理也

雜卦傳

易卷六

卷六

三

乾剛坤柔比樂師憂

朱子發曰三易之卦其次各異首艮者連山也首坤者歸藏也首乾者周易也聖人猶慮後世不知三易之變故作雜卦一篇雜揉衆卦錯綜其義以示變之无窮

俞玉吾曰圖始乾而終坤伏羲之易也周易始乾而終未濟文王之易也雜卦始乾而終夬孔子之易也易貴變變則不窮夬以五陽決一陰夬復爲乾周流不息卽六十四卦終以未濟亦

此意也

雜卦以兩兩相對爲義取序卦而雜之然自乾坤三十卦而至咸恒以應上篇之卦自咸恒而下三十四卦以應下篇之卦蓋有不雜者存且上三十卦雜下經十二卦於其間下三十四卦亦雜上經十二卦於其間此亦雜卦之義也

臨觀之義或與或求

臨以悅道悅民主上施而爲與觀以順德從君主觀上而爲求

易卷六

卷六

三

屯見而不失其居蒙雜而著

此二卦皆有康主濟民之用以居對見則見謂出也以著對雜則雜謂隱也屯如高光闕中河內之事蒙如孔明王猛之事屯雖出而不失其處蒙雖處而不免於出二義正相反也

震起也艮止也損益盛衰之始也

起者生於動陽在下也止者生於靜陽在上也損盛之始益衰之始

大畜時也无妄災也

乾非可止而能止之者適然之時耳无妄不亢
有禍而有禍者意外之災耳此皆非常之事
萃聚而升不來也謙輕而豫怠也

象旨陽在下卦自抑而爲謙之主故輕陽在上
卦自高而爲豫之主故怠

怠一作怡與上時災來爲韻災賤西及龜策傳
十有二月日至爲期聖人徹焉身乃无災來者
釐漢書无說詩匡鼎來匡說詩解人頤

噬嗑食也賁无色也

易卷

卷六

三

噬嗑以有物而見食賁以无色而受采

兌見而巽伏也

卜子夏曰兌剛內而柔外見其情而說人也巽
剛外而柔內隱其情而巽物也

隨无故也蠱則飭也

隨以无故而偷安蠱以有壞而修飭故聖人不
畏多難而畏无難

剝爛也復反也

爛謂一陽消亡於上反謂一陽復生於下剝極

而復如碩果不食爛而墜地核中之仁復生也
晉書也明夷誅也

陳季立云誅當作夜與畫對古韻夜元具反與
下遇音叶也然誅原音株遇反蔡邕釋誨下獲
熏胥之辜高受滅家之誅前車已覆襲軌而驚
此可證但以反對言之陳說爲長又張衡西京
賦衛尉八屯警夜巡畫植鍬懸盾用戒不虞畫
亦音遇正相叶虞是去聲讀

井通而困相遇也

易卷

卷六

三

剛柔相遇而剛見揜也以通與遇對則遇爲相
抵而不通之象巽之上爻主塞坎水之下流而
坎水乃出於上蓋塞而後通者也故謂之通兌
之下爻主塞坎水之上源而坎水適在下適遇
其塞所以困也自乾坤至此凡三十卦正與上
經之數相當

咸速也恒久也渙離也節止也解緩也蹇難也
渙散則離節約則止此理之常也渙節皆有坎
水風以散之則離澤以瀦之則止

動而已出乎坎險之上則時勢寬緩矣故曰解緩也止而正在平坎險之中則時勢急難矣故曰蹇難也

睽外也家人內也否泰反其類也

睽六五在外爲主家人六二在內爲主

大壯則止遯則退也大有衆也同人親也

壯不恃壯而宜止遯貴見幾而達避皆以乾言

也大有同人皆以離之中爻爲主在上則人歸

於我故謂之衆在下則我同乎人故謂之親

易筌

卷六

單

革去故也鼎取新也小過過也中孚信也

革以火鎔金爲去故鼎以木鑽火爲取新以離

爲主小過四陰在外而過其常中孚二陰在內

而守其常二義相反對皆王陰言之

豐多故親寡旅也

親寡旅也當是旅寡親也偶顛倒耳與上親新

信正相叶信育伸多故對寡親則故爲故舊之

故曹顏遠詩富貴他人合貧賤親戚離卽此意

也

雷電俱至其黨盛山上有火其勢孤

離上而坎下也小畜寡也履不處也需不進也訟不親也

乾陽而在上坤陰而在下者陰陽之定體如人

之首上而腹下也離女在上坎男在下者陰陽

之精氣互藏其宅如人之心上而腎下也是故

腎之精升而爲氣則離中之陰也心之精降而

爲液則坎中之陽也火陰物也而附於陽故災

上水陽物也而藏于陰故就下然則日爲陰月

易筌

卷六

單

爲陽乎日日則陽矣而日中之精則陰之神也

月則陰矣而月中之精則陽之神也故曰離上

而坎下

柔爲君故大有則衆柔爲臣故小畜則寡

以往爲義故不處以須爲義故不進

大過顛也姤遇也柔遇剛也漸女歸待男行也頤

養正也既濟定也歸妹女之終也未濟男之窮也

夬決也剛決柔也君子道長小人道憂也

吳幼清曰既濟六二主也以陰居陰得其定位

而上下五爻皆然故曰定未濟九二主也以陽居陰失其正位而同類二陽亦皆然故曰窮夫以五君子決一小人不曰小人道消而曰小人道憂蓋上下交而志同如泰之時然後小人之道不行若以五君子臨一小人徒能使之憂而已惟其有憂則將圖之无所不至矣王伯厚云小人道消嘉祐是也小人道憂元祐是也

易筌

卷六

里

易筌附論

古易分上下二篇所謂二篇之策也孔子作傳釋經亦隨經而分謂之十翼上彖傳一下彖傳二上象傳三下象傳四上繫辭傳五下繫辭傳六文言傳七說卦傳八序卦傳九雜卦傳十古者經傳各爲一書自費直以傳解經而後鄭玄以彖傳連經文然猶若今乾卦次序至王弼乃自坤卦而始每卦以彖傳移綴彖辭之後又以彖曰兩字冠之後之人遂不謂之彖傳而直謂之彖夫以孔子之彖

易筌

附

一

傳爲彖則文王之彖辭當復謂之何哉魏晉而下去古日遠訛以傳訛至今讀者弗察先儒謂西漢時六經與傳皆別行逮東漢諸儒作注始合經傳爲一如春秋三傳不與經連故石經公羊傳皆無經文藝文志所載毛詩故訓傳亦與經別及馬融爲周禮注乃云欲省學者兩讀故具載本文而就經爲注鄭玄與馬融同時玄以易傳合經蓋倣融例而弼又援玄例也乃若杜預分左氏傳連於經范望散太玄測於八十一首之下皆欲便學者之

誦覽如許俊對高貴鄉公之說也唐太宗詔名儒
定九經正義孔穎達奉詔與諸儒參議於易獨取
王弼不本正義者以爲異說於是後學惟弼是從
莫敢移動呂汲公王原叔晁以道李巽巖呂東萊
朱紫陽皆以分經合傳爲非古吳仁傑稅與權編
周易古經亦皆極論王弼之失學者不當泥所習
見而迷其本也

班固漢書云易道深矣人更三聖世歷三古以伏
義爲上古文王爲中古孔子爲下古也與周公絕

易卷

附

二

無干涉故繫辭傳累舉庖羲文王而略不及周公
亦自可見楊子雲曰宓戲繇絡天地經以八卦文
王附六爻孔子錯其象彖其辭然後發天地之藏
定萬物之基班揚去古未遠較世儒所傳當得其
實

先儒論重卦者王弼虞翻孔穎達陸震陸德明以
爲伏羲鄭康成淳于俊以爲神農孫盛以爲夏禹
司馬遷楊雄皇甫謐以爲文王今按書大禹謨云
龜筮協從則重卦其來已久周官三易其經卦皆

八其別皆六十有四亦重卦也伏羲作卦因而重
之宜不待神農以後

周禮春官太卜掌三易之法一曰連山二曰歸藏
三曰周易說者謂連山艮也夏易首艮歸藏坤也
商易首坤夏時講學者所重在止商時講學者所
重在靜二易不傳無從考其說矣然周易自乾以
至未濟一卦可變爲六十四卦非一定不易者也
今雜卦傳取六十四卦錯綜之始乾而終夫是又
孔子之易非伏羲文王之易矣總之一以乾爲主

易卷

附

三

則周不能改乎商商不能改乎夏夏不能改乎堯
舜堯舜不能改乎伏羲者也桓譚新論云連山八
萬言歸藏四千三百言夏易詳而殷易簡連山藏
於蘭臺歸藏藏於太卜是漢猶有此書偶未見於
稊文志耳

黃潤玉云易之道扶陽而抑陰卦之位貴中而賤
極陽過乎極雖剛不吉陰得其中雖柔不凶又曰
易動而圓範方而靜八卦中虛故圓九疇中實故
方

君子居則觀其象而玩其辭動則觀其變而玩其占學易以求無過處處皆然卜筮乃尚占一事耳論語云不占而已矣謂不能反身以自考亦非專言占卜之占也

劉晦伯曰筮法占卦爻之辭然其辭或有不相應者吉凶何自而決蓋人於辭會者淺於象會者深伏義教人卜筮亦有卦而已隨其所遇求之卦體卦象卦變无不應者至卦爻之辭所該有限故有時而不應必如左傳國語所載占卦體卦象卦變

易筮

附

四

而推互體始足以濟辭之所不及而爲吉凶之前知云爾

洪景廬曰左傳所載周易占筮大抵只一爻之變畢萬筮仕遇屯之比初九變也成季將生遇大有之乾六五變也晉嫁伯姬遇歸妹之睽上六變也晉文公迎天子遇大有乃九三變而之睽叔孫莊叔生子豹遇明夷乃初九變而之謙崔杼娶妻遇困乃六三變而之大過南蒯作亂遇坤乃六五變而之比趙鞅救鄭遇泰乃六五變而之需占者卽

易筮

附

五

演而爲說然崔杼入于其宮不見其妻叔孫君子于行三日不食殆若專爲二子作也唯陳厲公生敬仲遇觀之否周史曰坤土也巽風也乾天也風爲天於土上山也有山之材而照之以天光於是乎居土上自二至四有艮象艮爲山此是用中爻取義又有相與論事不假蓍占而引卦以言者如鄭公子曼滿欲爲卿王子伯廖曰周易有之在豐之離晉先穀違命進師知莊子曰周易有之在師之臨楚王休侈子大叔曰在復之願但以爻辭合其所行事耳至於爲羸敗姬伐齊則可等語自是一時探賸索隱非後人可到也衛襄公生子孔成子占之亦遇屯之比與畢萬同雖史朝與辛廖之言則異然皆以利建侯爲主大衍之數五十其用四十有九陸秉曰此脫文也當云大衍之數五十有五蓋天一地二天三地四天五地六天七地八天九地十正五十有五而用四十有九者除六虛之位也古者卜筮先布六虛之位然後揲蓍而置六爻焉如京房馬季長鄭康

成以至王弼不悟其爲脫文而妄爲之說謂所賴者五十殊無證據又曰不用而用以之通非數而數以之成此語尤誕且繁辭曰天數二十有五地數三十凡天地之數五十有五豈不顯然哉又乾坤之策自始至終無非五十五數也蓋數始於一而終於五天以藏德運化妙其所以爲數之始終而神其所以爲用之消長者故虛一與五退藏於密秘而弗用則其用四十九焉而已耳老氏所謂有之以爲利無之以爲用是當其無而有大有行之

易筌

附

六

用也此聖人千載不傳之奧旨

易之六爻數用九六先儒皆以謂九老陽也六老陰也君子欲抑陰而進陽故陽用極數而陰取其中焉耳陰陽天道也豈人之所能抑而退之又豈人之所能強而進之哉其說皆不通蓋天地之正數曰一曰二曰三曰四曰五而止矣此生數也至於六則各有所配已非正數矣作易者用天地之生數而不用成數故孔子曰參天兩地而倚數夫參天則一三五是矣一與三與五非九而何兩地

則二四是矣二與四非六而何此九六之義也故易簡而天下之理得矣葉石林之言如此

陰陽之氣專則生化之理滅故至陽之中必有陰而至陰之中必有陽至其極則相生離爲火而中畫陰也坎爲水而中畫陽也肅肅出乎赫赫發乎此天地之至理也

易卦有變乃九六陰陽二老之交主占者臨時而言也至於簡帙之上成卦之後豈有某卦自某卦來之說哉宋儒解彖傳凡有不通處卽以卦變言

易筌

附

七

紛擾甚矣仙井李舜臣易傳謂舍本卦而論他卦及某卦自某卦來者皆所不取文山進講賁卦剛上文柔一節亦不取卦變之說其見卓矣南溪王拱東論卦變云竊觀彖傳如剛柔下上來往字本義類以卦變言之愚看止是一箇見在卦體併無卦變之說也且如訟剛來得中是上體之乾剛來得坎體之中矣隨剛來下柔是上兌四五之剛來下震二三之柔也噬嗑以震體之二上行離體之五故曰柔得中上行賁艮體四五之柔來離之二

以文三初之剛離體三初之剛上艮之上以文四五之柔故曰柔來而文剛分剛上而文柔大畜剛上尚賢蓋上九以陽居上六五以柔尊尚之矣晉柔進上行蓋坤體之柔上行離體之五矣无妄剛自外來而為主於內非以外乾之剛來主於內震之初者乎升柔以時升非以巽初之柔上行坤體之柔者乎晉柔進上行其以坤體之柔可知睽柔進上行其以兌三之柔上行離五之柔可見蹇之往得中言艮上之剛往而得坎之五焉渙剛來不

易卷

附

人

窮言巽上之剛來主於坎中之二焉至于鼎柔進上行其巽下之柔而上行離五之柔也又豈待言哉凡此皆本卦見成所具義理一展卷間瞭然在目若卦變甚覺牽強恐非聖人作易之本旨也抱朴子曰八卦生鷹隼之所被六甲出靈龜之所負謂鷹隼羽文亦有八卦之象鄙意河圖洛書聖人則之而爲易亦如是而已故易象於天地間之萬物無所不取見於說卦者詳矣儒者於圖書獨深求之而不已何其過也善乎歸熙甫之言聖人

見轉蓬而造車觀鳥跡而製字世之人求爲車之說與夫書之義則足矣而必孳孳焉轉蓬鳥跡之求有不笑其愚者乎然歐陽子至以爲怪妄並大傳皆有所不信則又矯之而過焉者也

易但言河出圖洛出書而已未有龜龍之說也自漢重圖讖儒者爭言奇異以希時好卽以圖屬易書屬範與易已自不合乃訛以傳訛如鄭曰農馬融之流無不篤信之至劉牧又自爲易置以九爲圖十爲書托言出於希夷元人趙撝謙又爲自然

易卷

附

九

河圖謂蔡元定得於蜀山隱者雖朱子亦莫之見其爲詭秘大率皆一類耳書顧命河圖與天球並列當爲玉石之類如俞琰所言近之若龍馬自伏羲至成康歷千萬年豈有尚存之理魏青龍中張掖柳谷出石蒼質而白理有若鱗鳳人馬者有若八卦列宿者其字可讀而不可曉又宋政和末於洛水得石大如拳有字兩行宇宙之間何所不有特圖書偶挂聖人之筆而穿鑿附會之說乃焚焚矣

黃東發曰易聖人所以明斯道之變易无往不在也宋程伊川始作易傳謂易有聖人之道四焉以言者尚其辭以動者尚其變以制器者尚其象以卜筮者尚其占吉凶消長之理進退存亡之道備於辭推辭考卦可以知變而象與占在其中故其爲傳專主於辭時則有若邵康節又別求易於辭之外謂今之易後天之易也而有先天之易焉用以推占事物無不可以前知自是二說並興言理學者宗伊川言數學者宗康節同名爲易而莫能

易學

附

相一至晦庵作易本義啟蒙乃兼二說謂易本爲卜筮而作謂康節先天圖得作易之原謂伊川言理甚備於象數猶有關學者翕然向往之揣摩圖象日演月高以先天爲先以後天爲次而易之上晚添祖父矣夫易誠爲卜筮而作然吉者必其合乎理悔吝者必其違乎理因理爲訓使各知所趨避自文王孔子已然不特伊川也若康節先天之說則易之書本無有也雖據其援易爲證者凡二章亦未見其確然有合也其一章援易有太極是

生兩儀兩儀生四象四象生八卦曰此先天之卦畫於是盡改易中伏羲始作八卦之說與重爲六十四卦之說而以六十四卦皆爲伏羲先天之卦畫其法自一畫而二二而四四而八八而十六十六而三十二三十二而六十四然生兩生四生八易有之矣生十六生三十二易此章有之否邪其一章援易言天地定位山澤通氣雷風相薄水火不相射曰此先天之卦位也於是盡變易中離南坎北之說與凡震東方卦兌西方卦之說而以乾

易學

附

南坤北爲伏羲先天之卦位其說以離爲東以坎爲西以兌巽爲東南西南以震艮爲東北西北然天地定位安知非指天位乎上地位乎下而言南方炎爲火北方寒爲水亦未見離與坎之果屬東與西而可移離坎之位以位乾坤也易之此章果有此位置之意否邪且此二章果誰爲之謂出於孔子孔子无先天之說也謂出於伏羲伏羲未有易之書也何從而知此二章爲先天圖方畫於康節何以明其爲伏羲嘗聞先天爲演數設也康節

既沒數學無傳今所存之空圖殆不能調絃者之琴譜晦庵雖爲之訓釋他日啓王子合書亦自有康節說伏羲八卦近於附會穿鑿之疑則學者亦當兩酌其說而審所當務矣

天地定位者天尊而上地卑而下其位一定而不可易取其象於卦爲乾坤譬之父母雖若无所施爲實主乎一家而居其尊者也山澤通氣者山澤一高一下水脉灌輸而其氣實相通通之爲言貫也易取其象於卦爲艮兌雷風相薄者雷風一迅

易卷

附

十三

一烈氣勢翕合而其形實相薄薄之爲言逼也易取其象於卦爲震巽水火不相射者水火一寒一熱宜若相息滅而下然上沸以成既濟之功乃不相射不相射者言不如射者之相射害也易取其象於卦爲坎離凡六者皆天地之氣之所爲譬如六子之相運用而悉出於父母者也聖人釋八卦之義不過如此而已歷漢唐及伊洛諸儒未有異說惟邵康節乃創爲先天之圖移卦之離南坎北爲乾南坤北曰此取易之天地定位也然易曰離

易卷

附

十三

也者明也南方之卦也坎者水也正北方之卦也則離南坎北經有明文矣况風一從南卽盎然以溫風一從北卽冷然以寒南方屬夏其熱如此北方屬冬其凍如此離南坎北信乎其如今易之言矣康節移之以位乾坤何所驗以爲信邪康節既移乾坤於南北又移艮以居西北移兌以居東南曰此取易之山澤通氣也然易曰艮東北之卦也又曰兌正秋也則艮居東北兌居正西經有明文矣若山澤通氣特言其通氣而已未嘗明言艮爲西北兌爲東南也山必資乎澤澤必出于山豈必卦位與之相對而後氣可相通耶康節既移東北之艮於西北遂移震於東北而移巽於西南曰取易之雷風相薄也然易曰震東方也又曰巽東南也則震居東方巽居東南經有明文矣若雷風相薄特言其相薄而已未嘗明言震爲東北巽爲西南也震惟居正東巽惟居東南逼近而合故言相薄若遠而相對安得相薄而東北爲寅時方正月又豈雷發之時邪康節既移離坎之位以位乾坤

易學

附

十甲

乃移離於正東移坎於正西曰取易之水火不相射也然南方爲離北方爲坎經文炳然若水火不相射特言其性相反而用相資耳未嘗明言離爲東方之卦坎爲西方之卦也說者謂離指火爲日遂以離爲東指水爲月遂以坎爲西按說卦先言離爲火然後言離爲日獨言坎爲水而未嘗言坎爲月蓋日乃太陽之精非特可以離言月乃太陰之精非特可以坎言月雖陰而其出必於東日雖陽而其沒必於西周流運轉晝夜不停非若水火

定位於一方者比也又可借日月以代水火爲言邪易畫於伏羲演於文王繫於孔子傳之天下萬世惟此一易而已未聞有先天後天之分也朱子乃因康節之先天而反有疑於文王孔子之易又有疑於伊川之易傳且有疑於易此章八卦之位何其過也按晦庵答王子合書又言康節言伏羲卦位近於穿鑿附會且當闕之則門人所錄一時之言有未可盡信者已

歸熙甫曰易圖非伏羲之書也邵子之學也昔者

易學

附

十五

庖羲氏之王天下也仰則觀象于天俯則觀法于地觀鳥獸之文與地之宜于是始作八卦以通神明之德以類萬物之情因而重之而剛柔之上下陰陽之變態存矣大傳曰神无方易无體夫卦散於六十四圖可方一入於圖方之形必有曲而不該者故散圖以爲卦而卦全紐卦以爲圖而卦局邵子以先天之法衍爲皇極經世之書有分秒直事之術其自謂先天之學固以此要其旨不叛于聖人然不可以爲作易之本也曰邵子之學所據者大傳也不曰易有太極太極生兩儀兩儀生四象四象生八卦乎此其所謂橫圖也不曰天地定位山澤通氣雷風相薄水火不相射乎此其所謂伏羲卦位也不曰帝出乎震齊乎巽相見乎離致役乎坤說言乎兌戰乎乾勞乎坎成言乎艮此其所謂文王卦位也曰此非大傳之意也邵子謂之云耳夫易之法自一而兩兩而四四而八其相生之序則然也八卦之象莫著于八物而天地也山澤也雷風也水火也是八者不求爲偶而不能

易筌附論終

不爲偶者也帝之出入傳固已詳之矣以八卦配四時夫以爲四時則東南西北繫是焉定非文王易置之而有此位也蓋說卦廣論易之象數自三才以至八物四時百體與夫天地間之所有何所不取孰辨其爲伏羲與文王之別哉雖圖與傳无垂刺然必因傳而爲此圖不當謂傳爲圖說也且邵子謂先天之旨在于卦氣傳何爲舍而曰天地定位後天之旨在于用傳何爲舍而曰帝出乎震傳言卦爻象變詳矣而未嘗一言及于圖所可指以

易筌

附

十本



ZW 21181888541932

易筌六卷附論一卷

江蘇巡撫
採進本

明焦竑撰竑字弱侯應天旗手衛籍山東日照人萬曆己丑進士第一授翰林院修撰尋遷東宮講讀官謫福寧州州同事迹具明史文苑傳是書大旨欲以二氏通於易每雜引列子黃庭內景經抱朴子諸書以釋經史稱竑講學以羅汝芳爲宗而善耿定向耿定理及李贄時頗以禪學譏之蓋不誣云